

1024
B55
1866
508

DAKOTA

WOWAPI WAKAN

THE NEW TESTAMENT

IN THE

DAKOTA LANGUAGE:

TRANSLATED FROM THE ORIGINAL GREEK,

BY STEPHEN R. RIGGS, A. M.

MISSIONARY OF THE A. B. C. F. M.

NEW YORK:
AMERICAN BIBLE SOCIETY,

INSTITUTED IN THE YEAR MDCCCXVI.

1866.

WICOTAKUYE TECA KIN.

	Wicowoyake.		Wicowoyake.
Mattheos	28	I. Timotheos	6
Markos	16	II. Timotheos	4
Lukas	24	Titos	3
Johannes	21	Philemon	1
Olianyanpi kin	28	Hebrew	13
Roma	16	Jakob	5
I. Korinth	16	I. Inyan	5
II. Korinth	13	II. Inyan	3
Galatia	6	I. Johannes	5
Ephesos	6	II. Johannes	1
Philippi	4	III. Johannes	1
Kolosse	4	Judas	1
I. Thessalonike	5	Wayuotanin	22
II. Thessalonike	3		

MATTHEOS

WOTANIN WAŚTE OYAKE CIN.

WICOWOYAKE 1.

1 Jesus Messiya, Dawid cinhintku, Abraham cinhintku, oicage wowapi kin he dee.

2 Abraham Isaak cincaya; qa Isaak Jakob cincaya; qa Jakob Judas qa hunkawanjitku ko cincawicaya:

3 Unkan Judas Phares qa Zara, Tamar etanhan, cincawicaya; qa Phares Esrom cincaya; qa Esrom Aram cincaya:

4 Qa Aram Aminadab cincaya; qa Aminadab Naasson cincaya; qa Naasson Salmon cincaya:

5 Qa Salmon, Racab etanhan, Booz cincaya; qa Booz, Ruth etanhan, Obed cincaya; qa Obed Jesse cincaya:

6 Qa Jesse Dawid wicaštaya-tapi kin cincaya; qa Dawid wicaštayatapi kin Solomon cincaya, Urias tawicu qon etanhan.

7 Qa Solomon Roboam cincaya; qa Roboam Abia cincaya; qa Abia Asa cincaya:

8 Qa Asa Josaphat cincaya; qa Josaphat Joram cincaya; qa Joram Ozias cincaya:

9 Qa Ozias Joatham cincaya; qa Joatham Akaz cincaya; qa Akaz Ezekias cincaya:

10 Qa Ezekias Manasses cincaya; qa Manasses Amon cincaya; qa Amon Josias cincaya:

11 Qa Josias Jekonias cincaya; hunkawanjitku hena koya, Babulon ekta awicayapi qon he ehan.

12 Unkan Babulon ekta awicapi hehan Jekonias Salathial

cincaya; qa Salathial Zorobabel cincaya:

13 Qa Zorobabel Abiud cincaya; qa Abiud Eliakim cincaya; qa Eliakim Azor cincaya:

14 Qa Azor Sadok cincaya; qa Sadok Akim cincaya; qa Akim Eliud cincaya:

15 Qa Eliud Eleazar cincaya; qa Eleazar Matthan cincaya; qa Matthan Jakob cincaya.

16 Unkan Jakob Joseph, Mary hihnaku kin, he cincaya; he etanhan Jesus Messiya eciyapi kin icage.

17 Hecen wicoicage owasin, Abraham etanhan Dawid hehanyan, wicoicage ake topa; qa Dawid etanhan, Babulon ekta awicayapi qon hehanyan, wicoicage ake topa; qa Babulon ekta awicayapi etanhan, Messiya hehanyan, wicoicage ake topa.

18 Unkan Jesus Messiya icage cin he kaketu: Hunku Mary he Joseph yuze kta, tuka hinašin kici un śni, wanna Woniya Wakan kin on ihduśaka.

19 Unkan hihnaku Joseph he wicašta owotanna, qa taninyan oyake kta tawaŋenye śni, heon nałimana eliŋeye kta kecin.

20 Tuka hena hecen awacin un qehan, iho, Itancan taohniŋde wan wowihanmde en ihdutanin qa heya; Joseph, Dawid cinhintku, Mary winołınca nitawa kin he yahduze kta kokipe śni wo, taku itpihnake cin he Woniya Wakan kin etanhan.

21 He cinca ton kta, unkan

Jesus eya caşyaton kta ; iye tao-yate kin wahtanipi kin etanhan niwicaye kta, heon etanhan.

22 Unkan dena owasin hecen econpi, Itancan oie, wicašta wokcan oyake ciqon he yuecetupi kta ; he hecen eya ;

23 Iho, witanşna un wan ihduşake ça cinca ton kta ; unkan Emmanuel eya caştonpi kta ; Wakantanka unkicipi un, eyapi kin he kapi.

24 Unkan Joseph iştinma etanhan kikta, hehan Itancan taohnihde token econşi qon he ecen econ, qa tawicu hduza.

25 Tuka cinca tokapa cinca ton şni hehanyan sdonye şni ; unkan Jesus eya caşkiton.

WICOWOYAKE 2.

1 Unkan Herod wicaştayatapi taanpetu kin he ehan, Bethlehem Juda makoce kin en Jesus tonpi, hehan iho, wiyohiyanpatanhan wicašta ksapa Jerusalem en hipi qa heyapi ;

2 Tuwe Juda oyate kin en wicaştayatapi kta tonpi kin he tukten un he ; wicanhipi tawa kin he wiyohiyanpata wanunyakapi qa ohoundapi kta on unhipi ce.

3 Herod wicaştayatapi kin he nañon, unkan nina yuşinyaya, Jerusalem ocowasin nakun.

4 Unkan woşnapi kagapi owasin qa oyate kin en wowapi kagapi kin hena wicayuwitaya, hehan Messiya tukten tonpi kta hecinhan, he iwicawanga.

5 Unkan heciyapi ; Juda makoce kin en Bethlehem otonwe kin hetu ce ; wicašta wokcan kin en kaken owapi ;

6 Qa niş Bethlehem, Juda makoce kin en, Juda itancanpi kin ehna iyotan nicistinna şni ; enitanhan wicaştayatapi wan ukta,

he Israel mitaoyate kin wonwicaye kta.

7 Hehan Herod wicašta ksapapi qon nalimana wicakico, qa wicanhipi kin tohanhan tanin ece, he atayedan iwicawanga.

8 Hehan Bethlehem ekta ye wicaşi qa heya ; Ya po, qa hokşıyoqopa kin nina ode po ; qa iyeyayapi kinhan hoşimakahdi po ; miş eya wau qa ohowadà kta, eya.

9 Wicaştayatapi ia nañonpi hehan tankan iyayapi ; unkan iho, wicanhipi wiyohiyanpata wanyakapi qon he wicitokam iyaye ça hokşıyoqopa wanke cin he iwan kam inajin.

10 Unkan wicanhipi kin wanyakapi qehan wowiyuşkin tanka on iyuşkinpi.

11 Unkan ti mahen ipi hehan hokşıyoqopa kin wanyakapi, hunku Mary nakun, qa itokam makata elpeiçiyapi qa ohodapi : unkan wopiye hduhdokapi hehan taku qupi, mazaskazi, qa canşin pejihuta waştēmna koya.

12 Unkan wowihanmde on Wakantanka wahowicaya, Herod ekta hdapi kte şni, hehan canku tokeca ohna iye tamakoce ekta hdapi.

13 Hena wanna kihdapi hehan, iho, Itancan taohnihde wan wowihanmde on Joseph en ihdutanin qa heya ; Najin qa hokşıyoqopa hunku kici iwicacu qa Egipta ekta najica wo, qa tohan ociciyake kte cin hehanyan hen un wo : Herod hokşıyoqopa kin kte wacin on etanhan ode kta ce.

14 Hecen hanyen najin hiyaye, ça hokşıyoqopa hunku kici ewicahdaku, qa Egipta ekta iyaya :

15 Qa hen un, Herod te cin hehanyan : Hecen Itancan wicašta wokcan on taku eye ciqon

WICOWOYAKE 3.

he yuecetupi kta; Egipta etanhan micinksi weco ce.

16 Wicašta ksapapi qon Herod hnayanpi wanhdake çehan nina šihdà; qa akicita ekta yewicaši, qa Bethlehem qa makece ihduksan koya en, hoksiyopa owasin wicakte, tona waniyetu nonpa qa ihukuya, wicašta ksapapi wiwicawange ciqon he iyacinyan.

17 Unkan hehan Jeremiya wicašta wokcan oie qon yuecetupi, he kaken eya;

18 Rama en wicaho wan nahonpi, icidowanpi, wicaceya qa wašihdapi tanka; Racel cinca awicakiceya qa wacintonknakapi kta cin šni, cinca en unpi šni na-kaeš.

19 Tuka Herod wanna ta hehan, iho, Itancan taohnihde wan Egipta ekta Joseph en taniniçiya;

20 Qa heya; Najin qa hoksiyoqopa hunku kici ewicahdaku, qa Israel makece tawa kin ekta hda wo; tona hoksiyoqopa ta cinpi qon hena wanna tapi.

21 Unkan najin hiyaye ça hoksiyoqopa hunku kici ewicahdaku qa Israel tamakoce kin en hdi.

22 Qa Arcelaos, Juda makece kin en, atkuku Herod tohe kin en wicaštayatapi yanka, he nahon hehan ekta hde kta kokipa; tuka wowihanmde on Wakantan-ka wahoye cin on, Galile makece kin ekta iyaya:

23 Qa otonwe wan Nazareth eciyapi kin he en hi qa hen yanka; hecen, Nazareth wicašta eciyapi kta ce, wicašta wokcan eye ciqon he yuecetupi.

WICOWOYAKE 3.

1 Unkan anpetu kin hena en, Johannes baptem wicaqu ece kin

he Juda tamakoce hewoskan ekta woyaka hi;

2 Qa heya; Ihduecetupi po, mahpiya wokiconze kin wanna ki-yedan u ce.

3 Isaya wicašta wokcan caje-yate ciqon he dee, kaken eya; Wicaho hewoskan en hotanin; Itancan tacanku kin wiyeya ehna-ka po, ocanku tawa kin owotanna kaga po.

4 Unkan Johannes ege tawo-koyake taku wan kamel eciyapi he hin kin on kagapi, qa tehimiso wan ipiyagkiton; unkan tawoyute kin psipsicadan qa tuhмага canhanpi kin hee.

5 Hehan Jerusalem qa Juda qa Jordan ihduksan tanhan owasin en hipi:

6 Unkan Jordan en baptem wicaqu, woahitani ohdakapi.

7 Unkan Pharisee qa Saddukee wicota baptem wicaqu kin en hipi wanwicayaka, hehan hewicakiya; Wamduška wicoicage kin, wocanniye u kte cin naye-cipapi kta tuwe e wahokonnic-yapi he.

8 Heon etanhan ihduecetupi kta iyececa waskuyeca içahiya po:

9 Qa, Abraham ateunyanpi ce, eyeciyapi kta awacinpi šni po; miye heciciyapi, Inyan kin dena etanhan Wakantanka Abraham cinca kicage kta okihi.

10 Unkan wanna onspe kin can hute kin en ehna-kapi; heon etanhan can otioyohi waskuyeca wašte aicage šni kin he kawan-kapi qa petan ehpeyapi ece.

11 Miye nihduecetupi kta on mini on baptem ciçupi; tuka wanji iyotan wašaka mihakam u, he tahanpe kin weciyuhe kta iyemicihantu šni; he qe Woniya Wakan qa peta on baptem niçu-pi kta.

12 Icaduge nape ohna hduha, owanka tanyan hdahinte kta, qa aguyapi su kin dotopiye ohna mnakiye kta, tuka ha kin peta kasnipica šni on hulinahiye kta.

13 Hehan Jesus Galile etanhan u, qa Jordan ekta Johannes en hi, baptem qupi kta e heon.

14 Tuka Johannes tehinda qa heya; Baptem mayaqu kta iye-maceca, qa niš en mayahi he.

15 Tuka Jesus ayupte ɸa heciya; Dehan iyowinyan wo; decen wicoowotanna ocowasin unštan kta iyececa. Hehan iyo-winkiya.

16 Unkan Jesus baptem qupi qehan ecahankeya mini kin etanhan itawankanhde hda; unkan iho, mahpiya kin ayuzam-nipi, qa Wakantanka Taniya kin wakiyedan kahya kuntkiya u, qa en hiyahan, wanyaka.

17 Unkan iho, mahpiya eciya-tanhan wicaho wan heya; Mi-cinkši wašte wakidake cin he dee, on iyomakipi linca ce.

WICOWOYAKE 4.

1 Hehan Jesus woniya on he-woskan makoce kin ekta ayapi, Wakansica iyutanye kta e heon.

2 Unkan wanna anpetu wikcem-na topa qa hanyetu wikcemna topa wote šni un, hehan wote-ktehda

3 Unkan wawiyutanyan kin en hi qa heciya; Wakantanka Cin-hintku kin he niye hecinhan, inyan kin dena aguyapi icage kta keya wo.

4 Tuka iye ayupte ɸa heya; Aguyapi ecedan on wicašta ni kte šni, tuka wicoie otoiyohi Wakantanka i eciyatanhan e-nanpe cin hena on, hecen wowapi kagapi qon.

5 Hehan Wakansica otowwe

wakan kin ekta aya, qa tipi wa-kan oinkpa wan akan ehde;

6 Qa heciya; Wakantanka Cin-hintku kin he niye hecinhan, he-tanhan kun elpeiciya wo; Aka-ken wowapi en kagapi ce; Tao-hnihde kin niye on econ wica-ši kta, hecen nape ohna niyuhapi kta, inyan wan en siha iboni-to kte šni.

7 Tuka Jesus heciya; Akeš wowapi en kagapi; Itancan Wakantanka nitawa kin he iyu-tanyaye kte šni.

8 Hehan ake Wakansica paha wan tehanwankantuya kin he ekta aya, qa maka akan woki-conze kin owasin wowitan ko kipazo;

9 Qa heciya; Makata elpeni-ciye ɸa ohomayada kinhan, dena owasin ciu kta ce.

10 Hehan Jesus heciya; Satan miheyata ya wo; Itancan Wakantanka nitawa kin he ohoyada kta, qa isnana wowidagniye kta ce, eya owapi tuka qon.

11 Hehan Wakansica ayušan; unkan iho, mahpiya ohnihde kin en hipi qa okiyapi.

12 Unkan Johannes kaškapi he nahon hehan *Jesus* Galile ekta iyaya:

13 Qa Nazareth elpeya iyaye ɸa Kapernaum en hiyanka, he mde kin icahda, Zabulon qa Nephtalim opapun kin hetu.

14 Hecen Isaya oie qon yuece-tupi kta;

15 Zabulon makoce qa Nephtalim makoce, mde kahda ocanku kin, Jordan akasanpa tanhan, Galile Ikcewicašta oonyanpi kin:

16 Oyate otpaza en iyotanke cigon he iyoyanpa tanka wanyakapi, qa tona wiconte makoce qa ohanzi kin en iyotankapi kin hena iyoyanpa awicahinanpa ce.

17 Unkan hetanhan Jesus wo-

yaka aye ça heya ece ; Ihduece-
tu po, mahpiya wokiconze kin
wanna kiyedan u ce.

18 Unkan Galile mde kin ica-
hda mani icunhan, wicašta nom
sunkakiciyapi wanwicayaka, Si-
mon, Inyan eciyapi, qa sunkaku
Andrew *eciya*pi, ho wan mde kin
en iyeyapi ; hena hopsicapi kin
hecapi :

19 Unkan hewicakiya ; Miyahna
u po, kinhan wicašta wicadupsi-
capi ece e kta cicagapi kta ce.

20 Unkan echankeya ho kin
ehpeyapi qa ihakam iyayapi.

21 Unkan hetanhan iyoopta ye
ça, nakun nom sunkakiciyapi
wanwicayaka, Jakob Zebede
cinhintku qa sunkaku Johannes,
wata kin ohna atkukupi Zebede
kici unpi qa ho piyapi ; unkan
hena wicakico.

22 Is eya wata kin atkukupi ko
ohankoya ehpeyapi qa ihakam
iyayapi.

23 Unkan Jesus Galile owan-
caya iyaya, omniciye tipi yuhapi
kin ohna waonspewicakiye ça,
wokiconze wotanin wašte kin
oyaka ece, qa oyate kin en wo-
wayazan owasin qa wicocante
šica owasin asniyan ece.

24 Unkan ohan kin Suriya
owancaya oyakapi ; hecen tona
šicaya yukanpi, qa tona wowa-
yazan ocaje owasin on waya-
zanpi, qa tehiya unpi, qa tona
taku wakan šica yuhapi, qa taša-
pike cin hena koya owasin en
awicahipi ; unkan asniwicaya.

25 Hecen oyate ota ihakam
yapi ece, Galile etanhan, qa De-
kapolis qa Jerusalem qa Juda
etanhan, qa Jordan akasanpa
tanhan.

WICOWOYAKE 5.

1 Unkan wicota wanwicayaka
hehan paha wan ekta iyaya ; qa

hen iyotanka hehan waonspe-
wicakiye cin en hipi.

2 Unkan i hdukawa qa waon-
spewicakiye ça heya ;

3 Tona cante mahen onšiiči-
dapi kin hena wicayawaštepi ce ;
mahpiya wokiconze kin he tawa-
pi ece.

4 Tona ceyapi kin hena wicaya-
waštepi ; hena wicakihnapi kta.

5 Tona onšihanpi kin hena wi-
cayawaštepi ; maka kin de ta-
wapi kta.

6 Tona woowotanna on wote-
ktehdapi qa ipuzapi kin hena
wicayawaštepi ce ; hena imnan-
pi kta.

7 Tona waonšidapi kin hena
wicayawaštepi ; hena onšiwica-
dapi kta.

8 Tona cante en ecepidan kin
hena wicayawaštepi ; hena Wa-
kantanka wanyakapi kta.

9 Tona wookiye kagapi kin he-
na wicayawaštepi ; hena Wakan-
tanka cinca ewicakiyapi kta.

10 Tona woowotanna econpi
kin on šicaya kuwapi kin hena
wicayawaštepi ; mahpiya woki-
conze kin he tawapi ece.

11 Tohan aniiapi qa šicaya ni-
cuwapi, qa miye on itonšniyan
taku šica owasin eniciyapi kin-
han, niyawaštepi ece.

12 Wiyuškinpi qa nina cante
wašte po, mahpiya ekta ocinyo-
peniyanpi tanka yanka ; wicašta
wokcan nitokam unpi qon hena
iš eya hecen wicakuwapi qon.

13 Maka miniskuya kin he ni-
yepi. Tuka miniskuya kin he
skuye šni kinhan taku e on sku-
yeyapi kta he ; hetanhan taku-
dan okihi kte šni, tankan ehpe-
yapi kta qa wicašta amanipi kta.

14 Oyate iyoyanpa kin he niye-
pi. Otonwe wan paha akan ka-
gapi kin he analibepica šni ece.

15 Nakun petijanjan ideyapi qa

MATTHEOS.

koka olidateya iyeyapi šni, tuka petijanjan ihupa wan en oštanpi, hecen tipi kin ohna owasin iyo-yamwicaya ece

16 He iyecen wicašta itokam iyoyanpa nitawa iyojanjan kta, hecen wicoħan wašte nitawa wanyakapi kta, qa maħpiya ekta ateyayapi yanke cin he yuonihanpi kta.

17 Woope qa wicašta wokcan kin mdutakuni kte šni on wahi kecinpi šni po, ihangyapi on wahi šni tuka yuecetupi kta on.

18 Awicakehan heciciyapi; Maħpiya qa maka kin atakunišni ešta, oowa wanjidan qa oehnake wanjidan woope kin etanhan icupi kte šni, owasin ecetu kta.

19 Heon etanhan, tuwe woahope kin dena wanji cistinna ahope šni, qa hecen wicašta onspewicakiye cinhan, he maħpiya woki-conze kin en iyotan cistinna yawapi kta; tuka tuwe ecen econ qa iyecen waonspewicakiye cinhan, he maħpiya wokiconze kin en tanka yawapi kta.

20 Miye heciciyapi ce; Wicoo-wotanna nitawapi kin, wowapi kagapi qa Pharisee tawapi kin isanpa tanka šni kinhan, maħpiya wokiconze kin en ecaca oyapapi kte šni.

21 Tuwedan yakte kte šni, hunkawicayapi kin eyapi keyapi nayahonpi; qa tuwe tin wicakte kinhan he yacopi kta ce.

22 Tuka miš heciciyapi; Tuwe taku on etanhan šni sunkaku šicekidake cinhan he yacopi kta; qa tuwe sunkaku, Waħtešni, eciye cinhan he omniciye tanka kin en ayapi kta; qa tuwe, Winitkotkoka, eciye cinhan, he Wakansica tapeta kin en iyohpeyapi kta iyececa.

23 Heon etanhan wošnapi nitawa owayušna kin ekta ayahi kin-

han, qa hen nisunka taku iyanionpa he yeksuya hecinhan;

24 Ito wošnapi nitawa owayušna kin itokam ehnaqe a ekta ya wo, tokaheya nisunka kici okiciciye a hehan ku qa wahdušna wo.

25 Tuwe taku en aniu hecinhan he kohanna kici okiciyuwašte wo, canku ohna kici yaun kin icunhan; okinni wayaco ekta aniye kta, qa wayaco kin is akicita en aniye kta, qa hecen kaška nihnakapi kta:

26 Awicakehan heciciya; Tohanyan mazašadan ehake yahdajuju šni kinhan hetanhan tankan yaku kte šni.

27 Wawiciahapi ecanon kte šni, hunkawicayapi qon eyapi keyapi nayahonpi.

28 Tuka miš heciciyapi; Tuwe winohinca wan en etonwe a cantiheye cinhan he wanna cante ekta kici wawiciahapi econ.

29 Ništa etapa eciyatanhan kin he waħtaniniye cinhan hdušdoke a ehpeya wo; ništa wanji atakunišni kinhan he wašte kta, qa tancan ocowasin Wakansica ti kin en ehpeniyanpi kte šni.

30 Qa ninape etapa kin waħtaniniye cinhan hdakse a ehpeya wo; nihuha wanjidan atakunišni kinhan he wašte kta, qa tancan ocowasin Wakansica ti kin en iyohpeniyanpi kte šni.

31 Tuwe tawicu ehpekiye kta hecinhan kpaganpi wowapi wan qu kta, keyapi qon.

32 Tuka miš heciciyapi; Tuwe tawicu ehpekiya, wawiciahapi econ kin on etanhan šni, he wawiciahapi econkiya ece; qa tuwe winohinca ehpeyapi kin he yuze cinhan he nakun wawiciahapi econ ece.

33 Akeš hunkawicayapi qon heyapi keyapi nayahonpi; Itonšni

WICOWOYAKE 6.

niçicage kte śni, tuka taku konza Itancan kin eyakiye cinhan hena yahduecetu kta ce.

34 Tuka miś heciciyapi; Taku cajedate ça he namañon ce, eye śni wo; mañpiya kin he hecen *cajedate* kte śni, he Wakantanka oiyotanke tawa kin hee.

35 Qa nakun maka kin de, he Wakantanka siha oahe kin ee; qa nakun Jerusalem hecen *cajedate* kte śni, Wicaśtayatapi tanka to-tonwe kin hee.

36 Qa nakun nipa kin he caje yahdate kte śni, paha wanjidan kaeś ska qa iś sapa yakage kta oyakihi śni, heon etanhan.

37 Tuka taku ehe cin, Han, han; Hiya, hiya, ecedan kta; taku dena sanpa kinhan he taku śica etanhan icage kta.

38 Iśta wanji iśta wanjidan on etanhan, qa hi wanji hi wanjidan on etanhan, keyapi nayañonpi.

39 Tuka miś heciciyapi; Taku śica tokiçonpi śni po; tuka tuwe tapon etapa eciyatatanhan anipe cinhan unma eciyatatanhan kipazo po.

40 Qa tuwe woepe on niyaco qa onlidoñida nici kta cin kinhan, nitaśina nakun tehinda śni wo.

41 Qa tuwe wiyutapi hanska wanji hehanyan kici yeniye kta hecinhan, nom kici ya wo.

42 Tuwe taku nicida kinhan qu wo; qa tuwe wonicidota hecinhan etanhan ihdamna śni wo.

43 Tuwe nikiyedon un kin he waśteyadake kta, qa tuwe toka-niye cin he śiceyadake kta, eya-pi qon nayañonpi.

44 Tuka miś heciciyapi; Tona tokaniyanpi kin hena cante wicakiya po; qa tona niyaśicapi kin hena wicayawaśte po; tona śicenidapi kin hena taku waśte ecawicakicon po; qa tona taku i en iyenianpi qa tehiya nicuwapi

kin hena wocekiye ewicakiciya po.

45 Hecen Ateyayapi mañpiya ekta un kin he cincaniyanpi yaunpi kta; he qe anpetu wi tawa kin wicaśta śica wicaśta waśte ko en awicahinanpeya ece, qa wicaśta owotanna owotanna śni ko awicamagajuya ece.

46 Tona waśtenidapi kin hena waśte wicayadapi kinhan wokajuju taku duhapi he; wamnayanpi kin hena eepi kaeś heconpi śni he.

47 Qa sunka wicayayapi kin henana napewicaduzapi kinhan, taku econpi ece sanpa tukte e ecanonpi he; wamnayanpi kin hena eepi kaeś heconpi śni he.

48 Heon etanhan Niyatepi mañpiya ekta un kin he owotanna hinca he iyecen niś eya owotanna hinca un po.

WICOWOYAKE 6.

1 Wicaśta itokam ihnuhan taku ituyañanpi kinhan, wanniya-kapi kta heon; hecen ecanonpi kinhan Niyatepi mañpiya ekta un kin he takudan niçupi kte śni.

2 Heon etanhan tohan taku wicayaqu kta hecinhan nitokam cotanka yajowicayakiye kte śni, wanaicilmanpi kin omniciye tipi qa canku ohna econpi ece kin iyececa, wicaśta on wicayatampi kte cin heon; awicakehan heciciyapi; Hena wokajuju hduhapi ece.

3 Tuka niye taku wicayaqu eca ninape etapa taku econ kin he nicatka sdonye kte śni.

4 Hecen wawicayaqu kin he nañmana un kta; qa Niyatepi taku nañmana un kin wanyaka ece kin he iye taninyan nicicajuju kta.

5 Qa tohan ceyakiya eca wana-
içilmanpi kin iyenicece kte şni;
hena ege omniciye tipi qa canku
oise kin en najin cekiyapi waşte-
dakapi ece, wicašta wanwicaya-
kapi kta e heon; awicakehan
heciciyapi; Hena wokajuju hdu-
hapi ece.

6 Tuka niye qe ceyakiye cin-
han, tipi cistinna nitawa kin en
timahen yakiyahde ça tiyopa
ecen iyacu kinhan, hehan Niyate
nahmana un kin he cekiya
wo, qa Niyate nahmana wawan-
yaka ece kin he taninyan nici-
cajuju kta.

7 Ceyakiyapi kinhan akihdehde
oie kiçunpi şni po, Ikcewicašta
econpi kin iyececa; hena e iapi
ota unpi kin on nawicañon kta
kecinpi.

8 Niye hena iyenicecapi kte
şni; hinañin yakidapi şni itokam,
hena taku kin yacinpi, Niyatepi
sdonya ece.

9 Heon etanhan kaken cekiya
po; Ate unyanpi mañpiya kin
en; Nicaje wakandapi kte;

10 Nitokiconze u kte; Nitawa-
cin ecen econpi nunwe, mañpiya
kin en iyececa, nakun maka
akan:

11 Anpetu kin de anpetu woyu-
te unqu miye:

12 Qa waunñtanipi kin unkici-
cajuju po, tona waunkiciñtanipi
wicunkicicajujupi kin he iye-
ceca:

13 Qa taku wawiyutanyan un
kin en unkayapi şni po, tuka
taku şice cin etanhan eunhdaku
po: Wokiconze kin he niye ni-
tawa, qa wowaşake kin, qa wo-
witan kin, owihanke wanica.
Amen.

14 Niye wicašta wañtanipi wi-
cayecicajujupi kinhan, Niyatepi
mañpiya ekta un kin he nakun
niye nicicajujupi kta.

15 Tuka niye wicašta wañta-
nipi kin wicayecicajujupi şni
chantanhan, nakun Niyatepi wa-
yañtanipi kin nicicajujupi kte
şni.

16 Tohan wote şni yaunpi kin-
han wanaicilmanpi kin iyecen
ite şinkiyapi şni po; hena ege
ite hduşicapi ece, hecen wicašta
ekta wote şni unpi e ihdutaninpi
kta; awicakehan heciciyapi,
Hena wokajuju hduhapi ece.

17 Tuka niye qe wote şni yaun
kinhan pa sdakiye ça ite hduja-
ja wo:

18 Hecen wicašta en wote şni
yaun nihdutanin kte şni, tuka
Niyate nahmana un kin he en
nihdutanin kta; qa Niyate na-
hmana wawanyake cin he tanin-
yan nicicajujupi kta.

19 Woyuha maka akan ekihna-
kapi şni po; hen wamduşkadan
qa gigi kin wayutakunişni ece,
qa wamanon sa wayujujupi qa
wamanonpi ece.

20 Tuka woyuha mañpiya kin
ekta ekihnaka po; heciya wa-
mduşkadan qa gigi kin wayuşice
cin wanica, qa wamanon sa wa-
yujujupi şni qa wamanonpi şni.

21 Tukten woyuha niciyanka-
pi hecinhan, nicantepi nakun
hen un kta.

22 Wicišta kin he wicatancan
iyoyanpa kin hee; heon etanhan
ništa tokeca şni kinhan nitan-
can ocowasin iyoyanpa kta:

23 Tuka ništa şice cinhan ni-
tancan kin ocowasin otpaze kta.
Heon iyoyanpa en niun kin he
otpaza hecinhan, otpaza kin he
tanka linca.

24 Tuwedan wicašta itancan
nom anawicagoptan kta okihi
şni; wanji şice kidake kta, qa
unma kin is waşte kidake kta;
wanji en iyaihdaşke kta, qa un-
ma kin is en etonwe kte şni;

WICOWOYAKE 7.

Wakantanka qa mammon napin anagoptan oyakhipi kte *śni*.

25 Heon etanhan heciciyapi ; Yanipi kin on nagiyeiciyapi *śni* po, taku yatapi kta, qa taku datkanpi kta ; qa nakun nitancanpi on taku kodakapi kta : Wiconi kin he woyute isanpa *śni* he ; qa wicatancan kin is wokoyake isanpa *yawapi* *śni* he.

26 Malipiya okinyanpi kin hena wanwicayaka po, hena wojupi *śni*, qa woksapi *śni*, qa mazopiye en omnayanpi *śni*, tuka Niyatepi malipiya eкта un kin he hena wowaqu ece ; unkan niye hena isanpa niyawapi *śni* he.

27 Niyepi etanhan wanji tukte e he awacannipi on wiciśpa wanjidan kaes sanpa nihduhanskapi oyakhipi kta he.

28 Qa tokeca wokoyake on iyokišinniciyapi he ; tinta mnaheca kin wanyaka po, icage cin ; htani *śni* qa nakun waphmun *śni* ;

29 Tuka heciciyapi ; Solomon wowitan tanka hduha un qon hee kaes de wanji iyececa wokoyake kičun *śni*.

30 Unkan tinta peji, dehan icage ça heyakecinhan oceti en elipeyapi ece kin, he Wakantanka hecen koyagya hecinhan, niś niye wacinyan nicistinpidan, sanpa wakoyagnianpi kte *śni* he.

31 Heon etanhan, Taku untapi, qa taku unyatkanpi, qa taku kounyakapi kta he, eya wacin iyoikišicapi *śni* po.

32 Taku kin hena owasin Ikcewicašta akitapi ece ; qa Niyatepi malipiya eкта un kin he dena takuowasin yacinpi esdonya ece.

33 Tuka Wakantanka tokiconze kin he tokaheya akita po, qa too-wotanna nakun ; kinhan dena taku owasin koya ničupi kta.

34 Heon etanhan heyakecinhan

on iyokišinniciyapi *śni* po ; heyakecinhan he taku tawa kin on iyokišica ece e kta ; anpetu eca taku śica tawa kin yukan ece e kta.

WICOWOYAKE 7.

1 Wayacopi *śni* po, hecen niyacopi kte *śni*.

2 Woyaco tukte e on wadacopi hecinhan he on niś eya niyacopi kta ; qa wiyutapi tukte e on widutapi eca hee on winiciyutapi ece e kta.

3 Qa nisunka išta kin en takuśni yanka e tokeca wandaka he ; qa cankaga wan ništa ohna yanke cin he wanyahdake *śni*.

4 Qa is token nisunka, Ito ništa kin etanhan takuśni kin icicicu kta, eyakiye kta he ; qa iho, cankaga wan ništa ohna yanka ce.

5 Wanaičilman, tokaheya cankaga išta ohna niyanke cin he hduśdoka wo ; qa hehan takuśni nisunka išta ohna yanke cin he iyacu kta tanyan wandake kta.

6 Taku tona wakan kin hena śunka wicacupi *śni* po, qa inyan tehika nitawapi kin kukuśe wicitokam elipeyapi *śni* po ; okinni siha on amanipi kta, qa akeś hdicupi qa niyahdecapi kta.

7 Da po, kinhan ničupi kta ; ode po, kinhan iyeyayapi kta ; en katoto po, kinhan niciyuhdokapi kta.

8 Tuwe da eca icu ece ; qa tuwe ode eca iyeya ece ; qa tuwe *tiyopa* katoto eca he kiciyuhdokapi ece.

9 Unkan enitanhanpi wicašta wanji cinhintku aguyapi kida kinhan, inyan wanji qu kta he.

10 Qa hogan kida kinhan wamduška wan qu kta he.

11 Heon etanhan niye nišicapi

esta, taku wašte nicinca wica-
yaqupi kta onnispepi ehantan-
han, Niyatepi malipiya ekta un
kin he, sam iyeya tona kidapi
kin, taku waštešte wicaqu ece
e kta.

12 Heon etanhan taku tona
wicašta ecaniconpi kta yacinpi
kinhan, hena owasin ecawicaki-
con po; woope qa wicašta wo-
keanpi kin iho hee.

13 Tiyopa ciqadan kin he ohna
ya po; Tiyopa kin tanka qa can-
ku nakun tanka wicotakunišni
iyahde, qa ohna iyayapi kin wi-
cota hinca.

14 Tuka tiyopa kin ciqadan qa
canku nakun ocistiyedan wico-
ni iyahde; qa wicašta tonana
iyeyapi ece.

15 Wicašta wokcan itonpišni
kin hena kowicakipa po; hena
tahinca wanunyanpi iyecen ko-
yag en nihipi, tuka mahen šun-
ktokeca wayapota ece kin hecapi.

16 Waskuyeca tawapi kin on
sdonwicayayapi kta. Wicašta
wapepeka etanhan hastanhanka
yušpipi he, qa toka hu kin etan-
han suken waskuyeca icupi he.

17 He iyecen can wašte owasin
waskuyeca wašte icalhya ece;
tuka can šice cin waskuyeca
šica aicaga ece.

18 Can wašte kin he waskuye-
ca šica icalhye kta ohihi šni; qa
nakun can šice cin he waskuyeca
wašte icalhye kta ohihi šni.

19 Can otoiyohe waskuyeca
wašte aicage šni kin he kawan-
kapi qa petan chpeyapi ece.

20 Heon etanhan waskuyeca
tawapi on sdonwicayayapi kta.

21 Tona, Itancan, Itancan, ema-
kiyapi kin owasin malipiya wo-
kiconze kin en yapi kte šni; tu-
ka tuwe Atewayaya malipiya ekta
un kin tawacin kin ecen econ
kinhan hee *en un kta*.

22 Anpetu kin he en wicota
hemakiyapi kta; Itancan, Itan-
can, nicaje on wiunyukeanpi šni
he; qa nicaje on taku wakan
šica napewicunyanpi; qa nicaje
on wicolian tanka ota econkupi
ece.

23 Tuka behan hewicawakiye
kta; Tohinni sdonciyapi šni,
wicolian šica ecanonpi kin mi-
tantanhan iyaya po.

24 Heon etanhan tuwe mioie
kin dena nahon, qa ecen econ
kinhan, he wicašta ksapa e imda-
cin kta, he qe imnija wan akan
ti kicaga.

25 Unkan nina magaju qa mi-
nitan aya; nakun tateyanpa
hinca, qa tipi kin he en ihaya,
tuka hinhpaye šni; inyan akan
kagapi nakaes.

26 Qa tuwe mioie kin dena
nahon, tuka ecen econ šni kin-
han, he wicašta witkotkoka iye-
ceca, he wiyaka akan tipi kica-
ga.

27 Unkan nina magaju qa mini
tanka icaga, nakun tateyanpa
hinca, qa tipi kin he en ihaya;
uncan hinhpaya; qa ihangyapi
kin he tanka.

28 Unkan Jesus wicoie kin
dena ihunnikiya, behan wicota
wahokonwicakiye cin on yušin-
yayapi.

29 Wanji wookihi yuhe cin
iyecen wahokonwicakiya, qa wo-
wapi kagapi econpi kin iyece-
ce šni.

WICOWOYAKE 8.

1 Unkan paha kin etanhan kun
ku qehan, wicota hinca ihakam
unpi.

2 Unkan iho, wicašta wan lep-
ros ececa he en hi qa canpeška
makehde inajin qa heciya; Itan-
can, yacin kinhan, asnimayaye
kta oyakihi.

3 Unkan Jesus nape ekta yekiye ça yutan, qa heciya; Wacin; hecen asni wo. Unkan ecehna-na wowayazan kin ayuſtan.

4 Unkan Jesus heciya; Ihunhan tuwe oyakidake cinhan; tuka ekta ye ça woſnapi kage cin he en ihdutanin wo, qa taku Moses econniſi qon he wayuſna wo, sdonyapi kta e heon etanhan.

5 Unkan Jesus Kapernaum en hi qehan, akicita tancan wan en u qa cekiya;

6 Qa heya; Itancan, hokſidan mitawa tiyata wanka taſaka, nina yazan.

7 Unkan Jesus heciya; Wau qa aſniwaye kta.

8 Hehan akicita opawinge wicayuhe cin he ayupte ça heya; Itancan, wati en timahen yau kta iyemacece ſni; tuka oie kin ecedan eya wo, kinhan hokſidan mitawa asni kta:

9 Miſ eya wicaſta itancan hemaca, qa akicita wicamduha; unkan wanji, Ya wo, ewakiya eca, ya ece; qa wanji tokeca, U wo, *ewakiya* eca, u ece; qa mitaokiye, Kaken econ wo, *ewakiya* eca, ecen econ ece.

10 Unkan Jesus he naſion qehan yuſinyaya, qa ihakam unpi kin hewicakiya; Awicakehan heciciyapi, Israel hee kaeſ en wacinyanpi hinsko tanka iyewaye ſni ce.

11 Nakun heciciyapi; Wiyo-hiyanpa tanhan qa wiyohpeya tanhan wicota upi kta, qa Abraham qa Isaak qa Jakob om iyotankapi kta, mahpiya woki-conze kin en:

12 Tuka wokiconze cincapi kin hena tankan iyewicayapi kta, otpaze hinca ekta; heciya wicaceya hi hdakinskinzapi ko yuke kta.

13 Unkan Jesus akicita opa-

winge wicayuhe cin heciya; Hda wo, wacinyaye cin iyecen ecaniconpi nunwe. Unkan wihiyayedan oape kin he en hokſidan tawa kin asniyanpi.

14 Unkan Jesus Inyan ti kin en tin iyaya, hehan kunku kin makata wanka wanyaka, tancan kata.

15 Unkan nape kin yutan, hehan tancan kate cin ayuſtan; unkan najin qa wowicakihan.

16 Wanna hitayetu hehan wakan ſica wicayuhnaſkinyan ota en awicahipi; unkan oie kin on wakan ſica napewicaya; qa tona wayazankapi kin owasin asniwicaya.

17 Hecen Isaya wicaſta wocan taku eye ciqon he yuecetupi kta; he kaken eya; Iye tehiya unyakonpi kin eunkiciyakupi qa waunyazanpi kin yutokan iyeunkiciciyapi ece.

18 Unkan Jesus wicota hinca ihdukſan yukanpi kin hena wanwicayaka hehan akasanpa yapi kta keya.

19 Unkan wowapi kaga wan en hi qa heciya; Waonspekiya, tokiya da eca cihakam waun ece e kta.

20 Unkan Jesus heciya; Sun-gidan waſun tonpi, qa mahpiya okinyanpi kin holpi yuhapi ece; tuka Wicaſta Cinhintku kin tukten pa ipahinye kta yuhe ſni.

21 Hehan waonspewicakiye cin tokeca wanji heciya; Itancan, tokaheya wahde ça ate wehe kta e iyowinmakiya ye.

22 Tuka Jesus heciya; Miham un wo; ito tapi kin hena tona kitapi kin wicakihapi kta.

23 Unkan wata wan en opa, hehan waonspewicakiye cin iham upi.

24 Unkan iho, mini kin ekta tate iyumni wan tanka; hecen

wata kin taja on akalıpapi; tuka iye iştinma yanka.

25 Unkan waonspewicakiye cin en hipi, qa yuhicapi qa heciyapi; Itancan, niunkiya po, unţapi kta ce.

26 Unkan hewicakiya; Cistin-wa wacinyayapi kin, tokeca koyakipapi he. Hehan inajin qa tate mini ko kişica; unkan amdakedan tanka.

27 Tuka wicaşta kin hena yuşinyayapi qa heyapi; De taku wicaşta ka hwo, hecen tate mini ko anagoptan ece.

28 Unkan akasanpa i, Gadarene makoce tawapi kin en, hehan wicaşta nom wakan şica wicayuhnaşkinye cin hena itkopipapi, wicaşta hnakapi kin etanhan upi, wohitikapi hınca, hecen tuwedan canku kin he ohna ye kta okihi şni.

29 Unkan iho, heya howayapi; Jesus Wakantanka Cinhintku, taku unkiyotahedan un he; hinahinke şni tuka itokam kakisunyayapi kta on yahi he.

30 Unkan yukanpi kin itehan kukuşe optaye wan wo wicaqupi ece.

31 Hecen wakan şice cin hena cekiyapi qa heyapi; Napeunya-yapi kinhan kukuşe optaye kin en unkiyayapi kta iyowinunkiya miye.

32 Unkan; Ya po, ewicakiya. Hecen tankata hinanpapi hehan kukuşe optaye kin en iwicaya-yapi. Unkan iho, kukuşe optaye kin iyuhpa maya hınca apamahde inyang naşdog iyayapi, mde kin en, qa minin ţapi.

33 Unkan tona wo wicaqupi qon hena najicapi; qa otonwe en kipi, qa taku owasin oyakapi, wicaşta wakan şica wicayuhnaşkinyanpi qon, taku ecawicakiconpi kin hena koya.

34 Unkan iho, otonwe kin oco-wasin Jesus itkokim upi, qa wanyakapi qehan, makoce tawapi kin etanhan hde kta icekiyapi.

WICOWOYAKE 9.

1 Hehan wata kin en okipe ça akasanpa kihde ça iye totonwe kin en ki.

2 Unkan iho, wicaşta ţatake cin wan owinja akan wanka e he en ahipi. Unkan Jesus wacinyanpi kin wanyake çehan ţatake cin heciya; Cinş, cante waşte wo; wayahţani kin nicicajujupi ce.

3 Unkan iho, wowapi kagapi kin wanjikji iyakitedan hekici-yapi; Wicaşta kin de şicaya ia.

4 Unkan Jesus canteyuzapi kin wanyaka hehan heya; Tokeca cante mahen taku şica awacannipi he.

5 Wayahţani kin nicicajujupi ce, eyapi; qa iş; Najin qa mani wo, eyapi kin, unma tukte waşakadan he.

6 Tuka Wicaşta Cinhintku kin woahţani maka akan kajuja kta okihi e he sdonyayapi kta; hehan ţatake cin heciya; Najin wo, nitowinja ehdaku qa tiyata hda wo.

7 Unkan najin hiyaye ça iye ti ekta hda.

8 Tuka wicota he wanyakapi hehan yuşinyayapi, qa Wakan-tanka wicaşta wookihi hinsko tanka wicaqu kin he yatanpi.

9 Unkan Jesus hetanhan iyoopta iyaya hehan wicaşta wan Mattheos eciyapi, mazaska mnanpi kin en iyotanka he wanyaka; qa heciya; Miyahna u wo. Unkan najin hiyaye ça ihakam iyaya.

10 Unkan ti mahen wota iyo-

tanka yanka hehan, iho, mazaska mnayanpi walitanipi sa ko ota en hipi, qa Jesus kici iyotankapi, waonspewicakiye cin om.

11 Unkan Pharisee kin is he wanyakapi hehan waonspewicakiye cin hewicakiyapi; Tokeca Waonspekiye nitawapi mazaska mnayanpi walitanipi sa ko om wota he.

12 Unkan Jesus he nahon qehan hewicakiya; Tona zanipi kin hena pejihutawicašta cinpi šni, tuka wayazankapi kin.

13 Tuka ya po, qa de taku kapi hecinhan sdonya po; Wowaońska iyomakipi qa wošnapı wa-cin šni. Wicašta owotanna wicakico wahi šni, tuka walitanipi sa iyopeciypı kta on wahi ce.

14 Hehan Johannes waonspewicakiye cin en hipi qa heciyapi; Tokeca unkiye qa nakun Pharisee kin ijehan akilhanunkiciyapi, tuka waonspewicaya-kiye cin akilhaniciyapi šni.

15 Unkan Jesus hewicakiya; Wakankiciyuza cincapi kin tohanyan tawicu ton kte cin om un kinhan, hehanyan token ecin iyokišicapi kta he; tuka anpetu u kta tawicu ton kte cin ewicakiciyakupi kta, unkan hehan akilhaniciyapi kta.

16 Tuwedan šina teca onšpa wokoyake tanika en akihdag ton šni; kinhan onšpa teca qon he mnawahe kta qa sanpa tanka hdecahan aya ece.

17 Nakun miniša teca ojuha tanika en okaštanpi šni ece; kinhan ojuha kin napopa, qa miniša kin skepa, qa ojuha kin ihangyapi ece. Tuka miniša teca ojuha teca en okaštanpi ece, hecen napin tanyan yuhapi.

18 Hena hecen ewicakiya icunhan, iho, wicašta itancan wan en u qa canpeška makehde ina-

jin qa heciya; Micunkši nakaha ta, tuka en yau qa nape on aya-putake cinhan kini kta.

19 Unkan Jesus najin qa kici hda, nakun waonspewicakiye cin.

20 Unkan iho, winohinca wan waniyetu ake nonpa wayazanka, we ece iheya, he idazatanhan en u qa tašina opapun kin yutan:

21 Tašina kin hee kaeš mdutan kinhan amasni kta ce, cante mahen eye ca *hecon*.

22 Tuka Jesus ihdamna, qa wanyake cehan heya; Cunš, cante wašte wo; wacinyaye cin he asniniyan ce. Unkan wihiyayedan oape kin he en winohinca kin asni.

23 Unkan Jesus wicašta itancan qon ti kin en i, qa tona cotanka yajopi, oyate ceyapi ko wanwicayaka;

24 Hehan hewicakiya; Ako iyaya po; wicinyanna kin te šni, tuka ištınma ce. Unkan ilahapi.

25 Tuka oyate tankan hdicuwicayapi, hehan ti mahen i, qa nape on yuza; unkan wicinyanna kin inajin.

26 Unkan he makoce kin owancaya oyakapi.

27 Unkan Jesus hetanhan iyo-opte iyaya, hehan wicašta nom ištągongapi kin hena ihakam yapi, howayapi qa heyapi; Dawid Cinhintku onšıunkida miye.

28 Unkan ti mahen iyaya, hehan wicašta ištągongapi kin en hipi: Unkan Jesus hewicakiya; Hecen ecamon kta owakihi wicayadapi he. Unkan, Han, Itancan, eyapi.

29 Hehan išta en wicayutan qa heya; Wacinyayapi kin iyecen ecaniconpi nunwe.

30 Hecen išta hdukawapi. Unkan Jesus wašagya wahokonwi-

MATTHEOS.

cakiye ça heya; Ito tuwedan sdonye kte šni

31 Tuka tankan hdapi hehan makoce kin he owancaya nina oyakapi.

32 Unkan hena iyayapi hehan iho, wicašta wan ia okitpani, wakan šica yuhnaškinyan, he en ahipi.

33 Unkan wakan šice cin napayapi hehan ia okitpani qon ia; unkan oyate kin inihanpi qa heyapi; Israel en tohinni decen wanyakapi šni tuka qon.

34 Tuka Pharisee kin heyapi; Wakanšica itancan kin on taku wakan šica napewicaya ece.

35 Unkan Jesus otonwe kin owasin, otonwe ciqadan ko iyaza un, omniciye tipi yuhapi kin ohnahna waonspekiye ça woki-conze wotanin wašte kin he oyaka ece; qa wayazankapi owasin, oyate kin en tehiya unpi ko asniwicaya ece.

36 Tuka wicota wanwicayaka hehan onšiwicakida; nina mdo-kitapi qa enanakiya iyayapi ece, tahinea wanunyanpi tuwedan wicayuhe šni iyececa.

37 Hehan waonspewicakiye cin hewicakiya; Awicakehan woksapi kin he tanka, tuka litanipi kte cin hena tonana:

38 Heon etanhan woksapi en Itancan kin iye tamaga kin en wicašta litanipi kte cin hena hiyuwicaye kta icekiya po.

WICOWOYAKE 10.

1 Unkan waonspewicakiya akenonpapi kin hena wicakico qehan, taku wakan šica on wowašake wicaqu, napewicayapi kta, qa nakun wowayazan šicaya unpi ko, owasin asniwicayapi kta.

2 Unkan wahošiyapi akenonpapi kin kakenken ewicakiyapi;

tokaheya Simon he nakun Inyan eciyapi, qa Andrew iye sunkaku; Jakob Zebede cinhintku qa Johannes iye sunkaku;

3 Philip qa Bartholomew; Thomas qa Mattheos wamnaye ciqon; Jakob Alpheus cinhintku qa Lebbeus he nakun Thaddeus eciyapi;

4 Simon Kananite kin, qa Judas Iskariot wiyopeye kte cin hee.

5 Dena akenonpapi kin Jesus yewicaši, wahokonwicakiye ça heya; Ikcewicasta tacanku wan ohna yapi šni po, qa Samaria oyate otonwe tawapi kin en yapi šni po:

6 Tuka Israel ti kin etanhan tahinea wanunyanpi taninpi šni kin hena ekta ya po.

7 Qa dapi eca yaotanin po, qa; Mahiyya wokiconze kin wanna kiyedan un ce, eya po.

8 Tona wayazankapi kin asniwicaya po, tona lepros ececapi kin ska wicakaga po, tapi kin hena kiniwicaya po, qa taku wakan šica napewicaya po; iyunwin codan iyacupi, iyunwin codan wicaqu po.

9 Ipiyake nitawapi ohna mazaskazi, qa mazaska, qa mazaša unmana yuhapi šni po.

10 Qa icimayanipi kin on wujuhadan, qa onhdohda nonpa, qa hanpa, qa cansagye, yuhapi šni po; tuwe litan kin he woyute qupi ece e kta iyececa.

11 Qa otonwe tanka otonwe ciqadan ko, wanji tukte en yaipi kinhan, tuwe iyececa hecinhan iwicawanga po, qa he kici yukan po, tohanyan etanhan yahdapi šni kinhan.

12 Qa tipi wanji en yaipi kinhan, Wookiye en un nunwe, eya po.

13 Qa tipi kin he iyececa hecinhan wookiye nitawapi akan

un kta; tuka iyecece śni kinhan wookiye niye en nihdipi kta.

14 Qa tukten iyowinniciyapi śni qa nioiepi kin nañonpi śni kinhan, tipi kin he, qa otonwe kin he, etanhan tankan yahdapi kinhan, watuśekśeca siha onitkapapi kin he natata po.

15 Awicakehan heciciyapi; Woyaco anpetu kin en otonwe kin he tehiya un kta, Sodom qa Gomorra makoce kin isanpa.

16 Iho, tañinca wanunyanpi śunktokeca wicehna iyecen yeciśipi; heon etanhan wamduśka iyecen ksapa po, qa wakiyedan iyecen wahbapidan po.

17 Tuka wicaśta iwanwicayaka po; woyaco omniciye kin en anianpi kta, qa omniciye tipi yuhapi kin ohna nicapsinsintapi kta:

18 Qa wicaśta itancanpi wicaśtayatapi ko, en anianpi kta, miye on etanhan, hecen iyepi qa Ikcewicaśta ko wicayakiyutaninpi kta.

19 Unkan tohan hecen wicanicupi kinhan, taku, qa token ehapi kte cin, heon iyokiśinićiyapi śni po; wihiyayedan oape kin he en token ehapi kta he nicupi kta ce.

20 Ie kte cin he niyepi śni, tuka Niyatepi Taniya en niunpi kin he iye ie kta.

21 Hunkawanjinkiciyapi kin iś unma ktepi kta e wicaqu kta; qa wicaśta wan iye cinhintku kin nakun; qa wicacinca kin iś hunkakewicayapi itkowicakipapi qa wicakiktepi kta.

22 Qa micaje on owasin śicenedapi kta; tuka tuwe owihanke kin hehanyan sutaya un kinhan he ni kta.

23 Tuka tohan otonwe kin de en śicaya nicuwapi kinhan, wanji

tokeca ekta najica po; awicakehan heciciyapi, Israel otonwe tawapi kin iyaza yaunpi kte śni ecen Wicaśta Cinhintku kin hi kta.

24 Waonspekiyapi kin he waonspekiya tawa kakipe śni; qa tuwe wowidake un kin he yuhe cin isanpa tanka śni ece.

25 Tuka waonspekiyapi kin waonspekiya tawa kin iyececa, qa wowidake un kin yuhe cin iyececa hecinhan hecetu kta. Tipi tawa kin he Beelzebub eciyapi hecinhan, tiyohnake tawa kin iś nakun hewicakiyapi kte śni he.

26 Heon etanhan kowicakipapi śni po; taku akalipapi qa yuzamnipi kte śni wanica, qa taku anahmanpi qa sdonyapi kte śni wanica.

27 Taku otpaza en ociciyakapi kin he anpa en daotaninpi kta; qa taku noge on nayañonpi kin he tipi akalipe kin etanhan eyanpaha odakapi kta.

28 Unkan tona wicatanca ecedan ktepi kta okihipi, qa wicanagi kte okihipi śni kin hena kowicakipapi śni po; tuka tuwe wicanagi wicatanca ko Wakanśica ti kin en ihangye kte cin hee e kokipa po.

29 Zitkadan nom mazaśa wanjidan iyoheyapi śni he; qa etanhan wanjidan kaeś Niyatepi codan makata ihpaye kte śni.

30 Tuka paha nitawapi kin hee kaeś owasin yawapi ece.

31 Heon etanhan kopehdapi śni po; zitkadan ota isanpa niyawapi ece.

32 Heon etanhan tuwe kaśta wicaśta wicitokam miye omayake cinhan, he Ate malipiya en un kin itokam omdake kta.

33 Tuka tuwe wicaśta wicito-

kam miye ehpemaye cinhan, he miye Atewaye mahpiya en un kin itokam ehpewaye kta.

34 Wookiye maka akan wica-waqu kta on wahi kecinpi šni po; wookiye wicawaqu kta wahi šni tuka mazasgye.

35 Wicašta wan atkuku šicekidake wakiye kta wahi, qa cunwintku iye hunku kin, qa takošku iye kunku kin šicekidake kta heon.

36 Qa wicašta tona tokayapi kin iye ti en unpi kin hena eepi kta.

37 Tuwe miye isanpa atkuku qa is hunku kin waštekidake cinhan, he mici un kta iyecece šni; qa tuwe miye isanpa cinhintku qa is cunwintku kin waštekidake cinhan, he mici un kta iyecece šni:

38 Qa tuwe cansusbeca tawa kin ebdaku šni qa miyahna u šni kinhan, he mici un kta iyecece šni.

39 Tuwe wiconi tawa kpatan kinhan, he toki ehpekiye kta; qa tuwe miye on etanhan wiconi tawa kpağan kinhan, he kpatan kte cin ee.

40 Tuwe iyowinniciyapi kin he iyowinmakiya; qa tuwe iyowinmakiye cin he tuwe umaši kin he iyowinkiya ece.

41 Tuwe wicašta wokcan, wicašta wokcan caje on iyowinkiye cinhan, he wicašta wokcan iyunwin tawa yuhe kta; qa tuwe wicašta owotanna, wicašta owotanna caje on iyowinkiye cinhan, he wicašta owotanna iyunwin tawa kin icu kta.

42 Qa tuwe waonspekiyapi caje on, dena cikcistinpidan wanji wiyatke ohna mini sni ecedan yatkekiye cinhan, awicakehan heciciyapi, he iyunwin tawa toki ehpekiye kte šni.

WICOWOYAKE 11.

1 Unkan Jesus waonspewica-kiye akenonpapi kin taku econwicaši ayaštan, hehan hetanhan iyaya, otonwe tawapi kin ohnahna woyake kta qa waonspekiye kta.

2 Unkan Johannes kaška hnakapi kin en Messiya ohan kin nahon qehan, iye waonspewica-kiye cin nom ekta yewicaši;

3 Qa heciya; Tuwe u kte ciqon he niye he, qa is tuwe tokeca wanunyakapi kta he.

4 Unkan Jesus waayupte qa hewicakiya; Hda po, qa taku tona nayahonpi qa wandakapi kin hena Johannes okiyaka po:

5 Ištągongapi kin tonwanpi ece, huštepi kin manipi ece, tona lepros ececapi kin ska wicagapi ece, ŋapi kin kinipi ece, qa tona onšikapi kin hena wotanin wašte owicakiyakapi ece.

6 Qa tuwe miye on našdute šni kinhan, he yawaštepi ce, eya.

7 Hena wanna kihdapi hehan Jesus Johannes on oyate kin wowicakiyaka; Taku wandakapi kta on hewoskan yaipi he; cedi wan tateyanpa kahuhuza:

8 Tuka taku e wanyag yaipi he; wicašta wan wokoyake panpanna koyake cin he; iho tona taku panpanna koyakapi kin hena wicaštayatapi tipi ohna yakonpi ece.

9 Tuka taku e wanyag yaipi he; wicašta wokcan kin heca he; han, eciciyapi, qa wicašta wokcan isanpa.

10 Wowapi en kagapi qon, Iho, niite itokam wahosiya mitawa yewaši, he nitokam canku nita-wa nicage kta ce, iho hee.

11 Awicakehan heciciyapi; Tona winohinca eciyatanhan

wicatonpi kin wanji Johannes baptem wicaqu ece kin sanpa tanka icage ūni; tuka tuwe maŋpiya wokiconze kin en iyo-tan cistinna kin he sanpa tanka.

12 Nakun Johannes baptem wicaqu taanpetu kin hetanhan dehanyan maŋpiya wokiconze kin nina akitapi, qa nina akite cin hena iyahpayapi ece.

13 Johannes hehanyan woope qa wicaūta wokcanpi owasin woyakapi :

14 Qa niū wicada wacannipi hecinhan Elias u kte eiŋon he dee.

15 Tuwe noge winahon yukan hecinhan he ito nahon kta.

16 Tuka ito wicoicage kin de taku e imdacin kta he. Hokūsi-pidan tihocoka en iyotankapi kin hena e iyececa, takodakupi wicakipanpi,

17 Qa hewicakiyapi; Cotanke unniciyajopi tuka niye wayacipi ūni; waūsinunhdapi tuka niye yaceyapi ūni.

18 Johannes wote ūni qa waya-tke ūni hi; unkan, Taku wakan ūūca yuha ce, eyapi.

19 Wicaūta Cinhintku kin wota qa wayatkan hi; unkan heyapi; Iho, wicaūta wan wote sa qa miniūa yatkan ece, wannayanpi qa wahtanipi sa takodawicaya ece. Tuka woksape iye cinca kin on owotanna oyakapi ece.

20 Hehan otonwe kin tona en iye ohan tanka econpi qon hena iyopewicaya, iyopeiŋiyapi ūni heon.

21 Hehehe Korazin, hehehe Bethsada; wicohan tanka niye-pi en econpi kin, hena Turos qa Sidon en econpi unkanū, wana-kaja heyake ūūca caŋota ko en iyopeiŋiyapi kta tuka.

22 Heon etanhan heciciyapi; Woyaco anpetu kin en, tehiya

yaunpi kta, qa Turos Sidon kici aopten unpi kta.

23 Qa Kapernaum niye, ma-ŋpiya ekta wankan aniyampi, tuka wicahapi ekta eŋpeniyanpi kta; wicohan tanka niye en econpi kin hena Sodom en econ-pi unkanū, anpetu kin dehan-yan ecen un kta tuka.

24 Heon etanhan heciciyapi; Woyaco anpetu kin en tehiya yaun kta, qa Sodom makoce kin ahecece kta.

25 Anpetu kin hena en Jesus waayupte ɔa heya; Ate, ma-ŋpiya maka ko Itancan kin, ci-yatan, dena taku kin tona ksa-papi qa wasdonyapi kin anawi-cayakiŋbe ɔa hokūsiyoqopapi owi-cayakidaka ece.

26 Han, Ate hecetu, hecen iyonicipi nakaeū.

27 Ate taku owasin maqu; unkan tuwedan Cinhintkuyapi kin sdonye ūni, Ateyapi un kin hecedan sdonkiya; nakun tuwe-dan Ateyapi kin sdonye ūni, tuka Cinhintku kin hecedan; qa tuwe Cinhintku kin sdonyekiye cin he nakun.

28 Tona hitayanipi qa tkeya wayaqinpi kin owasin en mau po, kinhan ozikiyapi cieupi kta.

29 Can napinpi mitawa kin he icu po, qa miye eciyatanhan onspeiŋiciya po, cante ekta onūsi-miŋida qa wahbayedan waun; hecen ninagipi en woozikiye duhapi kta.

30 Can napinpi mitawa kin he tehike ūni, qa waŋin mitawa kin he kapojedan.

WICOWOYAKE 12.

1 Anpetu kin hena en, anpetu wakan icunhan, Jesus aguyapi ojupi kin ehna iyaya; unkan waonspewicakiye cin wotekte-

hdapi, qa aguyapi yuksa icupi qa yutapi.

2 Unkan Pharisee kin he wan-yakapi hehan heciyapi; Wanya-ka wo, waonspewicayakiye cin, anpetu wakan icunhan taku econpi kte śni ece kin, hee econpi.

3 Unkan iye hewicakiya; Dawid taku econ qon he tohinni dawapi śni he; iye qa tona om un kin wotektehapi qehan;

4 Tipi wakan kin en i, qa aguyapi taninyan ehnapapi kin yuta, he iye qa tona om un kin yutapi kte śni, tuka wośnapi kagapi kin cecedan yutapi kta tuka.

5 Qa woope kin en nakun dawapi śni, wośnapi kagapi kin tipu wakan ohna anpetu wakan ahopapi śni ešta iyaonpepica śni unpi.

6 Tuka heciyapi; Tuwe tipu wakan kin isanpa tanka wan den un.

7 Wowaonsida wacin qa wośnapi wacin śni ce, eyapi qon he idukcanpi unkanś, tona wahitanipi śni kin hena wicadacopi kte śni tuka.

8 Qa Wicašta Cinhintku kin he anpetu wakan Itancan kin he nakun ee.

9 Hehan hetanhan iyaye ça omnieiye tipu tawapi kin en i.

10 Unkan iho, wicašta wan nape śnija hen un; unkan wiwangapi qa heciyapi; Anpetu wakan icunhan waasniyapi kta iyececa he; he iyaonpapi kta e heyapi.

11 Unkan hewicakiya; Enitanhanpi wicašta wanji tahinca wanunyanpi wanjidan yuhe cinhan, he anpetu wakan icunhan woha en iyohpaya hecinhan, tancan en yuze ça ehdaku kte śni he.

12 Wicašta kin he tahinca wanunyanpi isanpa ece. Heon etanhan anpetu wakan icunhan taku wašte econpi kta iyececa.

13 Hehan wicašta qon heciya; Nape hdukatu wo; hecen yukatin, unkan unma kin iyecen asni icaga.

14 Unkan Pharisee kin hetanhan tankan hdapi, qa token ktepi kte cin he akiapi.

15 Tuka Jesus he sdonye ça hetanhan token iyaya; unkan wicota hinca ihakam unpi, qa iye hena owasin asniwicaya:

16 Qa nina oyake śni wicaši.

17 Hecen Isaya wicašta wocan kin taku eye ciqon yuecetupi kta; he kaken eya;

18 Iho, mitahokśidan wahdahnige ciqon; wašte wakidake cin on minagi iyuśkin ece; mitaniya kin waqu kta, hecen Ikcewicasta kin woyaco owicakiyake kta.

19 Wicakize kte śni, qa pan kte śni, qa ho kin tuwedan canku ohna nahon kte śni:

20 Cedi kasuśujapi kin he yukse kte śni, qa halionta ide kte cin he kasni kte śni, woyaco he woohiye ekta au śni kinhan:

21 Qa iye caje kin Ikcewicasta wacinyanpi kta.

22 Hehan wanji wakan śica yuhnaśkinyan he en ahipi, istagonge ça ia okitpani; unkan asniyan, hecen istagonge ça ia okitpani kin he ia qa nakun tonwan.

23 Unkan wicašta ota kin owasin yuśinyayapi qa heyapi; Dawid cinhintku kin he dee śni he.

24 Tuka Pharisee kin is he nahonpi qehan heyapi; Wicašta kin de wakan śica napewicaye cin he Beelzebub wakan śica itancan kin on hecon ece.

25 Unkan Jesus token cante-

yuzapi kin he sdonye ça hewica-kiya; Wokiconze wan iye iyakitedan kiciza eca hinhpaya ece; nakun otonwe qa tipi otoiyohi iye iyakitedan kiczapi ehan-tanhan ecen he kte šni.

26 Qa Satan Satan napeye cinhan wanna iye içiciza; hecen token tokiconze kin sutaya he kta he.

27 Qa miye Beelzebub on wakan šica napewicawaya ehan-tanhan, nicincapi kin iš taku on napewicayapi he; heon etanhan hena niyacopi kta.

28 Tuka miye Wakantanka Taniya on wakan sica napewicawaya hecinhan, Wakantanka tokiconze kin wanna en nihipi.

29 Wicašta wašaka ti kin en, tuwe tin iyaye ça taku tawa kin ihangye kta token okihi kta he; tokaheya wicašta wašake cin kaške cinhan hehan tipi kin ihangye kta.

30 Tuwe mici un šni kinhan he makipajin ece; qa tuwe micipahi šni kinhan he yutakuni šni ece.

31 Heon etanhan heciciyapi; Woahitani owasin iapi šica ko wicašta wicakicicajujupi kta; tuka Woniya Wakan aiapi kin he wicašta wicakicicajujupi kte šni.

32 Qa tuwe Wicašta Cinhintku kin taku šica eciye cinhan, he kicicajujupi kta; tuka tuwe Woniya Wakan kin taku šica eciye cinhan, he kicicajujupi kte šni, wiconi kin de en, qa nakun wiconi u kte cin en.

33 Can kin wašte kaga po, kinhan waskuyeca wašte kta; qa iš can kin šica kaga po, kinhan waskuyeca šice kta; can kin waskuyeca tawa kin on sdonyapi ece.

34 Wamduška wicoicage, ni-

šicapi hecen token taku wašte ehapi kta oyakihipi he; wicacante ojudan kin he eciyatanhan wicai kin ia ece.

35 Wicašta wašte kin iye cante wašte ojudan kin eciyatanhan taku wašte hiyuya ece; qa nakun wicašta šice cin iye cante šica ojudan kin etanhan taku šica hiyuya ece.

36 Tuka wicoie wašte šni otoiyohi wicašta eyapi kin hena on woyaco anpetu kin en ohdakapi ece e kta, he miye eci-ci-yapi.

37 Nioie kin on niyaowotanpi kta, qa nakun nioie kin on niyacopi kta.

38 Hehan wowapi kagapi wanjikji qa Pharisee kin ayuptapi qa heciyapi; Waonspekiya, wowapetokeca wan wanyagunya-kiyapi kta uncinpi.

39 Tuka iye waayupte ça hewicakiya; Wicoicage šice ça wawicihalapi econ sa kin he wowapetokeca da, tuka wowapetokeca wanjidan qupi kte šni, Jonas wicašta wocan wowapetokeca tawa kin heceedan kta.

40 Anpetu yamni qa hanyetu yamni hehanyan Jonas hogan tanka tezi kin ohna un qon, he iyecen anpetu yamni qa hanyetu yamni Wicašta Cinhintku kin maka cante kin en un kta.

41 Woyaco anpetu kin en Ninewe wicašta kin inajinpi qa wicoicage kin de yacopi kta; hena e Jonas woyake cin on iyopeci-yapi tuka; unkan iho, Jonas isanpa tanka wanji den un.

42 Itokah wicaštayatapi winohinca qon he woyaco kin en inajin kta, qa wicoicage kin de yaco kta; ege Solomon toksape nahon kta on maka ihanke kin etanhan u tuka; unkan iho,

wanji Solomon isanpa tanka den un.

43 Woniya šape cin wicašta kin etanhan tankata hinanpa, hehan makoce puza en omani, ozikiyapi akita, tuka takudan iyeye šni;

44 Hehan heya; Tipi mitawa etanhan wahinape ciqon he ake ekta wahde kta. Unkan ekta ki, qa tuwedan ohna yanke šni, kahintapi qa ayuco yuštanpi, hecen iyeya.

45 Hehan iyaye ça woniya tokeca šakowin iye isanpa šicapi, hena iwicacu qa om mahen iyaya, qa ohna yukanpi; unkan wicašta kin he hetanhan tehiya un, tokaheya un qon isanpa. Wicoicage šice cin de hecece kta.

46 Unkan oyate kin hecen wowicakiyaka icunhan, iho, iye hunku qa hunkawanjitku kin tankan hinajinpi qa okiyapi kta cinpi.

47 Unkan wanji heciya; Iho, nihun qa nihunkawanji tankan najinpi qa oniciyapi kta cinpi.

48 Tuka iye waayupte ça tuwe heye cin he heciya; Tuwe inawaye he, qa mihunkawanji kin hena tuwepi he.

49 Unkan waonspewicakiye cin ektakiya nape hdugate ça heya; Iho, mihun qa mihunkawanji dena eepi ce.

50 Tuwe kašta Ate mašpiya ekta un tawacin kin ecen econ kinhan he mihunkawanji qa mitawinohtin qa mihun ee.

WICOWOYAKE 13.

1 Unkan anpetu kin hena en Jesus tipi kin etanhan tankata iyaye ça mde kin icahda iyo-tanka.

2 Unkan wicota hinca en mniciyapi, hecen iyotanke kta e

wata wan en opa, qa oyate kin iyulipa hutata najinpi.

3 Unkan wiyacinpi on taku ota owicakiyaka, qa heya; Iho, wicašta woju wan woju iyaya:

4 Unkan woju icunhan, apa canku icahda hinłpaya; hecen wahupakoza en hipi qa temyapi.

5 Qa apa tukten inyan ota ehna ilłpaya, hen maka tonana; unkan ohankoya hinanpa, maka tonana nakaes.

6 Tuka wi kata aya hehan owasin gu; qa hutkan nica heon etanhan šnija.

7 Unkan apa is wapepeka ehna ilłpaya; unkan wapepeka tanka icage ça hecen kte.

8 Tuka apa maka wašte en ilłpaya, qa etanhan ota icaga, apa opawinge, apa wikcemna šakpe, apa wikcemna yamni.

9 Tuwe noge winahon kta yukan hecinhan, ito nahon kta.

10 Unkan waonspewicakiye cin en hipi qa heciyapi; Tokeca wiyacinpi on owawicayakiya he.

11 Unkan iye awicayupte ça heya; Mašpiya wokiconze woa-nahbe kin niye oyakalnigapi kta ničupi, tuka hena hecen wicacupi šni, heon etanhan.

12 Heon tuwe taku yuhe cinhan nakun qupi kta, hecen iyakičunya yuhe kta; tuka tuwe takudan ton šni, tona yuhe cin hee kaes kipi ece e kta.

13 Heon etanhan wiyacinpi on wowicawakiyaka ece; hecen tonwanpi keš wanyakapi šni, qa winahonpi keš nahonpi šni, qa nakun okalnigapi šni.

14 Qa hecen Isaya wicašta wokcan taku eye ciqon iyepi on yuecetupi; Winahonpi on nahonpi kta, tuka oyakalnigapi kte šni; qa tonwanhan wandakapi kta, tuka idukcanpi kte šni ce.

15 Oyate kin de cantepi kin cepa aya, qa nogepi kin kitan se winahonpi, qa istohmuzapi; hecece šni unkanš, ista on wanyakapi kta, qa noge on nahonpi kta, qa cante on iyukanpi kta, qa ihduhomnapi kta, kinhan ašniwicawaye kta tuka.

16 Tuka ništapi kin wowašte, on wandakapi ece; qa ninogepi kin wowašte, on nayahonpi ece.

17 Awicakehan heciciyapi; Wicašta wokcan ota, qa wicašta owotanna, taku wandakapi ece kin hena wanyakapi kta cinpi, tuka wanyakapi šni; qa taku nayahonpi ece kin, hena nahonpi kta cinpi, tuka nahonpi šni.

18 Heon etanhan wicašta woku qon wiyacinpi kin he ito nahon po.

19 Wicašta otoiyo hi wokiconze oie kin nahon keš, okahnige šni kinhan, he tuwe šice cin en hi, qa taku cante en ojupi qon eyaku ece; iho, canku icahda ojupi icu qon hee.

20 Unkan inyan ota en ojupi icu qon he dee; tuwe wicoie kin nahon qa oħankoya iyuškinyan icu;

21 Tuka iye en hutkan wanica, hecen ecadan enakiya; tohan wicoie kin on wokakije qa šicaya kuwapi akipa hecinhan, hinna-kaha ayušan iyaya ece.

22 Unkan wapepeka ehna ojupi icu qon, tuwe wicoie kin nahon kin hee; tuka wiconi kin de awacinpi qa woyuha ota wonaye kin hena wicoie kin kte ece, hecen waskuyeca takudan aicage šni.

23 Tuka maka wašte en ojupi icu qon, he tuwe wicoie kin nahon qa okahniga; qa hecen waskuyeca icahiya ece; apa opawinge, qa apa wikcemna šakpe, qa

apa iš wikcemna yamni icaga ece.

24 Wiyacinpi tokeca wan owicakiyake ca heya; Malpiya wokiconze kin wicašta wan iye tamaga en su waštešte oju kin he iyececa.

25 Tuka wicištinma hiyeya icunhan, toka wan en hi, qa aguyapi ehna wayahota oju, qa kihda.

26 Unkan ape kin wanna iye ca wahuwapa icage kta, hehan wayahota iš nakun tanin.

27 Unkan tipi tawa wowidakewicaye cin en hipi qa heciyapi; Itancan, nitamaga en su waštešte oyaju šni he; hecen wayahota kin tokiyatanhan yuha he.

28 Unkan iye hewicakiya; Wicašta wan toka kin heca e hecon. Unkan wowidakewicaye cin hena heciyapi; Unyanpi qa unpahipi kta yacin he.

29 Tuka iye heya; Hiya; okinni wayahota kin yapahipi kinhan, nakun aguyapi koya dujunpi kta.

30 Ito woksapi kta hehanyan napin icicahiya icage kta. Unkan woksapi anpetu kin he en, wayuksapi kin hewicawakiye kta; Tokaheya wayahota pahipi qa huħnahiyapi kta on palita po; tuka aguyapi kin he doto-piye mitawa en omnayan po.

31 Wiyacinpi tokeca wan owicakiyake ca heya; Malpiya wokiconze kin sinape su wanji iyececa, he wicašta wan icu qa iye tamaga kin en oju.

32 He su kin owasin iyotan cistinna; tuka icaga hehan wato kin owasin išnana tanka; qa can iyececa icaga, hecen malpiya okinyanpi kin en upi, qa adetka kin en ahiyahan ece.

33 Wiyacinpi tokeca wan owicakiyaka; Malpiya wokiconze kin on napohiyapi kin iyececa,

MATTHEOS.

he winohinca wan icu qa wotpaapi wiyutapi yamni en inahman, hecen ocowasin napohiyapi.

34 Dena taku owasin Jesus wiyacinpi on oyate kin owicakiyaka, qa wiyacinpi codan takudan owicakiyake šni.

35 Hecen wicašta wokcan taku eye ciqon yuecetupi, he hecen eya; Wiyacinpi on i wahdukawa kta; taku maka kagapi ehantanhan anahmanpi kin he omdake kta ce.

36 Hehan Jesus oyate kin hde-wicaši, qa tipi wan en tin iyaya. Unkan waonspewicakiye cin en hipi qa heciyapi; Maga en wayahota wiyacinpi kin he unko-kiyaka miye.

37 Unkan iye awicayupte ça hewicakiya; Tuwe su waštešte oju qon he Wicašta Cinhintku kin hee.

38 Maga kin he maka ocowasin ee; su waštešte qon he wokinconze cinca kin hena eepi; wayahota kin he tuwe šica cinca kin hena eepi:

39 Toka hena oju qon Wakanšica hee. Woksapi kin he wiconi kin de owihanke kin hee; qa wayuksapi kte cin mahpiya ohnihde kin hena eepi.

40 Heon etanhan, wayahota pahipi qa peta en hühnagapi qon he wiconi kin de owihanke kin ekta hecece kta.

41 Wicašta Cinhintku kin tona ohnihdewicaye cin hena yewicaši kta; unkan tokiconze kin etanhan tona walitanipi qa taku šica econpi kin owasin pahipi kta:

42 Qa peta mde kin en elipe-wicayapi kta; hen wicaceya hi hdakinskinzapi ko yuke kta.

43 Hehan wicašta owotanna kin anpetu wi kin iyecen iyega-

pi kta, atkukupi tokiconze kin en. Tuwe noge winahon kta yukan hecinhan, ito nahon kta.

44 Akeš mahpiya wokiconze kin he mazaska, maga wan en nahmanpi kin he iyececa, he wicašta wan iyeya, unkan anahbe ça, wiyuškinyan iyaye ça, taku yuhe cin owasin wiyopekiye ça, maga kin he opeton.

45 Akeš mahpiya wokiconze kin wicašta wopeton inyan tehika akite ciqon he iyececa ye:

46 He inyan tehika wanjidan, ota iyopeyapi kin, he iyeya, unkan iyaye ça, taku tawa kin owasin wiyopekiye ça, he opeton.

47 Akeš mahpiya wokiconze kin he ho wan, mde kin en iyo-łpeyapi, qa ocaje owasin etanhan manaye cin, he iyececa;

48 He wanna ojudan hehan hutata ahdi, en iyotankapi, qa waštešte kin hena cega ohna mnakiyapi, tuka šiksice cin hena elıpeyapi.

49 Maka owihanke kinhan he iyecece kta; hehan mahpiya ohnihde kin upi kta, qa tona šice cin owotanna unpi kin wiciyopeyapi kin hena iwicacupi kta;

50 Qa peta mde kin en iyo-łpewicayapi kta. Heciya wicaceya hi hdakinskinzapi ko yuke kta.

51 Jesus hewicakiya; Dena owasin oyakahnigapi he. Han, Itancan, eciyapi.

52 Hehan hewicakiya; Heon etanhan wowapi kaga otoiyo, mahpiya wokiconze on onspekiyapi kin, he wicašta wan tipi yuhe ça, mazopiye tawa kin etanhan taku teca tannika ko ikikcu ece kin he iyececa.

53 Unkan Jesus wiyacinpi kin dena ihunnikiya, hehan hetanhan tankan iyaya:

54 Qa iye tamakoce kin en ki qehan, omniciye tipi yuhapi kin ohna waonspewicakiya; hecen yušinyayapi qa heyapi; Woksape kin de, qa wicohan tanka, wicašta kin de tokiyatanhan yuha he.

55 Cankajipa cinhintku kin he dee šni he; hunku he Mary eciyapi, qa sunkawicaye cin hena Jakob qa Joses qa Simon qa Judas:

56 Qa tawinolitin hena owasin unkiyoepayapi unpi šni he; hecen tokiyatanhan dena taku kin owasin yuha he.

57 Unkan canniyeyapi. Tuka Jesus hewicakiya; Wicašta wokcan yuonihanpi ece, tuka iye tamakoce qa iye ti kin ohna yuonihanpi šni.

58 Unkan wicohan tanka ota hen econ šni, wicadapi šni heon etanhan.

WICOWOYAKE 14.

1 Unkan anpetu kin hena en Herod wicaštayatapi kin Jesus oyakapi kin he nañon;

2 Qa tahokšidan kin hewicakiya; Johannes baptem wicaqu ece kin he dee; tapi kin etanhan kini, heon etanhan wicohan tanka econ ece.

3 Herod Johannes yuze ça kaška, qa conkaške en ehnaka, Herodias iye sunkaku Philip tawicu qon heon.

4 Duhe kta iyecece šni ce, Johannes eciye ciqon.

5 Unkan heon kte kta cin, tuka oyate kin kowicakipa; hena e wicašta wokcan heca kecinpi.

6 Tuka Herod anpetu en tonpi qon he ake hiyohipi, hehan Herodias cunwintku kin wicacokaya waci, qa Herod iyokipiya.

7 Heon etanhan, taku wakan

cajeyate ça, taku kida kta hecinhan, awicakehan qu kta, keciya.

8 Unkan he itokam hunku onspekiya, heon heya; Wanna Johannes baptem wicaqu ece qon he pa kin wakšica wan ohna maqu ye.

9 Unkan wicaštayatapi kin iyokišice linca, tuka wakanyan wacajeyate cin heon, qa tona om wota iyotanke cin hena on, he qu wicaši.

10 Hecen ekta ye wicaši, qa conkaške mahen Johannes pa baksa.

11 Unkan pa kin he wakšica ohna akupi, qa wikoška kin qupi; unkan iye iyoopta hunku qu.

12 Unkan waonspewicakiye cin hena en hipi, qa tancan kin eyakupi qa hapi; hehan yapi qa Jesus okiyakapi.

13 Unkan Jesus he nañon qehan, hetanhan watom iyaye ça, isnana hewoskan makoce wan ekta i. Unkan oyate kin he nañonpi qehan, otonwe etanhanhan huinyun ihakam yapi.

14 Unkan huta ekta ihunni qehan, wicota wanwicayaka; qa onšiwicakida, qa tona tehiya unpi kin hena asniwicaya.

15 Unkan wanna hitayetu hehan waonspewicakiye cin en hipi qa heyapi; Makoce kin de hewotahedan, qa wanna hitayetu, heon oyate kin hde wicaši wo, hecen otonwe ciqadan kin en yapi kta, qa taku yutapi opeiçitonpi kta.

16 Tuka Jesus hewicakiya; Hdapi kta iyecece šni; ito niye taku yutapi wicaqu po.

17 Unkan heciyapi; Aguyapi kagapi zaptan qa hogan nonpa, henana den unhapi ce.

18 Unkan heya; Hena makau po.

19 Unkan oyate kin wato en iyotanke wicaši, qa aguyapi zaptan qa hogan nonpa nakun icu, qa mahipiya ekta etonwan, hehan yawašte, qa yuśpaśpa qa waonspewicakiye cin wicaqu, unkan waonspewicakiye cin is oyate kin wicaqupi.

20 Unkan owasin wotapi qa imnanpi; unkan oyaptapi etanhan pahipi, makanopiye akenonpa ojudan.

21 Unkan tona wotapi kin hena wicašta kektopawinge zaptan ecetu, nakun winolinca śiceca koya.

22 Hehan ecahankeya Jesus waonspewiyakiye cin wata wan en ope wicaši, iye itokam akasanpa yapi kta, oyate kin hde wicaši icunhan.

23 Unkan wanna oyate kin hde wicaši, hehan isnana paha wan ekta cekiya iyaya. Wanna otpaza tuka isnana ekta yanka.

24 Tuka wata kin wanna mde kin cokaya un, taja on iyotanhani iyekiyapi, tatohekiya yapi nakaes.

25 Unkan hanyetu en itopa kiktapi hehan Jesus mini kin amani en wicaya.

26 Unkan waonspewicakiye cin mini kin amani wanyakapi qehan, yuśinyayapi qa heyapi; He wanagi; qa kokipapi on śicahowayapi.

27 Tuka Jesus kohanna owicakiye qa heya; Cante wašte po; de niye ce; kopehdapi śni po.

28 Unkan Inyan ayupte qa heya; Itancan he niye hecinhan, ekta mini kin amani u maši wo.

29 Unkan; U wo, eciya. Hecen Inyan wata kin etanhan kun iyaye qa Jesus ekta ye kta mini kin amani.

30 Tuka wohitiya tateyanpa wanyaka, hehan kokipa. Qa spaye kta iyaya, hehan śicahowaya, qa heya; Itancan, nima-yan wo.

31 Unkan Jesus ecahankeya nape ekta yekiye qa yuwankan icu, qa heciya; Cistinna wacin- yaya, tokeca wacetunyahda he.

32 Unkan wata kin en opapi hehan amdakedan icu.

33 Hehan wata en unpi kin en hipi, makata elpeiçiyapi qa heciyapi; Awicakehan Wakantanka Cinhintku kin he niye.

34 Unkan akasanpa ihunnipi hehan Geneseret makoce kin en hipi.

35 Unkan wicašta makoce kin he en unpi kin hena iyekiyapi, qa ihdukšan wanke cin owancaya hoši wicakayapi. Unkan tona tehiya unpi kin owasin en awicahipi;

36 Qa cekiyapi, tašina opapun heceedan kaeşyutanpi kta heon; unkan tona yutanpi kin owasin tanyan asnipi.

WICOWOYAKE 15.

1 Hehan Jerusalem etanhan wowapi kagapi qa Pharisee kin Jesus en hipi qa heyapi;

2 Tokeca waonspewicayakiye cin hunkawicayapi woope oyakapi qon acakşinpi he; qa aguyapi yutapi kte cinhan nape hdujajapi śni.

3 Unkan iye waayupte qa he- wicakiya; Qa niś nakun tokeca woope odakapi kin on Wakan- tanka toope kin acayakşinpi he.

4 Wakantanka heya econ wica- ši; Niyate nihun kici wica- hduonihan wo; nakun; Tuwe atkuku hunku kici wicayaşıce cinhan wiconte on te kta ce.

5 Tuka niye hehapi; Tuwe

atkuku qa ís hunku kin heciye kta iyececa; Taku on ociciye kte cin he wanna wošnapi ce; qa hecen atkuku hunku kici wicahduonihan šni ece

6 Hecen woope odakapi kin on Wakantanka toope kin dutaku-nipišni.

7 Wananičilmanpi, niyepi on Isaya tanyan woyake ça heye ciqon;

8 Oyate kin de i on mikiyedani upi, qa iha on mayaonihanpi; tuka cantepi kin hena mitehan unpi ece.

9 Wicašta wicoope kagapi kin hena woope keya onspewicakiiyapi, qa on mayuonihanpi kte cin he takudan okihi šni ece.

10 Hehan oyate kin wicakico qa hewicakiya; Nañonpi qa okahniğa po:

11 Taku wicai kin ohna iyaye cin he wicašta kin yušaŋe šni; tuka taku wicai kin etanhan hiyu kin he wicašta yušaŋe cin ee.

12 Hehan waonspewicakiye cin en hipi qa heciyapi; Wicoie kin de Pharisee kin nañonpi qa šihdapi, he sdoniyaya he.

13 Unkan waayupte ça heya; Taku ojupi kin, tona Ate mañpiya ekta un kin oju šni kinhan, hena owasin yujunpi kta.

14 Awicayuštaŋ po; ístagongapi ístagongapi awicayapi kin hena hecapi. Unkan tuwe ístagonga istagonga wan yus aye cin han, napin makohdoka en ohinñpayapi kta.

15 Hehan Inyan ayupte ça heciya; Wiyacinni kin de unko-kiiyaka miye.

16 Unkan Jesus heya; Niš nakun hinañin oyakañinigiapi šni he.

17 Taku wicai kin ohna iyaye cin he wicatezi kin ekta i ece, qa hehan hetanhan tankan elipe-

yapi ece; he hinañin oyakañinigiapi šni he.

18 Tuka taku wicai kin etanhan hiyu kin hena wicacante kin eciyatanhan u ece; qa wicašta yušaŋe cin hena ee.

19 Wicacante kin eciyatanhan wicotawacin šica hiyu ece; tinwicaktepi, wawicihalapi, wiinalmanpi, wamanonpi, witoñni qa wicayašicapi kin.

20 Wicašta yušaŋe cin dena ee; tuka nape hdujaja šni wotapi kin he wicašta kin yušaŋe šni.

21 Hehan Jesus hetanhan tokan iyaye ça, Turos qa Sidon makoce ihdukšan wanke cin he ekta i.

22 Unkan iho, Kanan winohinca wan makoce kin hetanhan hiyu, qa hoyekiye ça heya; Itancan, Dawid Cinhintku, onšimada ye, micunkši wakan šica yuhnaškinyan, šicaya un.

23 Tuka iye oie wanjidani ayupte šni. Unkan waonspewicakiye cin en hipi, cekiyapi qa heyapi; Hdeši wo, unkiham šicahowaya ece.

24 Tuka iye waayupte ça heya; Israel řijohnaka tañinca wanunyanpi nunnipi kin henana ekta umašipi ce.

25 Hehan winohinca qon en hi, makata elipeiciye ça heciya; Itancan, omakiya we.

26 Tuka iye ayupte ça; Hókšiyopa aguyapi tawapi kin icupi qa šunka wicakupi kin he hecetu šni ce, eya.

27 Unkan iye; Han, Itancan; tuka šunka kin iye wicayuhapi wahna wotapi tawapi kin etanhan ošnašna hinñpaye cin hena etanhan yutapi ece, eya.

28 Hehan Jesus ayupte ça heciya; Winohinca, wacinyaye cin he tanka; token yacini kin he enicicetu nunwe. Unkan wihi-

yayedan oape kin he hetanhan cunwintku kin asni.

29 Unkan Jesus hetanhan iya-ye ça Galile mde kin ikiyedan u; qa paha wan ekta iyaye ça akan iyotanka.

30 Unkan wicašta ota en hipi, tona huštepi, išttagongapi, ia okitpanipi, hu bawicaksapi, qa toktokeca ota en awicahipi, qa Jesus siha kin en ewicahnakapi; unkan asniwicaya.

31 Hecen wicota yušinyayapi, ia okitpanipi qon hena iapi, hu bawicaksapi qon hena tokecapi šni, huštepi qon hena manipi, qa išttagongapi qon hena tonwanpi wanwicayakapi, heon etanhan; qa Israel Taku Wakan tawapi kin he yatampi.

32 Hehan Jesus waonspewicakiye cin wicakico qa hewicakiya; Oyate kin onšiwicawakida, wanna yamni can taku yute šni mici unpi; qa wote šni hde-
wicawaši kta tawatenwaye šni, okinni tahepi ilipayapi kta.

33 Unkan waonspewicakiye cin heciyapi; Makece hewotahedan kin de en tokiyatanhan aguyapi iyenakeca unhapi qa oyate hinsko tanka imnawicunyanpi kta he.

34 Unkan Jesus hewicakiya; Aguyapi kagapi tona duhapi he. Unkan; Šakowin qa hoganstin-na tonana nakun, eyapi.

35 Unkan oyate kin makata iyotanke wicaši;

36 Qa aguyapi šakowin icu, hogan kin hena nakun, qa yawašte, hehan kiyušpašpa qa waonspewicakiye cin wicaqu; unkan waonspewicakiye cin oyate kin wicaqupi. -

37 Unkan owasin yutapi qa imnanpi; qa oyaptapi kin hena pahipi, makanopiye šakowin ojudan.

38 Wotapi kin hena wica ece kektopawinge topa, nakun winohinca šiceca koya.

39 Hehan oyate kin hdewicaši, qa wata wan en ope ça Magdala makece kin en hi.

WICOWOYAKE 16.

1 Unkan Pharisee qa Sadukee etanhan en hipi, qa mahpiya eciyatanhan wowapetokeca wan wicakiyutanin šipi, iyutanyanpi kta.

2 Tuka iye waayupte ça hewicakiya; Tohan litayetu eca, Mahpiya šaša heon owaštecake kta ce, ehapi ece.

3 Qa hanhanna eca, Ecin ošicecake kta, mahpiya šaša qa šapšapa, heon etanhan. Wana-
ničilmanpi, mahpiya ite kin he yukean onnispepi, tokeca anpetu kin dena wowapetogton oyakalinigapi šni he.

4 Wicoicage šice ça wawicahahapi econ sa kin he wowapetokeca wan da; tuka wowapetokeca wanjidan qupi kte šni; Jonas wicašta wokcan tawowapetokeca kin hecedan. Unkan elipewicaya iyaya.

5 Unkan waonspewicakiye cin akasanpa ipi, qa aguyapi icu akiktonjapi.

6 Hehan Jesus hewicakiya; Pharisee qa Sadukee on napohiyapi tawapi kin he iwanyakapi qa kokipa po.

7 Unkan iye iyakitedan akini-capi qa heyapi; Aguyapi unki-cupi šni, heon etanhan, *heya ce*.

8 Tuka Jesus he sdonye ça hewicakiya; Cistinna wacinyayapi kin, tokeca niye iyakitedan ayakinicipi he, aguyapi iyacupi šni heon.

9 Hinahin oyakalinigapi šni, wicašta kektopawinge zaptan

qa aguyapi zaptanna, qa makanopiye ojudan tonakeca yapahipi he yeksuyapi šni he.

10 Nakun wicašta kektopawinge topa qa aguyapi šakowin, qa makanopiye ojudan tonakeca iyacupi he.

11 Tokeca oyakašinigapi šni he, Pharisee qa Sadukee on napohiyapi tawapi kin he kokiye cišipi, he aguyapi on heciciyapi šni.

12 Hehan aguyapi on napohiyapi kin he kokiye wicaši šni, tuka Pharisee qa Sadukee woon-spe tawapi kin hee kokipapi kta, he okašinigapi.

13 Jesus Kesarea Philippi ma-koce kin en i qehan waonspewicakiye cin wiwicawange ča heya; Wicašta Cinhintku kin miye, matuwe kin, wicašta keyapi he.

14 Unkan heyapi; Apa Johannes baptem wicaqu qon; qa apa is; Elias; qa toktokeca; Jeramias, qa is wicašta wokcan wanji.

15 Qa niš matuwe kehapi he, ewicakiya.

16 Unkan Simon Inyan ayupte ča; Messiya Wakantanka ni un Cinhintku kin he niye, eya

17 Unkan Jesus ayupte ča heciya; Simon Jona cinhintku niyawaštepi ce; wicacelipi qa wicawe kin he oniciyake šni, tuka Ate mahpiya ekta un kin he *oniciyaka*

18 Qa miš nakun heciciya; Inyan he niye, qa imnija kin de akan okodakiciye mitawa wakage kta; qa wakanšica tatiyopa kin he yujuju kte šni.

19 Unkan mahpiya wokiconze iyuhdoke kin he ciču kta; hecen taku maka akan yakaške cinhan he mahpiya ekta kaškapiki kta; qa taku maka akan yakiduške cinhan he mahpiya ekta kiyuškapi kta.

20 Hehan waonspewicakiye

cin Jesus Messiya kin he iye, he tuwedan okiyake šni wicaši.

21 Hetanhan Jesus waonspewicakiye cin wowicakiyaka, Jerusalem ekta ye kta iyececa, qa wicahincapi, wošnapiki kagapi, wowapi kagapi ko on taku ota kakije kta, qa ktepi kta, qa anpetu iciyamni hehan ake kini kta, hena owicakiyaka.

22 Hehan Inyan Jesus icu qa iyopeye ča heya; Itancan, hecetu šni; dena ayakipe kte šni.

23 Tuka iye ihduhomni qa Inyan heciya; Satan mihekta-pa tanhan ya wo, tokamayaya; Wakantanka taku tawa kin awacanni šni, tuka wicašta taku tawapi kin.

24 Hehan Jesus waonspewicakiye cin hewicakiya; Tuwe miyahna u kta cin kinhan, wai-piicida kta, qa cansusbeca ehduku qa mihakam un kta.

25 Tuwe kašta wiconi tawa kpatan kinhan, he toki ehpekiye kta; qa tuwe miye on wiconi tawa kin kpagan kinhan, he iyeeye kta.

26 Wicašta wan maka kin ocowasin kamna, qa nagi kin toki ehpeye cinhan he taku okihi kta he; qa wicašta nagi kin taku iyopekiye kta he.

27 Wicašta Cinhintku kin iye Atkuku towitan hduha taohnihdewicaye cin om u kta; hehan wicašta otoiyohi iye ošanpi kin eciyatanhan wicaqu kta.

28 Awicakehan heciciyapi; Tona den najinpi kin etanhan wanjikji wiconte utapi kte šni, ecen Wicašta Cinhintku kin iye tokiconze kin en u wanyakapi kta.

WICOWOYAKE 17.

1 Unkan iyohakam anpetu šakpe hehan Jesus Inyan qa

Jakob, qa iye sunkaku Johan-
nes, hena iwicacu, qa paha wan
tehanwankantu ekta awicaya;

2 Qa wicitokam yutokecapi;
ite kin anpetu wi kin iyecen
iyega, qa tawokoyake kin iyo-
yanpa iyecen ska.

3 Unkan iho, Moses qa Elias
en ihdutaninpi qa kici wohda-
kapi.

4 Hehan Inyan ayupte ça Je-
sus heciya; Itancan, den unya-
konpi kin he wašte; yacin kin-
han, den wakeya yamni ti un-
kagapi kta, wanji unnicagapi
kta, qa Moses Elias kici wan-
jikji *wicunkicagapi* kta.

5 Iahan icunhan iho, iyoyanpa
mahpiya wan aowicahanzi, qa
iho, mahpiya kin eciyatanhan
wicaho wan heya; Micinksi
waštewakidake ça on iyomakipi
hince cin he dee ce; anagoptan
po

6 Unkan waonspewicakiye cin
he nahonpi hehan makipusdiya
ehpeiciyapi, qa nina kokipapi.

7 Tuka Jesus en wicahi, qa
wicayutan qa heya; Inajin po,
qa kokipapi sni po.

8 Unkan ista yuwankan ikikcu-
pi hehan, tuwedan wanyakapi
sni, Jesus ecedan.

9 Unkan paha kin etanhan kun
hdicupi, hehan Jesus wahokon-
wicakiye ça heya; Wowanyake
kin he tuwedan okiyakapi sni
po, Wicašta Cinhintku kin wi-
conțe etanhan piya ikicage sni
hehanyan.

10 Unkan waonspewicakiye
cin wiwangapi qa heciyapi; Wo-
wapi kagapi kin, Elias tokaheya
hi kta ce, eyapi kin, tokeca he-
yapi hwo.

11 Unkan Jesus waayupte ça
hewicakiya; Awicakehan Elias
tokaheya hi kta, qa taku owasin
yuecetu kta.

12 Tuka heciciyapi; Elias
wana hi tuka iyekiyapi sni, qa
token cinpi qon ecakiconpi. He
iyececa Wicašta Cinhintku kin
iyepi eciyatanhan kakije kta.

13 Hehan waonspewicakiye
cin okalinigapi, Johannes baptem
wicaqu qon e he ke ça heon he-
wicakiya.

14 Unkan wicota en hdipi qe-
han, wicašta wan en hi qa can-
peška makehde inajin,

15 Qa heya; Itancan, micinksi
onšimicida ye, hanyetu wi ihna-
škinyan qa šicaya un; otakiya
peta en ilipaye ça otakiya mini
en iyohpaya ece:

16 Qa waonspewicayakiye cin
wicawakahi, tuka asniyanpi kta
okihipi sni.

17 Hehan Jesus ayupte ça
heya; Wicoicage wacinye sni
qa wacin tehike, tohanyan cicipi
waun kta he; tohanyan iyowin-
ciciyapi kta he; den makau po.

18 Unkan Jesus iyopeya, qa
hecen wakan šice cin tankata
hinanpa; unkan wihiyayedan
oape kin hetanhan hoksıdan kin
asniyanpi.

19 Hehan waonspewicakiye
cin Jesus isnana yanke cin en
hipi qa heyapi; Tokeca unkiye
he napeunyanpi kta unkokihipi
sni he.

20 Unkan Jesus hewicakiya;
Wacinyayapi sni heon; awica-
kehan heciciyapi; Sinape su
wanjidan hinskoceca wacinya-
yapi unkanš, paha kin de, De-
tanhan token iyaya wo, eyaki-
yapi kta; unkan token iyaye
kta, qa taku oyakitpanipi wa-
nice kta.

21 Tuka taku decece cin he
cekiyapi qa wote sni unpi ece-
dan on tankan hinanpa ece.

22 Unkan Galile en unpi icun-
han Jesus hewicakiya; Wicašta

Cinhintku kin wanna ecadan wicašta napepi kin en wicaqupi kta.

23 Unkan ktepi kta, qa anpetu iciyamni kinhan ake piya ikicage kta ce, eya. Unkan nina iyo-kišicapi.

24 Hehan Kapernaum en hipi qehan, tona mazaska mnayanpi ece kin Inyan en hipi qa heyapi; Waonspeniciyapi kin he mazaska mnayanpi en iyohpeye kta he.

25 Unkan, Han, eya. Hehan tin hdicu qehan Jesus tokaheya ie ça heciya; Simon token iducan he; maka akan wicaštayatapi kin tokiyatanhan mazaska mnayanpi he; iye cincapi etanhan. qa is wicašta tokecapi kin etanhan.

26 Wicašta tokecapi etanhan, Inyan eya. Unkan Jesus heciya; Hehan cincapi kin wicakaskapi šni ece:

27 Tuka šihda wicunyanpi kte šni, e heon niš mde kin ekta ye ça hinšikijupi wan minin iyeya wo, qa hogan tokaheya hiyu kin he icu wo; he i kin dukawa kinhan ohna kangi kagapi wan iyeyaye kta; he icu qa miye qa niye on wicaqu wo.

WICOWOYAKE 18.

1 Unkan behan waonspewicakiye cin Jesus en hipi qa heciyapi; Małpiya wokiconze kin en tuwe iyotan tanka he.

2 Unkan Jesus hokšiyogopa wan kico qa wicacokaya ehnaka;

3 Qa heya; Awicakehan heciyapi; Nihduhomnipi šni, qa hokšiyogopa iyenicecapi šni kinhan, małpiya wokiconze kin en yaipi kte šni.

4 Tuwe ihduhukuye ça hokšiyogopa kin de iyecen canteyuze

cinhan, małpiya wokiconze kin en iyotan tanka kin hee.

5 Qa tuwe hokšiyogopa dececa wan, micaje on, iyowinkiyecinhan, he miye iyowinmakiya ece.

6 Qa tuwe hokšiyogopa kin dena, wacinmayanpi kin, wanji wałtanikiye cinhan, he inyan wiyutpan wan tahu en iyakaškapi, qa iye miniwanca ošbe kin en iyohpeyapi unkanš wašte kta tuka.

7 Wałtaniwicayapi kin on oyate kin wotehi yuhapi kta; eya wałtanikiyapi yuke kta iyecceca; tuka wicašta tuwe wałtaniwicaya hecinhan, he wotehi yuhe kta.

8 Heon etanhan, ninape qa nisiha wałtaniniyanpi hecinhan, hena hdakse ça ehpeya wo; huhu kaksapi wiconi en yai kta hee wašte, qa nape nonpa qa siha nonpa hduha peta owihanke wanica en iyohpeniyanpi kte cin he šica.

9 Qa ništa wałtaniniye cinhan, hdušdoke ça ehpeya wo; išta wanjidan hduha wiconi en yai kte cin he wašte, qa išta napin hduha peta owihanke wanica en iyohpeniyanpi kte cin he šica.

10 Ihnuhan dena cikcistinpidan wanjidan ešta šiceyadake cinhan; heciciyapi ce; Małpiya ekta ohnihdewicayapi tawapi kin hena Ate małpiya ekta un kin ite ohinnian wanyakapi ece.

11 Wicašta Cinhintku kin taku atakunišni qon he niye kta on hi.

12 Hecen token iducanpi he. Wicašta wan tałinca wanunyanpi opawinge wicayuhe, ça etanhan wanjidan kitaninšni hecinhan, wikcemna napeinwanka sanpa napeinwanka hena owanjidan ewicahnake ça he kin ekta iyaye ça wanji taninšni kin he okide šni he.

13 Qa iyeye cinhan, awicakehan heciciyapi; hee on iyuskin, qa wikcemna napcinwanka sanpa napcinwanka tokiya iyayapi šni kin hena on iyuskin šni ece.

14 He iyececa, dena cikeistinpidan wanjidan ešta toki elpeyapi kta, Niyatepi małpiya ekta un kin hecen tawacin šni.

15 Tuka nisunka waniciłtani kinhan, ekta ye a iye niye kicišnana he okiciyaka ye; nanihon kinhan nisunka ake yahduhe kta.

16 Tuka ananigoptan šni kinhan, hehan wanji qa iś nonpa om de kta; hecen waayatanin nonpa, qa iś yamni ipi kin on wicoie owasin yusutapi kta.

17 Tuka hena nakun anawicagoptan šni kinhan, hehan okodakiciye kin owicakiyaka wo; unkan okodakiciye kin anawicagoptan šni kinhan, hehan lkcewicašta qa wamnayanpi kin iyecen yahdawa kta.

18 Awicakehan heciciyapi; Taku maka akan yakaskapi kinhan, he małpiya ekta kaskapi kta; qa taku maka akan yakiduskapi kinhan, he małpiya ekta kiyuskapi kta.

19 Akeś heciciyapi; Tuwe nom maka akan taku wanjidan yadapi kta e wayeconzapi kinhan, Ate małpiya ekta un kin he ecen ecawicakicon kta.

20 Tukten nom yamni, micaje on mniciyapi kinhan, hen wiciyopeya waun ece.

21 Hehan Inyan en hi qa heciya; Itancan, misunka tona wamicilłtani qa wecicajuju kta he; śakowin hehanyan he.

22 Jesus heciya; Śakowin hehanyan kta, eciciye šni, tuka wikcemna śakowin ece śakowin.

23 Heon etanhan małpiya wokiconze kin wicaštayatapi wan

iyececa, he wowidake wicayuhe cin wicakiciyawa kta :

24 Unkan wicakiciyawa icunhan wanji mazaska tkeutapi tanka kektopawinge wikcemna iyohiye šni kin he ahipi.

25 Unkan on kajuju kta takudan yuhe šni, hecen yuhe cin he tancan wiyopeyapi kta, qa tawicu, qa cinca, qa taku yuhe cin owasin, qa kajujupi kta, keya.

26 Heon wowidake un kin he en makipusdiya elpeiiya, cekkiye a heya; Itancan, amakipe ye, owasin cicičajuju kta.

27 Hehan yuhe cin he wowidake tawa kin onśikida, kiyuska qa ikicazo qon kicicajuju.

28 Tuka wowidake un kin he tankan iyaye a om idakapi kin wanji, kaspapidan opawinge ikicazo kin he iyeya, qa iyalıpaye a poskin yuze a heciya; Tona imiyecazo kin micicajuju wo.

29 Hehan kici idakapi un kin he siha en elpeiiya, cekkiye a heya; Amakipe ye, kinhan owasin cicičajuju kta.

30 Unkan wicada šni; tuka iyaye a conkaške mahen kaśkahnaka, oicazo hdajuju kta hehanyan.

31 Unkan kici wowidake unpi kin hena taku econpi kin wan yakapi qehan, nina iyokiśicapi: heon en hipi qa wicayuhe cin taku econpi kin owasin okiyakapi.

32 Hehan yuhe cin he ake kico qa heciya; Wowidake niśice hinca, icazopi hinsko tanka qon he cicičajuju, cemayakiye cin heon.

33 Hecen miye onśicida kin he iyecen kici wowidake yaun kin iś eya onśiyakida kta iyecece šni he.

34 Unkan yuhe cin śihda qa kakiśyapi kte cin en wicaqu,

tona iyohiye šni qon ocowasin hdajuju kta hehanyan.

35 He iyecen, Ate mahipiya ekta un kin ecaniconpi kta, ottoi-yohi cante eciyatanhan nisunkapi tona wanicihtanipi kin wicayecicajupipi šni kinhan.

WICOWOYAKE 19.

1 Unkan Jesus wicoie kin he-na heya ayaštan, hehan Galile makoce kin etanhan iyaye ça Juda makoce, Jordan wakpa akasanpa tanhan he en hi :

2 Qa wicašta ota hinca ihakam unpi ; unkan hen asniwicaya.

3 Pharisee kin iš nakun en hipi, qa iyutanyanpi kta heciyapi ; Taku owasin on wicašta tawicu ehpekiye kta iyececa he.

4 Unkan waayupte ça hewicakiya ; Tuwe otokahe ekta wicakage cin he wica winyan ahna wicakaga, he tohinni dawapi šni he :

5 Qa heya ; Heon etanhan, wicašta atkuku hunku ko ehpewicaye kta, qa tawicu kin en iyai-hdaške kta ; qa henaoya celipi wanjidan kta.

6 Heon, hetanhan nonpapi šni, tuka wicacehpi wanjidan ece. Heon, taku Wakantanka yuonkonwanjidan kin he ihnuhan wicašta kiyuše cinhan.

7 Hehan heciyapi ; Itancan, Moses kpaganpi wowapi wan qu kta, qa ehpeye kta, tokeca heconwicaši hwo.

8 Unkan hewicakiya ; Nican-tepi suta kin heon winohinca ehpewicayayapi kta, Moses iyo-winniciyapi ; tuka otokaheya tanhan hecetu šni.

9 Qa miš heciyapi ce ; Tuwe, wawicilahapi econ kin on etanhan šni, tawicu ehpekiye ça

wanji tokeca yuze cinhan, he wawicilahapi econ ece ; qa tuwe winyan ehpeyapi kin yuze cinhan, he nakun wawicilahapi econ ece.

10 Unkan waonspewicakiye cin heciyapi ; Wicašta winohinca kici hecetu kinhan, tawicu tonpi kin he wašte šni.

11 Tuka hewicakiya ; Wicoie kin he owasin okibipi šni, tona wicaqupi kin henana okhipi.

12 Yunokos heca yukan ; hunh hunku tezi kin etanhan heca icagapi ; qa hunh wicašta on heca wicakagapi ; qa hunh mahipiya wokiconze kin on heca icicagapi. Tuwe he icu okihi kinhan he icu kta.

13 Hehan hokšiyooqopa en awicahipi, nape awicaputake ça cekiye kta e heon ; unkan waonspewicakiye cin telindapi.

14 Tuka Jesus heya ; Hokšiyooqopa en mahipi kta iyowinwicakiya po, qa telindapi šni po ; mahipiya wokiconze kin he hetanhanpi ece.

15 Unkan nape awicaputake ça hetanhan token iyaya.

16 Unkan iho, wanji en hi qa heciya ; Waonspekiye wašte, taku wašte ecamon kta, on wiconi owihanke wanica mduhe kta, tukte e he.

17 Unkan heciya ; Tokeca wašte emayakiya he ; tuwedan wašte šni, wanji heceedan wašte, Wakantanka hee. Tuka wiconi en yai kta yacin kinhan woahope kin hena ahopa wo.

18 Hehan heciya ; Tukte e he. Unkan Jesus heya ; Dena, Tinwicayakte kte šni ; Wawicilahapi ecanon kte šni ; Wamayanon kte šni ; Woitonšni odake kte šni ;

19 Niyate nihun kici wicahuonihan wo ; qa, Niye inihda-

cin nikiyedan un kin waštēyada-
ke kta.

20 Koška kin he heciya; Imacaga ehantanhan dena owasin ecen ecamon ece; taku hinašin iyotpani waun he.

21 Jesus heciya; Owotanna yaun kta yacin kinhan, hde ça taku nitawa wiyopeye ça wahpanicapi kin wicaqu wo; kinhan malipiya ekta woyuha duhe kta; hehan ku qa mihakam un wo.

22 Tuka koška kin he wicoie kin de našon qehan iyokišica kibda; taku ota ton kin heon etanhan.

23 Unkan Jesus waonspewicakiye cin hewicakiya; Awicakehan heciciyapi; Tuwe wijica un kin he kitan se malipiya wokiconze kin en i kta.

24 Qa ake heciciyapi; Kamel wan tahišpaciqadan oħdoka ohna iyaye kte cin he tehike šni, qa wicašta wijica Wakantanka tokiconze kin en ye kte cin he tehika.

25 Waonspewicakiye cin he našonpi, hehan nina yušinyayapi qa heyapi; Tuwe hehan ni okihi kta he.

26 Unkan Jesus ekta etonwe ça hewicakiya; Wicašta ekta he okihipica šni; tuka Wakantanka ekta taku owasin okihipica ece.

27 Hehan Inyan ayupte ça heciya; Iho, taku owasin ehpeunyanpi qa nihakam unyakonpi; hecen taku unhapi kta he.

28 Unkan Jesus hewicakiya; Awicakehan heciciyapi; Niyepi tona teca ni en wicatonpi kin de en omayapapi kin, tohan Wicašta Cinhintku kin wowitan oiyotanke tawa kin en kiyotanke cinhan, niš eya oiyotanke akenonpa akan idotankapi kta, qa

Israel wicoun akenonpa wicadacopi kta ce.

29 Qa tuwe kašta, tipi, qa hunkawanjitku, qa tawinohtin, qa atkuku, qa hunku, qa tawicu, qa cinca, qa maga, micaje on etanhan ehpeye cinhan, he opawinge akihde hduhe kta, qa nakun owihanke wanin wiconi mnaiciye kta.

30 Tuka tokaheya unpi kin wicota ehake unpi kta; qa ehake unpi kin hena tokaheyapi kta.

WICOWOYAKE 20.

1 Malipiya wokiconze kin he wicašta wan tipi yuhe cin he iyececa, he hanšanna linca hastanhanka iyuwi ojupi tawa kicanyanpi kte cin wicašta ope-ton iyaya.

2 Unkan wicašta anpetu eca kašpapidan wanjidan on opewicaton, hehan hastanhanka iyuwi ojupi tawa kin en yewicaši.

3 Unkan wihiyayedan oape yamni, hehan ake tankan iyaye ça toktokeca tihocoka en taku token šni najinpi wanwicayaka;

4 Qa hewicakiya; Niš eya hastanhanka iyuwi ojupi kin en ya po; kinhan token owotanna cičupi kta ce. Unkan en iya-yapi.

5 Ake oape isakpe qa inapcinwanka hehanhan tankan iyaye ça ake iyecen econ.

6 Hehan oape iakewanji ecetu, ake tankan iyaye ça toktokeca taku token šni najinpi wanwicayaka, qa hewicakiya; Tokeca anpetu osan taku token šni najinpi he.

7 Unkan, Tuwedan opeuntonpi šni ce, eciyapi. Hehan hewicakiya; Niš eya hastanhanka iyuwi ojupi kin en ya po, kinhan taku owotanna iyacupi kta.

8 Wanna htayetuhehan, hastanhanka iyūwi ojupi yuhe cin iye taokiye itancan kin heciya; Wicašta htanipi kin wicakico qa wokajuju wicaqu wo, ehake hipi kin hena tokaheya, ecen tokaheya hipi qon wicayeciyuŝtan kta ce.

9 Unkan tona oape wanjidan htanipi kin hena hipi, qa otoi-yohi kaŝpapidan wanji icupi.

10 Tokaheyapi kin hena en hipi qehan, sanpa yuhapi kta kecimpi, tuka is eya otoi-yohi kaŝpapidan wanji icupi.

11 He icupi hehan tipi tawa kin bapi;

12 Qa heyapi; Ehake hipi kin dena oape wanjidan htanipi, tuka unkiye anpetu osan, wi kata ešta htanunipi, iyeuncecapi wicaya-kaga ece.

13 Unkan iye waayupte a wanji heciya; Koda, taku ŝica ecacicon ŝni; kaŝpapidan wanjidan on htamiyecini kta kemayakiye ŝni he.

14 Taku nitawa kin ehdaku qa hda wo; ehake hi kin de niye ciu kin iyecen waqu ece e kta.

15 Miye mitawa kin token wacin kin ecen ecamon kta iyecece ŝni he; miye mawašte kin heon etanhan išta niŝica he.

16 Hecen ehake unpi kin hena tokaheyapi kta; qa tokaheya unpi kin hena ehake unpi kta; wicota wicakicopi, tuka tonana wicakaŝnigapi ece.

17 Unkan Jesus Jerusalem ekta itanwankanhde ya, hehan wonspewicakiya akenonpa kin canku kin icunonpa iŝnana awicaya, qa hewicakiya;

18 Iho, Jerusalem ekta itanwankanhde unyanpi, qa Wicašta Cinhintku kin woŝnapi kagapi wowapi kagapi ko nape en wi-

caqupi kta; unkan e kta on yacopi kta,

19 Qa ihaŝapi kta, kapsinsintapi kta, qa icipaweli okatanpi kta on Ikcewicašta iyoopta wicaqupi kta; unkan anpetu iciyamni hehan kini kta ce.

20 Hehan Zebedee cinca hun-kupi kin en hi, cinhintku napin om, cekiye a taku wanji kida.

21 Unkan iye heciya; Taku yacin he. Hehan heciya; Micinkŝi kin denaoza wokiconze nitawa en, unma nietapa ekta iyotanke kta, qa unma is canitka en iyo-tanke kta, keya ye.

22 Tuka Jesus waayupte a heya; Taku yadapi kin sdonyakiyapi ŝni. Wiyatke etanhan mdatke kte cin he etanhan yatkan oyakihipi he; qa baptem maqupi kte cin he niŝ eya niupi kta oyakihipi he. Unkan, Unko-kihipi ce, eciyapi.

23 Hehan hewicakiya; Awicakehan wiyatke mitawa kin etanhan datkanpi kta, qa baptem maqupi kte cin heon niŝ eya baptem niupi kta; tuka ematapa qa camatka tanhan iyotankapi wicaqupi kte cin he miye mitawa ŝni; tuka Ate tona wiyeya wicakiciyuŝtan kinhan hena tawapi kta.

24 Unkan wikcemnapi kin hena he naŝonpi qehan sunkakiciyapi nom on ŝihdapi.

25 Tuka Jesus wicakico qa heya; Ikcewicašta ekta tona itancanpi kin hena oyate wicayuhapi, qa wicašta tankinyanpi kin oyate wowidakewicayapi ece, he sdonyayapi.

26 Tuka niyepi ekta hecece kte ŝni; tuka wanji tukte tanka yaunpi kta yainpi kinhan, he ookiye duhapi kta:

27 Qa tuwe niyepi en tokapa

un kta hecinhan, wowidake nitawapi kin hee kta.

28 He iyececa, Wicašta Cinhintku wowidake wicayuhe kta on hi šni, tuka idakapi kta, qa wiconi tawa wokajuju kta wicota on wicaqu kta heon hi.

29 Unkan Jeriko etanhan iyootapi, hehan wicota ihakam unpi.

30 Unkan iho, wicašta ištá-gonga nonpa canku icahda iyotankapi, Jesus en hiyaya nahonpi, hehan howayapi qa heyapi; Itancan, Dawid Cinhintku onšunkida miye.

31 Unkan wicota kin telhindapi qa inina yanke wicašipi; tuka iš hehan heon iyotan howayapi qa heyapi; Onšunkida po, Itancan, Dawid Cinhintku.

32 Unkan Jesus owanji najin qa wicakico qa heya; Taku ecaciconpi kta yacinpi he.

33 Itancan išta unhdukawapi kta ye, eciyapi.

34 Hehan Jesus onšiwicakida qa išta wicayutan; unkan ecahankeya išta on tonwanpi qa ihakam unpi.

WICOWOYAKE 21.

1 Unkan Jerusalem ikiyedán yapi, qa Bethpage ehan ipi, Olive paha kin etu, hehan Jesus waonspewicakiye cin nom yewicaši;

2 Qa hewicakiya; Dukanpi kin otonwe iyotakons wanke cin he ekta ya po; kinhan kohanna šonšonna wan cinca iyahna han iyeyayapi kta; kiyuskapi qa makaku po.

3 Qa tuwe taku eniciyapi kinhan, Itancan kin hena cin ce, eya po; kinhan kohanna awicau nišipi kta.

4 Dena owasin econpi, wicašta wokcan oie qon yuecetupi kta, he kaken eya;

5 Zion cunwintku kin heciya po; Iho, Wicaštayatapi nitawa en niu, walibadan qa šonšonna wan akan iyotanka, šukecinca wan, šonšonna cinca kin akan u ce.

6 Unkan waonspewicakiye cin yapi, qa Jesus econ wicaši kin ecen econpi;

7 Qa šonšonna cinca iyahna awicahiipi, qa iye tašina akan elipeyapi, qa hena iakan Jesus ehnakapi.

8 Unkan wicota canku ohna šina elipeyapi; qa apa canwapa kaksapi qa canku ohnahna owinsyapi.

9 Qa wicota tokata yapi, qa tona ihakam upi kin, howayapi qa heyapi; Dawid Cinhintku woohiye yuha nunwe. Tuwe Itancan caje on u kin yawaštepi nunwe: Mahpiya ekta woohiye yuha nunwe.

10 Unkan Jerusalem en hi qehan otonwe kin ocowasin škanškanpi, qa heyapi; De tuwe he.

11 Unkan wicota kin heyapi; Jesus wicašta wokcan Galile en Nazareth otonwe kin etanhan he dee.

12 Unkan Jesus tipi wakan Wakantanka tawa kin en i, qa tipi wakan ohna wiopeyapi ece, wopetonpi ko, hena tankan iye-wicaya; qa mazaska tokiyopeyapi ahna econpi kin hena yuahdapsinyan elipeya, tona wakiyedan wiopeyapi oiyotanke tawapi koya;

13 Qa hewicakiya; Tipi mitawa kin he wocekiye tipi eciyapi kta, eya wowapi en kagapi; tuka niye wamanon tipi yakagapi.

14 Hehan ištá-gongapi huštepi ko tipi wakan kin en hipi; unkan okiziwicaya.

15 Unkan wošnapí kagapi wo-

wapi kagapi ko taku wowapeto-keca econ kin hena wanyakapi, qa hoksiyoqopapi tipi wakan kin ohna, Dawid Cinhintku kin woohiye yuha nunwe, eya howayapi, hehan nina shidapi:

16 Qa heciyapi; Dena taku eyapi kin nayahon he. Unkan Jesus hewicakiya; Han; Hoksiyoqopa, tona azinpi ko ipi kin etanhan wowitan duſtan ce, eyapi kin he tohinni dawapi ſni he.

17 Hehan awicayuſtan, qa otowwe kin etanhan tankan iyaye a Bethani ekta i, qa hen wanka.

18 Unkan hanhanna hınca otowwe kin ekta icicawin hda, unkan wotektehda;

19 Qa suken can wanji canku ohna han wanyake ehan, he en i, tuka takudan iyeye ſni, ape eceedan aicaga; unkan heya; Icimana waskuyeca ainicage ſni nunwe. Unkan suken can kin kohanna ſnija aya.

20 Unkan waonspewicakiye cin he wanyakapi qehan yuſinyayapi qa heyapi; Ehanqon suken can kin kohanna ſnija aya.

21 Jesus waayupte a hewicakiya; Awicakehan heciyapi; Wowacinye duhapi qa wace-tunyahdapi ſni kinhan, taku suken can kin de ecakiconpi kin heceedan ecanonpi kte ſni, tuka paha kin de, Tokan iyaye a miniwanca kin en iyohpeniyanpi nunwe, eyakiyapi kinhan, ecetu kta.

22 Qa taku tona wocekiye eya yadapi, qa wicayadapi kinhan, hena owasin duhapi ece e kta.

23 Unkan tipi wakan kin en hi, qa waonspewicakiya icunhan, woſnapı kagapi, qa oyate kin en wicaſta tankapi ko, en hipi qa heciyapi; Wicookihi tukte e on dena ecanon he; qa tuwe wicookihi kin de niu he.

24 Unkan Jesus waayupte a hewicakiya; Miſ eya taku wanji iciwangapi kta; he omayakidakapi kinhan, hehan wicookihi kin tukte on dena ecamon kin ociciyakapi kta.

25 Johannes baptem wicaqu qon he tokiyatanhan he; mahpiya eciyatanhan qa iſ wicaſta eciyatanhan. Unkan he iyakitedan aiapi qa hekiciyapi; He mahpiya eciyatanhan, unkeyapi kinhan; Tokeca he wicayadapi ſni he; eye kta:

26 Tuka, He wicaſta eciyatanhan, unkeyapi kinhan, oyate kin kowicunkipapi; owasin Johannes wicaſta wokcan heca kecinpi.

27 Unkan ayuptapi qa Jesus heciyapi; Sdonunyanpi ſni ye. Unkan iſ hehan hewicakiya; Miſ nakun wicookihi tukte on dena ecamon kin ociciyakapi kte ſni.

28 Tuka token idukcanpi he: Wicaſta wan cinhintku nonpa; unkan tokapa kin en hi qa heciya; Cinſ, anpetu kin de hastanhanka iyuwi ojupi mitawa kin en hani ya wo.

29 Unkan ayupte a heya; Ecamon kte ſni ye. Tuka iyo-hakam iyopeiiye a iyaya.

30 Unkan hakakta kin en hi, qa iyecen eciya; Unkan iye ayupte a; Itancan, mde kta ce, eya. Tuka ye ſni.

31 Denaoza unma tukte atkukupi tawacin kin ecen econpi he. Unkan, Tokapa kin, eciyapi. Hehan Jesus hewicakiya; Awicakehan heciyapi; Wamnayanpi qa wawicihahapi econpi sa niyepi nitokam Wakantan-ka tokiconze kin en yapi kta.

32 Johannes wicoo-wotanna canku kin ohna en niupi, tuka wicayadapi ſni; tuka wamna-

MATTHEOS.

yanpi qa wawicilahapi econpi sa, hena wicadapi; he wanda-kapi esta nakun iyohakam wicayadapi kta e on nihduhomnipi sni.

33 Wiyacinpi wan tokeca nahon po; Wicašta wan tipi yuhe cin he hastanhanka iyuwi ojupi wan oju, qa ihdukšan natake ça ohna iyuskiye wan qe ça nakun cowahe wan en kaga; qa wicašta kicanyanpi kta owicaqu, hehan icimani iyaya.

34 Unkan wanna waskuyeca suton kta, hehan wowidake wicayuhe cin wicašta kicanyanpi kin ekta yewicaši; waskuyeca etanhan icupi kte cin heon.

35 Unkan wicašta kicanyanpi kin wowidake unpi kin hena wicayuzapi; wanji apapi, wanji ktepi, qa wanji inyan on kininpi.

36 Akeš wowidake toktokeca ota ekta yewicaši; unkan is iyecen wicakuwapi.

37 Hehan ehake iye cinhintku kin ekta yeši, qa heya; Micin-ksi yuonihanpi kta.

38 Tuka maga kicanyanpi kin cinhintku wanyakapi, hehan hekiciyapi; Tawa kte cin he dee; iho po, unktepi kta, hehan taku yuhe cin he unki cupi kta.

39 Hecen yuzapi qa hastanhanka iyuwi ojupi kin etanhan tankan elipeyapi qa ktepi.

40 Hecen tohan hastanhanka iyuwi ojupi tawa kin hi kinhan kicanyanpi kin hena token eca-wicakicon kta he.

41 Unkan heciyapi; Wicašta šiksice cin hena tehiya ihangwicaye kta, qa kicanyanpi toktokeca tohan iyehantu eca waskuyeca kicupi ece e kta hena hastanhanka iyuwi ojupi kin owicaqu kta.

42 Hehan Jesus hewicakiya; Inyan wan tipi kagapi kin elipe-

yapi qon he oise pa kin icaga; he Itancan kin eciyatanhan hecetu, qa unkištapi en taku wwapetokeca kin hee, eyapi kin he tohinni wowapi wakan kin en dawapi sni he.

43 Heon etanhan heciyapi; Wakantanka tokiconze kin eniciyakupi kta, qa oyate wan waskuyeca icaliyapi kte cin he wicacupi kta.

44 Unkan tuwe inyan kin de ahinlipaye cinhan kamden elipeyapi kta; qa tuwe he akan ilipaye cinhan tanyan kamdu kta.

45 Unkan wošnapi kagapi hena, qa Pharisee ko wiyacinpi tawa kin nahonpi qehan, iye wicaka e heya sdonyapi.

46 Qa heon yuze wacinpi, tuka oyate kin kowicakipapi; owasin wicašta wokcan heca kecinpi.

WICOWOYAKE 22.

1 Unkan Jesus waayupte ça ake wiyacinpi on wowicakiyake ça heya;

2 Wicašta wan wicaštayatapi heca cinhintku kin wakankiciyuzapi kicage cin he mahpiya wokiconze kin iyececa.

3 Unkan wowidake wicayuhe cin hena yewicaši, tona wakan-kiciyuzapi en wicakicopi qon hena uwicašipi kta; tuka upi kta wicadapi sni.

4 Akeš wowidake toktokeca ekta yewicaši qa hewicakiya; Tona wicakicopi qon hena hewicakiya po; Wotapi mitawa wiyeya yanka; tatanka mitawapte-jicadan ko wanna ktepi, qa taku owasin wiyeya hiyeya; iho po, wakankiciyuzapi kin en u po.

5 Tuka iħaħapi qa toki iyayapi; wanji tamaga ekta iyaye ça, wanji is mazopiye tawa ekta iyaya.

6 Qa hunh wicakico ipi kin hena wicayuzapi, qa śicaya wicakuwapi qa wicaktepi.

7 Wicaśtayatapi kin he nahon qehan nina śihda; qa taakicita ekta yewicaśi, qa tinwicaktepi kin hena ihangwicaye qa totonwepi kin hulnahiya.

8 Hehan wowidake tawa kin hewicakiya; Wakankiciyuzapi kin wiyeya yanka, tuka tona en wicakicopi qon hena opapi kta iyececapi śni.

9 Heon etanhan canku ojata kin ektakta ya po, qa tona iye-wicayayapi kin wakankiciyuzapi kin en uwicaśi po.

10 Hecen wowidake unpi kin hena canku ojata kin ektakta iyayapi, qa tona iyewicayapi, śica qa waśte ko, en awicaupi; hecen wakankiciyuzapi wicaśta ota en opapi.

11 Unkan wicaśtayatapi kin tona wotapi kte cin hena wan-wicayaka tin hiyu, qa iho, wicaśta wanji wakankiciyuzapi wokoyake kin kiçun śni hen wanyaka:

12 Qa heciya; Koda, tokeca wakankiciyuzapi wokoyake kiçun śni en hidotanka he. Unkan takudan eye śni.

13 Hehan wicaśtayatapi kin taokiyewicaye cin hewicakiya; Siha nape ko palitapi qa detanhan aya po, qa tankan otpaza kin en elipeya po; heciya wicaceya qa hi hdakinskinzapi yuke kta.

14 Wicota wicakicopi tuka tonana wicakalinigapi ece.

15 Hehan Pharisee kin iś yapi, qa token iapi on yuśkiśkapi kta aiapi.

16 Qa iye waonspewicakiyapi kin Herodian hena om ekta yewicaśipi qa heyapi; Waonspekiye, iewicayaka sdonunyanpi, qa awicakehan Wakantanka ta-

canku kin onspeunyakiyapi ece, qa tuwedan koyakipe śni; wicaśta akantu ekta eyatonwe śni nakaes.

17 Heon token idukcan he; unkokiyaka po; Kesar mazaska qupi ece kin he owotanna he.

18 Unkan Jesus taku śica en wicaun kin he sdonya qa heya; Wananiçihmanpi, tokeca iyutanmayayapi he:

19 Mazaska mnayanpi ece kin he makipazo po, eya. Unkan kaşpapidan wanji kahipi.

20 Hehan hewicakiya; Wicite qa wowapi kagapi kin de tuwe tawa he.

21 Unkan, Kesar tawa ce, eyapi. Hehan hewicakiya; Heon etanhan Kesar taku tawa kin kicu po, qa Wakantanka taku tawa kin kicu po.

22 He nahonpi hehan yuśinya-yapi qa elpeya hdicupi.

23 Unkan anpetu kin he en Sadukee kin en hipi, hena piya wicoicage kin wanica ce, eyapi ece, qa wiwangapi;

24 Qa heciyapi; Waonspekiye, Wicaśta wan cinca yuhe śni te cinhan, tawicu qon he iye sunkaku yuze kta, qa cinca cinca icah-kiçiciye kta, Moses keye ciqon.

25 Unkan unkiyepi en wicaśta śakowin sunkakiciyapi; unkan tokapa kin he winohinca wan yuza tuka ta; qa cinca nica heon iye iyokihe cin he tawicu ailpekiye.

26 Qa icinonpa iyecen econ, qa iyamni, qa ecen śakowinpi kin.

27 Hehan ehake winohinca qon ta.

28 Hecen piya wicoicage kin en, hena śakowinpi kin wanji tukte winohinca kin he hduhapi kta he; owasin yuzapi.

29 Jesus waayupte qa hewicakiya; Yanunipi, wowapi wakan

qa Wakantanka towaśake kin sdonyayapi śni.

30 Piya wicoicage kin en winohinca wicayuzapi śni, qa hihnatonpi śni, tuka mahipiya ekta Wakantanka ohnihdewicaye cin iyececapı ece.

31 Tuka wicaŧe cin piya ica-gapi kin on Wakantanka taku eniciyapi kin he dawapi śni he; he kaken eya;

32 Abraham Wakantanka tawa, Isaak Wakantanka tawa, qa Jakob Wakantanka tawa kin he miye: Wakantanka wicaśta ŧapi kin tawapi śni, tuka ni unpi Wakantanka tawapi ece.

33 Unkan oyate kin hena na-honpi hehan taku onspewicakiye cin on yuśinyayapi.

34 Tuka Pharisee kin hena, Jesus Sadukee kin inina yanke wicakiya, he nañonpi hehan en mniciyapi:

35 Qa etanhan wanji woope aiekiyapi kin heca wiwange ɔa iyutanyan heciya;

36 Waonspekiye, woope kin en woahope kin tukte iyotan tanka he.

37 Unkan Jesus heciya; Itan-can Wakantanka nitawa kin he nicante ocowasin on, qa ninagi ocowasin on, qa nitoksape ocowasin on waśteyakidake kta.

38 Woahope tokaheya qa tan-ka kin hee.

39 Qa inonpa kin he iyececa; Nikiyedun un kin niye inihdacin waśteyadake kta ce.

40 Woahope kin denaoza woo-pe ocowasin wicaśta wokcan ko en ikoyaka ece.

41 Pharisee kin iś en mniciya-pi icunhan Jesus wiwicawange ɔa heya;

42 Messiya on token idukeanpi he; tuwe cinhintku he. Unkan, Dawid Cinhintku ce, eciyapi.

43 Hehan hewicakiya; Hecen token Dawid Woniya Wakan kin on Itancan, eciya he; qa heya;

44 Itancan kin Itancan mitawa heciya; Mietapa ekta iyotanka wo, tona tokaniyanpi kin siha oahe nitawa wicawakage kta, hehanyan.

45 Hecen Dawid, Itancan, eci-ya hecinhan, token ecin cinhin-ktuye kta he.

46 Unkan tuwedan oie wanji-dan ayupte kta okihi śni; qa anpetu kin hetanhan tuwedan ake wiwanga tawaŧenye śni ece.

WICOWOYAKE 23.

1 Hehan Jesus oyate kin, iye waonspewicakiye cin om wowi-cakiyaka:

2 Qa hewicakiya; Wowapi kagapi Pharisee ko Moses oiyo-tanke tawa kin en iyotankapi ece.

3 Heon etanhan taku tona ope-niśipi kin hena owasin opapi qa econ po; tuka iye ohanpi kin ohna econpi śni po; taku eyapi, tuka iyecen econpi śni ece.

4 Waqinpi ktetke qa qinpi te-hika heca oheyunpi, qa wicaśta tapete akan ehnakapi ece, tuka iye qe śaśte on yutanpi kta ta-waŧenyapi śni.

5 Qa wicoñan econpi kin owa-sin wicaśta wanwicayakapi kta e heon econpi ece. Wateśdake tanka iɔicagapi, qa śina opapun hdutankapi ece.

6 Wotapi en oyanke waśteśte cinpi, qa omniciye tipi kin ohna wankan iyotankapi kte cin he waśtedakapi ece:

7 Qa tihocoka kin en wiɔayu-wintapi, qa, Itancan, Itancan, wicaśta ewicakiyapi kta cinpi.

8 Tuka niye, Itancan, eniciya-

pi kte śni; wanji mdetahunka duhapi, Messiya hee; qa niyepi owasin hunkawanjinyeciyapi.

9 Qa nakun maka akan tuwedan, Ate, eciyapi śni po; Wanji mahpiya ekta un kin he Ateyayapi.

10 Qa nakun, Waonspekiye, eniciyapi kte śni; Wanji Waonspekiye duhapi, Messiya hee.

11 Qa tukte wanji iniyotanpi kta hecinhan, he wowidake nitawapi ee kta.

12 Tuwe yuwankan iyeiciye kta hecinhan, he yuhukun elipeyapi kta; qa tuwe ihduhukuya hecinhan, he yuwankan iyeyapi kta.

13 Tuka wowapi kagapi qa Pharisee kin, wananičilmanpi, wotehi niciyankapi nunwe; wiwazica tipi tawapi ihangyayapi ece, qa wanniyakapi kta on wocekiye hanska ehapi ece; heon etanhan woyaco tanka iyahdeniciyapi kta.

14 Wowapi kagapi qa Pharisee kin, wananičilmanpi, wotehi niciyankapi nunwe; mahpiya wokiconze kin wicašta anawicayeciaptapi, niye en dapi kte śni, qa tona en yapi kta cinpi kin teyahindapi ece.

15 Wowapi kagapi qa Pharisee kin, wananičilmanpi, wotehi niciyankapi nunwe; miniwanca maka ko aokibeyayapi, wicašta wanjidanduhomnipi kta; qa ece-tu kinhan, niye isanpa nonpa akihde Wakanśica cinca yakagapi ece.

16 Tokakeya mani išttagongapi kin, wotehi niciyankapi nunwe; hehapi ece; Tuwe tipi wakan kin on wakonze cinhan he taku śni; tuka tuwe tipi wakan kin en mazaskazi yuke cin, he on wakonze cinhan, he wahtani ece.

17 Winitkotkokapi qa išttagongapi; mazaskazi, qa is tipi wakan mazaskazi wakan kage cin unma tukte iyotan he.

18 Nakun, Tuwe owayuśna kin on wakonze cinhan he taku śni; tuka tuwe wośna owayuśna akan un kin he on wakonze cinhan, he wahtani ece.

19 Winitkotkokapi qa išttagongapi kin; wośnapi qa is owayuśna wośnapi kin wakan kage cin unma tukte tanka he.

20 Heon etanhan tuwe owayuśna kin on wakonze cinhan, he owayuśna qa taku akan un kin koya on wakonza ece.

21 Qa tuwe tipi wakan kin on wakonze cinhan, he tipi wakan, qa nakun tuwe ohna ti ece kin, hee on wakonza ece.

22 Qa tuwe mahpiya kin on wakonze cinhan, he Wakantan-ka oiyotanke tawa, qa nakun tuwe akan iyotanke cin on wakonza ece.

23 Wowapi kagapi qa Pharisee kin, wananičilmanpi, wotehi niciyankapi nunwe; ceyakata walipe skuya, wacanga ko, iwikcemna kin waduśnapi ece; qa woope kin en taku tanka, wootanna, wowaonsida qa wowa-cinye, hena ayaktapi śni ece; dena e ecanonpi kta, qa unma nakun econ śni yaunpi kte śni tuka.

24 Tokaheya mani išttagongapi kin, hoponkadan puskem edakupi, qa kamel heca napca iye-yayapi ece.

25 Wowapi kagapi qa Pharisee kin, wananičilmanpi, wotehi niciyankapi nunwe; waksica wi-yatke ko akantanhan duskapi ece, tuka mahen wamanonpi qa wicotawacin śica on ojugjudan.

26 Pharisee išttagonge, tokaheya wiyatke waksica ko ma-

hentanhan ska kaga wo, kinhan akantanhan he nakun ska kta.

27 Wowapi kagapi qa Pharisee kin, wananiçilmanpi, wotehi niciyankapi nunwe; ohna wicahapi sanyanpi henicecapi; hena akantanhan owanyag wašte, tuka mahentanhan wicašta huhu qa taku śica owasin on ojugujuan ece.

28 He iyecen niyepi wicašta ekta akantanhan owotanna yaunpi seececa, tuka mahentanhan wanaicilmanpi qa woowotanna śni on onijupidan.

29 Wowapi kagapi qa Phari-see kin, wananiçilmanpi, wotehi niciyankapi nunwe; wicašta wokcan ohna wicahapi kin en tipi wicayecagapi, qa wicašta owotanna ohna wicahnakapi kin hena sanyayapi ece:

30 Qa hehapi; Atewicunyanpi ni unpi he anpetu kin en unyakonpi unkanś, wicašta wokean wicaktepi qon en ounpapi kte śni tuka ce.

31 Hecen tona wicašta wokcan wicaktepi qon cincapi kin hena niyepi e onihdakapi ece.

32 Qa nakun niye niyatepi wicoħan tawapi kin hena wicayeciyaŝtanpi kta.

33 Wamduška henicapi, sinteħida wicoicage, token wakanśica ti iwicayacopi kin nayecipapi kta he.

34 Heon etanhan iho, wicašta wokcan, wicašta ksapa, wowapi kagapi hena koya, niyepi ekta yewicawaŝi; unkan etanhan apa wicayaktepi kta, qa icipaweħi owicayakatanpi kta; qa apa omnicieye tipi nitawapi kin ohnahna wicayakapsinsintapi kta; qa otonwe iyasyaza śicaya wicayakuwapi ece e kta.

35 Hecen maka akan wicašta owotanna wicaktepi hena we

kin ocowasin niyepi en aniupi kta; Abel owotanna we kin hetanhan, Zakarias, Barakias cinhintku, tipi wakan qa owayuŝna kin iyotahedan yaktepi qon he we kin hehanyan.

36 Awicakehan heciciyapi; Dena owasin wicoicage kin de en awicau kta.

37 Jeruŝalem, Jerusalem, wicašta wokcan wicayakte sa, qa tona niye ekta yewicaŝipi qon hena inyan on wicayakinin ece qon, wahupakoza wan iye cinca ħupahu ihukuya wicatpahi ece kin, he iyecen wanna ota nicinea wicawapahi kta wacin, tuka niye wicayadapi śni ece.

38 Iho, yatipi kin wanna otiwota ehpeniciyapi:

39 Qa heciciyapi; Detanhan tohanyan, Tuwe Itancan caje yuha u kin he yawaštepi nunwe, ehapi śni, hehanyan wanmayadakapi kte śni.

WICOWOYAKE 24.

1 Unkan Jesus tipi wakan kin etanhan tankan inanpe ça token iyaya; unkan waonspewicakiye cin en hipi qa tipi wakan token kagapi kin he wanyag ŝipi.

2 Unkan Jesus hewicakiya; Dena owasin wandakapi śni he; awicakehan heciciyapi; Dena inyan wanji inyan itakihna wanke kte śni, owasin yujujupi kta.

3 Unkan Oliwe paha kin akan iyotankehan yanka, hehan waonspewicakiye cin iŝnana en hipi qa heciciyapi; Dena tohan ecetu kta, qa niye yahi kte ça maka ihanke kta, taku on sɔnyapi kta, he ito unkokiyaka miye.

4 Unkan Jesus waayupte ça hewicakiya; Ihnuhan tuwe nihnayanpi kinhan.

5 Wicota micaje on upi kta qa,

Messiya he miye ce, eyapi kta; qa wicašta ota wicahnayanpi kta.

6 Unkan wicokicize qa kicizapi oyakapi kin nayahonpi kta; ihnuhan nihinniciyapi kinhan; hena owasin hecetu kte, tuka owihanke kin hinahinke šni.

7 Oyate wan oyate azuwicaye kta, qa wokiconze wokiconze anatan kta; qa tuktekten wicakihan qa makošiksica qa maka škanškan yuke kta.

8 Dena owasin wicoiyokišice tokaheya kin hee.

9 Hehan wicokakije en yenyani kta qa niktepi kta; qa micaje on oyate owasin šicenidapi kta.

10 Unkan hehan wicašta ota šihdapi kta, qa otoiyohi kicinayanpi kta qa šicekicidapi kta.

11 Qa wicašta wokcan itonšni ota icagapi kta, qa wicota wicahnayanpi kta.

12 Hehan wicohan šica ota icage kta, heon wicota waštedake ciqon he sni aye kta.

13 Tuka tuwe owihanke hehanyan najin kinhan he ni kta.

14 Unkan wokiconze wotanin wašte kin de maka kin owancaya oyakapi kta, oyate owasin en wotanin un kta; qa hehan owihanke kta.

15 Tohan wošice woihangye kin, Daniel wicašta wokcan cajeyata qon he tipi wakan kin en han wandakapi kinhan; tuwe yawa kinhan okašiniga nunwe;

16 Hehan tona Judamakoce kin en unpi kin he kin ekta napapi kta.

17 Qa tuwe tipi akan un kinhan kun ku, qa taku ti mahen tanhan ehdaku kte šni.

18 Qa nakun tuwe magata un kinhan, hdicu qa wokoyake iki-keu kte šni.

19 Unkan tona anpetu kin hena en ihdušakapi, qa hokšiyogopa azinwicakiyapi kin hena wotehi yuhapi kta.

20 Tuka waniyetu, qa anpetu wakan icunhan, nayajicapi kte šni e ito cekiya po.

21 Hehan wokakije tanka kte, maka kagapi kin ehantanhan dehanyan taku hecece šni, qa nakun tohinni tokata ekta hecece kte šni.

22 Qa anpetu kin hena yuptecedan šni kinhan, wicašta tuwedan ni kte šni; tuka wicakahinigapi kin hena on anpetu kin hena yuptecedan kta.

23 Hehan tuwe, Messiya den un ce, qa, kakiya un ce, eniciyapi ešta, wicadapi šni po.

24 Messiya itonšni, qa wicašta wokcan itonšni kin heca icagapi kta, qa wowanyake tanka wicohan tanka ko econpi kta, hecen okihipica unkanš wicakahnigapi kin hena eepi kaes wicahnayanpi kta tuka.

25 Iho, itokam hena ociciyakapi.

26 Heon etanhan; Iho, hewotahedan un ce, eniciyapi ešta, ekta yapi šni po; qa, Iho nahmana un ce, eniciyapi ešta, wicadapi šni po.

27 Wakanhdi wiyohiyanpa tanhan u, qa wiyohpeyata hehanyan tanin hinhda ece, Wicašta Cinhintku kin hi kte cin he iyecece kta.

28 Tukten taku ta wanka eca, hen wamdi kiwitayapi ece e kta.

29 Unkan wokakije anpetu kin hena ahankeya, anpetu wi kin aotpaza kta, qa hanyetu wi kin iyoyanpa kte šni, qa wicanhi mašpiya eciyatanhan hinlpaye kta, qa mašpiya wowašake kin yuhuhuzapi kta.

30 Unkan hehan mašpiya en,

Wicašta Cinhintku kin wowakta tawa kin tanin kta. Hehan maka akan oyate owasin nihinciyapi kta, qa Wicašta Cinhintku kin wowaśake qa wowitan tanka hduha, mahpiya śapa akan u wanyakapi kta.

31 Unkan mazayahotonpi tanka hotanin kin on ohnihdewicaye cin yewicaśi kta, qa hena tate uya topa eciyatanhan, tona wicakahnige ciqon hena wicapahi kta, mahpiya ihanke kin etanhan unma ihanke kin ekta hehanyan.

32 Wanna suken can kin etanhan wiyacinpi wan onspeičiciya po. Can intpa hinahin suta śni, qa wanna ape uya, hehan mdo- ketu kin wanna ikiyedan sdon- yayapi ece.

33 He iyecen dena owasin ece- tu wandakapi kinhan, wanna iki- yedan, tiyopa kin ehantu e sdon- ya po.

34 Awicakehan heciciyapi; Wi- coicage kin de ihanke kte śni, ecen dena owasin ecetu kta.

35 Mahpiya maka ko ihanke kta, tuka mioie kin owihanke kte śni.

36 Tuka anpetu kin he, qa wi- hiyayedana oape kin he tuwedana sdonye śni; mahpiya ohnihde kin hena *sdonyapi* śni; Ate ece- dana sdonya.

37 Nowa taanpetu qon hena, Wicašta Cinhintku kin hi kte cin iyecece kta.

38 Minitan qon isanpa anpetu kin hena en, wotapi qa waya- tkanpi, winohinea wicayuzapi qa wicašta hihnawicayapi ece, Nowa wata kin en iyaye cin anpetu kin hehanyan;

39 Qa iyukanpi śni, ecen mi- nitan aye qa iyuhpa ihangwicaya: iho, Wicašta Cinhintku kin u kte cin he iyecece kta.

40 Hehan wicašta nom magata

unpi kta; wanji icupi kta, qa unma kin is okaptapi kta.

41 Winohinea nom wiyutpan on wotpan unpi kta; wanji icupi kta, qa unma kin okaptapi kta.

42 Heon etanhan waktaya un po, wihiyayedana oape tukte en Itancan nitawapi u kta sdonya- yapi śni.

43 Tuka de sdonya po; wi- cašta tipi tawa kin wamanon sa tohan hi kta sdonya unkanś, ki- kta un qa tipi tawa yuhdokapi kta iyowinwicakiye kte śni tuka.

44 Heon etanhan niś eya wi- yeya un po; Wicašta Cinhintku kin wihiyayedana oape tukte wan- ji en hi kta, he sdonyayapi śni.

45 Tuwe wowidake owotanna qa wayupika, itancan tawa tipi awanyagkiya, tohan iyehantu eca wo wicaqu ece e kta.

46 Wowidake kin hecen econ ece, itancan tawa en hdi qa wanhdake cinhan, he yawaśtepi ece.

47 Awicakehan heciciyapi; Taku yuhe cin owasin awan- yagkiye kta.

48 Tuka wowidake śice cin he cante mahen, Itancan mitawa tehan hdi śni ce, eye cinhan;

49 Qa tona om wowidake un kin hena wicakaśtake qa, witko- pi om wote qa wayatke cinhan;

50 Anpetu wan waktaya un śni, qa wihiyayedana oape wanji iye kecin śni, he en wowidake un kin yuhe cin hdi kta;

51 Qa cokaya kicakse kta, qa wanaicihmanpi kin om taku yu- hekiye kta; heciya wicaceya qa hi hdakinskinzapi yuke kta.

WICOWOYAKE 25.

1 Hehan mahpiya wokiconze kin witanśna unpi wikcemna iyacinpi kta; petijanjan ihupa

ikikecupi qa tawicu ton kte cin he itkokim iyayapi.

2 Unkan zaptan ksapapi, qa zaptan witkotkokapi.

3 Witkotkokapi kin hena petijanjan ihupa icupi, tuka wihdi takudan yuhapi šni.

4 Tuka ksapapi kin hena cega ohna wihdi hduhapi, petijanjan ihupa iyahna.

5 Unkan tawicu ton kte cin he u šni; hehanyan iyulipa h̄bapi qa išt̄inmapi.

6 Unkan hanyecokaya hehan wicaho wan tanin, Iho, tawicu ton kte cin he u ce; itkokim ya po.

7 Hehan witanšna unpi kin hena owasin iyotankapi, qa petijanjan kin piyapi.

8 Unkan witkotkokapi kin hena ksapapi kin hewicakiyapi; Wihdi nitawapi etanhan ongege unqu miye, petijanjan unkici-snipi kta.

9 Tuka ksapapi kin waayuptapi qa hewicakiyapi; Hiya, okinni unkiye niyepi nakun iyounhipi kte šni; tuka tona wopetonpi ece kin ekta ya pe, qa opeiciton miye.

10 Unkan he opeton iyayapi, hehan tawicu ton kte cin he hi; unkan tona wiyeya unpi kin hena wakankiciyuzapi kte cin en kici iyayapi; hehan tiyopa kin ecen icupi.

11 Iyohakam witanšna unpi unmapi kin en hipi, qa heyapi; Itancan, Itancan, tiyopa unki-ciyuh̄doka miye.

12 Tuka iye waayupte ça; Sdonciyapi šni, awicakehan eciciyapi ce, eya.

13 Heon etanhan kiktahan unpo, anpetu qa wihiyayedan oape kin tukte wanji en, Wicašta Cinhintku kin hi kte cin he sdoniyayapi šni.

14 He iyecen wicašta wan makoce tokeca ekta ye kta, hehan wowidake wicayuhe cin wicakico, qa woyuha tawa kin wicakipamni.

15 Unkan wanji mazaska tkeutapi tanka zaptan qu, qa wanji nom, qa wanji iś wanjidan qu; otoiyo hi token okihi kta hecen wicaqu; hehan icimani iyaya.

16 Unkan tuwe tkeutapi tanka zaptan icu qon he iyaye, ça on wopeton ece econ, qa nakun tkeutapi tanka zaptan kamna.

17 Qa tuwe nom icu qon iś eya iyecen nom nakun kamna.

18 Tuka tuwe wanjidan icu qon he iyaye ça, maka qe ça, yuhe cin mazaska tawa kin inahma.

19 Unkan wanna tehan hehan wowidake unpi kin dena itancan tawapi kin hdi, qa wicakiciyawa.

20 Unkan tuwe tkeutapi tanka zaptan icu qon he zaptan toktokeca koya ahi qa heya; Itancan, tkeutapi tanka zaptan mayaqu; iho, nakun tkeutapi tanka zaptan hena awakamna, eya

21 Unkan yuhe cin heciya; Han, wowidake wašte qa wacin-yepica; taku tonana on wacin-yepica yaun, taku ota yuheci-ciye kta; niyuha towiyuškin kin en opa wo.

22 Hehan tuwe tkeutapi tanka nom icu qon he hi, qa heya; Itancan, tkeutapi tanka nom mayaqu; iho, nakun tkeutapi tanka nom hena awakamna.

23 Itancan tawa kin heciya; Han, wowidake wašte qa wacin-yepica; taku tonana on wacin-yepica yaun, ito taku ota yuheci-ciye kta; niyuha towiyuškin kin en opa wo.

24 Hehan tuwe tkeutapi tanka wanjidan icu qon he hi, qa heya;

Itancan, wicašta nitehika sdon-
waya, tukten woyaju šni ešta
etanhan wamnayaya ece, qa
tukten taku elipeyaye šni kin
hetanhan wayapahi ece.

25 Qa kowakipa, heon imdamde
ča mazaska tkeutapi tanka ni-
tawa maka kin en nawašbe;
iho, nitawa kin yahduha.

26 Itancan tawa kin waayupte
ča heciya; Wowidake nišice ča
nikuja; tukten wowaju šni kin
hetanhan wamnawaya ece, qa
tukten taku wakada šni hetan-
han wawapahi ece e sdonyaya;

27 Heon etanhan mazaska mi-
tawa wicašta wopetonpi kin yu-
hewicayakiye kta iyececa tuka;
hecen wahdi, qa mitawa oicage
ko ewehdaku kta tuka.

28 Heon tkeutapi tanka kin
ekiciyaku po, qa tuwe tkeutapi
tanka wikcemna yuhe cin he ito
qu po.

29 Tuwe taku ota yuhe cin he
nakun qupi ece e kta, hecen iya-
kičuya yuhe kta; tuka tuwe ta-
kudan yuhe šni kin hetanhan
taku ton kin hee kaš ekiciya-
kupi ece e kta.

30 Qa wowidake wakamna šni
kin he tankan otpaza kin en
elipeya po; heciya wicaceya qa
hi hdakinskinzapi yuke kta.

31 Tohan Wicašta Cinhintku
kin wowitan hduha, ohnihdewi-
caya wakan kin owasin om u
kinhan, hehan wowitan oiyotan-
ke tawa kin en kiyotanke kta:

32 Qa itokam oyate kin iyuhpa
mniciyapi kta; unkan wicayu-
kinukan kta, waawanhdake wan
tahnca wanunyanpi, tatokadan
etanhan wicapahi ece kin he
iyececa.

33 Qa tahnca wanunyanpi kin
hena iye etapa eciyatanhan, qa
tatokadan kin iye catka eciya-
tanhan ewicahnake kta.

34 Hehan Wicaštayatapi kin
tona etapa eciyatanhan unpi kin
hena hewicakiye kta; U po,
Ate eciyatanhan niyawaštepi
kin, wokiconze maka kagapi kin
ehantanhan wiyeya niciyankapi
kin he ito hduha po.

35 Wotektewahda, unkan wo
mayaqupi; imapuza, unkan wa-
yatkemayakiyapi; wicašta ma-
tokeca waun, unkan tin hiyumay-
ayapi:

36 Tancomakadan, unkan waa-
mayakalipapi; wamayazanka,
unkan onšimayadapi; maka-
škapi, unkan wanyag mayahipi
ece.

37 Hehan wicašta owotanna
kin hena ayuptapi qa heciyapi
kta; Itancan, tohinni wotekte-
yahda wanunniyakapi, qa wo
unnicupi he; qa inipuza qa wa-
yatkēunniciyapi he:

38 Tohinni wicašta tokeca yaun
wanunniyakapi, qa tin hiyuun-
niyanpi he; qa tancodan yaun,
qa wokoyake unnicupi he:

39 Tohinni waniyazanka qa
kaška nihnakapi yaun wanunni-
yakapi, qa en unnihipi he.

40 Unkan Wicaštayatapi kin
waayupte ča hewicakiye kta;
Awicakehan heciciyapi; Mihun-
kawanji kin dena cikcistinpidan
hecawicayeconpi kin he miye
ecamiyeconpi ece.

41 Hehan tona catka kin eciya-
tanhan unpi kin hewicakiye kta;
Niyašicapi kin, mitantanhan iya-
ya po, peta owihanke wanica
ekta, wakanšica iye taokiyewi-
caye cin koya on kagapi qon.

42 Wotektewahda, tuka wo
mayaqupi šni; imapuza, tuka
wayatkemayakiyapi šni:

43 Wicašta matokeca waun,
tuka tin hiyumayayapi šni; tan-
codan waun, tuka wokoyake ma-
yaqupi šni; wamayazanka qa

kaška mahnakapi waun, tuka onsimayadapi šni.

44 Hehan ayuptapi qa heciyapi kta; Itancan, tohinni wotekteyahda, qa inipuza, qa wicašta tokeca yaun, qa tanconikadan, qa waniyazanka, qa kaška ni-hnakapi yaun wanunniyakapi, qa ounniciyapi šni he.

45 Hehan awicayupte ça heye kta; Awicakehan heciyapi; Dena cikcistinpidan hecawicayeconpi šni kin he miye ecamiyeconpi šni ece.

46 Unkan dena owihanke wain wokakije kin en yapi kta; tuka wicašta owotanna kin hena owihanke wanin wiconi kin en *yapi kta*.

WICOWOYAKE 26.

1 Unkan Jesus wicoie kin dena owasin ihunnikiya, hehan waonspewicakiye cin hewicakiya;

2 Anpetu nom iyohakam woacakšin kin behantu kta sonyayapi; hehan Wicašta Cinhintku kin icipaweli okatanpi kta e wicaqupi kta.

3 Hehan wošnapi kagapi, wuwapi kagapi qa oyate kin en wicašta tankapi kin hena koya mniciyapi, wošnapi kagapi itancan, Kaiaphas eciyapi, he ti kin en.

4 Qa Jesus token nahmana icupi qa ktepi kta he aiapi.

5 Tuka wotapi anpetu kin hena icunhan šni, okinni oyate kin owodutaton kta, eyapi.

6 Unkan Jesus Bethani en Simon lepros ecece ciqon he ti kin ohna yanka.

7 Hehan winohinca wan inyan opiye wan wihdi waštemna tehi-ka ojudan he yuha en hi, qa iye iyotankehan yanka icunhan, pa kin en okaštan.

8 Tuka waonspewicakiye cin

hena he wanyakapi qehan šihdapi, qa heyapi; Tokeca de awihunniyapi he.

9 Wihdi waštemna kin de ota iyoheyapi kta, qa wahpanica wicaqupi kta iyececa tuka ce.

10 Jesus he okašinige ça hewicakiya; Tokeca winohinca kin de iyokišinyayapi he; wicohan wašte wan ecamicon.

11 Wahpanicapi kin ohinnyan wicaduhapi, tuka miye ohinnyan mayaduhapi šni.

12 Wihdi waštemna kin de mitancan amakaštan kin, mahnakapi kte cin on etanhan hecon.

13 Awicakehan heciyapi; Maka kin owancaya wootanin wašte kin de tukten oyakapi hecinhan, winohinca kin de taku econ kin he wowitan on oyakapi ece e kta.

14 Hehan akenonpapi kin etanhan waji, Judas Iskariot eciyapi, he wošnapi kagapi kin ekta wicai;

15 Qa heya; He ciqupi kinhan taku mayaqupi kta he. Unkan mazaska wikcemna yamni qupi kta, keciyapi.

16 Unkan hetanhan token hnayan wicaqu kta e he akita.

17 Aguyapi on napohiyapi codan anpetu tokaheya, hehan waonspewicakiye cin Jesus en hipi, qa heciyapi; Tukten woacakšin kin yate kta wiyeya unnicihnakapi kta yacin he.

18 Unkan heya; Otonwe kin en ya po, qa wicašta kae heciyapo; Wanna iyemicihantu, woacakšin kin yati en waonspewicawakiye cin om ecamon kta ce, Waonspekiye cin heya ce.

19 Unkan waonspewicakiye cin Jesus econ wicaši kin ecen econpi, qa woacakšin kin wiyeya ehnakapi.

20 Wanna hitayetu hehan ake-nonpapi kin om en iyotanka.

21 Qa wotapi icunhan heya; Niyepi etanhan wanji wiyopemayayapi kta, awicakehan eciciyapi ce.

22 Unkan iyokišicapi hinca, qa otoiyo hi heciyapi; Itancan, he miye he.

23 Unkan waayupte ça heya; Tuwe wakšica ohna kici nape yewaye cinhan he wiyopemaye kte cin ee.

24 Wowapi en kagapi qon he iyecen, Wicašta Cinhintku kin ye kta; tuka wicašta kin Wicašta Cinhintku kin wiyopeye cinhan he wotehi kiciyanke kta; wicašta kin he tohinni tonpi šni unkanš wašte kta tuka.

25 Unkan Judas wiyopeye kte cin he ayupte ça; Itancan, he miye he, eya. Unkan, Niye heha ce, eciya.

26 Unkan wotapi icunhan Jesus aguyapi icu, qa yawašte, qa yušpašpa, qa waonspewicakiye cin wicaqu, qa heya; Icupi qa yuta po; mitancan kin he dee.

27 Qa wiyatke kin ehdaku, qa wopida eye ça wicaqu, qa heya; Owasin etanhan yatkan po.

28 Mawe kin he dee, wicota-kuye teca kin en, wicota on paponpi, woahitani kajuju kta heon.

29 Tuka heciciyapi, Detanhan hastanhanka iyuwi waskuyeca kin etanhan icimana mdatke kte šni, Ate tokiconze kin en anpetu wan teca unyatkanpi kte cin hehanyan.

30 Unkan odowan wan ahiyayapi hehan tankan iyayapi, Oliwe paha kin he ekta.

31 Hehan Jesus hewicakiya; Hanyetu kin de niyepi owasin elipemayayapi kta. Kaken wotapi en kagapi; Waawanhdake

kin he awape kta, unkan hetanhan tahnca wanunyanpi optaye kin enanakiya iyayapi kta.

32 Tuka ake wakini kinhan Galile ekta nitokam mde kta.

33 Hehan Inyan ayupte ça heciya; Owasin elipeniyampi ešta, miye tohinni elpeciye kte šni.

34 Jesus heciya; Hanyetu kin de anpaohotonna hoton šni itokam yamni anamayakihibe kta, awicakehan eciciya.

35 Inyan heciya; Nici mašta ešta anacilibe kte šni. Waonspewicakiye cin iyulha nakun iyecen eyapi.

36 Hehan Jesus waonspewicakiye cin om can wojupi wan Gethsemene eciyapi kin he en i, qa hewicakiya; Den iyotanka po, ito kakiya cekiya mde kta.

37 Unkan Inyan qa Zebedee cinhintku kin napin iwicacu, qa iyokišica hinhda qa nina yuška.

38 Hehan hewicakiya; Minagi iyokišice hinca, mašte kta iyececa; den kiktahan mici yukan po.

39 Unkan hetanhan kitan ecinyan iyoopte iyaye ça makata elpeičiya, cekiye ça heya; Ate, okihipica kinhan, wiyatke kin de tokan imiciyaye kta; tuka miye wacin kin hee šni, niye token yacin kin hee ecetu kte.

40 Unkan waonspewicakiye cin iština hiyeya en wicahdi, qa Inyan heciya; Tokeca wihiyayedana oape wanji kiktahan mici yaunpi kta oyakihipi šni he.

41 Kiktahan unpi qa cekiya po, okinni taku wawiyutanyan unkin en idadapi nun ce. Wicana-gi kin he wicada, tuka wicacehi kin wašake šni.

42 Ake inonpa ekta iyaye ça cekiye ça heya; Ate, wiyatke kin de mdatke šni tokan imiciyaye kta okihipica šni kinhan, nitawacin ecen econpi nunwe.

43 Hehan ake en wicahdi, qa iştinma hiyeya wanwicahdaka; iştâ libapi hınca nakaes.

44 Unkan elipewicaye ça ake iyaye ça iyamni cekiya, oie un qon hena ake ohna ecen eya.

45 Hehan waonspewicakiye cin en wicahdi qa hewicakiya; Wanna niştinmapi qa oziniçiyapi he; iho, wanna iyehantu, qa Wicaştâ Cinhintku kin wahtanipi sa napepi kin en wicaqupi.

46 Najin po, unyanpi kta; iho, tuwe wiyopemaye cin he kiye-dan u ce.

47 Unkan iahan icunhan, iho, Judas, akenonpapi kin wanji ee, he hi, qa wicota woşnapi kagapi qa oyate kin en wicaştâ tankinyanpi etanhan, mazasagye cansagye ko yuha kici hipi.

48 Unkan tuwe wiyopeye cin he iwaktawicaye ça heya; Tuwe i iwaputake cinhan hee kta; sutaya yuza po.

49 Unkan katinyan Jesus en hi qa, Iho, Itancan, eye ça i iputaka.

50 Unkan Jesus heciya; Kicuwa, taku on yahi he. Hehan en hipi qa Jesus nape ahnakapi qa yuzapi.

51 Unkan, iho, Jesus kici unpi wanji nape hdukatın, qa mazasagye ehdaku, qa on, woşnapi kagapi itancan taokiye wanji ape ça noge kaşpa.

52 Hehan Jesus heciya; Mazasagye nitawa ojuha en iyekiya wo; tona mazasagye ehdakupi kin owasin mazasagye kin on tapi kta.

53 Nakaha Ate cewakiya owakihi şni kecanni he; qa hinna-kaha malıpiya ohnihde wicobe akenonpa sanpa maqu kta tuka.

54 Tuka hecetu kinhan, wowa-pi en kagapi, he decetu kta eyapi qon he token yuacetupi kta he.

55 Wihiyayedan oape kin he en Jesus oyate kin hewicakiya; Tokeca wamanon sa iyecen, mazasagye cansagye ko hduha takpe mayahipi he; anpetu ot-yohi tipi wakan kin ohna wa-onspeciciyapi manka, tuka mayaduzapi şni.

56 Tuka dena owasin econpi, wicaştâ wokcan taku owapi qon he yuacetupi kta heon. Hehan waonspewicakiye cin owasin ehpeyapi qa najicapi.

57 Unkan tona Jesus yuzapi kin hena Kaiaphas woşnapi kagapi itancan kin ekta ayapi, wowapi kagapi wicahıncapi ko mniciyapi kin en.

58 Tuka Inyan itehan ihakam u, woşnapi kagapi itancan ti kin hehanyan, qa mahen ye ça ookiyewicayapi kin om iyo-tanka, owihanke kte cin he wanyake kta.

59 Unkan woşnapi kagapi qa wicahıncapi kin, qa omniçiyecowasin, woitonşni wootanin oyakapi Jesus on akitapi, ktepi kte cin heon:

60 Tuka takudan iyeyapi şni; woitonşni woyakapi ota hipi, tuka takudan iyeyapi şni. Unhanketa woitonşni oyakapi nom hipi;

61 Qa heyapi; Wicaştâ kin de, Tipi wakan Wakantanka tawa kin he mdujuju, qa anpetu yamni kinhan ake piya wakage kta owakihi ce, eya ce.

62 Hehan woşnapi kagapi itancan kin najin hiyaye ça heciya; Dena taku iyanionpapi kin takudan adupte şni he.

63 Tuka Jesus inina yanka. Unkan woşnapi kagapi itancan kin heciya; Wakantanka ni un kin on wacajeciciyate, Messiya Wakantanka Cinhintku kin he niye hecinhan, unkokiyaka miye.

64 Unkan Jesus heciya ; Niye ecen eha ; tuka nakun heciciyapi ; Tokata ekta Wicašta Cinhintku kin wowaśake etapa eciyatanhan iyotanka qa mahpiya śapa akan u wandakapi kta.

65 Hehan wośnapi kagapi itancan kin śina hduhdehdece a heya ; Taku śica eya ; taku n sanpa woyakapi unkakitapi kta he ; iho, wanna śicaya ie cin he nayahonpi :

66 Token idukcanpi he. Unkan ayuptapi qa, He e kta iyececa ce, eyapi.

67 Hehan ite atagośapi qa nape on apapi ; qa hunh kapsinsintapi ;

68 Qa heyapi ; Messiya he niye, tuwe anipe cin he ito unkokiyaka po.

69 Inyan tankan tipi kin ohna iyotankehan yanka ; unkan wikośka wan en hi qa heciya ; Qa niś nakun Jesus Galile etanhan kin he kici yaun qon.

70 Tuka iye owasin wicitokam anakihbe a heya ; Taku ehe cin he sdonwaye śni.

71 Unkan ohanzi hdepi kin ekta tankan iyaya, hehan wanji tokeca wanyake a tona en unpi kin hewicakiya ; De nakun Jesus Nazareth etanhan kin he kici un qon.

72 Unkan akeś anakihbe a, Taku wakan namañon, wicašta kin de sdonwaye śni ce, eya.

73 Hehan ake iecadan tona en najinpi kin hena hipi, qa Inyan heciyapi ; Awicakehan ewicatanhan yaun ; iyae cin he oniyaka ece.

74 Hehan iapi śica ota eye a, Taku wakan namañon, wicašta kin he ecaca sdonwaye śni ce, eya. Unkan ecahankeya anpaohotonna kin hoton.

75 Hehan Inyan, Jesus taku

eciye ciqon, Anpaohotonna hoton śni kin itokam yamni anamayakihbe kta ce, eye cin he kiksuya. Unkan tankan iyaye a nina ceya.

WICOWOYAKE 27.

1 Unkan hanñanna ģinca wośnapi kagapi kin owasin qa oyate kin en wicahincapi kin hena koya, Jesus token ktepi kta e he aiapi.

2 Unkan kaśkapi hehan ayapi, qa Pontios Pilate wicašta itancan kin he kaipi.

3 Unkan Judas wiyopeye cin he wanna yacopi wanyaka, hehan iyopeiiye a, mazaska wikcemna yamni kin, wośnapi kagapi wicahincapi ko ake wicakahi ;

4 Qa heya ; Wawalitani, wicawe taku iyaonpepica śni kin wiyopewaya ce. Unkan heyapi ; He etanhan unkitokecapi śni ; he niś niye.

5 Unkan mazaska kin tipi wakan kin en ehpeye a kihda ; qa hetanhan iyaye a poskin iikte.

6 Unkan wośnapi kagapi kin mazaska kin hena icupi, qa heyapi ; Mazaska opiye kin en unkoñnakapi kta iyecece śni, wicawe iyopeyapi kin dena ee, heon etanhan.

7 Hecen wiyukcanpi qa hena on waksica kage cin tamaga he opetonpi ; ohna wicašta tokeca wicahapi kta.

8 Heon etanhan maga kin he, Wicawe maga, eciyapi, anpetu kin dehanyan.

9 Hehan Jeramiya wicašta wokean taku eye ciqon yuecetupi ; he kaken eya ; Unkan mazaska wikcemna yamni, tuwe iyopeyapi qon, Israel cincapi kin hecen iyacinpi qon, hena icupi,

10 Qa waksíca kage cin tamaga kin iyoheyapi, Itancan kin econ-mási iyececa.

11 Unkan Jesus wicašta itancan kin itokam inajin: Qa wicašta itancan kin wiwange ça heciya; Juda wicaštayatapi kin he niye he. Unkan; Niś heha ce, Jesus eya.

12 Unkan wośnapi kagapi wicašincapi ko taku iyaonpapi, tuka takudan ayupte śni.

13 Hehan Pilate heciya; Dena taku iyanionpapi kin nayahon śni he.

14 Tuka oie wanjidan ešta ayupte śni, hecen wicašta itancan kin nina yušinyaya.

15 Wotapi kin de iyehantu eca wicašta itancan kin wicakaškapi wanji kiyuška ece, tukte wanji oyate kin kicapi.

16 Unkan he ehan wanji tanyan śdonyapi, Barabbas eciyapi, he kaška hnakapi.

17 Hecen en mniciyapi hehan Pilate hewicakiya; Unma tukte ciciyuškapi kta yacinpi he, Barabbas qa íś Jesus nakun Messiya eciyapi.

18 Winawizipi on he iye en kahipi e sdonya.

19 Unkan woyaco oiyotanke kin akan kiyotanka hehan tawicu kin tuwe en uśi, qa heciya; Wicašta owotanna kin he takudan ecakicon śni we, on anpetu kin de wiwahanma en nina mayušinyaya ce.

20 Tuka wośnapi kagapi wicašincapi ko oyate kin waho-konwicakiyapi, Barabbas kicapi kta, qa Jesus ihangyapi kta.

21 Hehan wicašta itancan kin ake wiwicawange ça hewicakiya; Unma tukte ciciyuškapi kta yacinpi he. Unkan, Barabbas, eyapi.

22 Pilate hewicakiya; Jesus

nakun Messiya eciyapi kin he token ecamon kta he. Unkan owasin; Icipaweh okatanpi kta, eciyapi.

23 Unkan wicašta itancan kin heya; Tokeca, taku śica econ kin tukte e he. Tuka nina panpi qa; Icipaweh okatanpi kta, eyapi.

24 Hecen Pilate takudan okihi śni, qa nina owodutaton icaga he wanyaka, hehan mini icu, qa wicota wicitokam nape hdujaja, qa heya; Wicašta owotanna kin de we kin miye en amauپی kte śni; niye ito wanyaka po.

25 Hehan oyate kin iyulipa ayuptapi qa heyapi; He we kin unkiyepi qa unkičincapi koya en unkaupi nunwe.

26 Unkan hehan Barabbas wicakiciyuška; qa Jesus kapsin-psinta hehan icipaweh okatanpi kta e wicaqu.

27 Hehan wicašta itancan taakicita kin Jesus ti mahen ayapi, qa wicobe ocowasin en mniciyapi.

28 Qa iye tawokoyake kiyuśdokapi, qa śina duta wan inkiyapi.

29 Qa wapepeka kazontapi on wateśdake kagapi qa teśdagkicatoni, qa cedi wan nape etapa kin on yuskiyapi; qa itokam canpeška makehde inajinpi, qa ihałapi, qa heyapi; Iho, Juda Wicaštayatapi kin.

30 Qa atagośapi, qa cedi kin icupi qa pa en apapi.

31 Unkan hecen ihałapi hehan śina kin ekiciyakupi qa iye tawokoyake qon kičunkiyapi, qa icipaweh okatanpi kta ayapi.

32 Tankan ayapi hehan wicašta wan Kurene etanhan, Simon eciyapi, he wanyakapi; unkan he cansusbeca kin kicičinkiyapi.

33 Unkan makoce wan Golgo-

MATTHEOS.

tha eciyapi, he wicapahu makoce eyapi kin he kapi, he ekta ipi ;

34 Hehan minisa pizi icahiyapi kin hetanhan yatkekiyapi ; tuka uta hehan yatke kta wicada sni.

35 Unkan hen icipaweli okatanpi, oconna econpi qa tawokoyake kicipamnipi. Hecen wicasta wokcan oie qon yuecetupi ; Mitawokoyake kicipamnipi qa onhidohda mitawa on oconna econpi ce.

36 Unkan hen iyotankapi qa awanyakapi :

37 Qa wiyaonpapi kin de owapi qa pa iwankam ehnapapi ; JESUS, JUDA WICASTAYA-TAPI KIN HE DEE.

38 Nakun wicasta wamanon sa nom kici icipaweli owicakatanpi, unma etapa eciyatanhan, qa unma is catka tanhan econpi.

39 Unkan tona en hiyayapi kin hena aiapi, qa apomnamnapi ;

40 Qaheyapi ; Tipi wakan ihangyaye ca anpetu yamni ake piya yakage kte cigon, niiciya wo. Wakantanka Cinhintku kin he niye hecinhan, cansusbeca kin etanhan kun ku wo.

41 He iyececa, wo snapi kagapi kin ihahapi, qa wowapi kagapi wicahincapi ko om heyapi ;

42 Wicasta tokeca niwicaya ece, iye niiciye kta okihi sni ; Israel wicastayatapi tawapi hecinhan, iho, wanna cansusbeca kin etanhan kun ku kta, kinhan wicaundapi kta.

43 Wakantanka wacinkiyeye cigon ; tawa kta hecinhan wanna ehdaku kta ; Wakantanka Cinhintku kin he miye ce, eye cigon.

44 Nakun wicasta wamanon sa, kici icipaweli owicakatanpi kin hena is eya iyecen i en hiyeyapi.

45 Unkan wihiyayedan oape

sakpe hetanhan napcinwanka ape cin hehanyan makoce kin owancaya otpaza.

46 Unkan napcinwanka apa hehantu ecetu, Jesus howaye ca hotankakiya heya ; Eli, Eli, lama sabakthani ; Wakantanka mitawa, Wakantanka mitawa, tokeca elipemayaya he, eyapi kin hee.

47 Unkan en najinpi kin he nahonpi qehan, apa heyapi ; Elias kipan ce.

48 Unkan wanji etanhan inyang ye ca mini iyuhepe wan icu, qa miniskuya en oputkan, cedi wan icape ca yatkekiya.

49 Unmapi kin heyapi ; Hinahanka, Elias nikiya hi kta hecinhan ito wanunyakapi kta.

50 Tuka Jesus ake hotankakiya hotanin qehan, taniya kin hiyuya.

51 Unkan iho, tipi wakan cokaya ozanpi kin he okiyuhdecapi, wankantanhan qa kun ihanke kin hehanyan ; nakun maka kin skanskan qa inyan namdecapi :

52 Qa wicahapi kin yuhdokapi, qa wicasta waste istinmapi kin hena ota hiyupi ;

53 Qa wicahnakapi kin etanhan hninanpapi, qa otonwe wakan kin en hipi, qa wicota en taniniiciyapi.

54 Unkan akicita tancan qa tona om Jesus awanyake cin hena maka kin skanskan qa taku econpi ko wanyakapi qehan, nina yusinyayapi. qa, Awicakehan Wakantanka Cinhintku kin he dee tuka ce, eyapi.

55 Unkan winolinca ota hen unpi qa itehanyan wanyakapi ; tona Galile etanhan upi qa okiyapi ece qon :

56 Mary Magdalene he wanji ee, qa Mary Jakob qa Joses hunku, qa Zebede cinca hunkupi kin.

57 Wanna litayetu hehan Ari-mathea etanhan wicaŝta wijica wan en hi, Joseph eciyapi, he nakun Jesus waonspewicakiye cin wanji ee :

58 He Pilate en i, qa Jesus tancan kin kida. Hehan Pilate tancan kin he quwicasi.

59 Unkan Joseph tancan kin he icu qehan, minihuha ska wan opazunta;

60 Qa ohna hnakapi tawa teca, innija kin en kahidoke cin, he en ohnaka; qa inyan wan tanka ohna hnakapi i kin en eonpa, hehan kihda.

61 Unkan ohna hnakapi kin iyo-takons, Mary Magdalene qa Mary unma qon iyotankehan yukanpi.

62 Unkan anpetu en ihduwiyeyapi ece kin he ihanihanna, hehan woŝnapi kagapi qa Phari-see kin hena Pilate en hipi,

63 Qa heyapi; Itancan, wicahna-ye sa kin de ni un qehan, Anpetu yamni hehan wakini kta ce, eya keyapi, he uniksuyapi.

64 Heon etanhan wicahnakapi kin natag wicasi wo, anpetu yamni hehanyan; okinni waonspewicakiye cin hena en hipi qa tancan kin manon akiyاهدapi kta, qa hehan, Wicaŝe cin etanhan kini ce, oyate kin ewicakiyapi kta; hecen ehake wicahnayanpi kin he tokaheya kin isanpa tanka kta.

65 Pilate hewicakiya; Akicita wicaduhapi; hdapi qa token oya-kihipi sutaya nataka po.

66 Hecen kihdapi qa wicahnakapi kin sutaya natakapi; inyan kin he apuspapi qa akicita en najinwicakiyapi.

WICOWOYAKE 28.

1 Anpetu wakan owihanke kin ekta, wanna anpetu tokaheya

ayanpa kta hehan, Mary Magdalene qa Mary unma kin, wicahnakapi kin wanyag hipi:

2 Unkan iho, maka ŝkanskan wan tanka; malhipiya eciyatanhan Itancan taohnihde wan kun u, en hi qa tiyopa kin etanhan inyan kin yuptanye  a akan iyo-tanka.

3 He ite kin wakanhdi kin iyececa, qa tawokoyake kin wa iyecen ska:

4 Unkan he kokipapi on awanyakapi kin nina cancanpi qa wicaŝta  api kin iyecen ayapi.

5 Unkan malhipiya ohnihde kin he waayupte  a winohinca kin hewicakiya; Niye kokipapi ŝni po; Jesus icipaweŝi okatanpi qon he oyadepi sdonwaya:

6 Den un ŝni; wanna ihduekicetu, heye ciqon iyececa: Ku-wa po, Itancan kin wanke ciqon he wanyaka miye.

7 Qa kohanna hdapi qa, Wicaŝe cin etanhan kini ce, waonspewicakiye cin ewicakiya po; unkan iho, Galile ekta nitokam iyaya ce, hen wandakapi kta; iho, wanna ociciyakapi.

8 Unkan wokokipe wowiyuŝkin tanka ko yuha koyahanna kihdapi; waonspewicakiye cin hoŝi wicakakapi kta inyang hdapi.

9 Unkan waonspewicakiye cin hoŝi wicakahdapi icunhan, iho, Jesus itkowicakipa qa heya; Wiyuŝkin po. Unkan en hipi qa siha en yuzapi qa ohodapi.

10 Hehan hewicakiya; Kopehdapi ŝni po; mihunkawanji owicakiyag ya po, Galile ekta yapi kta; heciya wanmayakapi kta ce.

11 Unkan hena hdapi icunhan, akicita awanyakapi qon etanhan wanjikji otonwe kin en hipi, qa woŝnapi kagapi kin taku econpi kin owasin owicakiyakapi.

MARKOS.

12 Unkan hena witaya mniei-yapi, wicahincapi ko om, qa he akiiapi, hehan akicita mazaska ota wicaqupi;

13 Qa heyapi; Unkiſtinmapi icunhan waonspewicakiye cin hanyen hipi qa manon icupi ce, eya po.

14 Unkan he wicaſta itancan kin naſhon kinhan, unkiye ceunki-yapi kta, qa anaunnickſinpi kta.

15 Hecen mazaska kin icupi, qa token onspewicakiyapi kin iyecen econpi; heon wicoie kin he Juda oyate kin en oyakapi ece, anpetu kin dehanyan.

16 Hehan waonspewicakiye cin akewanjipi, hena Galile ekta iya-

yapi, paha wan Jesus cajeyate ciqon hetu.

17 Unkan wanyakapi hehan ohodapi; tuka apa ceſunhdapi.

18 Unkan Jesus en wicahi, owawicakiye a heya; Maſpiya ekta qa maka akan wowaſake ocowasin maqupi:

19 Heon etanhan ya po, oyate kin owasin waonspewicakiya po, qa Ateyapi, Cinhintkuyapi, qa Woniya Wakan kin caje on baptem wicaqu po;

20 Qa taku tona econciſipi kin owasin yuhapi kta e onspewicakiya po. Unkan iho, anpetu owasin cicipi waun, maka owi-hanke kin dehanyan. Amen.

M A R K O S

WOTANIN WAŒTE TAWA.

WICOWOYAKE 1.

1 Jesus Meſſiya Wakantanka Cinhintku kin Wotanin Waſte tawa tokaheya kin he dee.

2 Wicaſta wokcanpi kin en owapi qon iyececa; Iho, niite kin itokam wahoſi mitawa yewaſi kta, nitokam canku wiyeya enicihnake kta.

3 Wicaho wan  ewotahedan hotanin kin hee, Itancan tacan-ku kin wiyeya ekicihnaka wo, ocanku owotanna kicaga wo.

4 Johannes  ewotahedan baptem wicaqu, qa woalitani kaju-jupi kta, on iyopeiiyapi baptem wicaqupi kin he oyaka ece.

5 Unkan Juda makoce kin owan-caya tanhan, qa nakun Jerusa-lem etanhan ekta yapi; unkan woalitani ohdaka, Jordan wakpa

kin en, iye owasin baptem wicaqu.

6 Unkan Johannes kamel hin kin koyake a telimiso wan ipi-yagkiton; qa psipsicadan tu- maga canhanpi ahna yuta ece:

7 Qa woyake a heya; Miha-kam wanji mikapeya waſake cin he u ce, he patuſ nawajin qa hankpan weciyuſdoke kta iye-micihantu ſni.

8 Miſ miye awicakehan mini on baptem ciupi; tuka iye qe Woniya Wakan kin on baptem niupi kta ce.

9 Unkan anpetu kin hena icunhan, Galile en Nazareth etanhan Jesus u, qa Jordan en Johannes baptem qu.

10 Unkan mini kin etanhan itanwankanhde ku qehan, ecahankeya maſpiya kin yuzamnipi qa Woniya Wakan kin wakiye-

dan kaŋya kuntkiya u qa en hi-
yahan, he wanyaka.

11 Unkan maŋpiya eciyatanhan
wicaho wan tanin, Micinksi wa-
stewakidake a tanyan iyoma-
kipi kin he niye ce.

12 Hehan ecahankeya Woniya
kin hewoskan makoce kin ekta
kaŋam aya.

13 Unkan anpetu wikcemna
topa hewotahedan makoce kin
en un; qa hen Satan iyutanyan;
wamanica kin om un, unkan
maŋpiya ohnihde kin okiyapi
ece.

14 Unkan Johannes kaŋka hna-
kapi qehan, Jesus Galile en hi,
qa Wakantanka tokiconze wo-
tanin waŋte kin oyaka:

15 Qa heya; Wanna iyehantu,
Wakantanka tokiconze kin kiye-
dan un; iyopeiciya po, qa wo-
tanin waŋte kin wicada po.

16 Unkan Galile mde kin icahda
omani, hehan Simon wanyaka,
qa iye sunkaku Andrew nakun,
mde kin en ho wan iyohpeyapi;
hena hopsicapi kin hecapi na-
kaeŋ.

17 Unkan Jesus hewicakiya;
Miyahna u po, kinhan wicaŋta wi-
cadupsicapi kta cicagapi kta ce.

18 Unkan ecahankeya ho kin
ehpekiyapi, qa ihakam iyayapi.

19 Unkan hetanhan kitan ecin-
yan iyoopta ye a, Jakob Zebede
cinhintku, nakun sunkaku Jo-
hannes eciyapi, wanwicayaka;
hena wata ohna ho kin piyapi.

20 Unkan ecahankeya wica-
kico; unkan atkukupi Zebede,
qa tona wowidake wicayuhe cin
hena om, wata kin en ehpewicay-
yapi, qa ihakam iyayapi.

21 Hehan Kapernaum en yapi;
unkan anpetu wakan icunhan
omniciye tipi kin katinyan en
ye a, woyaka.

22 Unkan taku oyake cin on

yuŋinyayapi; wicaŋta itancan-
yan waonspewicakiya, qa wo-
wapi kagapi kin iyecece ŋni.

23 Unkan omniciye tipi kin he
ohna wicaŋta wan woniya ŋica
yuha; unkan he howaya,

24 Qa heya; Unkayuŋtan po;
Jesus Nazareth etanhan, taku
ecaunniconpi he; ihangunya-
yapi kta yahi he; nituwe kin
sdonwaya, Taku Wakan Wanji
Wakantanka tawa kin he niye.

25 Hehan Jesus iyopeye a he-
ciya; Inina yanke a, tankata
hninanpa wo.

26 Unkan woniya ŋice- cin he
wicaŋta kin yuhdece a, hotan-
kakiya hotanin, hehan tankan
hinanpa.

27 Unkan owasin inihanpi qa
heya ikiciwangapi; De taku he;
de woonspe teca kin tukte e he;
woniya ŋice cin itancanyan owa-
wicakiya, unkan anagoptanpi
ece.

28 Unkan hetanhan Galile ma-
koce ihdukŋan owancaya oŋan
kin oyakapi.

29 Unkan omniciye tipi kin
etanhan hdicupi, hehan katinyan
Simon qa Andrew tipi tawapi
kin en yapi, Jakob qa Johannes
nakun opapi.

30 Tuka Simon tawicu hunku
kin he tancan kata on wayazan-
ka yanka; unkan he okiyakapi.

31 Hehan en hi, qa napata
yuze a najinkiya; unkan eca-
hankeya tancan kata ayuŋtan,
qa hehan owicakiya.

32 Wanna hitayetu, wi iyaya
hehan, wayazankapi kin owasin
yanke cin en awicahipi, tona
wakaŋŋica wicayuhnaŋkinyan
hena koya.

33 Hecen otonwe kin ocowa-
sin tiyopa kin en kata ihaya.

34 Unkan wowayazan tokto-
keca on wayazanpi kin ota asni-

wicaya, qa taku wakan śica ota nakun tankan hinanpe wicakiya; qa wakan śice cin hena ia iyowinwicakiye śni, hena iyekiyapi nakaes.

35 Unkan ihanhanna, hinalin anpa itehan, hehan inajin, qa tankan inanpe ça, hewotahedan makoce wan ekta ye ça, hen wocekiye eya.

36 Unkan Simon tona om un kin hena koya ihakam iyayapi.

37 Qa iyeyapi hehan heciyapi; Owasin anicitapi ce.

38 Unkan hewicakiya; Otonwe ikiyedani kin hena en unyanpi kta; hen nakun womdake kta; heon etanhan wahi ce, eya.

39 Unkan Galile makoce kin owancaya, omniciye tipi kin ohna woyake ça, wakan śica hinape wicakiya ece.

40 Unkan wicašta wan lepros ececa, he en hi, qa cekiya, canpeška makehde inajin qa heciya; Yacin kinhan ska mayakage kta oyakihi.

41 Unkan Jesus onśikida, nape ekta yekiye ça, yutan qa heciya; Wacin, ska un wo.

42 Unkan heye cin hecehnana, lepros ececa qon he ayuŝtan, qa ska icaga.

43 Hehan tanyan wahokonkiye ça hetanhan hdeŝi;

44 Qa heciya; Innuhan tuwe taku eyakiye cinhan; tuka hde ça, woŝna kage cin he en hdutanin wo, qa niyuskapi kta on taku Moses econ wicaŝi qon hena wayuŝna wo, hecen iyepi ekta woyutanin kta.

45 Tuka tankan hde ça, nina ohdake ça, owancaya yaotanin, hecen hetanhan Jesus otonwe kin en taninyan ye kta okihi śni, tuka tankan hewotahedan un ece: unkan owancaya tanhan yanke cin en hipi ece.

WICOWOYAKE 2.

1 Anpetu tonana iyohakam hehan ake Kapernaum en i; unkan ti mahen yanka he oyakapi.

2 Unkan hecehnana wicota en mniciyapi, hecen tuktedan en hipi kte śni, tiyopa kin itankan tanhan ocikan śni: unkan wicoie kin owicakiyaka.

3 Unkan hehan en hipi, wicašta wan ŝatake cin wicašta tom akiyuhapi, he en aupi.

4 Unkan wicota kin on tokadan ikiyedani upi śni, hehan tipi akaŝpe kin yuhdokapi; he yujujupi hehan ŝatake cin owinja akan yanka ecehna en yuhukun iye-yapi.

5 Unkan wacinyanpi kin he Jesus wanyake cehan, ŝatake cin heciya; Cinŝ wayahtani kin nicicajujupi ce.

6 Tuka wowapi kagapi wanjikji hen iyotankehan unpi kin hena cante mahen hecinpi;

7 Tokeca wicašta kin de śicaya ia he: Tuwe woalitani kajuju kta okihi he, Wakantanka ecedan.

8 Unkan hena hecekcen awacinpi kin, Jesus iye tawacin ekta sdonya, hehan hewicakiya; Tokeca hena hecekcen awacan-nipi he.

9 Wayahtani nicicajujupi, qa iŝ, Najin, owinja ehdaku qa man wo, ŝatake cin eciyapi kta, unma tukte waŝakadan he.

10 Tuka Wicašta Cinhintku kin he maka akan woalitani kajuju kta okihi, he sdonyayapi kta; hehan ŝatake cin he heciya;

11 Najin, qa owinja ehdaku, qa yati ekta hda wo, eciciya ce, eya.

12 Unkan hecehnana najin hiyaye ça, owinja ehdaku, qa owasin wicitokam tankan kihda; he-

cen owasin inihanpi, Wakan-tanka yatanpi qa heyapi; Tohinni taku dececa wanunyakapi šni.

13 Hehan ake tankan mde kahda iyaya; unkan wicota en mniciyapi; unkan waonspewicakiya.

14 En hiyaya icunhan, Lewi, Alpheus cinhintku, mazaska mnayanpi ece kin en iyotanka, he wanyake ça; Miyahna u wo, eciya. Unkan najin hiyaye ça ihakam ya.

15 Unkan he ti kin ohna Jesus wota iyotanka, hehan mazaska mnayanpi wahtanipi sa ko ota Jesus kici iyotankapi, waonspewicakiye cin hena koya: wicota qa ihakam unpi ece.

16 Unkan wowapi kagapi Pharisee ko, wamnayanpi qa wahtanipi sa om wota yanka wan-yakapi, hehan waonspewicakiye cin hewicakiyapi; Tokeca e wamnayanpi wahtanipi sa ko om wota qa wayatkan he.

17 Jesus he nañon, hehan hewicakiya; Tona zanipi kin hena pejihutawicašta kin cinpi šni, tuka wayazankapi kin hena e cinpi: wicašta owotanna kin heca on wahi šni, tuka walitanipi sa iyopeiciyapi kta e wicakico wahi ce.

18 Johannes waonspewicakiye cin hena, qa Pharisee tawapi kin akihaniçiyapi ece; unkan en hipi qa heciyapi; Tokeca e Johannes waonspewicakiye cin hena, qa nakun Pharisee tawapi kin, akihaniçiyapi he, tuka waonspewicakiye cin hena akihaniçiyapi šni.

19 Unkan Jesus hewicakiya; Wakankiciyuzapi cinca kin hena tohanyan tawicu ton kte cin om un kin hehanyan akihaniçiyapi kta okhipi he. Tohanyan

tawicu ton kte cin yuhapi kinhan, hehanyan akihaniçiyapi kte šni.

20 Tuka anpetu kin u kta, tohan tawicu ton kte cin he ewicakiciyakupi kta, unkan anpetu kin hena en akihaniçiyapi kta.

21 Tuwedan šina teca onšpa onhdohda tanike cin en akihdagton šni; hecon kinhan onšpa teca en akagegepi kin he tanike cin etanhan namna kta, hecen oyulidece kin sanpa tanka aya.

22 Nakun tuwedan miniša teca ojuha tanike cin en okaštan šni; hecon kinhan miniša teca kin he ojuha tanike cin kahdeca ece, hecen miniša skepe ça ojuha kin ihangyapi; tuka miniša teca kin ojuha teca kin en okaštanpi kta.

23 Unkan anpetu wakan icunhan wojupi kin ehna iyaya; qa waonspewicakiye cin, yapi icunhan, wahuwapa yuksapi.

24 Hehan Pharisee kin heciyapi; Wanyaka wo, anpetu wakan icunhan, taku econpi kta iyeecece šni tokeca econpi he.

25 Unkan hewicakiya; Dawid qa tona om un qon, wotektehdapi qa cinpi qehan, token econpi qon he dawapi šni he.

26 Abiathar wošnap i kaga itancan taanpetu kin en, Wakantan-ka ti kin en ye ça, wayutanin aguyapi kin he yute ça, om un kin hena nakun wicaqu; he wošnap i kagapi ishana yutapi kta tuka.

27 Unkan hehan hewicakiya; Anpetu wakan kin he wicašta on kagapi, qa wicašta kin is anpetu wakan kin on kagapi šni:

28 Heon etanhan Wicašta Cinhintku kin anpetu wakan kin en Itancan un.

WICOWOYAKE 3.

1 Hehan ake omniciye tipi kin en iyaya; unkan wicašta wanji nape šnija hen yanka.

2 Unkan anpetu wakan icunhan asniye kta hecinhan he iawanyakapi; taku iyaonpapi kta e heon.

3 Unkan wicašta nape šnije cin he heciya; Cokata inajin wo.

4 Hehan hewicakiya; Anpetu wakan icunhan taku wašte econpi kta iyececa, qa is taku šica econpi kta, unma tukte he; waniyanpi kta qa is wateyapi kta he. Tuka inina hiyeya.

5 Unkan icanksiya awicatonwan, cante tehipeke cin on iyo-kišica, hehan wicašta kin heciya; Nape hdukatina wo. Unkan hduowotanna; hecen nape kin ocowasin yuacetupi, unma kin iyececa.

6 Hehan Pharisee kin hena iyayapi, qa echankeya Herodian kin om wohdakapi, token he ihangyapi kta e heon.

7 Tuka Jesus mde kin ekta hdicu, waonspewicakiye cin om; qa Galile etanhan qa Juda makoce kin etanhan wicota hinea ihakam yapi.

8 Nakun Jerusalem etanhan, qa Idumia, qa Jordan akasanpa tanhan; qa Turos qa Sidon ihdukšan tanhan wicota, taku wicohan tanka econ nañonpi, hehan en hipi.

9 Unkan wicota aotinsyapi kta e heon, wata cistinna wan yuha waonspewicakiye cin akipepi kta, kewicakiya.

10 Wicašta ota asniwicaya; heon tona tancan šihtinpi kin hena yutanpi kta e yuotinzapi.

11 Qa tona woniya šapa yuhapi kin hena wanyakapi, hehan itokam makata ihpayapi qa he-

ya howayapi, Wakantanka Cinhintku kin he niye ye.

12 Unkan oyakapi kte šni nina kewicakiya.

13 Unkan hetanhan paha wan ekta ye ça, tona cin kin hena wicakico; unkan en hipi.

14 Unkan akenonpa wicakaliniga, ohinniyan kici unpi kta, qa woyaka yewicaši kta;

15 Qa wayazankapi kin asniwicayapi kta, qa wakan šica napewicayapi kta, wowašake yuhapi kta.

16 Unkan Simon he Inyan eya cašton;

17 Qa Jakob, Zebede cinhintku, qa Johannes Jakob sunkaku; unkan hena Boanerges ewicakiya, Wakinyan cincapi he kapi;

18 Qa Andrew, qa Philip, qa Bartholomew, qa Mattheos, qa Thomas, qa Jakob Alpheus cinhintku, qa Thaddeus, qa Simon Kananite;

19 Qa Judas Iskariot, wiyopeye cin hee. Unkan tipi wan ti mahen iyayapi.

20 Hehan ake wicota en mnicayapi, hecen aguyapi yuta okihipi šni.

21 Unkan iye takuwicaye cin he nañonpi qehan, yuzapi kta e ekta iyayapi; qa, Wanna wacinhnuni ce, eyapi.

22 Nakun wowapi kagapi Jerusalem etanhan hipi kin hena heyapi; He Beelzebub yuha, qa wakansica itancan kin on wakan šica napewicaya ece.

23 Unkan iye hena wicakico qa wiyacinyan hewicakiya; Token Satan Satan napeya okihi kta he.

24 Qa wokiconze wan iye iyakitedan kicize cinhan, wokiconze kin he ecen he kte šni.

25 Qa tipi wanji iye iyakite-

WICOWOYAKE 4.

dan kicize cinhan, tipi kin he ecen he kte śni.

26 Nakun Satan inajin, qa iye iyakitedan kicize ça ihdunonpa kinhan, he ecen un kta okihi śni, tuka wanna owihanke kta.

27 Tuwedan wicašta waśaka ti kin en ye ça, tawahpaya kin ihangye kte śni; wicašta waśake cin he tokaheya kaške cinhan, hehan tipi tawa kin ihangye kta.

28 Awicakehan heciciyapi; Wahtanipi owasin wicašta cincapi kin wicakicicajujupi kta, qa iapi. śica on wayaśicapi ece kin hena nakun;

29 Tuka tuwe Woniya Wakan kin yaśice cinhan, he icimana kicicajujupi kte śni; tuka woyaco owihanke wanica kicihe kta:

30 Woniya śapa wan yuha ce, eyapi kin heon etanhan heya.

31 Unkan hehan iye hunkawanjirkupi qa hunku kin hena en hipi, tankan hinajinpi, wahoyapi qa kicopi.

32 He icunhan wicota ihdukšan iyotankapi; unkan heciciyapi; Iho, tankan nihun qa nihunkawanjipi anicitapi ce.

33 Unkan heya awicayupta; Inawaye cin he tuwe, qa mihunkawanji tuwepi he.

34 Unkan tona okšan iyotankapi kin hena ekta ewicatonwe ça heya; Ina qa mihunkawanji, wanwicayaka po.

35 Tuwe Wakantanka tawacin kin ecen econ kinhan, he mihunkawanji ee, mitawinohitin qa inawaye cin nakun.

WICOWOYAKE 4.

1 Hehan ake mde kin icahda waonspewicakiya; unkan wicota hinca en mniciyapi, hecen wata wan en ope ça, mini ekta

iyotanka; unkan oyate kin owasin mde icahda maka akan unpi.

2 Unkan wiyacinpi on taku ota onspewicakiya; qa waonspewicakiya icunhan hewicakiya;

3 Nahon po: Iho, wicašta woju wan woju iyaya.

4 Unkan woju icunhan, apa canku icahda hinhpaya; unkan zitkatanka en ahiyahe ça temyapi.

5 Qa apa inyan ehna hinhpaya, hen maka tonana; unkan maka akantuyedan heon ohankoya hinanpa.

6 Tuka wi hinanpa hehan gu; qa hutkan nice cin heon śniś aya.

7 Unkan apa wapepeka hu kin ehna hinhpaya; unkan wapepeka kin hu uye ça aotinsya, hecen waskuyeca takudan icage śni.

8 Unkan apa maka wašte kin en hinhpaya, he waskuyeca aicaga; hinanpe ça icaga, qa sutton, hunh wickcemna yamni, hunh wickcemna śakpe, qa hunh opawinge akihde aicaga ece.

9 Hehan hewicakiya; Tuwe noge winahon yukan hecinhan, ito nahon kta.

10 Unkan isnana un hehan, akenonpapi qa tona om ihdukšan unpi kin hena wiyacinpi kin he on iwangapi.

11 Unkan hewicakiya; Wakantanka tokiconze woanahbe kin hena niye sdonyayapi kta e niçupi; tuka tankan unpi kin hena taku owasin wiyacinpi kin on econpi.

12 Hecen wawanyakapi on wanyakapi kta, tuka iyukcanpi kte śni; qa winahonpi on nahonpi kta tuka okahinigapi kte śni; hecece śni kinhan okinni wicayuhomnapi kta, qa woahitani wicakicicajujupi kta.

13 Unkan hewicakiya; Wiya-
cinpi kin de sdonayayapi sni he,
hecen token ecin wiyacinpi owa-
sin oyakalinigapi kta he.

14 Tuwe woju kin he wicoie
kin oju ece.

15 Tona canku icahda qon,
tukten wicoie kin ojupi, tuka he
nahnpi hehan, echankeya Wa-
kansica en hi, qa wicoie cantepi
kin en ojupi qon he icu ece, iho,
hena eepi.

16 Qa he iyececa, inyan ota en
ojupi qon, tona wicoie kin na-
honpi eca, kohanna iyuiskinyan
icupi ece kin hena eepi;

17 Tuka iyepi mahen hutkan
nicapi heon askayedana icaga;
tohan wicoie kin on sicaya wi-
cakuwapi qa sitkihdawicayapi
icaga, hehan hinnahanka shida-
pi.

18 Unkan tona wapepeka hu
ehna ojupi qon, tona wicoie kin
nahnpi;

19 Unkan maka kin de awa-
cinpi, qa wijicapi on wicahna-
yanpi, qa taku tokeca cantihe-
yapi kin hena en u, qa wicoie
kin yuotinja, hecen wasuton sni,
hena eepi.

20 Unkan maka waste kin en
ojupi qon, tona wicoie kin na-
honpi eca icupi ece, qa wasku-
yeca icahyapi, wikcemna yamni,
wikcemna sakpe, qa opawinge
akihde, iho, hena eepi.

21 Unkan hewicakiya; Peti-
janjan koka wan ihukuya, qa is
ohedepi ihukuya iyeyapi kta,
qa petijanjan ihupa en ostanpi
kte sni, aupi he.

22 Taku akahpetonpi qa yu-
taninpi kte sni wanica; qa taku
anahmanpi qa iyoyanpa en aupi
kte sni wanica ce.

23 Tuwe noge winahon yukan
hecinhan he nahon kta.

24 Unkan hewicakiya; Taku

nayahonpi kin awacin po. Wi-
yutapi kin tukte on widutapi ece
kin, he on ake winiciyutapi kta,
qa tona anagoptan dukanpi kin
sanpa nicupi ece e kta.

25 Tuwe wayuhe cin he sanpa
taku qupi kta; qa tuwe takudan
yuhe sni, taku yuhe cin hee kaes
kipi kta.

26 Unkan heya; Wakantanka
tokiconze kin he wicasta wan
taku su kin maka kin en iyolpe-
ya, he iyececa;

27 Qa istinma, qa hanyetu an-
petu ko inajin; unkan su kin he
hinanpe ca icage kta, tuka token
icaga he sdoney sni.

28 Maka kin he iye cinka wai-
caliya ece, ape kin he tokaheya,
hehan wahuwapa, qa hehan wa-
huwapa en tanyan wasuton ece.

29 Unkan wanna suton hehan
kohanna isan skopa kin en iye-
kiya, wanna kasdapi kta iye-
hantu nakaes.

30 Hehan heya; Taku e Wa-
kantanka tokiconze kin iyececa
unyawapi kta he; qa wiyacinpi
kin tukte e on unkiyacinpi kta
he.

31 Sinape su wan iyececa, he
maka kin en elpeyapi, hehan
taku su maka en un kin owasin
he iyotan cistinna;

32 Tuka maka kin en ojupi,
hehan uye ca wato owasin san-
pa tanka icaga; adetka tankin-
yanyan aicaliya, hecen malpiya
okinyanpi kin ohanzi ihukuya
manpi ece.

33 Unkan wiyacinpi heceken
ota on wicoie kin owicakiyaka,
token nahon okihipi kin he iye-
ceca.

34 Qa wiyacinpi codan taku-
dan owicakiyake sni. Unkan
isnana yukanpi, hehan taku
owasin waonspewicakiye cin
hdaheya owicakiyaka ece.

35 Unkan anpetu kin he en, wanna litayetu hehan, hewicakiya; Akasanpa unyanpi kta.

36 Unkan wicota kin wanna hdewicasipi, hehan ecehna wata kin en ohnakapi: qa nakun wata cikcistinna toktokeca opapi.

37 Unkan tate tanka wan uya; qa taja wata kin apaspa, hecen wanna mini ojudan.

38 Tuka iye wahektapa tanhan ipahin wan akan istinma wanka. Unkan yuhicapi qa heciyapi; Waonspekiye, unkowihankepi kta he etanhan initokeca šni he.

39 Unkan iyotanka, tate kin kišice ɕa mde kin heciya; Owanji yankɕ wo. Unkan tateyanpa ayuštan qa amdakedan tanka.

40 Hehan hewicakiya; Tokeca kopeyahdapi he; tokeca wicayadapi šni he.

41 Unkan nina kokipapi, qa iyakitedan hekiciyapi; De taku wicašta hwo, tate kin hee kaes, mde ko anagoptanpi ece.

WICOWOYAKE 5.

1 Unkan mde kin akasanpa ihunnipi, hehan Gadarene makoce kin en ipi.

2 Unkan wata kin etanhan inanpa, hehan ecahankeya wicašta wan woniya šica yuha wicahnakapi etanhan itkokim hiyu:

3 He wicahnakapi kin en un ece; qa tuwedan kaška okihi šni, mazaicicahiha hee kaes on.

4 Wanna ota kaškapi, siha on wicakaškapi mazaicicahiha ko on; tuka mazaicicahiha kin hena yuwelhwega ece, qa siha on wicakaškapi kin yuksaksa ece; qa tuwedan walibadan kaga okihi šni.

5 Ohinniyan, hanyetu anpetu koya, wicahnakapi kin ehna, qa he kin ekta šicahowaya un, qa inyan on kiidaksa ece.

6 Tuka Jesus tehan tanhan wanyaka, hehan ekta inyang ye ɕa ohoda.

7 Qa hotankakiya hotanin qa heya; Jesus Wakantanka Tehanwankantu Cinhintku kin, taku e unkiyotahedan un he; Taku Wakan ɕajeyan ceciciya, kakışmayaye kte šni.

8 Wanna, Woniya šapa, wicašta kin etanhan hinanpa wo, eciya nakaes.

9 Unkan, Token eniciyapi he, eya iwanga. Unkan heciya; Wicota, emakiyapi ce, wiunco-tapi nakaes.

10 Unkan makoce kin he etanhan hde wicaši kte šni, nina cekiya.

11 Imnija he kin hen ikiyedon kukuše optaye wan tanka wo wicaqupi.

12 Hecen wakan šicapi kin cekiyapi qa heyapi; Kukuše kin ekta ye unši po, mahen wicunyanpi kta ce.

13 Unkan hecehnana Jesus iyowinwicakiya. Hecen woniya šapapi kin tankan hinanpapi qa kukuše kin mahen iwicayayapi. Unkan optaye kin ecehna maya hince cin en našdog eyaye ɕa minin iyayapi; owancaya kekto-pawinge nonpa ecetu, qa minin tapi.

14 Unkan tona kukuše wo wicaqupi qon hena najicapi, qa otonwe kin en makoce ihdukšan koya he oyakapi. Unkan taku econpi kin he wanyag ipi.

15 Qa Jesus en hipi, qa wicašta wakan šica yuhnaškinyan, qa wicota yuhe ciqon, wanna ogekiton qa tawacin ecetu iyotankehan yanka he wanyakapi; unkan yušinayayapi.

16 Unkan tona wanyakapi qon hena, wicašta wakan šica yuhnaškinyanpi, kukuše kin hena ko

token ecawicakiconpi qon hena owicakiyakapi.

17 Hehan makoce tawapi kin etanhan hde kta e icekiyapi.

18 Unkan wata kin en okipa behan tuwe wakan síca yuhe ciqon he cekiya, kici un kta heon.

19 Tuka Jesus iyowinkiye sni, qa heciya; Takuwicayaye cin ekta hda wo, qa taku tona Itan-can kin ecanicon qa onsinida, hena owicakiyaka wo.

20 Hecen kibde ça Dekapolis en taku tona Jesus ecakicon kin he ohdaka ece. Unkan owasin yuśinyayapi.

21 Unkan Jesus ake watom akasanpa ki qehan, oyate ota en mniciyapi; qa mde kin ikiyedan un.

22 Hehan iho, omniciye tipi itancanpi wanji, Jairus eciyapi, he en hi; qa wanyaka hehan siha kin en makata elpeiciya,

23 Qa nina cekiye ça heya; Micunksi cistinna wanna te kta wanka; en u qa nape on aputake ça asniya ye; hecen ni kta ce.

24 Unkan kici iyaya; qa wicašta ota ihakam yapi qa aotins-yapi.

25 Unkan winohinca wan waniyetu ake nom hehanyan we ece iheya;

26 Qa pejihutawicašta ota on tehiya kuwapi, qa taku owasin on hdusota, qa etanhan waste icage sni, tuka sanpa síca aya;

27 He Jesus oyakapi nahon qehan, heyata tanhan wicota ehna hiyu, qa tawokoyake yutan.

28 Tawokoyake hee kacs mdu-tan kinhan, amasni kta ce, eye ciqon.

29 Unkan hecehnana we iheye ciqon anapta; qa tancan mahen he wayazan kin on wanna akisni sdonkiya.

30 Unkan hecehnana woasni etanhan hiyu kin Jesus ataye-dan sdonkiya, wicota ehna ihdu-homni qa heya; Mitawokoyake tuwe yutan he.

31 Unkan waonspewicakiye cin heciyapi; Wicašta ota aotins-niyanpi he wandaka, qa, Tuwe mayutan he, eha he.

32 Unkan tuwe hecon kin he wanyake kta e ohomni awica-tonwan.

33 Tuka winohinca kin taku ecakiconpi kin sdonkiya, hecen kokipeyahan cancanyan en hi, qa itokam makata elpeiciye ça owasin awicakehan okiyaka.

34 Unkan heciya; Cuns, wa-einyaye cin he asniniyan; woo-kiye hda wo, qa waniyazan qon okizi un wo.

35 Unkan iahan icunhan omni-ciye tipi itancan ti kin eciyatanhan upi qa heyapi; Nicunksi wanna ta; tokeca sanpa Waon-spekiye cin nagiyeyaya he.

36 Tuka Jesus taku eyapi nahon qehan, hecehnana omniciye tipi itancan kin heciya; Kokipe sni wo, wicada wo ecedan.

37 Unkan tuwedan kici ye kta iyowinkiye sni, Inyan, qa Jakob, qa Johannes Jakob sunkaku, he-nananpidan.

38 Unkan omniciye tipi itancan ti kin he en hi, qa owoduta-ton kin he wanyaka, tona ceyapi qa nihinci-yapi kin hena koya.

39 Unkan en i qehan hewicakiya; Tokeca owodutaton yakagapi qa yaceyapi he; wicinyanna kin te sni, tuka istinma ce.

40 Unkan nina ihapi. Tuka owasin tankan iyewicaya, hehan wicinyanna atkuku qa hunku, qa tona om un kin hena iwicacu, qa wicinyanna wanke cin en i;

41 Qa wicinyanna kin nape yuze ça heciya; Talitha kumi,

WICOWOYAKE 6.

Wicinyanna najin wo, eciciya, eyapi kin he kapi.

42 Unkan echankeya wicin-yanna kin najin qa mani; wana waniyetu akenonpa. Unkan nina hin yušinyayapi.

43 Hehan nina oyake šni wicaši; qa taku yutapi qupi kta, kewicakiya.

WICOWOYAKE 6.

1 Unkan hetanhan iyoopta iya-ye ça iye tamakoce kin ekta ki; qa waonspewicakiye cin hena opapi.

2 Unkan wanna anpetu wakan hehan omniciye tipi kin ohna waonspewicakiya. Qa wicota nañonpi qehan yušinyayapi qa heyapi; Tokiyatanhan dena yuha he; qa taku woksape qupi he; qa token iye nape on wicoñan tanka dececa econpi he.

3 Cankajipe cin, Mary cinhin-tku, qa Jakob, qa Joses, qa Judas, qa Simon cinu kin he dee šni he; qa tawinoñtin kin hena owasin den unkicipi unpi šni he. Unkan he on canniyeyapi.

4 Tuka Jesus hewicakiya; Wicašta wokcan iye tamakoce en, qa iye takuwicaye cin ehna, qa iye ti kin ohna, ecedan yuonihanpi šni ece.

5 Unkan heciya wicoñan tanka takudan econ okihi šni; tuka wayazankapi toñana nape on awicaputake ça asniwicaya.

6 Unkan wicadapi šni kin heon yušinyaya. Qa otonwe ihduksan wanke cin ektakta waonspewicakiya iyaya.

7 Unkan akenonpapi kin wicakico, qa nom nom yewicaši; qa woniya šapa on wowašake wicaqu;

8 Qa wahokonwicakiya, icimani yapi kte cin on takudan icupi

kte šni, cansagye ecedan; wujuha, qa waneya, qa mazaša opiye ohna hduhapi kte šni.

9 Tuka hanpokihanpi kta; qa onñidoñida nom kiñunpi kte šni.

10 Unkan hewicakiya; Tukten tipi wanji mahen yaipi kinhan, tohanyan hetanhan iyoopta dapi šni, hehanyan hen yukan po.

11 Qa tona iyowinniciyapi šni qa ananigoptanpi šni kinhan, tohan hetanhan dapi kinhan, owicadakapi kta e heon watušekšeca siha etanhan yahdatatapi kta. Awicakehan heciciyapi; Woyaco anpetu kin en, otonwe kin he kakije kte cin Sodom qa Gomorrah ahecece kta.

12 Unkan iyayapi, qa wicašta ihduecetupi kta e woyakapi.

13 Qa taku wakan šica ota napewicayapi, qa wayazankapi kin ota wihdi on sdawicayapi qa asniwicayapi.

14 Unkan Herod wicaštayatapi kin hena nañon; caje kin tankaya oyakapi nakaes; hehan heya; Johannes baptem wicaqu qon he tapi kin etanhan kini, heon etanhan wicoñan tanka econ ece.

15 Tuka toktokeca heyapi; Elias hee. Qa toktokeca is; He wicašta wokcan, qa is wicašta wokcan wanji iyececa ce, eyapi.

16 Tuka Herod nañon qehan heya; Johannes pa bawakse ciqon hee, wiconte etanhan kini ce.

17 Herod atayedan yewicaši, qa Johannes yuze ça haška hnaka, Herodias iye sunkaku Philip tawicu qon heon etanhan; he yuza nakaes.

18 Unkan Johannes; Nisunka tawicu duze cin he hecetu šni ce, Herod eciya.

19 Heon etanhan Herodias can-

niyekiye ça kte kta cin tuka oki-hi šni.

20 Herod Johannes kokipa, wicašta owotanna qa wašte sdonya, heon itonpa; qa oie nañon eca taku ota ecen econ, qa iyuškin-yan nañon ece.

21 Tuka anpetu iyehantu qe-han, Herod anpetu en tonpi qon he ehan, wicašta itancanpi wi-cayuhe ça, akicita tancan tanka-pi, qa Galile en wicašta toka-heya kin hena, litayetu wotapi wan wicakicaga.

22 Unkan Herodias cunwintku kin en hi, qa waci, qa Herod tona om un kin hena koya iyo-kiptiwicaya, hehan wicaštayatapi kin heciya; Taku yacin kinhan makida wo, hecen ciçu kta.

23 Nakun taku wakan cajeyan heciya; Taku mayakida kinhan ciçu kta, mitokiconze hanke hehanyan.

24 Unkan tankan iyaye ça hun-ku heciya; Taku wakida kta he. Unkan is, Johannes baptem wicaqu ece pa kin, eya.

25 Hehan echankeya inañni-yan wicaštayatapi ekta tin hiyu qa heya kida; Johannes baptem wicaqu pa kin, wakšica ohna ko-hanna mayaqu kta wacin ce, eya.

26 Unkan wicaštayatapi kin nina iyokišica, tuka taku wakan cajeyan heye cin heon, qa tona om wota iyotanke cin hena on, he ipida kta tawaŋenye šni.

27 Unkan hecehnana wicašta-yatapi kin wicakte wan ekta yeši, qa pa kin aku ši: Unkan he ekta iyaye ça, wicakaška tipi kin ohna pa baksa;

28 Qa wakšica wan ohna pa kin ahdi, qa wikoška kin qu; unkan wikoška kin is iyoopta hunku kin qu.

29 Unkan iye waonspewica-

kiye cin hena, he nañonpi qehan, en hipi qa tancan ehdakupi, qa ohna hnakapi wan en hnakapi.

30 Unkan tona yewicaši qon hena Jesus en hdipi, qa taku owasin okiyakapi, taku econpi qa taku oyakapi ko.

31 Hehan hewicakiya; Niye ito icunonpa hewotahedan ekta u po, qa cistiyedan oziiciya po. Wicota upi qa hdapi ece, qa hecen wotapi kta hee kaeš okihipi šni.

32 Unkan heon hewoskan ma-koce wan ekta isnana watom iyayapi.

33 Tuka yapi kin wicašta ota wanyakapi, qa he iye iyekiyapi; qa otonwe owasin etanhan ekta inyang iyayapi, qa kawicapapi, qa en i kte cin hen mniciyapi.

34 Unkan Jesus ekta ihunni, hehan wicota wanwicayaka, qa onšiwicakida, tañinca wanun-yanpi tuwedan wicayuhe šni kin iyececapi heon, qa hecen taku ota onspewicakiya.

35 Unkan wanna wi kucedan hehan, waonspewicakiye cin en hipi qa heciyapi; De hewotahe-dan makoce qa anpetu kin wanna owihanke:

36 Hde wicaši wo, hecen ma-koce ihdukšan, qa otonwe kin ektakta yapi, qa woyute opeiçi-tonpi kta; taku yutapi takudan yuhapi šni.

37 Tuka iye waayupte ça he-wicakiya; Niš ito wo wicaqu po. Unkan heciyapi; Unyanpi qa kašpapi opawinge nonpa agu-yapi iyoepunyanpi, qa wo wic-unqupi kta he.

38 Aguyapi španyanpi kin tona duhapi he; ito wanyaka po, ewicakiya. Unkan sdonyapi hehan; Zaptan qa hogan nonpa, eyapi.

39 Unkan owasin wato kin

WICOWOYAKE 7.

akan optayetonton iyotangkiye wicaši.

40 Unkan optayeton iyotankapi, opawingege qa wikcemna zaptanptan.

41 Unkan aguyapi zaptan qa hogan nonpa hena icu, hehan mahpiya ekta etonwe ça yawašte, qa aguyapi yuśpaśpa, qa waonspewicakiye cin wicaqu, oyate kin wicaqupi kta heon; nakun hogan nonpa kin hena owasin wicakipamni.

42 Unkan iyulipa wotapi qa imnanpi.

43 Qa oyaptapi kin etanhan makanopiye akenonpa ojudan pahipi, nakun hogan kin etanhan.

44 Unkan aguyapi yutapi kin hena kektopawinge zaptan ece-tu.

45 Hehan ecahankeya waonspewicakiye cin wata kin en okipe wicaši, qa tokaheya akasanpa Bethseda ekta yapi kta, kewicakiya; icunhan iye wicota kin hde wicaši kta.

46 Unkan hena hde wicaši, hehan paha wan ekta wocekiye eya iyaya.

47 Wanna litayetu hehan, wata kin mde kin cokaya un, qa iye isnana maka akan un.

48 Unkan watopapi iyotanhan iyekiyapi wanwicayaka; tatohekiya yapi nakaes. Unkan hanyetu en awanyakapi itopa hehan, mini amani ekta wicaya.

49 Tuka mde kin amani wanyakapi qehan, he wanagi kecinpi, qa śicahowayapi.

50 Owasin wanyakapi qa yuśinyayapi. Unkan hecehnana owicakiye ca hewicakiya; Cante wašte po, he miye, kokipapi śni po.

51 Unkan ekta wicaya, wata kin en; hehan tate kin ayuśtan.

Hecen nina yuśinyayapi qa ihniyanyanpi.

52 Aguyapi econ qon he awacinpi śni; cantepi kin aotpasayapi nakaes.

53 Unkan akasanpatanhan ipi, hehan Gennesaret makoce kin en yapi, qa hutata ihunnipi.

54 Unkan wata kin etanhan inanpapi, hehan hecehnana iye-kiyapi;

55 Qa makoce kin he owancaya inyang yapi, qa tukten un nahonpi kinhan, wicašta wayazankapi kin owinja akan wicayuhapi, qa en awicayapi.

56 Unkan otowwe ciqadan, qa otowwe tanka, qa ihdukšan makoce wanke cin, tukte en ya eca, canku ohna wayazankapi kin ahiwicahnakapi qa cekiyapi; tawokoyake opapun hee kaeś yutanpi kta; unkan tona yutanpi kin hena asnipi ece.

WICOWOYAKE 7.

1 Hehan Pharisee qa wowapi kagapi wanjikji, Jerusalem etanhan upi qa en ahimniciya;

2 Qa iye waonspewicakiye cin wanjikji nape śapa, nape hdujajapi śni he kapi, aguyapi yutapi wanyakapi qehan wicabapi.

3 Pharisee kin Juda wicašta ko owasin tanyan nape hdujajapi śni kinhan wotapi śni ece, qa wicahincapi tawoahope kin opapi.

4 Qa mazopiye etanhan hiyupi eca ihdujajapi śni ehantanhan wotapi śni. Unkan taku hececa ota opapi kta icupi, miniyatke, qa can koka, qa cega, ohehdepi ko yujajapi ece.

5 Hehan Pharisee kin wowapi kagapi ko wiwangapi; Tokeca waonspewicayakiye cin wicahincapi tawoahope kin ahopapi

śni he, tuka nape hdujaja śni aguyapi yutapi ece.

6 Unkan waayupte ça hewicakiya; Wananiçilmanpi, niyepi on Isaya tanyan woyake ciqon, hecen wowapi en kagapi; Oyate kin de ihapi kin on mayaonihanpi, tuka cantepi kin mitehanyan un ece.

7 Tuka wicašta akantu tawoahope kin hena woonspe eekiya-pi, qa oyakapi ece kin heon ohomadapi kin he taku śni.

8 Wakantanka tawoahope kin elpeyayapi, qa wicašta akantu toope kin duhapi, cega qa waksica yujajapi kin; qa taku hececa ota ecanonpi ece.

9 Unkan hewicakiya; Wicašta akantu toope duhapi kta e heon Wakantanka tawoahope kin elpeyayapi, he tanyan ecanonpi he.

10 Moses hecen eya; Niyate nihun kici wicahduonihan wo. Nakun; Tuwe atkuku, qa is hunku kin hdašice cinhan, he wiconŧe on ŧe kta ce.

11 Tuka niye hehapi; Wicašta wan atkuku, qa is hunku; He wohduze, tokan wicaqupi he kapi, hecen on ociciye kte śni, eciye cinhan he hecetu ce.

12 Hecen atkuku qa hunku taku sanpa owicakiye kta iyoyakipi śni;

13 Qa niye woope yakagapi qa wicayaqupi kin on Wakantanka tawoahope kin dutakunipi śni: qa taku hececa ota ecanonpi ece.

14 Unkan oyate kin owasin wicakico, hehan hewicakiya; Owasin anamagoptan po, qa okaliniga po.

15 Wicašta tankan tanhan taku mahen iyaye cin takudan yušica okihi śni; tuka tona mahen tanhan hinape cin wicašta yušice cin hena ee.

16 Tuwe noge winahon yukan hecinhan he nahon kta.

17 Unkan wicota wicehnā tanhan ti mahen iyaye çehan, wonspewicakiye cin wiyacinpi kin he on wiwangapi.

18 Unkan hewicakiya; Niš eya oyakalinigapi śni he. Taku kašta tankan tanhan wicašta mahen iyaye cin he yušape kta okihi śni e idukanpi śni he.

19 Hena cante kin en i śni, tuka tezi mahen, qa hehan tankan elpeyapi, hecen woyute owasin yuecetupi.

20 Unkan heya; Taku wicašta kin etanhan hinanpe cin he wicašta kin yušapa ece.

21 Mahentanhan, wicacante kin etanhan wicotawacin šica hiyu; wawicilahapi, wiinalmanpi, tinwicaktepi,

22 Wamanonpi, waicucupikte, wošice, wohneye, wowihahā, ištašica, wayašicapi, wahaniçidapi, witkotkokapi;

23 Dena taku šice cin owasin mahentanhan hiyu, qa wicašta yušape cin hena ee.

24 Unkan hetanhan najin hiyaye ça, Turos qa Sidon makoce opapun kin en i, qa tipi wanji timahen iyaya; unkan tuwedan sdonye kte śni cin, tuka anahmanpi kta okihipi śni.

25 Winohinca wan-cunwintku cistinna woniya šapa yuhe cin he nahon qehan, en hi qa siha kin en makata elpeiçiya.

26 He Hellenes winohinca kin heca, Surophenikiya oyate kin etanhan; unkan taku wakan šica cunwintku kin etanhan hinanpe ši kta e icekiya.

27 Tuka Jesus heciya; Wicacinca kin hena tokaheya wotapi kta; wicacinca aguyapi tawapi kin icupi, qa šunka wicaqupi kta he hecetu śni.

WICOWOYAKE 8.

28 Unkan iye waayupte ça heciya; Han, Itancan; tuka wahnna wotapi kin ihukuya hoksíyopa yuśnapi kin śunka yutapi ece.

29 Unkan heciya; Wicoie kin de on ekta hda wo, taku wakan śicanicunksí etanhan hinanpa ce.

30 Unkan iye ti kin ekta ki, hehan taku wakan śica tankan iyaye ça, cunwintku ohehdepi kin akan wanka e wanhdaka.

31 Unkan ake Turos makoce kin ehpeye ça, Sidon opta, Dekapolis makoce kin cokaya omanni, qa Galile mde kin ekta ki.

32 Unkan wicaśa wan noge tpa qa ia okitpani he en ahipi, qa nape ahnake kta icekiyapi.

33 Unkan wicota etanhan isnana icunonpa aya, qa nape noge ohna iyeye ça, tagośa qa on ceji yutan:

34 Hehan mahípiya ekta etonwe ça comnihdazi qa heciya; Ephatha, yuhdokapi nunwe, eyapi kin he kapi.

35 Unkan ecahankeya noge yuhdokapi, qa ceji ikan kin yukcapi, qa hdaheya ia.

36 Hehan he tuwedan okiyake śni wicaśi; tuka taku ewicakiye cin on etanhan sanpa nina oyakapi ece.

37 Qa nina yuśinyayapi qa heyapi; Taku owasin tanyan econ ece; noge tpapi kin winahonwicakiye ça, nakun ia okitpani iewicakiya ece.

WICOWOYAKE 8.

1 Unkan anpetu kin hena en nina wicota hinca, qa takudan yutapi śni, hehan waonspewicakiye cin wicakico qa hewicakiya;

2 Wicota kin onśiwicawakida, wanna yamni can mici unpi, qa taku yutapi takudan yuhapi śni.

3 Qa wote śni hde wicawaśi kinhan, okinni tahepi ihpayapi kta; hunli tehan tanhan hipi nakaes.

4 Unkan waonspewicakiye cin ayuptapi; Makoce hewotahedan kin den, tokiya tanhan dena aguyapi imnahan yute wicakiyapi kta he.

5 Unkan, Aguyapi kagapi tona duhapi he, eya iwicawanga. Unkan is, Śakowin, eyapi.

6 Unkan oyate kin maka akan iyotanke wicaśi; qa hehan aguyapi śakowin qon icu, yawašte qa yuśpaśa qa waonspewicakiye cin wicaqu, iyoopta wicakupi kta; unkan is oyate kin wicakipamnpi.

7 Nakun hogan tonana yuhapi; hena yawašte qa wicakupi kta, keya.

8 Hecen wotapi qa imnanpi; unkan aguyapi oyaptapi kin etanhan makanopiye śakowin pahipi.

9 Tona wotapi kin hena kekto-pawinge topa ecetu; hehan hde wicaśi.

10 Hehan ecahankeya wata wan en opa, waonspewicakiye cin om, qa Dalmanutha makoce kin ekta i.

11 Unkan Pharisee kin en hipi, qa iyutanyan wiwangapi, qa mahípiya eciyatanhan wowapetokeca kida.

12 Unkan iye cante ekta comnihdazi qa heya; Tokeca wicoicage kin de wowapetokeca akita he. Awicakehan heciyapi; Wicoicage kin de wowapetokeca takudan qupi kte śni.

13 Hehan ehpewicaye ça wata kin en okipe ça akasanpa hda.

14 Unkan aguyapi icupi kta akiktonjapi, qa wata ohna aguyapi wanjidan sanpa yuhapi śni.

15 Hehan wahokonwicakiye ça

heya; Wanyaka po, qa on napohiyapi Pharisee tawapi qa Herod tawa kin he kokipa po.

16 Hecen iye iyakitedan hdo-kinicapi qa heyapi; Aguyapi unhapi šni, heon etanhan heya ce.

17 Jesus he sdonya hehan hewicakiya; Tokeca aguyapi duhapi šni on ayakiñicapi he. Hinahin oyakahñigapi šni qa wi-dukcanpi šni he. Hinahin cante aotpasniyanpi he.

18 Išta niyukanpi wandakapi šni, qa noge niyukanpi ešta nayañonpi šni, qa yeksuyapi šni he.

19 Aguyapi zaptan wicašta kektopawinge zaptan wicawakipamni, hehan oyaptapi kin ma-kanopiye ohnaka tona yapahipi he. Akenonpa, eyapi.

20 Hehan šakowin qa kektopa-winge topa, hehan oyaptapi ma-kanopiye ohnaka tona iyacupi he. Unkan, Šakowin, eyapi.

21 Hehan hewicakiya; Tokeca oyakahñigapi šni he.

22 Unkan Bethseda en hi. Hehan išttagonga wan en ahipi, qa yutan kta e icekiyapi.

23 Unkan išttagonge cin napata yuze ça otonwe kin tankan aya; qa išta kin en atagoša hehan nape kin akan ehnaka, qa taku wanyaka hecinhan he iwanga.

24 Unkan wankan etonwe ça heya; Wicašta wanwicamdaka, mani unpi, can kin iyececa.

25 Hehan ake nape kin išta akan ehnaka, qa ake wankan etonwekiya; unkan hehan yu-ecetupi, qa taku owasin tanyan wanyaka.

26 Hehan iye ti ekta hde ši, qa heya; Otonwe kin en ye šni wo, qa otonwe kin en tuwedan okiyake šni wo.

27 Unkan Jesus hetanhan Ke-

sareya Philippi otonwe kin hena ekta iyaya, waonspewicakiye cin om. Unkan tahepi waonspewicakiye cin heya iwicawan-ga; Matuwe, wicašta keyapi he.

28 Unkan ayuptapi; Johannes baptem wicaqu kin; qa wan-jikji; Elias; qa wanjikji; Wi-cašta wokcan wanji *he niye*, eyapi.

29 Unkan hewicakiya; Qa niye matuwe kehapi he. Unkan In-yan waayupte ça heciya; Messi-ya he niye.

30 Unkan he tuwedan okiyake šni wicaši.

31 Hehan wowicakiyaka, Wi-cašta Cinhintku kin taku ota kakije kta; wicahñicapi qa wo-šnapi kagapi, wowapi kagapi ko heyata iyeyapi kta, qa ktepi kta; qa anpetu yamni iyohakam kini kta.

32 Unkan hena taninyan ohda-ka. Hehan Inyan ieu qa iyoki-šni.

33 Tuka ihduhomni qa waonspewicakiye cin awicatonwan, hehan Inyan iyopeye ça heya; Satan miheyata ya wo; taku Wakantanka tawa kin awacanni šni, tuka wicašta akantu taku tawa kin.

34 Unkan oyate kin waonspe-wicakiye cin om wicakico qe-han, hewicakiya; Tuwe kašta omape kta hecinhan, waipiñida kta, qa cansusbeca kiñin kta, qa mihakam u kta.

35 Tuwe wiconi tawa tehinda kinhan he toki ehpekiye kta; tuka tuwe miye on qa wotanin wašte kin on wiconi toki ehpe-kiye cinhan, he qe wiconi hduhe kta.

36 Qa wicašta wan maka kin de ocowasin ohiya ešta, qa iye nagi kin toki ehpekiye cinhan, taku on iwašte kta he.

37 Qa taku e wicašta nagi kin tokiyopekiye kta he.

38 Heon etanhan tuwe, wicoicage wiinaliman qa wahitani sa kin de en, miye qa mioie kin on ištece cinhan, tohan Wicašta Cinhintku kin iye Atkuku towitan hduha, ohnihde wakan kin om u kinhan, wicašta kin he on ištece kta ce.

WICOWOYAKE 9.

1 Hehan hewicakiya ; Awicakehan heciciyapi ; den najinpi etanhan wanjikji wiconțe utapi šni itokam, Wakantanka toki-conze wowašake on hi wanyakapi kta.

2 Unkan anpetu šakpe iyohakam Jesus, Inyan, qa Jakob, qa Johannes iwicacu, qa icunonpa paha wan tehanwankantu kin ekta awicaya ; qa wicitokam yutokecapi :

3 Tawokoyake kin wiyatpatpa, ska hinca, wa iyececa ; maka akan wayuska kin tuwedan iye-cen ska kaga okihi šni.

4 Unkan hen Elias qa Moses en ihdutaninpi ; qa hena Jesus kici wohdag yukanpi.

5 Hehan Inyan waayupte ęa Jesus heciya ; Itancan, den unyakonpi he wašte ; ito wakeya yamni ti unkcagapi kta ; wanji niye on, qa wanji Moses, qa wanji Elias unkcagapi kta.

6 Taku eye kta sdonkiye šni ; nina yušinyayapi nakaes.

7 Unkan małpiya wan aohanziwicaya ; qa małpiya kin eciyatanhan wicaho wan tanin qa heya ; Micinkši waštewakidake cin he dee, he anagoptan po.

8 Hehan ecahankeya ihdukšan etonwanpi qehan, wicašta tuwedan wanyakapi šni, Jesus išnana kici unpi.

9 Unkan paha kin etanhan apamahde kupi icunhan waho-konwicakiya, taku wanyakapi kin tuwedan okiyakapi kte šni, Wicašta Cinhintku kin ęapi etanhan kini šni hehanyan.

10 Unkan wicoie kin he awacinpi, qa ęapi etanhan kini eyapi kin he taku kapi hecinhan he ikiciwangapi.

11 Unkan heya iwangapi ; Tokeca e Elias tokaheya hi kta ce, wowapi kagapi kin eyapi he.

12 Unkan awicayupte ęa heya ; Awicakehan Elias tokaheya hi kta, qa taku owasin yuecetu kta ; qa Wicašta Cinhintku kin token taku ota kakije kta, qa heyata iyeyapi kta e wowapi en kagapi qon, he nakun owicakiyaka.

13 Tuka heciciyapi ce ; Awicakehan Elias wanna hi ; unkan token cinpi kin ecen ecakiconpi, wowapi en kagapi qon iyececa.

14 Unkan waonspewicakiye cin en hdi qehan, wicihdukšan wicota hinca wanwicayaka ; qa wowapi kagapi kin wiwicawan-gapi.

15 Unkan oyate kin iyuhpa wanyakapi qehan nina yušinyayapi, qa ekta inyang yapi qa okiyapi.

16 Unkan wowapi kagapi kin, Taku e on wiwicanungapi he, eya iwicawanga.

17 Unkan wicota etanhan wanji ayupta ; Waonspekiye, micinkši woniya ie šni kin heca yuhe cin he cicahi.

18 Qa tukten eyaku eca yuhdehdeca ece ; hecen i minitaga au, qa hi hdakinskinza, qa han-yan ece ; unkan waonspewicayakiye cin hena tankan elpeya-yapi kta kewicawakiya, tuka okitpanipi.

19 Unkan waayupte ęa hewicakiya ; Wicoicage wicada šni,

tohanyan cicipi waun kta; tohanyan iyowinciciyapi kta he. En makau po.

20 Hehan en kahipi. Unkan wanyag iheye cin hecehna woniya kin yuhdehdeca; qa makata ehpeye ça, i minitaga au paptanptan iyeiciya wanka.

21 Unkan atkuku kin heya iwanga; Tohantanhan hececa he. Unkan is; Hoksiyoqopa ehantanhan, eya.

22 Qa ota petan ehpeye ça, minin ehpeya, ihangye kta e heon; tuka nis taku oyakihi kinhan, onsiunkida po qa ouunkiya po.

23 Jesus heciya; Wicada oya-kihi kinhan; tuwe wicada kin he on taku owasin okihipica ce.

24 Unkan hecehnana hoksidan atkuku kin hotanin qa ceya heya; Itancan wicawada; wicawada sni kin he niye omakiya wo.

25 Jesus oyate kin en inyang hiyupi wanwicayaka, hehan woniya sapa iyoeye ça heciya; Woniya ia okitpani qa noge tpa, tankan hinanpe ça, icimana en ye sni wo, he miye e econ cisi ce, eya.

26 Unkan hotanin qa nina yuhdehdeca, qa tankata hinanpa; unkan wicašta ta iyececa, hecen, Wanna ta ce, wicota eyapi.

27 Tuka Jesus napata yuze ça yuwankan icu; unkan najin hiyaya.

28 Unkan tin hiyu qehan, wonspewicakiye cin nahmana iwangapi; Tokeca unkiye tankan ehpeya unkokihipi sni he.

29 Unkan hewicakiya; Ocaje kin de wote sni cekiyapi kin ecedan on tankan hiyu kta okihi ece.

30 Hehan hetanhan yapi qa Galile iyoopta iyayapi; qa tuwedan sdonye kte sni cin.

31 He icunhan waonspewica-

kiye cin wowicakiyaka qa; Wicašta Cinhintku kin wicašta napapi kin en wicaqupi, unkan ktepi kta; qa ktepi iyohakam anpetu iciyamni hehan kini kta ce, ewicakiya.

32 Tuka wicoie kin he okalini-gapi sni, qa on iwangapi kta kkipapi.

33 Unkan Kapernaum en hi; qa ti mahen yanka hehan wiwicawanga; Canku ohna taku e on ayakinicipi he.

34 Tuka inina yukanpi; canku ohna wanji tukte iyotan tankapi kta e heon hdokinicipi.

35 Unkan iyotanke ça akenon-papi kin wicakico qa hewicakiya; Wicašta wan tokaheya un kta cin kinhan, hee ehake un kta, qa owasin wowidagiyapi kta.

36 Hehan hoksiyoqopa wan icu, qa wicacokaya ehnaka; qa nape ohna eyaku, hehan hewicakiya;

37 Tuwe hoksiyoqopa dececa wanji, micaje on tin hiyuye cinhan, miye tin hiyumayan ece; qa tuwe tin hiyumaye cin he miye sni, tuka tuwe u masi kin he tin hiyuya ece.

38 Hehan Johannes ayupte ça; Waonspekiye, wicašta wan micaje on taku wakan sica tankan ehpeya wanunyakapi, he unkihakam u sni; unkan unkihakam u sni kin on etanhan teunhinda-pi ce, eya.

39 Tuka Jesus heya; Tehindapi sni po; wicašta tuwe micaje on wicohan tanka econ kinhan, he ituya mayašice kta okihi sni.

40 Tuwe unkizapi sni kinhan, he unkiapi un ece.

41 Tuwe micaje on miniyatke ohna mini datkanpi kta niçupi kinhan, Messiya niyuhapi kin heon, he wokajuju toki ehpekiye kte sni, awicakehan eciciyapi.

42 Qa tuwe dena cikeistinpi-dan wacinmayanpi kin wanji wahtanikiye cinhan, tahu en in-yan wiyutpan wan iyakaškapi qa miniwanca kin en ehpeyapi unkanś, he wašte kta tuka.

43 Qa ninape wahtaniniye cinhan hdaksa wo; nape ksa wiconi kin en yai kinhan hee wašte kta, qa nape napin hduha Wakansica ti, peta icimana kasnipi kte śni kin en iyohpeniyanpi kte śni.

44 Hen wamduška tawapi kin te kte śni, qa peta kin kasnipi śni ece.

45 Nakun nisiha wahtaniniye cinhan hdaksa wo; hunište wiconi kin en yai kinhan, he wašte kta, qa siha nom hduha Wakansica ti, peta icimana kasnipi kte śni kin en iyohpeniyanpi kte śni.

46 Hen wamduška tawapi kin te kte śni, qa peta kin kasnipi śni ece.

47 Nakun ništa wahtaniniye cinhan hduśdoka wo; išta wanjidān hduha Wakantanka tokiconze kin en de cinhan, hee wašte kta, qa išta napin hduha Wakansica ti, peta kin en iyohpeniyanpi kte śni.

48 Hen wamduška tawapi kin te kte śni, qa peta kin kasnipi śni ece.

49 Wicašta otoiyohei peta on skuyeyapi kta, qa wośnapi otoiyohei miniskuya on skuyeyapi kta.

50 Miniskuya kin he wašte; tuka miniskuya kin skuye śni aye cinhan taku e on skuyeyapi kta he. Miniskuya ihduha po, qa woikiye kiciyuha po.

WICOWOYAKE 10.

1 Hetanhan najin hiyaye ca, Jordan akasanpatanhan, Juda

makoce kin en hi: unkan ake oyate kin en witaya kata iheya; qa econ ece qon he iyecen ake wowicakiyaka.

2 Unkan Pharisee kin en hipi qa wiwangapi, Wicašta tawicu ehpeye kta iyececa hecinhan, he iyutanyanpi.

3 Unkan waayupte ca hewicakiya; Moses token econ niśipi he.

4 Unkan; Moses kpaganpi wo-wapi kage ca ehpeye kta iyo-winyan ce, eyapi.

5 Unkan Jesus waayupte ca hewicakiya; Cante nitehipi kin heon Moses woope kin he nica-gapi.

6 Tuka wicoicage otokaheya tanhan Wakantanka hena wica winyan ahna wicakaga:

7 Heon etanhan wicašta wan atkuku hunku ko ehpewicaye kta, qa tawicu en iyaihdaske kta:

8 Qa henaōza wicačehpi wanjidān kta ce. Hecen hetanhan nonpapi śni, tuka wicačehpi wanjidān.

9 Heon taku Wakantanka yuokonwanjidān kin he ihnuhan tuwe yujuju kinhan.

10 Unkan ti mahen yukanpi, behan waonspewicakiye cin he akta wiwangapi.

11 Unkan hewicakiya; Tuwe winohinca ehpekiye ca wanji tokeca yuze cinhan, he wawicihahapi ecakicon ece.

12 Qa winohinca wan hihnaku ehpeye ca wanji tokeca hihnaye cinhan, he nakun wawicihahapi econ ece.

13 Hehan hokśiyoqopa en awicahipi, wicayutan kta heon; tuka waonspewicakiye cin tona awicaupi kin iyowicakipiśni.

14 Tuka Jesus he wanyaka, hehan nina iyokiśice ca hewica-

kiya; Hoksiyoqopapi en maupi kta iyowinwicakiya po, qa tehindapi sni po; tona decapapi kin Wakantanka tokiconze kin eepi ce.

15 Awicakehan heciciyapi; Tuwe Wakantanka tokiconze kin hoksiyoqopa iyecen icu sni kinhan he mahen ye kte sni.

16 Hehan poskin wicayuz, qa nape awicaputake ca wicaya-waste.

17 Unkan canku kin ohna iya-ye cehan, wanji inyang u, qa en canpeska makehde inajin, qa wiwanga; Waonspekiye waste, wiconi owihanke wanice cin he ohimiciye kta e on taku ecamon kta he.

18 Unkan Jesus heciya; Tokeca waste emayakiya he; tudedan waste sni; Wakantanka isnana.

19 Woahope kin sdonyaya; Wawicihahapi econ sni wo, Tinwicakte sni wo, Wamanon sni wo, Woiton sni oyake sni wo, Wawicaki sni wo, Niyate nihun kici wicahduonihan wo.

20 Unkan waayupte ca heciya; Waonspekiye, dena owasin homaksiyopa ehantanhan ecamon ece.

21 Hehan Jesus atonwe cehan wastekidake ca heciya; Taku wanji ninica; hde ca taku duhe cin wiopeya, qa wahpanicapi kin wicagu wo, kinhan mahpiya ekta wowijice duhe kta; hehan ku, can susbeca kicin, qa miham u wo.

22 Unkan oie kin he on iyokisica, qa cante sica hda; taku ota yuha nakaes.

23 Unkan Jesus ihduk san etonwe ca waonspewicakiye cin hewicakiya; Tona watonpike cin hena Wakantanka tokiconze kin en yapi kte cin he tehika ce.

24 Unkan oie kin on waonspewicakiye cin yusinyayapi. Tuka Jesus ake waayupte ca hewicakiya; Hoksiyoqopa, tona wowijice wacinyanpi kin hena Wakantanka tokiconze kin en yapi kte cin he tehike hinca.

25 Wicasta wijica Wakantanka tokiconze kin en ye kta he tehika, qa kamel wan tahinspaciqadan ohdoka ohna ye kte cin he aoptetu.

26 Unkan heon nina yusinyayapi qa hekiciyapi; Hehan tuwe ni kta he.

27 Jesus awicatonwe ca heya; Wicasta ekta he okhipica sni, tuka Wakantanka ekta hecece sni; Wakantanka ekta taku owasin okhipica ece.

28 Hehan Inyan heciya; Iho, unkiye taku owasin ehpeunyanpi, qa nihakam unyakonpi.

29 Jesus waayupte ca heya; Awicakehan heciciyapi, tuwe, miye qa wotanin waste kin on, tipi qa hunkawanjitku, qa tawinolitn, qa atkuku, qa hunku, qa tawicu, qa cinca, qa makoce ehpeye cinhan;

30 Nakaha wiconi kin de en opawinge akihde icu kta; tipi, qa hunkawanjitektupi, qa tawinolitn, qa hunkupi, qa cincapi, qa makoce ko, wositkihapi iyahna; qa wiconi u kte cin he en wiconi owihanke wanica yuhe kta.

31 Tuka wicota tokaheya kin hena ehake unpi kta, qa ehake unpi kin hena tokaheyapi kta.

32 Hehan canku ohna Jerusalem ekta yapi; unkan Jesus wicitokam ya; qa iyepi qes ihamkam upi, inihanpi qa kopehdapi. Unkan akes akenonpapi kin iwicacu, qa taku akipe kte cin hena kohan owicakiyaka:

33 Iho, Jerusalem ekta itan-

wankanhde unyanpi; qa Wicašta Cinhintku kin wošnapi kagapi, wowapi kagapi ko napepi kin en wicaqupi kta; unkan hena te yacopi kta, qa Ikcewicašta kin iyoopta wicaqupi kta:

34 He qe ihañapi kta qa kapsinpsintapi kta, qa atagošapi kta, qa ktepi kta; unkan anpetu iciyamni kinhan ake kini kta.

35 Hehan Jakob qa Johannes, Zebede cinhintkupi, en hipi qa heciyapi; Waonspekiye, taku uncinpi kin he ecen ecaunyeconpi kta uncinpi.

36 Unkan, Taku e ecaciconpi kta yacinpi he, ewicakiya.

37 Unkan heciyapi; Nitowitan kin en, wanji nietapa qa unma nicatka tanhan unkiyotankapi kta e unqu po.

38 Tuka Jesus hewicakiya; Taku yadapi kin sdonyakiyapi šni. Wiyatke etanhan mdatke kte cin he niš yatkan oyakihipi he; qa baptem miye maqupi kte cin he on niš eya ničupi kta oyakihipi he.

39 Unkan, Unkokihipi ce, eciyapi. Unkan Jesus hewicakiya; Awicakehan wiyatke etanhan mdatke cin niš etanhan datkanpi kta; qa baptem maqupi kin he iš nakun ničupi kta;

40 Tuka mietapa qa micatka tanhan iyotankapi kin wicaqupi kte cin he miye mitawa šni; tuka tona wiyeya wicakicihnakapi kta.

41 Unkan wikcemna kin he nañonpi qehan, Jakob qa Johannes nina canniyewicayapi.

42 Tuka Jesus wicakico qa hewicakiya; Oyate kin ekta tona itancan unpi kin wowidagwicayapi ece; qa tona tanka unpi kin hena oyate wicayuhapi ece.

43 Tuka niyepi ekta hecece

kte šni; tuka tuwe iyotan tanka yaunpi kta hecinhan, he ookiye duhapi kta:

44 Qa tuwe tokaheya yaunpi kta hecinhan, he owasin wowidagyi kta.

45 Wicašta Cinhintku kin hee kaeš waokiyapi kta hi šni, tuka waowicakiye kta, qa wicota opewicakitonpi kta on wiconi tawa eñpeye kta on hi.

46 Unkan Jeriko en hipi; qa Jeriko etanhan oyate ota qa waonspewicakiye cin om hdi-nanpa, hehan Bartimeus, Timeus cinhintku, išttagonge ciqon he canku icahda wada iyotanka.

47 Unkan he Jesus Nazareth etanhan hee nañon qehan, hotanin qa heya; Jesus, Dawid Cinhintku, onšimakida wo.

48 Unkan wicota iyokipišni, inina un kta; tuka iye iyotan hotankakiya heya; Dawid Cinhintku, onšimakida wo.

49 Unkan Jesus owanji najin qa kicopi kta, keya; hecen išttagonge cin kicopi qa heciyapi; Cante wašte wo, najin wo, wana nico ce.

50 Unkan iye šina eñpeya najin hiyaye ça Jesus en hi.

51 Unkan Jesus waayupte ça heciya; Taku ecacicon kta yacin he. Išttagonge cin; Itancan, watonwe kta, eciya.

52 Unkan Jesus heciya; Hda wo, wacinyaye cin he asniniyan ce. Unkan hecehnana tonwe ça canku ohna Jesus ihakam ya.

WICOWOYAKE 11.

1 Unkan wanna Jerusalem ikiyedan hipi, Bethphage qa Bethani hetu, Oliwe Paha kin en, hehan waonspewicakiye cin nom ye wicaši;

2 Qa hewicakiya; Otonwe iyo-

takons yanke cin en ya po; unkan wanna en yaipi kinhan, hehan šukcinca wan, tohinni wicašta akan iyotanke šni, he iye-yayapi kta; yukcapi qa aku po.

3 Qa tuwe, Taku on hecanonpi he, eniciyapi kinhan, Itancan kin cin ce, eya po. Unkan hecehnana au nišipi kta.

4 Unkan ekta iyayapi, qa canku nonpa ipaweli wanka, tiyopa wan en šukcinca kin kaška najin iyeyapi; hecen kiyukcapi.

5 Unkan hen najinpi kin wanjikji, Tokeca šukcinca kin dukcapi he, ewicakiyapi.

6 Unkan Jesus econ wicaši qon he ohna ewicakiyapi: hecen iyowinwicakiyapi.

7 Hehan šukcinca kin Jesus kahi-hipi; qa tawokoyake akan ehna-kapi; unkan iye akan iyotanka.

8 Unkan wicota canku ohna tawokoyake kin owinšyapi; qa apa can kin etanhan adetka kaksapi, qa canku ohna ehpeyapi.

9 Unkan tona tokaheyapi qa tona ihakam upi kin hena hotaninpi qa heyapi; Osanna, tuwe Itancan caje on u kinhan, he yawaštepi ce.

10 Dawid ateunyanpi, tokiconze Itancan caje kin on u kin he yawaštepi: Osanna iyotan tehan wankantu.

11 Unkan Jesus Jerusalem en ye ça, tipi wakan kin en iyaya; qa wanna taku owasin ekta etonwe ça, litayetu aya, hehan akenonpapi kin om Bethani ekta kihda.

12 Unkan ihanhanna Bethani etanhan kupi, hehan wotektehda.

13 Qa itehan suken can wan ape yuke cin he wanyaka, he en hi, okinni en waskuyeca iyeye kta; tuka en hi qehan takudan iyeye šni, ape ecedan; suken icage kta hinahinke šni.

14 Unkan Jesus waayupte ça heciya; Detanhan tuwedan waskuyeca enitanhan yute kte šni, owihanke wanica. Unkan waonspewicakiye cin he nahonpi.

15 Hehan Jerusalem en hipi; unkan Jesus tipi wakan kin en i, qa tona tipi wakan kin ohna wi-yopeyapi qa wopetonpi kin hena tankan iyewicaya, qa mazaska tokiyopeyapi ahna econpi kin ahdapšinyan ehpeya, qa wakiyedan iyoeyapi can akan iyotankapi hena koya:

16 Qa tipi wakan kin ohna tuwe cega yuhe kta iyowinwicakiye šni.

17 Unkan wowicakiyake ça hewicakiya; Wati kin he oyate owasin on wocekiye tipi eciyapi kta ce, eya wowapi en kagapi šni he; tuka niye wamanon sa otipi kin yakagapi ce.

18 Wošnapi kagapi qa wowapi kagapi kin he nahonpi, unkan token ihangyapi kta akitapi; kokipapi, wicašta owasin ta-woonspe kin on yušinyayapi nakaes.

19 Unkan wanna litayetu hehan otonwe kin etanhan tankan iyaya.

20 Unkan ihanhanna en hiya-yapi hehan suken can kin wanna hute hehanyan šnija e wanyakapi.

21 Unkan Inyan he kiksuye ça heciya; Itancan, wanyaka wo, suken can dašice ciqon he wanna šnija.

22 Unkan Jesus waayupte ça hewicakiya; Wakantanka wacinyanpi kin he yuha po.

23 Awicakehan heciyapi; Tuwe paha kin de, Tokan iyaye ça miniwanca kin en iyohpaya wo, eciye ça, cante kin en ce-tunhda šni, qa taku tona eye cin hena hecetu kta e wicada

WICOWOYAKE 12.

kinhan; he taku eye cin hena ecen yuhe kta.

24 Heon etanhan heciciyapi; Ceyakiyapi eca taku tona yacini kin hena iyacupi e wicada po, kinhan hena duhapi kta.

25 Unkan cekiya nayajinpi kinhan, tuwe taku on yeksuyapi kinhan kicicaju po; hecen Ateyayapi malpiya ekta yanke cin he wayahitanipi kin nicicajujupi kta.

26 Qa niš wayecicajujupi šni kinhan, nakun Ateyayapi malpiya ekta yanke cin wayahitanipi kin nicicajujupi kte šni.

27 Unkan ake Jerusalem en hdipi; qa tipi wakan kin ohna mani un qehan, wošnapı kagapi wowapi kagapi wicahincapi koya en hipi;

28 Qa heciyapi; Taku wowašake on dena taku kin ecanon he; qa tuwe dena econ niši, qa hecen ecanon he.

29 Unkan Jesus waayupte ça hewicakiya; Miš eya taku wanji iciwangapi kta, amayupta po, kinhan wowašake tukte e on dena ecamon kin ociciyakapi kta.

30 Johannes baptem wicaqu qon wicohan kin he malpiya eciyatanhan, qa iš wicašta eciyatanhan, unma tukte he; amayupta po.

31 Unkan hdokinicapi qa hekiciyapi; He malpiya eciyatanhan, unkeyapi kinhan, hehan; Tokeca wicayadapi šni he, eye kta.

32 Tuka, He wicašta akantu eciyatanhan, unkeyapi kinhan, oyate kin kowicunkipapi; wicašta owasin Johannes wicašta wokcan kin heca kecinpi.

33 Unkan waayuptapi qa Jesus heciyapi; Sdonunyanpi šni. Unkan Jesus waayupte ça hewicakiya; Miš eya wowašake tukte

e on dena ecamon kin he nakun ociciyakapi kte šni.

WICOWOYAKE 12.

1 Hehan wiyacinpi on wowicakiyaka; Wicašta wan hastanhanka iyuwi wojupi wan oju, qa ohomni natake ça, miniša iyuškice wan en qe ça, cowahe tehan wankantu wan kaga; qa kicanyanpi kte cin owicaqu, qa makoce wan tokeca ekta icimani iyaya.

2 Qa wanna iyehantu qehan taokiye wan kicanyanpi kin ekta ye šı, kicanyanpi kin etanhan hastanhanka ojupi kin waskuyeca icu kte cin heon etanhan.

3 Unkan he yuzapi, qa apapi, qa cokadan hde šipi.

4 Unkan ake taokiye wanji tokeca ekta ye šı; tuka e qe inyan on kininpi, qa pa kahdecapi, qa tehiya kuwapi hde šipi.

5 Unkan ake wanji tokeca ekta ye šı; qa he qe ktepi: unkan nakun wicota, hunh awicapapi qa hunh wicaktepi.

6 Hehan cinhintku wanjidan waštekidake cin he hinalin hduha; unkan he ehake ekta ye šı, qa; Micinkši yuonihanpi kta ce, eya.

7 Tuka kicanyanpi kin hekiciyapi; Tawa kte cin he dee; iho po, unktepi kta; hecen he unkitawapi kta ce.

8 Unkan hecen yuzapi qa ktepi, qa wojupi kin etanhan tankan ehpeyapi.

9 Heon hastanhanka ojupi yuhe cin he taku econ kta he. En hi qa kicanyanpi kin hena ihangwicaye kta, qa hastanhanka ojupi kin wicašta tokeca owicaqu kta.

10 Wowapi kin de dawapi šni he; Ticagapi inyan wan ehpe-

yapi qon he oise en pa icaga ce.

11 He Itancan kin econ, qa unkištapi kin en taku wowinihan.

12 Hehan yuze wacinni, tuka oyate kin kowicakipapi; wiya-cinni kin de iye wicaka e heya sdoniyapi. Unkan ehpeya ki-hdapi.

13 Hehan Pharisee qa Herodian etanhan wanjikji ekta ye wicašipi; taku eye cin on yuzapi kta.

14 Unkan hena en hipi qehan heciyapi; Waonspekiye, iewicayaka qa tuwedan koyakipe šni sdonunyanpi; wicašta tancan ekta eyatonwe šni ece, tuka awicakehan Wakantanka tacanku kin odaka ece; Kesar wamnanyanpi qupi kta iyececa he.

15 Unqupi kta, qa is unqupi kte šni he. Tuka iye wohneye hduhapi sdonye ça hewicakiya; Tokeca iyutanmayayapi he. Kašpapidan wanji makau po, wammdake kta ce.

16 Unkan kahipi. Hehan hewicakiya; Wicite qa wowapi kin de tuwe tawa he. Unkan, Kesar tawa ce, eciyapi.

17 Hehan Jesus waayupte ça; Kesar taku tawa kin kicu po; qa Wakantanka taku tawa kin kicu po, ewicakiya. Unkan heon inihanpi.

18 Hehan Saddukee kin, piya iwicacage kte cin wanica keyapi, hena etanhan en hipi; qa wiwangapi qa heyapi;

19 Waonspekiye, Moses wowapi unkišgapi, wicašta wan tawicu ehpeya te ça, cinca nice cinhan, sunkaku winohinca kin he hduze kta, qa cincu qon cinca kicage kta ce.

20 Hunkawanjinkiciyapi šakowin; unkan tokapa kin winohinca wan yuze ça, cinca codan ta.

21 Hehan iyokihe kin he hduze ça nakun ta, qa cinca nica; unkan iyamni kin is nakun.

22 Unkan ecen šakowinpi kin hduzapi, qa cinca nicapi: eha-ke winohinca kin is eya ta.

23 Hecen piya iwicacage cin en inajinpi kinhan, wanji tukte tawicuyapi kta he: šakowin hduzapi tuka.

24 Unkan Jesus waayupte ça hewicakiya; Wowapi wakan kin sdoniyayapi šni, qa nakun Wakantanka towašake kin, heon yanunipi.

25 Wiconte etanhan piya wicoicage kinhan tawicu tonpi šni qa hihnaku yuhapi šni; tuka mahipiya ekta ohnihde unpi kin iyececapi.

26 Unkan tona tapi kin hena piya icagapi kta, on Moses tawowapi kin en dawapi šni he; can opamna etanhan Wakantanka okiye ça heya; Abraham Wakantanka tawa, qa Isaak Wakantanka tawa, qa Jakob Wakantanka tawa kin he miye ce.

27 Wicašta tapi kin Wakantanka tawapi šni, tuka ni unpi kin Wakantanka tawapi: heon etanhan šogya yanunipi.

28 Hehan wowapi kagapi wanji en hi, qa akinicapi kin nahon, qa tanyan awicayupta iyukcan heon etanhan, Woahope tokaheya kin tukte e he, eya iwan-ga.

29 Unkan Jesus ayupta; Israel nahon po, Jehowa Wakantanka unkitawapi kin he Itancan wanjidani, woahope owasin tokapa kin hee ce.

30 Unkan Jehowa Wakantanka nitawa kin he nicante ocowasin on, qa ninagi ocowasin on, qa nitawacin ocowasin on, qa nitowašake ocowasin on,

wašteyakidake kta ce; woahope tokaheya kin hee.

31 Qa inonpa kin he he iyececa; Nikiyedan un kin he niye inihdacin wašteyadake kta. Woahope dena isanpa tanka wanica.

32 Unkan wowapi kage cin he heciya; Han, Waonspekiya, wowicake ecen eha, Taku wakan wanjidan, qa icunonpa tannan wanica.

33 Qa wicacante ocowasin on, qa wicotawacin ocowasin on, qa wicanagi ocowasin on, qa wicowaśake ocowasin on waštedakapi, qa wiciyedan unpi kin wiciye ihdacin waštewicadapi kin, peta on wośnapi qa ikce wośnapi owasin, he isanpa tanka ece.

34 Unkan he wacinksamya ayupta Jesus wanyaka, hehan heciya; Wakantanka tokiconze kin itehan yaun śni. Unkan hetanhan tuwedan sanpa wiwanga tawaŋenye śni.

35 Hehan Jesus tipi wakan kin ohna wowicakiyaka icunhan waayupte ɕa heya; Wōwapi kagapi kin Messiya he Dawid Cinhintku ce, tokeca heyapi he.

36 Dawidiye qe Woniya Wakan on heya; Itancan kin Itancan mitawa heciya; Mietapa ekta iyotanka wo, tona tokaniyanpi kin hena siha oahe nitawa kin wakage kta hehanyan.

37 Heon etanhan Dawid iye qe Itancan eciya; hecer token cinɕaya he. Unkan oyate ikceka kin wiyuśkinyan nahonpi.

38 Unkan wowicakiyaka icunhan hewicakiya; Wowapi kagapi kin kowicakipa po, hena wokoyake hanskaska kiɕun waštedakapi, qa wopeton tipi kin ohna owicakiyapi kta nakun:

39 Qa omniciye tipi kin en oi-

yotanke tokapapi, qa wotapi kin en oyanke waštešte kin:

40 Hena e wiwazica tipi kin temyapi, qa ihdutaninpi on wocekiye hanska eyapi ece: hena woyaco iyotan tanka yuhapi kta.

41 Unkan Jesus mazaska opiye kin iyotakons iyotanka, qa token oyate kin mazaska opiye kin en, mazaska ehpeyapi kin he wanyaka. Unkan wicota wijicapi kin hena odota en ehpeyapi.

42 Unkan wiwazica wahpanica wan en hi, qa mazaśa onśpadan nom en ehpeya, he mazaśa wanjidan yawapi.

43 Unkan waonspewicakiye cin hena wicakico qa hewicakiya; Dena owasin mazaska opiye kin en ehpeyapi, tuka wiwazica wahpanica kin de owasin isanpa en ehpeya, awicakehan eciciyapi.

44 Dena owasin taku ota tonpi kin eciyatanhan en ehpeyapi ece; tuka iye qe nice cin etanhan taku yuhe cin ocowasin en ehpeya, on ni kte cin ocowasin.

WICOWOYAKE 13.

1 Unkan tipi wakan kin etanhan kinanpa hehan waonspewicakiye cin wanji heciya; Waonspekiya, inyan tankinyanyan kin dena, qa tipi kagapi kin dena wanyaka wo.

2 Unkan Jesus waayupte ɕa heciya; Tipi tankinyanyan kin dena owasin wandaka he. Inyan wanji inyan itakihna wanke kte śni, owasin jujuwahe kta.

3 Unkan Oliwe Paha kin akan iyotanka, tipi wakan kin iyotakons, hehan Inyan qa Jakob qa Johannes qa Andrew nahimana wiwangapi;

4 Tohan hena hecetu kta he, qa dena owasin iyecetu kta e

wowapetokeca tukte e hecinhan, unkokiyaka po.

5 Unkan Jesus waayupte qa hewicakiya; Iwanihdaka po, okinni tuwe nihnayanpi kta.

6 Wicota micaje on hipi qa; He miye ce, eyapi kta, qa wicašta ota wicahnayanpi kta.

7 Unkan tohan wicokicize qa kicizapi kta oyakapi kin nayahonpi kinhan, nihinciyapi šni po: hena hecetu kta, tuka owihanke kin hinahinke šni.

8 Oyate wan oyate tokeca on najin kta, qa wokiconze wan wokiconze tokeca on; qa tuktekten maka škanškan yuke kta, qa wicaakihan qa wicokicize yuke kta. Dena wicoiyokišice tokaheya kin ee.

9 Tuka iwanihdaka po; omniciye tanka kin en aniyampi kta; qa omniciye tipi kin ohna nicaštakapi kta; qa miye on wicašta itancanpi wicaštayatapi ko en aniipi kta, owicayakapi kta heon.

10 Tuka tokaheya wotanin wašte kin he oyate owasin owicakiyakapi kta.

11 Tuka tohan aniyampi qa wicanicupi kinhan, itokam taku ehapi kta awacinpi šni po, qa on cante šicapi šni po; tuka wihiyayedan oape kin he en taku nicupi kin he ohna eya po; eye kte cin he niyepi šni, tuka Woniya Wakan kin hee kta.

12 Hunkawanjinkiciyapi wiconțe en kicicupi kta, qa wicašta wan iye cinca nakun; qa wicacinca inajinpi kta qa hunkakewicayapi kin tewicayapi kta.

13 Unkan miye on owasin šicenidapi kta; tuka tuwe owihanke kin hehanyan ope cinhan he ni kta.

14 Tuka tohan wošice woihangye, Daniel wicašta wokcan cajeyate ciqon, tukten najin

кта iyecece šni, hen wandakapi kinhan, tuwe yawa kinhan okahinige kta, hehan tona Juda makoce kin en unpi kin he kin ekta najicapi kta:

15 Qa tuwe tipi akan yanke cin he kun ku, qa timahen tanhan takudan ehdaku kte šni:

16 Qa nakun tuwe magata un kinhan, wokoyake ehdaku kta on hdicu kte šni.

17 Tuka anpetu kin hena en tona ihdušakapi qa hoksiyoqopa azinwicakiyapi kin hena teliya unpi kta.

18 Unkan waniyetu icunhan nayapapi kte šni e icekiya po.

19 Anpetu kin hena en wicokakije yuke kta, tokaheya Wakantanka taku kage cin ehan-tanhan, qa dehanyan takudan iyecece šni, qa nakun tokata ekta iyecece kte šni.

20 Unkan Itancan kin anpetu kin hena yuptecedan šni kinhan, wicacehpi takudan ni kte šni; tuka wicakahnigapi tona wicakahnige cin hena on anpetu kin hena yuptecedan.

21 Unkan hehan tuwe; Iho, Messiya hen yanka ce, qa is; Kan yanka ce, eniciyapi ešta, wicadapi šni po.

22 Messiya itonpišni qa wicašta wokcan itonpišni kin heca ica-gapi kta, qa wowapetokeca taku wowinihan ko econpi kta, okihipica unkanš wicakahnigapi kin hena eepi kaeš wicahnayanpi kta tuka.

23 Tuka iwanihdaka po; iho, itokam hena ociciyakapi.

24 Tuka anpetu kin hena en, wicokakije kin iyohakam, anpetu wi kin aotpasyapi kta, qa hanyetu wi kin iyoyanpa kte šni;

25 Qa mahpiya wicanhpi kin hinhpaye kta, qa mahpiya ekta wowašake kin yuhuhuzapi kta.

WICOWOYAKE 14.

26 Unkan hehan Wicašta Cinhintku kin wowašake tanka wowitzan ko hduha małpiya šapa akan u wandakapi kta.

27 Unkan hehan ohnihdewicaye cin hena ye wicaši kta, qa tate ouye topa kin etanhan, maka ihanke kin etanhan qa małpiya ihanke kin hehanyan, wicakahnige cizon hena witaya wicakpabi kta.

28 Suken can kin etanhan wiyacinpi kin de okahniga po: Can intpa kin hinahin wankadan, qa etanhan ape icage cinhan, hehan mdoketu wanna ikiyedan sdonayayapi ece.

29 He iyececa, niš tohan dena owasin iyecetu wandakapi kinhan, wanna ikiyedan, tiyopa kin etu, e sdonya po.

30 Awicakehan heciciyapi, wicoicagē kin de tokan iyaye šni, ecen dena owasin econpi kta.

31 Małpiya maka ko tokan iyaye kta, tuka mioie kin hena tokan iyaye kte šni.

32 Tuka anpetu kin he, qa wihiyayedan oape kin he tuwedan sdonye šni, małpiya ohnihde kin heepi kaeš, qa nakun Cinhintku-yapi kin; tuka Ateyapi kin ecendan *sdonya*.

33 Iwanihdaka po, wakta unpi qa cekiya po; tohan iyehantu kte cin sdonayayapi šni nakaeš.

34 Wicašta wan icimani ye kte cin, tipi ehpeye ča tāokiyewicaye cin taku econ wicaši, otoi-yohi wicohan wicaqu, qa tiawan-yake cin he awanyake ši, he iyececa.

35 Heon etanhan waktaya un po; tipi ohna itancan kin tohan hdi kta sdonayayapi šni, litayetu, qa hanye cokaya, qa anpaohoton-na hoton, qa is hanhanna kinhan.

36 Okinni ihnuhanna hdi kinhan ništinmapi iyeniyampi kta.

37 Unkan taku eciciyapi kin he owasin ewicawakiya ece, Waktaya un po.

WICOWOYAKE 14.

1 Anpetu nonpa iyohakam hehan woacakšin qa aguyapi napohiyapi šni: Unkan wošnapi kagapi wowapi kagapi ko token hnayan yuzapi kta akitapi, ktepi kta e heon.

2 Tuka heyapi; Wošnapi anpetu kin hehantu kte šni; okinni oyate kin owodutaton kta.

3 Unkan Bethani etu, Simon lepros ececa qon he ti kin en wota iyotanka, hehan winohinca wan inyan opiye wan wihdi waštemna telike hinca he yuha hi, qa opiye kin yulhdoke ča iye pa kin akaštan.

4 Unkan hen wanjikji cante mahen iyokipipi šni qa heyapi; Tokeca wihdi waštemna kin hecen yutakunipi šni he.

5 Wihdi waštemna kin de kašpapi opawinge yamni sanpa iyo-peyapi qa walpanica wicaqupi kta tuka. Hecen winohinca qon icaptapi.

6 Unkan Jesus heya; Ayuštan po; tokeca nagiyeyayapi he. Wicohan wašte wan ecamicon.

7 Walpanicapi kin ohinniyan wicayahduhapi, qa tohan yacinpi kinhan tanyan ecawicayeconpi kta oyakihipi; tuka miye ohinniyan mayaduhapi šni.

8 Taku okihi kin ecen econ; mitancan hapi kte cin on itokam sdaye kta on hi.

9 Awicakehan heciciyapi; Maka kin owancaya tukten wotanin wašte kin de oyakapi kinhan, winohinca kin de nakaha taku econ kin he oyakapi kta, wokiksuye kta e heon.

10. Unkan Judas Iskariot, ake-

nonpapi kin wanji ee, wośnapi kagapi kin ekta ya, he hnayan wicaqu kta heon.

11 Unkan he nalionpi qehan wiyuśkinpi, qa mazaska qupi kta keciyapi. Unkan token tanyan hnayan wicaqu kta he akita.

12 Unkan aguyapi napohye śni anpetu tokaheya en wośna ktepi ece kin hehantu, waonspewicakiye cin heciyapi; Tukten woacakśin wośnapi yate kta wiyeya eunhnakapi kta yacin he.

13 Unkan waonspewicakiye cin nom ye wicaśi, qa hewicakiya; Otonwe kin en ya po, kinhan wicaśta wan mini ohna wakiśkotpa wan qin itkonicipapi kta, he ihakam ya po.

14 Qa tukte en tin kihde cinhan, tipi tawa kin heciya po; Waonspekiye cin heya ce; Wankan tipi kin tukten waonspewicawakiye cin om wośnapi kin wate kta tukte e he.

15 Unkan wankan tipi wan tanka, tanyan yuśtanpi qa wiyeya yanka, nicipazqpi kta; hen wiyeya eunkicihnaka po.

16 Unkan waonspewicakiye cin iyayapi, qa otonwe kin en ipi, qa token ewicakiye cin hecen iyeyapi; unkan wośnapi kin wiyeya ehnakapi.

17 Unkan wanna hitayetu hehan akenonpapi kin om en hi.

18 Unkan wota iyotankapi icunhan Jesus heya; Awicakehan heciyapi; Mici wayatapi kin wanji wiyopemayayapi kta.

19 Hehan iyokiśica hinhdapi, qa otoiyohe heciyapi; He miye he; qa ake wanji, He miye he, eyapi.

20 Unkan hewicakiya; Akenonpapi kin etanhan wanji wakiśica ohna mici oputkan kin hee ce.

21 Wicaśta Cinhintku kin awi-

cakehan token wowapi en kagapi qon he iyecen iyoopta ya, tuka wicaśta kin tuwe Wicaśta Cinhintku kin wiyopeye cinhan, he wotehi yuhe kta; wicaśta kin he tohinni tonpi śni unkanś wašte kta tuka.

22 Unkan wotapi icunhan Jesus aguyapi icu, yawašte, qa kiyuśpa, qa wicaqu, qa heya; Icupi qa yuta po; mitancan kin he dee.

23 Nakun wiyatke kin icu; qa yawašte hehan wicaqu. Unkan owasin etanhan yatkanpi.

24 Unkan hewicakiya; Wicotakuye teca kin en, mawe kin he dee, wicota on paponpi.

25 Awicakehan heciyapi; Detanhan wiyuwi waskuyeca etanhan icimana mdatke kte śni, anpetu wan en Wakantanka toki-conze kin en teca mdatke kte cin hehanyan.

26 Unkan odowan wan ahiyayapi hehan Oliwe Paha kin ekta iyayapi.

27 Hehan Jesus hewicakiya; Hanyetu kin de miye on iyulipa nihicahanpi kta; kaken wowapi en kagapi qon, Waawanhdake kin he awape kta, hecen tahiŋca wanunyanpi kin mdecahanpi kta ce.

28 Tuka ake wakini iyohakam, Galile ekta nitokam imdamde kta.

29 Tuka Inyan heciya; Owasin hicahanpi eśta, miye qe ecamon kte śni.

30 Unkan Jesus heciya; Awicakehan heciyapi; Anpetu kin de, hanyetu kin de en, anpaohottonna nonpa hoton śni, ecen yamni akihde anamayakiħbe kta.

31 Hehan iyotan nina kitan ħinea; Cicimaťa eśta anaciciħbe kte śni. Iyulipa nakun iyecen eyapi.

32 Unkan wojupi wan en ipi, Gethsemane eciyapi; hehan waonspewicakiye cin hewicakiya; Den iyotanka po, icunhan cewakiye kta.

33 Unkan Inyan qa Jakob qa Johannes hena iwicacu, hehan inihan qa nina iyokišicea hinhda;

34 Qa hewicakiya; Minagi nina iyokišicea hinca, maŕe kta iyececa; den yukanpi qa waktaya un po.

35 Unkan hetanhan kitan ecinyan iyoopta ye ɕa, makata ihpaye ɕa cekiya, okihipica kinhan, wihiyayedan oape kin he token iyaye kta.

36 Unkan heya; Abba, Ate, niye ekta taku owasin okihipica; wiyatke kin de emiciyaku wo; tuka miš taku wacin kin hee kte šni, taku yacin kin he hecetu kta.

37 Hehan en hdi, qa ištinnapi iyewicaya, unkan Inyan heciya; Simon ništinnma he; wihiyayedan oape wanjidan kiktahan yaun kta oyakihi šni he.

38 Kiktahan unpi qa cekiya po; okinni taku wawiyutanyan un kin en yaipi nun ce; wicnagi kin he awicakehan wicada, tuka wicacehi kin wašake šni.

39 Unkan ake iyaye ɕa cekiya, qa wicoie un qon hena ake eceneya.

40 Unkan ake en hdi qehan, ake ištinnapi iyewicaya, išta hɕapi hinca, unkan token ayu-ptapi nun tanin šni.

41 Unkan iciyamni en hdi, qa hewicakiya; Ištinnma po qa ozi-iciya po; wanna henakeca, wihiyayedan oape kin wanna iye-hantu; wanyaka po, Wicašta Cinhintku kin wahtanipi sa napipi kin en hnayan wicaqupi.

42 Najin po, unyanpi kta; iho, tuwe mahnaye cin he wanna kiyedan u ce.

43 Unkan ecahankeya, iahan icunhan, Judas hi, akenonpapi kin wanji ee, qa kici wicota hinca, mazasagye can oŕoza ko yuhapi, wošnapi kagapi, wowapi kagapi, qa wicahincapi kin etanhan upi.

44 Unkan tuwe hnayan wicaqu kte cin he iwaktawicaye ɕa; Tuwe i iwaputake cinhan hee kta; yuzapi qa tanyan akiyahda po, eya.

45 Unkan en hi qehan, ecahankeya en ye ɕa, Itancan, Itancan, eciye ɕa, i itputaka.

46 Hehan nape ahnakapi qa yuzapi.

47 Unkan wanji en najinpi kin mazasagye ehdaku, qa wošnapi kagapi itancan taokiye wanji ape ɕa noge bašpa.

48 Unkan Jesus waayupte ɕa hewicakiya; Wamanon sa takpe hipi iyececa, mazasagye can oŕoza ko yuha mayaduzapi kta on yahipi he.

49 Anpetu eca tipi wakan kin ohna ocipapi qa waonspekiya waun, tuka mayaduzapi šni; tuka wowapi wakan kin yuecetupi kta.

50 Hehan owasin ehpeya najicapi.

51 Unkan koška wan ihakam ya, tancodan un tuka minihuha ska tancan iyakipemni. Unkan koškapi kin hena yuzapi:

52 Hehan minihuha ska kin he ehpeya, qa tancodan kihda.

53 Unkan Jesus wošna kagapi itancan kin ekta ayapi; qa hen wošnapi kagapi, wicahincapi, wowapi kagapi ko owasin mnicapi.

54 Unkan Inyan itehan ihakam u, qa wošna kagapi itancan ti kin en hi; qa ookiyewicayapi kin om iyotanke ɕa peta kin en cošiɕiya.

55 Unkan woŋnapi kagapi qa omniciye ocowasin tuwe Jesus on taku oyakapi kta odepi, ktepi kta e heon, tuka takudan iyeyapi ŋni.

56 Wicota itonŋniyan woyakapi, tuka taku oyakapi kin ocitkonze ŋni.

57 Hehan wanjikji inajinpi, qa itonŋniyan taku iyaonpapi, qa heyapi;

58 Unkiye, Tipi wakan nape on kagapi kin de ihangwaye kta, qa anpetu yamni hehan wanji tokeca nape codan kagapi kin he wakage kta ce, eya naunhonpi ce.

59 Tuka iŋ eya taku oyakapi kin ocitkonze ŋni.

60 Hehan woŋna kagapi itancan kin wicacokaya inajin, qa Jesus iwange ɔa; Dena taku iyanionpapi kin takudan adupte ŋni he, eya.

61 Tuka iye inina un qa takudan ayupte ŋni. Ake woŋna kagapi itancan kin wiwange ɔa heciya; Messiya, Iyotan Waŋte Cinhintku kin he niye he.

62 Unkan Jesus heya; He miye; qa Wicaŋta Cinhintku kin wowaŋake etapa eciyatanhan iyotanke ɔa, mahipiya ŋapa akan u wandakapi kta ce.

63 Hehan woŋna kagapi itancan kin wokoyake hdupote ɔa heya; Taku on woyakapi sanpa uncinpi kta he.

64 Wayaŋice cin he niye nayahonpi: token idukcanpi he. Unkan owasin, ɛe kta iyececa, yacopi.

65 Hehan wanjikji atagoŋapi qa ite ogekicitonpi, qa apapi qa; Wokecan wo, eciyapi. Unkan ookiye unpi kin iŋ eya nape on apapi.

66 Unkan Inyan ihukuya tipi kin ohna yanka; hehan woŋna

kagapi itancan winyan wowidagwicaye cin wanji en hi;

67 Qa Inyan petiŋkan yanka wanyake ɔehan en etonwe ɔa heya; Qa niŋ eya Jesus Nazareth kici yaun qon.

68 Tuka anakihbe ɔa heya; Taku ehe cin he sdonwaye ŋni, qa nakun owakalinige ŋni ce. Hehan tankan ohanzi hdepi kin ekta iyaya: unkan anpaohotonna wan hoton.

69 Unkan ake wikoŋka wan wanyake ɔa, tona en najinpi kin hewicakiya; De iŋ nakun he-tanhan.

70 Unkan iŋ ake anakihman. Hehan kitan ecinyan iyohakam tona en najinpi kin ake Inyan heciyapi; Awicakehan niŋ he-nitanhan; Galile wicaŋta henica; qa iyae cin he iyececa ce.

71 Tuka iye wayaŋice ɔa taku wakan cajeyata; Wicaŋta kin de cajedatapi kin ecaca sdonwaye ŋni ce, eya.

72 Hehan inonpa anpaohotonna kin hoton. Unkan hehan Inyan Jesus taku eciye ciqon; Anpaohotonna nonpa hoton ŋni, yamni akihde anamayakihbe kta ce, wicoie kin he kiksuya. Unkan he awakicin hehan ceya.

WICOWOYAKE 15.

1 Unkan wanna anpao, hehan woŋnapi kagapi qa wicaŋincapi, wowapi kagapi ko omniciye ocowasin om he aiapi, qa Jesus kaŋkapi, qa ekta ayapi qa Pilate qupi.

2 Unkan Pilate wiwanga; Juda oyate Wicaŋtayatapi kin he niye he. Unkan Jesus ayupte ɔa, Niye ecen eha ce, eya.

3 Unkan woŋnapi kagapi kin taku ota iyaonpapi; tuka takudan ayupte ŋni.

4 Unkân Pilate ake wiwange ca; Takudan adupte sni he; iho, taku ota iyanionpapi ce, eya.

5 Tuka Jesus takudan ayupte sni; hecen Pilate yušinyaya.

6 Woŋnapi kin de ekta wica-kaškapi wanji wicakiciyukca ece, wanji tukte cinpi kinhan.

7 Unkan wanji Barabbas eciyapi, he tona om inajin qon kaškapi yanka, he inajinpi qehan nakun tinwicakte.

8 Unkan oyate kin, token econ ece qon he iyecen ecawicakicon kta, panyehan keciyapi.

9 Tuka Pilate awicayupte ca; Juda Wicaštayatapi kin he ciciyukcapi kta yacinpi he.

10 Woŋnapi kagapi kin winawizipi on kahipi e sdonya.

11 Tuka woŋnapi kagapi kin oyate kin wahokonwicakiyapi, Barabbas he wicakiyukca kta e heon.

12 Unkan Pilate ake awicayupte ca; Hehan tuwe Juda Wicaštayatapi eyakiyapi kin he token ecamon kta yacinpi he, ewicakiya.

13 Unkan ake panyehan heyapi; Icipaweh okatan wo.

14 Hehan Pilate hewicakiya; Tokeca, taku śica econ kin tukte e he. Unkan hehan iyotan nina; Icipaweh okatan wo, panyehan eyapi.

15 Unkan Pilate oyate kin iyo-kiptiwicaye kta cin, heon Barabbas wicakiciyukca, qa Jesus kapsinsinta hehan icipaweh okatanpi kta wicaqu.

16 Unkan akicita kin tipi wan tanka, Pretorium eciyapi, he ekta ayapi; qa wicobe ocowasin wicakicopi.

17 Unkan śina duta wan inkiyapi, qa wapaha wan wapepeka on kazontapi qa unkiyapi.

18 Qa hehan okiyapi, Iho, Juda Wicaštayatapi kin.

19 Qa cedi tanka wan on pa kin en apapi, qa atagošapi, qa canpeška makehde inajinpi, qa ohodapi.

20 Unkan hecen iħaħapi, hehan śina duta kin ikicicupi, qa iye tawokoyake qon ake kičunki-yapi. Hehan icipaweh okatanpi kta e ekta ayapi.

21 Unkan Simon, Kurene wicašta, en hiyaya, he Alexander qa Ruphus atkuku kin, makoce kin etanhan u kin he can susbeca tawa kin kicičinkiyapi.

22 Unkan Golgotha owanka kin en ahipi, he, Wicapahu makoce, eyapi kin he kapi.

23 Unkan miniša pejihuta ica-hiyapi kin he yatke kta e qupi; tuka wicada śni.

24 Unkan wanna icipaweh okatanpi, hehan tawokoyake qon kicipamnpi, qa on oeconna econpi, wicašta otoiyo hi taku icupi kta.

25 Unkan wanna wihiyayedan oape yamni, hehan icipaweh okatanpi.

26 Unkan taku iyaonpapi wowapi iwankam owapi kin, JUDA WICAŠTAYATAPI KIN, hee.

27 Unkan kici wamanon sa nom icipaweh owicakatanpi, wanji etapa eciyatanhan, qa unma catka eciyatanhan.

28 Hecen wowapi kagapi qon yuecetupi; Qa waħtanipi sa om yawapi ce, eya.

29 Unkan tona en hiyayapi kin hena yaścapi, poptanptanpi qa heyapi; Iho, tipi wakan kin ihangyaye kta, qa anpetu yamni ake piya yakage kta;

30 Ito, ničiya wo, qa cansusbeca kin etanhan kun ku wo.

31 Nakun woŋnapi kagapi kin iħaħapi, qa wowapi kagapi om iye iyakitedan hekičiyapi; Wi-

caſta tokeca niwicaya ece, tuka iye atayedan niſiye kta okihi ſni.

32 Meſſiya Iſrael Wicaſtaya-tapi kin, ito cansusbeca kin etanhan kun hdicu kta, hecen wanunyakapi qa wicaundapi kta. Unkan tona kici icipaweli owicakatanpi qon iſ eya ihahiapi.

33 Unkan wihiyayedan oape iſakpe, hehan maka kin owan-caya otpaza, oape inapcinwanka behanyan.

34 Qa wihiyayedan oape inapcinwanka, hehan Jeſus hotankakiya panyehan; Eloï, Eloï, lama ſabakthani, eya: Wakan-tanka mitawa, Wakantanka mitawa, tokeca ehpemayaya he, eyapi kin he kapi.

35 Unkan en najinpi wanjikji he naſonpi qehan heyapi; Iho, Elias kipan.

36 Unkan wanji inyang ye ça, mini iyuhepe wan miniskuya en oputkan, qa can icam yatkekiye kta, qa heya; Hinnakahan po, Elias kun eyaku kta on hi kinhan wanunyakapi kta.

37 Unkan Jeſus hotankakiya hotanin, qa taniya hiyuya.

38 Unkan tipi wakan cokaya ozanpi qon he owangya okinahdece ça, wankan tanhan qa kun ihanke kin aiyahdeya.

39 Unkan akicita opawinge wicayuhe cin iyotakons najin, he hecen pan qa taniya hiyuya wan-yaka, hehan heya; Awicakehan wicaſta kin de Wakantanka Cinhintku kin hee.

40 Nakun winohinca itehan tanhan wanyag yukanpi; Mary Magdalene, qa Mary, Jakob cistinna qa Joſes hunku kin, qa Salome, hena opapi.

41 Galile en un qon he ehan ihakam unpi qa okiyapi ece kin hena eepi, qa nakun winohinca

toktokeca kici Jeruſalem en hipi qon.

42 Unkan wanna hitayetu, Ihdu-wiyeyapi kta anpetu, anpetu wakan kin itokam anpetu kin hee, heon,

43 Joſeph, Arimathea etanhan, woope aiekiyapi owotanna, qa nakun Wakantanka tokiconze kin ohinniyan ape un kin he u, qa waditagya Pilate en ye ça, Jeſus tancan kin kida.

44 Unkan wanna ta hecinhan Pilate yuſinyaya; heon akicita opawinge wicayuhe cin he kico, qa wanna wanakaja tanhan ta hecinhan he iwanga.

45 Unkan akicita opawinge wicayuhe cin he ecen okiyaka, hehan tancan kin Joſeph qu.

46 Unkan he miniſuha ſka waſte opeton, qa tancan kin kun eyaku, qa miniſuha ſka kin iya-pemni, qa wicahiapi ohdoka wan imnija en kagapi, he en ohnaka, qa inyan tanka wan wicahiapi ohdoka i kin en eonpa.

47 Unkan Mary Magdalene qa Mary Joſes *hunku* kin hena tukten hnakapi kin he wanyakapi.

WICOWOYAKE 16.

1 Unkan anpetu wakan kin wanna owihanke, hehan Mary Magdalene, qa Mary Jakob *hunku*, qa Salome hena tancan kin sdayapi kta on pejihuta waſtemna aupi:

2 Unkan anpetu tokaheya hanhanna hinca, wicahiapi ohdoka kin en hipi, wanna wi hinanpa hehantu.

3 Unkan hekiciyapi; Tuwe wicahiapi ohdoka i kin etanhan inyan kin yutokan iyeunkiciciyapi kta he.

4 Unkan ekta etonwanpi, hehan inyun, inyan kin wanna yutokan iyeyapi; he tanka hinca.

5 Unkan wicahapi ohdoka kin mahen ipi, hehan koska wan etapa eciyatanhan iyotanka, woyake ska hanska koyaka, he wanyakapi; unkan yušinyayapi.

6 Tuka iye hewicakiya; Ihnuhan niyušinyayapi kinhan; Jesus Nazareth etanhan, icipaweñ okatanpi qon he oyadepi; wanna ihduekicetu; den wanke šni; tukten hnakapi qon he wanyaka po.

7 Tuka niš hda po, qa waonspe-wicakiye cin, qa Inyan nakun, nitokam Galile ekta ye kta, heciya wanyahdakapi kta, eniciyapi qon iyececa, he owicakiyaka po.

8 Unkan hecen koyahanna hdi-cupi, qa wicahapi ohdoka kin etanhan najica kihdapi; nina cancanpi qa yušinyayapi; qa tuwedan takudan eciyapi šni, inihanpi nakaš.

9 Unkan anpetu wakan anpetu tokaheya hanhanna hinca, *Jesus* ihduekicetu hehan, Mary Magdalene, etanhan taku wakan šica šakowin ehpekiciye eiqon, he tokaheya en taniničiya.

10 *Hehan* iye hde ça, tona om un qon iyokišicapi qa ceya yukanpi kin owicakiyaka.

11 Unkan hena, wanna kini, qa he wanyaka keya ohdoka nahonpi ešta, wicadapi šni.

12 Hehan iyohakam etanhan wicašta nom makoce ekta ici-

mani yapi, hehan icunhan en taniničiya.

13 Hena unmapi kin hoši wicakapi, tuka nakun wicadapi šni.

14 He iyohakam akewanjipi wota iyotankapi icunhan en taniničiya, qa wacətunhdapi qa cante sutapi on iyopewicaya; kini iyohakam tona wanyakapi kin heepi kaeš wicawicadapi šni heon.

15 Unkan hewicakiya; Maka kin owancaya ya po, qa wicašta otoiyohi wotanin wašte kin owicakiyaka po.

16 Tuwe wicada qa baptem qupi kinhan he ni kta; qa tuwe wicada šni kinhan he yacopi kta.

17 Qa tona wicadapi kin hena wowapetokeca dena yuhapi kta; Micaje kin on taku wakan šica tankan ehpeyapi kta; wicaceji tokeca on iapi kta;

18 Sintehda yuwankan icupi kta; qa pejihuta šica yatkanpi ešta etanhan itokecapi kte šni; wayazankapi kin nape awicahnakapi kta, kinhan asnipi kta ece.

19 Hecen Itancan kin owicakiya, hehan mahpiya ekta eyakupi, qa Wakantanka etapa eciyatanhan kiyotanka.

20 Unkan hena iyayapi, qa owancaya woyakapi; qa Itancan kin wicohan tanka econwicakiye cin on wicoie kin yuecetu ece. Amen.

LUKAS

WOTANIN WAŠTE TAWA.

WICOWOYAKE 1.

1 Taku tona ceṭunhdašniyan wicaundapi kin hena wicota hdaheya oyag utapi;

2 Tona otokahe ehantanhan išta on wanyakapi qa wicoie oyakapi ece kin hena token un-kokiyakapi qon he iyececa:

3 Heon etanhan miš eya, taku kin hena owasin otokahe hinca ehantanhan tanyan owakañnige cin on, Taku Wakan waštedaka iyotan wašte, hena hdaheya wo-wapi cicage kta iyomakipi.

4 Hecen taku onspeniciyapi qon hena wicakapi e tanyan sdonyaye kta.

5 Herod Juda wicaštayatapi taanpetu kin en wawayušna wan Zacariyas eciyapi, Abia optaye kin hetanhan; qa tawieu kin iš Aaron cunwintkupi kin etanhan; unkan he Elisabeth eciyapi.

6 Hena sakim Wakantanka itokam owotanpidan, qa Itancan tawoahope qa wicoope tawa kin owasin omanipi, iyaonpepica šni unpi.

7 Unkan Elisabeth hokšin yuhe šni un, qa hecen cinca nicapi; unkan sakim wanna kanpi.

8 Unkan iye optaye kin ohna wošna wicoñan kin Wakantanka itokam econ eca,

9 Tipi wakan Itancan tawa kin timahen iyaya eca, waazintonpi econ šipi ece, wošna wicoñan econpi kin eciyatanhan.

10 Unkan waazintonpi icunhan,

oyate kin owasin itankan cekiya hiyea.

11 Unkan Itancan taohnihde wan en taniničiya, qa wahna azintonpi kin etapa tanhan hina-jin.

12 Unkan Zacariyas he wan-yake cehan, wacin iyokišice qa wakokipe hinca.

13 Tuka ohnihde wakan kin heciya; Wakokipe šni wo, Zacariyas; wocekiye nitawa kin nahonpi; qa nitawin Elisabeth hokšidan wan niciyuhe kta, unkan he Johannes eya cašyakiton kta.

14 Qa he on wowiyuškin wopida ko duhe kta, qa tonpi kin on wicota iyuškinpi kta.

15 Qa iye Itancan kin itokam tanka kta; qa miniša miniwakan ko takudan yatke kte šni; qa hunku ikpi kin etanhan Woniya Wakan kin on ojudan kta.

16 Unkan iye Israel cinca kin wicota Itancan Wakantanka tawapi kin ekta wicayahomni kta.

17 Qa Elias toksape qa towašake kin yuha itokam ye kta, qa atewicayapi cincawicayapi kin kici cante wicayuokonwanjidan, qa wanañonpi šni kin hena owotanna unpi wicoksape kin ekta wicayuhomni kta; qa oyate wan Itancan on ihduštanpi kin wiye-ya kicihnake kta e heon etanhan.

18 Unkan Zacariyas ohnihde wakan kin heciya; Wanna wimañhinca, qa mitawin wanna kan; hecen taku on de sdonwaye kta he.

19 Unkan ohnihde wakan kin waayupte ça heciya; Gabriel, Wakantanka itokam najin kin he miye; qa ociciye ça, wotanin wašte kin de sdonyeciciye kta e u mašipi.

20 Unkan iho, mioie kin tohan iyehantu kinhan yuacetupi kte cin he wicayada šni kin he on, tohanyan yuacetupi šni kin hehanyan, ie šni, qa ia okitpani yaun kta ce.

21 Unkan oyate kin Zacariyas ape hiyeye, ça tehan tipi wakan kin ohna yanke cin on etanhan inihanpi.

22 Unkan tankan hdiçu qehan, owicakiye kte cin okitpani: unkan namwicakicawin, qa ie šni un; on etanhan tipi wakan kin ohna taku wakan wanji wanya-ka e iyukcanpi.

23 Unkan wicoľian econ ece kin anpetu kin wanna ihunnikiya, hehan iye ti kin ekta kihda.

24 Unkan anpetu kin hena iyohakam tawicu Elisabeth hokšin itpihnaka; unkan wi zaptan hehanyan inahbe, ça heya;

25 Anpetu kin en, Itancan kin wicašta kin taku i en mahdepi qon he emiciyaku kta on ahimatowwe cehan, decen ecamicon ce.

26 Unkan wi isakpe kin en, Gabriel ohnihde wakan kin Wakantanka etanhan u šipi; Galile ekta, otowwe wan Nazareth eciyapi kin hetu;

27 Wikoška wan wicašta wan Joseph eciyapi, Dawid wicowazi tawa kin etanhan, yuze kte cin he ekta; unkan wikoška kin Mary eciyapi.

28 Unkan ohnihde wakan kin he en hi qa heciya; Wiyuškin wo, wašteya yaun kin; Itancan kin niciun, winoľinca owicapeya niye niyawaštepi ce.

29 Unkan he wanyake cehan, oie kin on inihan, qa okiyapi kin de taku kta hecinhan he awacin un.

30 Unkan ohnihde wakan kin heciya; Mary, wikope šni wo; Wakantanka ekta wowašte iye-yaya.

31 Qa iho, hokšin itpiyahnake ça hokšidan wan yaton kta, qa Jestu eya cašyakiton kta.

32 Iye tanka kta, qa Iyotan Wankantu kin Cinhintku kin eciyapi kta; qa atkuku Dawid tohe kin Wakantanka Itancan kin hduhekiye kta.

33 Qa Jakob ti kin he ohinniyān idake kta; qa wokiconze tawa kin okiciwihanke kte šni ce, eya.

34 Hehan Mary ohnihde wakan kin heciya; Wicašta sdonye šni waun kin heon, de token on iyecetu kta he.

35 Unkan ohnihde wakan kin waayupte ça heciya; Woniya Wakan kin en niu kta, qa Iyotan Wankantu towašake kin aohanziyiye kta, qa hecen taku wakan wan yaton kte cin he Wakantanka Cinhintku kin eciyapi kta.

36 Unkan inyun, Elisabeth ičepanšiyaye cin, he wakanka tuka is eya wanna hokšin itpihnaka ce, qa hokšin yuhe šni eciyapi qon, he wanna wi kin de isa-kpe.

37 Wakantanka ekta taku okihipica šni wanica ce.

38 Unkan Mary heya; Itancan ookiyemaye cin wanmayaka we; nioie kin iyecen ecamiconpi nunwe. Hehan ohnihde kin elpeya kihda.

39 Unkan anpetu kin hena en Mary inajin, qa koyahanna hoški makoce kin, Juda otowwe wan ekta iyaya:

40 Qa Zacariyas ti kin en tin iyaye, ça Elisabeth okiya.

41 Unkan Elisabeth Mary ia nahon qehan, itpi mahen hoksiyoqopa kin shehanhan; hehan Elisabeth Woniya Wakan kin ojudan:

42 Qa hotankakiya hotanin, qa heya; Winohinca opeya niye niyawaštepi, qa niitpi kin etanhan icage kte cin he yawaštepi ce.

43 Qa Itancan mitawa hunku kin ekta mahi kte cin de token kapi he.

44 Inyun, iyae cin noge iyo-
hpemaye çehan, hecehnana mii-
tpi mahen hoksiyoqopa kin wo-
wiyuŝkin on shehanhan.

45 Unkan tuwe wicada qon he yawaštepi: Itancan kin taku eciye ciqon hena ecen yuŝtanpi kta ce, eya.

46 Unkan Mary heya; Minagi kin Itancan kin yatan;

47 Qa mitaniya kin he Wakan-
tanka Wanikiya mitawa kin on
iyuŝkin ece.

48 Taokiye kuya un kin ekta ahimatonwan on etanhan inyun, detanhan wicoicage kin owasin yawaštepi emakiyapi kta ce.

49 Tuwe waŝake cin he taku hinca ecamicon; unkan caje kin wakan ce.

50 Tona kokipapi kin hena wicoicage qa wicoicage kin onŝiwicakida ece.

51 Iye isto kin on wowaŝake hdutanin; witantanpi kin hena taku cante mahen wacinyuzapi kin en wicayuomdeca.

52 Waŝakŝakapi kin oyanke etanhan kun hdicuwicaye ça, kuya unpi qon hena wankan wapa awicaya.

53 Wotektehđapi kin hena taku wašteŝte on imnahanwicaye,

ça wijicapi kin is cokakadan token yewicaŝi.

54 Iye towaonŝida kiksuye cin on taokiye ye cin Israel he iciya ece.

55 Hunkakewicunyanpi owicakiye ciqon iyececa, Abraham iye cinca kin om, owihanke wania.

56 Unkan wi yamni ecetu hehanyan Mary Elisabeth kici un, qa hehan iye ti ekta kihda.

57 Elisabeth cinca ton kte cin wanna iyehantu; unkan hokŝidan wan ton.

58 Unkan ikiyedat unpi kin hena, ičepanwicaye cin koya, Itancan kin nina onŝikida nahonpi; hecen kici iyuŝkinpi.

59 Unkan anpetu iŝahdogan qehan, hoksiyoqopa kin baħđayapi kta on hipi; unkan atkuku Zacariyas caje kin he icajeki-
yapi.

60 Unkan hunku kin waayupte ça heya, Hiya; tuka Johannes eciyapi kta.

61 Unkan heciyapi; Takuwicayaye cin tuwedat hecen eciyapi ŝni ce.

62 Unkan atkuku kin is token eya cajeyate kta hecinhan, he iyuteya iwangapi.

63 Unkan is wowapi akan kagapi wan da, qa; Johannes he caje kin ee ce, eya owa. Unkan owasin inihanpi.

64 Unkan hecehnana i kin yu-
kawapi, qa ceji kin kiyuŝkapi;
unkan ie, ça Wakantanka yatan.

65 Unkan okŝan tipi kin owasin wikopapi: unkan iapi kin dena owasin Juda hoŝki kin owancaya yaotaninpi.

66 Unkan tona nahonpi kin owasin cante mahen awacin unpi, qa heyapi; De taku hoksiyoqopa kta he. Unkan Wakan-
tanka nape kin he kici un.

WICOWOYAKE 2.

67 Hehan atkuku Zacariyas Woniya Wakan ojudan, qa wockan qa heya;

68 Itancan Wakantanka Israel tawa kin he taoyate kin wanna wicahiyohi, qa opewicakiton, on etanhan yawaštepi nunwe:

69 Taokiye Dawid ti kin en wanikiyapi he wan yuwankan eunkicihdepi ce:

70 Maka kin tokaheya icage cin ehantanhan, wicašta wokcan wakan tawa ipi kin eciyatanhan, oie kiton kin hena iyecetu:

71 Hecen tokaunyanpi qa unkiyušepi kin hena napepi kin etanhan niunkiyapi kta;

72 Wowaonsida hunkakewicunyanpi cajewicakiyate ciqon, he ecen econ kta, qa wokiyapi wakan tawa kin he kiksuye kte;

73 Abraham ateunyanpi kin he taku wakanyan eciye ciqon he hee kta ce;

74 Decen ionsiunkidapi kta, tona tokaunyanpi nape kin etanhan unkiyušpapi kinhan, woko-kipe codan ohoundapi kta,

75 Iye itokam, wicoowotanna qa wicoecetu kin en, tohanyan unnipi kin hehanyan.

76 Qa niye, hokšiyooqopa, Wicašta wokcan Iyotan Wankantu tawa kin eniciyapi kta; Itancan tacanku kin wiyeya yecage kta on ite kin itokam de kta;

77 Taoyate woahntani wicakicicajupapi kin eciyatanhan wanikiyapi sonyapi kte cin he wicayaqu kta;

78 Wakantanka unkitawapi canteunkiyapi kin heon etanhan; qa heon wankan tanhan anpao kin hiyounhipi ce;

79 Hecen otpaza qa wiconte ohanzi kin ehna iyotankapi kin hena iyoyamwicaye kta; qa unsihapi kin wookiye canku kin ohna unkayapi kta ce, eya.

80 Unkan hokšiyopa kin icage, ça tawacin kin wašaka aya; unkan Israel en taniničiye kte cin hehanyan, makoskan en ece un.

WICOWOYAKE 2.

1 Unkan anpetu kin hena en, Kesar Agustus, maka kin owancaya wicašta owicawapi kta, wakiconza.

2 Kurenios Suria en wicaštayatapi yanke cin he ehan tokaheya owicawapi kin de yušanpi.

3 Unkan owasin toketken tonwanyanpi qon owicawapi kta e ektakta kipi.

4 Unkan Joseph, Dawid ti qa wicowazi tawa kin hetanhan, heon is eya, Galile en Nazareth otonwe kin etanhan ye ça, Bethlehem Dawid totonwe kin ektaki;

5 Mary tawicuye kte cin he kici owapi kta; he wanna cinca ton kta ikiyedan.

6 Unkan hen yukanpi kin icunhan, anpetu en cinca ton kte cin wanna iyehantu.

7 Hecen cinhintku tokapa kin ton, qa šina on hduskite ça, wahunyanpi en wotapi wan en ohnaka; timahen owicakan šni heon etanhan.

8 Unkan makoce kin he en tahincaska awanwicayakapi kin heca hanyen optaye tawapi kin awanwicahdakapi.

9 Unkan iho, Itancan taohnihde wan en wicahi, qa Itancan tawookitanin kin ohomni iyojanjanwicaya; unkan nina wiko-papi.

10 Unkan ohnihde wakan kin hewicakiya; Wikopapi šni po; iho, wopida tanka wootanin wašte oyate kin owancaya ecen ye kte cin, he eca hoši cicahipi ce.

11 Anpe dehan Dawid totonwe

kin en Wanikiya wan nicitonpi, Messiya Itancan kin he hee.

12 Qa on sdonayayapi kte cin he dee; Hoksiyoqopa kin sina on yuskiskitapi qa wanunyanpi en wotapi wan ohna wanka iye-yayapi kta ce.

13 Unkan ihnuhanna mahpiya ekta unpi kin wicota ohnihde wakan kin kici hiyeya, Wakan-tanka yatanpi qa heyapi;

14 Iyotan wankantu ekta Wakan-tanka wowitan yuha nunwe, maka akan wookiye qa wicašta ekta wicokiciyuwašte.

15 Unkan mahpiya ohnihde kin hena ehpeya wicakiyahdapi qehan, wicašta tahincaska awan-wicayakapi kin hekiciyapi; Wanna Bethlehem ekta unyanpi, qa taku hiyohi Itancan unko-kiyakapi kin de wanunyakapi kta ce.

16 Hecen koyahanna upi, qa Mary Joseph kici, qa hoksiyoqopa kin wanunyanpi en wotapi wan ohna wanka iyeyapi.

17 Unkan wanyakapi qehan, hoksiyoqopa kin on iapi nahonpi qon, he owancaya yaotaninpi.

18 Unkan tahincaska awanwicayakapi taku yaotaninpi kin he tona nahonpi kin owasin yusin-yayapi.

19 Tuka Mary wicoie kin de-na owasin cante mahen okihnake qa awakicin un.

20 Unkan tahincaska awanwicayakapi kin hena kihdapi, qa taku nahonpi qa wanyakapi kin on Wakantanka yaonihanpi qa yatanpi; taku owicakiyakapi qon he iyececa.

21 Unkan wanna anpetu isa-hdogan, hoksiyoqopa bahidayapi kta hehan Jesus eciyapi; nahalin itpihnakapi sini he ehan mahpiya ohnihde kin hecen caš-ton.

22 Unkan Moses woope kage cin iyecen, anpetu en ihdukašote kte sini hena wanna henakeca, hehan Itancan kin qupi kta e Jerusalem ekta hdoupi.

23 Itancan woope tawa kin en owapi qon iyececa; Tona toka-papi, wica eca, otoiyohe Itancan kin ekta wakan eciyapi kta ce.

24 Qa nakun wawayušnapikta, token Itancan toope kin en eyapi qon he iyececa; Wakiyedan tawanjidan, qa iš wakiyedan cinca nonpa ce.

25 Unkan iho, Jerusalem en wicašta wan Simon eciyapi; he wicašta owotanna qa cekiya ece kin heca, qa Israel Wokicanpte kin ape un; unkan Woniya Wakan kin kici un.

26 Unkan he te sini itokam Itancan Messiya tawa kin he wanyake kta, Woniya Wakan kin okiyaka.

27 He Woniya kin on tipi wakan kin en tin hiyu; unkan hun-kakewicaye cin hoksiyoqopa Jesus, wicoope kin eciyatanhan ecakiconpi kta e en hdoupi;

28 Hehan adoksohan yuze, qa Wakantanka yawašte, qa heya;

29 Mayuha, nitaokiye kin wanna wookiye yuha iyayeyaye kta;

30 Wowanikiye nitawa kin he mišta kin on wanmdaka ce;

31 Oyate kin owa-in wicitokam wiyeya yehnake cin he;

32 Ojanjan wan oyate kin a-ojanjanwicaye kte cin, qa nitao-yate Israel wookitanin kin, he hee ce, eya.

33 Unkan taku eciyapi kin hena on hunku qa Joseph yušinyayapi.

34 Unkan Simon wicayawašte, qa hunku Mary heciya; Inyun, Israel en wicota hicanhanpi, qa ake inajinpi kte cin on hoksi-yopa kin de ehdepi, qa nakun

WICOWOYAKE 3.

wowapetokeca ienhdepi kte cin ee kta ;

35 Qa nakun mazasagye wan on nitaniya kin canipapi kte ; qa hecen wicacanteoze ota yuo-taninpi kta ce, eya.

36 Unkan waayate wanji Anna eciyapi, Phanuel cunwintku, qa Aser wicowazi kin etanhan ; he wanna wakanka hinca, qa hihnaton kin etanhan waniyetu šakowin hehanyan hihnaku kici un :

37 Qa he wanna wiwazica, waniyetu wikcemna šahdogan sanpa topa ecetu, qa tipi wakan kin en ece un, qa wote šni unpi wocekiye eya ahna on ohoda ece.

38 Unkan he hehantudan hin en u, qa is eya Itancan kin yatan, qa Jerusalem en tona ope-wicakitonpi kin ape unpi kin hena owasin Jesus cajewicakiyata.

39 Unkan Itancan wicoope tawa kin owasin ecekcen yuštanpi qehan, Galile en iye otonwe tawapi Nazareth he ekta kihdapi.

40 Unkan hokšiyopa kin icage, ça woniya kin en wašaka aye, ça wicoksape kin on ojudan ; unkan Wakantanka towašte kin he kici un.

41 Woacakšin wotapi eca, hun-kakewicaye cin waniyetu towa-nakeca Jerusalem ekta ipi ece.

42 Unkan Jesus wanna waniyetu akenonpa, hehan wotapi wicohan kin iyececa, Jerusalem ekta ipi.

43 Unkan anpetu kin yuštanpi qehan, hdicupi, tuka hokšiyopa Jesus hekta Jerusalem en yanka ; tuka hunku Joseph kici he sdon-yapi šni.

44 Tuka ptaya hdapi kin en opa kecinpi, hecen anpetu wan-

jidan iyooptapi, qa takuwicayapi kici sdonkiciyapi ko wicehna okidepi.

45 Qa iyeyapi šni, hehan Jerusalem ekta ake icicawin akin ipi.

46 Unkan yamni can, hehan tipi wakan kin en waonspeki-yapi kin wicacokam waanawica-goptan, qa wiwicawanh yanka iyekiyapi.

47 Unkan wacin ksape cin, qa waayupte cin tona nahonpi qon owasin inihanpi.

48 Unkan wanhdakapi qehan yušinyayapi ; qa hunku kin heciya ; Cinš, tokeca decen unko-yakilihandapi he ; iho we, niyate kici wacin iyokišinya ocide ce.

49 Unkan hewicakiya ; Tokeca omayadepi he : Atewaye cin wicohan tawa kin he ito owe-cipe kta kecannipi šni he.

50 Unkan taku ewicakiye cin he okašnigapi šni.

51 Hecen om hde, ça Nazareth ekta ki, qa anawicakigoptan un. Unkan hunku kin wicoie kin dena owasin cante mahen yuha un.

52 Unkan Jesus sanpa ksape ça hanska icaga ; qa Wakantan-ka wicašta ko ekta wašteda-kapi.

WICOWOYAKE 3.

1 Unkan Tiberius Kesar wica-štayatapi un waniyetu iakeza-ptan, Pontius Pilate Juda en itancan, Herod Galile en itan-can, qa iye sunkaku Philip Itu-reya qa Trakonitos en itancan, qa Lusanius Abilene en itan-can ;

2 Qa Annas Kaiaphas kici wošna kaga itancanpi qon he ehan, he-wotahedan ekta, Johannes Zaca-riyas cinhintku kin Wakantanka oie kin hiyohi.

3 Unkan he Jordan kahda ma-koce kin owancaya en u, qa woalitani kajujupi kta on iyope-iciyapi baptem wicaqupi kin he oyaka:

4 Wicašta wokcan Isaya oie wowapi kin en owapi qon he iyececa; Wicaho wan tuwe makotahedan ekta heya niyan; Itancan tacanku kin wiyeya kicaga po, ocanku tawa kin kiciyuowotan po:

5 Kaksiza owasin ojuyapi, qa heyaka paha ko owasin kahukun iyeyapi kta, qa pakšíksán kin hena yuowotanpi, qa ocanku tahtage cin hena yumdayapi kta ce;

6 Qa wicacełpi kin owasin Wakantanka wowanikiye kin wanyakapi kta ce.

7 Unkan wicota baptem wicaqu kte cin en ahi kin hena hewicakiya; Wamduška wicoicage kin, tuwe wocanniye u kte cin etanhan nape nišipi he.

8 Hecen iyopeiciyapi iyececa waskuyeca icaliya po, qa, Abraham ateunyanpi ce, cante mahen ecinpi šni po; miye hececiyapi; Wakantanka inyan kin dena etanlian Abraham cinca kicage kta okihi.

9 Unkan is eya onspe kin wana can hute kin en ehnapapi; heon etanhan can kin tona waskuyeca wašte aicage šni kin hena owasin kawankapi qa petan ełpeyapi ece.

10 Unkan oyate kin, Hehan unkiye token econkupi kta he, eya iwangapi.

11 Waayupte ęa hewicakiya; Tuwe onłdolıda nonpa yuhe cinhan, he tuwe nice cin unma qu kta; qa tuwe woyute ton kinhan, is eya ecen econ kta ce.

12 Hehan wamnayanpi kin is nakun baptem wicaqu kta on en

hipi qa heciyapi; Waonspekiye, unkiye token econkupi kta he.

13 Unkan hewicakiya; Waki-conzapi kin isanpa kicapi šni po, eya.

14 Unkan akicita kin is eya wiwangapi qa heciyapi; Qa unkiš token econkupi kta he. Unkan hewicakiya; Wicašta kin tuwedan wakokipe kicagapi šni, qa tuwedan oitonšniyan taku iya-onpapi šni po; qa wokajuju nięupi kin he on cante wašte po.

15 Unkan oyate kin owasin wakta hiyeya, qa wicašta owasin Johannes on awacinpi, he Messiya kin hee, qa is hee šni hecinhan;

16 Hehan Johannes waayupte ęa owasin hewicakiya; Awicakehan mini on baptem cięupi; tuka wanji mikapeya wašaka u, he iye tahanpe hankpan kin weciyuške kta iyemacece šni; he qe Woniya Wakan peta ko on baptem nięupi kta.

17 He iye wicaduge nape ohna hduhe, ęa owanka tawa kin tanyan hduska kta; qa aguyapi su kin he tpahi, qa canwohnaka kin en okihnake kta; tuka ha kin e peta kasnipica šni wan on hułnahye kta ce, eya.

18 Unkan wahokonwicakiye cin en taku toktokeca nakun ota oyate kin owicakiyaka.

19 Unkan Herod wicašta itancan kin, iye sunkaku tawicu Herodias hee on, qa taku šica Herod econ kin owasin on iyopeya;

20 Hecen taku owasin sanpa akicage ęa, wicakaška tipi kin en Johannes kaška hnaka.

21 Unkan oyate kin owasin baptem wicaqupi, qa Jesus iseya baptem qupi, qa cekiya un qehan, malıpiya kin yuzamnipi;

22 Qa Woniya Wakan kin wakiyedan kałiya tantonyan kun u,

WICOWOYAKE 4.

qa en iyahan; unkan mahipiya eciyatanhan wicaho wan hiyu, qa heya; Micinksi wastewakidake cin he niye; niye on iyomakipi hinca.

23 Unkan Jesus iye wanna waniyetu wikcemna yamni kta, Joseph cinhintku kin hee kecinpi, he Heli etanhan,

24 He Matthat etanhan, he Lewi etanhan, he Melki etanhan, he Janna etanhan, he Joseph etanhan,

25 He Mattathias etanhan, he Amos etanhan, he Naum etanhan, he Esli etanhan, he Nagge etanhan,

26 He Maath etanhan, he Mattathias etanhan, he Seme etanhan, he Joseph etanhan, he Juda etanhan,

27 He Joanna etanhan, he Resa etanhan, he Zorobabel etanhan, he Salathiel etanhan, he Neri etanhan,

28 He Melki etanhan, he Addi etanhan, he Kosam etanhan, he Elmodam etanhan, he Er etanhan,

29 He Jose etanhan, he Eliezer etanhan, he Jorim etanhan, he Matthat etanhan, he Lewi etanhan,

30 He Simeon etanhan, he Juda etanhan, he Joseph etanhan, he Jonan etanhan, he Eliakim etanhan,

31 He Melea etanhan, he Menan etanhan, he Mattatha etanhan, he Nathan etanhan, he Dawid etanhan,

32 He Jesse etanhan, he Obed etanhan, he Booz etanhan, he Salmon etanhan, he Naasson etanhan,

33 He Aminadab etanhan, he Aram etanhan, he Esrom etanhan, he Phares etanhan, he Juda etanhan,

34 He Jakob etanhan, he Isaak etanhan, he Abraham etanhan, he Thara etanhan, he Nacor etanhan,

35 He Seruk etanhan, he Ragu etanhan, he Phalek etanhan, he Eber etanhan, he Sala etanhan,

36 He Kenan etanhan, he Arphaksad etanhan, he Sem etanhan, he Nowa etanhan, he Lamek etanhan,

37 He Mathusala etanhan, he Enok etanhan, he Jared etanhan, he Maleleel etanhan, he Kanan etanhan,

38 He Enos etanhan, he Seth etanhan, he Adam etanhan, he Wakantanka etanhan.

WICOWOYAKE 4.

1 Unkan Jesus Woniya Wakan kin ojudan, Jordan eciyatanhan hdi; qa Woniya kin makotahe-dan ekta iyayeya;

2 Anpetu wikcemna topa hehanyan Wakanšica wawiyutan-yan. Unkan anpetu kin hena en takudan yute šni; tuka hena ihunniyan hehan wotektehda.

3 Hehan Wakanšica heciya; Wakantanka Cinhintku kin he niye hecinhan, inyan kin de aguyapi icage kta, keya wo.

4 Unkan Jesus waayupte ca heciya; Aguyapi ecedan on wicani kte šni; tuka Wakantanka oie kin owasin on *wicani* kta ce, eya owapi ce.

5 Hehan Wakanšica paha wan tehanwankantu ekta aye ca, wancake maka wokiconze kin owasin kipazo.

6 Unkan Wakanšica heciya; Wicowašake kin de wicookitan-in ko owasin ciçu kta; hena owašin yuhemakiyapi, qa tuwe wacin kinhan waqu kta.

7 Heon etanhan niš mitokam

makata ehpeničiye cinhan, owasin nitawa kta ce.

8 Unkan Jesus waayupte ça heciya ; Satan, mitapetepa tanhan ya wo : Itancan Wakantanka nitawa kin, he iye itokam makata ehpeničiye kta, qa iye isnana ahoyape kta ce, eya owapi ce.

9 Hehan Jerusalem ekta ahi, qa tipi wakan inkpa kin akan ehde, qa heciya ; Wakantanka Cinhintku kin he niye hecinhan, hetanhan kun ehpeičiya wo.

10 Kaken wowapi en kagapi qon ; Ohnihdewicaye cin hena niye on econ wicaši, niyuhapi kta ;

11 Qa napepi kin ohna yuwan-kan niyuzapi kta ; qa hecen tukten inyan kin en siha ibonito kte šni, eya owapi ce, eya.

12 Unkan Jesus waayupte ça heciya ; Itancan Wakantanka nitawa kin he iyutanyaye kte šni ce, eya owapi qon.

13 Unkan Wakanšica wowiyutanye kin owasin yušan qehan, tona can ehpeya kihda.

14 Hehan Jesus Woniya towašake kin yuha Galile en hdi ; unkan ihdukšan makoce wanke cin owancaya he oyakapi.

15 Unkan omniciye tipi tawapi kin ohnahna waonspekiya ece, hecen owasin yuonihanpi.

16 Unkan Nazareth en icalhiyapi qon he ekta hdi ; qa econ ece kin he iyecen, anpetu wakan icunhan, omniciye tipi kin en tin iyaye ça, wowapi yawa kta inajin.

17 Unkan Isaya wicašta wokean tawowapi kin qupi. Unkan wowapi kin yumdaye qehan, decen owapi kin iyeya ;

18 Itancan Woniya tawa kin he akan maun ; heon wahpani-
capi kin wotanin wašte kin owi-

cawakiyake kta e sdamakiya ; tona cante psakawahanpi kin asniwicawaye kta on u maši ; wayaka unpi kin wicakiyuškapi kta, qa ištągongapi kin ake tonwanpi kte cin omdake kta ; tona kałdełdecapi kin hena wicawakiyuške kta ;

19 Qa Itancan omaka oiyokipi tawa kin omdake kta ce.

20 Unkan wowapi kin ecen eyaku, qa ookiye kin he kicu, qa iyotanka. Unkan omniciye tipi kin ohna hiyeye cin owasin opalitapi.

21 Unkan hehan hewicakiya ; Anpetu kin de ninogepi kin en wowapi kin de yuecetupi ce.

22 Unkan owasin yaotaninpi, qa wowaonsida oie iye i kin etanhan inanpe cin on yušinyayapi ; qa heyapi ; Joseph cinhintku kin he dee šni he.

23 Unkan hewicakiya ; Awicakehan iapi kin de ecen emayakiyapi kta ; Niye pejihuta wicašta kin, asničiya wo : Kapernaum ekta token ecanon naunhonpi kin, makoce nitawa kin den nakun ecen econ wo.

24 Unkan heya ; Awicakehan heciciyapi ; Wicašta wokcan tuwedan iye tamakoce kin en iyo-
winkiyapi šni ece.

25 Tuka awicakehan heciciyapi ; Elias taanpetu kin en, waniyetu yamni sanpa wi šakpe hehanyan mahpiya kin natakapi ; qa maköce kin owancaya wicaakihan hince ciquon he ehan, Israel en wiwazica ota.

26 Tuka hena wanjidani Elias ekta ye šipi šni ; Sidon en Sarepta otonwe kin en, winohinca wiwazica wan heceedan ekta ye šipi.

27 Nakun Elisha wicašta wokean ni un qehan, lepros ececa wicota Israel en unpi, tuka hena

WICOWOYAKE 5.

wanjidan yuskapi šni, Naeman Suriya wicašta kin heceedan ce.

28 Unkan omniciye tipi ohna hiyeye cigon hena nañonpi qehan, owasin šihdapi hinca;

29 Qa najin hiyayapi qa otonwe kin itankan iyayeyapi, qa paha akan otonwe hdepi kin he matete ekta ayapi, qa kun eñpeyapi kta.

30 Tuka iye wicacokaya tanhan iyoopta iyaye ça kihda.

31 Qa Galile en Kapernaum otonwe kin he ekta hi, qa anpetu wakan eca waonspewicakiya ece.

32 Unkan waonspewicakiye cin on inihanpi; oie kin he wowaša-ke kicica nakaes.

33 Unkan omniciye tipi kin ohna wicašta wan wakan šica šapa woniya kin yuha; qa he hotankakiya hoyeya;

34 Qa heya; Hanta wo, Jesus Nazareth, niye qa unkiye taku unkicicapi he; ihangunya-yapi kta yahi he; Wakantanka Taku Wakan Wanji tawa kin he niye e sdonciya ce.

35 Unkan Jesus kišice ça heciya; Inina un, qa wicašta kin etanhan tankan hinapa wo, eya. Unkan wakanšice cin wicašta qon wicacokam eñpeye çehan, etanhan tankan hinapa; tuka ksuweye šni.

36 Unkan owasin inihanpi, qa iyakitedan hekiciyapi; De taku oie kin; wicookihi wicowašake ko on woniya šape cin econ wicaši eca, tankan hinanpapi ece.

37 Unkan ihduksan makoce wanke cin owancaya he oyakapi.

38 Unkan omniciye tipi kin etanhan hdicu, qa Simon ti kin en tin iyaya. Unkan Simon kunku kin he tancan wicakata ececa hinca; hecen on ceki-yapi.

39 Unkan en inajin, qa tancan kata kin he kišica; unkan asni hinhda: qa hecehnana najin hiyaye ça, owicakiya.

40 Unkan wi iyaya hehan, woyazan ocaje ota on wicayazan tona wicayuhapi kin hena en awicahipi; unkan otoiyoñi nape awicahnake ça asniwicaya.

41 Qa wakan šica is eya ota wicota etanhan hinanpapi, qa heya niyanpi; Wakantanka Cinhintku Messiya kin he niye ce. Unkan iye wicakišice ça, Messiya hee sdonyapi kin he, eyapi kta iyowicaki šni.

42 Unkan wanna anpao hinape çehan token iyaye, ça makotahe-dan ekta ya; unkan oyate kin odepi, qa *yanke cin* ekta ahi, qa eñpeya iwicayaye kte cin iyanaptapi.

43 Unkan hewicakiya; Wakan-tanka tokiconze kin otonwe toktokeca nakun ohna omdake kta; heon etanhan u mašipi ce.

44 Hecen Galile omniciye tipi kin hena ohnahna woyaka ece.

WICOWOYAKE 5.

1 Unkan oyate kin Wakantanka oie kin nañonpi kta e aohdu-teyapi qehan, Geneseret mde kin icahda inajin.

2 Qa mde kin en wata nonpa wanka wanyaka; tuka hokuwapi kin is wanna token iya-yapi. qa ho kin hdujajapi.

3 Unkan wata unma Simon tawa kin he en ope ça, kitanna canan wapa iyayeye kta cin. Hehan en iyotanke ça, wata kin etanhan oyate kin waonspewicakiya.

4 Unkan wanna ayaštan qehan Simon heciya; Mini šbe kin ekta iyaye ça ho kin minin iyo-ñpeya wo.

5 Unkan Simon waayupte, ça heciya; Waonspekiye cin, han-yetu osan htaunnipi, qa takudan unktepi šni; tuka nioie kin on ho kin iyohpewaye kta ce.

6 Unkan heconpi qehan, hogan utkanna yuzapi; unkan ho kin papsakapi.

7 Unkan tawašitkupi wata unma en opapi qon hena nam-wicakicawinpi, en upi qa owica-kiyapi kta. Unkan en hipi qa wata napin ojukiyapi, hecen iyu-jimnana hiyeya.

8 Unkan Simon Inyan he wan-yake çehan, Jesus hupahu kin en makata ehpeiciye ça heya; Itancan, ehpeya imayaya wo, wicašta wahtani sa hemaca ce.

9 He iye qa tona om un qon hena hogan yuzapi kin on etan-han owasin inihanpi.

10 Unkan Jakob qa Johannes Zebede cinhintku kin hena oza, Simon tawašitkuwicaya, is eya inihanpi. Unkan Jesus Simon heciya; Wikope šni wo, detan-han wicašta kin wicaduze kta ce.

11 Unkan wata qon hutata ah dihunipi qehan, owasin ehpe-kiyapi, qa iyahna yapi.

12 Unkan otonwe wan en un qehan, iho, wicašta wan lepros eececa hinca, he Jesus wanyake çehan, ite makipuskin ehpeiciye ça, cekiye ça heya; Itancan, ya-cin kinhan mayaduska kta oya-kihi.

13 Unkan nape yekiye, ça yu-tan, qa heya; Wacin ce: ska un wo, eya. Unkan wancake lepros eececa qon asni hinhda.

14 Unkan tuwedan okiyake šni ši; tuka wawayušna kin ekta ye ça wanyagiçiye kta, qa wa-yuskapi kta on token Moses econ wicaši qon he ecen econ kta, keya; hecen wowicakiyake kta.

15 Tuka heon iyotan tankaya wicohan kin he oyakapi; hecen wicota en mniciyapi, nañonpi kta, qa wayazankapi wicayu-hapi kin asniwicaye kte cin heon.

16 Hehan icunonpa makotahe-dan wan ekta ye ça wocekiye eya.

17 Unkan anpetu wan waon-spewicakiya icunhan, Pharisee qa wicoope onspekiye cin hena, Galile otonwe kin owasin, qa Juda qa Jerusalem etanhan, en ahi kin hena en iyotankapi; un-kan Itancan towašake kin asni-wicaye kta e en un.

18 Unkan iho, wicašta wan taťake cin he owinja ohna wica-šta yuha upi: qa timahen ayapi qa itokam ehnakapi kta akitapi.

19 Tuka wicota kin on token en aipi kte šni wanyakapi qehan, tipi akan inajinpi, qa akahpe yu-hdokapi eciyatanhan cokaya Je-sus itokam kun hiyuyapi.

20 Unkan wacinyanpi kin he wanyake çehan, heciya; Wica-šta, wayahtani kin nicicajujupi ce.

21 Unkan wowapi kagapi qa Pharisee kin is waakinicapi qa heyapi; De tuwe e taku šica decen eya he. Tuwe woahtani kajuju kta okihi he; Wakantan-ka ecedan okihi.

22 Tuka tawacinpi kin Jesus iwicayukcan, hehan waayupte ça hewicakiya; Taku e cante mahen ayakinicapi he:

23 Wayahtani kin nicicajujupi ce; qa is, Najin qa mani wo, eyapi kte cin unma tukte waša-kadan he.

24 Tuka Wicašta Cinhintku kin he is maka akan woahtani kajuju kta okihi sonyayapi kta; hehan taťake cin he heciya; Najin qa nitowinja ehdaku qa

yati kin ekta hda wo, eciciya ce, eya.

25 Unkan wancake wicitokam najin hiyaye, ça akan wanke ci-qon he ehdaku, qa iye ti kin ekta hde, ça Wakantanka yatan.

26 Unkan owasin inihanpi, qa Wakantanka yatanpi; qa wiko-papi hince, ça heyapi; Wicoñan nakaka toktokeca wanunyakapi ce, eyapi.

27 Unkan taku kin dena iyohakam hetanhan ye, ça wamnayanpi kin heca wanji Lewi eciiyapi, wamnayanpi oyanke kin en iyotankehan yanka e wan-yaka; qa, Miyahna u wo, eciiya.

28 Unkan taku owasin elipeye ça, najin hiyaye ça, ihakam iya-ya.

29 Unkan Lewi iye ti kin en wohanpi tanka kicaga; unkan wamnayanpi kin is wicota, qa toktokeca nakun en opeya wotapi kta iyotankapi.

30 Tuka wowapi kagapi wicayuhapi qa Pharisee kin hena waonspewicakiye cin wicakigepi, qa heyapi; Tokeca e wamnayanpi qa wahitanipi sa om wayatapi qa wadatkanpi ece he.

31 Unkan Jesus waayupte ça hewicakiya; Tona zanipi kin hena pejihutawicašta cinpi šni, tuka wayazanpi kin.

32 Owotanpidan kin hena iyo-peiciyapi kta e wicakico wahi šni, tuka wahitanipi sa.

33 Unkan heciyapi; Tokeca e Johannes waonspewicakiye cin hena ijehan wote šni unpi qa wocekiye eyapi he, qa Pharisee tawapi kin is eya; tuka nitawa kin wotapi qa wayatkanpi ece.

34 Unkan hewicakiya; Hihnaton ti kin cinca kin hena tawicunton kin he is owicapeya un kin icunhan wote šni wicayakiyapi kta oyakihipi he.

35 Tuka anpetu kin u kta, en tawicu ton kin he ewicakiciyakupi kta; hehan anpetu kin hena en wote šni unpi kta.

36 Unkan wiyacinpi wan owicakiyaka: Wicašta tuwedan šina teca onšpa šina tanike cin en akihdagye šni ece; heconpi kinhan teca qon is yuhdeca ece, qa onšpa teca etanhan kin he tanike cin kicica šni ece.

37 Qa nakun wicašta tuwedan miniša teca ojuha tanike cin en okaštan šni ece; heconpi kinhan miniša kin skepe kta, qa ojuha kin atakuni kte šni.

38 Tuka miniša teca kin he ito ojuha teca en ohnakapi kta; qa sakim yutehanpi ece.

39 Is eya wicašta tuwedan miniša tanika wanna yatke ça, hehan hinnakaha teca cin šni; Tanike cin eeš wašte ce, eya ece.

WICOWOYAKE 6.

1 Unkan anpetu wakan inonpa tokaheya, hehan wojupi kin ehna iyaya; unkan waonspewicakiye cin is wahuwapa yuksapi, napopabagapi, qa yutapi.

2 Hehan Pharisee kin wanjikji hewicakiyapi; Tokeca e anpetu wakan kin en taku iyowinwicakiyapi šni kin he eca ecen eanonpi he.

3 Unkan Jesus awicayupte ça heya; Dawid token econ qon hee kaeš tohinni dawapi šni he; iye qa tona om un qon wotektedapi qehan.

4 Wakantanka tipi tawa kin en tin iyaye, ça aguyapi taninyan ehnakapi, qa wawayušnapi kin iye isnana hetanhan yutapi kte cin iyowinwicakiyapi qon, he icu, qa yute, ça om unpi qon hena is eya hetanhan wicaqu.

5 Unkan hewicakiya; Wicašta

Cinhintku kin is nakun anpetu wakan kin Itancan ce.

6 Unkan anpetu wakan tokeca wan omniciye tipi kin en tin iyaye, ça waonspekiya: unkan wicašta wan nape etapa kin snija e en yanka.

7 Unkan wowapi kagapi qa Pharisee kin hena anpetu wakan icunhan asniye kta hecinhan he iwanyakapi, taku iyaonpapi kta akitapi.

8 Tuka iye tawacinpi kin sdonwicaya, qa wicašta nape snije cin he heciya; Najin qa cokaya inajin wo. Unkan najin hiyaye ça en inajin.

9 Unkan Jesus hewicakiya; Miš ito taku wanji iciwangapi kta; Anpetu wakan icunhan taku wašte, qa is taku šica econpi kta he; wanikiyapi, qa is wateyapi kta, unma tukte hecetu he, eya.

10 Unkan itanihduksan owasin awicatonwe cehan, wicašta qon heciya; Nape kin hdukatın wo. Unkan ecen econ; qa nape kin unma kin iyecen iyekicetu.

11 Unkan šihdapi hince, ça iye iyakitedan Jesus token ecakiconpi kta hecinhan he iwohdakapi.

12 Unkan anpetu kin hena en Jesus paha wan ekta wocekiye eya i; qa hanyetu osan Wakan-tanka cekiya un.

13 Unkan wanna anpa qehan, waonspewicakiye cin wicakico, qa etanhan akenonpa wicahdahinge ça, Wahosi-yapi, ewicakiya.

14 Simon he Inyan nakun eya cašton, qa he sunkaku kin Andrew, Jakob qa Johannes, Philip qa Bartholomew;

15 Mattheos qa Thomas, Jakob Alpheus cinhintku, qa Simon nakun Zelotes ecıyapi;

16 Qa Judas Jakob sunkaku, qa Judas Iskariot, nakun wıyo-peye kte cin hee.

17 Hehan hena om kun hdicu, qa makomdaya en hdinajin; unkan waonspewicakiye optaye kin, qa Juda owancaya qa Jerusaleın, qa mde kahdaya Turos qa Sidon, henakiya etanhan wicota hınca, hena ia nahonpi, qa tona wayazankapi kin asniwicayapi kta e en ahi:

18 Nakun tona woniya šapa on kakijapi kin hena; unkan asniwicayapi.

19 Unkan wicota kin iyuhpa yutanpi kta akitapi; etanhan wowašake hiyu qa owasin asniwicaya ece kin heon etanhan.

20 Unkan waonspewicakiye cin awicatonwe, ça heya; Niwahpanıcapi kin niš niyawaste-pi ce; Wakantanka tokiconze kin he niye nitawapi.

21 Dehan wotekteyahdapi kin niš niyawaste-pi ce; imnahamıyanpi kta. Dehan yaceyapi kin niš niyawaste-pi ce; iyahapi kta.

22 Tohan wicašta šicenidapi, qa yuiyog iyayenıyanpi, qa ienni-hdepi, qa Wicašta Cinhintku kin on nicajepi kin taku šica iyecen tankan ehpeyapi kinhan, niyawaste-pi ece.

23 Anpetu kin he en wıyuškinpi, qa wopida on škehanhan po; iho, mahpiya ekta wokajuju tanka duhapi; atewicayapi kin is eya iyecen wicašta wokcanpi wicakuwapi qon.

24 Tuka winijicapi kin niš wotehi nıciyankapi ece; wıcocante wašte kin he wanna yahduhapi.

25 Winipipi kin niš wotehi nıciyankapi ece; wotekteyahdapi kta. Dehan iyahapi kin niš wotehi nıciyankapi ece; wašinya-hdapi qa yaceyapi kta.

26 Tohan wicašta owasin tanyan eniciyapi kinhan, wotehi niciyankapi ece; atewicayapi kin hecen wicašta wokcan iton-šni wicakuwapi qon.

27 Tuka nañon dukanpi kin heciciyapi ce, Tokaniyanpi kin hena cantewicakiya po, qa šice-nidapi kin hena tanyan ecawica-kicon po;

28 Niyašicapi kin wicayawašte po, qa wawicanksiya nicuwapi kin hena wocekiye ewicakiciya po.

29 Qa tuwe iyohā sani kin en anipe cinhan unma eciyatanhan kipazo wo; qa tuwe šina inicicu kinhan, onhidoñida kin nakun te-hinda šni wo.

30 Wicašta otoiyoñi taku nici-da kin qu wo; qa tuwe woyuha nici kinhan, ake kica šni wo.

31 Qa wicašta kin token ecani-conpi yacinpi kin, he ivecen ecawicakicon po.

32 Tona waštenidapi kin hena-na waštewicayadapi kinhan, wopida tukte e duhapi kta he: wañtanipi sa kin eepi kaeš tona cantewicakiyapi kin iś itkom cantewicakiyapi ece.

33 Qa tona tanyan ecaniconpi kin henana tanyan ecawicaye-conpi kinhan, wopida tukte e duhapi kta he; wañtanipi sa kin iś iyecen econpi ece.

34 Qa ake ničupi kta kecannipi kin henana owicayaqupi hecinhan, wopida tukte e duhapi kta he; wañtanipi sa kin iś wañtanipi sa owicaqupi ece, iyacinyan wicakicupi kta heon.

35 Tuka niś tona tokaniyanpi kin cantewicakiya po, taku wašte econpi qa owicaqu po, ake taku ničupi kta kecinpi šni po; kinhan wokajuju tanka duhapi kta, qa lyotan Wankantu kin he cinca yaunpi kta: he iye

tona pida šni qa šicapi kin cante-wicakiya ece.

36 Hecen Niyatepi kin iś token waonšida kin niś eya he iyecen waonšida po.

37 Wayacopi šni po, kinhan niyacopi kte šni: owawicakiyepi šni po, kinhan owaniciyepi kte šni: wicakicicajuju po, kinhan nicicajuju kta:

38 Wicaqu po, kinhan ničupi kta; wiyutapi wašte, paotinzapi, paipuskicapi qa apašboka, hecen wicašta kin maku kin en ničupi kta. Wiyutapi on widutapi kin hee on winiciyutapi ece e kta.

39 Unkan wiyacinpi wan owicakiyaka: Išta gonge cin išt-gonga napata yus aya okihi he: napin oškokpa kin en iyolipaya-pi kte šni he.

40 Waonspekiyapi kin he waonspekiye cin itokapa šni; tuka tuwe yušanpi kin otoiyoñi waonspekiye tawa kin iyecece kta.

41 Qa tokeca nisunka išta kin ohna sukaza yanke cin he wandaka; tuka niye ništa kin ohna cankaga wanke cin he wanyahdake šni he.

42 Qa, Misunka, sukaza išta ohna niyanke cin he ito ciciyu-šdoke kta ce, token nisunka eya-kiye kta he, qa icunhan niye ništa kin ohna cankaga wanke cin he wanyahdake šni. Wana-yakilhe cin, niś tokaheya cankaga išta ohna niwanke cin he ito tokan elpeya wo; qa hehan hinakaha nisunka išta kin ohna sukaza yanke cin he yeciyušdo-ke kta mdesya wandake kta ce.

43 Can wanji wašte kin waskuyeca šica icañye šni; qa nakun ean wanji šice cin he waskuyeca wašte icañye šni.

44 Can kin otoiyoñi waskuyeca tawa kin on sdonyapi ece: wicašta kin taspanhu kin etanhan

suken pahipi śni, qa iś eya tokahu kin etanhan hastanhanka pahipi śni.

45 Wicašta wašte kin he cante woyuha wašte kin etanhan taku wašte icaħya ece; qa wicašta śice cin he cante woyuha śice cin etanhan taku śice icaħya ece: wicacante taku iyakiçuya ohnaka kin he etanhan i kin ecizatnanhan enapeya ece, eya.

46 Unkan tokeca, Itancan, Itancan, emayakiyapi ece, qa taku epe cin ecen ecanonpi śni he.

47 Tuwe ekta mahi, qa mioie naħon, qa ecen econ kin he tuwe kicica hecinhan he ito ociciyakapi kta.

48 Wicašta wan tipi kaga; unkan temahentu *maka* qe, a oahehde kin imnija wan akan ehde: unkan minitan aye ehan, wakpa kin tipi kin he en nina kaduza, tuka kahuhuze kta okitpani, imnija akan ehdepi na-kaeś, he iyececa.

49 Tuka tuwe naħon tuka ecen econ śni kinhan, wicašta wan oahehde codan maka akan tipi kage cin he iyececa; unkan he en wakpa kin nina kaduza, qa hecehnana hinħpaya; qa tipi kin he woatakuniśni tanka.

WICOWOYAKE 7.

1 Unkan oyate naħon hiyeeye cin en iapi kin dena owasin wanna ecen yaştan qehan, Kapernaum en i.

2 Unkan akicita opawinge wicayuhe cin wanji taokiye wan teħinda kin he wayazanke a wanna e kta.

3 Unkan he wanna Jesus on naħon qehan, Juda hunkayapi kin hena ekta ye wicaśi, u kta qa taokiye kin asniye kte cin he icekiya.

4 Unkan hena Jesus ekta hipi qehan, awicakehan cekiyapi, qa, Hecakiconpi kte cin wicašta kin he iyececa ce;

5 Unkoyatepi kin cantewicakiye a, omniciye tipi wanji wanna unkicagapi ce, eyapi.

6 Unkan Jesus hena om hda. Unkan wanna tipi kin itehan śni qehan, akicita opawinge wicayuhe ciqon he iś kodawicaye cin hena ekta yewicaśi, qa heciya; Itancan kin, nagiyeciye śni wo, wati kin en tin yahidu kte cin iyemacece śni ce:

7 Heon etanhan miye ekta ciu kta nakun iyececa miida śni: tuka oie kin ecen eya wo, kinhan mitaokiye kin asni kta.

8 Miś eya wicašta wicookihi ihukuya hnakapi kin hemaca, qa mihukuya akicita wicamduha; qa wicašta kin de, Ya wo, ewakiya eca, ya ece; qa wanji tokeca, U wo, *ewakiya* eca, u ece; qa mitaokiye kin, Decon wo, *ewakiya* eca, ecen econ ece, eya.

9 Unkan Jesus hena naħon qehan, on yuśinyaye a, ihduhomi, qa oyate ihakam unpi kin hewicakiya; Israel hee kaeś en wowacinye hinsko tanka kin iyewaye śni, eciciyapi ce.

10 Unkan ye wicaśipi qon icicawin tiyata kipi qehan, ookiye wayazanke cin he wanna asni iyeyapi.

11 Unkan ianpetu qehan otonwe wan, Nain eciyapi kin en i; unkan waonspewicakiye cin etanhan ota qa oyate ota hena kici yapi.

12 Unkan otonwe tiyopa kin he ikiyedana wanna ehan i qehan, inyun, wicašta wan a tankan aupi; hunku kin wiwazica heca, qa cinhintku hecedan. Unkan otonwe kin etanhan wicota opapi.

13 Unkan he Itancan kin wan-yake cehan, onśida qa heciya; Ceye śni wo.

14 Unkan canakiyuhapi kin en u, qa yutan. Unkan akiyuhapi qon is owanji najinpi. Unkan heya; Kośka, bosdan yanka wo, eciciya ce, eya.

15 Unkan te ciqon iyotanke, ça ia. Unkan hunku kin kicu.

16 Unkan owasin nina wikopapi, qa Wakantanka yatanpi qa heyapi; Waayate wanji tanka unkiyopeyapi icaga ce, qa Wakantanka taoyate kin wanna wicahiyohi ce, eyapi.

17 Unkan Juda *makoce* qa oksan makoce wanke cin owancaya he yaotaninpi.

18 Unkan Johannes waonspe-wicakiye cin dena taku kin owasin okiyakapi.

19 Hehan Johannes waonspe-wicakiye cin nom wicakico, qa Jesus ekta ye wicaśi, qa heya; Tuwe u kte ciqon he niye, qa is wanji tokeca unkaepi kta he.

20 Unkan wicaśta kin hena wanna ekta hipi qehan, heyapi; Johannes baptem wicaqu ece qon he niye ekta unkuśipi, qa, Tuwe u kte ciqon he niye he, qa is tuwe tokeca unkaepi kta he, eya ce.

21 Unkan hehantudan ĩnca wayazankapi, qa makośica ececapi, qa woniya śiksica ececapi, hena wicota asniwicaya; qa iŕtagongapi kin heca ota tonwewicaya.

22 Hehan Jesus waayupte ça hewicakiya; Hda po, qa taku wandakapi qa nayahonpi kin hena Johannes okiyaka po: Iŕtagongapi kin hena tonwanpi, qa huśtepi kin is manipi, qa lepros ececapi kin is wicayuskapi, qa nogetpapi kin is wanahonpi, qa ĩtapi kin is kiniwicakiyapi, qa

wahpanicapi kin is wootanin waśte kin he owicakiyakapi.

23 Qa tuwe miye on śinhda śni kin he yawaśtepi ce.

24 Unkan Johannes wahośiya-pi tawa kin wanna kihdapi, hehan Johannes on oyate kin he-wicakiya; Taku e makotahedan ekta wanyag yaipi he. Cedi hu wan tate kahuhuze cin heca he.

25 Tuka taku e wanyag yaipi he. Wicaśta wan wokoyake panpanna koyake cin heca he. Iho, tona waśteya wakoyakapi, qa tanyan nipi kin hena wicaśtayatapi tipi kin en unpi ece.

26 Tuka taku e wanyag yaipi he. Wicaśta wokcan he. Han, eciciyapi, qa wanji wicaśta wokcan isanpa tanka.

27 Iho, wahośiya mitawa kin he niite itokam ye waśi, nito-kam canku wiyeya nicicage kta ce, eya owapi qon he dee.

28 Qa miye heciciyapi; Winohinca eciyatanhan wicatonpi kin wicaśta wokcan tuwedan Johannes baptem wicaqu qon isanpa tanka śni: tuka Wakantanka tokiconze kin en tuwe iyotan cistinna kin he he kapa ce.

29 Unkan oyate kin qa wamnayanpi kin tona nahonpi owasin Wakantanka yaowotanpi, Johannes baptem wicaqu kin en opapi.

30 Tuka Pharisee kin, wicoope aiapi kin om, Wakantanka wahokonwicakiye cin en iyapaŕo-icayapi, Johannes baptem wicaqu śni nakaes.

31 Unkan Itancan kin heya; Wicaśta wicoicage kin de taku e imdacin kta he; qa taku iyececapi he.

32 Śiceca iciyopekiciyapi kin en iyotankapi, qa hoyekiciyapi qa heyapi; Unniciyajopi, tuka wayacipi śni; waśinunnicihdapi,

LUKAS.

tuka yaceyapi śni ce, eyapi kin he iyececapı ce.

33 Johannes baptem wicaqu qon he aguyapi yute śni, qa miniśa yatke śni u; unkan, He taku wakan śica yuha ce, ehapi.

34 Wicaśta Cinhintku kin he wote a wayatke hi; unkan hehapi; Wan, wicaśta wan wote sa, qa miniśa yatke sa, wamnayanpi qa wahtanipi sa takodawicaya ece.

35 Tuka Woksape iye cinca kin owasin on yaowotanpi ece.

36 Unkan Pharisee wanji kici wote kta e cinkiya. Hecen Pharisee ti kin en tin iyaye a, wote kta iyotanka.

37 Unkan iho, otonwe kin en winohinca wahtani sa kin heca, he, Pharisee ti kin en wota iyotanka sdoneye ehan, inyan opiye ihepi ohna yuha en hi;

38 Qa tapetepa tanhan siha kin en ceya najin, qa iśta minihanpe kin on siha kiciyujaja, qa paha kin on kicipakinta a, siha kin ikiciputake, a ihepi qon on sda-kiciciya.

39 Unkan Pharisee kico qon he wanyake ehan, cante mahen awacin qa heya; Wicaśta kin de wicaśta wokcan unkanś, yutan kin he tuwe qa taku winohinca kin sdoneye kta tuka; he wahtani sa kin heca.

40 Unkan Jesus waayupte a heciya; Simon taku eciciye kta mduha ce. Unkan iś, Waon-spekiya, katinyan eya wo, eya.

41 Wicaśta wan wicaśta nonpa oicazo wicaqu: unma kin kaśpapi opawinge zaptan iyohiye śni, qa unma kin iś wikcemna zaptan.

42 Unkan taku on hdajujupi kte cin yuhapi śni qehan, wancake sakim wicakicicajuju ce. Hecen unma tukte iyotan wašte-

dake kta hecinhan, he omakiyaka wo.

43 Simon waayupte a; Tuwe ota kicicajuju hee nace epca ce, eya. Unkan, Tanyan idukcan ce, eciya.

44 Hehan winohinca qon ekta ihduhomni, qa Simon heciya; Winohinca kin de wandaka he: Yati kin en wahi, unkan mini on siha *wahdujaja* kta mayaqu śni; tuka iye kin iśta minihanpe kin on siha mayujaja, qa paha kin on pakinta.

45 I imayaputake śni; tuka winohinca kin de wahi kin ehan-tanhan siha imaputaka ayaśtan śni.

46 Pa kin wihdi on sdamayaye śni; tuka winohinca kin de ihepi on siha sdamayan ce.

47 Hecen on heci-ciya ce, Wahtani kin hena ota eśta kicieajujupi; he nina waśtedaka nakaes: tuka tuwe waniqadan kicicajujupi kin he iwaśtedan waśtedaka ece.

48 Hehan winyan qon heciya; Niohan śice cin hena nicicajujupi ce.

49 Unkan tona kici wota iyotankapi kin hena hehan cante mahen heyapi; De tuwe e wahtani nakun kajuju he.

50 Unkan winohinca qon heciya; Wacinyaye cin he niniyan ce; wookiye on hda wo.

WICOWOYAKE 8.

1. Unkan he iyohakam, otonwe tankinkinyan otonwe cikiciqadan ko, owasin iyaza un, qa wootanin wašte Wakantanka tokiconze ahna yaotanin. Unkan ake-nonpapi kin kici unpi:

2 Qa winohinca wanjikji taku wakan śica yuhapi qa wayazan-kapi, *tuka* asniwicayapi, Mary

he Magdalene eciyapi, he etanhan wakan síca śakowin hinan-papi qon hee ;

3 Qa Joanna, Cuza Herod waa-wanyagkiye ciqon he tawicu, qa Susanna, qa nakun toktokeca ota, hena woyuha yuhapi kin on okiyapi ece.

4 Unkan wicota mniciyapi, qa otowwe otoiyohe etanhan en ahi qehan, wiyacinpi on wowicakiyaka :

5 Woju heca wan taku su kin oju iyaya. Woju, unkan apa canku icahda hinhpaya ; unkan naatinzapi, qa mahpiya okinyanpi kin temyapi.

6 Unkan apa imnija wan ahinhpaya ; unkan uye cehan, spaye śni on wancake śnija.

7 Unkan apa wapepeka ehna-hna hinhpaya ; unkan wapepeka opeya uye, ça aotinsya.

8 Unkan apa is maka wašte ahinhpaya ; unkan uye, ça opawingege suton, eya. Unkan hena hecekcen eye cehan, heya niyan ; Tuwe noge winahon yukan hecinhan, ito nahon kta ce, eya.

9 Unkan waonspewicakiye cin wiwangapi, qa heciyapi ; Wiyacinpí kin de toketu he.

10 Unkan heya ; Niyepi Wakantanka tokiconze woanañbe kin hena oyakañnigapi kta niçupi ; tuka tokan kin is wiyacinpi ece : hecen etonwanpi keś wanyakapi kte śni, qa wanañonpi keś okañnigapi kte śni ce.

11 Wiyacinpi kin he dee : Su kin he Wakantanka oie kin ee.

12 Canku icahda qon he tona nahonpi kin heepi ; hehan wakan síce cin en hi, qa wicoie kin cantepi kin etanhan eyaku ece, awacinpi qa niwicayapi kte śni heon.

13 Tona wicoie nahonpi eca

iyuškinyan icupi ece kin hena imnija akan un qon hena ee ; hena hutkan nicapi, qa cistiye-dan wicadapi, tuka taku iyutan-wicayapi hehan ayuśtanpi ece.

14 Qa tona wanna nahonpi, qa hehan tokiya yapi, qa wiconi kin de woawacin kin, qa wowijice, qa wowiyuśkin kin, hena on aotinzapi, qa hecen tanyan sutonpi śni kin hena wapepeka ehna hinhpaye ciqon eepi ce.

15 Tuka tona wanna wicoie nahonpi eca, cante wašte qa owotanna mahen yuha unpi, qa wacintankaya sutonpi kin hena maka wašte akan un qon hena eepi ce, eya.

16 Wicaśta kin tuwedan petijanjan wan ideye, ça wakśica wan iyahdapśinyan ehpeye śni, qa nakun owinja wan ohdateya ehna ke śni ece ; tuka petijanjan ihupa akan ehde ece : hecen tona en ipi kinhan, ijanjan kin wanyakapi kta.

17 Taku anañmanpi qa yuotaninpi kte śni wanica ; qa nakun taku yutaninśniyan hnakapi qa yutaninyan eyakupi kte śni wanica ce.

18 Heon token nayañonpi hecinhan itonpa po ; tuwe wayuhe cin he nakun qupi kta ; qa tuwe wayuhe śni kin he taku yuha kecin kin hee ikicicupi kta ce, eya.

19 Hehan hunku qa hunkawan-jitku kin hena en hipi, qa wicota kin on okiyedan upi kta okihipi śni.

20 Unkan okiyakapi qa heyapi ; Nihun qa nihunkawanji tankan najinpi, qa wannihdake kta cinpi ce.

21 Unkan waayupte, ça hewicakiya ; Wakantanka oie nahonpi, qa ecen econpi kin dena ina qa mihunkawanji eepi ce, eya.

22 Unkan anpetu kin hena wanji en, waonspewicakiye cin om wata wan en opa ; qa hewicakiya ; Mde kin akasanpa unyanpi kta ce. Hecen canan eyaya.

23 Tuka šina watopekiyapi icunhan iye ištınma : unkan tate iyumni wan mde kin en u ; qa mini ojudan yakonpi, hecen ƚapi kta kokipapi.

24 Hehan en hipi qa yuhicapi qa heyapi ; Itancan, Itancan, untakunipi šni. Unkan najin hiyaye ƚa, tate qa mini taja ko kišica : hecen ayuštān, qa amda-kedan tanka.

25 Unkan hewicakiya ; Wacin-yayapi kin tukte e he. Unkan iš wikopapi, inihanpi qa hekiciyapi ; De taku wicašta he ; tate mini kici ee kaeš okiya eca, anagoptan ece.

26 Unkan Galile itakasanpa Gadarene tamakocepi kin en ipi.

27 Unkan ħen iħe ƚehan, wicašta wannakaja tanhan wakanšica yuhe, ƚa wokoyake koyake šni, qa tuktedan tipi oti šni, tuka wicašta ħnakapi kin en ece un kin, heca wan otonwe kin eciyatanhan itkokipa.

28 He Jesus wanyake ƚehan, hoyeye ƚa itokam makata elpe-içiye ƚa hotankakiya heya ; Jesus Wakantanka İyotan Wankantu Cinhintku kin, token unyakon kta he. Ceciciya ce, Kakišmaye šni wo.

29 Taku wakan šape cin wicašta kin etanhan ħinanpe ši heon etanhan. He iħehan yuza ece ; unkan mazaicicahilħa wicaške ko on kaška ħnakapi ; tuka wicaške kin yupsapsake ƚa, wakanšice makotahedaħ ektā iyayeya ece.

30 Unkan Jesus wiwange ƚa heya ; Token eniciyapi he.

Unkan, Wicota, eya : taku wakan šica ota tan mahen ipi kin heon etanhan.

31 Unkan ošbe kin ekta ye wicaši kte šni, keya icekiyapi.

32 Unkan ħe kin en kukuše ota optaye wan won unpi ; hecen en iwicayayapi kte cin he iyowinwicakiye kta keya cekiyapi ; unkan iyowinwicakiya.

33 Hecen wakanšice cin wicašta kin etanhan tankan ħinapapi, qa kukuše kin en iwicayayapi ; unkan optaye maya ħınca wan en apamahde nina ħin našdog iyayapi, qa mde kin en iyolħpei-çi-yapi, qa minin ƚapi.

34 Unkan taku econpi kin he kukuše wo wicaqupi qon wanyakapi qehan, nakipapi, qa otonwe qa makoce kin ekta ohdag kipi.

35 Unkan taku econpi qon he wanyag ai, qa Jesus ekta ahi, qa wicašta wakanšica etanhan ħinapapi qon he ogeton, qa tawacin ekicetu, qa Jesus siha kin en iyotankahan yanka wanyakapi ; unkan wikopapi.

36 Tona wanyakapi qon iš eya wicašta wakan šica yuhe ciqon token asniyanpi kin he owicakiyakapi.

37 Hehan ihdukšan Gadarene tamakocepi kin owancaya taku econpi qon he naħonpi qehan, owasin nina wikopapi on etanhan cekiyapi, qa token yešipi. Unkan wata kin en okipe, ƚa icicawin kihda.

38 Unkan wicašta etanhan wakan šice cin ħinanpapi qon he kici un kta keya cekiya. Tuka Jesus hde ši, qa heya ;

39 Niye yati kin ekta hde, ƚa Wakantanka taku ħınca ecanicon kin he yaotanin wo, eya. Unkan kihde, ƚa Jesus taku ħınca ecakicon qon he otonwe owancaya ohdaka.

WICOWOYAKE 9.

40 Unkan Jesus hdi qehan, oyate kin iyowinkiyapi; owasin ape hiyeya nakaes.

41 Unkan iho, wicašta wan Jairus eciyapi kin he en u, omni-ciye tipi itancan kin wanji hee; unkan he Jesus siha kin en ma-kata elpeiciye ça, iye ti kin ekta u kta icekiya.

42 He cunwintku wanjidand, wanna waniyetu akenonpa ece-tu; unkan is wanna te kte wan-ka. Tuka ekta ye cin hepiya oyate kin aohduteyapi.

43 Unkan winohinca wan wani-yetu akenonpa hehanyan we au, qa taku yuha owasin pejihuta-wicašta on wanna hdusota; tuka hecen tuwedan asniye kta qkihi šni;

44 Hee tapetepa tanhan u, qa tawokoyake opapun kin yutan: unkan hecehnana we au qon he anapta.

45 Unkan Jesus heya; Tuwe mayutan he. Unkan owasin anakihmanpi qehan, Inyan qa tona kici unpi qon hena heyapi; Waonspekiye cin, wicota kin aohduteniyanpi, qa aotinsniyan-pi; heca esta, Tuwe mayutan he, eha ce.

46 Unkan Jesus heya; Tuwe mayutan; wowašake ematanhan hiyu kin he sdonwakiya ce.

47 Unkan winohinca qon wanna inalibe šni e wanhdake cehan, cancanyan u, qa itokam makata elpeiciye, ça oyate kin owasin wicitokam, taku on yutan, qa token wancake asniyanpi kin he okiyaka.

48 Unkan heciya; Cunš, cante wašte wo; wacinyaye cin he asniniyan ce: wookiye on hda wo.

49 Unkan Jesus iahan icunhan, omniciye tipi idaka ti kin eciya-tanhan tuwe u, qa heciya; Wa-

onspekiye cin nagiyeye šni wo; nicunkši wanna ta ce, eya.

50 Tuka Jesus he nahon qehan, waayupte ça heciya; Wikope šni wo; awicakehan wicada wo, kinhan niyanpi kta ce.

51 Unkan tipi kin en tin hiyu qehan, tuwedan tin ye kta iyo-winkiyeye šni; Inyan, qa Jakob, qa Johannes, qa wikoška atkuku hunku kici henana en ipi.

52 Unkan owasin aceyapi qa wašinhda enapeyapi ece. Tuka heya; Ceyapi šni po; te šni, tu-ka iština ce.

53 Unkan wanna ta sdonyapi kin heon wowihayapi.

54 Unkan owasin tankan iya-yewicaye, ça napata yuze, ça ki-pan qa heya; Wikoška najin wo, eya.

55 Unkan nagi kin kiyohpaya, qa hecehnana najin hiyaya: he-han wo qu wicaši.

56 Unkan hunkakeku kin ini-hanpi: tuka taku econ kin he tuwedan okiyake šni wicaši.

WICOWOYAKE 9.

1 Unkan waonspewicakiya ake-nonpapi kin hena wicakico, qa wowašake wookihi ko, wakanši-ca owasin on, qa wowayazan asniyanpi kta hecen wicaqu.

2 Qa Wakantanka tokiconze kin oyakapi kta, qa wayazankapi kin asniwicayapi kta ye wicaši.

3 Qa hewicakiya; Icimayanipi kte cin on cansagye, qa wojuha-dan, qa waneya, qa mazaska ta-kudan eyakupi šni po; qa nakun onhdohda nomnom yuhapi šni po.

4 Qa tukte tipi wan en yaipi kinhan, hen ece yukan po, qa hetanhan iyoopta ya po.

5 Qa tuwe kašta iyowinniciya-pi šni kinhan, otonwe kin he ina-yapapi kinhan, nishapi watuše-

kšeca onistakapi kin hee kaes katata po, he owicayake kta ce.

6 Unkan iyayapi, qa otonwe iya-za yapi, qa wootanin wašte oya-kapi, qa owancaya waasniyanpi.

7 Unkan taku econ kin owasin, Herod wicaštayatapi kin nañon; qa hehan token cante yuza nun-tanin šni; apa Johannes wicon-te kin etanhan kini keyapi kin heon etanhan:

8 Qa apa is, Elias hi ce, eyapi; qa apa tokeca is, Wannakaja waayatapi qon hena etanhan wanji kini ce, eyapi.

9 Unkan Herod heya, Johannes pa bawaksa ce: tuka de tuwe e on taku decekceca nawañon he. Unkan wanyake kta cin.

10 Unkan wahošiyapi kin hena wanna hdipi qehan, taku token econpi kin owasin okiyakapi. Unkan ewicahdaku qa nahman-na icunonpa makotahedan wan ekta i, he otonwe wan Bethsaida eciyapi kin ahankeya.

11 Unkan oyate kin sdonyapi qehan, ihakam eyaya: unkan iyo-winwicakiye ça, Wakantanka to-kiconze kin he iwowicakiyake ça, tona asniyanpi cinpi kin hena asniwicaya.

12 Unkan wanna htayetu aye cehan, akenonpapi kin upi, qa heciyapi, Wicota kin token ye-wicaši wo; hecen otonwe qa ihduksan makoce wanke cin hena ektakta yapi, qa taku yu-tapi oiçidepi, qa iwankapi kta ce; den makotahedan unyakon-pi heon etanhan.

13 Tuka hewicakiya; Niye wo wicaqu po. Unkan heyapi; Aguyapi zaptan qa hogan nonpa henana unhapi; oyate denakeca woyute opewicakiciton unyanpi šni kinhan.

14 Wicašta kektopawinge za-ptan ecetupi. Unkan waonspe-

wicakiye cin hewicakiya; Wic-kemna zaptanptan ptaptaya iyo-tang wicakiya po, eya.

15 Unkan ecen econpi, qa owa-sin iyotang wicakiyapi.

16 Hehan aguyapi zaptan qa hogan nonpa qon hena icu; qa mahpiya ekta etonwan, qa ya-wašte, qa yušpašpa, qa waonspe-wicakiye cin wicaqu; qa iye oya-te kin wicitokam ewicakicihna-kapi kta.

17 Unkan wotapi qa owasin wipipi; unkan onšpašpa iwicaki-ciye cin hena pahipi, makano-piye akenonpa.

18 Unkan isnana wocekiye eya un qehan, waonspewicakiye cin hena kici unpi: unkan wiwica-wange ça heya; Miye matuwe oyate kin keyapi he.

19 Unkan waayuptapi qa, Jo-hannes baptem wicaqu qon; qa apa is, Elias; qa apa tokeca is; Wanakaja waayatapi qon hena etanhan wanji kini ce, eyapi ce, eyapi.

20 Unkan hewicakiya; Tuka niye matuwe kehapi he. Unkan Inyan waayupte ça heya; Wa-kantanka etanhan Messiya kin.

21 Unkan nina owicakiye, ça wicašta kin tuwedan okiyake šni wicaši;

22 Qa heya; Wicašta Cinhin-tku kin taku otakiya on ito iyo-tanhan iyekiye kta, qa wicašta tokapapi, qa wawayušnapi itan-canpi, qa wowapi kagapi kin he-na heyata iyeyapi, qa ŧeyapi kta ce: unkan anpetu iyamni kin-han kini kta ce, eya.

23 Unkan owasin hewicakiya; Tuwe miyahna u wacin kinhan, waipiçida, qa anpetu otoiyo-hi cansusbeca kin kiçin, qa miya-hna u kta.

24 Tuwe kašta wiconi kin hdu-he wacin kinhan, togehpekiye

kta ce; tuka tuwe kašta miye on wiconi kin togehpekiye cinhan, hee hduhe kta ce.

25 Wicašta togelipeiciya, qa is token ehpeyapi hecinhan, maka kin ocowasin ohiiçiya ešta, taku ecin on tanyan un kta he.

26 Tuwe miye qa mioie kin on istece cinhan, hee on Wicašta Cinhintku kin istece kta, tohan iye towitan, qa Atkuku tawa qa taohnihde wakan tawapi kin hduha u kinhan.

27 Tuka awicakehan heciciya-pi; Den najinpi kin apa Wakan-tanka tokiconze kin tohanyan wanyakapi šni kin behanyan țapi kte šni.

28 Unkan wicoie kin dena iyohakam anpētu šahdogan ecetu, hehan Inyan, qa Johannes, qa Jakob, hena ewicayaku, qa cekie kta paha wan ekta i.

29 Unkan cekiya icunhan ite kin tokeca hinnda, qa tawokoyake kin ska qa wiyatpatpa.

30 Unkan iho, wicašta nonpa kici wohdakapi, Moses qa Elias hena eepi.

31 Hena wokitaninyan binajinpi, qa iye iyaye kte cin, Jerusalem ekta hdušan kte cin he iwohdakapi.

32 Tuka Inyan qa om un kin hena nina iştinmapi; unkan kiktapi qehan wookitanin tawa kin he wanyakapi, qa nakun wicašta nonpa kici najinpi kin hena.

33 Unkan hena ehpeya kihdapi icunhan, Inyan Jesus heciya; Itancan, den unkanpi kte cin he wašte; ito wakeya yamni un-kagapi kta, wanji niye, qa wanji Moses, qa wanji Elias, hecen unnicicagapi kta; taku eye cin he sdonkiye šni.

34 Hena hecen eya icunhan, mahpiya šoka wan u, qa aohan-ziwicaya. Unkan mahpiya šoka

kin en hiyayapi hehan nina wikipapi.

35 Unkan mahpiya qon etanhan wicaho wan hinape, a heya; Micinkši waštewakidake cin he dee ce: he anagoptan po.

36 Unkan wicaho qon yaştan qehan, Jesus iştana en najin. Unkan iye inina unpi, qa taku wanyakapi qon anpetu kin hena en wicašta kin tuwedan okiyakapi šni.

37 Unkan ianpetu qehan, paha qon eciyatanhan wanna en hdiqi qehan, oyate ota itkokipapi.

38 Unkan iho, wicota kin etanhan wicašta wanji hoyekiye a heya; Waonspekiye cin, ceciciya ce, micinkši kin atonwan wo; micinea hecedan:

39 Unkan iho, woniya wan yuza eca, ihnuhana šicahowaya ece; qa yuhdehdeca, qa hecen minitaga apaşdiya, qa onşıya kuwa, qa kitan se ayuştan ece.

40 Unkan waonspewicayakiye cin cewicawakiye, a napeye wicawaşı; tuka okitpanipi, eya.

41 Unkan Jesus waayupte a heya; Wicoicage wicada šni qa tawacin tehika, tohanyan cicipi waun kta, qa iyowinciciyapi kta he: nicinkši kin den au wo.

42 Unkan u kin hepiya, wakanşice cin makata ehpeye, a yuhdehdeca. Unkan Jesus woniya şape cin kişice a, hokşidan kin asniye a, atkuku kin kicu.

43 Unkan Wakantanka towaşake hince cin on owasin inihanpi. Tuka Jesus taku token econ kin on owasin inihanpi icunhan, waonspewicakiye cin hewicakiya;

44 Wicoie kin dena ninogepi kin en iyohpayapi kte; Wicašta Cinhintku kin wicašta napapi kin en wicaqupi kta.

45 Tuka iapi kin he okañnigapi šni, qa anawicakihmanpi, hecen iyukcanpi šni: unkan wicoie kin on iwangapi kte cin itonpapi.

46 Unkan hehan wanji tukte iyotan tankapi kte cin he hdo-kinicapi.

47 Unkan cante ekta hdokinicapi kin he Jesus wanyake cehan, hoksíyoqopa wan icu qa iye iyokihe ehde;

48 Qa hewicakiya; Tuwe kašta hoksíyopa kin de micaje on eyaku kinhan, he miye e emayaku; qa tuwe kašta miye emayaku kinhan, he umaši kin hee eyaku ece; hecen niyepi owašin wanji tukte nicistinpidan kinhan, hee tanka kta ce, eya.

49 Unkan Johannes waayupte ça heya; Itancan, tuwe nicaje on taku wakan šica napewicaya wanunyakapi, qa den ounpapi šni kin on etanhan teunhin-dapi.

50 Unkan Jesus heciya; Tehindapi šni po: tuwe unkipajinpi šni kin he unkicicapi ece.

51 Unkan anpetu en wankan eyakupi kte cin wanna kiyedan aya, hehan Jerusalem ekta ye kta e ite kin hdusuta;

52 Qa wahošiyapi kin heca tokata ye wicaši. Unkan iyayapi, qa taku wiyeya kicihnakapi kta e Samariya wicašta tonwanyanpi kin wanji en ipi.

53 Unkan Jerusalem ekta ye kta sece cin on etanhan iyowin-kiyapi šni.

54 Unkan waonspewicakiye cin, Jakob qa Johannes he wanyakapi qehan, heyapi; Itancan, Elias econ qon he iyecen unkiye, mañpiya eciyatanhan peta kun u, qa huñnañwicaye unšipi kta yacin he.

55 Tuka ihduhomni qa wica-

kišice, ça heya; Tawacin toni-ketupi kin sdonyakiyapi šni ce.

56 Wicašta Cinhintku kin wicašta tewicaye kta on hi šni, tuka niwicaye kta heon hi ce, eya. Unkan otonwe wan tokeca ekta iyayapi.

57 Unkan canku ohna yapi icunhan, tuwe heciya; Itancan kin, tokiya kašta de cinhan ciyahnna mde kta ce, eya.

58 Unkan Jesus heciya; Šun-gidan kin wašun tonpi, qa mañpiya okinyanpi kin holipi yuhapi, tuka Wicašta Cinhintku kin iye pa kin tukten iwanke kte cin ee kaeš hduhe šni ce.

59 Unkan wanji tokeca heciya; Miyahna u wo. Tuka heya; Itancan, tokaheya ate wehe mde kte cin he iyowinmakiya ye.

60 Jesus heciya; Tona tapi kin ta wicayuhapi kin hena ito wicakihapi kta; tuka niye qe ye ça Wakantanka tokiconze kin he oyaka wo.

61 Unkan wanji tokeca nakun heya; Itancan, ciyahna waun kta; tuka ito tokaheya wahde, ça wati kin ohna un kin tanyan wehnake kte cin he iyowinmakiya wo.

62 Unkan Jesus heciya; Wicašta kin tuwe mahiyumdu wana yuze, ça hehan hinakaha hakikta kinhan, he Wakantanka tokiconze kin en ope kta iyecece šni ce.

WICOWOYAKE 10.

1 Unkan taku kin hena iyohakam, Itancan kin toktokeca wickemna šakowin cajewicayate, ça iye otonwe tona ekta ye kte cin, qa tokiya kašta ekta ye kte cin, hena kohan ektakta nomnom yewicaši.

2 Qa hecen ewicakiya; Awicakehan woksapi kin tanka, tuka

Itanipi kin e tonana ce; he on etanhan woksapi Itancan kin, he iye Itanipi kin heca woksapi kin en yewicaši kte cin he icekiya po.

3 Ya po; iho, tahincaska šun-ktokeca ehna unpi he iyecen ye cišipi.

4 Mazaska opiye, qa wojuhadan, qa hanpa hena hduhapi šni po: qa tahepi wicašta tuwedan okiyapi šni po.

5 Qa tukten tipi wan en tin idadapi kinhan, tokaheya, Wookiye tipi kin den un nunwe, eya po.

6 Unkan wookiye cinhintku kin en un kinhan wookiye nitawapi kin en iyahe kta: tuka hecece šni kinhan, ake en nihdipi kta.

7 Qa tipi kin he en ece un po, taku nicupi kin yuta qa yatkan dukanpi kta; tuwe Itani kin he wokajuju kicupi ece e kta: Tipi iyaya yapi šni po.

8 Qa tukten otonwe wanji en yaipi, qa iyowinniciyapi kinhan, taku nitokam enicihnakapi kin he ece yuta po.

9 Qa wayazanka en unpi kin hena asniwicaya po, qa, Wakan-tanka tokiconze kin he kiyedan nihiyohipi ce, ewicakiya po.

10 Qa tukte otonwe wanji en yaipi qa iyowinniciyapi šni kinhan, otonwe kin he canku kin en hdicupi qa heya po;

11 Nitotonwepi watušekseca ountkapapi kin hee kaeš itkom unnicatatapi ce; tuka Wakan-tanka tokiconze kin he kiyedan nihiyohipi kin sdonya po.

12 Tuka heciciyapi ce, Anpetu kin he en otonwe kin he teliya un kte cin he Sodom aoptenya un kta ce, eya.

13 Korazin wotehi niciyanka ce; Bethsaida wotehi niciyanka ce; niyepi kin en wicohan tanka

econpi kin hena Turos qa Sidon en econpi unkanš, wanakaja wahinske ojuha cahota ahna en iyotanka iyopeciŋyapi kta tuka.

14 Tuka wayacopi kin ekta niye teliya yaunpi kte cin he Turos Sidon kici aoptenya unpi kta.

15 Qa niye Kapernaum, yuwankan maŋipiya ekta anianpi kin, kuya wakanšica ti kin ekta iyaye niyanpi kta ce, eya.

16 Tuwe ananigoptanpi kin, he miye e anamagoptan; qa tuwe wahtenidapi šni kin, he miye e wahtemada šni; qa miš tuwe wahtemada šni kin, he umaši kin hee wahteda šni ece, eya.

17 Unkan wikcemna šakowinpi qon wopidaya hdipi, qa heyapi; Itancan, nicaje kin eciyatanhan wakanšicapi kin iyepi kaeš ananigoptanpi ece.

18 Unkan hewicakiya; Maŋipiya kin eciyatanhan wakanhdi iyecen Satan hinŋpaya wammdaka ce.

19 Iho, wowašake cicupi, hecen wamduška sinteŋda ko ayahanpi kta, qa toka token wašakapi ešta isanpa yaunpi kta; hecen takudan ksuweniyanpi kte šni.

20 Tuka wakan šice cin hena ananigoptanpi kin heon wiyuškiŋpi šni po; tuka maŋipiya ekta caje oniŋwapi kin hee on wiyuškiŋ po, eya.

21 Unkan he ehan Jesus cante mahen iyuškiŋ, qa heya; Ate, maŋipiya maka ahna on Itancan, niye taku kin dena ksapapi, qa wayupikapi kin hena anawicayakiŋbe, ɔa hokšiyogopa kin heca sdonjeyewicayakiye cin, he pidamayakiya ce; han, Ate; niye hecen iyonicipi kin heon etanhan.

22 Atewaye cin he taku owasin yuhemakiya; qa Cinhintkuyapi

kin he tuwe kin tuwedan sdoney
śni, Ateyapi kin heceyedani; qa
Ateyapi kin is tuwe kin, Cinhin-
tkuyapi kin iye qa tona owica-
kiyake kte cin henana sdoneyapi
ece.

23 Unkan waonspewicakiye
cin ekta ihduhomni, qa nahma-
na heya; Taku wandakapi kin
hena wicišta tona wanyakapi
kin hena yawaštepi ece.

24 Qa heciyapi; Waayatapi
kin wicaštayatapi ko ota taku
wandakapi kin hena wanyag
cinpi, tuka wanyakapi śni; qa
taku nayahonpi kin he nahon
cinpi, tuka nahonpi śni, eya.

25 Unkan inyun, wicoope aiapi
kin heca wanji najin hiyaye, ça
wawiyutanye, ça heciya; Wa-
onspekiye cin, token ecamon qa
owihanke wanin wiconi ohimi-
ciye kta he.

26 Unkan heciya; Wicoope kin
en token owapi he; token dawa
ece he.

27 Unkan waayupte, ça heya;
Itancan Wakantanka nitawa kin
he nicante kin ocowasin, qa ni-
nagi ocowasin, qa nitowaśake
ocowasin, qa nitawacin ocowasin
on wašteyadake kta; qa niye
inihdacin kin he iyecen nikiye-
dan un kin wašteyadake kta
ce.

28 Unkan heciya; Tanyan
waadupta; hecen econ wo, kin-
han yani kta ce.

29 Tuka iye ihdaowotanna wa-
cin, qa Jesus heciya; Unkan
mikiyedani un kin he tuwe he.

30 Unkan Jesus ayupte ça heya;
Wicašta wan Jerusalem etanhan
Jeriko ekta iyaya; qa wama-
nonpi sa awicakipa, hena tawo-
koyake kin kipi, qa apapi, qa te
icakiś ehpeya kihdapi.

31 Unkan ehantudan wawayu-
śna wanji canku kin he ohna

hiyaya; qa he wanyake çehan
iyoopta iyaya.

32 Unkan Lewite heca wanji
is eya ehan i qehan, atonwe ça
iyoopta iyaya.

33 Unkan Samariya wicašta
wanji icimani un, he wanke cin
en hi; qa wanyake çehan on-
śida;

34 Qa en i, qa kaśujapi kin pa-
hte ça wiłdi miniśa ko en oka-
śtan; hehan iye taśunke kin
akan yankekiye ça, owote tipi
wan en ahi, qa awanyaka.

35 Unkan ihanhanna iyoopta
ye kta, hehan kaśpapidan nom
ehdaku, qa tipi tawa kin qu, qa
heciya; Tanyan yuha wo, qa
dena sanpa tona on dusote cin-
han, tohan waku kinhan ciçu
kta ce.

36 Iho, hena yamnipi kin, wa-
manonpi sa awicakipe ciqon
wanji tukte ikiyidan un idukean
he.

37 Unkan, Wanji onśida qon
hee ce, eya. Hehan Jesus he-
ciya; Ye ça, iyecen econ wo.

38 Unkan hetanhan iyoopta
iyayapi, hehan otonwe wan en
i; unkan winolinca wan Mar-
tha eciyapi, he iye ti kin en
kico.

39 Unkan he tankaku kin, Ma-
ry eciyapi kin he Jesus siha kin
en iyotanke ça, oie kin nahon
ece.

40 Tuka Martha wicohan ota
on token cante yuza tanin śni;
heon en hi qa heya; Itancan,
mitanka ehpeyaye ça miśnana
taku ota ecamon ece kin niś ekta
ewacanni śni he; heon etanhan
omakiye kta heciya ye.

41 Tuka Jesus waayupte ça
heciya; Martha, Martha, taku
ota yakicanda wacanni, qa on
nagiyeñiciya ece:

42 Tuka taku wanjidan cinpi-

ca; unkan Mary taku wašte kin he kahñiga, he icimana kipi kte šni ce.

WICOWOYAKE 11.

1 Unkan tukten cekiya un, qa ayaštan qehan waonspewicakiye cin wanji heciya; Itancan, wocekiye eya onspeunkiya po, Johannes waonspewicakiye cin onspewicakiye ciqon he iyececa.

2 Unkan hewicakiya; Ceyakiyapi kinhan kaken eya po; Ateunyanpi mahpiya ekta nanke cin, nicaje wakandapi nunwe: Nitokiconze kin u kte: Mahpiya ekta nitawacin econpi kin he iyecen maka akan econpi nunwe.

3 Anpetu otoiyo hi anpetu woyute unqu po.

4 Qa waunhtanipi kin unkicicaju miye, unkiš tona šicaya ecaunkiconpi wicunkicicajupi kin he iyececa. Qa taku wawiyutanyan un kin en unkiyapi šni po; tuka taku šice cin etanhan eunhdaku po.

5 Unkan hewicakiya; Niyepi kin wanji tuwe kodayayapi, qa hanye cokaya ekta yaipi, qa heyakiyapi; Koda, aguyapi yamni omaqu wo:

6 Mitakoda wanji icimani hi, tuka taku itokam ewahnake kta takudan mduhe šni ce.

7 Hehan iye timahen tanhan waayupte, ça heye kta; Nagiyemaye šni wo; tiyopa wanna natakapi, qa micinca om mahen imunka; hecen nawajin qa ciçu kta owakitpani ce.

8 Heciciyapi; He kodaya on etanhan najin qa qu kte šni qe-yaš, nina kitan kin heon etanhan, najin qa tona cin kinhan qu kta ce.

9 Nakun heciciyapi; Da po, kinhan niçupi kta; akita po,

kinhan iyeyapi kta; katoto po, kinhan niciyuhdokapi ece e kta.

10 Tuwe da eca he icu ece; qa tuwe akita eca he iyeya ece; qa tuwe katoto eca he kiciyuhdokapi ece e kta.

11 Cinca niyukanpi kin, wanji tukte cinhintku aguyapi kida kinhan, inyan wan qu kta he; qa is hogan wan da kinhan, hogan on wamduška wan qu kta he.

12 Qa is witka wanji da kinhan sintehda wan qu kta he.

13 Hecen niš nišicapi kin, nicincapi taku waštešte wicayapi kte cin he onnisepi ehan-tanhan, is iyotan mahpiya Ateyayapi kin tona Woniya Wakan kidapi kinhan wicaqu kta ce, eya.

14 Hehan wakan šica wanji tan-kan iyayeya, unkan ia okitpani. Unkan wakan šice cin wanna tankan hinape çehan, ia okitpani qon hehan ia; hecen oyate kin inihanpi.

15 Tuka apa heyapi; Beelzebub wakan šica itancan kin he eciyatanhan wakan šica nape-wicaya ece.

16 Qa apa toktokeca is iyutan-yanpi kta on mahpiya eciyatanhan wowapetokeca kidapi.

17 Tuka tawacinpi kin sdon-wicaye ça hewicakiya; Wokiconze kin tona iye iyakitedan kicipajinpi kin hena atakuni šni ece; qa tipi wanji iye icipajin kinhan he jujuwahan ece.

18 Qa Satan is iye icipajin kinhan tokiconze kin he token ecin ecen he kta he. Beelzebub eciyatanhan wakan šica napewicawaya ece, kehapi kin heon etanhan.

19 Unkan miye Beelzebub eciyatanhan wakan šica napewicawaya ehantanhan, niye nicinca-

pi kin hena tuwe eciyatanhan napewicayapi he; hecen iyepi kin niciyukcanpi kta.

20 Tuka miye Wakantanka napsukaza on wakan śica nape-wicawaya ehanthanhan, Wakan-tanka tokiconze kin awicakehan nihiyohipi ce.

21 Wicaśta wan waśake ça wipe top ti awanhdake cinhan, hecen woyuha tawa kin tanyan hiyeya ece.

22 Tuka wanji ikapeya waśake cin he takpe hi, qa ktedan kinhan, tawipe wacinkiye cion he owasin ekiciyaku, hehan taku tawa qon pamni ece.

23 Tuwe micica śni kin he makipajin; qa tuwe miciwapahi śni kin he wayumdeca ece.

24 Woniya śapa kin wicaśta wan etanhan hinanpa eca makoce puze cin en ece un, qa oziiciye kta akita; tuka takudan iyeye śni kinhan, hehan heya; Wati etanhan wahinawape cion he ake ekta wahde kta ce.

25 Unkan en hdi eca, wanna kahintapi qa ayuco yuśtanpi iye-kiya ece.

26 Hecen tokiya ye ça, woniya toktokeca iye kin isanpa wicaśtapiśni śakowin ewicayaku, qa hena en yapi, qa otipi: hecen wicaśta kin he otokahe kin isanpa oehake kin he śica ece.

27 Unkan hena hecekcen eya icunhan, wicota kin etanhan winohinca wan ho wankan yeye ça heciya; Wicitpi etanhan inicage cin he, qa aze dazoke cin hena yawaśtepi ce.

28 Tuka iye heya; Han, tuka tona Wakantanka oie kin nahonpi, qa ecen econpi kin hena is iyotan wicayawaśtepi ce.

29 Unkan oyate kin wanna en himniciyapi qehan, hewicakiya; Wicoicage kin de śica; wowa-

petokeca akitapi, tuka wowa-petokeca takudan wicakupi kte śni; Jonas waayate cion wowa-petokeca tawa kin heceedan.

30 Ninewe oyate kin Jonas wowapetokeca yuhapi qon, he iyecen wicoicage kin de Wicaśta Cinhintku kin wowapetokeca yuhapi kta.

31 Woyaco kin ekta itokaga wicaśtayatapi winohinca qon he wicoicage kin de itkom nawicajin, qa wicayaco kta; he iye maka owihanke tanhan Solomon toksape kin nahon hi; unkan iho, wanji Solomon isanpa tanka den un ce.

32 Woyaco kin ekta Ninewe wicaśta kin hena wicoicage kin de on inajinpi kta, qa yacopi kta; he iye Jonas wowicakiyake cin on iyopeiciyapi; unkan inyun, wanji Jonas isanpa tanka den un ce.

33 Tuwedan petijanjan wan ideya eca nahmana ehde śni, qa is ohna wiyutapi kin iyahdapśin-yan hnake śni; tuka petijanjan ihupa wan akan ehde ece; qa hecen tona en hipi kinhan ojanjan kin wanyakapi kte.

34 Wicatancan iyoyanpa kin wiciśta kin hee: heon etanhan niīśta kin hecetu kinhan, nitan-can kin is eya iyoyanpa ojudan ece; tuka niīśta kin he śica eca, nitancan kin is eya ocowasin otpaza ojudan ece.

35 Hecen iyoyanpa en niun kin he otpaze kte śni e wakta wo.

36 Heon nitancan kin ocowasin iyoyanpa ojudan, qa tuktedan otpaze śni ehanthanhan, petijanjan wan yehya ide iyoyam-niyan kin he iyecen ocowasin iyoyanpa ojudan kta ce.

37 Unkan heya icunhan Phari-see wan kico: hecen en i, qa wote kta iyotanka.

38 Unkan wote śni itokam ihdujaja śni kin he Pharisee qon wanyake çehan, inihan.

39 Unkan Itancan kin heciya; Niye Pharisee kin, miniyatkan wakśica ko akapatanhana duska-pi ece; tuka mahen tanhan wawicakipi wicohan śica ko onijupidan ece.

40 Winitkotkopike cin, akapatanhana un kin he tuwe kaga hecinhan, he is mahen un kin nakan kage śni he.

41 Tuka taku duhapi kin etanhana wicaqu po; kinhan taku owasin niciskapi kta ece.

42 Tuka Pharisee kin niyepi wotehi niciyankapi ece; ceyakata, wacanga, wahpe wašte-mna ko owasin etanhana iwikcemnamna wicayaqupi ece; tuka wicohan owotanna Wakantanka waštedakapi ko, hena acayakšinpipi ece; dena e is eceñ ecanonpi kta, qa unma qon oyakaptapi kte śni tuka.

43 Pharisee kin niyepi wotehi niciyankapi ece; omniciye tipi kin en oyanke waštešte kin hena wašteyadakapi ece, nakun wopeton tipi kin ekta yaonihanyan oniciyapi kin.

44 Wowapi kagapi qa Pharisee, wanaicilmanpi kin, wotehi niciyankapi ece; wicašta hnakapi tanin śni hiyeye ça wicašta kin sdonye śni amanipi kin heneceapi ece.

45 Unkan hehan wicoope aiapi kin heca wanji waayupte, ça heciya; Waonspekiye cin, hecen eha eca, unkiś eya ienunyahdepipi ece.

46 Unkan heya; Wicoope aiapi kin niś eya wotehi niciyankapi ece; waqinpi qinpi tehika wicašta qinwicayakiyapi ece qa niyepi kin napsukaza wanjidan on waqinpi kin dutanpi kte śni.

47 Wotehi niciyankapi ece; wicašta wokcan wicahnakapi kin hena niye yakagapi, qa niyatepi kin hena wicaktepi qon.

48 Atewicayayapi ohanyanpi qon iyowinwicayakiyapi e awicakehan nihduotaninpi; he iye hena wicaktepi e wicakapi, qa niye wicašta hnakapi kin wicayecagapi ece.

49 Heon is eya Wakantanka toksape kin heya; Waayatapi qa wahošiyapi heca ekta yewicawaši kta ce; unkan apa wicaktepi, qa onśiya wicakuwapi kta;

50 Hecen maka kagapi kin ehantanhan wicašta wokcanpi we paponpi kin he owasin wicoicage kin de iwicawangapi kta;

51 Abel we kin hetanhana, qa Zacariyas tipi wakan wahna wośnapi kin okitahedan awihnuni qon he we kin iyahdeya: Awicakehan heciyapi, He wicoicage kin de etanhana iwicawangapi kta ce.

52 Niye wicoope aiapi kin wotehi niciyankapi ece; niś wosdonye iyuhdoka yutokan edakupi, qa niye ohna idadapi śni, qa tona ohna iyayapi kte cin hena anawicayaptapi ece.

53 Unkan hena hecekcen ewicakiya icunhan, wowapi kagapi qa Pharisee kin taku ota eyeki-yapi kta e nina hin nagiye-yapi:

54 Taku iyaonpapi kta akitapi, heon taku i kin etanhana inanpe kta on hmunkapi kta iyapepi.

WICOWOYAKE 12.

1 Unkan wicota hinca en ahimniciya, hecen akicihanpi ece, hehan waonspewicakiye cin hewicakiya; Tokaheya Pharisee kin on napohyapi tawapi kin he

itonpa po, he wanaicilmanpi kin hee ce.

2 Taku akalipetonpi qa yuzamnipi kte šni wanica; qa nakun taku analimanpi qa yuotaninpi kte šni wanica ce.

3 Hecen otpaza ehna taku token ehapi kin he anposkantuya nahonpi kta; qa onahbe tipi kin ohna wicanoge kin en token ehapi kin he tipi akan ieyanpahapi kta.

4 Qa kodamayayapi kin, niš heciciyapi; Wicatancan ktepi qa sanpa takudan okihipi šni kin hena kowicakipapi šni po.

5 Tuka tuwe koyakipapi kte cin he ito kanyehan ociciyakapi kte: Tuwe wicakte, qa hehan wakanšica tipi kin en elipewicaya okihi kin he eca kokipa po; han, Hee kokipa po, eciciyapi ce.

6 Zitkadan zaptan mazašadan nonpa iyopewicayapi šni he: heca ešta Wakantanka hena wanjidan kaes akiktonje šni.

7 Tuka niyepi kin paha ee kaes owasin niyawapi ece. Heon etanhan wikopapi šni po; zitkadan ota isanpa niyawapi ece.

8 Qa nakun heciciyapi ce; Tuwe kašta wicašta kin wicitokam miye mayaotanin kinhan, Wicašta Cinhintku kin Wakantanka taohnihde kin hena itokam he yaotanin kta.

9 Tuka tuwe wicašta kin wicitokam amakta šni kinhan, Wakantanka taohnihde kin hena itokam, he aktapi kte šni.

10 Qa tuwe kašta Wicašta Cinhintku kin itkom wicoie wanji eciye cinhan, kicicajujupi kte; tuka tuwe Woniya Wakan waoštehdada kinhan, kicicajujupi kte šni.

11 Tohan omniciye tipi kin en anihipi kinhan, qa wicaštayatapi

wowašake ko ekta, taku qa token aduptapi kta, qa taku ehapi kte cin awacinpi šni po.

12 Woniya Wakan kin he iye iyehantudan hin taku ehapi kta iyececa he onspeniciyapi kta ce.

13 Unkan wicota kin etanhan wanji heciya; Waonspekiye cin, misunka woyuha hanke micu kta, keciya wo.

14 Unkan heciya; Wicašta kin, niwankam wiyuckan qa wapamni kte cin tuwe makaga he.

15 Unkan hewicakiya; Iwanihdaka po, qa wakonpi kin koki-pa po; wicašta nipi kin he taku iyakičuya tonpi kin he en un šni ece.

16 Hehan wiyacinpi wan owicakiyake ça heya; Wicašta wijica wan tamaga kin taku ota icahya.

17 Unkan cante mahen he awacin qa heya; Token ecamon kta he; waskuyeca mitawa kin tukten wehnake kte cin mduhe šni ce.

18 Hehan heya; Kaken ecamon kta; wopiye wahdujuju kta, qa tankinkinyan wakage kta; qa hena ohna taku imicicaga woyuha mitawa ko owasin ewaju kta.

19 Qa minagi kin hewakiye kta; Minagi, taku ota yehnake cin he waniyetu ota oiyahde kta ce; ito oziiciye, ça wote, ça wayatke, ça wiyuškin wo, eya.

20 Tuka Wakantanka heciya; Winitkotkoke cin, hanyetu kin de ninagi kin inicicupi kta; hecen wayehnake cin hena hehan tuwe tawa kta he.

21 Tuwe woyuha kihnaka, tuka Wakantanka ekta wijice šni kin he he kicica ce, eya.

22 Unkan waonspewicakiye cin hewicakiya; Hecen on hecici-

yapi ce, Yanipi kin on taku yatapi kte cin, qa is tancan kin taku kodakapi kte cin, hena on nagiyeiciyapi sɲi po.

23 Wicani kin he woyute kin isanpa ece; qa wicatanɲan kin is wokoyake isanpa ece.

24 Kangi kin hena iwicayukcan po; he iye wojupi sɲi qa woksaɲi sɲi, qa dotopiye wolha ko nicapi: unkan Wakantanka hena wo wicaqu ece. Wahupakoza kin isanpa niyawapi sɲi he.

25 Qa niyepi wanji awacannipi kin on wiciɲpa wanɲidan kaes nihduhanskapi oyakihipi he.

26 Hecen taku iyotan cistinna kin he oyakihipi sɲi ehantanhan, unma kin on tokeca ecin nagiye-niciyapi he.

27 Mnalicalica kin he token icaga ece kin he iyukcan po; hitani sɲi qa nakun wakahmun sɲi; tuka heciciyapi ce, Solomon token okitanin eɲta, dena wanji iyecen wakoyake sɲi.

28 Hecen Wakantanka peji anpedehan magata hiyeya, qa heyakecinhan petan elpeyapi kin hee kaes wokoyake qu ehantanhan, kitanna wicayadapi kin, nis iyotan wokoyake niɲupi kte sɲi he.

29 Qa taku yatapi qa datkanpi kte cin he ihnihdapi sɲi po; qa nakun waceɲunhdaya wacin yuzapi sɲi po.

30 Maka oyate kin hena owasin hecen ihnihdapi ece; qa niye taku kin hena yacinpi kin Ateyayapi kin sdonya ece.

31 Tuka Wakantanka tokiconze kin hee tokaheya ihnihda po, kinhan dena owasin koya niɲupi kta.

32 Optaye cistinna kin, wiko-papi sɲi po; wokiconze kin hee niɲupi kta e Ateyayapi kin iyo-kipi ece.

33 Taku yatonpi kin wiyope-kia po, qa wicaqu po. Woyuha kukaka aye kte sɲi, malɲiya ekta woyuha owihanke kte sɲi hena icicaga po; heciya wamanon sa kiyedan u sɲi, qa wamduɲkadan wayapote sɲi ece.

34 Woyuha tukten niciyankapi hecinhan, is eya nicantepi kin en un ece e kta.

35 Ipiyag kiton yaunpi kta, qa petijanjan nitawapi ideyahan un kta;

36 Qa nis wicaɲta wicayuhe cin kiciyuzapi kin eciyatanhan hdi kta ape hiyeye cin hena iye-cen un po; tohan hdi qa tiyopa hdatoto kinhan wancake kiciyuhdokapi kta.

37 Wicayuhe cin hdi kinhan, ookiye kin tona wakta unpi iye-wicakiye cin, hena wicayawa-ɲtepi; awicakehan heciciyapi ce, Wicayuhe cin iye ipiyagkiton, qa ookiye kin hena wote kta iyotangwicakiye, ɲa u, qa owicakiye kta ce.

38 Hecen inonpa waktapi kin en, qa is iyamni waktapi kin iyehan hdi, qa ecen iyewicaye cinhan, ookiye kin hena wicaya-waɲtepi ece.

39 Qa de sdonya po, tipi tawa kin wamanon sa tohan hi kta sdonya unkanɲ, wakta un qa tipi kin kiciyuhdokapi kte cin anapte kta tuka.

40 Heon etanhan nis eya wi-yeya un po; Wicaɲta Cinhintku kin tohan awacannipi sɲi kinhan hehan u kta ce.

41 Unkan Inyan hehan heciya; Itancan, wiyacinpi kin de unkiɲ-nana unkoyakidakapi, qa is owasin wicayaka he.

42 Unkan Itancan kin heya; Ookiyewi wanji waawanyagkiyapi kin he wayupike, ɲa okiksape cinhan, yuhe cin tiwahe kin yu-

hekiye kta, qa hecen iyehanyan wo wicaqu ece e kte cin he tuwe he.

43 Itancan tawa kin ku, qa taokiye wanji hecen econ yanka wanhdake cinhan, hee yawaste-pi ece.

44 Awicakehan heciciyapi; Taku token tawaye cin he owasin yuhekiye kta ce.

45 Tuka ookiye kin he cante mahen, Itancan kin tehan hdi kte sni ecin; qa wicaookiye qa winyanookiye kin hena awicape, ça wote, ça wayatke, ça witkoi-kiye cinhan,

46 Ookiye kin he anpetu wan yuhe cin hdi ape sni, qa sdonkiye sni hehan hdi, qa kicakse, ça wacetunhdapi kin hena owicapeya oonyekiye kta.

47 Qa ookiye wanji yuhe cin tawacin kin sdonya, tuka wiyeya icihnake sni, qa tawacin kin oki-cipe sni kinhan, he ota apapi kta.

48 Tuka tuwe sdonye sni kinhan, he is apapi kte cin iyecen ohanyan esta tonana apapi kta ce. Tuwe taku ota qupi kinhan, hee taku ota iwangapi kta; qa wicašta kin tuwe taku ota yu-hekiyapi ca, he iyotan ota kicapi ece e kta.

49 Maka akan peta iyayewaye kta wahi; qa token wacanmi he, wanna ideyapi esta.

50 Tuka baptem wanji on baptem maqupi kta; qa he tohan-yan yustanpi sni hehanyan aotinsmayanpi ce.

51 Maka akan wookiye wicaqu wahi kecannipi he. Hiya, tuka wicayumdecapi kin is ee kta, eciciyapi ce.

52 Detanhan tipi wanjidan ohna zaptan yukanpi kta, qa yumdecapi kta, yamni nonpa om, qa nonpa yamni om kicipa-jinpi kta.

53 Wicašta wan iye cinhintku kin kipajin kta, qa cinhintku kin is atkuku kin; hunku kin cun-wintku kin kipajin kta, qa cun-wintku kin is hunku kin; nakon kunku kin takošku kin, qa takošku kin is kunku kin kipajin ece e kta, eya.

54 Unkan nakon oyate kin he-wicakiya; Wiyohpeyata tanhan malpiya wanji wankan u wandakapi eca, wancake, Magaju kta ce, ehapi: unkan ecetu ece.

55 Qa itokaga tate uya eca, Odidita kta ce, ehapi: unkan ecen hiyohi ece.

56 Wanaicihmanpi kin, nis malpiya ite kin maka ko iyukcan oyakihipi; tuka tokeca e nakaha kin idukanpi sni he.

57 Han, niye cinka tokeca e taku owotanna kin idukanpi sni he.

58 Tohan tuwe icazoniciye cin kici wicoope awanyake cin ekta de cinhan, tahepi niyuskapi kte cin akite hınca wo; okinni he wayaco kin ekta aniye kta, qa wayaco kin is akicita kin ekta neçu kta, qa hecen kaška nihnakapi kta.

59 Mazašadan ehake hince cin he tohanyan yecu sni hehanyan hetanhan yahdicu kte sni, eciciya ce, eya.

WICOWOYAKE 13.

1 Unkan hehan en opapi kin wanjikji, Pilate token Galile wicašta heca we kin iye wošnapi tawapi kin kici icicahiye cigon, he okiyakapi.

2 Unkan Jesus waayupte ça hewicakiya; Galile wicašta kin decen ecawicaonpi kin heon etanhan Galile wicašta owasin isanpa hena wahitanipi sa kecannipi he.

3 Hiya; tuka niye nihduecetupi šni ehantanhan, niš eya owasin iyecen nitakunipi kte šni, eciciyapi ce.

4 Qa is Siloam conkaške akešahdogan awicahinšipaye, ça wicakte qon, wicašta owasin Jerusalemi en unpi qon henana iyotan wicohan šicapi, kecannipi he.

5 Hiya; tuka niye nihduecetupi šni ehantanhan, niš eya owasin iyecen nitakunipi kte šni, eciciyapi ce, eya.

6 Unkan wiyacinni kin de nakun owicakijaka; Wicašta wan hastanhanka iyuwi maga tawa kin en suken can wanji oju; unkan en waskuyeca ode hi, tuka takudan iyeye šni.

7 Hehan hastanhanka iyuwi maga kicanye cin he heciya; Can kin de ekta omaka yamni wanna waskuyeca ode wahi, tuka ongedan iyewaye šni ece; kawanka wo; tokeca ecin maka yušağya han he.

8 Unkan waayupte, ça heciya; Itancan kin, omaka kin de nakun ayušan wo, ecen ohomni maka waqe, ça tacesdi en ewahnake kta;

9 Okinni waskuyeca icalıye kta; tuka wanice cinhan, hinakaha hehan yahdawanke kta ce.

10 Unkan anpetu wakan icunhan omniciye tipi wan ohna waonspewicakijaka yanka:

11 Unkan iho, winohinca wan waniyetu ake šahdogan hehanyan woniya wašake šni kin yuha, tancan kin wanna pako icu, qa tokadan ihduowotanna šni.

12 Jesus he wanyaka, unkan kico qa heciya; Winohinca waniyazanke cin etanhan niciyuškapi ce.

13 Hehan nape kin ahnaka, un-

kan wancake owotanna icu, qa Wakantanka yaonihan.

14 Unkan anpetu wakan icunhan Jesus waasniyan kin on etanhan omniciye tipi idake cin he canteptanyan; hecen waayupte, ça oyate kin hewicakijaka; Wicašta kin itanipi kte cin anpetu šakpe yukan ce; hecen anpetu kin hena en u po, qa asniyanpi kta ce; tuka anpetu wakan icunhan upi šni po, eya.

15 Unkan Itancan kin waayupte ça heciya; Wanaicilıbe cin, niyepi otoiyo hi, anpetu wakan, tatanka qa is šonšonna nitawapi kin yakiduškapi qa miniyatkekiya adapi šni he.

16 Unkan winohinca kin de Abraham cunwintkuwicaye cin wanji ee, Satan iho, waniyetu ake šahdogan hehanyan kaška hnaka, he is anpetu wakan icunhan kiyuškapi kte šni iyececa he.

17 Unkan hena hecen eye cehan, kipajinpi qon owasin ištecapi; unkan wokitaninyan taku econ qon hena owasin on oyate owasin iyuškinpi.

18 Hehan heya; Wakantanka tokiconze kin he taku iyececa he; qa taku e imdacin kta he.

19 Sinape sukaza wanji iyececa, he wicašta wan icu, qa maga tawa kin en iyolıpeya; unkan icage, ça can tanka aya; unkan malıpiya okinyanpi kin adetka kin en iyahanpi ece.

20 Unkan ake heya; Wakan-tankatoka tokiconze kin he taku e imdacin kta he.

21 On napolıyapi kin he iyececa, he winohinca wan icu, qa wotpanpi wiyutapi yamni en anahıman, hecen ocowasin napogan ce.

22 Unkan otonwe qa otonwe ciqadan iyaza ye ça, waonspekijaka; qa Jerusalemi etkiya ya.

23 Unkan tuwe heciya; Itancan, niwicayapi kte cin hena tonananpidan he. Unkan hewicakiya;

24 Tiyopa cistiyedan kin he ohna dapi kta nina akita po: wicota ohna yapi akitapi kta, tuka okihipi kte śni, eciciyapi ce.

25 Tipi tawa kin tohan wanna najin hiyaye, ça tiyopa kin ecen ikikcu, qa itankan nayajinpi, qa tiyopa yakatotopi, qa; Itancan, Itancan, unkiciyuhdoka miye, ehapi; qa iye waayupte ça, Tonitanhanpi kin sdonwaye śni ce, eniciyapi kta;

26 Hehan niś hehapi kta; Nanke cin en wauntapi, qa wa-unyatkanpi ece; qa niś ocanku unkitawapi kin ohnahna waon-speyakiye ciqon.

27 Tuka iye heye kta; Tonitanhanpi kin sdonwaye śni, eciciyapi ce; woowotanna śni ecanonpi ece kin owasin mitantanhan iyaya po.

28 Abraham, qa Isaak, qa Jakob, qa wicašta wokcan owasin Wakantanka tokiconze kin en opapi tohan wandakapi, qa niyepi kin tankan iyayeniyampi kinhan, wicaceya hihdakokokapi ko yuke kta.

29 Wiyohiyanpata, wiyohpeyata, waziyata, itokaga, hena-kiya eciyatanhan au, qa Wakan-tanka tokiconze kin en iyotan-kapi kta ce.

30 Unkan iho, ehake yakonpi kin hena tokaheyapi kta; qa tokaheyapi kin hena is ehake yakonpi kta ce, eya.

31 Unkan anpetu kin he en Pharisee kin wanjikji ekta hipi qa heciyapi; Detanhan ye ça token iyaya wo; Herod nikte kta cin.

32 Unkan hewicakiya; Yapi

qa sungidan kin he heciya po; Iho, anpetu kin de qa nakun heyakecinhan, wakan śica nape-wicawaye ça, wayazankapi kin asniwicawaye kta, qa anpetu icyamni kinhan mayuŝtanpi kta ce.

33 Takomni anpetu kin de, qa heyakecinhan, nakun iyokihe kin he en mawani kta iyececa; ecaeŝ Jerusalem itankan wicašta wokcan wanji te kte pica śni.

34 Jerusalem, Jerusalem, wicašta wokcan kin hena wicayakte, qa niye ekta u wicaŝipi qon hena inyan on wicayakininpi ece; eca ijehan anpaohotonma wan hupahu ohdateya cinca wicaptahi ece kin he iyecen niye nicinca kin wicacicipahi kta, tuka yacinpi śni.

35 Iho, yatipi kin otiwota ehpeniciyapi: qa, Tohanyan tuwe Itancan caje on u kin he yawaŝtepi nunwe, ehapi śni hehanyan wanmayadakapi kte śni, awicakehan eciciyapi ce.

WICOWOYAKE 14.

1 Unkan Pharisee itancan wanji ti kin en anpetu wakan icunhan wote kta tin iyaya; unkan Pharisee kin awanyag kuwapi.

2 Unkan iho, wicašta wan dropsi ececa kin he itokam yanka.

3 Hehan Jesus waayupte ça, wicoope aiapi kin, qa Pharisee kin hena hewicakiya; Anpetu wakan icunhan waasniyanpi kte cin iyowinwicakiyapi he.

4 Tuka inina unpi. Hehan wicašta qon eyaku, qa asniye, ça hdeŝi;

5 Qa waayupte, ça hewicakiya; Niyepi kin wanji tatanka qa is ŝonŝonna yatonpi, qa anpetu wakan icunhan makohdoka wan

ohinlipaye cinhan, wancake hdi-cuyakiyapi šni naceca he.

6 Unkan hena on ayuptapi kta okitpanipi.

7 Unkan wicakicopi kin wiya-cinpi wan owicakiyaka, oyanke tokapa ece kaŋnigapi kin he wanyake ɕehan; qa hewicakiya;

8 Tuwe tohan kiciyuzapi kin ekta nicopi kinhan, oyanke tokapa kin en iyotanke šni wo; okinni nikapeya kinihanpi wanji kicopi kta;

9 Kinhan, sakim nicopi kin he u, qa, Wicašta kin de kiyukan wo, eniciye cinhan, hehan hinakaha wowištenya oyanke haka-kta kin hec ekta idotanke kta ce.

10 Tuka nicopi kinhan ye, ɕa oyanke hakakta kin en iyotanka wo; hecen nico kin he tohan u kinhan, Koda, wankan wapa ya wo, eniciye kta; hecen om wota idotanke cin hena niyuonihanpi kta.

11 Tuwe kašta ihduwankantu kinhan, hee yuhukun iyayeyapi kta ce; qa tuwe ihduhukuye cinhan, hee yuwankantuya ayapi ece e kta.

12 Unkan hehan kico qon he heciya; Tohan wiyotanhan wotapi, qa iś litayetu wotapi yakage cinhan, kodawicayaye, ɕa nihunkawanji, qa takuwicayaye cin, qa nikiyedān wijinya unpi kin, hena wicakico šni wo; iś ake okinni nicopi, qa hecen nicicajujupi kta.

13 Tuka wotapi wan yakage cinhan, waŋpanicapi, qa huha ksawahanpi, qa huštepi, qa ištāgongapi kin, hena wicakico wo;

14 Kinhan niyawaštepi kta ce; hena nicicajujupi kta okitpanipi nakaes, owotanpidan kinipi kte cin ekta nicicajujupi kta ce, eya.

15 Unkan opeya wota yankapi

kin etanhan wanji hena hecen eya naŋon qehan, heciya; Wakankanka tokiconze kin en tuwe aguyapi yute kta hecinhan hee yawaštepi ce.

16 Unkan hehan heciya; Wicašta wan litayetu wotapi wan tanka kage, ɕa wicota wicakico:

17 Qa wotapi kta wanna iye-hantu, hehan taokiye wan wicakicopi qon hewicakiye kta ye ši; U po, wanna taku owasin wiyeya hiyeya ce.

18 Unkan owasin okonwanjidan ihdatokanpi. Tokaheya kin he heciya; Makoce onśpa opewaton, qa he wanhdag mde kta iyececa; ceciciya ce, micunni wo.

19 Unkan wanji tokeca heya; Tatanka tazaptan opewaton, qa iwicahdute mde kta; ceciciya ce, micunni wo.

20 Unkan wanji tokeca heya; Winohinca wan mduza, hecen wau owakitpani ce.

21 Unkan hecen ookiye qon he ku, qa heyapi kin yuhe cin ecen okiyaka. Unkan hinakaha tipi tawa kin šiŋda, qa taokiye qon heciya; Koyahan wo, qa otonwe canku kin ekta ye, ɕa waŋpanicapi kin, huha ksawahanpi, huštepi, ištāgongapi kin, hena den awicau wo, eya.

22 Unkan ookiye qon heya; Itancan kin, ehe cin he wanna ecen econpi, tuka nahāhin okan ce, eya.

23 Unkan Itancan kin ookiye qon heciya; Ocanku hince cin, qa maŋinatake ektakta ye, ɕa uwicakiya wo, hecen wati kin ojudan kta.

24 Heciciya ce; Wicakicopi qon wanjidan kaeś wowahe cin etanhan onśpadan yutapi kte šni ce, eya.

25 Unkan wicota linca kici

yapi; hehan ihduhomni qa he-
wicakiya;

26 Tuwe ekta mahi, qa atku-
ku, hunku, tawicu, cinca, sunka-
ku, tawinohtin kin, hena, qa iye
ni kin hees koya sicekida sni e-
hantanhan, waonspewicawakiye
cin wanji ee kta okitpani ce.

27 Qa tuwe kašta cansusbeca
kin kicin, qa miyahna u sni e-
hantanhan, waonspewicawakiye
cin wanji ee kta okitpani ce.

28 Niyepi kin wanji conkaške
yakagapi kta kecannipi ehan-
tanhan, ito tokaheya idotanka-
pi, qa yahduştanpi kte cin iyena
yatonpi hecinhan, he iyahdu-
kcanpi sni he.

29 Hecanonpi sni kinhan, okin-
ni oahehde kin he wanna eya-
hnakapi, qa yahduştanpi kte cin
oyakitpanipi kinhan, tona wan-
yakapi kinhan owasin inihapi,
qa heyapi kta;

30 Wicašta kin de taku kage
kta, tuka hduştan kta okihi sni
ce.

31 Qa nakun wicaştayatapi wan
wicaştayatapi tokeca azuye kte
cinhan, ito tokaheya iyotanke,
ça iye kektopawinge wikcemna
wicayuhe cin hena on, tuwe ke-
ktopawinge wikcemna nonpa
yuha takpe u kin he itkokipa
okihi kta hecinhan, he ihdukcan
sni naceca he.

32 Qa is, unma kin hinahin ite-
han un, tuwe ekta ye si, qa wo-
kiyapi kida naceca.

33 Iho, he iyecen niyepi kin
tuwe taku yuhe cin owasin tpa-
gan sni ehantanhan, waonspewi-
cawakiye cin wanji ee kta oki-
tpani ce.

34 Miniskuya he wašte; tuka
miniskuya woskuye kin en un
sni ehantanhan, taku ecin on
skuya kagapi kta he.

35 Maga qa watuškseca paha

kin unmana on wašte sni; tuka
tankan elipeyapi ece. Tuwe
nogé winahon yukan hecinhan,
nahon kta ce.

WICOWOYAKE 15.

1 Unkan hehan wamnayanpi
qa wahtanipi sa, hena owasin
nahonpi kta e on en ahi.

2 Unkan Pharisee kin wowapi
kagapi ko ikapapi qa heyapi;
Wicašta kin de wahtanipi sa
iyowinwicakiye ça om wota ece.

3 Hehan wiyacinpi kin de owi-
cakiyake ça heya;

4 Niyepi kin etanhan wicašta
wanji tahinca wanunyanpi opa-
winge wicayuhe ça, wanjidan
kitanin sni kinhan, wikcemna
napcinwanka sanpa napcinwan-
ka kin hena makotahedan en
awicayuştan, qa tanin sni qon
he tohanyan iyeye sni hehanyan
okide sni naceca he.

5 Qa tohan iyeye cinhan, wi-
yuşkinyan hiyete akan akionpa
ece.

6 Qa wanna tiyata ki eca, ko-
dawicaye ça, ikiyedani tipi kin
hena witaya wicakico, qa hewi-
cakiya; Miciiyuşkin po, tahinca
wanunyanpi wan makitanin sni
qon he wanna iyewakiya ce.

7 Heciciyapi ce; he iyecceca,
wahtanipi sa wanjidan iyopeici-
ya eca, mahpiya ekta wiyuşkin-
pi ece e kta, wicašta owotanna
qa woahitani on iyopeiciyapi kta
iyeccecapa sni wikcemna napcin-
wanka sanpa napcinwanka on
iyecen wiyuşkinpi kte sni.

8 Qa nakun winolinca tuwe
kaşpapidan wikcemna yuhe, ça
wanji togelipekiye cinhan, he-
cen petijanjan ideye, ça tipi kin
kahinte, ça tohan iyekiye sni
kin hehanyan okide sni naceca
he.

9 Qa tohan wanna iyeye cinhan, kodawicaye cin, qa ikiyedan tipi kin hena witaya wicakico qa hewicakiya; Miciiyuskin pe, kasapipidan toki elipewakiye ciqon he wanna iyewakiya ce.

10 He iyececa wahtanipi sa wanjidan iyopeiciya eca, on Wakantanka taohnihde kin wicitokam wiyuskinpi ece, eciciyapi ce.

11 Unkan heya; Wicašta wan cinhintku nonpa.

12 Unkan hakakta kin he atkuku kin heciya; Ate, woyuha mitawa kte cin he micu wo. Unkan woyuha kin akipam wicaqu.

13 Unkan iyohakam anpetu tonana hehan cinhintku hakakta qon he taku owasin witaya tpa-hi, qa itehanyan makoce wan ekta icimani iyaya: qa hen šica-ya oħanyanpi kin on taku yuhe cin hduťakuni šni.

14 Unkan wanna owasin hduťsote čehan, makoce kin he en wicaakihan tanka icaga; hehan iye wicakiš un.

15 Qa makoce kin hen unpi kin wanji ekta ye ča kici yanka: unkan he kukuše wo wicaqu kta e maga kin ekta ye ši.

16 Unkan omnica kukuše yutapi kin hee etanhan wipičiye wacin; tuka tuwedan takudan qu šni.

17 Unkan içiksuye čehan heya; Ookiye opetonpi heca aguyapi iyakičuya yuhapi kin tona ate wicayuha hwo; qa miye e wotektehdapi on atakuni šni amayan ce.

18 Ito nawajin qa ate ekta wahde kta, qa hewakiye kta; Ate, mahpiya kin en, qa niye nakun nitokam wawahtani;

19 Qa detanhan cincamayaye

kta iyemacece šni; wicašta ope-
wicayaton kin he iš wanji iye-
ceca makaga wo, epe kta ce.

20 Unkan najin hiyaye ča atkuku kin ekta hda. Tuka nahahin itehan atkuku wanhdake ča on-
šikida, qa ekta inyang ye ča, poskin hduze ča i itputaka.

21 Unkan cinhintku kin heciya; Ate, mahpiya kin en qa niye nitokam wawahtani; qa detanhan cincamayaye kta iyemacece šni ce.

22 Tuka atkuku taokiye kin hewicakiya; Šina iyotan wašte kin he aupi qa inkiya po; qa mazanapcupe wan nape kin en iyeikiya po, qa hanpa ohekiya po:

23 Qa ptejicadan cemyapi kin he den aupi qa kte po; waunta-
pi qa unkiyuskinpi kta ce:

24 Micinkši kin de řa, tuka kini; tanin šni, tuka iyeyapi ce, eya. Unkan hinnakaha wi-
yuskinpi.

25 Tuka cinhintku tokapa qon he magata un; unkan ti kiyedan ku hehan dowanpi qa waci-
pi nahon.

26 Unkan ookiye wanji kipan, qa token he kapi hecinhan he iwanga.

27 Unkan heciya; Nisunka hdi; unkan ni un, qa zaniyan hdi kin on etanhan niyate pteji-
cadan cemyapi qon he kikte ce, eya.

28. Unkan hecen šiħda, řa tin kihde wacin šni: hehan atkuku kin tankan hiyu, qa cekiya.

29 Unkan waayupte ča atkuku kin heciya; Wanyaka wo, wan-
na waniyetu ota ociciye ča to-
hinni nioie kawape šni; hececa ešta kodawicawaye cin om wi-
nduskin kta e tacincadan wan tohinni mayaqu šni.

30 Tuka ničinkši witkowi-
npi kin om woyuha nitawa kin tem-

niciye cin de hdi ca, wancake ptejicadan cemyapi kin he yeci-
cafa ce, eya.

31 Unkan heciya; Cinś, ohin-
niyan mici yaun, qa taku mita-
wa kin he iyulipa nitawa.

32 Nisunka kin de ɤa, unkan
kini; tanin śni, unkan iyeyapi
kin, on etanhan ito cante unwa-
štepi, qa unkiyuśkinpi kte cin he
hecetu ce.

WICOWOYAKE 16.

1 Hehan waonspewicakiye cin
hewicakiya; Wicaśta wijica
wanji waawanyake wan yuha;
unkan he yuhe cin woyuha tawa
yutakuni śni ce, keya okiyakapi.

2 Hehan kico qa heciya; Taku
eniciyapi kin de toketu he;
waawandake cin ito ohdaka wo;
wanna waawandake cin aduśtan
kta ce.

3 Unkan waawanyake cin can-
te mahen heya; Token ecamon
kta he; waawanmdake cin he
mayuhe cin imicicu; mahqapi
kin owakitpani, qa timatayapi
kin he imašteca.

4 Taku ecamon kte cin he
sdonwakiya, heon tohan waa-
wanmdake cin he etanhan he-
yata iyemayanpi kinhan, tipi kin
en tin hiyumayanpi kta ce.

5 Unkan hecen yuhe cin tona
ikicazopi qon owasin wicakico,
qa tokaheya kin he heciya; Ma-
yuhe cin tona nahalin yecu śni
he.

6 Unkan, Wihdi iyutapi opa-
winge ce, eya. Unkan heciya;
Koyahanna wowapi nitawa kin
ehdaku, qa iyotanke, ɤa wikce-
mna zaptan e okiwa wo.

7 Unkan wanji tokeca hehan
heciya; Qa niś tona nahalin ye-
cu śni he. Unkan, Aguyapisu
iyutapi opawinge ce, eya. Unkan

heciya; Wowapi nitawa kin
ehdaku, qa wikcemna śahdogan
e okiwa wo.

8 Unkan yuhe cin waawanya-
ke owotanna śni kin yaonihan,
okiksamya econ kin heon etan-
han: maka kin de cincapi kin
iwicacage cin en iyoyanpa cinca
kin isanpa ksapapi ece.

9 Unkan miś heciciyapi; Wo-
yuha owotanna śni kin on tawa-
śitku icicaga po; hecen tohan
niye oniɤihihi śni kinhan, iye
tipi owihanke kte śni en tin hi-
yuniciyapi kta ce.

10 Tuwe taku iyotan cistinna
on wicaka hecinhan, hee taku
ota nakun on wicaka ece; qa
tuwe taku iyotan cistinna kin
on owotanna śni hecinhan, hee
taku ota kin nakun on owotanna
śni ece.

11 Hecen woyuha owotanna
śni kin he on wicayakapi śni
ehantanhan, wicake cin he tuwe
ecin yuheniciyapi kta he.

12 Qa wicaśta tokeca taku
tawa kin on wicayakapi śni
ehantanhan, niye nitawapi kin
hee tuwe ecin niɤupi kta he.

13 Ookiye kin tuwedan yuhe
cin nonpa en wowidagiɤiye kta
okihi śni; wanji śicedake kta,
qa unma iś waśtedake kta; qa
iś wanji en iyaihdaśke kta, qa
unma kin iś ekta ewacin kte
śni. Wakantanka qa mammon
napin en wowidagniciyapi kta
oyakihipi śni ce.

14 Unkan Pharisee kin wakon-
pi kin, hena owasin nahonpi; qa
wowihayapi.

15 Unkan hewicakiya; Wica-
śta kin wicitokam ihdaowotanpi-
dan kin he niyepi; tuka Wakan-
tanka nicante ozepi kin he sdon-
niyanpi ce: ecaeś wicaśta ekta
taku takudapi hince cin hee Wa-
kantanka waħteda śni ece.

16 Woose qa wicašta wokcan kin hena Johannes hehanyan; tuka hetanhan Wakantanka to-kiconze kin oyakapi ece, qa owasin en opapi kte hinca.

17 Mahpiya maka ko tokan iyaye kte cin he aoptetu, qa woose oowa wanjidan kaeš yu-ecetupi kte šni kin hee tehika ce.

18 Tuwe tawicu elipekiye qa wanji tokeca yuze cinhan, hee wawicihahapi econ ece: qa hihaku elipeye cigon he tuwe yuze cinhan he wawicihahapi econ ece.

19 Wicašta wanji wijica, he wokoyake stan qa minihuha zimzipedan ece koyaka, qa anpetu otoiyo wi yuškinyan un.

20 Nakun wicašta wahpanica wan Lazaros eciyapi, he tatiyopa kin en ahionpapi, tancan owancaya hidihi;

21 Qa wicašta wijica wahna wotapi tawa kin etanhan ošnašna hinhpaye cin hena yunkiyapi kta cin. Tuka šunka kin en ahi, qa ohidihi kin sdipapi.

22 Unkan wahpanica kin he ťa; qa mahpiya ohnihde kin Abraham maku kin ekta ayapi. Wicašta wijica qon is eya ťa, qa liapi.

23 Unkan wakanšica tipi kin en kakiš yanke čehan, wankan etonwe, ča tehan tanhan Abraham wanyaka; qa maku kin ohna Lazaros yanka.

24 Unkan heya niyan; Ate Abraham, onšimakida qa Lazaros u ši wo, napsukaza inkpa kin mini en oputkan qa ceji makasni kta; oide kin de ohna makakija ce.

25 Tuka Abraham heya; Cinš, yani qon he ehan taku waštešte yahduha, qa Lazaros taku šiksi-ca yuha, he kiksuya wo; tuka

nakaha iye kicanptapi qa niye kakišniyanpi.

26 Qa nakun unkiyotahedan kaksiza wan tanka yanka; hecen tona deciya tanhan niye ekta ye wacinpi keš okitpanipi ece; qa nakun heciya tanhan den ekta unhipi kta okitpanipi ece.

27 Hehan heya; Heon ate, ceciciya ce, ate ti kin ekta ye yaši kta;

28 Misunka zaptan, hena wovicakiyake kta; is eya okinni wokakije kin de en upi nun ce.

29 Abraham heciya; Moses qa wicašta wokcan kin hena yuhapi; hena is anawicagoptanpi ešta šni.

30 Tuka heya; Hiya, ate Abraham: tuka ťapi kin eciyatanhan wanji ekta wicai unkanš, ihdu-ecetupi kta tuka.

31 Unkan heciya; Moses qa wicašta wokcan kin hena anawicagoptanpi šni ehantanhan, ťapi kin eciyatanhan wanji kini qeyaš, nakun wicadapi kte šni ce, eya.

WICOWOYAKE 17.

1 Hehan waonspewicakiye cin hewicakiya; Wahitaniyapi kin u kte šni pica šni; tuka tuwe eciyatanhan hena u kinhan, hee wotehi kiciyanka ece.

2 Dena cikeistinpidan kin tuwe wanji wahitanie cinhan he inyan wiyukpan wanji tahu kin en napinkiyapi, qa miniyowanca kin oiyołpeyapi unkanš, eeš wašte kta tuka.

3 Iwanihdaka po. Nisunka šicaya ecanicon kinhan kišica wo, qa iye iyopeiciye cinhan, kicicajuju wo.

4 Qa šakowin akihde anpetu wanjidan šicaya ecanicon, qa šakowin akihde anpetu wanji-

dan niye ekta ihduhomni, qa, Iyopemiciya ce, eniciye cinhan, hecen yecicajuju kta ce, eya.

5 Unkan wahošiyapi kin Itancan kin heciyapi; Wacinunyanpi kin unkiciyusanpa miye.

6 Unkan Itancan kin heya; Sinape sukaza wan iyecen wacin-yayapi kinhan, sukamin can kin de, Hute ihdamna qa miniwanca kin en huicihde wo, eyakiyapi kta, kinhan ananigoptanpi kta tuka.

7 Tuka niyepi kin wanji tukte taokiye wan yuha, mahyumdu qaiš wanunyanpi wiħanwicakiya un, qa tokešta maga kin eciya-tanhan hdi kinhan, Iho wo, ye a wota iyotanka wo, eciye kta he.

8 Qa iš kaken, Woyute wiyeya micihnake a, ipiyagkiton qa omakiya wo; qa miš tohan wawate a wamdatke cinhan, iyo-hakam niš ito wayate a wada-tke kta ce, eciye kte šni he.

9 Hecen ookiye kin he taku econ šipi kin ecen econ kin, on etanhan wopida eciye kta he. Hepce šni ce.

10 Niš eya iyecen taku token econ nišipi kin, owasin ecen duštanpi kinhan, heya po; Ookiyewakamna šni kin heuncapi; taku econkupi kta iyecece cin heceedan econkupi ece.

11 Unkan Jerusalem ekta ye ehan, Samaria qa Galile coka-ya iyoopta iyaya.

12 Qa otonwe wan en i qehan, wicašta wikcemna lepros ececapi itkokipapi, qa itehan hinajinpi:

13 Qa ho wankan iyeyapi qa heyapi; Jesus, Itancan, onšun-kida miye.

14 Unkan wanwicayake ehan, hewicakiya; Wawayušnapiki kin ekta wicaya po, qa wan-

yagiciya po. Unkan ekta yapi icunhan akisnipi.

15 Unkan wanji wanna asni sdotkiye ehan, ihdamna, qa hotankakiya Wakantanka yaonihan;

16 Qa siha kin en ite makipuskin ehpeiciye a, wopida eciya: unkan he Samaria wicašta kin heca.

17 Unkan Jesus waayupte a heya; Wikcemna asniwicayapi šni he: tuka napeinwanka kin hena tokiya unpi he.

18 Wakantanka yaonihan kta hdi pi kin tuwedan iyeyapi šni, oyate tokeca etanhan kin de išnana ce.

19 Hehan heciya; Najin qa hda wo; wicayada kin he asni-nyan ce.

20 Unkan Pharisee kin iš Wakantanka tokiconze kin he tohan hiyohi kta hecinhan, he iwangapi qehan, waayupte a hewicakiya; Wakantanka tokiconze kin he wowanyake on hi kte šni.

21 Nakun, Iho, dee ce, qa iho, kae ce, eyapi kte šni: Wanyaka po, Wakantanka tokiconze kin he mahen niunpi ece.

22 Hehan waonspewicakiye cin hewicakiya; Anpetu wan hiyohi kta, Wicašta Cinhintku kin anpetu tawa kin wanji wandakapi kte šni.

23 Qa, Iho dee, qa iho kae ce, eniciyapi kta; tuka wiciyahna yapi šni po, qa owicapapi šni po.

24 Wakanhdi mahpiya ihukuya tokiyatanhan wiyatpa u, qa mahpiya ihukuya unma ekta iya-hde ece kin he Wicašta Cinhintku anpetu tawa kin en iyecece kta.

25 Tuka ito tokaheya taku ota on iyotanhan iyekiye kta, qa

wicoicage kin de on heyata iye-yapi kta ce.

26 Unkan Nowa taanpetu qon en token unpi qon, Wicašta Cinhintku taanpetu kin en he iye-cece kta.

27 Nowa wata kin en okipe ciqon anpetu kin hehanyan wotapi, qa wayatkanpi, tawicutonpi, qa hihnatonpi ece; unkan minitan u, qa owasin owihan-kewicaya.

28 Qa nakun Lot anpetu tawa qon en is eya iyececa, wotapi, qa wayatkanpi, wopetonpi qa wiyopeyapi, wojupi qa ticagapi ece:

29 Tuka Lot Sodom etanhan tankan hinape ciqon anpetu kin hee hinca en malpiya kin eci-yatanhan peta, mazakan noge iyuwintapi kin ahna hinhe, qa owasin owihankewicaya.

30 Wicašta Cinhintku kin yuo-taninpi kte cin he iyecece kta ce.

31 Anpetu kin he en tuwe tipi akan yanke qa tawahpaya tima-hen hiyeye cinhan, kun ku qa ehdaku kte sni; qa tuwe maga-ta un kinhan, is eya taku hekta un kin ekta ihdamna kte sni.

32 Lot tawicu qon he kiksuya po.

33 Tuwe wiconi tawa kpatan cin kinhan, he toki elpekiye kta; qa tuwe wiconi tawa toki elpe-kiye cinhan, hee hduhe kta.

34 Heciciyapi ce; Hanyetu kin he en wicašta nom owinja wanjidan akan wankapi kta; wanji icupi kta, qa unma kin is elpeyapi kta.

35 Winyan nonpa akipitan wotpan unpi kta; wanji icupi kta, qa unma kin is elpeyapi kta.

36 Wicašta nom magata unpi kta; wanji icupi kta, qa unma kin is elpeyapi kta ce.

37 Unkan waayuptapi qa heci-yapi; Itancan, tukte etu he. Unkan hewicakiya; Tukten wicatanca wanka eca, hen wamdi kin kawitaya immiciyapi ece e kta.

WICOWOYAKE 18.

1 Unkan wicašta kin ohinni-yan wocekiye eyapi kta, qa iya-kicunnipi kte sni e on wiyacin-pi wan owicakiyaka;

2 Qa heya; Otonwe wan en wiyukcan wanji Wakantanka kokipe sni, qa nakun wicašta wicakinihan sni.

3 Unkan otonwe kin he en wi-wazica wan, he wiyukcan kin ekta hi qa, Makipajin kin he to-micicon ye, eya.

4 Unkan tokaheya econ wacin sni; tuka ocim cante mahen heya; Wakantanka kowakipe sni, qa nakun wicašta kin wica-wakinihan sni qeyas;

5 Wiwazica kin de nagiyema-ye cin on etanhan ito toweci-con kta; okinni ohinni hecetu u kinhan wacin iyokisinmaye kta na-ceca ce.

6 Unkan Itancan kin heya; Wiyukcan owotanna sni ie cin he nahon po.

7 Unkan Wakantanka tona wi-eakahnige, qa anpetu hanyetu ko ceki-yapi kin, hena tehan towica-kicicon sni qeyas, ocim econ kte sni he.

8 Ihnuhanna towicakicicon kta, eciciyapi ce. Tuka Wicašta Cinhintku kin he tohan hi kinhan, maka akan wacinyanpi iyeye kta he.

9 Unkan apa iye olan owotan-na icidapi, qa token kin walite-wicadapi sni kin, hena wiyacin-pi kin de owicakiyaka.

10 Wicašta nonpa tipi wakan kin ekta cekiya ipi; unma kin

Pharisee heca, qa unma ís wamnyanpi kin heca.

11 Unkan Pharisee kin isnana najin, qa kaken wocekiye eya; Wakantanka, wicašta tokeca iyemacece šni, wawicakipi sa, ohan owotanpidan šni, wawiciahapi econpi sa, qa wamnaye cin dee kaes iyemacece šni heon wopida eciciya.

12 Anpetu wakan okitahedan nonpa akilhanmiciye ca taku mduhe cin owasin etanhan iwicemnamna kin wicawaqu ece.

13 Unkan wamnaye cin ís itehanyan inajin, qa íšta ee kaes wankan mahpiya kin ekta ikikeu šni; tuka maku kin ohna aicipe, ca heya; Wakantanka onšima-kida wo, wawahtani sa.

14 Wicašta kin de yuowotanpidan tiyata kihda, qa unma qon hee šni, eciciyapi ce: Qa tuwe ihduwankantuya kinhan, he yuhukun iyeyapi kta; qa tuwe ihduhukuye cinhan, hee yuwankan ayapi kta ce.

15 Unkan hokšiyooqopa kin nakun wicayutan kta e en awicahipi tuka waonspewicakiye cin he wanyakapi qehan, wicakišicapi.

16 Tuka Jesus wicakico, qa heya; Hokšiyooqopa kin ekta mahipi kte cin iyowinwicakiya po, qa tehindapi šni po; Wakan-tanka tokiconze kin he hececapi etanhan ece.

17 Wowicake eciyatanhan heciciyapi; Tuwe hokšiyooqopaiyecceca Wakantanka tokiconze kin icu šni kinhan, he tokadan en ope kte šni ce.

18 Unkan wicašta ihdawa wanji wiwange ca heya; Waonspekkiye wašte, token ecamon, qa owihanke wanin wiconi ohimiciye kta he.

19 Unkan Jesus heciya; Toke-

ca e wašte emayakiya he; tuwedan wašte šni; Wakantanka hecedan wašte.

20 Woahope kin hena onnispe; Wawiciahapi ecanon kte šni; Tin wicayakte kte šni; Wamayanon kte šni; Woitonšniyan wodake kte šni; Niyate nihun kici wicahduonihan wo.

21 Unkan heya; Macistina ehantanhan hena owasin ahowapa ce.

22 Unkan Jesus hena nañon qehan heciya; Nahanlin taku wanji iyotpani yaun; taku yaton kin owasin wiyopekiye ca walipanicapi kin wicakipamni wo, kinhan mahpiya ekta woyuha duhe kta ce; hehan u qa mihakam un wo.

23 Unkan he nañon qehan nina iyokišica; wijice hinca nakaes.

24 Unkan nina wacin iyokišice cin he Jesus wanyake cehan, heya; Wowijice tonpi kin hena Wakantanka tokiconze kin en yapi kte cin he tehike hinca.

25 Wicašta wijica wan Wakantanka tokiconze kin en ye kte cin he tehika, qa kamel heca wanji tahnšpaciqadan olidoka kin ohna ye kte cin hee kaes aoptetu ce.

26 Unkan tona he nañonpi kin hena heyapi; Hehan tuwe ni kta he.

27 Unkan heya; Wicašta kin ekta taku econpica šni kin, he Wakantanka ekta econpica ece.

28 Unkan Inyan heya; Iho, unkiš taku owasin untpaganpi, qa niyahna unyakonpi ce.

29 Unkan hewicakiya; Awicakehan heciciyapi ce, Wicašta kin tuwe ti kin, qa hunkakewicaye cin, qa hunkawanjitku, qa tawicu, qa cinca, hena wanji Wakantanka tokiconze kin on kpagan kinhan,

30 Hee dehan nakaha taku

sanpa ota yuhe kta, qa wiconi u kte cin he en wiconi owihanke wanica yuhe kta ce.

31 Unkan akenonpapi kin ewicayaku qa hewicakiya; Iho, Jerusalem ekta unyanpi, qa wicašta wokcan Wicašta Cinhintku kin on token owapi qon owasin yuecetupi kta.

32 Oyate tokeca napepi kin en wicaqupi kta; hecen ištenyapi, qa wawicanksiya kuwapi, qa atagošapi kta;

33 Qa kapsinpsintapi qa țeyapi kte; unkan anpetu iyamni kinhan kini kta ce, eya.

34 Unkan ecaca okañinigapi šni, qa oie kin de anawicakihmanpi, qa taku oyakapi kin sdonyapi šni.

35 Unkan Jeriko ikiyedan wanna u qehan, wicašta wan išttagonge canku icahda wada yanka.

36 Unkan wicota ahiyaye cin he nañon qehan, he token kapi hecinhan he iwicawanga.

37 Unkan, Jesus Nazareth etanhan kin he hiyaya ce, eya okiyakapi.

38 Unkan hotankakiya heya; Jesus Dawid Cinhintku kin onšimakida wo.

39 Unkan tokahanpi kin hena iyokipi šni, inina yanke kta; tuka heon iyotan, hotankakiya heya; Jesus Dawid Cinhintku kin onšimakida wo.

40 Unkan Jesus inajin qa aupi kta kewicakiya. Unkan wanna kiyedan u qehan, wiwange ɕa,

41 Token ecacicon kta yacin he, eya. Unkan iye, Itancan, watonwe kta, eya.

42 Unkan Jesus heciya; Tonwan wo, wacinyaye cin he niniyan ce.

43 Unkan wancake tonwe ɕa iyahna hiyu, qa Wakantanka

yaonihan: unkan oyate kin he wanyakapi qehan, owasin Wakantanka yatanpi.

WICOWOYAKE 19.

1 Unkan Jeriko en i, qa iyoopte iyaya.

2 Unkan iho, wicašta wan Zakeus eciyapi, wamnayanpi itancan kin wanji hee, qa wijica.

3 Unkan Jesus tuwe kin hecinhan he wanyag akita; tuka tancan ptecedan, hecen wicota kin on tokadan okihi šni.

4 Unkan tokata inyang ye ɕa sukamin can wanji adi, wanyake kta e heon, hen hiyaye kta nakaes.

5 Unkan Jesus wanna ehan i qehan, wankan etonwe ɕa wanyaka, qa heciya, Zakeus koyahanna kun hɕicu wo, anpetu kin de yati kin en ito manke kta ce.

6 Unkan koyahanna kun ku, qa iyuškinyan iyowinkiya.

7 Unkan he wanyakapi qehan owasin ikapapi qa heyapi, Wicašta wan wahtani sa he kici wote kta iyaya ce.

8 Unkan Zakeus najinhan najin qa Itancan kin heciya; Itancan wanyaka wo, woyuha mitawa kin hanke walipaniciapi kin wicawaqu ece; qa tuwe oitonšniyan taku iwecicu kinhan, topa akihde wecu kta ce.

9 Unkan Jesus heciya; Anpetu kin de wanikiyapi tipi kin de hiyohi; Abraham cincaye cin wanji hee nakaes.

10 Wicašta Cinhintku kin taku atakuni šni qon, he akite ɕa niye kta e heon hi ce, eya.

11 Unkan hena nañonpi qehan nakun wiyacinpi wan owicakiyaka; wanna Jerusalem ikiyedan un, qa Wakantanka toki-

conze kin ecadan u kta kecinpi kin heon etanhan :

12 Qa heya ; Wicašta ihdawa wan makoce itehan wan ekta iyaya, wokiconze icu qa ku kta.

13 Unkan taokiye wikcemna wicayuhe cin, hena wicakico, qa mazaska tkeutapi wikcemna wicaqu, qa hewicakiya ; Tohan-yan wahdi šni hehanyan un po.

14 Tuka taoyate kin wahte-dapi šni, qa tuwe iyahna yešipi, qa heyapi ; Wicašta kin de un-kidakapi kta uncinpi šni ce.

15 Unkan wokiconze kin icu qa hdi qehan, taokiye mazaska wicaqu qon hena wicakicopi kta keya ; wopetonpi kin on tona wanna hdamnanpi hecinhan, he sdonye kta.

16 Unkan tokaheya kin he u, qa heya ; Itancan kin, mazaska nitawa qon, he wanna mazaska wikcemna kamna ce.

17 Unkan heciya ; Han, ookiye niwašte ; taku tonana on wacin-yepica yaun, heon etanhan ito otonwe wikcemna idaka wo.

18 Unkan iyokihe kin he u, qa heya ; Itancan kin, mazaska nitawa qon, he wanna mazaska zaptan kamna ce.

19 Unkan is eya heciya ; Niš otonwe zaptan idaka wo.

20 Unkan wanji tokeca u, qa heya ; Itancan kin, wanyaka wo, mazaska nitawa wanapin ohna yuha waun, he dee :

21 Wicašta nišake cin heon kocicipa ce ; taku eyahnake šni kin, he ece edaku ; qa woyaju šni kin he ece duksa ce, eya.

22 Unkan heciya ; Nii kin eci-yatanhan ciyaco kta, ookiye winicaštašni ; wicašta mašake cin he sdonyaya ; taku ewehnake šni kin he ece emdaku, qa woyaju šni kin hee mduksa ece.

23 Hecen tokeca mazaska mi-

tawa kin he iciyopekiciyapi kin en ade šni he ; kinhan wahdi kin ekta mitawa kin oicage ahna weca kta tuka ce.

24 Hehan hen najinpi kin hena hewicakiya ; Mazaska kin he ikicicipi qa tuwe mazaska wikcemna yuhe cin hee qu po.

25 Unkan heciyapi ; Itancan kin, he wanna mazaska wikcemna yuha ce.

26 Tona taku yuhapi kin hena owasin nakun wicaqupi ece e kta ; qa tuwe taku yuhe šni kinhan, taku yuhe cin hee kaeš ekiciyakupi kta ece, eciciyapi ce.

27 Tuka tokamayanpi iwicawadake kta cinpi šni qon hena den awicaupi qa mitokam wicakte po, eya ce.

28 Unkan hena hecen eye ce-han, tokata ye ça Jerusalem ekta itawankanhdē iyaya.

29 Qa Bethphage qa Bethani, paha wan Oliwe eciyapi kin, he wanna ikiyedān ehan i qehan, waonspewicakiye cin etanhan nonpa ye wicaši ;

30 Qa heya ; Otonwe iyotakons wanke cin he ekta ya po ; qa tokaheya en yaipi kinhan šukcincadan wan iyeyayapi kta, wicašta tuwedān tohinni akan iyotanke šni ; he kiyuškapi qa aku po.

31 Qa, Tokeca yakiduškapi he, tuwe eya iniwangapi kinhan, niš hehan, Itancan kin cin ce, eyakiyapi kta.

32 Unkan ye wicaši qon hena iyayapi, qa token ewicakiye cin ecen iyeyapi.

33 Unkan šukcincadan kiyuškapi icunhan, tuwe tawapi kin hena hewicakiyapi ; Tokeca yakiduškapi he.

34 Unkan, Itancan kin cin ce, eyapi.

35 Unkan Jesus kahdipi; qa wokoyake tawapi kin súkcinea kin aihpeyapi, qa Jesus akan yankekiyapi.

36 Qa ye cin tahepi canku ohna wokoyake kin hdumdayapi.

37 Unkan ikiyedán Oliwe paha kin apamahde iyayapi kin hehan wanna i qehan, waonspewicakiya wicota owasin, wicowaśake wicohan wanyakapi qon owasin on etanhan hinakaha iyuśkinpi, qa hotankakiya Wakantanka yatampi,

38 Qa heyapi; Wicaśtayatapi tuwe Itancan caje kin on u kin he yawaśtepi ce; mahpiya ekta wookiye, qa iyotan wankantu ekta wowitan un nunwe.

39 Unkan Pharisee wicota en opapi qon apa heciyapi; Waonspekiye cin, waonspewicayakiye cin wicakiśica wo.

40 Unkan waayupte ça hewicakiya; Dena inina unpi kinhan, inyan kin wancake howaye kta ce, eciciyapi ce.

41 Unkan wanna ikiyedán u, qa otonwe wanyake çehan, aceye, ça heya;

42 Niye kin anpetu nitawa kin de en taku on wookiye duhe kte cin sdonyakiya unkanś: tuka wanna icimana iśta on wanyahdake kte śni.

43 Anpetu kin hiyonihipi kta, tona tokaniyanpi kin nihdukśan maka qapi, qa okśan niyankapi kta, qa ohomni ohinniyan anapte nanijinpi kta:

44 Qa makata ehpeniyanpi kta, nicinea en niunpi kin hena koya; qa inyan nonpa icitakilna wanke śni ehpeniyanpi kta; anpetu en taku wašte nihiyohipi kin he sdonyakiye śni heon etanhan.

45 Unkan tipi wakan kin en tin iyaye, ça tona ohna wiyope-

yapi, qa wopetonpi qon, hena tankan elipewicaya;

46 Qa hewicakiya; Tipi mitawa kin he wocekiye tipi, eya owapi qon; tuka niye owamanonpi kin heca yakagapi ce.

47 Unkan anpetu iyohi tipi wakan kin ohna waonspekiya. Tuka wawayuśnapi itancanpi, qa wowapi kagapi, qa oyate kin en wicaśta ihdawapi kin, hena țeyapi kta akitapi;

48 Tuka token econpi kta takudan iyeyapi śni; oyate kin owasin oie kin nahonpi kta cinpi ece.

WICOWOYAKE 20.

1 Unkan anpetu kin hena wanjiji en tipi wakan kin ohna oyate kin waonspewicakiye, ça wootanin wašte kin he oyake çehan, wawayuśnapi itancanpi, qa wowapi kagapi, qa wicalincapi kin, hena ekta ahi,

2 Qa okiyapi, qa heciyapi; Tunkte wicookihi on dena decen ecanon he; qa wicookihi kin de tuwe e niçu hecinhan, unkoki-yaka po.

3 Unkan waayupte ça hewicakiya; Miś eya taku wanji iciwangapi kta; he amayupta po:

4 Johannes baptem wicaqu qon he mahpiya eciyatanhan, qa iś wicaśta kin eciyatanhan, unma tukte he.

5 Unkan iye iyakitedan iapi, qa heyapi; Mahpiya kin eciyatanhan ce, unkeyapi kinhan, Tokeca wicayadapi śni he, eye kta:

6 Tuka, Wicaśta kin eciyatanhan, unkeyapi kinhan, oyate kin inyan on unkininpi kta; Johannes wicaśta wokcan kin heca kecinpi.

7 Unkan ayuptapi, qa tokiyatanhan un kin sdonyapi śni, keyapi.

8 Unkan Jesus hewicakiya ; Miś eya wicookihi tukte on dena ecamon kin nakun ociciyakapi kte śni ce.

9 Hehan wiyacinpi kin de oyate kin owicakiyaka : Wicašta wan hastanhanka iyuwi maga wan oju, qa maḥkicanyanpi kin heca owicaqu, qa makoce itehan wan ekta tehan yanka.

10 Unkan wanna iyehantu qehan, taokiye wanji hastanhanka iyuwi maga waskuyeca kin etanhan qupi kta e, maḥkicanyanpi qon ekta yeśi ; tuka maḥkicanyanpi qon kaštakapi, qa cokadan hdeśipi.

11 Unkan ake taokiye wanji tokeca yeśi ; unkan iś eya kaštakapi, qa śikśicaya kuwapi, qa cokadan hdeśipi.

12 Unkan akeś iyamni wanji yeśi ; unkan iś eya taopi, qa tankan eḥpeyapi.

13 Hehan hastanhanka iyuwi maga tawa kin heya ; Token ecamon kta he. Micinkśi waštewakidake cin, hee yewaśi kta ce ; okinni he wanyakapi kinhan yuonihanpi kta.

14 Tuka maḥkicanyanpi kin he wanyakapi qehan, iye iyakitedan iapi, qa heyapi ; Tawaye kte cin he dee ce ; iho po, unktepi kta ; hecen unkiye tawanyanpi kta ce.

15 Hecen hastanhanka iyuwi maga itankan eḥpeyapi, qa ktepi. Heon etanhan hastanhanka iyuwi maga tawa kin token ecawicakicon kta he.

16 Ito ku kta, qa maḥkicanyanpi kin hena owihankewicaye, qa hastanhanka iyuwi maga kin he token wicaqu kta ce, eya. Unkan he nahonpi qehan, Hece-tu śni ce, eyapi.

17 Unkan awicatonwe cehan heya ; Hecen wowapi en kagapi

qon he token kapi he ; Tipi kagapi kin inyan lieyata iyeyapi qon hee wanna oise en itancan icaga ce :

18 Qa tuwe inyan kin he ahinḥpaye cinhan kaḥuḥugapi kta ; qa iś inyan kin tuwe ahinḥpaye cinhan, hee pamdu kta ce.

19 Unkan wawayuśnapi itancanpi, qa wowapi kagapi kin, hena he ehan iyaliḥpayapi kta cinpi ; tuka oyate kin kowicakipapi ; wiyacinpi oyake cin he iye wicaka e iyukcanpi.

20 Unkan awanyag kuwapi, qa wanjikji iye owotanna konzapi kin hena iwanyakapi kta e ekta ye wicaśipi ; hecen oie kin iyaliḥpayapi, qa wicašta itancan towaśake qa tawacin kin en qupi kta.

21 Unkan hena wiwangapi, qa heyapi ; Waonspekiye cin, niye tanyan iyae, qa waonspeyakiya ece ; qa tuwedan en eyatonwe śni ; tuka Wakantanka ocanku tawa kin he awicakehan onspewicayakiya e sdonunniyanpi ce :

22 Iho, Kesar wamnayanpi kin unqupi, qa iś unqupi kte śni, unma tukte hecetu he.

23 Unkan wayupiya hnaye wacinpi kin he iwicayukcan, qa hewicakiya ; Tokeca iyutanmayayapi he.

24 Kaśpapidan wanji makipazo po. Akan owapi qa wakagapi kin de tuwe tawa he. Unkan ayuptapi qa ; Kesar tawa ce, eyapi.

25 Unkan hewicakiya ; Heon Kesar taku tawa kin hena Kesar kicu po ; qa Wakantanka taku tawa kin Wakantanka kicu po.

26 Unkan oyate kin wicitokam oie kin iyaliḥpayapi kte cin okitpanipi, qa waayupte cin he on inihanpi, qa inina hiyeya.

27 Hehan Sadukee ake wica-

WICOWOYAKE 21.

kini kta wanica keyapi kin hena wanjikji en hipi ; wiwangapi,

28 Qa heyapi ; Waonspekiye cin, Moses kaken wowapi unki-cagapi ; Tuwe cincu tawicu ton qa cinca nica ecen te cinhan, iye sunkaku tawicu qon hduze ça cincu cinca icañkiciciye kta ce.

29 Unkan hecen hunkawanjin-kiciyapi šakowin : unkan tokapa kin tawicu ton, qa cinca nica ecen ta.

30 Unkan iyokihe qon he hehan hduza ; tuka cinca nica ecen ta.

31 Unkan iyamni qon hduza ; qa šakowinpi qon owasin hecen hduzapi, qa ecen tapi ; unkan cinca nicapi.

32 Unkan ehake winohinca is eya ta.

33 Iho, hecen wicakini kte cin ekta šakowin hduzapi qon, hena tukte wanji tawapi kta he, eyapi.

34 Unkan Jesus waayupte, ça hewicakiya ; Maka kin de cinca kin tawicutonpi, qa hihnatonpi :

35 Tuka tona makoce kin he en opapi kte cin, qa wicate cin etanhan kinipi kta iyececa wicadakapi kin hena tawicu tonpi šni, qa hihnatonpi šni ece.

36 Qa nakun ake tapi kta okihipi šni ; tuka hena mahpiya ohnihde kin om akiyeececapi ece, qa wicakini kin he hena cinca kin on etanhan Wakantanka cincawicaya ece.

37 Unkan wicate cin hena kiniwicakiyapi kta, Moses hee kaeš can yuhaka ekta niciyaotaninpi ; Abraham Wakantanka tawa, qa Isaak Wakantanka tawa, qa Jakob Wakantanka tawa, Itancan kin eciye cigon he ehan.

38 Tona tapi kin hena Wakan-tanka tawapi šni, tuka ni unpi kin hena : owasin iye ekta ni unpi ece.

39 Unkan wowapi kagapi kin wanjikši hehan heciyapi ; Waonspekiye cin, tanyan eha ce.

40 He iyohakam tuwedan sanpa wiwanga tawatenye šni.

41 Unkan hewicakiya ; Token on Messiya Dawid Cinhintku kin eciyapi he.

42 Odowan wowapi kin en Dawid iye hinca heya ; Itancan kin Itancan mitawa kin heciya ; Mietapa kin ekta iyotanka wo,

43 Ecen tokaniyanpi kin hena nišihia oahe wicawakage kta ce.

44 Hecen Dawid Itancan eciya hecinhan, token on cinhintku kta he.

45 Unkan hehan oyate owasin nahon hiyeye cin en, waonspe-wicakiye cin hewicakiya ;

46 Wowapi kagapi kin itonwicapapō ; he iye šina hanskaska in omanipi, qa iciyopekiciyapi kin en owicakiyapi, qa omniciye tipi kin oyanke tokapa, qa wotapi kin en ohehdepi tokapa kin, hena hecekcen cinpi :

47 Qa wiwazica tipi tawapi kin temyapi ; qa ihdutaninpi kta on wocekiye hanska eyapi ece ; hena is iyotan woyaco tanka iyahdeiciyapi kta ce.

WICOWOYAKE 21.

1 Unkan wankan etonwe, ça wicašta wijicapi kin womnaye opiye kin en taku wicaqupi kin ehpeya ayapi wanyaka.

2 Unkan wiwazica wanji wahanpanica kin is mazašadan nonpa en ehpeya e wanyaka.

3 Unkan heya ; Awicakehan heciyapi, Wiwazica wahpanica kin de isnana ota en ehpeya ce.

4 Dena owasin taku iwicakiciyaye cin hee Wakantanka taku qupi kin en ehpekiyapi ece ;

tuka iye taku ton šni, etanhan taku on ni kte cin ocowasin en elipeya ce.

5 Unkan apa is tipi wakan kin inyan waštešte, qa taku wicaqupi kin on ayucopi kin, he cajeya-tapi qehan, heya ;

6 Anpetu hiyohi kta, en taku wandakapi kin dena inyan nonpa icitakihna wanke šni elipeyapi kta ce.

7 Hehan wiwangapi, qa heya-pi ; Waonspekiye cin, tohan kinhan hena hecetu kta he ; qa hena hecetu kte cin wanna iye-hantu kinhan, taku on sdonyapi kta he.

8 Unkan heya ; Ihnuhan nihna-yanpi kinhan ; wicota micaje kin on upi qa, He miye ce, qa wanna ecadan iyehantu kta ce, eyapi kta : tuka wicihakam yapi šni po.

9 Tuka okicize owodutatonpi ko cajeyatapi nayahonpi kinhan, nihinci-yapi šni po ; ito tokaheya hena hecen hiyohi kta iyececa, tuka owihanke kin hinyahinke kte šni ce.

10 Hehan hewicakiya ; Oyate wan oyate tokeca azuye kta, qa wokiconze wan wokiconze tokeca on inajin kta :

11 Qa otakiya maka kin nina škanškan, qa wicaakihan, qa makošiksice, qa wowanyake woko-kipe, qa malpiya kin eciyatanhan wowapetoktokeca, hena hecekcen yuke kta ce.

12 Tuka taku kin dena owasin itokaptu, micaje kin on etanhan iyanilipayapi, qa šicaya nicu-wapi, qa omniciye tipi, kaška wicahnakapi tipi ko en aniyampi, qa wicaštayatapi wicašta iwicadakapi kin ko wicitokam aniyampi kta ce :

13 Unkan hecen on oniyakapi ece e kta.

14 Hecen icantekiçun po ; token waaduptapi kte cin he kanyehan awacinpi šni po :

15 Wicai wicoksape ahna ciçupi kta, hecen tokaniyanpi kin tuwedan taku iennihdepi kte šni, qa iyakapeniyampi kte šni.

16 Tuka hunkake wicayayapi, qa hunkawanjin wicayayapi, qa takuwicayayapi, qa koda wicayayapi kin, hena e wiyopeniyanpi kta ; qa apa teniyanpi kagapi kta ce :

17 Qa micaje kin on etanhan owasin niciyušepi kta.

18 Tuka paha wanjidan kaeš awinitukapi kte šni ce.

19 Wacinnitankapi kin on nicantepi kin hduha po.

20 Jerusalem ihduksan ozuye yankapi wandakapi kinhan, ihangyapi kte cin he wanna kiyadan e sdonya po.

21 Hehan tona Juda makoce kin en unpi kinhan, he kin ekta najicapi kta ; qa tona cokaya en unpi kinhan tankan inapapi kta ; qa oksan makoce wanke cin tona en yakonpi kinhan, ekta hdicupi kte šni.

22 Tokiçonpi anpetu kin hena ee ; hecen taku token owapi qon hena owasin ecen yuštampi kta ce.

23 Tuka anpetu kin hena en tona ihdušakapi, qa tona hokšin azinwicakiyapi kin hena wotelhi wicakiciyanke kta ; maka kin akan wokakije tanka kta, qa wocanniye oyate kin de en awicaun kta.

24 Qa mazasagye ope kin on wankahanpi kta ; qa oyate kin owasin ektakta wayaka awicahdapi kta ; qa Ikcewicasta kin Jerusalem naatinzapi kta, ecen Ikcewicasta kin taku iyewicaci-hantu kta ce.

25 Anpetu wi, qa hanyetu wi,

qa wicanhipi kin hena ekta wwapetokeca yuke kta ; qa maka akan oyate kin yazanhdapi kta, qa wicotoketu tanin šni ; qa miniwanca otaja ko sa wanke kta.

26 Wicašta kin kopa, qa maka akan taku hiyohi kte cin he ape hiyeye cin, hena on cante toki wicayanka tanin kte šni ece ; mahpiya wowašake kin hena huzaha kta heon.

27 Hehan Wicašta Cinhintku kin mahpiya šapa wan akan, wowašake qa wookitanin tanka hduha u wandakapi kta.

28 Unkan dena decen aye cinhan, hehan wankan etonwanpi, qa pa yuwankan icu po ; openicitonpi kin he wanna kiyadan u ce, eya.

29 Unkan wiyacinpi wan owicakiyaka : Suken can, qa can kin owasin, hena wanyaka po ;

30 Canwapa pahā eca, mdoke-tu wanna ikiyedan, niye cinka wandakapi, qa sdonyayapi ece.

31 Iho he iyececa, taku kin dena iyecetu wandakapi kinhan, Wakantanka tokiconze kin he wanna ikiyedan un e sdonya po.

32 Awicakehan heciciyapi, Wicoicage kin de tokan iyaye šni, ecen dena owasin iyecetu kta ce.

33 Mahpiya kin maka ahna tokan iyaye kta, tuka mioie kin e tokan iyaye kte šni ce.

34 Unkan itoničipa po ; okinni tukten wotapi, qa witkopi, qa wiconi kin de awacinpi kin, hena on nicantepi kin niyušakapi kta naceca ; qa hecen sdonyakiyapi šni ecen anpetu kin he nihiyohipi kte.

35 Maka ite kin akan yakonpi kin owasin wohmuke wan iye-cen wicahiyohi kta ce.

36 Heon ohinnian wakta po, qa cekiya po ; hecen taku hiyohi kte cin dena owasin icunom ida-

dapi, qa Wicašta Cinhintku kin itokam nayajinpi kta iyececa niyawapi kta ce.

37 Unkan anpetu icunhan tipi wakan kin ohna waonspekiya un ; qa hanyetu hehan tankan hdicu, qa paha wan Oliwe eciyapi kin he en yanka.

38 Unkan hanhanna hinca oyate kin owasin oie nahonpi kta e tipi wakan kin en ahi.

WICOWOYAKE 22.

1. Unkan aguyapi napohiyapi šni yutapi woacakšin eciyapi kin, he wanna ecadan iyehantu kte.

2 Unkan wawayušnapi itancanpi, qa wowapi kagapi kin, hena token econpi, qa teyapi kte cin he akitapi ; tuka oyate kin kowicakipapi.

3 Unkan akenonpapi kin etanhan, wanji Judas Iskariot eciyapi kin he Satan tancan mahen iyaya.

4 Unkan he ekta ye ca, wawayušna itancanpi, qa akicita itancanpi kin hena om wohdaka, token econ qa wicaqu kte cin heon.

5 Unkan iyuškinpi, qa maza-ska qupi kta keciyapi.

6 Hecen wicada, qa wicota kin en unpi šni icunhan wicaqu kta akita.

7 Unkan aguyapi napohiyapi šni anpetu en woacakšin ktepi kte cin wanna hehantu.

8 Hehan Inyan qa Johannes ye wicaši qa heya ; Ya po, woacakšin untapi kte cin he wiyeya unkicihnaka po.

9 Unkan heciyapi ; Tukten wiyeya unhnakapi kta yacin he.

10 Unkan hewicakiya ; Otonwe kin en yaipi kinhan, wicašta wan wakiškokpa mini ohnaka yuha itkonicipapi kta ; iho, iye

tukten tin kihde cinhan, iyahna ya po.

11 Qa tipi tawa kin heciya po; Waonspekiye cin heniciya ce; Wotapi tipi ohna woacaksin kin he waonspewicawakiye cin om wate kte cin he tukte e he.

12 Kinhan, wankan tipi wan tankaya, qa ayucopi e nicipazopi kta; hen wiyeya hnaka po, eya.

13 Unkan iyayapi, qa token ewicakiye cigon ecen iyeyapi; qa woacaksin wiyeya hnakapi.

14 Unkan wanna iyehantu qehan, en iyotanka, qa wahošiyapi akenonpapi kin nakun.

15 Unkan hewicakiya; Makakije kte cin he itokamya woacaksin kin de untapi kte cin nina wacin qon.

16 Qa heciciyapi ce; Tohan Wakantanka tokiconze kin ekta yuacetupi šni kin, behanyan detanhan ake wate kte šni ce, eya.

17 Unkan miniyatkan kin he icu, qa wopida eye ɕa heya; De icupi qa kicipamni po:

18 Qa heciciyapi ce; Wakan-tanka tokiconze kin he tohan hiyohi šni kin, behanyan hastanhanka iyuwi waskuyeca kin etanhan mdatke kte šni ce, eya.

19 Unkan aguyapi kin icu, qa wopida eye, ɕa yušpašpa; qa wicaqu, qa heya; Mitancan niyepi on qupi kin he dee ce; decen miksuya econ po.

20 Unkan miniyatkan kin is eya wotapi iyohakamya wicaqu, qa heya; Mawe niyepi kin on paponpi kin, en okodakiciye teca kin, miniyatkan kin he dee ce.

21 Tuka iho, wiyopemaye kte cin he nape kin wahna wotapi kin akan micun.

22 Unkan Wicašta Cinhintku kin token kiconzapi qon ecen ye

kta e hecetu; tuka tuwe he wiopeya hecinhan he wicašta kin wotehi kiciyanka ce.

23 Unkan hinakaha iye iyakitedan tukte wanji hecon kte cin he ikiciwanli yeyapi.

24 Unkan tukte wanji iyotan yawapi kte cin he nakun hdokinicipi.

25 Unkan hewicakiya; Oyate kin wicaštayatapi wicayuhapi kin hena is iwicadadakapi, qa tona wicookihiya owicakihanyanpi kin hena olanwaštepi, ewicakiyapi ece.

26 Tuka niš henicecapi kte šni; tuka niyepi kin ekta tukte wanji tokapa kinhan, hee haka-kta kin iyecece kta ce.

27 Wota yanke cin, qa wayutankiyapi kin, hena unma tukte iyotan tanka he. Tuwe wota yanke cin hee šni he. Tuka miš wayutankiyapi kin he iyeceen cicipi waun ce.

28 Wawiyutanmayanpi kin en kici maunpi kin he niyepi:

29 Heon Atewaye cin he wokiconze wan maqu kin he iyeceen cicupi:

30 Qa hecen wokiconze mitawa kin en, wahna wotapi mitawa kin ekta wayatapi, qa wadatkanpi kta; qa wicaštayatapi oyanke kin heca akan idotankapi kta, qa Israel wicoun akenonpapi kin wicadacopi kta ce.

31 Hehan Itancan kin heya; Simon, Simon, iho, Satan niyuhe ɕa, aguyapi su iyeceen niyucan kta e cin tuka ce.

32 Tuka wacinyaye cin he iyotpani kte šni e wocekiye eciciya; qa tohan niš niyuhomniipi kinhan, nihunkawanji wicahduwašaka wo, eya.

33 Unkan heciya; Itancan, wicokaške wiconte ko en nici mde kta wiyeya waun ce.

34 Unkan heya; Simon, anpetu kin de anpaohotonna hoton ūni, ecen yamni akihde sdonmayaye cin he anayakilibe kta, eciciya ce.

35 Unkan hewicakiya; Maza-ska ojuha, qa wojuhadan, qa hanpa, hena codan yeciūipi qon he ehan, taku wanjidan kaes ini-ciyotpanipi he. Unkan, Taku-dan ūni ce, eyapi.

36 Hehan hewicakiya; Tuka nakaha tuwe mazaska ojuha ton kinhan, ehdaku kta; qa wojuha-dan nakun: qa tuwe mazasagye nice cinhan, wokoyake tawa kin wiyopekiye, a wanji opeton kta.

37 Taku wowapi en kagapi qon, Wicoūan ūica econpi kin om yawapi ce, eyapi kin he mi-ye en yuecetupi kta, eciciyapi: Unkan dena miye en ecen econ-pi kta ce.

38 Unkan heciyapi; Itancan, wanyaka wo, den mazasagye nonpa ce. Unkan, Henakeca ce, ewicakiya.

39 Unkan tankan hdicu, qa Oliwe paha kin ekta i ece qon, he ake ekta ya; unkan waonspe-wicakiye cin is iyahna yapi.

40 Unkan wanna ehan i qehan, hewicakiya; Wowiyutanye kin en idadapi kte ūni e cekiya po.

41 Hehan wicicunonpa inyan ekta ehpeyapi kin hehanyan ecen i, qa canpeūka makehde inajin qa cekiya,

42 Qa heya; Ate hecen nita-wacin kinhan, miniyatkan kin de tokan imiciyaye kta; tuka miye mitawacin kin hee ūni, niye nitawacin kin hee ecen econpi nunwe.

43 Hehan mahipiya eciyatan-han ohnihde wan en hi qa yu-waūaka.

44 Unkan nina hin yazanhda

qehan, iyotan wokitanyan ceki-ya; qa temni kin he we oūbuye tankinkinyan makata hinūipaya se ececa.

45 Unkan cekiye cin hetanhan wanna najin hiyaye, a waon-spewicakiye cin en wicahdi qe-han, wacin iyokiūicapi kin on iūtinmapi iyewicaya.

46 Qa hewicakiya; Tokeca ni-ūtinmapi he: najinpi qa cekiya po; hecen wowiyutanye kin en yaipi kte ūni.

47 Hena hecen eya icunhan, iho, wicota, qa akenonpapi kin etanhan wanji Judas eciyapi kin, he wicitokam u, qa Jesus i ipu-take kta e ikiyedan hiyu.

48 Tuka Jesus heciya; Judas, Wicaūta Cinhintku kin i iputa-kapi wan on wicayaqu he.

49 Unkan kici unpi qon hena, taku toketu kte cin wanna wan-yakapi qehan heciyapi; Itancan, mazasagye on waaunpapi kta he.

50 Unkan wanji wawayuūna itancan taokiyeye wanji ape, a etapa kin eciyatanhan noge kin kaūpa.

51 Unkan Jesus waayupte a, Hehanyan iyowinmakiya wo, eye a noge yutan, qa asniyan.

52 Hehan Jesus wawayuūna itancanpi, qa tipi wakan kin en itancanpi, qa tokapapi en au qon, hena hewicakiya; Mazasagye can ko yuha wamanon sa wan tatpe yapi se iyecen yahipi he.

53 Anpetu iyohi tipi wakan kin ohna opeya ciunpi qon ehan, tu-wedan nape kin itkom hiyuma-yakiyapi ūni; tuka dehan naka-ha kin he niye nitawapi, qa otpaza wowaūake kin, eya.

54 Hehan yuzapi qa ayapi, qa wawayuūna itancan ti kin ekta aipi. Unkan Inyan itehan iha-kam u.

55 Unkan itankan tipi kin en cokaya cetipi, qa ptaya iyotankapi qehan, Inyan is eya wicehna iyotanka.

56 Tuka petkahda iyotankehan yanke cin, hehan wikoška wan wanyake ça, opahite ça heya; Wicašta kin de is eya he kici un tuka ce, eya.

57 Unkan anakihbe, ça, Wino-hinca, he tuwe kin sdonwaye šni ce, eya.

58 Unkan iecadan wanji tokeca wanyake ça heya; Niš eya henitanhan ce. Unkan Inyan heya; Wicašta, hematanhan šni ce.

59 Unkan iyohakam wihiya-yedan oape wanji ecetu, hehan wanji tokeca yaatinze ça heya; Galile wicašta kin de heca, on etanhan awicakehan is eya he kici un tuka ce.

60 Unkan Inyan heya; Wicašta, token ehe cin he sdonwaye šni ce. Unkan hecehnana, iahan icunhan, anpaohotonna kin hoton.

61 Unkan Itancan kin ihduhomi, qa Inyan atonwan. Hehan Itancan kin, Anpaohotonna hoton šni kin itokam yamni akihde anamayakihbe kta ce, eye cigon, oie kin he Inyan kiksuya.

62 Hehan Inyan tankan kihde ça nina hin ceya.

63 Unkan wicašta Jesus yus unpi kin hena ihahapi qa apapi.

64 Qa ite kin akahpetonpi hehan, ite kin ohna apapi, qa heya iwangapi; Tuwe anipa hecinhan ito iyukcan wo.

65 Qa taku toktokeca ota itkom waostehdaya eciyapi.

66 Unkan wanna anpao qehan, oyate kin en tona tokapapi, qa wawayušna itancanpi, qa wawapi kagapi kin, hena mniciyapi, qa omniciye kin en aupi;

67 Qa heyapi; Messiya he niye hecinhan unkokiyaka po. Unkan hewicakiya; Ociciyakapi ešta wicayadapi kte šni.

68 Qa wiciwangapi ešta amayaduptapi kte šni, qa amayadustanpi kte šni.

69 De iyohakam Wicašta Cinhintku kin Wakantanka towašake etapa kin eciyatanhan iyotanke kta ce, eya.

70 Unkan owasin heyapi; Hecen Wakantanka Cinhintku kin he niye he. Unkan, He miye kehapi ce, ewicakiya.

71 Unkan heyapi; Iye i kin eciyatanhan unkiyepi hinca wana naunhonpi ce; hecen tokeca ecin sanpa wayaotaninpi unkodepi kta he.

WICOWOYAKE 23.

1 Unkan wicota kin owasin najin hiyayapi, qa Pilate kayapi.

2 Hehan hinnakaha wiyaonpapi, qa heyapi; De oyate kin owicayušice, ça Kesar wamnanpanpi qupi kin he tehinda iyeunyanpi; qa iye Messiya Wicaštayatapi kin heca keiciya ce, eyapi.

3 Unkan Pilate wiwange ça heya; Juda Wicaštayatapi kin he niye he. Unkan ayupte, ça, Niye ecen eha ce, eya.

4 Hehan Pilate wawayušna itancanpi qa oyate kin hena hewicakiya; Wicašta kin de on taku šica iyewaye šni ce.

5 Unkan hecen iyotan wohitipike ça heyapi; Oyate kin owodutatonwicaya ece, qa Galile etanhan Juda makoce kin owancaya dehan oiyahdeya waonspekkiya ece.

6 Unkan Pilate Galile eyapi nañon qehan, wicašta kin he

Galile wicašta kin heca hecinhan he iwicawanga.

7 Unkan Herod taoyate kin hetanhan e Pilate sdonya, hehan Herod ekta iyayeya; he qe wanna Jerusalem en un.

8 Herod Jesus wanyake cehan nina iyuškin; taku ota on nañon kin heon wanakajatanhan wanyaka cin; qa wowapetokeca wanji econ wanyake kta kecin.

9 Hehan iapi ota un wiwanga; tuka takudan ayupte šni.

10 Unkan wawayušna itancanpi, qa wowapi kagapi kin, hena inajinpi, qa wohitiya wiyaonpapi.

11 Unkan Herod ozuye wicašta wicayuhe cin om takuda šni, qa iħaħa kuwa, qa šina wan ayucopi in kiye, qa ake Pilate ekta iyayeya.

12 Unkan anpetu kin he en Herod Pilate kici kiciyuwaštepi; he itokamya tokakiciyapi.

13 Unkan Pilate wawayušna itancanpi, qa itancanwicakiyapi, qa oyate kin hena witaya wicakico qehan, hewicakiya;

14 Wicašta kin de oyate kin owicayušice cin wan iyecen mayakhipi; unkan iho nitokam iwanmdaka, tuka taku iyayaonpapi kin hena on, taku šica wicašta kin de en takudan iyewaye šni.

15 Qa nakun Herod hee kaeš, ekta aye cišipi; unkan iho, te kte cin iyeece cin takudan eakiconpi šni.

16 Hecen wakapsinsinte, qa wakimduške kta ce, eya.

17 Wotapi kin he icunhan wicašta wanji wicakiciyuške kta e heon.

18 Unkan owasin okonwanjidan heya niyanpi; De tokan aya wo; qa Barabbas hee unkiciyuška miye.

19 He qe otonwe kin en woki-

pajin kage, qa tinwicakte on etanhan kaška wicahnakapi tipi kin en ohnakapi.

20 Pilate Jesus kiyuške wacin kin heon ake iyecen ewicakiya.

21 Tuka howayapi qa heyapi; Icipawehi okatan wo, icipawehi okatan wo.

22 Unkan iyamni hewicakiya; Tokeca, tukte ecin taku šica econ he. On etanhan te kte cin iyeece takudan iyewaye šni; hecen wakapsinsinte, qa wakimduške kta ce, eya.

23 Unkan hotankakiya kitanpi, icipawehi okatanpi kta e he kapi. Unkan iye hopi kin, wawayušna itancanpi kin om iya-kapeyapi.

24 Hecen token cinpi kin he iyecen Pilate kiconza.

25 Qa tuwe cinpi kin wokipajin kage, qa tinwicakte qon, hee wicakiciyuške; tuka iye tawacinpi kin en Jesus wicaqu.

26 Unkan tokan yus ayapi qehan, Kurene wicašta wan Simon eciyapi makoce kin eciyatanhan u kin he yuzapi, qa cansusbeca kin he Jesus ihakam qin kta e aihpeyapi.

27 Unkan oyate kin wicota ħinca winolinca ko iyahna yapi, qa wašihda aceyapi.

28 Tuka Jesus ekta ihduhomni qa hewicakiya; Jerusalem cunwintkupi kin, miye amaceyapi šni po; tuka niyepi qa nicinca-pi kin aićiceya po.

29 Iho, anpetu hiyohi kte cin hena en heyapi kta; Hokšin yuhapi šni, qa wicitpi tohinni cin-caton šni, qa aze tohinni azinpi šni kin hena yawaštepi ce.

30 Hehan hinnakaha he kin, Unkahinħpaya po, qa paha kin, Unkaħpa po, eciyapi ece e kta.

31 Qa can teca kin en decen

econpi kinhan, can seca kin en token econpi kta he, eya.

32 Unkan wicašta tokeca nonpa, ohan śicapi kin, hena wica-ktepi kta e kici awicayapi.

33 Unkan tukten Wicapahu eciyapi kin wanna ehan ipi qehan, hen icipaweli okatanpi, qa nakun wicohan śica econpi qon hena, unma iye etapa eciyatanhan, qa unma kin is catka tanhan.

34 Hehan Jesus heya; Ate, wicakicicajuju wo; taku tokonpi kin sdonkiyapi śni ce. Unkan tawokoyake kin kicipamnipi, qa oeconna econpi.

35 Unkan oyate kin opahita najin hiyeya: Qa itancanwicakiyapi kin is eya hena om iħahapi qa heyapi; Wicašta tokeca niwicaya ece qon; iye atayedan niiciya ešta śni, Messiya Wakantanka hdaħnige cin hee hecinhan.

36 Unkan akicita kin is eya iħahapi, en au, qa miniskuya kipazopi;

37 Qa heyapi; Juda wicaštayatapi kin he niye hecinhan, niiciya wo.

38 Unkan iwankam wowapi kin de, Helenes qa Roma qa Hebrew iapi henakiya en owapi; JUDA WICAŠTAYATAPI KIN HE DEE CE.

39 Unkan ohan śicapi en owicakatanpi qon wanji śicaya owakiye ça heya; Messiya he niye hecinhan niiciya wo, qa unkiś nakun.

40 Tuka unma kin waayupte ça kiśice ça heya; Wakantanka koyakipe śni he; wicayacopi okonwanjidan kici en yaun:

41 Qa unkiye kin en he owotanna; taku econku eciyatanhan unakipa ece; tuka iye qe taku śica takudan econ śni ce.

42 Unkan hehan Jesus heciya;

Itancan, wokiconze nitawa kin en yaku kinhan, miksuya wo.

43 Unkan Jesus heciya; Anpetu kin de en wowašte makoce kin en mici yaun kta ce, awicakehan eciciya.

44 Wanna wihiyayedan oape śakpe hehantu; unkan makoce kin owancaya aotpaza, napsinwanka apa hehanyan.

45 Qa anpetu wi kin otpaza icu, qa tipi wakan kin en minihuha ozanzan hiyeye cin he cokaya okinaħdeca.

46 Unkan Jesus hotankakiya hoyekiye cehan, hehan heya; Ate, ninape kin en minagi kin owehnaka ce. Unkan hecen eye cehan ta iyaya.

47 Unkan akicita opawinge wicayuhe cin he token econpi qon he wanyake cehan, Wakantanka yaonihan, qa heya; Awicakehan wicašta owotanna he de heca ce.

48 Unkan oyate kin witaya he wanyag ahi qon, hena owasin token econpi qon hena wanyakapi qehan, maku kin ohnahna aicipapi, qa kihdapi.

49 Unkan tona sdonyapi qon hena owasin itehan inajinpi, qa winohinca Galile etanhan iħakam upi qon hena taku kin dena wanyakapi.

50 Unkan iho, wicašta wan Joseph eciyapi, wahokonwicakiya ece kin heca, wicašta wašte qa owotanna;

51 He iye kin wakiconzapi qa oħanpi qon wicawicada śni: Arimathea, Juda totonwepi kin wanji hee etanhan; is eya Wakantanka tokiconze kin he ape un.

52 He Pilate ekta ye ça Jesus tancan kin kida.

53 Unkan kun eyaku, qa minihuha ska opazunte, ça imnija kħdokapi wicašta hnakapi wan

en ohnaka; he itokam tuwedan en ohnakapi śni.

54 Unkan anpetu en ihduwiye-yapi ece kin he hee, qa anpetu wakan kin wanna ikiyedan.

55 Unkan winohinca Galile etanhan kici upi qon hena ihakam iyayapi, ohna hnakapi kin he, qa tancan kin token hnakapi kin hena wanyakapi.

56 Qa hetanhan kihdapi, qa pejihuta waštemna ihapi ko wi-yeya ehnakapi. Hehan woa-hope kin eciyatanhan anpetu wakan kin okilipapi.

WICOWOYAKE 24.

1 Unkan anpetu wakan en anpetu tokaheya, hanhanna hinca, hehan wicašta hnakapi kin ekta, pejihuta waštemna wiyeya ehna-kapi qon hena yuha en upi; qa toktokeca nakun owicapapi.

2 Unkan wicašta hnakapi kin etanhan inyan kin wanna token iyeyapi e wanyakapi:

3 Qa mahen ipi, tuka Jesus I-tancan tancan kin he iyeyapi śni.

4 Unkan token iyukeanpi nun tanin śni qehan, iho, wicašta nonpa wokoyake wiyatpatpa un-pi icahda nawicajinpi.

5 Unkan kokipapi, qa ite kin makipuskin ehpeiçiyapi qehan, hewicakiyapi; Tokeca e çapi kin wicelna ni un kin ayakitapi he.

6 Den un śni; tuka kini ce. Nahanhin Galile en un qon ehan token eniciyapi qon he ki-ksuya po:

7 Wicašta Cinhintku kin wica-šta śica napepi kin en wicaqupi kta, qa icipaweli okatanpi kta; tuka anpetu iyamni kinhan kini kta ce, eya ce.

8 Unkan hecen eye ciqon he kiksuyapi.

9 Unkan wicašta hnakapi kin

etanhan kihdapi, qa akewanjipi-dan unmapi ko hena owasin owicakiyakapi.

10 Unkan wahošiyapi kin hena hecen owicakiyakapi qon, Mary Magdalene, qa Joanna, qa Mary Jakob hunku kin, qa toktokeca om unpi qon hena eepi.

11 Unkan oiepi kin ikcekceya hitunkakanpi kin iyecceca da-kapi, qa wicawicadapi śni.

12 Hehan Inyan najin hiyaye qa wicašta hnakapi kin ekta in-yang iyaya; qa en eyokasin qe-han minihuha wokoyake kin išnana ehnakapi wanyaka; he-han hdicu qa cante mahen taku econpi kin on inihanyan awacin un.

13 Unkan iho, anpetu kin he en, iyepi kin etanhan wicašta nonpa otonwe wan Emmaus eci-yapi kin he ekta yapi, Jerusalem etanhan maka iyutapi wikcemna śakpe ecetu.

14 Unkan taku hiyohi kin dena owasin on wohdakapi.

15 Unkan wohdakapi, qa iyu-kecan awacinpi icunhan, Jesus iye hinca kiyedan u, qa om wi-caya.

16 Tuka išta on iyekiyapi kte śni wicayapi.

17 Unkan hewicakiya; Wicoie kin dena tukte e he, mayanipi icunhan woyahdakapi qa iyo-kišin yaunpi kin.

18 Unkan unma Kleophas eci-yapi kin he waayupte qa heciya; Jerusalem en yaun śni ece, de-han en taku hiyohi kin dena sdonyaye śni he.

19 Unkan hewicakiya; Hena taku he. Unkan heciyapi; Je-sus Nazareth etanhan kin on, he wicašta wokcan, wicohan wicoie ko on waśaka, Wakantanka qa oyate kin owasin wicetokam.

20 He wawayuśna itancanpi qa

Itancanwicunhiyapi kin hena te kta kiconzapi qa icipaweh oka-tanpi.

21 Tuka Israel opewicakiton kte cin hee unkiš unkecinpi tuka; unkan heconpi kin ehan-tanhan wanna anpetu kin de iyamni.

22 Nakun unkanpi kin etanhan winohinca wanjikji hanlianna hinca wicašta hnakapi kin ekta ipi, qa inihanunyanpi:

23 Iye tancan kin iyeyapi šni qehan, hdicupi qa ohnihde wa-kan kin heca wanwicayakapi, qa hena he ni un keyapi ce, eya unkokiyakapi.

24 Hehan om unkanpi kin wan-jikji wicašta hnakapi kin ekta ipi, qa winohinca oyakapi qon iyececa hinca iyeyapi: tuka iye kin wanyakapi šni ce.

25 Unkan hewicakiya; Witko-tkokapi qa wicašta wokcan taku oyakapi qon hena owasin wicada cante hunkapi šni kin:

26 Messiya dena decekcen ito kakije qa wowitan tawa kin en hde kte cin he hecetu šni he.

27 Unkan hecen Moses e toka-heya, qa hehan wicašta wokcan owasin, taku iye kin on wowapi en kagapi qon hena owasin owi-cakiyaka.

28 Unkan otonwe ekta yapi qon he wanna ikiyedat ehan ipi qehan, iye sanpa ye kta se ececa.

29 Tuka iyakapeyapi, qa heyapi; Unkičipi un wo, wanna hita-yetu aya, qa anpetu kin wanna owihanke kta. Unkan om un kta e ti mahen iyaya.

30 Unkan om wota yanke ce-han, aguyapi eyaku, qa yawašte, qa yuštašpa, qa wicaqu.

31 Hehan išta kin wicakiciyu-kawapi, qa iyekiyapi: unkan atanin šni iyaya.

32 Unkan hekiciyapi; Canku

kin ohna wounkiyakapi qa wo-wapi wakan kin unkiciyuzamnpi qon he ehan cante unkata šni he.

33 Unkan wihiyayedan oape kin he en najin hiyayapi, qa Je-rusalem ekta hdapi, qa akewanji tona om unpi ko hena witaya yukanpi iyewicayapi;

34 Qa heyapi; Ehanqon Itan-can kin kini, qa Simon en tanin-iciya ce.

35 Hehan iye canku kin ohna tokenketu, qa aguyapi yuštašpa kin on iyekiyapi qon, hena he-cekcen owicakiyakapi.

36 Unkan hena hecen eyapi icunhan, Jesus iye hinca wica-cokaya hinajin qa hewicakiya; Wookiye nicipi un nunwe.

37 Unkan inihanpi, qa kokipapi, qa wanagi wanyakapi kecinpi.

38 Unkan hewicakiya; Tokeca e iyonicišicapi he; qa tokeca cante mahen taku ceṭunyahdapi he.

39 Minape misiha ko, de miye hinca e wanmayaka po; mayu-tanpi qa iyukan po; ceḥpi huhu waton wandakapi kin wanagi kin iyecen ton šni ece.

40 Unkan hecen eye qehan, nape siha ko wicakipazo.

41 Unkan wowiyuškin on wi-cadapi šni, qa hinyahin inihanpi, hehan hewicakiya; Den taku yutapi duhapi he.

42 Unkan hogan pasnonpi onšpa tuḥmaga canhanpi ahna qupi.

43 Unkan icu, qa wicitokam yuta.

44 Qa hewicakiya; Nahahin om ciunpi qon ehan, wicoie oci-ciyakapi qon he dee ce; Moses wicoope tawa, qa wicašta wo-kecan, qa odowan kin, henakiya en miye on taku token owapi qon owasin ecen yuštašpi kta iyececa ce, eya.

WICOWOYAKE 1.

45 Unkan hehan tawacinpi kin wicakiciyuzamni, qa hecen wo-wapi kin okañnigapi kte.

46 Unkan hewicakiya; Hecen owapi, qa Messiya hecen kakije ça, anpetu iyamni kinhan ake kini kte cigon, he hecetu:

47 Qa hecen iye caje kin on ihduacetupi qa woahitani kajuju-pi kin, oyate kin owasin en oya-kapi kta, Jerusalem en tokahe-ya kta.

48 Qa taku kin dena oyakapi kte cin he niyepi ce.

49 Unkan iho, Ate taku iwaho-wicaye cigon he niyepi kin en uwakiye kta; tuka tohanyan wankantanhan wowaśake yuhe-

niciyapi śni kin hehanyan Jeru-salem otonwe kin en ece yukan po.

50 Hehan tankan awicaya, Bethani hehanyan; unkan nape wicakiyuwinta qa wicayawa-šte.

51 Unkan wicayawašte icun-han, yutokan ewicakiciyakupi, qa wankan mañpiya kin ekta ayapi.

52 Unkan iye ohodapi, qa wo-wiyuśkin tanka yuha Jerusalem ekta kipi:

53 Qa ohinniyan tipi wakan kin ohna ece yukanpi, Wakan-tanka yatanpi qa yawaštepi ece. Amen.

JOHANNES

WOTANIN WAŚTE TAWA.

WICOWOYAKE 1.

1 Otokahe ekta Wicoie kin hee; Wicoie kin he Wakan-tanka kici un, qa Wicoie kin he Wakantanka kin ee.

2 He otokahe ekta Wakan-tanka kici un.

3 Iye eciyatanhan taku owasin kagapi; qa taku kin tokan tanhan takudan kagapi śni.

4 Iye kin en wiconi; qa wi-coni kin he wicaśta iyoyamwi-caye cin hee.

5 Iyoyanpa kin hee otpaze cin en omdesya un, tuka otpaze cin he iyowinkiyiye śni.

6 Wicaśta wan Wakantanka eciyatanhan u śipi, he Johannes eciyapi.

7 He wayaotanin hi, Iyoyanpa kin oyake kta; hecen iye eciya-tanhan owasin wicadapi kta.

8 Iyoyanpa kin he iye śni, tuka iyoyanpa kin he yaotanin kta e u śipi.

9 Iyoyanpa wicakapi hince cin hee, wicaśta otoiyohi wicoicage kin en u iyoyamye cin hee.

10 He wicoicage kin en un, qa iye wicoicage kin kaga, tuka wicoicage kin sdonyapi śni.

11 Tona tawa kin hena ekta wicahi, tuka tawawicaye cin hena iyowinkiyapi śni.

12 Tuka tona iyowinkiyapi kin hena Wakantanka cinca wicaya yakonpi kta e okihi wicaya, tona iye caje wicadapi kin hena.

13 Hena wicawe eciyatanhan śni, qa wicaceñpi tawacin kin eciyatanhan śni, qa nakun wica-śta tawacin kin eciyatanhan śni, tuka Wakantanka eciyatanhan wicatonpi.

14 Unkan Wicoie kin he wica-

celipi kagapi, qa unkiyepi kin en ounyan; qa wootanin tawa kin wanunyakapi, wootanin kin he Atkuku eciyatanhan isnana icaga tawa kin he iyececa; wo-waonšida wowicake ko ojudan.

15 Johannes he yaotanin, qa heya niyan; Tuwe mihakam u kte cin he mitokam yawapi ce, epe cigon he dee; he mitokam un nakaes.

16 Unkan wojudan tawa kin etanhan unkiye owasin unkicu-pi, qa he wowašte wicowašte kin on.

17 Wooke kin he Moses wica-qu; tuka wicowašte wowicake ko hena Jesus Messiya eciya-tanhan u.

18 Tuwedan tohinni Wakan-tanka wanyake šni; tuka Cin-hintku isnana icaga Atkuku maku ohna un kin he sdoney unkiyapi.

19 Unkan Johannes woyake ci-qon he dee; Jerusalem etanhan Juda oyate Wošnapi kagapi Lewi wicašta ko ekta ye wica-šipi qa, Tuwe niye he, eciyapi.

20 Tuka Johannes ohdake ça anakišbe šni, tuka ohdaka; Messiya kin he miye šni ce.

21 Unkan wiwangapi; Nituwe he; Eliyas he niye he. Unkan, He miye šni ce, eya. Wicašta wokcan kin he niye he, eciyapi. Tuka, Hiya, eya.

22 Hehan, Ecin tuwe niye he, eciyapi: tona deciya unkušipi hecinhan hoši wicunkakipi kta e heunniciyapi; Token onihdaka he.

23 Unkan heya; Jehowa ta-canku kin owotanna kicaga po, tuwe hewoskan eyanpaha un kin he miye ce, Isaya wicašta wo-kecan eye cigon iyececa.

24 Unkan topa en u wicašipi qon hena Pharisee etanhanpi.

25 Unkan wiwangapi qa heci-yapi; Hecen tokeca e baptem wicayaqu he; Messiya he niye šni, qa Eliyas he niye šni, qa wicašta wokcan kin he niye šni hecinhan.

26 Johannes awicayupte ça heya; Miye mini on baptem wicawaqu ece: tuka wanji naya-jinpi kin cokaya najin tuka sdon-yayapi šni;

27 Tuwe mihektam u kte ci-qon, tuka mitokam yawapi kin hee; tahanpe kin wakiyušdoke kta ešta owakihi šni ce.

28 Hena taku kin Bethabara, Jordan akasanpatanhan, econpi, he en Johannes baptem wicagu.

29 Anpetu iyokihe hehan Jesus etkiya u kin Johannes wanyake ça heya; Tacinca Wakantanka tawa, oyate wahtanipi kin to-kan elipeye kte cin he wanyaka po.

30 Tuwe on hepe cigon he dee; Wicašta wan mihakam u kte cin he mitokam yawapi; he mitokam un nakaes.

31 Qa miš eya he sdonwaye šni; tuka Israel oyate kin ekta yuotaninpi kta e heon mini on baptem wicawaqu wahi ce.

32 Unkan Johannes wayaotanin qa heya; Woniya kin he waki-yedan kašiya malpiya eciyatanhan kuntkiya u wanmdaka, unkan he en hiyanka.

33 Unkan he tuwe kin sdon-waye šni, tuka mini on baptem wicagu maši qon he omakiyaka; Tohan malpiya kin eciyatanhan Woniya kin kuntkiya ye ça, tuwe iyahde wandake cinhan he iye Woniya Wakan on baptem wicagu kta.

34 He wanmdaka e on mdao-tanin; Wakantanka Cinhintku kin hee.

WICOWOYAKE 2.

35 Ake ihanhanna hehan Johannes waonspewicakiye cin nom om en najin :

36 Qa Jesus omani wanyake çehan heya ; Iho, Tacinca Wakantanka tawa kin he dee ce.

37 Unkan waonspewicakiya nom ie cin he nahonpi, qa Jesus ihakam yapi.

38 Hehan Jesus ihdamna, qa ihakam upi wanwicayake ça he-wicakiya ; Taku ayakitapi he. Unkan, Itancan, Waonspekiye eyapi kin he kapi, tukten yati he, eciyapi.

39 Upi qa wanyaka po, ewicakiya. Unkan kici hdapi, qa tukte en ounye cin he wanyakapi, qa anpetu ihunniyan kici yukanpi : wanna oape wikcemna hehantu.

40 Nom Johannes ia nahonpi qa Jesus ihakam yapi qon, Andrew Simon Inyan sunkaku kin he unma ee.

41 He cincu Simon tokaheya iyeye ça heciya ; Messiya, he Sdayapi eyapi kin, iyeunyanpi ce :

42 Qa Jesus ekta ai. Unkan Jesus wanyake çehan heya ; Simon Jona cinhintku kin he niye : Kephas eniciyapi kta, he Inyan eyapi kin hee.

43 Ihanhanna kin hehan Jesus Galile heciya ya, unkan Philip wanyake ça heciya ; Mihakam u wo.

44 Philip Bethsada hetanhan, nakun Andrew Inyan kici he otonwe tawapi.

45 Philip Nathanael akipa, qa heciya ; Moses woope en owa qon, qa wicašta wokcanpi kin nakun, he wanna iyeunyanpi, Jesus Nazareth etanhan, Joseph cinhintku kin hee.

46 Unkan Nathanael heciya ; Nazareth etanhan taku wašte u

okihi kta he. U qa wanyaka wo, Philip eciya.

47 Jesus Nathanael en u wanyake ça he on heya ; Wanyaka po, Israel wicašta hinca wan he dee, wicahnaye wanin un ce.

48 Nathanael heciya ; Tokiyatanhan sdonmayaya he. Jesus ayupte ça heciya ; Philip nico qon he itokam can ihukuya nayajin qon hen wanciyaka.

49 Nathanael ayupte ça heciya ; Itancan, Wakantanka Cinhintku, Israel oyate Wicaštayatapi kin he niye.

50 Unkan Jesus ayupte ça heciya ; Can ihukuya nayajin wanciyaka epa, unkan heon wicayada he. Dena taku isanpa tanka wandake kta ce.

51 Unkan heciya ; Wowicake, wowicake eciyatanhan heciciyapi, Tokata mahpiya kin yuzamnpi, qa Wakantanka taokiyey kin wankantkiya yapi, qa ake kuntkiya upi, qa Wicašta Cinhintku kin en himniciyapi wandakapi kta ce.

WICOWOYAKE 2.

1 Anpetu iciyamni kin hehan Galile makoce en otonwe wan Kana eciyapi hen kiciyuzapi omniciye kagapi ; unkan Jesus hunku kin en opa.

2 Jesus nakun waonspewicakiye cin om kiciyuzapi kin en kicopi.

3 Unkan miniša wanna hena-keca hehan, Jesus hunku kin heciya ; Miniša takudan yuhapi šni ye.

4 Unkan Jesus heciya ; Winohinca hetanhan iwamayatokiya he ; nahanhin iyemicihantu šni ce.

5 Unkan hunku kin wayutan wicakiyapi, He tokehin eniciya-

pi owasin ecen ecom, ewicakiya.

6 Inyan wakiškokpa šakpe en han, ohna Juda oyate ihdujajapi kta e hdepi; otioyohi wiyutapi nom yamni kipi.

7 Wakiškokpa kin mini ojudan okaštan po, ewicakiya. Unkan ojugjudan okaštanpi.

8 Hehan, Onge etanhan icupi qa omniciye itancan kin he kaya po, Jesus ewicakiya. Unkan kayapi.

9 Unkan omniciye kin en itancan kin onge yatkan uta, he mini tuka miniša icahiyapi, qa he tokiyatanhan kin sdonye šni, tuka wayutan wicakiyapi mini akupi qon hena sdonyapi, unkan itancan kin tawicu ton qon kico;

10 Qa heciya, Wicašta eca miniša wašte tokaheya yatke wicakiya ece; qa tohan wicašta wipipi hehan taku aoptetu kin; tuka niye miniša wašte hinca dehanyan yehnaka ce, eya.

11 Galile makoce kin hen, Kana otonwe he en, Jesus toka taku wapetokeca econ, qa towitan hdutanin; unkan hecen waonspewicakiye cin wicadapi.

12 He iyohakam Kapernaum ekta apamahde iyaya, iye qa hunku qa sunkaku qa waonspewicakiye cin hena koya om; unkan anpetu tonana hen yakonpi.

13 Unkan Juda oyate woacakšin wošnapi tawapi kin wanna ikiyedan; heon Jesus Jerusalem ekta itanwankannde iyaya.

14 Unkan tipi wakan kin en wicašta kin eya, tatanka, tahinca, wakiyedan ko wiyopewicakiyapi, qa maza ska tokiyopekiciyapi kin en iyotankapi e wanwicayaka;

15 Qa icapsinte cikciqadan yu-

gaga wan kage čehan, tipi wakan kin etanhan owasin tankan iyewicaya, tahinca tatanka ko; qa mazaska tokiyopekiciyapi qon is kada iyeya, qa can wahna wotapi kin he nakun paahda-psinyan elipeya.

16 Qa wakiyedan wiyopeyapi kin is, Dena owasin tankan iyeya po, qa, Ate ti kin de wopeton tipi kagapi šni po, ewicakiya.

17 Unkan waonspewicakiye cin wowapi en kagapi qon he kiksuyapi, Yati owakiye cin he mayapota ce.

18 Hehan Juda oyate ayuptapi qa heciyapi; Tokiya tanhan he oyakihi qa hecanon he.

19 Unkan Jesus waayupte ča, Tipi kin de ihangya po, qa anpetu iciyamni kinhan ake ekicetuwaye kta, ewicakiya.

20 Waniyetu wikcemna topa qa sam šakpe hehanyan tipi kin de kagapi qa yušanpi qon, niye nakaha anpetu iyamnina ekicetu yaye kta he, Juda oyate kin eciyapi.

21 Tuka tipi eye cin he iye tancan kin he ka e heon etanhan heya.

22 Heon wiconte etanhan ihduekicetu, hehan hecen ewicakiye ciquon he waonspewicakiye cin kiksuyapi; unkan wowapi wakan qa Jesus taku ewicakiye cin hena koya wicadapi.

23 Unkan Jerusalem en woacakšin wošnapi kin icunhan, taku wapetokeca econ kin hena wicota wanyakapi qehan iye caje kin on wicadapi.

24 Tuka Jesus owasin sdonwicaye cin heon etanhan wacinwicaye šni.

25 Qa wicašta on tuwedan wa-yaotanin kta cin šni; iye atayedan wicašta taku en un kin sdonya, heon etanhan.

WICOWOYAKE 3.

1 Wicašta wan Pharisee etanhan Nikodemos eciyapi, Juda oyate itancanpi kin he wanji ee;

2 Hanyetu wan Jesus yanke cin en i qa heciya; Itancan, waonspekiye Wakantanka eciyatanhan u kin henica sdonunniyanpi; taku wapetokeca ecanon ece kin tuwedan hecen okihi šni, Wakantanka kici un šni kinhan.

3 Unkan Jesus ayupte ça heciya; Wowicake, wowicake eciyatanhan heciyiya, Wicašta kin wankantanhan teca nien tonpi šni kinhan Wakantanka tokiconze kin wanyaka okihi kte šni.

4 Wicašta kin kan ehantanhan token ecin teca ni en tonpi kta he. Ake hunku tezi kin mahen kihde ça ake teca ni en tonpi kta he token okihi kta he, Nikodemos eciya.

5 Unkan Jesus ayupte; Wowicake, wowicake eciyatanhan heciyiya, Wicašta kin mini qa Woniya kin on tonpi šni kinhan Wakantanka tokiconze kin en tin iyaya okihi kte šni ce, eya.

6 Tuwe wicacelipi on tonpi kin he wicacelipi, qa tuwe Woniya kin eciyatanhan tonpi kin he woniya.

7 Wankantanhan nitonpi kta ce, eciciye cin heon ihnuhan niyušinyaye cin.

8 Tateyanpa kin tokiyatanhan cin eca eciyatanhan ipogan ece, qa oqo kin he nayañon, tuku tokiyatanhan u, qa tokiya ye cin he sdonyaye šni. Wicašta Woniya kin eciyatanhan tonpi kin owasin hecetu.

9 Nikodemos ayupte ça heciya; Hena token okihipica he.

10 Jesus ayupte ça heciya; İsrail en waonspekiye cin heni-

ca, tuka dena oyakalınige šni he.

11 Wowicake, wowicake eciyatanhan heciyiya; Taku sdonunyanpi kin hena unkeyapi ece, qa taku wanunyakapi kin dena unkoyataninpi, tuka wounyataninpi kin ayaktapi šni.

12 Taku maka kin detanhan ociciyakapi kin wicayadapi šni ehantanhan, mañpiya kin ekta taku ociciyakapi kinhan hee token wicayadapi kta he.

13 Nahahin tuwedan mañpiya kin ekta i šni, tuwe mañpiya kin eciyatanhan kuntkiya u, qa hi kin he Wicašta Cinhintku kin hee, nahahin nakun mañpiya kin ekta yanka.

14 Nakun hewoskan wanmduska Moses wankan ehde qon he iyecen Wicašta Cinhintku kin wankan ehdepi kta.

15 Heon tuwe awacin kinhan owihanke kte šni, qa owihanke wanin wiconi yuhe kta.

16 Wakantanka oyate kin cantewicakiya, heon Cinhintku isnana icage cin wicaqu, qa tuwe awacin kinhan owihanke kte šni, tuka owihanke wanin wiconi yuhe kta.

17 Wakantanka Cinhintku kin wicoicage kin en u ši kin, heon oyate kin wicayaco kta e hecon šni; tuka iye on oyate kin nipi kta e hecon.

18 Tuwe he wacinye cinhan he yacopi kte šni; tuka tuwe wacinye šni kinhan he wanna yacopi; Wakantanka Cinhintku isnana icage cin he caje kin wacinye šni kin heon etanhan.

19 Wicayacopi kin he kaketu; Oyate kin iyoyanpa en wicahi-yohi, tuka wicašta kin otpaza e waštedakapi, qa iyoyanpa e cinpi šni, wicolian šicapi kin heon.

20 Tuwe taku šica econ kin he

iyoyanpa síce daka, qa iyoyanpa ikiyedan u sni, ohan iyopeyapi kte cin heon.

21 Tuka tuwe wowicake eciyatanhan ohan ye cin he iyoyanpa kin en u, ohan yuotaninpi kta, Wakantanka eciyatanhan ohan ye cin heon.

22 Hena iyobakam Jesus waonspewicakiye cin om Juda makoce kin en i; qa en om un, qa baptem wicaqu.

23 Unkan he icunhan Johannes ís eya Enon Salim ikiyedan baptem wicaqu, hen mini ota kin he etanhan. Unkan baptem wicaqupi kta e etkiya aye.

24 Hehanyan hinyahin Johannes kaskapi sni.

25 Hehan taku hdokinicapi, Johannes waonspewicakiye cin wanjikji qa Juda wicašta om, wicayujajapi kin he icalitagya.

26 Unkan Johannes ekta ipi qa heciyapi; Itancan, Jordan wakpa akasanpa tanhan tuwe kici yaun qa daotanin qon he, iho, wanna baptem wicaqu, unkan owasin en ece iyoptapi.

27 Unkan Johannes waayupte ça heya; Wicašta kin mahipiya eciyatanhan taku qupi sni ehan tanhan takudan iye cinka icu okihi kte sni ece.

28 Messiya kin he miye sni, tuka itokam u masipi ce, epe cigon he niye sdonyayapi.

29 Tuwe tawicu ton kin he hihna yanpi kin hee, tuka hihna yanpi takodaku kin en taninyan anagoptan najin, qa hihna yanpi ho kin nahon kin heon iyuskin ece. Heon etanhan wowiyuskin mitawa kin wanna yuece-tupi ce.

30 Iye kin nina sanpa icage kta, tuka miye yuhukun amaye kta.

31 Tuwe wankan tanhan hi kin

he taku owasin iwankam ounye. Tuwe maka etanhan hi kin he maka etanhan, qa maka kin iye-cenya oie kiton. Tuwe mahipi-ya kin eciyatanhan hi kin he taku owasin on iyotan.

32 Qa taku wanyake ça taku nahon kin he owasin yaotanin ece; tuka taku yaotanin kin tuwedan wicada sni.

33 Taku yaotanin kin he tuwe wicada kinhan Wakantanka wicake cin he yutanin ece.

34 Wakantanka tuwe u si kin he Wakantanka oie oyaka; Wakantanka Taniya kin iyuta qu sni, ocowasin qu.

35 Atkuku kin Cinhintku waste-kidake ça, taku owasin iye nape kin en qu:

36 Hecen tuwe Cinhintkuyapi kin wacinye cinhan owihanke wanin wiconi kin wanna yuha; tuka tuwe wacinye sni kinhan, he wiconi wanyake kte sni, tuka Wakantanka tocanniye kin wanna akan un.

WICOWOYAKE 4.

1 Jesus waonspewicakiya ota icicage ça baptem wicaqu, Johannes econ qon sam iyeya, Pharisee kin hecen nahonpi, he Itancan kin sdonya.

2 Tuka Jesus iye atayedan baptem wicaqu sni, waonspewicakiye cin hena heconpi.

3 Hehan Juda makoce kin ayu-ştan, qa Galile heciya ake ekta hda.

4 Qa Samariya he en acankuye kta iyececa.

5 Hecen otonwe wan Sukar eciyapi Samariya makoce en, Joseph en ounye kta e Jakob atkuku qu qon he ikiyedan, he ekta hi.

6 Jakob miniyowe tawa kin he

etu; Jesus mdokite hda, qa miniyowe kin he ahankeya iyo-tanka. Anpetu kin he en wiyotanhe cin hehantu.

7 Samariya oyate etanhan winohinca wan mini huwe hi; unkan Jesus, Mini maqu wo, eciya.

8 He icunhan waonspewicakiye cin otonwe kin ekta taku yutapi opeton iyayapi.

9 Winohinca Samariya oyate etanhan qon hecen eya, Juda wicašta kin henica, Samariya oyate kin hematanhan, he tokeca e mini mayakida he. Juda oyate Samariya oyate kici takudan ikicitukapi wanice cion.

10 Jesus ayupte ça heciya; Wakantanka taku wicaqu kin he, qa, Mini maqu wo, eniciye cin he tuwe kin sdonyaya unkanš, niye yakida kta, kinhan mini wiconi kin niçu kta tuka ce.

11 Itancan, mini kin de temahentuya hiyeya qa takudan on edaku kte šni; tokiya tanhan mini wiconi kin duha he, winohinca kin eciya.

12 Jakob ateunyanpi miniyowe kin de unqupi, qa etanhan iye mini yatkan, qa cinca qa tawanunyanpi ko, he *hecon* tuka niye iniyotan he.

13 Unkan Jesus ayupte ça heciya; Tuwe mini kin de etanhan yatke cin nakun ipuza kta;

14 Qa tuwe mini waqu kte cin etanhan yatke cin icimana ipuza kte šni. Tuka mini waqu kte cin he owihanke wanin wiconi iyahdeya kaduze kta, eya.

15 Unkan winohinca kin heciya; Itancan, mini kin he etanhan maqu ye, hecen imapuza kte šni, qa nakun icimana mini kin de huwe wahi kte šni, eya.

16 Unkan, Nihihna kico ya

wo, qa den kici hi wo, Jesus eciya.

17 Tuka winohinca kin waayupte ça heciya; Mihihna kin wanica ce. Nihihna wanica kehe cin he hecetu e ecen eha ce;

18 Nihihna zaptan, tuka nakaha hihnayaye cin de nitawa šni; hecen ehe cin he wicayaka ce, Jesus eciya.

19 Hehan winohinca kin heciya; Itancan, wicašta wokcan kin henica imdukan;

20 Hunkake wicunyanpi paha kin de en ohodapi ece; tuka niye, Jerusalem he en wicašta ohodapi ece e kta, kehapi ce.

21 Unkan Jesus heciya; Winohinca, wicamada wo, anpetu wan u ce, paha kin de en, qa Jerusalem nakun en, Ateyapi kin ohoyadapi kte šni.

22 Niye taku ohoyadapi kin sdonyayapi šni; unkiye taku ohoundapi kin sdonunyanpi ece. Juda oyate kin eciyatanhan wanikiyapi kin u ce.

23 Tuka anpetu u kin he wana hiyohi, tona wowicake eciyatanhan ohodapi kin hena woksape wowicake eciyatanhan Ateyapi kin ohodapi kta. Ateyapi kin he tona hecen ohodapi kte cin akita ece.

24 Woksape kin he Wakan-tanka kin ee; qa tona ohoda kinhan hena woksape wowicake eciyatanhan ohoda kta.

25 Hehan winohinca kin heciya; Messiya Sdayapi eyapi kin hi kta, tohan hi kinhan taku kin owasin unkokiyakapi kta e sdonwaya.

26 He miye e ociciya ce, Jesus eciya.

27 He icunhan waonspewicakiye cin en hdipi, qa winohinca kin kici okiciciya un kin heon yuſinyayapi. Tuka wanjidan;

Taku ayakita he; qa, Tokeća kici iyaa he, eyapi śni.

28 Hehan winohinca kin wakiśkokpa elipeya kihde ça, otonwe kin ekta ki, qa wicaśta kin hewicakiya;

29 Wicaśta wan taku ecamon qon owasin omiciyake cin he ito wanyag u miye. He Messiya kin ee śni he.

30 Hehan otonwe kin etanhan enanpa, qa yanke cin en ai.

31 He icunhan waonspewicakiye cin cekiyapi qa, Itancan, wota wo, eciyapi.

32 Tuka iye hewicakiya; Taku yutapi sonyayapi śni kin heca wate kta e mduha ce.

33 Heon, Tuwe taku yutapi kahi he, wonspewicakiye cin ekiciyapi.

34 Tuka Jesus hewicakiya; Tuwe u maśi kin he tawacin kin eeen ecamon kta, qa iye tohan kin weciyuśtan kte cin he taku wate cin ee.

35 Ehake wi topa kinhan taku mnaunyanpi kta ce, ehapi. Tuka miś kaken eciciyapi; Wankan etonwanpi qa maga kin wanyaka po, wanna owasin ska qa mnayanpi kin wanna iyehantu.

36 Qa tuwe taku mnaye cin he wokajuju icu ece, qa owihanke wanin wiconi waskuyeca mnayan ece; hecen on tona woju, qa tona mnaye cin napin wiyuśkinpi kta.

37 Wanji woju qa wanji mnayan, eyapi qon dee e wicakapi.

38 Niye htayanipi śni tuka wamnayanpi he econ ciśipi. Wicaśta tokeca htanipi unkan he htanipi kin en niye oyapapi.

39 Winohinca kin, Token ecamon qon owasin omiciyaka ce, eye ciqon heon wicaśta Samariya oyate otonwe kin he en ota Messiya hee kin wicadapi.

40 Heon Samariya oyate Jesus en hipi qa cekiyapi, iye tipi kin en un śipi. Unkan nonpa can hen un.

41 Unkan ia nañonpi kin hehan wicota wicadapi.

42 Qa, Taku odake cin he etanhan wicaundapi kin hee śni, unkiś eya naunñonpi, Messiya hee qa oyate wanikiye kte cin hee e sdonunyanpi, winohinca kin eciyapi.

43 Anpetu nonpa iyohakam hehan hetanhan ye ça Galile heciya hda.

44 Jesus iye atayedan hdaotanin, wicaśta wokcan kin heca iye tamakoce kin en yuonihanpi śni ece.

45 Unkan Galile ekta ki, hehan Galile wicaśta kin iyowin-kiyapi, Jerusalem ekta wośnapi kin icunhan taku econ qon owasin wanyakapi kin heon etanhan; iś eya wośnapi kin ekta ipi nakaes.

46 Unkan Galile en Kana otonwe kin, mini ikceka miniśa icalye ciqon he ake en hdi. Unkan Kapernaum ekta wicaśta itancan wanji cinhintku wazanka:

47 He Jesus Juda makoce kin hetanhan Galile en hi, nañon kin heon ekta ye ça cekiya, cinhintku kin asniye kta e ekta u kta; wanna te kta ikiyedani.

48 Hehan Jesus heciya; Taku wowanyake wowapetokeca ko wandakapi śni keś wicayadapi kte śni ce.

49 Unkan wicaśta itancan kin heciya; Itancan, micinkśi te śni itokam kun u wo.

50 Tuka Jesus heciya; Hunktiya wo, nicinkśi ni ce. Unkan wicaśta kin Jesus ie cin wicada, qa ekta hda.

51 Tiyatakiya hda, unkan wi-

cašta wowidake wicayuhe cin awicakipa, unkan, Nicinksi kin ni ce, eya okiciyakapi.

52 Wi kin tohan yanka hehan asni aya he, eya iwicawanga. Unkan, Htanihan wiyotanhani kintanna inašdoka, hetanhani tancan kata ayušan ce, eyapi.

53 Unkan atkuku kin tohan Jesus, Nicinksi ni ce, eciye ciqon hehantu e kiksuya. Unkan iye qa tiyohnaka tawa koya wicadapi.

54 Jesus Juda makoce etanhani Galile icicawin en hdi, wowape-tokeca econ kin icinonpa kin he dee

WICOWOYAKE 5.

1 Hehan iyohakam Juda oyate omniciye wan kagapi he icunhan Jesus Jerusalem he en i.

2 Jerusalem en tahinca wanunyanpi tiyopa kin he en ikiyadan, mini kiwitayapi, Hebrew iapi Bethesda eciyapi, zaptankiya aohanziya hdepi.

3 Hena ohna wicašta wayazanka ota, hušte, išta gonga, tařaka ko ota en makan hiyeya, mini škanškan ape hiyeya.

4 Tohan iyehantu eca, małpiya ohnihde wan mini kin en hi qa škanškanya ece. Tokiya yazan kin owasin tohan mini kin he škanškan eca tuwe tokaheya en iyohpeičiya eca asni ece.

5 Wicašta wan he en wanka, waniyetu wikcemna yamni sanpa šahdogan hehanyan wayazanka.

6 Wicašta kin he makata wanka, wanakaja tanhan wayazanka Jesus wanyaka, qa, Anisni kta yacin he, eciya.

7 Wicašta wayazanke cin heciya; Itancan, mini kin škanškan keš tuwedan en iyohpemaye šni;

en mde kta keš tuwe tokeca mitokam en iyečiya ece.

8 Najin, owinja ehdaku qa mani wo, Jesus eciya.

9 Unkan ecahankeya wicašta kin akišni, qa owinja kin ehdaku, qa mani. Unkan anpetu kin he anpetu wakan.

10 Heon etanhani Juda oyate kin wicašta asniyanpi qon heciyapi; Nakaha anpetu wakan; owinja yečin kin he hecetu šni ce.

11 Tuwe asnimaye cin he, Owinja ehdaku qa mani wo, emakiya ce, ewicakiya.

12 Hehan, Wicašta kin, Owinja ehdaku qa mani wo, eniciye cin he tuwe he, eya iwangapi.

13 Tuka wicašta asniyanpi kin he tuwe kin sdoney šni: he icunhan wicota hen unpi hecen Jesus icunonpa iyaya.

14 Hehan iyohakam tipi wakan en wicašta kin he Jesus wanyaka, unkan, Wanyaka ye, wanna anisni; icimana wałtani šni wo; okinni ake taku wanji šica sanpa tanka iyanihde kta ce, eciya.

15 Unkan wicašta kin he kihde řa, Tuwe asniye ciqon he Jesus ee, Juda oyate owicakiyaka.

16 Heon etanhani Juda oyate Jesus kuwa ayapi, qa anpetu wakan kin icunhan hena econ kin heon řeyapi kta e akitapi.

17 Unkan, Ate nahalin htani, he etanhani miřeya htawani, Jesus ewicakiya.

18 Unkan Juda oyate hehan iyotan Jesus řeyapi kta sanpa akitapi, anpetu wakan botica, qa nakun Wakantanka atayedan Ateya keiçiye cin, Wakantanka kici akiyecen ihdawa kin, heon etanhani.

19 Unkan Jesus waayupte řa

hewicakiya ; Wowicake, wowicake eciyatanhan heciciyapi, Cinhintkuyapi kin takudan iye cinka econ kta okihi śni ; Ateye cin taku econ wanyaka eca, hehan Cinhintku kin is̄ eya iye-cen econ ece.

• 20 Ateyapi kin Cinhintku wašte kidake cin heon taku econ kin hena owasin onspekiya ; qa nakun ees̄ wicoħan dena sanpa tanka onspekiye kta, hecen ininihanpi kta.

21 Ateyapi kin tuwe Ƨa keš̄ niye Ƨa wiconi wicaqu ece ; he iyecen Cinhintku kin is̄ tona cin kinhan wiconi wicaqu ece.

22 Nakun Ateyapi kin tuwedan yaco śni, tuka woyaco owasin Cinhintku kin qu.

23 Heon etanhan owasin Ateyapi kin token ohodapi hecinhan he iyecen Cinhintku kin ohodapi kta. Tuwe Cinhintku kin ohoda śni kin he Atkuku u śi kin he nakun ohoda śni.

24 Wowicake, wowicake eciyatanhan heciciyapi, Tuwe mi-oie kin anagoptan, qa u maši kin he awacin kinhan, owihanke wanin wiconi yuhe kta ; qa woyaco en i kte śni, wanna wiconƧe etanhan wiconi ekta e i.

25 Wowicake, wowicake eciyatanhan heciciyapi, Anpetu wan u qon wanna hi, wicašta Ƨa tona Wakantanka Cinhintku ho kin naħon kta ; qa tona naħon kinhan hena ni kta.

26 Ateyapi kin iye cinka wiconi hduha, he etanhan Cinhintku kin is̄ iye cinka wiconi hduhe kta e qu.

27 Qa nakun wowašake woyaco kin he nakun Cinhintku qu, Wicašta Cinhintku kin e heon etanhan.

28 Ihnuhan hena ininihanpi kin

do ; anpetu wan hi kta ee, wicašta wicalıapi kin owasin iye ho kin naħonpi kta ;

29 Qa hninanpapi kta, tona wašte econpi kin hena wiconi woekicetu ekta ; qa tona taku śica econpi kin hena woyaco woekicetu ekta hiyupi kta.

30 Miye cinka taku ecamon owakitpani ; taku mdaco kin hena taku nawaħon kin heciya tanhan ; qa taku mdaco kin hena hecetu. Miye mitawacin he owakide śni, tuwe u maši kin he tawacin owade.

31 Miye mihdaotanin kinhan, taku mdaotanin kin he wowicake śni.

32 Wanji tokeca mayaotanin ece ; unkan wayaotanin iye mayaotanin kin he wowicake e sdonwakiya.

33 Johannes ekta ye wicayaši-pi ; unkan taku yaotanin kin wowicake kin hee.

34 Tuka wicašta akantu wayaotaninpi kin iwacu śni ; tuka dena on yanipi kta e heciciyapi.

35 He peta ijanjan iyege Ƨa okitanin ; unkan iyoƧanpa tawa kin on kohanna iyuškin wacan-nipi.

36 Tuka Johannes sam iyeya tanka wayaotanin mduha ; wicoħan ecamon kta Ate maqu qon hena e ecamon ece ; Ate umaši e yuotanin kin hena ee.

37 Qa Ateyapi umaši qon he nakun mahduotanin : He toħinni ho kin nayalıonpi śni, qa itohnake wandakapi śni :

38 Qa oie kin en niunpi śni, tuwe u śi kin he wicayadapi śni, heon etanhan.

39 Wowapi wakan kin en akita po ; heciyatanhan wiconi owihanke wanica duhapi kecannipi ; unkan omayake cin hena ee.

40 Tuka owihanke wanin wi-

coni duhapi kta e on miye en mayaupi yacinpi šni.

41 Wicašta ekta mitawootanin kin awecite šni.

42 Tuka Wakantanka wašte-dakapi kin he en niunpi šni e sdonciyapi.

43 Ate cajeyan wahi, tuka iyo-winmayakiyapi šni; tuwe iye caje atayedan hduha hi kin hee iowinyakiyapi kta.

44 Niye iyakitedan nitawootaninpi kin ayecitapi, qa Wakantanka eciyatanhan wootanin kin ayakitapi šni, he token on wicayadapi kta he.

45 Ate en aciyapi kta e kecan-makinpi šni po; Moses he wacinyayapi qon he iye taku iyanionpapi ce.

46 Moses wicayadapi unkanš miš eya wicamayadapi kta tuka. He miye on wowapi kaga.

47 Tuka iye wowapi kage cin hena wicayadapi šni kinhan, ecin token mioie kin wicayadapi kta he.

WICOWOYAKE 6.

1 Hena iyohakam Jesus Galile mde kin, he nakun Tiberias mde kin ee, he akasanpa iyaya.

2 Unkan oyate ota ihakam yapi, wicašta wayazanpika en wapetogya ohanyan wanyakapi qon heon etanhan.

3 Unkan Jesus paha wan ekta iyaya, qa waonspewicakiye cin om akan iyotanka.

4 Unkan woacakšin, Juda oyate wošnapi tawapi wan, he wanna ikiyedan ihan.

5 Jesus išta yuwankan ikikcu, qa wicota iye yanke cin en au wanwicayake cehan, Philip heciya; Aguyapi dena yutapi kte cin tokiyatanhan opeuntonpi kta he.

6 He yukcan kta on etanhan

heciya; token econ kte cin he sdonkiya tuka.

7 Hehan Philip ayupte; Kašpapidan opawinge nonpa aguyapi iyopeyapi, qa otoiyo hi ci-keistinna icupi ešta, nakun iyo-wicahi kte šni ce, eya.

8 Hehan waonspewicakiye cin wanji, Simon Inyan sunkaku, Andrew eciyapi, he nakun heciya;

9 Psin ska aguyapi zaptan qa hogan nom hena den hokšidan wan yuha; tuka wicota qa hena on token hanpica he.

10 Unkan, Wicašta kin iyo-tanke wicaši po, Jesus eya. He en peji ota. Wicašta kin hena iyotankapi, unkan kektopawinge zaptan iyecetu.

11 Hehan Jesus aguyapi kin hena icu qa yawakan, qa waonspewicakiye cin wicaqu; unkan waonspewicakiye cin iyo-tang hiyeye cin wicakipamnipi; qa nakun hogan tohanyan cinpi kin.

12 Unkan imnanpi hehan waonspewicakiye cin hewicakiya, Oyaptapi kin hena pahi po, hecen takudan atakuni kte šni.

13 Unkan psin ska aguyapi oyaptapi qon he etanhan makanopiye ohnaka ake nonpa pahipi; wotapi etanhan iwicakiciyaye cin hena ee.

14 Taku wapetogya Jesus econ kin oyate kin wanyakapi, qa heon heyapi, Wicašta wokcan itan-can oyate en hi kta keyapi qon he wanna dee.

15 Oyate kin Jesus icupi, qa wicaštayatapi kaš wacinpi e sdonkiya, qa paha kin icunonpa akan ishana iyaya.

16 Unkan wanna litayetu hehan waonspewicakiye cin mde kin ektakiya yapi;

17 Qa wata wan en opapi qa

mde kin he opta yapi, Kapernaum heciya i wacinpi. Unkan otpaza tuka nahanhin Jesus ekta wicahi šni.

18 Unkan tateyanpa hinca, on etanhan mde kin nina taja aya.

19 Unkan wiyutapi wikcemna nonpa sam zaptan, qa is wikcemna yamni hehanyan watopapi, hehan wata kin ikiyedani Jesus mini kin amani u wanyakapi; unkan yušinyayapi.

20 Tuka, He miye ce, ihnuhan koyakipapi kin do, ewicakiya.

21 Hehan iyokipiya wata kin en iyowinkiyapi; unkan tokiya yapi qon, wata kin kohanna he en ihunni.

22 Ihanhanna hehan oyate mde kin icahda yukanpi kin, hen wata wanica, wanji waonspewicakiye cin en opapi qon heceyedani, qa Jesus waonspewicakiye cin om wata kin en ope šni, tuka waonspewicakiye cin isnana iyayapi, he wanyakapi:

23 Tuka Jesus aguyapi yawakan qa yutapi qon he en ikiyadan Tiberias eciyatanhan wata toktokeca en hipi.

24 Oyate kin Jesus waonspewicakiye cin om he en yukanpi šni wanyakapi, unkan oyate kin wata kin hena en opapi qa mde kin opta yapi, Jesus Kapernaum heci un kin he akin yapi.

25 Unkan mde kin akasanpa hen iyeyapi qehan, heciyapi; Itancan tohinni den yahi he.

26 Jesus awicayupte ça heya; Wowicake, wowicake eciyatanhan heciciyapi, Omayadepi kin he taku wapetokeca wandakapi kin heon hecanonpi šni, aguyapi imnahan yatapi qon e heon.

27 Taku yutapi on wicatakuni šni heon litanipi šni po; tuka taku yutapi owihanke, wanin wiconi hehanyan kte cin hee on

litani po, he Wicašta Cinhintku kin niçupi kta; Wakantanka Ateyapi kin wanna he askamton.

28 Hehan heciyapi; Token econkupi kta, on Wakantanka tohan kin unkoňhanyanpi kta he.

29 Jesus waayupte ça hewicakiya; Wakantanka wicoňhan tawa kin he dee, tuwe u ši kin he wicayadapi kta.

30 Heon etanhan heciyapi; Taku wapetokeca ecanon kin tukte e heon, wanunyakapi qa wicaunniyapi kta; taku yakaga he.

31 Hunkake wicunyanpi kin eya wanna hewoskan manna yutapi qon; Małpiya eciyatanhan aguyapi yutapi kta e wicaqu ce, eya owapi qon he iyececa.

32 Unkan Jesus hewicakiya; Wowicake, wowicake eciyatanhan heciciyapi; Moses aguyapi kin he małpiya kin eciyatanhan niçupi šni; tuka Atewaye cin he aguyapi wowicake kin małpiya eciyatanhan niçupi.

33 Aguyapi Wakantanka tawa kin he tuwe małpiya eciyatanhan kuntkiya u, qa oyate wiconi wicaqu kin hee.

34 Unkan, Eca Itancan, aguyapi kin he ohinniyan unqu po, eciyapi.

35 Tuka Jesus hewicakiya; Aguyapi wiconi kin he miye ce. Tuwe en mau kinhan wotektehda šni un kta; qa tuwe wicamada kinhan ipuza šni un kta.

36 Eya wanna wanmayadakapi, tuka wicamayadapi šni e, eciyapi qon.

37 Ate tona maqu kin owasin miye en mau kta; qa tuwe en mau kinhan tankan iyewaye kte šni.

38 Małpiya eciyatanhan wahi kin, he mitawacin owape kte šni, tuwe u maši kin he tawacin owecipe kta.

39 Atewaya u maši kin he tawacin kin he dee, tona maqu kin wanjidan toki ehpewaye šni, ecen anpetu ihankeya kin piya icalhwaye kta.

40 Tuwe u maši kin he tawacin kin he dee, tona Cinhintku-yapi kin he wanyake ça wicada kin hena owihanke wanin wiconi yuhe kta, qa anpetu ihankeya kin he en piya icalhwaye kta.

41 Heon Juda oyate kin ajijipi ; Aguyapi małpiya eciyatanhan kun u kin he miye ce, eye ciqon heon etanhan.

42 Qa heyapi ; Jesus Joseph cinhintku qon he dee šni he, atkuku hunku ko sdonwicunyanpi ce : hecen token, Małpiya eciyatanhan wahi ce, eya okihi he.

43 Heon Jesus waayupte ça hewicakiya ; Niye iyakitedan waajijipi šni po.

44 Tuwedan iye cinka en mau kte šni, Ate u maši qon tuwedan en au šni kinhan, qa anpetu ihankeya kin en piya icalhwaye kta.

45 Unkan owasin Wakantanka eciyatanhan onspewicakiyapi kta ce, wicašta wokcan kin en eya owapi qon. Heon tona Ate waonspewicakiye ça anagoptanpi kin hena owasin en maupi kta.

46 Tuwedan Ateyapi kin tohinni wanyake šni, tuwe Wakan-tanka etanhan u kin hecedan Atkuku wanhdaka.

47 Wowicake, wowicake eciyatanhan heciciyapi, Tuwe miye wicamada kinhan, he owihanke wanin wiconi yuhe kta.

48 Aguyapi wiconi he miye.

49 Nihunkakepi kin hewoskan manna yutapi, tuka ɽapi.

50 Małpiya eciyatanhan aguyapi hi kin he dee, tuwe etanhan yute cinhan ɽe kte šni.

51 Aguyapi ni un kin he miye, małpiya eciyatanhan wahi ; tuwe etanhan yute cinhan owihanke wanin ni kta. Aguyapi wicawaqu kte cin he micelpi kin ee, he oyate wicani kta e wicawaqu ce, eya.

52 Wicašta kin de iye celpi etanhan unqupi qa untapi kta heye cin, he token okihi kta e heya he, Juda oyate iyakitedan eya hdokinicapi.

53 Hehan Jesus hewicakiya ; Wowicake, wowicake eciyatanhan heciciyapi ; Wicašta Cinhintku kin celpi etanhan yatapi šni, qa we kin datkanpi šni kinhan wiconi takudan en niunpi kte šni.

54 Tuwe micelpi etanhan yute ça mawe yatke cinhan owihanke wanin wiconi yuha ece, qa anpetu ihankeya kin en piya icalhwaye kta.

55 Micelpi kin he woyute otancan, qa mawe kin he woyatke otancan.

56 Tuwe micelpi yute ça mawe yatke cin he mici un, qa miš kici waun.

57 Ate u maši kin he ni un, qa Ate on ni waun, he etanhan tuwe mayute cinhan miye on ni un kta.

58 Aguyapi małpiya eciyatanhan hi kin he dee. Nihunkakepi manna yutapi qon de iyecece šni, he yutapi tuka ɽapi. Tuwe aguyapi kin de etanhan yute cinhan owihanke wanin ni kta ce, eya.

59 Kapernaum en omniciye ti-pi kin he ohna waonspekiya icunhan hena hecen eya.

60 Heon etanhan waonspewicakiye cin ota he nałonpi qehan, Wicoie kin de tehika ce, tuwe e nałon okihi kta he, eyapi.

61 Unkan Jesus waonspewica-

kiye cin hena heya ajijipi kin, iye atayedan sdonye ça hewicakiya; Tokeca de iyanipaṭopi he.

62 Wicašta Cinhintku kin wankan un qon ake ekta kihde ça, wandakapi kinhan, tokeca kta he.

63 Woniya kin he wiconi kaga ece, wicaceḥpi kin takudan okihi śni. Wicoie eciciyapi kin hena woniya qa wiconi kin hee.

64 Tuka wanjikji he wicayadapi śni. Otokahe ekta tanhan tona wicadapi kte śni, qa nakun tuwe wiyopeye kte cin hena Jesus sdonya.

65 Unkan heya; He etanhan heciciyapi qon, Tuwedan iye cinka en mau okihi kte śni, tuwe Atewaye cin he qu kinhan heceyedan okihi kta.

66 Hecetu, unkan heon waonspewicakiye cin ota ayuṣtanpi, qa icimana ihakam yapi śni.

67 Hehan Jesus akenonpapi kin, Niś eya yahdapi kta he, ewicakiya.

68 Unkan Simon Inyan ayupte; Itancan, tuwe ekta unyanpi kta he; owihanke wanin wiconi wicoie duhe cin;

69 Qa Messiya Wakantanka ni un Cinhintku kin he niye e wicaundapi qa sdonunyanpi ye, eya.

70 Unkan Jesus awicayupte; Akeninonpapi kin miye cicalinigapi śni he; tuka wanji wakanśica yaunpi ce, eya.

71 Simon cinhintku Judas Iskariyot he ke ça hecen eya. Akenonpapi kin he etanhan tuka he wiyopeye kte cin ee.

WICOWOYAKE 7.

1 Hena iyohakam Jesus Galile en un; Juda oyate ṭe yapi kta

akitapi heon Juda makoce en un wacin śni.

2 Juda oyate woacakśin wośnapi ece kin he wanna kiyedan aya.

3 Heon etanhan iye sunkawicaye cin heciyapi; Detanhan ya wo, qa Juda makoce kin en un wo, hecen waonspewicayakiye cin niohan ecanon ece kin hena wanyakapi kta.

4 Tuwe ihdutanin cin kinhan, taku naḥmana econ śni ece. Dena ecanon kta hecinhan, iho oyate kin en ihdutanin wo.

5 Sunkawicaye cin iyepi nakun wicadapi śni.

6 Heon Jesus hewicakiya; Miye anpetu kin hinyanḥin iyemicihantu śni; tuka niye qe anpetu kin ohinniyan wiyeya niciyan-kapi.

7 Oyate kin śicenidapi okihipi śni, tuka miye e śicemadapi; wicohan tawapi kin hena śica e mdaotanin ece kin heon etanhan.

8 Niye qe wośnapi kte cin ekta ya po. Miye qe nahāhin anpetu iyemicihantu śni, heon wośnapi kin he ekta mde kte śni ce.

9 Hena hewicakiye ça hehan Galile en un.

10 Tuka sunkaku iyayapi kin iyohakam hehan, iś wośnapi kte cin ekta ya, taninyan ye śni, tuka naḥmana ya.

11 Wośnapi kin icunhan Juda oyate odepi qa, Tokiya un he, eyapi.

12 Qa oyate kin iapi ota on aia-pi. Apa, He wicašta wašte ce, eyapi: qa toktokeca iś, Hiya, oyate kin wicahnayan ce, eyapi.

13 Juda oyate kowicakipapi, heon etanhan tuwedan taku ataninyan eye śni.

14 Wośnapi kin cokaya hdoipi, unkan Jesus tipi wakan ohna inajin, qa wowicakiyaka.

15 Unkan Juda oyate kin inihanpi qa heyapi; Wicašta kin de tokiya tanhan wowapi kin onspe he; tohinni onspekiyapi šni qon.

16 Unkan Jesus awicayupte ça heya; Wociciyakapi kin de miye etanhan šni, tuwe u maši kin he iye etanhan.

17 Tuwe iye tawacin ecen econ wacin kinhan, woyakapi kin de Wakantanka eciyatanhan hecinhan, qa iš miye cinka hena epa hecinhan, sdoney kta.

18 Tuwe iye en oie iciye cinhan he iye towitan okide ece; tuka tuwe iš, tuwe uši kin he towitan okicide kinhan, he iye wowicake, qa wicowicaštašni takudan en un šni.

19 Moses woope kin ničupi šni he; tuka tuwedan woope kin ecen ecanonpi šni; taku on temayayapi kta e ayakitapi he.

20 Oyate kin ayuptapi qa heyapi; Wakan šica niyuhnaskin-yan; tuwe e teniyan akita he.

21 Hehan Jesus waayupte ça hewicakiya; Wicohan wanji ecamon, unkan owasin niyusiinyayapi.

22 Moses baḥdayapi wicohan kin ničupi; he Moses etanhan šni, tuka hunkakewicayapi kin etanhan; unkan anpetu wakan eca wicašta wan bayeciḥdayapi ece.

23 Hecen anpetu wakan eca wicašta wan bakiciḥdayapi hecinhan, on Moses woope kage ciqon yujupupi kte šni; wicašta wan anpetu wakan en ocowasin okiziwaye cin heon cantamayahdepi he.

24 Wiyacinyan wayacopi šni po, wokonze e eciyatanhan wayaco po.

25 Hehan Jerusalem etanhan wanjikji heyapi; Tuwe teyan akitapi kin he dee šni he.

26 Unkan iho, kagi šni ia tuka tuwedan taku eciye šni. Wicašta itancanpi kin awicakehan Messiya kin he dee e sdonyapi he.

27 Tuka wicašta kin de tokiyatanhan u kin sdonunyanpi; tohan Messiya hi kinhan, tokiyatanhan u kin tuwedan sdoney kte šni, eyapi.

28 Hehan Jesus tipi wakan kin ohna waonspekiya icunhan hotankakiya heya; Tuwe miye kin sdonmayayapi, qa tokiya tanhan wau kin he nakun: qa miye cinka wahi šni; tuka tuwe u maši kin he wicaka, ege sdonyayapi šni.

29 Tuka miye he sdonwakiya, he iye etanhan wahi, qa u maši kin hee.

30 Unkan heon tiinsa yuze wacinpi, tuka nahalin iyehantu šni kin heon tuwedan nape on yutanpi šni.

31 Unkan oyate kin etanhan wicota he iye kin wicadapi qa heyapi; Tohan Messiya hi kinhan, de taku wapetogya econ kin, he sam iyeya hecon kta he, eyapi.

32 Oyate kin iyakitedan hekiciyapi he Pharisee kin naḥonpi; unkan wošna kagapi Pharisee ko, yuzapi kta e on akicita ekta ye wicašipi.

33 Hehan Jesus hewicakiya; Ehake tokata cistiyedan ocipapi waun kta, hehan tuwe u maši kinhan heciya wahde kta.

34 Omayadepi kta, tuka iyemayayapi kte šni; qa tokiya waun kin ekta yaupi kta ešta, oyakitanpi kta.

35 Hehan Juda oyate kin iyakitedan hekiciyapi; Tokiya ye kta he, qa iyeunyanpi unkokihipi kte šni; Helenes oyate kin ehna enanakiya iyayapi kin ekta

ye ca, Helenes wowicakiyake kta he.

36 Omayadepi kta tuka iyemayayapi kte śni, qa tokiya waun kin ekta yaupi kta ešta, oyakiptanipi kta ce, eye cin wicoie kin he toketu he, eyapi.

37 Wośnapi anpetu ehake qa tanka kin en, Jesus najin qa hotankakiya heya; Tuwe ipuza kinhan en mau qa mini yatke kta.

38 Tuwe wicamada kinhan, wowapi wakan eye cin iyececa, iye tanmahen tanhan wiconi mini wakpadan kaduze kta ce.

39 Tuka Woniya, tona iye wacinyanpi kin icupi kte cin hee on hecen eya: he ehan nahāhin Woniya Wakan kin wicaqupi śni, nahāhin Jesus wowitan ehan i śni.

40 Oyate kin etanhan wicota wicoie kin de nahonpi qehan, Awicakehan wicašta wokcan kin he dee ce, eyapi.

41 Toktokeca iś, Messiya kin he dee ce, eyapi. Tuka apa iś, Messiya Galile etanhan u kta he, eyapi.

42 Dawid wicoicage tawa kin etanhan Messiya hinanpe kta, qa Bethlehem otonwe Dawid en un qon hetanhan u kta ce, wowapi wakan eye śni he.

43 Hetanhan oyate kin akipam wacinkiyuzapi.

44 Qa hunh yuze wacinpi, tuka tuwedan nape on yutan śni.

45 Hehan akicita kin, wośna kagapi Pharisee ko ekta icicawin wicakipi; unkan, Tokeca e ayahipi śni he, ewicakiyapi.

46 Akicita kin awicayuptapi; Wicašta kin tuwedan tohinni wicašta kin de iyecen oie ye śni ce, eyapi.

47 Hehan Pharisee kin iś awicayuptapi, Niś nakun nihnayanpi he.

48 Wicašta itancanpi kin wanjikji qa Pharisee ko he wicadapi he.

49 Tuka oyate kin de, woope yukcanpi śni kin hena wahtepi śni ce, eyapi.

50 Nikodemos hanyetu ehan Jesus yanke cin en i qon, he itancanpi kin wanji ee, hewicakiya;

51 Woope unkitawapi kin, wicašta token eye cin nahon śni, qa taku econ kin atayedan sdonye śni itokam, yaco he.

52 Unkan ayuptapi qa heciyapi; Niś Galile henitanhan he: Wawiwange ça wanyaka wo; wicašta wokcan tuwedan Galile etanhan u śni ce.

53 Hehan otoiyohi iye tipi kin ekta kihdapi.

WICOWOYAKE 8.

1 Jesus Oliwe Paha kin ekta i.

2 Qa ihanhanna anpao hehan tipi wakan kin en ki, unkan oyate kin owasin en ahi; unkan en iyotanke ça wowicakiyaka.

3 Unkan wośna kagapi Pharisee ko winohinca wan nahma ihduśaka e en kahipi, qa cokata ehdepi;

4 Qa heciyapi, Waonspekiye, winohinca kin de wawicihahapi econ wanka icunhan iyeyapi.

5 Unkan Moses, woope kin en, tona hececa kin inyan on wicakininpi kta, unkekiciyapi qon: tuka niś token ehe kta he.

6 Taku iyaonpapi kte cin he akitapi e heon etanhan he iyutanyan heciyapi. Tuka Jesus patuś inajin, qa nape on maka kin en owa.

7 Unkan kitanyan wiwangapi, hehan Jesus owotanna inajin, qa hewicakiya; Wanji tukte woahtani wanin yaunpi hecinhan,

he tokaheya inyan on kinin kte.

8 Hehan ake patuš inajin qa ake maka kin en owa.

9 He nañonpi, unkan iye tawacin on ihdacopi, heon wanjikjidan tankata kinanpapi, tokaheya wicašta tanka unpi, qa ecen hakaktapi koya owasin; qa Jesus isnana un elipeyapi, winohinca cokata hdepi qon he koya.

10 Unkan Jesus ihduowotanana, qa tuwedan wanyake šni, winohinca ecedan ecen najin, unkan heciya, Winohinca, wiyanonpapi qon owasin toki iyayapi he; tuwedan niyaco šni he.

11 Han, Itancan, tuwedan šni, eya. Miš eya ciyaco šni, hunktiya wo, tokata yeye cin icimana wahtani šni wo, Jesus eciya.

12 Hehan ake Jesus owicakiye ça heya; Oyate iyoyamwicaye cin he miye. Tuwe mihakam u kin he otpaza ehna mani kte šni, iyoyanpa wiconi hee tawa kta.

13 Hehan Pharisee kin heciyapi; Niye atayedan nihdaotanin, heon wadaotanin kin he wowicake šni.

14 Jesus waayupte ça hewicakiya; Miye atayedan mihdaotanin qe yaš mihdaotanin kin he wowicake; tokiya tanhan wahi kin he sdonwakiya, qa nakun tokiya mde kte cin he; qa niyepi kin tokiya tanhan wau, qa tokiya mde cin hena sdonyayapi šni.

15 Wicacelipi eciyatanhan wadacopi; tuka miye qe tuwedan mdaco šni.

16 Tuka nakun wamdaco kinhan, wamdaco kin he wowicake kta; mišnana waun šni, tuka Ateyapi u maši kin he micium ece.

17 Wicašta nom waayataninpi

kin he wowicake ce, woope duhapi kin en owapi qon.

18 Miye atayedan mihdaotanin, qa Ate u maši kin he nakun mayaotanin.

19 Unkan, Niyate tukte e he, eciyapi. Jesus is awicayupte, Sdonmayayapi šni, qa nakun Ateyaye cin sdonyayapi šni: Miye kin sdonmayayapi unkanš, Ate is nakun sdonyayapi kta tuka.

20 Tipi wakan kin en mazaska opiye he cin he en, Jesus waonspewicakiya icunhan hena hewicakiya. Heca tuka tuwedan Jesus otan wacinpi šni, anpetu kin nahahin kicihi šni heon.

21 Hehan Jesus ake hewicakiya; Wahde kta, qa omayadepi ecen woahntani ehna niłapi kta; qa tokiya wahde cin heciya dapi kta ešta oyakitpanipi kta.

22 Unkan Juda oyate kin heyapi; Iye içikte kta he. Tokiya mde cin heciya dapi oyakitpanipi kta ce, eye cin.

23 Hehan iye hewicakiya; Niye kuya tanhan yaunpi; qa miye e wankan tanhan waun; maka kin detanhan yaunpi, tuka miye maka kin dematanhan šni.

24 He etanhan wayahtanipi kin en niłapi kta ce, eciyapi. He miye kin wicayadapi šni kinhan wayahtanipi kin ehna niłapi kta ce.

25 Unkan, Tuwe niye he, eciyapi. Tokag ehan eciyapi qon he dee, Jesus ewicakiya.

26 Taku ota eciyapi, qa ciyacopi kta e mduha; tuka tuwe u maši kin he wowicake; qa taku emakiye cin owasin oya-te kin owicawakiyaka ce.

27 Iye Atkuku kin on hena hewicakiye cin he okahnigapi šni.

28 Hehan Jesus hewicakiya

Tohan Wicašta Cinhintku kin wankan eyahdepi kinhan, hehan he miye kin sdonyayapi kta, qa miye cinka takudan ecamon šni; tuka Ate taku onspemakiye cin hena ecedan ecen omdaka ece.

29 Tuwe u maši kin he mici un; Ate mišnana amahduštan šni; taku iyokipi ecen ecamon ece, heon etanhan, eya.

30 Hewicakiya icunhan wicota wanna wicadapi.

31 Heon Juda oyate kin etanhan tona Jesus wicadapi kin hena hewicakiya; Mioie kin ohinniyan oyapapi kinhan, awicakehan waonspewicawakiye cin he niyepi kta;

32 Kinhan wowicake kin sdonyayapi kta; qa wowicake kin he niciyuškapi kta ce.

33 Hehan ayuptapi; Abraham towicoun kin unketanhanpi, qa tohinni tuwedan wowidag unyanpi šni; hecen, Niciyuškapi kta ce, ehe cin he token heha he.

34 Jesus awicayupte; Wowicake, wowicake on heciciyapi, Tuwe woahitani econ kin he woahitani en wowidake un ece.

35 Qa wowidake un kin he ohinniyan tipi kin ohna un šni ece; tuka Cinhintku kin hee ohinniyan timahen ounyan.

36 Heon Cinhintkuyapi kin niciyuškapi hecinhan, awicakehan tawaničiyapi kta.

37 Abraham towicoun kin enitanhanpi sdonwaya; tuka te mayayapi yacinpi, mioie kin en niunpi šni, heon etanhan.

38 Taku Ate ekta wamdake cin hena omdaka ece; qa niš niyate ekta taku wandakapi kin hee ecen ecanonpi ece.

39 Hehan ayuptapi qa heciyapi; Abraham he ateunyanpi kin ee. Unkan Jesus hewicakiya;

Abraham cinca kin he niyepi unkanš, Abraham oħanye cin he ecen ecanonpi kta tuka.

40 Tuka nakaha temayan aya-kitapi, wicašta wan wowicake Wakantanka ecijatadhan nawahon kin he ociciyakapi kin he miye tuka: Abraham e qe hecen econ šni qon.

41 Niyatepi oħan kin hee ecen ecanonpi ece, eya. Hehan heciyapi; Tuwe cinca. tanin šni kin heuncapi šni; ate unyanpi wanjidan unhapi, Wakantanka kin hee.

42 Heon Jesus hewicakiya; Wakantanka he ateyayapi unkanš wašte mayadakapi kta tuka; miye kin Wakantanka kin hetanhan wahinape a wau; qa miye cinka wahi šni, iye kin u maši.

43 He tokeca e iwae cin oyakahnigapi šni he; mioie kin anagoptan wacannipi šni kin heon etanhan.

44 Wakanšica ateyayapi kin henitanhanpi, qa niyatepi tawacin kin ecen ecanonpi yacinpi ece. He otokahe etanhan tinwicakte kin heca, qa wowicake kin en najin šni, wowicake takudan en un šni nakaeš. Tohan woitonšni oyaka eca, he iye cinka ohdaka ece; iye kin woitonšni sa, qa woitonšni atkuku kin hee.

45 Tuka miye wowicake eciciyapi kin, heon etanhan wicamayadapi šni.

46 Niyepi kin wanji tukte he wawahitani e duwicakapi he. Qa wowicake epe cinhan, tokeca e wicamayadapi šni he.

47 Tuwe Wakantanka etanhan kin he Wakantanka oie anagoptan. Niye Wakantanka anagoptanpi šni ece, heon etanhan henitanhanpi šni.

WICOWOYAKE 9.

48 Hehan Juda oyate kin ayu-
ptapi qa heciyapi; Samariya oya-
te henitanhan, qa Wakansica ni-
yuhnaşkinyan ce, unkeniciyapi
qon he wicaunkapi ce.

49 Jesus ayupte; Wakansica
mayuhnaşkinye şni; tuka Ate
wahduwitan, qa niye wowişten-
mayayapi.

50 Miye mitowitan awecite
şni; tuka tuwe waakite ça waya-
co yukan ce.

51 Wowicake, wowicake eci-
yatanhan heciyapi. Tuwe mi-
oie kin de yuhe cinhan, tohin-
ni wiconţe wanyake kte şni,
eya.

52 Hehan Juda oyate kin he-
ciyapi; Wakansica niyuhnaşkin-
yan e dehan iyotan sdonunyanpi.
Abraham hee kaeş ʔa, qa wokcan-
pi kin hena nakun ʔapi; tuka ni-
ye, Tuwe mioie yuhe cinhan to-
hinni wiconţe ute kte şni ce, eha
ce.

53 Abraham ateunyanpi kin
hee kaeş ʔe cin, niye e iniyotan
he. Wokcanpi kin nakun heepi
kaeş ʔapi; qa niye nituwe e niçi-
caga he, eyapi.

54 Unkan Jesus waayupte;
Miye cinka mihduonihan kinhan,
mitowitan kin he taku kte şni;
tuka Atewaye cin he mahduoni-
han ece; unkan he Wakantanka
nitawapi, kehapi.

55 Heca ešta tohinni sdonya-
yapi şni; tuka miye e sdonwa-
kiya. Qa he sdonwaye şni ce,
epe cinhan, miş eya niyepi iyecen
iwaton kte şni; tuka miye sdon-
waya, heon etanhan oie kin tan-
yan weciyuha.

56 Abraham ateyayapi qon
mitaanpetu kin wanyake kta cin
hinea; unkan he wanyake ça
iyuşkin ce, eya.

57 Hehan Juda oyate kin heci-
yapi; Nahahin waniyetu wikce-

mna nizaptan şni, tuka Abraham
wandaka he.

58 Jesus hewicakiya; Wowi-
cake, wowicake eciyatanhan he-
ciyapi; Abraham un qon he
itokam wanna waun ce, eya.

59 Hececa unkan inyan icupi,
qa on kininpi kta; tuka Jesus na-
içihbe ça, tipi wakan etanhan
wicehna tanhan tankata inanpe
ça, etoopteaya iyaya.

WICOWOYAKE 9.

1 Jesus ye cin tahepi, wicašta
wan toka tonpi ehantanhan ton-
we şni un e he wanyaka.

2 Unkan waonspewicakiye cin
wiwangapi qa heyapi; Itancan,
tuwe wahtani he, wicašta kin
de atkuku, hunku, iyeka, wanji
tukte wahtani he, on išta gonga
tonpi he.

3 Jesus waayupte; He iye, qa
atkuku, hunku, wanji wahtanipi
on hecece şni; tuka Wakantan-
ka ohan kin e he ayutaninpi kta
e heon.

4 Anpetu icunhan, tuwe u maşi
wicohan tawa kin ecen ecamon
kta iyececa; hanyetu kin he hi
kta, he en tuwedan wicohan econ
okihi kte şni.

5 Tohanyan wicašta opeya wa-
un kin, oyate iyoyamwicawaya
ece, eya.

6 Hena heye ça hehan makata
tagoşa, qa tage on upşija kage
ça, iştagonge cin išta kin en
upşija ikiciun;

7 Qa heciya; Siloam miniyo-
we, yeşipi eyapi kin he kapi, he
ekta ye ça en ihdujaja wo. Un-
kan ekta i, qa on ihdujaja qa
hdi, unkan wawanyaka.

8 Heon itan anog tipi, qa tona
wicašta iştagonge cin wanyaka-
pi ece qon hena, Tuwe timata
iyotang un qon he dee se, eyapi.

9 Wanjikji, He dee ce, eyapi : qa toktokeça is, He de iyececa ce : tuka iye kin, He miye ce, eya.

10 Unkan, Tokiya tanhan de on ništa kin dumdaya he, eciyapi.

11 Unkan iye waayupte ça heya ; Wicašta wan Jesus eciyapi kin he upşıja kage ça, išta anokatanhan imiciun, qa, Siloam miniowe kin ekta ye ça, mini on ihdujaja wo, emakıya qehan, ekta wai, qa mihdujaja, unkan watonwan, eya.

12 Unkan, Wicašta kin he tukte e he, eciyapi. Sdonwaye šni ce, eya.

13 Wicašta išttagonge ciqon he Pharisee kin en wicakaipi.

14 Unkan anpetu wakan icunhan, Jesus upşıja kage ça on wicašta kin he išta yukawakiya.

15 Hehan Pharisee kin is ake, token on išta yukawapi hecinhan he iwangapi. Unkan, Upsija e išta kin en imaun qa mihdujaja, unkan watonwan, ewicakiya.

16 Unkan Pharisee kin wanjikji ; Wicašta kin he anpetu wakan awacin šni, heon etanhan Wakantanka hetanhan šni, eyapi. Unkan apa, Wicašta wan wahtani sa hecinhan, wowapetokeca dececa token econ okihi kta he, eyapi. Hecen on akipam wacinhnakapi.

17 Ake wicašta išttagonge ciqon heciyapi ; Qa niš token eyakiya he, išta tonweniye cin. Unkan, He wicašta wokcan kin heca ce, eya.

18 Wicašta kin he išta gonga tuka ihnuhanna tonwe cin he Juda oyate kin wicadapi šni, heon tuwe išta tonweyeyapi kin atkuku hunku ko wicakicopi ;

19 Qa wiwicawangapi qa heyapi ; De nicincapi qa tonwe šni

tonpi kehapi he ; qa tokiyatanhan nakaha tonwan he.

20 Atkuku hunku ko waayuptapi qa heyapi ; De unkcincapi tonwe šni tonpi he sdonunki-yapi ;

21 Tuka nakaha tokiya tanhan on tonwe cin de sdonunyanpi šni. Qa išta yukawa kin de nakun sdonunyanpi šni ; is eya hokşıke šni kin, iye iwanga po, toketu kin he ecen eye kta ce.

22 Juda oyate kowicakipapi, qa heon etanhan atkuku hunku kici hecen eyapi. Tuwe, Messiya kin hee, taninyan eye cinhan, he omniciye tipi kin etanhan tankan iyeyapi kta, Juda oyate kin wanna wakiconzapi.

23 He etanhan, Iye es hokşıke šni kin, iye atayedan winungapi šni, atkuku hunku kici eyapi.

24 Hehan ake icinonpa wicašta išttagonge ciqon he wiwangapi qa heciyapi ; Wakantanka woyatan qu wo ; wicašta kin he wahtani sa sdonunyanpi ce.

25 Iye waayupte ça heya ; He wahtani sa hecinhan sdonwaye šni ; tuka taku wanji sdonwaya ; išttagonga tuka nakaha watonwe cin he.

26 Unkan, Taku tokanicon qa on išta kin niyukawa he, ake eciyapi.

27 Unkan awicayupte ; Wanna eya keš ociciyakapi, tuka nayahtonpi šni ; ake icinonpa nayahtonpi yacinpi he ; niš eya waonspewicakiye cin hen ope nihdawapi kta he, eya.

28 Hehan iwahtedapi šni qa heyapi ; Waonspewicakiye cin he wanji niye ; tuka Moses waonspewicakiye cin he unkiyepi.

29 Wakantanka Moses he okiya sdonunyanpi, tuka wicašta kin de tokiyatanhan u kin sdonunyanpi šni ce.

30 Unkan wicašta kin he waayupte ça hewicakiya; Taku woinihan kin he dee; naka išta mayumdaya, tuka tokiyatanhan u kin sdonyayapi šni.

31 Wahtanipi sa kin hena Wakantanka anawicagoptan šniece, tuka tuwe Wakantanka yuonihan, qa tawacin okicipe cin, hee Wakantanka anakigoptan e sdonunyanpi.

32 Otokaheya tanhan tuwe wicašta tonwe šni tonpi išta kiyukawa oyakapi kin tawedan nahon šni ce.

33 Wicašta kin de Wakantanka eciyatanhan šni unkanš takudan okihi kte šni ce, eya.

34 Unkan waayuptapi qa, Woahitani ocowasin ehna nitonpi, tuka waonspeunyakiyapi kta kecanni he, eciyapi; qa tankan iyeyapi.

35 Tankan iyeyapi kin he Jesus nahon; qa akipa, unkan, Wakantanka Cinhintku kin wicayada he, eciya.

36 Iye waayupte ça, He tuwe he, Itancan, wicawada kta ce, eya.

37 Wandake ça he iye e oniciya, Jesus eya.

38 Unkan, Itancan wicawada, eyaya itokam canpeška makehde inajin.

39 Unkan Jesus heya; Oyate kin de ekta wicawahi, wicašta tona tonwe šni kin hena tonwanpi kta, qa tona tonwe cin hena išttagongapi kta, he woyaco kin hduha wahi ce.

40 Unkan Pharisee kicicapi kin hena nahonpi, unkan, Unkiš eya ištaungongapi he, eciyapi.

41 Išttagongapi unkanš woahitani wanin yaunpi kta; tuka nakaha, Untonwanpi ce, ehapi; heon woahitani niyukanpi, Jesus ewicakiya.

WICOWOYAKE 10.

1 Wowicake, wowicake eciyatanhan heciciyapi; Tuwe tahinca tipi tiyopa ohna tin iyaye šni, tiyopa icunonpa tanhan ti iyohpaye cin he wabotice ça wamanon kin heca.

2 Tuka tuwe e tiyopa eciyatanhan tin iyaye cin hee tahinca tawa wicaye cin ee.

3 Qa iye tiyopa awanyake cin tiyopa kiciyugan ece, unkan tahinca kin he ho kin nahonpi ece; tahinca tawa kin otoiyohi cajeyan wicakico, qa tankan wicahdoya ece.

4 Unkan tahinca tawa kin tankan awicau eca, wicitokam ya ece; unkan tahinca kin is ihakam yapi ece, ho kin iyekiyapi nakaes.

5 Qa tuwe tokeca kinhan he ihakam yapi kte šni, tuka nacicipapi kta; tuwe tokeca ho kin iyekiyapi šni, heon etanhan.

6 Wiyacinpi kin de Jesus ecen ewicakiya; tuka taku owicakiyake cin hena okafnigapi šni.

7 Hehan ake Jesus hewicakiya; Wowicake, wowicake on heciciyapi, Tahinca tipi tiyopa kin he miye ce.

8 Tona mitokam hipi kin hena owasin waboticapi qa wamanonpi kin hecapi; tuka tahinca kin anawicagoptanpi šni.

9 Tiyopa kin he miye; tuwe miye eciyatanhan ti iyohpaye cinhan ni kta; qa mahen ye ça tankata inanpa eca wato tanyan iyeye kta.

10 Wabotice cin he wamanonpi, tin wicaktepi, waihangyapi henakiya on hi ece; tuka wiconi yuhapi kta, qa takudan icakije šni unpi kta e heon miye wahi.

11 Waawanhake wašte kin he miye. Waawanhake wašte kin

he tahnca kin on wiconi tawa ehpekiya.

12 Tuka tuwe odotapi un, qa waawanhake kin ee sni, qa tahnca tawa sni kin he sunktokeca en u wanyaka eca, tahnca kin ehpewicaye ca najica ece; unkan sunktokeca iyawicahpaye ca ihangwicaya ece.

13 Odotapi un kin he wodotapi un, qa tahnca kin ihawicakta sni, heon etanhan napa ece.

14 Waawanhake waste kin he miye, qa tahnca mitawa kin hena sdonwicawakiya, qa mitawa kin is nakun sdonmakiyapi ece.

15 Ate token sdonmakiye cin he iyecen mis Ate sdonwakiya; qa tahnca kin hena on wiconi mitawa kin ehpewakiya.

16 Qa tahnca toktokeca nakun wicamduha, tahnca tipi kin den un sni: hena nakun awicawahi kta, hecen miho kin nahonpi kta; hetanhan tahnca tipi wanjidan kta, qa waawanhake wanjidan kta.

17 Wiconi mitawa ehpewakiye ca, ake ewehdaku kte cin heon Ate waste makidaka.

18 Tuwedan he maki kte sni; qa miye cinka he wicawaqu; he amdustan kte cin owakihi, qa ewehdaku kte cin nakun owakihi; Ate hecen econ masi ce, eya.

19 Akes wicoie kin dena on Juda oyate kin akipam tawacinpi.

20 De taku wakan sica yuha, qa he ihnasकिनyan, tokeca e nahonpi he, wicota eyapi.

21 Tuka apa is, Tuwe wakan sica yuhe cin decen oieye sni ece; taku wakan sice cin he ista gongapi ista wicakiyukawa okihi kta he, eyapi.

22 Wanna Jerusalem en yuwo-

hduze tonpi omniciye kagapi ece qon hehantu; unkan waniyetu.

23 Unkan icunhan tipi wakan ohna, Solomon ohanzi hdepi tawa qon he en Jesus omani.

24 Hehan Juda oyate itan ihdukšan himniciyapi qa heciyapi; Tohanyan wacin akipam yusunyakiyapi he; Messiya kin he niye hecinhan taninyan unkoki-yaka po.

25 Jesus awicayupta; Wanna ociciyakapi tuka wicamayadapi sni qon; Ate caje kin eciyatanhan wicohan ecamon kin hena omayake cin ee.

26 Tahnca tawa wicawaye cin he oyapapi sni, he etanhan wicamayadapi sni, eciciyapi qon he iyececa.

27 Tahnca mitawa kin miho kin nahonpi, qa hena sdonwicawakiya, qa mihakam unpi.

28 Qa owihanke wanin wiconi wicawaqu; qa icimana owihankepi kte sni, qa minape kin etanhan tuwedan wicayuspe kte sni.

29 Ate hena maqu kin he taku owasin sam iyeya tanka; qa Ate nape kin etanhan tuwedan wicayuspa okihi sni.

30 Miye, qa Atewaye cin unwanjipidan, eya.

31 Hehan Juda oyate ake inyan icupi, on kininpi kta e heconpi.

32 Unkan Jesus awicayupta; Ate eciyatanhan wicohan waste ota cicipazopi; hena tukte waji on nakaha inyan on mayakininpi kta he, eya.

33 Juda oyate ayuptapi qa heyapi; Wicohan waste on unnicininpi kte sni, tuka iapi sica on, qa winicasta tuka Wakan-tanka nicicage cin heon etanhan.

34 Jesus awicayupte; Taku wakan kin henicapi, eciciyapi ce, he woope nitawapi kin en hecen kagapi sni he.

35 Hecen tona Wakantanka oie kin en wicahiyohi kin hena taku wakanpi ewicakiya hecinhan, qa wowapi wakan kin he yujujupica šni;

36 Hecen tuwe Ateyapi kin hduwakan qa makata u ši kin he, Wakantanka Cinhintku kin he miye ce, epe ciqon, heon, 'Taku šica eha ce, token eyakiyapi kta he.

37 Ate oħan kin hena ecen ecamon šni kinhan, wicamadapi šni po.

38 Tuka hecen ecamon kinhan, miye wicamayadapi šni ešta, wicoħan kin hena wicada po; hecen Atewaye cin micica, qa miye he wecica, heciyatanhan sdonyayapi qa wicayadapi kta ce, eya.

39 Heon etanhan nakun ake tinsa yuze wacinpi; tuka napapi kin etanhan ihdušpa.

40 Qa ake hetanhan Jordan wakpa kin he en, Johannes baptem wicaqu ece qon he en i, qa en onuyan.

41 Unkan wicota en hipi qa heyapi; Johannes takudan wapetogya ecen econ šni, tuka Johannes wicašta kin de etanhan tona oyake cin owasin wowica-ke.

42 Unkan hen wicota wicadapi.

WICOWOYAKE 11.

1 Unkan wicašta wan wayazanka, Lazarus eciyapi, Bethani hetanhan, Mary qa cunku Martha totonwepi kin hee.

2 Mary wihdi waštemna on Itancan kin sdaye ɸa, paha kin on siha kin kipakinta, Lazarus he hunkawanjitku wayazanke cin hee.

3 Unkan tawinoħtinpi kin, Itancan, wicašta wan wašteyadake

ciqon he wayazanka, eya hoši kaipi.

4 Jesus naħon unkan hecen eya, Wowayazan kin he wiconɸe ekta šni, tuka he Wakantanka towitan kin ee, qa heon Wakantanka Cinhintku kin yuwitanpi kta.

5 Martha iye tankaku, Lazarus kici, Jesus wašte wicadaka.

6 Wayazanke cin naħon, tuka anpetu nonpa ekta ye šni yanka.

7 Hehan Jesus waonspewicakiye cin hewicakiya; Juda makoce kin ekta unhdapi kta.

8 Unkan waonspewicakiye cin heciyapi; Itancan, nahanħin aškatudan Juda oyate kin inyan on nicininpi akitapi, qa ake ekta hde wacanni he.

9 Jesus waayupte; Anpetu wanjidat keš, wihiyayedan oape akenonpa šni he; tuwe anpetu icunhan mani kinhan našna šni ece; maka akan iyoyanpa kin he wanyaka heon.

10 Tuka tuwe hanyen mani kinhan hee našna kta, iyoyanpa takudan en un šni kin heon.

11 Hena hecen eya; qa hehan iyohakam hewicakiya; Lazarus koda unyanpi qon ištınma, ekta mde ɸa mduħice kta ce.

12 Hehan waonspewicakiye cin, Itancan, ištınma hecinhan he hecetu kta ce, eyapi.

13 He wanna ɸa e Jesus heya; tuka ištınmapi on oziiɸiya e heya kecinpi.

14 Unkan hehan Jesus taninyan hewicakiya; Lazarus wan- na ɸa ce:

15 Qa he icunhan hen waun šni kin heon niyepi en wimduškin, hecen on wicayadapi kta. Ho po, ekta unyanpi kta.

16 Hehan Thomas Didumos eciyapi kin he waonspewicakiye unmapi kin hewicakiya; Ekta unyanpi, qa kici unɸapi kta ce.

17 Unkan Jesus en u qehan, hapi etanhan wanna topa can he sdonya.

18 Jerusalem Bethani ikiyedan, wiyutapi akezaptan ecetu hehanyan.

19 Unkan Martha Mary kici yukanpi en Juda oyate wicota magagaye wicaipi, hunkawanji-
tkupi kin heon.

20 Jesus en u Martha nahon, unkan itkokim ya; tuka Mary e timahen iyotanka yanka.

21 Hehan Martha Jesus heciya; Itancan, den yaun unkanś, mi-hunkawanji te kte śni tuka;

22 Tuka detanhan taku Wakantanka yakida kinhan, Wakantanka niçu kta e sdonwaya ce.

23 Nihunkawanji ekicetu kta, Jesus eciya.

24 Eya woekicetu anpetu ihankeya kin hehan ekicetu kta e sdonwaya, Martha eya.

25 Unkan Jesus heciya; Woe-kicetu qa wiconi kin he miye, tuwe wicamada kinhan toke hin ta ešta ni kta.

26 Qa tuwe ni un, qa wicamada kinhan icimana te kte śni. He wicayada he.

27 Han, Itancan; Messiya Wakantanka Cinhintku makata hi kte ciqon he niye e wicawada ce, eciya.

28 Unkan hena hecen eya, hehan hde ça, tawinohtin Mary analibeyahan kico, qa heciya; Itancan kin den un, qa nico ce.

29 He nahon iheya, unkan ohankoya najin hiyaye ça ekta ya.

30 Nahanhin Jesus otowwe kin ehan i śni, tuka Martha itkokiye ciqon he en un.

31 Hehan Juda oyate en yukanpi, qa magagayapi, he icunhan Mary ohankoya najin hiyaye cin wanyakapi qehan, ihakam iya-

yapi qa, Wicašta hnakapi ekta ceye kta e ekta ya, eyapi.

32 Jesus najin kin Mary ehan i, qa wanyake çehan, ihukuya canpeška makehde ehpeiciye ça, Itancan, den yaun unkanś, mi-hunkawanji te kte śni tuka, eciya.

33 Mary ceye cin he Jesus wanyake ça, Juda wicašta kici ipi kin hena nakun ceyapi; unkan iye atayedan comnihdazi, qa ihniyanyan.

34 Qa tokiya eyahnakapi he, eya. Unkan, Itancan, ekta u qa wanyaka ye, eciyapi.

35 Jesus ceya.

36 Hehan Juda oyate kin heyapi; Wanyaka po, ehan qon wašte dake hinca ce.

37 Qa wicašta wanjikji, Wicašta išta aohduta ee kaeś yukawa, wicašta kin de te śni unkiya okihi kta naceca ce, eyapi.

38 Ake Jesus iye atayedan comnihdazi, qa wicašta hnakapi kin en ya. He imnija oħdoka ohna hnakapi, qa inyan wamtanka aokatinzapi.

39 Inyan kin tokan iyeya po, Jesus eya. Wicašta te cin tawinohtin Martha heciya, Itancan, wanna topa can yanka e śicamna.

40 Wicayada kinhan, Wakan-tanka towitan wandake kta ce, eciciye śni he, Jesus eciya.

41 Hehan inyan kin tokan iye-yapi; wicašta ta wanke cin etanhan. Unkan Jesus išta yuwan-kan ikikcu, qa heya; Ate ciya-wašte, namayahon kin heon;

42 Qa ohinniyan namayahon kin he sdonwakiya; tuka wicašta hnakapi kin de en mitan okšan najinpi kin de on, he niye u mayasi kin wicadapi kta e on hepe.

43 Hecen eye ça hehan, Lazarus nunke cin hetanhan tankata

WICOWOYAKE 12.

hninanpa wo, awitukadan hoye-kiya qa eya.

44 Unkan wicašta Ƨe cin tan-kata hninanpa, siha nape ko pa-htapi, qa ite opemni tonpi kin hena ecehna. Kiyuškapi qa ayušan po, iyaye kta, Jesus ewi-cakiya.

45 Hehan Juda wicašta Mary kici ipi qon, hena Jesus taku econ kin he wanyakapi, unkan wicota wicadapi.

46 Tuka wanjikji Pharisee kin ekta wicakipi, qa Jesus taku econ kin owicakiyakapi.

47 Hehan wošna kagapi Pharisee ko mniciyapi qa, Token econkupi he ; wicašta kin de ta-ku wapetokeca ota econ kin, eyapi.

48 Iyowinunkiyapi kinhan wicašta owasin wicadapi kta ; kinhan Roma oyate kin den upi kta, qa otonwe kin de unkasota-pi, qa nakun unkitaoyatepi kin hena ko.

49 Hehan wanji Kaiaphas eci-yapi waniyetu kin he en wošna kagapi itancan kin hee hewica-kiya; Takudan oyakašnigapi šni.

50 Qa nakun awacannipi šni, wicašta wanjidan oyate on Ƨe cinhan, hecen on oyate kin wi-cašte kte šni, he unkiyepi kin on hecetu kta ce, eya.

51 Iye etanhan on hecen eye šni, tuka omaka kin he en wo-šna kagapi itancan kin heon, Je-sus oyate kin on Ƨe kte cin he iyukcanyan heya.

52 Qa oyate kin heceedan šni, tuka Wakantanka cinca omde-cahe cin hena owasin wanjidan-kiya kiwitaye kta.

53 Hehan anpetu kin hetanhan witaya akiipapi, Ƨeyapi kte cin heon.

54 Heon etanhan Jesus Juda oyate kin wicehna taninyan

omani šni, tuka makoce wan he-woskan ikiyedan wanke, otonwe wan Ephraim eciyapi kin he ekta ya, qa waonspewicakiye cin om he en un.

55 Unkan woacakšin Juda oyate wošnapi kagapi wanna ikiyedan aya ; unkan wanna kayehan oyate ota Jerusalem en kata ihe-ya aya, woacakšin kin itokam piičiyapi kta.

56 Hehan Jesus akitapi, qa ti-pi wakan kin ohna najinpi icun-han iyakitedan hekiciyapi ; To-ken idukcanpi he ; wošnapi kin en u kte šni he.

57 Wošna kagapi tankapi qa Pharisee ko wanna wakiconzapi, tuwe Jesus tukten yanka sdonye cinhan, he oyake kta, hecen yu-zapi kta.

WICOWOYAKE 12.

1 Woacakšin kin itokam šakpe can, hehan Jesus Bethani en i, Lazarus wicašta Ƨa, tuka ekice-tuyapi en un qon otonwe kin hee.

2 Unkan hen htayetu wotapi wan kicagapi, qa Martha e wa-pamni ; tuka kici iyotang wota-pi kin Lazarus wanji hee.

3 Hehan Mary wiłdi waštemna qa taku ota iyopeyapi, tke utapi wanjidan, he icu qa on, Jesus siha kin sdakiye Ƨa, iye paha kin on siha kipakinta ; unkan eca-mna kin tipi kin ojudan.

4 Hehan Simon cinhintku, Ju-das Iskariot eciyapi, waonspe-wicakiye cin wanji hee, wiyope-ye kte cin hee hecen eya ;

5 He tokeca wiłdi kin he ka-špapidan opawinge yamni iyope-yapi, qa wałpanicapi kin wica-qupi šni he.

6 He wananon heca, qa maza-ska opiye yuhe Ƨa, ohna mazaska omnayan, heon hecen eya ; wo-

wahpanica kin incantowicahnake cin heon heye šni.

7 Hehan Jesus heya ; Nagiye-ye šni wo ; anpetu wan mahnakapi kte cin he en amayuhe cin hee ce.

8 Tokešta wowahpanica ohinni wicaduhapi kta ; tuka miye e ohinniyan mayaduhapi kte šni, eya.

9 He icunhan hen un kin Juda oyate wicota sdonyapi ; unkan Jesus ecedan on en hipi šni, tuka Lazarus, wiconțe etanhan najinkiye ciqon, he wanyakapi kta on etanhan.

10 Unkan wošna kagapi tankapi Lazarus nakun țeyapi kta akıtapi :

11 Hee nakun on Juda oyate ota hduheyapapi, qa Jesus wicadapi.

12 Ihanhanna wicašta ota wošnapi kin en hipi kin hena, Jesus Jerusalem etkiya u nañonpi hehan,

13 Canwapa tanka etanhan canhaka icupi, qa itkokim yapi, qa panyanhan heyapi ; Hosanna, tuwe Israel Wicaštayatapi, Jehowa caje kin on u kinhan, he yawaštepi nunwe.

14 Unkan Jesus šonšonna cinca wan iyeya, hehan akan iyotanka ; hecen wowapi kagapi qon ;

15 Zion cunwintku ihnuhan koyakipe cin ; iho, Wicaštayatapi nitawa šunka šonšona cinca wan akan yanka u ce.

16 Dena taku kin tokaheya waonspewicakiye cin okañnigapi šni ; tuka Jesus yutanpi hehan hena hecen wowapi en kagapi qon, qa nakun hena ecen ecaki-conpi kin, hehan kiksuyapi.

17 Heon oyate kicicapi kin, Lazarus hnakapi tuka kipan, qa wiconțe etanhan ekicetuye ciqon, hena he yaotaninpi.

18 Qa heon oyate kin itkokipapi, taku wapetokeca tanka kin de econ nañonpi kin heon.

19 Unkan heon etanhan Phari-see kin iyakitedan hekiciyapi ; Wanyaka po, takudan oyakihipi šni ; iho, wicašta owasin he iha-kam iyayapi.

20 Helenes oyate kin etanhan wanjikji wošnapi kin icunhan en ohodapi kta e ekta itanwan-kanhde upi ;

21 Hena eepi Philip, Galile makoce Bethsada otonwe kin etanhan, he en ipi, qa, Itancan, Jesus wanunyakapi uncinpi ce, eciyapi.

22 Philip u, qa Andrew okiyaka ; qa hehan Philip Andrew kici Jesus okiyakapi.

23 Unkan Jesus awicayupte a heya ; Anpetu wan en Wicašta Cinhintku kin yutanpi kte cin wanna hiyohi.

24 Wowicake, wowicake eciyatanhan heciciyapi ; Aguyapi su kin maka ekta elıpeyapi, țe šni kinhan, išnana un kta ; tuka țe cinhan ota icañye kta.

25 Tuwe wiconi kin de wašte kida kinhan, toki elıpeye kta ; qa tuwe maka kin den wiconi šice kida kinhan, hee owihan-ke wanin wiconi ekta akpatan kta.

26 Tuwe omakiye kta cin kinhan mihakam un kta ; qa tukten waun hecinhan mitaokıye kin is nakun hen un kta ; nakun tuwe omakiye kta hecinhan, Ate wicašta kin he yuonihan kta.

27 Wanna minagi kin nagiye-yapi, hecen token epe kta he. Ate, anpetu kin de etanhan emahdaku wo. Tuka heon anpetu kin de en wahi ce.

28 Ate nicaje kin hdutan wo. Unkan malıpiya kin eciyatanhan wicaho wan u qa ; Wanna eya

micaje kin wahdutan, nakun wahdutan kta, eya.

29 Unkan wicašta en najinpi kin he nahonpi qa, He wakinyan hoton, eyapi. Małipiya ohnihde heca e okiya ce, apa eyapi.

30 Unkan Jesus waayupte a heya; Wicaho kin de miye make ŗni, he niye nicapi.

31 Wanna oyate kin wicayacopi; qa wanna maka akan itancan kin tankan ehpeyapi.

32 Qa tohan maka kin detanhan wankan emahdepi kinhan, wicašta kin owasin miye en iwicawacu kta, eya.

33 Wiconę kin tukte on ęe kte cin he ka e hecen eya.

34 Oyate kin ayuptapi; Wooke kin eciyatanhan, Messiya owihanke wanin un kta ce, eyapi naunhonpi; hecen, Wicašta Cinhintku kin wankan ehdepi kta ce, token on hecen eha he; Wicašta Cinhintku kin he tuwe he.

35 Hehan Jesus hewicakiya; Iyoyanpa kin ehake cistiyedan nicipi un; iyoyanpa duhapi kin icunhan en omani po; otpaze cin iyapařtag iyanpi nun ce; tuwe otpaza icunhan omani kin he tokiya ye cin sdoney ŗni.

36 Iyoyanpa duhapi kin en iyoyanpa kin he wicada po, hecen on iyoyanpa cinca yaunpi kta ce. Jesus hena hecen eye a, hehan iyaye a inahbe wicakiya.

37 Taku wapetokeca ota econ, qa wanyagwicaya, tuka wicadapi ŗni.

38 Hecen Isaya wicašta wokean taku eye ciqon wanna iye-cetu; Itancan, tuwe wounyakapi kin wicada he; qa tuwe en Jehowa ĥupahu kin yutaninpi he.

39 Qa heon etanhan wicadapi kta okihipi ŗni; heon Isaya ake hecen eya;

40 Iřta gonge wicaye a, cante

kin ekta nakun wacinton ŗni wicaya; hecen iřta on wiwanyakapi kte ŗni, qa cante on takudan yukcanpi kte ŗni, qa ihdu-cetupi kte ŗni, qa hecen woki-ziwicawaye ŗni.

41 Towitan kin he Isaya wan-yake ciqon he ehan hena hecen ekiciya.

42 Hececa tuka itancanpi etanhan wicota wicadapi; tuka Pharisee kin hena on etanhan yaotaninpi ŗni, omniciye tipi kin etanhan tankan iyewicayapi kta ikopapi heon.

43 Wicašta akantu yaonihanpi kin he iyotan dapi, qa Wakan-tanka wicayaonihan kin he iř iyotan dapi ŗni.

44 Hehan Jesus panyanhan heya; Tuwe wicamada kinhan, he miye wicamada ŗni, tuka tuwe u maři kin hee wicada ece.

45 Qa tuwe wanmayake cin he nakun tuwe u maři kin he wan-yaka.

46 Miye maka akan iyoyanpa wahi; hecen tuwe wicamada kinhan he otpaza en omani kte ŗni.

47 Qa tuwe mioie kin nahon, qa wicada ŗni eřta mdaco ŗni; wicašta wicayacopi kin heon wahi ŗni, tuka waniyapi kin hee on wahi.

48 Tuwe amaktařni, qa mioie kin icu ŗni kinhan he tuwe yaco kte cin hduha; wicoie omdake cin anpetu ihankeya kin en yaco kte cin hee.

49 He miye cinka hecen oie-waye ŗni; tuka Ate u maři kin he iye econ maři, taku epe kte a taku omdake kte cin.

50 Qa toope kin he owihanke wanin wiconi e sdonwaya. Token epe cin hena, Ate hena hecen emakiya, heon etanhan hecen epa ece, eya.

WICOWOYAKE 13.

1 Anpetu en wośnapi ece kin itokam, anpetu qon wanna hi-yohi, he en maka kin detanhan iyaye kta, Atkuku ektakiya hde kta, Jesus sdonkiya, tona maka akan tawa kin waśtewicadake cin hena owihanketa waśtewicakida.

2 Wotapi ayaśtanpi hehantu; Judas Iskariot Simon cinhintku kin hee, Jesus wiyopeye kte cin, Wakansica wanna hecen cante ozekiya.

3 Hehan Jesus Atkuku taku owasin tawa kiye ciqon he sdonkiya un, Wakantanka eciyatanhan hi, qa ake Wakantanka ekta hde kta.

4 Hecen wotapi kin etanhan najin, qa śina ekihnaka; qa napipakinte wan icu, qa ipiyaka.

5 Qa hehan mini wakśica en okaśtan, qa waonspewicakiye cin siha wicakiyujaja, qa napipakinte wan ipiyake ciqon heon siha kin wicakipakinta.

6 Simon Inyan ehan ahi; unkan, Itancan, niye siha mayakidujaja kta he, eciya.

7 Unkan Jesus ayupte a, Taku ecamon kin de nakaha sdon-yaye śni, tuka ihakamya sdon-yaye kta, eciya.

8 Icimana siha mayakidujaja kte śni, ake Inyan eciya. Hehan Jesus ayupte; Ciciyujaja śni kinhan takudan on miyecica kte śni, eya.

9 Hehan Simon Inyan heciya; Itancan, siha ecedan śni, tuka minape, mapa koya.

10 Unkan Jesus heciya; Tuwe wanna ihdujaja kin he takudan sanpa cin śni, siha ecedan yujajapi kta, eya wanna ocowasin ska; unkan niye niskapi, tuka iyulhpapi śni.

11 Tuwe wiyopeye kte cin he sdonya, heon etanhan, owasin niskapi śni ce, eya.

12 Unkan siha wicakiyujaja yuśtan kin hehan śina ehdaku qa hdown qa iyotanke a, Taku tokaciconpi kin de sdonyayapi he, ewicakiya.

13 Waonspekiya qa Itancan, emayakiyapi ece; he tanyan ehapi; he miye nakaes.

14 Heon etanhan mis miye Waonspekiya qa Itancan mayaduhapi kin, siha ciciyujajapi kinhan, nis eya otoiyo hi siha yeci-yujajapi kta iyececa.

15 Waonspeciciyapi kin he nis he iyecen ecanonpi kta e hecaciconpi.

16 Ookiye unpi kin he Itancan kin iyakapa śni; qa tuwe u śipi kin he tuwe u śi hecinhan, he is iye kapa śni, wowicake, wowicake eciyatanhan eciciyapi.

17 Taku kin dena sdonyayapi hecinhan, ecen ecanonpi kinhan waśteya yaunpi kta.

18 Taku epe cin de niye iyulhpaheciciyapi śni; tona wicawakalinige cin hena sdonwicawakiya; tuka wowapi en kagapi qon yu-cetu kta; Tuwe kici, aguyapi wata ece kin he miye on siha yuwankan ehdaku ce.

19 Taku kin dena ecetu śni itokam ociciyakapi; hecen tohan iyecetu kinhan, he miye e wicayadapi kta.

20 Tuwe tokiya yewakiye cin tuwe iyowinkiye cinhan, he miye e iyowinmaye; qa tuwe iyowinmaye cinhan, he tuwe u masi kin he iyowinkiya, wowicake, wowicake eciyatanhan eciciyapi.

21 Jesus hena hecen eye a hehan toksape kin ekta iyahdeiciya, hdaotanin qa heya; De dukanpi kin etanhan wanji wi-

yopemayayapi kta, wowicake, wowicake on eciciyapi ce.

22 Hehan waonspewicakiye cin opakicilita yukanpi, wanji tukte e on heye cin sdonyapi šni.

23 Unkan Jesus waonspewicakiye cin wanji nina wašte kidake ciqon, he eca maku kin en makan iwanka.

24 Heon Simon Inyan he wikipyuta, qa wanji tukte he on heye cin he iwange ši.

25 Hehan he Jesus maku kin en iwanke ça, Itancan, he tuwe he, eya.

26 Jesus ayupte; Wanji tukte ĥpanyanpi onšpa waqu kinhan hee kta, eya. Hecen onšpa ĥpanye ça, Judas Iskariot eciaypipi Simon cinhintku he qu.

27 Unkan Judas ĥpanyanpi kin icu, hehan Satan mahen iyaya. Hecen Jesus heciya; Taku ecanon kte cin kobanna econ wo.

28 Wahna wotapi kin ihdukšan yukanpi kin, taku on heye cin tuwedan okalinigapi šni.

29 Judas mazaska opiye yuhe cin heon, Jesus wošnapi kta on taku cinpi kin he opeton ši; qa is, walĥpanicapi kin taku wicaqu ši, apa kecinni.

30 Unkan ĥpanyanpi qon he icu qehan, hecehnana tankan iyaya; wanna hanyetu hehantu.

31 He tankan iyaya, hehan Jesus heya; Wanna Wicašta Cinhintku kin yutanpi, qa nakun iye eciaytanhan Wakantanka is yutanpi.

32 Qa iye eciaytanhan Wakantanka yutanpi hecinhan, hehan Wakantanka is iye kin on hdutan kta, nakun kohanna hdutan kta.

33 Hokšiyôqopa ehake ptenyedan ocipapi kta. Amayakitapi kta, qa Juda oyate ewicawakiye ciqon; Tokiya mde cin ekta yaipi kta oyakihipi šni ce; he iye cen nakaha eciciyapi.

34 Woahope teca wan ciçupi, otoiyohi wašteyecidapi kta; wašteyecidapi kin he iyecen wašteyecidapi kta.

35 Heon waonspeciciyapi yaunpi kin wicašta owasin sdonyapi kta, otoiyohi wašteyecidapi kinhan.

36 Itancan, tokiya de kta he, Simon Inyan ecia. Jesus ayupte; Tokiya mde cin ekta de kta ešta nakaha oyakihi kte šni, tuka ihakamya mihektam yau kta, eya.

37 Unkan Inyan heciya; Itancan, tokeca nakaha cihakam waun kta owakihi šni he; niye on wiconi mduhe cin eĥpewaye kta, eya.

38 Jesus ayupte; Miye on wiconi nitawa eĥpeyaye kta he. Wowicake, wowicake on heciya; Anpaohotonna kin hoton šni itokam yamni akihde sdonmayaye šni, kehe kta ce, eya.

WICOWOYAKE 14.

1 Ihnuhan cante nišicapi kinhan; Wakantanka wicayadapi, qa miš nakun wicamayadapi.

2 Ate ti kin en ounyanpi kte cin ota yanka; he hecece šni unkanš ociciyakapi kta tuka; ekta wahde ça oyanke kin ciciyuštanpi kta.

3 Ekta mde ça oyanke ciciyuštanpi kinhan, hehan ake wau qa acihdapi kta; hecen miš waun kin he en niš nakun yaunpi kta.

4 Unkan tokiya mde cin he sdonyayapi, qa canku kin he nakun sdonyayapi.

5 Itancan, tokiya de cin sdonunyanpi šni, tokiya tanhan canku kin he sdonunyanpi kta he, Thomas ecia.

6 Unkan Jesus heciya; Canku, qa wowicake, wiconi ko he mi-

ye; tuwedan Ateyapi kin en u
śni, miye eciyatanhan ecedan
en u ece.

7 Sdonmayayapi unkanś nakun
Atewaye cin sdonyayapi kta tu-
ka; qa detanhan sdonyayapi qa
wandakapi ce.

8 Itancan, Ateyaye cin wan-
yag unyan po, hecen iunmnanpi
kta, Philip eciya.

9 Hehan Jesus heciya; Philip,
wana wanakajatanhan cicipi
waun, tuka nahanhin sdonma-
yaye śni he; tuwe wanmayake
cin he Ateyapi kin wanyaka;
hecen tokeca, Ateyapi kin wan-
yag unyan miye, eha he.

10 Atewaye cin he wecica qa
Atewaye cin he micica kin he
wicayada śni he. Wicoie ecici-
yapi kin dena miye cinka ecici-
yapi śni; Atewaye micica kin
he wicohan kin hena iye econ.

11 Atewaye cin he wecica qa
Atewaye cin he micica he wica-
mada po; qa is wicohan kin he-
na e on wicamada po.

12 Wowicake, wowicake on
heciciyapi; Tuwe wicamada kin
he wicohan ecamon kin hena is
iyecen econ kta, nakun eeś san-
pa tanka econ kta; Ate ekta
wahde kte cin heon etanhan.

13 Qa micaje kin on taku ya-
dapi kinhan, ecen ecamon kta;
Ateyapi kin Cinhintku kin on
yutanpi kta e heon.

14 Taku wanji micaje on ya-
dapi kinhan, ecen ecamon kta.

15 Wašte mayadapika hecin-
han, mitawoahope kin tanyan
yuha po.

16 Hehan Ate cewakiye kta,
unkan wicakicanpte wan tokeca
ničupi kta, he owihanke wanin
nicipi un kta.

17 Wowicake Woniya kin hee,
oyate kin he icu okihipi śni, to-
hinni wanyakapi śni qa sdonya-

pi śni; tuka niye he sdonyaya-
pi, he nicipi un qa en niunpi kta.

18 Wamdenica ehpeciyapi kte
śni; ake cihdiyohipi kta.

19 Wanna ptenyedat kinhan
oyate wanmayakapi kte śni, tu-
ka niye wanmayadakapi kta;
wani waun, qa niś yani yaunpi
kte cin heon.

20 Anpetu kin he en, Atewaye
cin he wecica, qa niś miyecicapi,
qa miś ocicipapi kin he sdonya-
yapi kta.

21 Tuwe mitawoahope yuhe
ča, hena ope cinhan he wašte-
madake cin ee; qa tuwe wašte-
madake cinhan, Atewaye cin he
waštedake kta, qa miś nakun
waštewadake kta, qa en mihdu-
tanin kta ce.

22 Hehan Judas, Iskariot hee
śni, he heciya; He tokeca Itan-
can, unkiśnana sdonniye unya-
yapi kta he, qa oyate kin sdon-
niyanpi kte śni.

23 Jesus waayupte ča heciya;
Tuwe waštemadake cinhan
mioie kin yuhe kta; qa Atewa-
ye cin waštedake kta, qa tukten
un kinhan en unhipi kta, qa ti
kin en kici unyakonpi kta.

24 Tuwe waštemadake śni kin
he mioie kin yuhe śni. Wicoie
nayañonpi kin de mitawa śni,
Atewayaya umaśi kin he iye tawa.

25 Ocipapi kin en taku kin he-
na heciciyapi.

26 Tuka Wicakicanpte, Woniya
Wakan kin hee, Atewaye cin
micaje on uśi kte cin he, taku
owasin onspeniciyapi kta, qa ta-
ku eciciyapi kin owasin kiks-
yeniciyapi kta.

27 Wokiyapi aihpeciyapi; wo-
kiye mitawa cičupi: wicašta
akantu kicičupi he iyecen cičupi
śni. Ihnuhan cante niśicapi qa
kopehda yaunpi kinhan.

28 Wahde ča ake en ciupi kta

eciciyapi kin he wanna nayañonpi. Wašte mayadapi kinhan iduškinpi kta; Atewaye cin ekta wahde kta epe cin he; Atewaye cin he iye mikapeya tanka.

29 Qa nakaha hena heciciyapi, taku kin itokam; tohan he hiyohi kinhan hehan wicayadapi kta.

30 Detanhan taku ota eciciyapi kte śni; maka akan itancan kin wanna u, tuka miye kin en takudan tawa śni.

31 Tuka Atewaye cin waštewakida; qa Ate taku emakiye cin owasin ecen ecamon ece, he oyate kin sdonyapi kta. Najin po, detanhan icunonpa unyanpi kta.

WICOWOYAKE 15.

1 Hastanhanka iyuwi wowicake kin he miye, qa Atewaye cin he kicanye cin ee.

2 Adetka tona miye on waskuyeca icalhye śni kin hena yupsun; qa adetka tona waskuyeca icalhye cin hena pakinta, hecen on waskuyeca ota icalhye kta.

3 Eya wanna niskapi, wicoie ociciyakapi kin heon.

4 Mici un po, hecen miś cicipi waun kta. Hastanhanka iyuwi adetka wiyuwi kin en ikoyake śni kinhan waskuyeca icalhya okihi śni ece; he iyecen miyeci yaunpi śni ehantanhan, niś eya oyakihipi kte śni.

5 Hastanhanka iyuwi kin he miye, adetka kin he niyepi. Tuwe mici un qa miś kici waun kin he waskuyeca ota icalhya; miye kin en icunonpa yaunpi kinhan takudan oyakihipi kte śni.

6 Tuwe mici un śni kinhan adetka iyecen tankan elipeyapi, hecen śnija aya; unkan hena wicašta pahipi qa petan elipeyapi, hecen huñnaga ece.

7 Miyeci yaunpi qa mioie kin

he nicipi un kinhan, taku tona yacinpi kin hena yadapi kta, unkan ecen ecaniconpi kta.

8 Waskuyeca ota icalhyayapi kinhan Atewaye cin nina yutanpi kta; qa heciya tanhan waon speciciyapi yaunpi kta.

9 Atewaye cin token wašte makida kin he iyecen wašte cicidapi; mitowašte kin he kici un po.

10 Mitawoahope kin duhapi kinhan, mitowašte kin he kici yaunpi kta; Ate tawoahope mduhe cin heon towašte kin kici waun kin he iyececa.

11 Taku eciciyapi kin dena on mitowiyuškin kin nicipi un kta e, qa nitowiyuškinpi kin he ece-tu niciciyapi kta.

12 Mitawoahope kin he dee, waštecicidapi kin he iyecen wašteyecidapi kta.

13 Tuwe takuwicaye cin on wiconi elpekiye cinhan, he wowašte kin tuwedan kapeye śni.

14 Taku econ cišipi kin owasin ecen ecanonpi kinhan takuciyapi yaunpi.

15 Ookiye wicayapi wanna eciciyapi śni; ookiye yapi un kin he Itancan ye cin taku econ keś sdonye śni. Tuka takuciyapi eciciyapi; Atewaye cin tona nañonmaye cin owasin sdonye ciciyapi kin heon.

16 Niye he mayakañnigapi śni, tuka miye e cicalñigapi qa ciyusutapi; hecen tokiya dapi qa waskuyeca icalhyayapi kta; qa waskuyeca nitawapi kin ohinnian un kta; hecen micaje on Atewaye cin taku yakidapi kinhan ničupi kta ce.

17 Otoiyohe wašte kicida po, he iwahokonciciyapi ce.

18 Oyate kin śice nidapi ešta, he itokam miye śice madapike ciquon he sdonyayapi.

19 Oyate kin enitanhanpi unkanś oyate kin taku iye tawapi wašte kidapi kta; tuka oyate kin henitanhanpi śni, miye e oyate kin etanhan cicalnigapi kin heon oyate kin śice nidapi.

20 Wicoie wan eciciyapi qon he yeksuyapi; Ookiye yapi un kin he Itancan yuhe cin kakipe ça iyotan tanka śni. Śicaya makuwapi hecinhan, niś oyate kin śicaya nicuwapi kta; qa mioie yuhapi hecinhan, niś nioie kin niciyuhapi kta.

21 Tuka micaje kin on hena owasin ecen ecaniconpi kta; tuwe u maśi kin he sdonyapi śni heon etanhan.

22 Wahi śni qa owicawakiye śni kinhan, woah̄tani nicapi kta tuka; tuka detanhan woah̄tani woakalipe nicapi.

23 Tuwe śice madake cin he nakun Atewaye cin śice daka.

24 Wicohan tuwedan hecen econ śni iyecen ecawicawecon śni unkanś, woah̄tani nicapi kta tuka; tuka wanna Atewaye cin kici wanmayakapi, qa napin śice undakapi.

25 Tuka woope tawapi kin en wicoie kagapi qon he wanna iyecetu; Takudan on etanhan śni śice madakapi ce.

26 Tuka Wicakicanpte, Atewaye cin etanhan uwaśi kte cin he, Wowicake Woniya kin hee, tohan hi kinhan, he iye Atewaye cin etanhan u kta, qa omayake kte cin hee.

27 Qa niś nakun omayadakapi kta, toka ehantanhan miyahna yaunpi qon heon.

WICOWOYAKE, 16.

1 Wayah̄tanipi kte śni e heon dena taku kin ociciyakapi.

2 Omniciye tipi kin etanhan

tankan iyenianpi kta; nakun anpetu wan u kta, hehan tuwe kašta niktepi kinhan, he Wakananka iyokipiya kecin kta.

3 Atewaye cin sdonyapi śni, qa miś nakun sdonmayanpi śni, he etanhan henakiya hecen ecanionpi kta.

4 Tuka dena ociciyakapi, hecen tohan iyehantu kinhan, dena wanna eciciyapi kin he yeksuyapi kta. Qa dena otokahe ekta eciciyapi śni, hinyahin cicipi waun kin heon etanhan.

5 Tuka wanna tuwe umaśi kin he ekta wahde kta; qa wanjidan, Tokiya de kta he, emayakiyapi śni.

6 Tuka taku kin dena ociciyakapi, heon nicantepi kin ekta iyoniyakapi.

7 Tuka wowicake ece ociciyakapi; wahde cinhan heon tanyan yaunpi kta, qa wahde śni kinhan Wicakicanpte kin en nihipi kte śni; tuka wahde cinhan niyepi ekta uwaśi kta.

8 Unkan he tohan hi kinahan, woah̄tani, woowotanna qa woyaco kin on oyate kin sdonye-wicaye kta:

9 Woah̄tani kin, wicamadapi śni kin heon:

10 Woowotanna kin, Atewaye cin ekta wahde kta, qa icimana wanmayadakapi kte śni, heon:

11 Woyaco kin, oyate kin de itancan un kin he wanna yacopi, heon etanhan.

12 Nakun taku ota eciciyapi kta mduha, tuka hena e qe nahanhin yuha oyakihipi śni.

13 Tuka tohan Wowicake Woniya kin he iye hi kinhan, wowicake ocowasin en anianpi kta; iye atayedan on ie kte śni, tuka taku nahon kin hena oyake kta, qa taku tokata ekta hena oniciyakapi kta.

14 Mayutan kte cin hee, taku mitawa kin hena icu, qa oniciyakapi kta.

15 Taku Ate tawa kin hena owasin mitawa; he etanhan, Tona mitawa kin hena icu, qa oniciyakapi kta ce, eciciyapi.

16 Wanna askayedan hehan wanmayadakapi kte sni; hehan akeś askadan ake wanmayadakapi kta, Ate ekta wahde kte cin heon.

17 Hehan waonspewicakiye cin iyakitedan hekiciyapi; Unkekiyapi kin he taku hwo; Wanna askayedan wanmayadakapi kte sni, qa hehan askadan ake wanmayadakapi kta; qa, Ate ekta wahde kte cin heon.

18 Heon heyapi; Askayedan eye cin he taku he; taku eye cin sdonunyanpi sni ce.

19 Wiwangapi cinpi kin he Jesus sdonya, unkan heon hewicakiya; Wanna askayedan wanmayadakapi kte sni, qa hen ikyedan wanmayadakapi kta, epe cin he, he token kapi hwo, otoi-yohi eyeciyapi he.

20 Wowicake, wowicake on heciciyapi; Nihinniçiyapi qa yaceyapi kta, tuka oyate kin iyuskinpi kta; iyonicişicapi kta, tuka iyonicişicapi kin he wowi-yuskin wan en un kta.

21 Winohinca cinca ton kta eca yazan hda, wanna iyekicihan-tu kin heon; tuka tohan hokşiyogopa ton eca, yazan hda qon he kiksuye sni, wicaşta oyate kin den tonpi eca wowiyuskin ye cin heon.

22 He iyecen nakaha iyokişin dukanpi, tuka ake wanciyakapi kta, kinhan nicantepi kin wiyuskin kta, qa widuskinpi kte cin he tuwedan nicipi kte sni.

23 Unkan anpetu kin he en takudan imayanungapi kte sni.

Wowicake, wowicake on heciciyapi; Taku micaje on Atewaye cin yakidapi kinhan niçupi kta.

24 Nahahin dehanyan micaje on takudan yadapi sni. Da po, iyacupi kta, hecen wowiyuskin ojudanniçiyapi kta.

25 Hena taku iyacinyan heciciyapi; tuka anpetu wan u kta, hehan wiyacinyan takudan eciciyapi kte sni, tuka taninyan Ateyapi kin on ociciyakapi kta.

26 Tohan iyehantu kinhan micaje on taku yadapi kta, tuka Atewaye cin wocekiye eciciyapi kta, epe sni.

27 Ate iye atayedan waşte nidapika, waşte mayadapike ça Wakantanka eciyatanhan wahi kin he wicayadapi kin heon.

28 Atewaye cin eciyatanhan wau, qa oyate kin de en wicawahi Ake oyate kin elipewicawaye kta qa Ate ekta wahde kta.

29 Wanna wiyacinyan iyae sni, ataninyan iyaa ce, waonspewicakiye cin eciyapi.

30 Taku owasin sdonyaye ça, tuwe winiwange kta iyecece sni yaun e wanna sdonunyanpi; heon etanhan Wakantanka eciyatanhan yahi kin he wicaundapi, eyapi.

31 Jesus awicayupte; Wanna wicayadapi he.

32 Anpetu wan u kta qa wanna hiyohi, enanakiya otoi-yohi yahdapi kta, qa mişnana elipemayayapi kta; tuka nakun mişnana waun sni, Atewaye cin he mici un.

33 Wookiye amayaduhapi kta heon etanhan hena heciciyapi. Oyate kin de en wokakiye duhapi kta; tuka wiyuskin po, miye oyate kin ohiwicawaya ce.

WICOWOYAKE 17.

1 Jesus hena hecen eye ça hehan išta yuwankan icu, qa małpiya kin ekta etonwan qa, Ate wanna anpetu kin hiyohi, Nicinksi kin hdutan wo, hecen on Nicinksi kin nihdutan kta ce.

2 Wicacełpi owasin on wowaśake yaqu qon, hecen tona yaqu kin owasin owihanke wanin wiconi wicaqu kta.

3 Unkan owihanke wanin wiconi kin he dee, wowicake Wakan-tanka niye e sdonniyanpi kta, qa Jesus Messiya uyaśi qon.

4 Maka kin akan ciyutan; qa wicokicanye mayaqu qon wanna owasin wahduśtan.

5 Unkan nakaha, Ate niye kin on miye mahdutan wo, wicoicage wanice cin he itokam wowitan niyeci hduha waun qon heon.

6 Oyate kin den wicaśta tona mayaqu kin hena en nicaje mdatanin; hena nitawa, tuka hena mayaqu; unkan hena nioie qon niciyuhapi.

7 Taku mayaqu kin owasin he niye etanhan u, wanna sdon-yapi.

8 Nioie mayaqu qon he wanna wicawaqu; unkan icupi, qa niye eciyatanhan wahi kin he tanyan sdon-yapi, qa niye e umayaśi kin he wicadapi.

9 Hena on wocekiye ewicaweciya, maka akan wicaśta kin hena on wocekiye eciciye śni, tuka tona mayaqu kin hena on wocekiye eciciye, hena nitawa kin he etanhan.

10 Taku mitawa kin hena owasin nitawa, qa niś taku nitawa kin hena mitawa, qa hena on wowitan waun.

11 Wanna oyate kin dematanhan śni, tuka iye e oyate kin en opeya ni unpi, qa miye wanna

nitankiyadan waku kta. Ate wakan, nicaje kin on dena mayaqu qon hduha wo, hecen unwanjidan qon is iyecen wanjidan kta.

12 Oyate kin den om waun kin he icunhan nicaje kin on wicawahduha. Mayaqu qon hena e wicawahduha, qa owasin elpekiyapi śni, wicaśta wayutakuni śni cinhintku kin hecedan elpekiyapi, hecen wowapi en un qon wanna iyecetu.

13 Wanna nitankiyadan waku kta, oyate kin den opeya waun kin en ehake hecen epa, hecen on mitowiyuśkin kin iyepi en wicakiyuśtanpi kta.

14 Nioie wicawaqu, qa oyate kin śice wicadapika, oyate kin hetanhanpi śni heon etanhan hececa, oyate dematanhan śni he iyecen.

15 Oyate kin detanhan ewicayahdaku kta e heon wocekiye eciciye śni, tuka taku śice cin he en anawicayecipte kta e heon.

16 Oyate kin de ematanhan śni kin he iyecen is oyate kin de etanhanpi śni.

17 Wowicake nitawa kin he on wicayuwakan wo; nioie kin he wowicake.

18 Oyate kin deci u mayaśi qon, he iyecen is oyate kin ecen ye wicawaśi.

19 Qa iyepi on miye mihduwakan, hecen on wowicake eciyatanhan wicayuwakanpi kta.

20 Qa denana on wocekiye ewicaweciye śni, nakun tona wicoie oyakapi eciyatanhan wicama-dapi kin hena koya.

21 Hecen on owasin wanji-pidan kta, niye kin iyecen, Ate, miyecica, qa miś cicica; qa hecen is unkicicapi kta; qa oyate kin niye u mayaśi kin he wicadapi kta.

22 Wowitan mayaqu qon he wanna wicawaqu; hecen on unwanjidan kin iyecen wanjipidan kta.

23 Miś wicakici waun, qa niś mici yaun, hecen wanjidan en wicayuŝtanpi kta; qa hecen niye umayaŝi kin he oyate kin sdonyapi kta; qa waŝtemayakida kin he iyecen waŝtewicawakida ece.

24 Ate, tona mayaqu kin hena, tokiya waun kin hen mici unpi kta wacin; hecen wowitan mayaqu qon he wanyakapi kta, wicoicage kin de itokam waŝtemayakida kin heon etanhan.

25 Ate owotanna, oyate kin sdonnyanpi ŝni ye, tuka miye sdonciye ciqon, qa dena iŝ niye e u mayaŝi kin he sdonyapi.

26 Unkan nicaje kin he sdonye wicawakiya qa nakun sdonye wicawakiye kta; hecen wawacinkta duza on waŝtemayakida qon he dena en un kta, qa miś nakun owicawape kta.

WICOWOYAKE 18.

1 Jesus hena hecen eya, hehan waonspewicakiye cin om Kedron wakpadan kin akasanpa iyaya, hen can wojupi wan, unkan he en i, waonspewicakiye cin om.

2 Unkan Judas wiyopeye cin he iŝ nakun makoce kin he sdonya, Jesus hen waonspewicakiye cin om emniciya ece qon heon.

3 Heon Judas akicita wicoun wan icu, qa akicita tancan ko, woŝna kagapi qa Pharisee kin etanhan, om wipe yuhapi, qa petijanjan can itkonya ko yuha en yapi.

4 Jesus taku hiyahde kte cin owasin sdonkiya, itkowicakipe ca, Tuwe e oyadepi he, ewicakiya.

5 Jesus Nazareth etanhan, eya ayuptapi. Unkan Jesus, He miye ce, eya. Unkan Judas he wiyopeye ciqon ee en opa.

6 Unkan Jesus, He miye ce, ewicakiya hehan icicawin kihdapi, qa makata ihpayapi.

7 Heon etanhan ake wiwicawanga; Tuwe ayakitapi he, eya. Unkan, Jesus Nazareth etanhan, eyapi.

8 Jesus waayupte; He miye ce, eciciyapi qon; hecen miye e omayadepi hecinhan dena ito kihdapi kta.

9 Wicoie wan eye ciqon he iyecetu kta, Tona mayaqu kin wanjidan ehpewakiye ŝni ce.

10 Unkan Inyan mazasagye wan yuhe cin ehdaku, qa on woŝna kagapi itancan ookiye wicaya wan noge etapa eciyatanhan ape ca kaŝpa iyeya, ookiye unna kin he Malkos eciyapi.

11 Hehan Jesus Inyan heciya; Mazasagye nitawa ojuha en iyekiya wo. Wiyatke Ate maqu kin he mdatke kte ŝni he.

12 Juda oyate akicita tancan, akicita eyanpaha, akicita ikcedan ko Jesus yuzapi, qa palitapi.

13 Qa tokaheya Annas kaipi; Kaiaphas omaka kin he en woŝna kagapi itancan kin he tunkanku kin hee.

14 Wicaŝta wanjidan oyate kin on te kte cin he hecetu kta ce, Juda oyate iwahokonwicakiye ciqon Kaiaphas ee.

15 Unkan Simon Inyan Jesus ihakam ya, nakun waonspewicakiye cin tokeca wan; unkan waonspewicakiye cin tokeca kin he woŝna kagapi itancan kin sdonya qon, heon hee woŝna kagapi itancan tihocoka kin en Jesus kici iyaya.

16 Tuka Inyan e tankan tiyopa kin en najin. Hehan waon-

spewicakiye cin unma, wośna kagapi itancan sdonya qon, he tankan hiyu, qa tiyopa awanyake cin he okiye ça, Inyan tin hiyuya.

17 Hehan wikośka tiyopa awanyake cin he Inyan heciya; Wicaśta kin de waonspewicakiye cin wanji niye he. Unkan, Hemaca śni ce, eya.

18 Akicita eyanpaha wowidag wicayapi ko hen najinpi, śni hdapi qa cetipi; unkan he en petiśkanpi: unkan Inyan is owicapeya inajin, qa petiśkan.

19 Hehan wośna kagapi itancan kin Jesus wiwanga, waonspewicakiye cin heon, qa iye woonspe tawa kin he nakun.

20 Jesus ayupte; Oyate kin en taninyan womdaka ece; omnicieye tipi etu, qa tipi wakan ko en, Juda oyate mniciyapi ece kin en ohinniyan waonspekiya wau, qa takudan analibeyahan epe śni ce.

21 Taku on wimayanunga he; token ewicawakiye cin tona nahonpi kin hena e wiwicawanga wo, token epe cin he sdonyapi ce.

22 Hena hecen eya, unkan akicita eyanpaha wan en najin kin he Jesus apa, qa heya; Wośna kagapi itancan kin hecen adupta he.

23 Unkan Jesus ayupte; Śica-ya iwaa hecinhan taku śica epe cin he yaotanin wo; tuka tanyan epa hecinhan, tokeca amayapa he.

24 Annas Kaiaphas wośna kagapi itancan kin pahtapi ecen ekta aye wicakiye cigon.

25 He icunhan Simon Inyan petiśkan najin. Heon heciyapi; Waonspewicakiye cin he wanji niye he. Tuka anakihbe ça, Hemaca śni ce, eya.

26 Wośna kagapi itancan kin wowidake tawa wan, Inyan noge kaspe cigon he takuya, Wojupi kin en kici yaun wanciyake śni he, eciya.

27 Tuka ake Inyan anakihman; unkan he icunhan anpa ohotonna wan hoton.

28 Hehan Kaiaphas etanhan woyaco tipi kin en Jesus aipi; unkan wanna anpa. Ihduśapapi kte śni e heon woyaco tipi kin en ipi śni, wośnapi kin hdutapi kta e heon.

29 Unkan Pilate tankata hinanpe ça, en wicau qa, Wicaśta kin de taku e iyayaonpapi he, ewicakiya.

30 Waayuptapi qa heciyapi; Wicaśta kin de oħan śice śni unkanś unnicahipi kte śni tuka, eyapi.

31 Hehan Pilate hewicakiya; Niye ito eyaku po, qa wayeconzapi kin eciyatanhan yaco po. Hehan, Wicaśta țeyapi unkiye unkokihipi śni ye, Juda oyate eciyapi.

32 Hecen Jesus oie qon ecetu kta, token wiconțe on țe kta eye cigon he.

33 Hehan woyaco tipi timahen Pilate kihde ça, Jesus en au wicakiye ça, Juda oyate wicaštaya-țapi qon he niye he, eciya.

34 Jesus ayupta; He niye cinka heha he; qa is tuwe tokeca miye on hecen oniciyaka he.

35 Pilate ayupte; Juda wicaśta hemaca he; nitaoyatepi kin hena, qa wośna kagapi tankapi kin he iye miye en anihipi. Token oyahanda he.

36 Jesus ayupte; Wokiconze mitawa kin he maka kin detanhan śni; wokiconze mitawa kin maka kin detanhan unkanś, mitaokiye kin kis unpi kta, qa Juda oyate kin makaškapi kte śni

WICOWOYAKE 19.

tuka. Tuka nakaha wokiconze mitawa kin detanhan šni.

37 Hehan Pilate heciya ; Wicaštayatapi kin henica he. Unkan Jesus ayupte ; Wicaštayatapi hemaca e ecen eha ; hemaca kta e on matonpi, qa heon makata wahi, wowicake mdatanin kta e heon. Tuwe wowicake eciyatanhan un kinhan he miho kin nahon ece.

38 Wowicake kin he taku he, Pilate eciya. Hena hecen oie ya, unkan Pilate tankata inanpe ça, Juda oyate en wicaye ça, Wicašta kin he taku šica econ takudan iyewaye šni, ewicakiya.

39 Tuka wicohan duhapi kin heciyatanhan, woacakšin anpetu ehan unkipi eca, tuwe kaška hnakapi wanji wakiyuška ece qon. Juda oyate wicaštayatapi kin de wakiyuška yacinpi he, eya.

40 Unkan ake owasin panyehan howayapi qa heyapi ; Wicašta kin dee kte šni, tuka Barabbas e hee kta. Unkan Barabbas e qe wawicaki sa kin heca.

WICOWOYAKE 19.

1 Unkan hehan Pilate Jesus icu qa kapsinpsinta.

2 Unkan akicita wapepeka wapaha wan kazontapi qa wapaha kiyapi, qa šina to wan in kiyapi.

3 Qa, iho, Juda Wicaštayatapi kin, eciyapi, qa nape on apapi.

4 Pilate ake tankan inanpe ça, Iho, wicašta kin dee e tankan cicaupi, hecen on taku šica takudan en iyewaye šni e sdonyayapi kta, ewicakiya.

5 Hehan Jesus wapepeka wapaha kin un, qa šina to kin in, tankata inanpa. Unkan, Wan-yaka po, wicašta kin dee ce, ewicakiya.

6 Unkan wošna kagapi tankapi qa akicita tancanpi kin, he wan-yag iheyapi hehan, panyehan heyapi, Icipaweli okatan wo, icipaweli okatan wo. Nišnana icupi qa icipaweli okatan po, miye qe taku šica econ takudan iyewaye šni, Pilate ewicakiya.

7 Wowakiconze wan unhapi, wowakiconze unhapi kin eciyatanhan te kta iyececa, Wakan-tanka Cinhintku keiciye cin heon etanhan, Juda oyate kin eya ayuptapi.

8 Unkan Pilate iapi kin he nahon qehan, iyotan inihan ;

9 Qa woyaco tipi kin timahen kihde ça, Nitokiya tanhan he, Jesus eciya. Tuka Jesus ayupte šni.

10 Hehan Pilate heciya ; Amayadupte šni he. Iciyaweli onicatanpi owakihi ; qa niciyuškapi nakun owakihi, he sdonyaye šni he.

11 Hehan Jesus ayupte ; Wankan tanhan taku kin de ničupi šni unkanš takudan on omayakihi kte šni tuka ; heon tuwe niye en amahi kin he iye woahitani tanka.

12 Hetanhan Pilate kiyuškapi akita. Tuka, Wicašta kin de yakiduške cinhan Kesar takuyaye šni ; tuwe wicaštayatapi ičica-ge cinhan Kesar i en hiyeya ece, Juda oyate kin panyehan eyapi.

13 Pilate iapi kin he nahon, unkan Jesus tankan yuha inanpa, qa oiyotanke tawa kin he ohna kiyotanka, inyan mdaya omanipi kin en, he Hebrew iapi kin etanhan Gabbatha eciyapi.

14 Woacakšin itokam anpetu pičiyapi ece kin hetu, qa wiyotanhe cin hehantu ; Wicaštayatapi nitawapi kin wanyaka po, Pilate Juda oyate kin ewicakiya.

15 Tuka, Iacunonpa, icunonpa

iyeye ça icipaweh okatan wo, panyehan eyapi. Wicaštayatapi nitawapi kin de icipaweh owakatan kta he, Pilate ewicakiya. Unkan wošna kagapi tankapi kin ayuptapi; Kesar ecedan wicaštayatapi unhapi ce.

16 Hehan icipaweh okatanpi kta e wicaqu. Unkan Jesus icu-pi qa tokan ayapi.

17 Unkan Jesus can susbeca kičin, qa makoce wan Wicapahu eciyapi, he Hebrew iapi on Golgotha eciyapi, he ekta aya.

18 Hen icipaweh okatanpi, qa wicašta toktokeca nom itan anokatanhan ewicahdepi, qa Jesus okitahedan.

19 Unkan Pilate wowapi wan kage ça, can susbeca inkpa kin en ehna; JESUS NAZARETH ETANHAN, JUDA OYATE WICAŠTAYATAPI KIN.

20 Wowapi kin de Juda wicašta ota yawapi; makoce kin Jesus en icipaweh okatanpi kin he otonwe kin ikiyedan, qa he Hebrew, qa Helenes, qa Roma iapi henakiya wicoie kin on owapi.

21 Hehan Juda oyate etanhan wošna kagapi tankapi kin Pilate heciyapi; Juda oyate Wicaštayatapi kin, eya owa šni wo; tuka, Juda oyate Wicaštayatapi kin he miye ce, eičiye cin, hee e ecen owa wo.

22 Tuka Pilate waayupte; Taku owawa kin he wanna owawa ce, eya.

23 Akicita Jesus icipaweh okatanpi, hehan tawokoyake icupi, qa wopamni tom kagapi, akicita otoiyo hi kicipamnipi; qa nakun tašina icupi; šina kin he okagege wanica, wankan tanhan kun ihankeya kin hehanyan okagege codan kagapi:

24 Heon etanhan iye iyakitedan hekiciyapi; Šina kin he unyuhdecapi kte šni, econkupidan qa yeunkiyapi kta, hecen tuwe ohiye cinhan yuhe kta. Hecen wowapi en kagapi qon he iyece-tu; Mitawokoyake kicipamnipi, qa mitašina kin he oeconna en yekiyapi ce. Unkan akicita kin hena hecen econpi.

25 Unkan Jesus hunku, qa tankaku kicica, Mary Kleopas tawicu, qa Mary Magdalene, hena can susbeca kin icahda najinpi.

26 Jesus hunku wanhdaka, qa en icunonpa ikiyadan waonspe-wicakiye cin wanji iyotan kidake cigon wanhdaka, unkan, Wino-hinca, nicinkši kin hee ce, hun-ku kin eciya.

27 Qa waonspekiyapi kin he iš, Wanyaka wo, nihun kin hee ce, eciya. Unkan waonspekiyapi kin he anpetu kin hetanhan iye ti kin ekta aki.

28 Wanna taku kin owasin ecetu Jesus wanyaka, qa wowapi en kagapi qon iyecetu kta e heon, Imapuza ce, eya.

29 Unkan mini škumna wakšica ojudan en icunhan han; mini škumna icupi, qa nakun mini iyuhepe wan en oputkanpi, qa pe-ji hōta hu wan icam yeyapi, qa i kin en qupi.

30 Unkan Jesus mini škumna icu qehan, Wanna yuštampi ce, eya; hehan pa makata iyeye ça taniya kin hiyuya.

31 Hehan Juda oyate kin Pilate cekiyapi, hu kawegapi qa etanhan icupi kta; hecen anpetu wakan icunhan, tancan kin can susbeca kin akan un kte šni, an-petu en piči yapi kin wanna hehantu, qa anpetu wakan kin he anpetu tanka, heon.

32 Unkan akicita en hipi, qa tokaheya kin hu kawegapi, qa

nakun unma kici icipawehi okatanki qon.

33 Hehan Jesus ehan ipi, unkan wanna ta wanyakapi, heon hu kin kawegapi s̄ni.

34 Tuka akicita wanji wahu-keza wan on cuwi kin en capa; unkan we mini ko au.

35 Tuwe wanyake ca yaotan-in kin he wayaotanin kin he wowicake. Wowicake eye cin he sdonkiya, qa hecen on wicaya-dapi kta.

36 Hena hecetu, unkan wicowoyake wowapi en kagapi qon iyecetu; Hu kin wanjidan kawegapi kte s̄ni ce.

37 Qa nakun wowapi icinonpa hecen eya; Tuwe pahdokapi kin he wanyakapi kta.

38 Hehan ihakam Joseph Arimathea etanhan Pilate cekiya, Jesus tancan kin icu kta e heon; unkan is̄ eya Jesus waonspewicakiye cin wanji ee, tuka analibeya, Juda oyate kowicakipe kin heon; unkan Pilate ayupta. He en u, qa Jesus tancan kin hdokiyahda.

39 Unkan Nikodemos, tuwe tokaheya hanyen Jesus en hi qon hee, nakun en hi, qa pejihuta was̄temna nom icicahiyapi, tkeutapi opawinge ecetu, yuha hi.

40 Hehan Jesus tancan kin icupi, qa minihuha ska iyapemnipi, pejihuta was̄temna iyahna, Juda oyate wicašta hnakapi ece kin he iyececa.

41 Unkan icipawehi okatanpi qon he en ikiyadan wojupi wanhan, wojupi he cin he en ohna wicašta hnakapi wan iyuştan yanka, tuwedan he ohna oonpapi s̄ni.

42 Juda oyate piiçiyapi anpetu kin he icunhan, ohna wicašta hnakapi en ikiyadan yanke cin

heon Jesus tancan kin en ohnakapi.

WICOWOYAKE 20.

1 Anpetu wakan kin en, anpetu tokaheya hanlianna hinca, nahanhin otpaza, hehan Mary Magdalene hnakapi qon ekta i, qa inyan kin hnakapi etanhan icunonpa iyeyapi e wanyaka.

2 Hehan inyang hde ca Simon Inyan hee, qa waonspewicakiye cin unma Jesus was̄tekidake ci-qon, hena en hi qa hewicakiya; Itancan kin hnakapi kin etanhan eyakupi, qa tukten hnakapi kin sdonunyanpi s̄ni ye.

3 Unkan Inyan waonspewicakiye cin unma qon kici tankan inanpapi, qa en hnakapi qon ekta yapi.

4 Napin inyang yapi; qa waonspewicakiye cin unma qon hee duzahe ca Inyan kapa, qa iye tokaheya ehan i;

5 Patuŝ inajin, qa hnakapi kin aokasin, minihuha ecedan wanyaka, tuka mahen iyaye s̄ni.

6 Hehan is̄ Simon Inyan iyohi, unkan katinyan mahen iyaya, minihuha ecedan makata yanka wanyaka.

7 Minihuha pa akan ehnakapi kin he, minihuha umanpi qon en ope s̄ni, he is̄ aiyog pehan yanka.

8 Hehan waonspewicakiye cin unma tokaheya hi qon he is̄ hnakapi kin mahen iyaya, qa is̄ eya wanyake ca wicada.

9 He wiconte etanhan ekicetu kta, eyapi, wowapi en kagapi qon he hinyahin tanyan sdonyanpi s̄ni.

10 Hehan waonspewicakiye cin hena iye tipi ekta icicawin hda-pi.

11 Tuka hnakapi kin itankan Mary e ecen najin, qa ceya.

Unkan ceyaya patuš inajin, qa hnakapi kin en aokasin.

12 Qa mahpiya ohnihde nom wokoyake ska ece koyakapi kin hena wanwicayaka, Jesus tancan wanke ciqon itan anokatanhan, unma pa wanke ciqon eciyatanhan, qa unma is siha qon eciyatanhan yukanpi.

13 Unkan, Winohinca, taku on yaceya he, eciyapi. Unkan is, Itancan mitawa tancan kin icupi, qa toki ehnakapi kin sdonwaye sni ce, ewicakiya.

14 Heye ca hehan ihdamna unkan Jesus en najin wanyaka, tuka Jesus hee kin sdonye sni.

15 Unkan Jesus heciya, Winohinca taku on yaceya he; tuwe ayakita he. Unkan is he wakicanye hee kecin, qa heon, Itancan, he niye iyacu hecinhan tokiya eyahnake cin omakiyakaye, kinhan ewehdaku kta ce, eciya.

16 Unkan Jesus heciya, Mary. Unkan iye ihdamna, qa, Rabboni, eciya; he Waonspekiye eyapi.

17 Unkan Jesus heciya; Ihnuhan omayadutan kin; nahanlin Ate ekta wahde sni ce. Tuka mihunkawanji ekta wicaye ca hewicakiya wo, Ate ekta wahde kta, he ate yayapi kin ee, he Wakantanka mitawa kin ee, qa nis he Wakantanka nitawapi kin ee ce, eya.

18 Hehan Mary Magdalene ku qa, Itancan kin wanhdake ca hena hecen eciye cin, waonspewicakiye cin owicakiyaka.

19 Anpetu kin he anpetu tokaheya kin ee, ihtayetu kin he en waonspewicakiye cin, Juda oyate kowicakipa, qa aonaicitag yukanpi, en Jesus wicacokaya inajin, qa, Wookiye nicipi un kte, ewicakiya.

20 Hecen eye ca hehan nape cuwi ko wicakipazo. Waonspewicakiye cin Itancan kin wan-yakapi, unkan wiyuskinpi tanka.

21 Wookiye nicipi un nunwe, ake Jesus ewicakiya. Ate u masi kin he iyecen mis ye cisipi.

22 Hecen eye ca hehan awicaniya qa, Woniya Wakan icu po, ewicakiya.

23 Tona woaltani wicayecicajupupi kinhan, hena wicakicicajupupi kta; qa tona wicayakipaganpi sni kinhan, hena wicakipaganpi kte sni.

24 Ake nonpapi kin etanhan Thomas Didumos eciyapi he Jesus hi kin he icunhan en ope sni.

25 Itancan kin wanunyakapi, waonspewicakiye cin unmapi kin eciyapi. Tuka iye kin hewicakiya; Maza on nape en okatanpi qon he wanmdake sni, qa napsukaza maza okatanpi kin en omdutan sni, qa cuwi nakun en nape yewaye sni kinhan, wicawada kte sni ce, eya.

26 Unkan anpetu shahdogan iyohakam, hehan ake waonspewicakiye cin mahen yukanpi, qa Thomas owicapeya un. Hehan Jesus en hi, tiyopa onatag han, qa wicacokaya inajin, qa, Wookiye nicipi un nunwe, ewicakiya.

27 Hehan Thomas heciya; Nnapsukaza uye ca minape kin wanyaka wo; qa ninape kin uye qa micuwi kin en oputkan wo, qa wacetunhda sni wicada wo.

28 Unkan Thomas ayupte ca heciya; Itancan mitawa, qa Wakantanka mitawa.

29 Jesus heciya; Thomas, wanmayadake cin heon wicayada; tuka tona wanmayakapi sni esta wicadapi kinhan, hena wicayawaſtepi ce.

30 Unkan waonspewicakiye cin wanyakapi en taku tokeca ota

wapetokeca Jesus econ, tuka hena ege wowapi kin de en kagapi ūni.

31 Tuka dena e owapi, heon Jesus he Messiya Wakantanka Cinhintku kin hee e wicayadapi kta; qa wicayadapi kin on, iye caje kin eciyatanhan, wiconi duhapi kta.

WICOWOYAKE 21.

1 Hena iyohakam Jesus ake waonspewicakiye cin en ihdutanin, Tiberias mde kin etu; unkan ihdutanin kin he kaketu:

2 Simon Inyan, qa Thomas Didumos eciyapi, qa Nathanael, Kana Galile makoce kin hetanhan, qa Zebedee cinhintku natin, qa waonspewicakiye cin tokeca nonpa, hena witayapi etu.

3 Ho wakuwa kta ce, Simon Inyan ewicakiya. Niyahna unyanpi kta ce, eciyapi. Hecehna yapi, qa wata wan en opapi, tuka hanyetu kin he takudan ktepi ūni.

4 Ihanhanna qehan wicihuta ekta Jesus najin; tuka waonspewicakiye cin Jesus hee kin sdonyapi ūni.

5 Unkan Jesus hewicakiya, Hoksiyopa, taku yutapi duhapi he. Unkan, Hiya, eyapi.

6 Unkan hewicakiya; Ho kin he wata etapa kin eciyatanhan ehpeya po, etanhan iyeyayapi kta ce. Unkan ecen iyolipeyapi, tuka ehaes hogan kin ota kin heon ehdakupi okitpanipi.

7 Hehan waonspekiyapi wan Jesus waistedake cion he Inyan heciya; Itancan kin hee ce. Simon Inyan, Itancan kin hee, eya nahon qehan, tancodan un kin heon onhdohda kiçun qa minin ehpeiciya.

8 Unkan waonspewicakiye cin unmapi kin wata cistinna wan

ohna upi, huta kin icannan yakonpi, wiciūpa opawinge nom hehanyan, qa ho kin hogan ojudan akupi.

9 Wanna hutata kihunnipi, hehan petaga itkon wanyakapi, qa hogan aguyapi ko akan yanka.

10 Unkan Jesus hewicakiya, Hogan nakaha iyacupi kin etanhan aku po.

11 Simon Inyan ekta ye ça ho kin heyata hiyuya, hogan tankinyanyan ece opawinge qa sanpa wikcemna zaptan qa sam yamni; hogan kin ota ho kin ohnaka tuka iyuhdece ūni.

12 Upi qa de yuta po, Jesus ewicakiya. Unkan waonspewicakiye cin etanhan, Tuwe niye he, eyapi kta tuka tuwedan tawatenye ūni; Itancan hee kin he sdonyapi kin he etanhan.

13 Hehan Jesus en ye ça aguyapi icu, qa wicaqu, hogan nakun iyecen econ.

14 Piya ekicetu kin etanhan, de iyamni Jesus waonspewicakiye cin en ihdutanin.

15 Unkan wotapi ayaūtanpi, hehan Jesus Simon Inyan heciya; Simon Jona cinhintku, dena ege sam iyeya waūte mayadaka he. Han, Itancan, waūte cidaka e sdonyakiye cion, eya. Tahincadan mitawa kin taku yutapi wicaqu wo, eciya.

16 Ake icinonpa, Simon Jona cinhintku waūte mayadaka he, eciya. Han, Itancan, waūte cidaka e sdonyakiya, eya. Tahinca mitawa kin wo wicaqu wo, eciya.

17 Ake iciyamni, Simon Jona cinhintku waūte mayadaka he, eciya. Yamni akihde, Waūte mayadaka he, eya iwange cin heon Inyan iyokiūūca; unkan heciya, Itancan, taku owasin sdonyaya; waūtecidake cin he

OHANYANPI QON.

sdonyaya. Hehan Jesus, Tahinca mitawa kin wo wicaqu wo, eciya.

18 Wowicake, wowicake on heciciya; Koniška qehan niye cinka ipiyag yeton qa tokiya yacin eca ekta da ece, tuka tohan winicalhinca kinhan wicašta tokeca wan ekta nape yeyakiye kta, kinhan ipiyag nicaton qa tokiya yacin šni ešta ekta aniye kta ce, eya.

19 Wiconŧe tukte e on Wakan-tanka yutan kta e he kiciyaotan-in kta heon hecen eya. Hecen eye cin hehan, Miyahna u wo, eciya.

20 Hehan Inyan hakikta, qa waonspekiyapi wan Jesus iyo-tan kidake ciquon hee wicihektam u e wanyaka, hitayetu wotapi icunhan maku kin ipahin wanke ɔa, Itancan, tuwe e wi-yopeniye kta he, eye ciquon hee.

21 Inyan he wanyaka unkan Jesus heciya, Itancan, de is taku e akiye kta he.

22 Ake tohan wahi kte cin hehanyan decen un kta wacin ešta, he etanhan initokeca he; niye miyahna u wo, Jesus eciya.

23 Heon etanhan wicoie kin de hunkawanjinkiciyapi kin wicehna iyaya; waonspekiyapi kin de te kte šni, eyapi kin. Tuka Jesus, He te kte šni ce, eciye šni; tuka, Wahi kte cin hehanyan decen un kta, wacin ešta, he etanhan initokeca he.

24 Taku kin hena waonspekiyapi kin he yaotanin qa wowapi en kaga; qa taku yaotanin kin he wowicake kin e sdonunyanpi.

25 Nakun taku ota Jesus econ, tuka nakun hena owasin otoiyohi kagapi ešta, oyate hiyeye cin wowapi kagapi kte cin he yuhapi kta epce šni. Amen.

YEWICAŠIPI KIN

OHANYANPI QON.

WICOWOYAKE 1.

1 Theophile, wicoie tokaheya wakage cin he en Jesus tokaheya taku econ qa waonspekiye cin *omdaka*;

2 Tona wicakalɔnige ɔa yewicaši qon hena Woniya Wakan kin eciyatanhan wahokonwicakiye cin iyohakam, anpetu wan en wankan eyakupi kin hehanyan.

3 Iye kăkije cin iyohakam hena eqe en ni un taniniɔiya, woyuo-tanin ota on, anpetu wikcemna topa hehanyan wanyagiɔiya, qa Wakantanka tokiconze taku tawa kin cajehdata ece;

4 Qa mniciyapi kin en owicapeya un qehan, Jerusalem etanhan ye šni wicaši, qa Ateyapi kin wahowicaye ciquon he apepi kta; He miye eciyatanhan nayahonpi ce;

5 Awicakehan Johannes mini on baptem wicaqu, tuka tokata anpetu tonana ihan, hehan Woniya Wakan on baptem niɔupi kta ce, eya.

6 Unkan hena witaya yukanpi hehan, Itancan, wanna dehantu Israel *oyate* wokiconze kin piya wicayaqu kta he, eya iwangapi.

7 Unkan hewicakiya; Tohan-yan qa tohantu kin, Ate iye to-

waśake kin en ekihnake cin hena sdoniyayapi kta iyecece śni ;

8 Tuka Woniya Wakan kin en nihipi kinhan, wowaśake duhapi kta ; hehan Jerusalem en, qa Juda makoce kin owancaya, qa Samaria qa maka ihanke kin hehanyan mayadaotaninpi kta ce.

9 Unkan hena hecen eye ça, wanhdakapi icunhan, yuwankan icupi ; qa wanyakapi kin etanhan mahipiya śapa wan eyaku.

10 Unkan he wankan iyaye cin, mahipiya ekta etonwan yukanpi kin he icunhan, iho, wicaśta nom ska ihduzapi en wicikiyadan najinpi ;

11 Qa, Galile wicaśta, tokeca e mahipiya ekta etonwan nayajinpi he. Jesus e qe niyepi etanhan mahipiya ekta eyakupi kin, he mahipiya ekta wankan iyaya wandakapi kin he iyecen ake u kta, ewicakiyapi.

12 Hehan Oliwe paha eciyapi kin hetanhan Jerusalem ekta icicawin hdapi ; he Jerusalem ikiyedan, anpetu wakan oicimani wanji ecetu.

13 En hdipi qa wankan tipi wanji tin iyayapi qa hen iyukanpi, Inyan, qa Jakob, qa Johannes, qa Andrew, Philip, qa Thomas, Bartholomew, qa Mattheos, Jakob Alpheus cinhintku, qa Simon Zelotes, qa Judas Jakob sunkaku :

14 Hena owasin tawacin wanjidan wocekiye eyapi qa kida yukanpi, winohinea kin hena om, qa Mary Jesus hunku, qa iye hunkawanjinwicaye cin hena koya.

15 Unkan anpetu kin hena en Inyan ookiye unpi kin wicacokaya najin, (wicacaje owasin opawinge sanpa wikcemna nom wicayawapi ;)

16 Qa heyay ; Wicaśta hunka-

wanjinciayapi, Judas tona Jesus iyahpayapi qon en mdetahunka kin he on, ehanna Woniya Wakan, Dawid i kin eciyatanhan, ie ciqon, wowapi en kagapi kin, he ecetuyapi kta hunšte.

17 He iye unkiyopeyapi yawa-pi, qa wicolitani kin de en opa tuka.

18 Unkan wicaśta kin he wocolitani iyunwin kin maga wan iyo-pekkiye ça, ehna makata ihpaya, unkan tancan kin kamdas ihpaye ça, śupe kin owasin tankan hiyu.

19 Tona Jerusalem en yakonpi sa owasin he sdoniyapi ; qa heon maga kin he iye iapi kin eciyatanhan, Akeldama eciyapi, he We maga, eyapi.

20 Odowan wowapi kin en kaken kagapi ; He tukten ti qon hewoskan yanke ça, tuwedan ohna ti śni nunwe ; qa, Awanhdakapi wicohan yuhe ciqon he tuwe tokeca icu kta.

21 Heon etanhan wicaśta kin dena ohinniyen om unyakonpi, Jesus Itancan kin unkopapi, ti mahen i, qa tankan ye cin,

22 Tokaheya Johannes baptem wicaqu qon hetanhan, anpetu kin en unkiyepi etanhan wankan eyakupi kin hehanyan, hena etanhan, piya ikicage cin, wanji unkiyopeyapi oyaka ece e kta, eya.

23 Unkan nom najinwicakiyapi, Joseph Barsabas eciyapi, he, Owotanna, eya caśtonpi, qa Matthias.

24 Hehan cekiyapi qa heyapi ; Itancan niye wicacante owasin sdonya nanka, wicaśta kin dena unma tukte yakalnige cin he yutanin wo ;

25 Ookkiye wicohan qa yewicaśipi kin de en ope kta, Judas iye oyanke tawa kin ekta hde kta e etanhan hinhpaye cin he.

26 Hehan woohiye ehpekiyapi, unkan woohiye kin Matthias ahinhpaya; qa hecen yewicasipi akewanjipidan kin owicapeya yawapi.

WICOWOYAKE 2.

1 Anpetu iwikcemna zaptan kin wanna iyehantu, unkan owasin tawacin wanjidan witaya yukanpi.

2 Hehan ihnuhanna, tate wan wasagya uye cin he iyecen, oqo wan mahpiya kin eciyatanhan hiyu, qa tipi ohna yukanpi kin ocowasin ojudan.

3 Unkan wicaceji, peta se ececa, en wicatanin, qa otoiyohi kici-pamnipi kin en awicahan.

4 Unkan owasin Woniya Wakan kin on ojupidan qa wicaceji toktokeca on iapi, Woniya Wakan ie wicakiye cin he iyecen.

5 He ehan wicašta owotanna Juda wicašta kin hecapi, mahpiya ihukuya oyate hiyeye cin etanhan Jerusalem en tipi.

6 Wicaho kin de otanin, unkan wicota en mniciyapi qa inihanpi, otoiyohi iye iapi tawapi kin on, hena ia yukanpi he nakilionpi kin heon.

7 Owasin inihanpi qa yušinya-yapi qa otoiyohi hekiciyapi; Tona ia yukanpi kin hena owasin Galile wicašta kin hecapi šni he.

8 Token on otoiyohi iapi kin yuha untonpi kin hena ia nawic-unhonpi he.

9 Parthe qa Mede qa Elamite, qa Mesopotamia en tipi qon, Juda makoce kin en, qa Kappadokia en, Pontos qa Asia en;

10 Phrugia qa Pamphulia en, Egiptu qa Libue makoce kin en, Kurene ihdukšan, Roma oyate kin etanhan, Juda wicašta, qa en opewicakiyapi qon,

11 Krete qa Arabe kin heun-

capi, Wakantanka taku tanka econ kin, unkiye unkiapi kin eciyatanhan, hena ia oyakapi kin naunhonpi ce, eyapi.

12 Owasin inihanpi, qa yušinyayapi, qa otoiyohi hekiciyapi; De taku kapi hwo.

13 Qa wanjikši ihahapi qa; Dena miniša skuya on imnanpi ce, eyapi.

14 Tuka Inyan ake wanjipidan kin om najin, ho yuwankan icu, qa hewicakiya; Juda wicašta, tona Jerusalem en dukanpi ko, owasin he de sdonyapi, qa mioie kin anagoptan po.

15 Niye hecannipi kin hecetu šni, wanna anpetu kin en yamni ape cin hehantu, heon wicašta kin dena witkopi šni.

16 Tuka Joel wicašta wokcan oyake ciquon he dee.

17 Unkan anpetu ihankeya kin en, (Wakantanka eya,) mitaniya kin wicacehpi owasin awicawakaštan kta; unkan nicinkšipi nicunkšipi ko wokcanpi kta, qa koška nitawapi kin wowanyake kin wanyakapi kta, qa wicahinca nitawapi kin wowihamde ihamnanpi kta ce.

18 Anpetu kin hena en wicašta taokiye, qa winyan taokiye mitawa kin, hena en mitaniya awicawakaštan kta, qa hena e wokcanpi kta.

19 Unkan wankan mahpiya kin ekta taku on yušinyayapi wicawaqu kta, qa kuya maka kin akan wowapetokeca kin, we qa peta qa šotoju.

20 Itancan taanpetu tanka woinihan kin he hi šni itokam, anpetu wi kin otpaza icu kta, qa hanyetu wi kin is we icage kta.

21 Unkan hehan tuwe Itancan caje kin hoyekiye cinhan he ni-kiyapi kta ce.

22 Israel wicašta, wicoie kin de nañon po; Jesus Nazareth etanhan qon, wicašta wan niyepi kin ekta, Wakantanka hdu-tanin qon, wicowaśake, taku on inihanpi, qa wowapetokeca niyepi cokaya Wakantanka econ kiye ciqon hena e niye sdonya-yapi.

23 He qe Wakantanka atayedan wakiconze ça, iye osdonye kin eciyatanhan qupi qon, he iyacupi, qa nape śiksica on icipaweli oyakatanpi, qa yaktepi.

24 Hee Wakantanka ekicetu ye ça, wiconțe icaśke kin kiyuśka, en yuhapi kta okihipica śni nakaes.

25 Dawid he ke ça, kaken eya; Ohinniyān mitokam Jehowa wanmdaka, mietapa kin ekta yanke, heon pahoho śni waun kta.

26 Heon micante kin iyuśkin, qa miceji kin ipsica; qa micelpi kin woape en wanke kta.

27 Minagi kin he hades ekta elpemayakiye śni, qa Wanji Wakan nitawa kin he wicalwin wanyake kta e on yaqu kte śni.

28 Wiconi canku kin sdonye mayaye kta; qa niite kin etanhan wowiyuśkin on imnamaya-ye kta.

29 Wicašta hunka wanjinci-yapi, Dawid hunkakeyapi un kin he eciyatanhan taninyan ociciyakapi kta; he te ça hapi, qa anpetu kin dehanyan ohna hnakapi kin unkiicipi wanka.

30 He wicašta wokcan kin heca, qa Wakantanka wokonze on konza, wicacelpi eciyatanhan iye tancan aicage kte cin he etanhan Messiya, iye oiyotan-ke kin akan iyotanke kta e icaliy-ye kta he sdonya.

31 Hecen tokaheya tanhan he wanyake ça Messiya ekicetuya-

pi kin he cajeyata, nagi kin hades ekta elpekiyapi kte śni, qa celpi kin wicalwin wanyake kte śni.

32 Jesus iye qe Wakantanka ekicetuye cin he unkiyepi owa-sin unyaotaninpi ece.

33 He Wakantanka etapa kin ekta yuwankan icupi, qa Atkuku kin Woniya Wakan iwahoye ci-qon he icu, heon nakaha taku wandakapi qa nayahonpi kin he akaśtan.

34 Dawid e qe malpiya ekta wankan iyaye śni, tuka kaken eya; Jehowa Itancan mitawa kin kaken eciya, Mietapa kin eciyatanhan iyotanka wo,

35 Tona toka niye cin hena nisiha oahē kin ewahnake kte cin hehanyan.

36 Heon etanhan, Israel tiyo-hnaka owasin, de tanyan sdonya wo, Jesus icipaweli oyakatanpi qon, hee Wakantanka Itancan qa Messiya kaga ce.

37 He nañonpi unkan cante kin ekta iyoyakapi, qa Inyan qa yewicaśipi unmapi kin om, Wicašta hunkawanjin unniyanpi to-ken econkupi kta he, ewicaki-yapi.

38 Hehan Inyan hewicakiya; Ihduecetu po, qa woahtani nici-cajujupi kta e on Jesus Messiya caje kin on baptem nićupi kta; kinhan Woniya Wakan itunici-hanpi kin he iyacupi kta.

39 Wahoyapi kin de niye ni-tawapi, qa nicincapi, qa tona itehanyan yukanpi kin owasin, tona Itancan unkita Wakantan-kapi kin wicakico kte cin hena tawapi ce, eya.

40 Qa wicoie tokeca ota on wicakiyatanin, qa wahokonwi-cakiye ça heya; Wicoicage śice cin de etanhan nićiya po.

41 Unkan tona oie kin iyuśkin-

yan icupi kin hena baptem wicaqupi; hecen anpetu kin he en wicanagi kektopawinge yamni en opapi.

42 Qa yewicašipi kin taku onspewicakiyapi kin en katinyan opapi ece, qa om taku yuhapi, aguyapi kiyušpapi qa wocekiye eyapi kin en ece unpi.

43 Unkan wicašta owasin nina yušinyayapi; unkan yewicašipi kin taku wakanyan econpi qa wowapetokeca ota econpi ece.

44 Unkan tona wicadapi kin hena owasin witaya yukanpi, qa taku owasin ptaya yuhapi.

45 Qa tona maga qa woyuha yuhapi kin hena e wiyopekiyapi, qa otoiyo hi cinpi kin iyecen owasin wicakipamnpi.

46 Qa anpetu otoiyo hi, tawacin wanjidan, tipi wakan kin ohna yukanpi, qa tipi iyaza aguyapi kiyušpapi, wowiyuškin cante okonwanjidan ko yuha taku yutapi icupi.

47 Wakantanka yatanpi, qa oyate kin owasin en wowašte yuhapi. Unkan Itancan kin tona nipi kte cin heca, anpetu otoiyo hi, okodakiciye kin en ope wicakiya.

WICOWOYAKE 3.

1 Unkan hehan Inyan qa Johannes kici, tipi wakan kin ekta kaitawankan hde yapi, napcinwanka ape cin, wocekiye eyapi ece kin hehantu.

2 Unkan wicašta wan tonpi kin ehantanhan hušte un kin he yuha ahipi, anpetu otoiyo hi tipi wakan tiyopa wan, Wašte eciyapi kin he en ehdepi, tona tipi wakan tin yapi kte cin hena taku wicakida kte cin heon.

3 Hee Inyan Johannes kici tipi wakan kin timahen yapi kta

wanwicayake ça, taku wicakida.

4 Unkan Inyan opahta, qa Johannes kici, qa, Ekta unkatonwan po, eya.

5 Taku okini kta kecin qa hecen anawicagoptan yanka.

6 Hehan Inyan; Mazaska mazaskazi ko takudan mduhe šni, tuka taku mduhe cin ciçu kta, Jesus Messiya Nazareth etanhan, he caje on najin, qa mani wo, eciya.

7 Qa nape etapa kin en yuze ça najin kiya; unkan ihnuhanna siha iškahu ko wašag hinnda.

8 Hehan iye kin psin iyaye ça najin, qa mani, qa om tipi wakan kin timahen iyaya, mani, qa psipsica, qa Wakantanka idowan.

9 He mani qa Wakantanka idowan kin oyate kin iyulipa wanyakapi;

10 Qa wicašta tipi wakan, tiyopa Wašte eciyapi, kin en hiyotanke ça taku da ece qon he dee sdonyapi; qa taku ecakiconpi kin on etanhan nina inihanpi, qa yušinyayapi.

11 Unkan, wicašta hušte qon wanna okizi kin he Inyan Johannes kici wicayus najin, hena en oyate owasin kiwitaya inyang iheyapi, qa nina yušinyayapi, omanipi Solomon tawa kin hetu.

12 Unkan Inyan he wanyake cehan, oyate kin hewicakiya; İsrail wicašta, tokeca he on niyušinyayapi, qa tokeca opaunhtapi nayajinpi he; unkiye wowaške qa wowašte unhduhapi kin heon wicašta kin de mani unyanpi *kecanunyakinp*i seca.

13 Abraham, qa İsaak, qa Jakob Wakantanka tawapi; hunlake wicunyanpi Wakantanka tawapi kin he Cinhintku Jesus wanna hdutan; he niyepi e wi-

cayaqupi, qa Pilate itokam yakipajinpi, he iye kiyuske kte hınca tuka.

14 Tuka Wanji Wakan qa Owotanna un kin he niye yakipajinpi, qa wicakte sa wan kiyuskapi yacinpi.

15 Qa Wiconi Itancan kin he yaktepi; he qe Wakantanka wicate cin etanhan najinkiye cin unkiye unkoyakapi ece.

16 Qa iye caje kin, caje wicadapi kin heon, wicašta kin de wandakapi qa sdonayapi kin he yuwaşaka; han, iye wacinyanpi kin he wicašta kin de tanyan okiziya, niyepi owasin en.

17 Unkan nakaha mihunkawanji, iyukcan şni hecanonpi, qa wicašta itancan wicaduhapi kin hena nakun, he sdonwaya.

18 Tuka Wakantanka Messiya token kakiye kte cin, wicašta wokcan kin owasin i kin eciyatanhan, oyake ciqon hena he en hduecetu.

19 Heon ihduecetupi, qa ihduhomni po; hecen wayahtanipi kin nicicajujupi kta ce; tohan anpetu yuecetupi kin Itancan itohnake kin eciyatanhan u kinhan;

20 Qa Jesus Messiya oniciyapapi qon he uşi kta.

21 He qe mahpiya kin ekta eyakupi kta, taku owasin ekicetuyapi kta anpetu kin hehanyan, Wakantanka maka icage cin he tanhan wicašta wokcan wakan wicahduhe cin owasin i kin eciyatanhan oyake ciqon hee.

22 Moses iye qe hunkakeyapi kin hewicakiya; Nihunkawanjipi kin etanhan wicašta wokcan wanji, miye iyemaceca, Jehowa Wakantanka nitawapi kin icalniciciyapi kta; he taku eniciyapi kte cin owasin anayagoptanpi kta.

23 Qa wicanagi otoiyohei, wicašta wokcan kin he anagoptan şni kinhan, he oyate kin etanhan ihangyapi kta ce.

24 Unkan wicašta wokcan owasin, Samuel hetanhan, tona iyo hakam woyakapi qon anpetu kin dena cajeyatapi.

25 Wicašta wokcan cincapi kin he niyepi, qa wicoun Wakantanka hunkake wicunyanpi wicakicage ciqon, he qe Abraham heciya; Unkan nicinca kin on etanhan wicowazi maka akan un kin owasin yawaştepi kta ce.

26 Wakantanka iye Cinhintku Jesus najinkiye ça niyawaştepi kta e on niyepi tokaheya en u şi, otoiyohei wayahtanipi kin etanhan ihduhomni niyanpi kta e heon.

WICOWOYAKE 4.

1 Unkan hena hecen oyate kin ewicakiyapi kin icunhan, woşna kagapi, qa tipi wakan en itancan kin, Saddukee ko en wicahipi;

2 Oyate kin waonspewicakiyapi, qa Jesus eciyatanhan wiconte etanhan woekicetu kin he oyakapi kin heon şihdapi;

3 Qa nape on iyawicalipayapi, qa wicakaşka tipi kin en iyewicayapi, ihanhanna kte cin hehanyan; wanna htayetunakaes.

4 Tuka wicoie nahonpi qon hena wicota wicadapi; unkan wicašta kektopawinge zaptan ecetu.

5 Unkan ihanhanna hehan, wicašta itancanpi, hunkawicayapi kin, wowapi kagapi ko;

6 Qa Annas woşna kagapi itancan, qa Kaiaphas, qa Johannes, qa Aleksandros, qa tona woşna kagapi itancan takuwicaye cin hena koya Jerusalem en mniciyapi.

7 Unkan wicacokaya ewica-

hdepi, qa wiwicawangapi ; Taku wowaſake, qa tuwe caje kin on hecanonpi he, eyapi.

8 Hehan Inyan Woniya Wakan on ojudan, hecen ewicakiya ; Oyate en wicaſta itancanpi, qa Israel hunkawicayapi kin ;

9 Anpetu kin de wicaſta huſte qon tanyan ecakiconpi, qa token on okizi kin, he on wiunyanun-gapi hecinhan ;

10 Niyepi owasin, qa Israel oyate kin owasin de sdonya po, Jesus Messiya Nazareth etanhan, icipaweſ oyakatanpi qon, Wakantanka wicaſte cin etanhan ekicetuye cin, he caje on wicaſta kin de nitokam okizi najin.

11 Inyan kin de ticagapi yaunpi kin ayaktapi ſni, tuka he oise en itancan kin ee.

12 Qa tuwe tokeca eciyatanhan wanikiyapi kin yuke ſni ; qa wicacaje tokeca maſpiya kin ihukuya wicaſta wicaqupi, on unnipi kte cin wanica ce.

13 Unkan Inyan qa Johannes waditakapi kin he wanyakapi, qa taku ota onspeiciciyapi ſni qa wicaſta ikceka kin hecapi e sdonyapi qehan, nina yuſinyayapi, qa hena Jesus kici unpi qon he iwicayukanpi.

14 Qa wicaſta okiziyapi qon he wiciyopeya najin wanyakapi ; unkan taku awicayuptapi kte cin takudan yuhapi ſni.

15 Tuka omniciye kin etanhan tankan ye wicaſipi, hehan he akiiaſi ;

16 Qa iyakitedan hekiciyapi ; Wicaſta kin dena token ecawicunkiconpi kta hwo ; wowape-tokeca tanka kin de econpi kin he tona Jerusalem en yakonpi kin owasin sdonyapi, qa anaunhmanpi kta unkokihipi ſni.

17 Tuka he oyate kin en ana-

ptapi kta e heon nina wakokipe wicunkicagapi kta, qa caje kin de on tohinni wicaſta wowicakiyakapi kte ſni, *unkeyapi* kta ce.

18 Unkan hehan wicakicopi, qa Jesus caje kin on takudan ie ſni, qa waonspekiye ſni wicaſipi.

19 Tuka Inyan Johannes kici awicayuptapi qa heyapi ; Wakantanka itokam, niyepi anaunigoptanpi kta, qa iſ Wakantanka anaungoptanpi kta, unma tukte owotanna kin, niſ iyukan po.

20 Taku sdonunyanpi qa nanhonpi qon hena oyake ſni unyakonpi kta e unkokihipi ſni.

21 Hehan ake wakokipe wicakicagapi tamwicakiyapi, qa hde wicaſipi, taku on taku iyawicaponpi kta takudan iyeyapi ſni, oyate kin on etanhan ; taku econpi kin heon owasin Wakantanka yatanpi.

22 Wicaſta wookizi wowape-tokeca kin he en econpi qon he wanna waniyetu wikcemna topa sam iyeya.

23 Unkan kihdewicayapi, hehan iye takodawicayapi kin ekta hdapi, qa woſna kagapi, hunkawicayapi kin ko, taku token ewicakiyapi qon owasin ohdakapi.

24 Unkan hena nahonpi qehan, witaya Wakantanka hoyekiyapi qa heyapi ; Itancan Wakantanka he niye, maſpiya, maka, miniwanca qa taku ohnaka ko owasin yakaga.

25 Dawid nitaokiye kin i kin eciyatanhan kaken ehe cin ; Tokeca e Ikcewicaſta kin oqoyapi, qa oyate kin taku ecinſniyan yukanpi he.

26 Maka wicaſtayatapi kin najin hiyaye ca, wicaſta itancanpi kin witaya mniciyapi, Itancan

WICOWOYAKE 5.

kin en, qa Sdakiye ciqon he nakun.

27 Awicakehan Jesus Nicinksi wakan sdayakiye ciqon he en, Herod, qa Pontiyos Pilate, Ikce-wicašta, Israel oyate ko mniciyapi;

28 Ehanna taku, ninape nitawacin ko on, econ yakonze ciqon, he ecen econpi kta heon etanhan.

29 Unkan nakaha, Itancan, token wakokepi unkecagapi kta tamunkiyapi kin he wanyaka wo; qa nitaakiye kin nioie nina waditagya oyakapi kta e wicaqu wo;

30 Wawokiziya on ninape kin yahdugate cin heon; qa Jesus Nicinksi wakan caje kin on taku wapetokeca, qa on yušinyayapi kte cin hena econpi kta.

31 Unkan wocekiye eyapi, hehan tukten witaya yukanpi kin he yuhuhuzapi, qa owasin Woniya Wakan kin on ojupidan, qa Wakantanka oie kin waditagya oyakapi.

32 Unkan wicota wicadapi kin hena wicacante wanjidan wicanagi wanjidan ko yuhapi; qa taku tonpi kin tuwedan, De mitawa ce, eye šni; tuka taku owasin witaya yuhapi.

33 Unkan yewicašipi kin hena wowašake tanka on Jesus Itancan piya ikicage cin he oyakapi; unkan wowašte tanka owasin en un.

34 Unkan hena tuwedan takudan icakije šni unpi: tuka tona maga, qa tipi yuhapi qon hena wiyopekiyapi, qa taku wiyopeyapi kin on taku icupi kin he ahapi,

35 Qa yewicašipi kin siha hdepi kin en ehnapapi: unkan wicašta otioyohi taku token cinpi kin hecen pamni wicaqupi ece.

36 Unkan Joses, he yewicašipi kin Barnabas, eya cajeyatapi qon, Wicakicanpte cinhintku kin, eyapi kin he kapi, Lewi wicowazi qa Kupros makoce kin etanhan;

37 Hee makoce onšpa hduhe cin wiyopekiye qa mazaska kin hdohi, qa yewicašipi siha hdepi kin en ehna.

WICOWOYAKE 5.

1 Tuka wicašta wan Ananias eciyapi, tawicu Sapphira kici, maga wan wiyopekiya;

2 Qa mazaska apa anakilibe, tawicu kin is nakun sdotkiya; unkan apa ahi, qa yewicašipi kin sihapi kin en ehna.

3 Tuka Inyan heciya; Ananias, tokeca e Woniya Wakan kin oiyaton kte šni e Satan nicante kin en ocowasin iyohpaya, qa maga iyoheyapi kin apa anayakihman he;

4 Nahon ecen un qon he ehan yahduhe šni he; qa wiyopekiyapi kin he ehan nakun nitawa šni he. Tokeca nicante ekta hecen econ wacani he. Wicašta akantu kin hee šni, tuka Wakantanka en iyatonšni ce.

5 Unkan Ananias hena oie kin nahon qehan, hinhpaye qa ta iyaya. Unkan tona hena taku kin nahonpi kin owasin nina wikipapi.

6 Unkan koška kin najinpi, qa opazuntapi, qa tankan ayapi, qa hapi.

7 He iyohakam wihiyayedan oape yamni, hehan tawicu kin taku econpi qon sdone šni ecen tin hiyu.

8 Unkan Inyan heciya; Kana on maga iyoheyakiyapi he, omakiyaka wo. Unkan is; Han, kana on, eya.

OHANYANPI QON.

9 Unkan Inyan; Token on sakim Itancan Taniya kin iyutanyayapi kta ecen wacinduzapi he. Wanyaka wo, tona nihna hapi kin hena sihapi kin tiyopa kin en najinpi, qa niye nakun tankan aniyampi kta, eciya.

10 Hehan is eya hecehnana iye siha kin ekta hinhipaye ca ta iyaya. Unkan koskapi qon en hiyupi, qa wanna ta e wanyakapi, hehan is eya tankan ayapi, qa hihnaku kin kici hapi.

11 Unkan okodakiciye kin oco-wasin, qa tona hena taku kin nahonpi owasin nina wikopapi.

12 Unkan yewicasipi kin napepi kin on oyate kin en wowinihan wicohan qa wowapetokeca ota econpi. Unkan owasin wicacante wanjidan yuha Solomon omanipi tawa kin ohna yukanpi.

13 Qa wicašta tokeca tuwedan en owicapa okihi šni, tuka oyate kin wicakinihanpi.

14 Qa tona wicadapi kin sanpa ota Itancan kin en opapi, wicawinyan ko wicota.

15 Hecen tona wicayazan kin hena tankan awicaupi, qa canku otioyohi ohna, ohehdepi qa owinja ko akan ahiwicahnakapi, Inyan hen hiyaye cinhan hunhohanzi wicaye kte cin heon.

16 Unkan, otonwe itan ihduksan kin hena etanhan wicota Jerusalem en hipi, qa tona wayazanpi, tona taku wakan šica wicayuhnaškinyanpi ko en awicahipi; unkan owasin asnipi.

17 Hehan wošna kagapi itancan kin najin hiyaye ca, tona om un kin, Saddukee wicowazi kin etanhanpi, hena winawizipi on ojupidan;

18 Qa nape on yewicasipi kin iyawicahpayapi, qa wicakaška

tipi ikceka kin ohna ewicahnakapi.

19 Tuka Itancan taohnihde ye cin he hanyen wicakaška tipi tiyopa kin yuzamni, qa tankan awicau qa heya;

20 Hunktiya po, tipi wakan kin ohna inajinpi qa wiconi kin de wicoie kin owasin oyate kin owicakiyaka po.

21 He nahonpi, unkan hanhan na hin tipi wakan kin timahen yapi, qa wowicakiyakapi. Hehan wošna kagapi itancan, qa tona om un kin hena witaya iheyapi, qa omniciye tanka kin mniciye wicaši, Israel cinca hunkawicayapi kin owasin koya; unkan wicakaška tipi kin ekta wicahuweye wicašipi.

22 Tuka akicita kin wicakaška tipi kin en hipi, qa iyewicayapi šni, hehan hoši hdapi;

23 Qa heyapi; Awicakehan wicakaška tipi kin sutaya onatakapi ecen iyeunyanpi, qa tiawanyag wicakiyapi kin tiyopa kin itokam najinpi; tuka unyuhdokapi qehan, tuwedan en wanunyakapi šni.

24 Unkan wošna kagapi itancan, qa tipi wakan en itancan kin, wošna kagapi kin hena koya, hena wicoie kin nahonpi qehan, he toketu kta hecinhan iyukanpi šni.

25 Hehan wanji en hi qa; Iho, wicašta wicakaška tipi kin en ewicayahnakapi qon hena tipi wakan kin ohna inajinpi qa oyate kin waonspewicakiyapi ce, eya owicakiyaka.

26 Hehan akicita tancan kin akicita ko ekta yapi qa iwaštedan awicaupi, oyate kin inyan on wicakininpi kta e kokipapi leon etanhan.

27 En, awicahipi qa omniciye kin wicacokaya najin wicakiya-

pi; unkan wošna kagapi itancan kin wiwicawanga,

28 Qa heya; Wicacaje kin de on wowicayakidakapi kte šni, nina unkeniciyapi šni he; unkan iho, woonspe nitawapi kin on Jerusalem ojudan yayapi, qa wicašta kin de we kin en unkayau-pi kta wacannipi.

29 Hehan Inyan, yewicašipi kin om, awicayupte ça heya; Wicašta akantu hee šni, tuka Wakantanka hee e anaungo-tanpi kta iyececa.

30 Jesus yaktepi qa can akan otkeyayapi qon he atewicunyan-pi ta Wakantankapi kin hduece-tu :

31 Hee kin Wakantanka wan-kan ehdaku, iye nape etapa kin ekta Itancan qa Wanikiya un kta, Israel ihduacetupi qa woahtani kajujupi kin wicaqu kta e heon.

32 Unkan unkiye, iye on, wi-coie kin hena unkoyakapi ece, qa Woniya Wakan tona Wakan-tanka anagoptanpi wicaqu kin, he is eya hena yuotanin ece.

33 He nahonpi qehan cante-ppanyanpi, qa tewicayapi kta e akiapi.

34 Hehan Pharisee wan Gama-liel eciyapi, wope waonspekiya, qa oyate kin en okinihan, he omniciye kin en najin, qa yewicašipi kin cistiyledan tankan aye wi-caši :

35 Qa hehan hewicakiya; Is-rael wicašta, wicašta kin dena taku ecawicakicon wacannipi kin he itonpa po.

36 Anpetu kin dena itokam Thudas icaga, he taku wicašta keičiya; unkan wicašta opawin-ge topa ecetu ihakam yapi; tu-ka he iye ktepi, qa tona wicada-pi qon owasin enanakiya iyewi-cayapi qa takuni šni aya.

37 Qa he iyohakam Judas Gal-ile etanhan, owicawapi anpetu kin he ehan inajin, qa oyate ota ihakamawicaya; he nakunihang-yapi, qa tona wicadapi qon owa-sin enanakiya eyaya.

38 Heon nakaha heciciyapi; Wicašta kin dena wiciheyata najinpi, qa awicayušan po; wo-konze qa wicoľan kin de wica-šta akantu kin etanhan hecinhan atakuni kte šni;

39 Tuka Wakantanka eciyatan-han un kinahan, yujuju oyakihi-pi šni; okinni Wakantanka kici yeciza dukanpi kta naceca, eya.

40 Unkan he anagoptanpi, qa yewicašipi kin wicakipanpi, qa wicakapsinpsintapi qehan, Jesus caje kin on woyake šni wicašipi, qa wicakiyuškapi.

41 Unkan iye omniciye kin etanhan hdapi, qa *Jesus* caje kin on wowištece en awicaupi iye-ceca wicayawapi kin heon wi-yuškinpi.

42 Qa anpetu otoiyo hi tipi wa-kan kin ohna, qa tipi iyaza wa-hokonwicakiyapi, qa Jesus Mes-siya oyakapi ayaštanpi šni.

WICOWOYAKE 6.

1 Unkan anpetu kin hena en, waonspewicakiyapi kin wanna wicota aya qehan, Helenes He-brew oyate kin wicabapi, anpe-tu otoiyo hi wapamnpi kin en wiwazica wicayuhapi kin hena awicatonwanpi šni kin heon etan-han.

2 Hehan akenonpapi kin waon-spewicakiyapi kin owasin wica-kicopi qa hewicakiyapi; Wa-kantanka oie kin unkayušanpi, qa wahna wotapi wiyeya eun-hnakapi kte cin hecetu šni.

3 Heon hunkawanjin unniyanpi enitanhanpi wicašta owotanna

yawapi, qa Woniya Wakan wicoksape ko on ojupidan šakowin wicakahniga po, wicohan kin de yuhe wicunkiyapi kta.

4 Tuka unkiye qe cekiyapi qa wicoie oyakapi kin en ohinniyan ye unkičiyapi kta ce.

5 Unkan wicoie kin he oyate kin owasin iyokipipi; qa Stephanos, wicašta wan wacinyanpi Woniya Wakan ko ojudan, kin he kahnigapi, qa Philip, qa Procoros, qa Nikanor, qa Timon, qa Parmenas, qa Nikolas Antiyoka ekta en opekiyapi qon.

6 Hena yewicašipi kin wicacokaya ewicahdepi; unkan wocekiye eyapi, hehan nape on awicaputakapi.

7 Unkan Wakantanka oie kin icage ča Jerusalem en waonspewicakiyapi kin nina ota aya; qa wošna kagapi kin ota nakun wacinyanpi kin en opapi.

8 Unkan Stephanos wowacinye wowasake ko on ojudan, taku on yušinyayapi, qa wapetokeca tanka econ, oyate kin en.

9 Unkan wicašta wanjikji omniciye tipi wan, Wicakiyuškapi tawapi eciyapi kin hetanhan, qa Kurene qa Aleksandre wicašta kin, qa Kilikia qa Asia etanhanpi, hena en inajinpi qa Stephanos kici hdokinicapi.

10 Tuka Woksape Woniya ko on ie cin he okihihi šni.

11 Hehan wicašta opewicatonpi, unkan hena e, Wicašta kin de Moses qa Wakantanka nakun wicoie šica ewicakiya, naunhonpi ce, eyapi.

12 Hecen oyate kin, qa hunkawicayapi, wowapi kagapi ko iyo-wicapaštakapi; unkan anatanhipi, qa yuzapi, qa omniciye kin en ahihi.

13 Qa oitonšni waayatanin kin heca najin wicakiyapi; hena is

heyapi; Wicašta kin de tipi wakan kin de wicoope ko on taku šica eye cin ayaštan šni.

14 Jesus Nazareth etanhan qon he tipi kin de ihangye ča, wicohan Moses unqupi qon hena yutokeca kta ce, eya naunhonpi ce.

15 Unkan omniciye kin en iyo-tankapi kin owasin opahita yukanpi, qa ite kin he mahpiya ohnihde wan ite kin iyececa wanyakapi.

WICOWOYAKE 7.

1 Hehan wošna kagapi itancan kin heya; Hena hecetu he.

2 Unkan iye hehan heya; Wicašta hunkawanjinciyapi, ateci-yapi ko anamagoptan po. Wowitan Wakantanka kin, Abraham ateunyanpi Mesopotamia en ounye ciqon, Carran en ahiti kin he itokam, en ikpazo;

3 Qa heciya; Nita makoce qa nitakuye kin etanhan ya wo, qa makoce wan cicipazo kte cin he ekta u wo, eciya.

4 Hehan Kaldeya makoce kin etanhan hiyu qa Carran en ahi ti. Hen atkuku kin ča, unkan hetanhan makoce kin en nakaha oununyanpi kin den ahi ti.

5 Unkan tawa kte cin siha oahe kin hinskokeca qu šni, tuka he yuhe kta qa iyohakam cinca kin yuhapi kta e qu kta iwahoya; nahahin cinca wanica.

6 Unkan Wakantanka kaken eya; He cinca kin makoce tokeca en unhdaka unpi kta; unkan hen wowidake wicayuhapi, qa waniyetu opawinge topa hehanyan šicaya wicakuwapi kta.

7 Qa oyate kin hena wowidag wicayuhapi kte cin he wicamdaco kta; qa he iyohakam etanhan hiyupi kta qa makoce kin

den ohomadapi kta ce, Wakan-tanka eya.

8 Hehan bakihdayapi wicoope kin he qu. Unkan hecen Isaak cincaya, qa anpetu isahdogan hehan bakihdaya. Isaak Jakob cincaya; qa Jakob hunkakewicayapi akenonpapi qon cincawicaya.

9 Unkan hunkakewicayapi qon Joseph inakiwizipi, qa Egiypta ekta wiyopekiyapi. Tuka Wakantanka kici un;

10 Qa wokakije kin owasin etanhan ehdaku, qa Pharo Egiypta wicaštayatapi kin itokam wowaonsida woksape ko qu; unkan Egiypta en wicašta itancan kaga, qa iye ti kin ocowasin en.

11 Hehan Egiypta makoce Kanan ko owancaya wicaakihan, qa nina wicakakija; unkan hunkake wicunyanpi kin taku yutapi iyeyapi šni.

12 Tuka hehan Egiypta heciya wamnaheza yukan, Jakob nahan, unkan hunkake wicunyanpi kin tokaheya ekta ye wicaši.

13 Unkan inonpa hehan, Joseph hunkawanjinwicaye cin sdonkiyewicakiye, qa hehan Joseph otakuye kin Pharo en oyakapi.

14 Hehan Joseph atkuku kin wahoye qa kico, qa takuwicaye cin owasin nakun, wicanagi wikcemna šakowin sanpa zaptan.

15 Hecen Jakob Egiypta ekta apamahde iyaye qa hen ta, iye qa nakun hunkake wicunyanpi kin:

16 Unkan Sucem ekta awicayapi, qa wicahnakapi wan, Abraham Sucem atkuku Em-mor he cinca kin, mazaska on, opewicakicaton qon he en wicahnakapi.

17 Tuka anpetu wahoyapi, Wakantanka Abraham konza iwa-

hoye ciqon he wanna kiyadan u, hehan oyate kin icage qa Egiypta en ihduotapi.

18 Hehan wicaštayatapi tokeca wan Joseph sdonye šni kin he icaga.

19 Unkan he qe takuwicunyanpi kin wicahnaye qa, hunkake wicunyanpi kin šicaya ecawicakicon, hecen hokšiyooqopa kin nipi kte šni e tankan elipewicakiyapi qon.

20 He ehan Moses tonpi, he qe hokšiyopa owanyag wašte hinca; unkan wi yamni hehanyan atkuku ti kin ohna icahkiyapi.

21 Qa tankan elipeyapi, hehan Pharo cunwintku kin eyaku, qa iye cinca kin hecen icahya.

22 Unkan Moses Egiypta oyate wicoksape kin owasin onspekiyapi, qa wicoie, wicohan ko on wašaka.

23 Unkan wanna waniyetu wikcemna topa, hehan hunkawanjitku Israel cinca kin wanwicahdag ye kta wacinyuza.

24 Qa wanji šicaya ecakiconpi kin he wanhdake cehan, okiye qa šicaya ecakiconpi qon he tokicicon, qa Egiypta wicašta kin kaštaka.

25 Hunkawanjitku kin, iye nape kin on Wakantanka wiconi wicaqu kte cin he iyucanpi kta kecin, tuka okalinigapi šni.

26 Ihanhanna hehan ake kiczapi kin en taniničiye qa wicakicage kta wacin qa heya; Wicašta hunkawanjin yeciyapi, tokeca šicaya ecayeciconpi he.

27 Tuka tuwe takodaku kin šicaya ecakicon kin he paha iye-ye qa, Tuwe unkiyepi en wicašta itancan qa wayaco nicaga he.

28 Egiypta wicašta litanihan yakte qon he iyecen mayakte kta he, eya.

29 Wicoie kin de on Moses nape ça Madiyan makoce kin en hewotahedan un, qa hen hoksidan nom cinca wicaya.

30 Unkan wanna waniyetu wikcemna topa ihunniyan, hehan hewoskan makoce kin en Sina Paha kin hetu, can yuhafia wan ohna peta ide kin en, Itancan taohnihde wan taniniçiya.

31 Unkan Moses he wanyake çehan, wowanyake kin on yuşinyaya; qa tanyan wanyake kta e on kiyedan ya, hehan Itancan ho kin en tanin;

32 Qa, Nihunkake Wakantanka tawapi kin he miye; Abraham ta Wakantanka, Isaak ta Wakantanka, qa Jakob ta Wakantanka kin, eya. Unkan Moses cancan qa ekta etonwan okihi şni.

33 Unkan Itancan kin heciya; Nitahanpe kin hduşdoka wo, tukten nayajin kin he maka wakan ce.

34 Ekta ewatonwe ça, Egipta en mitaoyate token kakijapi kin he wanmdake ça comnihdazipi kin nawahon, qa wicawakiyuşke kta e on kun hibu; unkan nakaha u wo, Egipta ekta ye cişi kta.

35 Moses aktapi şni qa; Tuwe wicaşa itancan qa wayaco nicaga he, eciyapi qon he Wakan-tanka wicaşa itancan wanikiya ko kage ça ye şı, maşpiya ohnihde can yuhafia kin en taniniçiyen cin he nape kin on.

36 Unkan hee tankan awicau, qa taku on yuşinyayapi wapetokeca ko, Egipta makoce kin en, Mde şa ekta, qa hewoskan makoce kin etu, waniyetu wikcemna topa hehanyan econ.

37 Moses Israel cinca kin; Hunkawanjin wicayayapi etanhan wicaşa wokcan wan miye

iyemaceca, Itancan Wankantanka nitawapi kin icañniciciyapi kta, he anayagoptanpi kta ce, ewicakiye ciqon he dee.

38 Qa hewoskan makoce kin ekta okodakiciye kin kiei un qon hee, Sina paha kin etu, maşpiya ohnihde kin okiye ça nakun hunkake wicunyanpi kin; qa he wiconi oie kin unqupi kta e icu.

39 Unkan hee kin hunkake wicunyanpi kin anagoptonpi cinpi şni, tuka heyata iyeyapi, qa can-tepi kin en Egipta ekta hdapi.

40 Qa Aaron heciyapi; Taku wakan unkitokam yapi kte cin unkiçaga po; Moses Egipta makoce kin etanhan unkaupi qon he tokiya iyaya sdonunyanpi şni ce.

41 Unkan anpetu kin hena en ptejicadan wan kagapi, qa wakagapi kin he taku wakiyuşnapi, qa iye nape kagapi kin on wiyuşkinpi.

42 Hehan Wakantanka ihduhomni, qa maşpiya ohnaka kin ohodapi kta e awicayuştan; wicaşa wokcan tawowapi en kagapi kin he iyececa; Israel ti kin woteka ktepi woşnapi ko, hewoskan makoce kin en, waniyetu wikcemna topa hehanyan mayaqupi he.

43 Unkan ito Molok tawakeya kin, qa Remphan taku wakan yadapi wicanşpi tawa kin he iyacupi; hena wakagapi kin itokam canpeşka makehde inayajinpi kta e yakagapi: Unkan ito Babulon akotanhan aciyapi kta ce.

44 Hunkake wicunyanpi kin hewoskan makoce kin en waaya tanin wakeya kin yuhapi; tuwe Moses okiye ça, token wanyake cin he iyecen kage kta keciye ciqon, hee yuştan qon iyececa.

45 He hunkake wicunyanpi kin icupi, qa Joshua kici Ikerwicašta tamakoce kin en ahipi, hena e Wakantanka hunkake wicunyanpi itepi kin etanhan heyata iyaye wicaya, Dawid taanpetu kin hehanyan ;

46 He Wakantanka itokam wowaonsida iyeye ça, Jakob ta Wakantanka kin tipi wan iye-kiciciye kta ein.

47 Tuka Solomon tipi wan kicaga.

48 Hececa tuka, Iyotan Wankan un kin tipi wicanape on kagapi kin ohna ti šni ; wicašta wokcan hecen eye ciqon ;

49 Małpiya kin he oiyotanke mitawa kin ee, qa maka kin he misiha oahe kin hee ; ecin tukte tipi miyecagapi kta he, qa tukten ozimičiye kta he.

50 Minape kin taku henana owasin kage šni he, Itancan kin eya ce.

51 Tahu nisutapi, qa cante nonge ko banicihdayapi šni kin, ohinnyan Woniya Wakan kin yakipajinpi, nihunkakepi econpi qon he niye iyenicecapi.

52 Wicašta wokcan kin tukte wanji e nihunkakepi kin śicaya kuwapi šni he. Wanji Owotanna un kin he u kte cin tona oyakapi qon hena wicaktepi ; qa he qe niś niyepi wanna iyopeyayapi qa yaktepi.

53 Małpiya ohnihde ahipi kin he eciyatanhan woope kin iyacupi, tuka tanyan yeciyuhapi šni ce, eya.

54 Unkan hena taku kin nahonpi hehan, cante kin ekta nina iyoyakapi, qa hi ahdakokokapi.

55 Tuka iye Woniya Wakan kin ojudan małpiya ekta opahta yanke ça, Wakantanka towitan kin, qa Jesus Wakantanka etapa

kin eciyatanhan najin e he wan-yaka ;

56 Qa heya ; Wanyaka po, małpiya kin yuzamnpi, qa Wicašta Cinhintku kin Wakantanka etapa kin eciyatanhan najin e wanmdaka ce, eya.

57 Hehan hotankakiya hotaninpi, qa nogepi kin ohmus hduzapi, qa tawacin wanjidan on iyahpayapi ;

58 Qa otonwe kin tankan elipeyapi, qa inyan on kininpi. Unkan waayataninpi kin wokoyake kin koška wan, Salos eciyapi, he siha kin en ekihnakapi.

59 Unkan Stephanos inyan on kininpi, he icunhan cekiye ça heya, Jesus Itancan, minagi kin ehdaku wo.

60 Hehan canpeška makehde inajin qa hotankakiya hoyekiya ; Itancan woahłani kin de iyepi kin en awicau šni wo. Hena hecen eye ça hehan iśtinma iya-ya.

WICOWOYAKE 8.

1 Unkan he ęe cin Salos iyo-winkiya. Unkan anpetu kin he en okodakiciye Jerusalem en un kin śicaya wicakuwapi tanka. Qa owasin Juda makoce qa Samaria ekta enanakiya iyewicayapi, yewicaśipi kin henana ya-pi šni.

2 Unkan wicašta awacin unpi kin heca Stephanos yuha ayapi, qa nina akiceyapi.

3 Tuka Salos okodakiciye kin yutakuni šni wicakuwa ; tipi iya-za tin iyaye ça, wica winyan ko wicayuze ça, wicakaška tipi kin en iyewicaya.

4 Heon etanhan tona enanakiya iyayapi qon hena owancaya iyayapi, qa wicoie kin oyakapi ece.

5 Hehan Philip Samaria oton-

we kin ekta apamahde iyaye a, Messiya owicakiyaka.

6 Unkan oyate kin Philip taku wapetokeca econ kin nahonpi qa wanyakapi qehan, taku tona oyake cin cante wanjidan on anagoptanpi.

7 Taku wakan ica hotankakiya hotaninyan tona wicayuhna-skinyanpi kin etanhan inanpapi, qa tona taapike cin hutepi ko ota okizipi.

8 Unkan otonwe kin he en wi- yukinpi tanka.

9 Unkan wicata wan Simon eciyapi, otonwe kin he en wana- kaja tanhan wapiyapi econ, qa Samaria oyate kin yuinyewi- caye a, iye wicata tanka kei- ciya.

10 He owasin anagoptanpi, ci- stinpidan tankinkinyan ko, qa ; Wakantanka towaake tanka kin he dee ce, eyapi.

11 Wanakaja tanhan wapiyapi econ kin on yuinyewicaye cin heon he anagoptanpi.

12 Tuka Wakantanka tokicon- ze kin, qa Jesus Messiya caje kin eciyatanhan taku Philip o- yake cin hena wicadapi qehan baptem wicaqupi, wica winyan ko.

13 Qa Simon i eya wicada, qa baptem qupi ; hehan Philip kici un, qa wowakta taku wapeto- keca tanka ko wanyake cin heon yuinyaya.

14 Unkan Jerusalem ekta ye- wicaipi kin, Samaria Wakan- tanka oie kin icupi kin he na- honpi qehan, Inyan qa Johannes kici ekta ye wicaipi.

15 Hena e ekta apamahde hi- pi, qa Woniya Wakan icupi kta heon wocekiye ewicakiciyapi.

16 He nahalin tuwedan ahin- he ni, Jesus Itancan caje kin on baptem wicaqupi kin hecedan.

17 Hehan nape on awicaputa- kapi, unkan Woniya Wakan kin icupi.

18 Unkan yewicaipi kin nape on awicaputakapi kin he eciya- tanhan Woniya Wakan wicaqu- pi kin he Simon wanyaka, he- han mazaska wicakahi ;

19 Qa heya ; Tuwe nape on awaputake cinhan he Woniya Wakan icu kta e wowaake kin he maqu po.

20 Tuka Inyan heciya ; Ma- zaska nitawa kin niye kici ata- kuni ni nunwe. Taku Wakan- tanka wicaqu ece kin he maza- ska on opetonpi kta kecanni kin heon etanhan.

21 Wicoie kin de en oyape ni qa takudan nitawa ni ; Wakan- tanka itokamya nicante kin o- wotanna ni.

22 Heon etanhan taku ice cin de on iyopeiiye a, Wakantan- ka cekiya wo, nicante taku awa- cin kin nicicajupui nun ce.

23 Nahanhin pizi pa hinca, qa woahitani icake kin en yaun e wanmdaka ce.

24 Hehan Simon ayupte a heya ; Taku ehapi kin takudan mahiyahde kte ni heon ni ito miye on Itancan kin cekiya po.

25 Unkan wanna yaotaninpi, qa Itancan oie kin oyakapi qe- han, Jerusalem ekta icicawin hdapi, qa Samaria otonwe ota kin en wotanin wate kin oya- kapi.

26 Unkan Itancan taohnihde ye cin Philip okiye a heciya ; Najin qa itokahkiya, canku wan Jerusalem hetanhan iyaye a Gaza en iyohpaye cin he en i wo, he hewoskan kin ee.

27 Hehan iye najin, qa iyaya. Unkan iho, Ethiopa wicata wan yunokos heca, Ethiopa wicata-

WICOWOYAKE 9.

yatapi winohinca, Kandake eciyapi, he ihukuya wicašta tanka, qa woyuha tawa kin owasin kiciyuha un kin, he Jerusalem ekta cekiyē kta ē i.

28 Qa he wanna hde ça canpahmihma ohna kiyotanke ça, Isaya wicašta wokcan kin he yawa yanka.

29 Unkan Woniya Wakan kin Philip heciya; Ekta ye ça canpahmihma kin de kici ya wo.

30 Hehan Philip ekta inyāng ye ça Isaya wicašta wokcan kin yawa yanke cin he nañon qa; Taku dawa kin he oyakañniga he, eciya.

31 Unkan; Tuwedan onspemakiye šni ecin token owakihi kta he, eye ça, Philip en u qa kici iyotanke kta, keya.

32 Wowapi yawa yanke cin iapi kin he dee; Tahinca wan ktepi kte cin en aipi, qa tacincadan hin wicayuşda kin itokam inina yanke cin, he iyecen is iye i hdukawa šni.

33 Wicawahpanica en un qehan, yacopi kin he ekiciyakupi; qa wicoicage tawa kin tuwe oyake kta he; wiconi tawa kin maka kin etanhan ayapi ce.

34 Hehan yunokos kin Philip ayupte ça heciya; Ceciciya ce, tuwe on wicašta wokcan kin hena hecen eya he, iye içica qa is wicašta tokeca ka.

35 Hehan Philip i hdukawa qa wowapi kin he etanhan ie ça Jesus e okiyaka.

36 Unkan canku kin ohna hda-pi, qa mini yuke cin wan iyohipi. Hehan yunokos kin; Mini wan-yaka wo, baptem maqupi kta e taku tehinda kta he, eya.

37 Unkan Philip, Nicante kin ocowasin on wicayada kinhan enicicetu kta, eciya. Hehan is ayupte ça; Jesus Messiya he

Wakantanka Cinhintku kin ee wicawada ce, eya.

38 Hehan canpahmihma kin owanji yanke ši; qa mini kin ekta kun iyayapi, Philip qa yunokos kin; unkan baptem qu.

39 Unkan mini kin etanhan hdicupi qehan, Itancan Taniya kin Philip eyaku, qa yunokos kin ake wanyake šni; unkan canku kin ohna iyuškinyan hda.

40 Tuka Philip Azotos ekta iyekiyapi; qa otonwe kin owasin opta ye ça wotanin wašte kin oyaka, ecen Kesareya ekta iyohi.

WICOWOYAKE 9.

1 Unkan Salos waaiapi tin wicaktepi ko Itancan waonspewicakiye cin awicapogan, wošna kagapi itancan kin en i;

2 Qa Damaskos en omniciye tipi kin ekta wowapi da; hecen canku kin de ohna yakonpi kin tona iyewicaye kte cin, wica winyan ko, Jerusalem ekta kaška awicahdi kta e heon.

3 Unkan icimani ye cin Damaskos ikiyedan ya; unkan ihnuhanna ojanjan wan malipiya eciyatanhan ihduksan iyoyanpa.

4 Hehan makata hinhipaye cehan, wicaho wan nañon, Salos, Salos, tokeca šicaya mayakuwa he, eciya.

5 Unkan is; Itancan nituwe he, eya. Hehan Itancan kin is; Jesus šicaya yakuwa kin he miye; can pesto kin nayahtake cin he tehika ce, eya.

6 He cancan qa yušinyaye ça; Itancan taku ecamon yacin he, eya. Unkan Itancan kin; Najin qa otonwe kin ekta ya wo, token ecanon kte cin oniciyakapi kta ce, eciya.

7 Unkan wicašta om icimani kin yušinyaya najinpi, wicaho

kin nahonpi tuka tuwedan wan-yakapi šni.

8 Unkan Salos maka kin etanhan najin qa išta kamdaya hehan, tuwedan wanyake šni; unkan nape on yus ayapi, qa Damaskos ekta aipi.

9 Unkan anpetu yamni wawan-yake šni un; qa takudan yute šni qa yatke šni.

10 Unkan Damaskos en waon-spekiyapi wan, Ananias eciyapi, he wowihanmde en Itancan kin; Ananias, eciya. Unkan is; Itancan, de miye ce, eya.

11 Hehan Itancan kin heciya; Najin qa canku wan Owotanna eciyapi kin he ekta ye ça Judas ti kin en Salos eciyapi, Tarsos etanhan he akita wo; wanna cekiya un;

12 Qa wowihanmde wan en wicašta wan Ananias eciyapi tin hiyu, qa tonwe kta e on nape on aputake cin he wanyaka ce.

13 Hehan Ananias ayupta; Itancan, wicota etanhan wicašta kin he Jerusalem ekta, tona owotanna wicaduhe cin taku šica ecawicakicon kin hena nawan-hon;

14 Qa deciya nakun wošna kagapi kin eciyatanhan wowašake yuha un, tona nicaje hoyekiyapi kin hena owasin wicakaške kta ce, eya.

15 Tuka Itancan kin is heciya; Hunktiya wo, wakšica wakahnige cin he wanji ee, micaje kin lkewicašta, qa wicaštayatapi kin Israel cinca ko itokam yuha un kta;

16 Qa micaje kin on taku token kakije kte cin he wakipazo kta ce, eya.

17 Hehan Ananias ye ça, tipi kin timahen iyaye ça, nape on aputake ça heya; Salos mihunkawanji, yatonwe ça Woniya

Wakan on onijudan kta e Itancan kin u maši; Jesus canku ohna yau kin en taniničiye ci-qon hee.

18 Unkan ihnuhanna taku hocēšpu kin iyececa išta kin etanhan hinlipaya; unkan ecahankeya tonwe ça najin, qa baptem qupi.

19 Unkan taku yutapi icu qehan, wašaka aya. Unkan Salos anpetu tonana waonspewicakiyapi kin, Damaskos en yakonpi, hena om un.

20 Qa kohanna omniciye tipi kin ohna Messiya he Wakantan-ka Cinhintku kin ee ce, eya oya-ka.

21 Unkan tona nahonpi kin owasin yušinyayapi qa heyapi; Jerusalem ekta tona wicacaje kin de hoyekiyapi kin šicaya wicakuwa, qa nakaha wicakaške ça, wošna kagapi kin ekta awicaye kta e on den hi kin he dee šni he.

22 Tuka Salos sanpa wašaka icage ça Juda wicašta Damaskos ekta yakonpi kin hena inina yan-ke wicakiye ça, He Messiya kin ee e yawicaka.

23 Wanna anpetu ota hehan Juda oyate kin he te yapi kta e akiiapi.

24 Tuka hecen konzapi kin he Salos sdonya. Unkan ktepi kta e anpetu hanyetu ko otonwe tiyopa kin awanhdakapi.

25 Hehan waonspewicakiyapi kin hanyen icupi, qa makanopiye wan ohna otonwe conkaške kin etanhan kun iyeyapi.

26 Unkan Salos Jerusalem en hdi qehan, waonspewicakiyapi kin om un kta cin; tuka owasin kokipapi, qa wanna waonspekiyapi kin heca e wicadapi šni.

27 Tuka Barnabas he icu, qa yewicašipi kin en ahi, qa token

tapehi Itancan kin wanyake ça, he okiye ça, token Damaskos ekta Jesus caje kin on waditagya oyake cin hena owicakiyaka.

28 Unkan Jerusalem ekta om un, qa timahen u qa tankan ya ece; qa Jesus Itancan kin on wašagya woyaka.

29 Qa Helenes oyate kin om hdokinica. Tuka hena ege he ktepi kta akitapi.

30 Hunkawanjin kiciyapi kin he sdonyapi, unkan Kesareya ekta aipi, qa Tarsos heciya hde šipi.

31 Hehan okodakiciye kin Juda makoce kin owancaya, qa Galile, qa Samaria ekta wookiye yuhapi, qa icagapi; qa Itancan kin kokipeyahan manipi, qa Woniya Wakan wicakicanpte cin en *unpi*, qa hecen ihduotapi.

32 Unkan Inyan *makoce* kin owasin opta iyaye çehan, Ludda ekta wicašta owotanna yukanpi kin hena en wicahiyohi.

33 Qa wicašta wan Eneas eciyapi hen wanyaka; he waniyetu šahdogan makan wanka, taṭaka ececa.

34 Unkan Inyan; Eneas Jesus Messiya asniniyan, najin qa owinja hdatata wo, eciya. Unkan ihnuhanna najin hiyaya.

35 Unkan tona Ludda qa Saron en yakonpi kin owasin he wanyakapi, qa Itancan kin ekta ihduhomni.

36 Unkan Joppa ekta waonspek iyapi wan Tabitha eciyapi, he Tatokadan eyapi kin he kapi; winohinea kin he ohan wašte qa taku wacantkiya econ kin ojudan:

37 Unkan he anpetu kin hena en wayazanka, qa ṭa iyaya. He yujajapi qehan, wankan tipi wan ekta ehnapapi.

38 Unkan Ludda Joppa ikiyedana, qa Inyan hen un kin waon-

spewicakiyapi kin nahonpi qon, heon wicašta nom ekta ye wicašipi, qa ecadan en wicau kta e iwahoyapi.

39 Hehan Inyan najin qa hena om hda. Ekta i, unkan wankan tipi kin en aipi, unkan wiwazica kin owasin en najinpi, qa ohde wokoyake ko, Tabitha ni un qehan, kage ciqon hena pazo yan-kapi, qa ceyapi ece.

40 Tuka Inyan hena owasin tankan iyewicaye ça, canpeška makehde inajin qa wocekiye eya, hehan tancan wanke cin ekta ihdamna qa; Tabitha, najin wo, eya. Unkan išta kamdaye ça Inyan wanyake çehan iyo-tanka.

41 Unkan nape yekiye ça najinkiya; qa wicašta owotanna wiwazica ko wicakico qehan, he ni un e wicakipazo.

42 Unkan Joppa owancaya he otanin, qa wicota Itancan kin wacinyanpi.

43 Unkan Inyan anpetu ota Joppa en, wicašta wakpanyan wan Simon eciyapi, he kici yan-ka.

WICOWOYAKE 10.

1 Unkan Kesareya en wicašta wan Kornelios eciyapi, akicita opawinge obe wanjidan, Italike eciyapi, kin he en itancan kin hee;

2 Wicašta wakinihan, qa Wakantanka kokipeyahan un, tiyohnaka kici; qa oyate kin nina cantewicakiya, qa ohinniyan Wakantanka cekiya un ece.

3 He qe anpetu wan en, napeinwanka apa hehantu, wowanyake wan en, Wakantanka tahnihde wan en hi, qa, Kornelios, eciye cin he taninyan wanyaka.

4 Unkan he opahita yanke ça inihan qa; Itancan taku he, eya.

Unkan ís ito heciya ; Wocekiye nitawa qa wacantkiya oyahande cin he Wakantanka itokam kiksuyapi.

5 Heon nakaha Joppa ekta wicašta ye wicaşı, qa Simon Inyan eciyapi kin he kico wo.

6 Wicašta wakpanyan wan Simon eciyapi ti kin miniwanca kahda han, he kici yanka. He token ecanon kte cin oniciyake kta ce.

7 Unkan malhipiya ohnihde Kornelios okiye cin he wanna kihda, hehan tiawanyag wicakiye cin nom, qa akicita wašte ohinniyan tankiyadan wicahduhe cin wanjidan, hena wicakico ;

8 Qa hena taku kin owasin owicakiyake cehan, Joppa ekta ye wicaşı.

9 Unkan icimanipi, qa ihanhanna wanna otonwe kin ikiyadan, hehan Inyan tipi kin akan wocekiye eya iyaya, wanna wi-yotanche cin hehantu.

10 Nina wotektehda, qa wote kta cin, tuka taku yutapi wiye-ya ehnakapi kin he icunhan wokiksuye šni wan ahinlipaya.

11 Unkan malhipiya kin yuzamnipi e wanyaka, qa heciyatanhan taku wan minihuha ska tanka iyececa, oise topa kin iciyakaškapi he kutkiya u, qa maka kin ahe kiyapi.

12 He ohna taku maka akan wahutopa ocaje owasin, qa woteka, qa watutka, qa malhipiya okinyanpi kin.

13 Unkan wicaho wan tanin qa ; Inyan, najin, qa kte, qa yuta wo, eciya.

14 Tuka ís ; Itancan, hecetu šni, tohinni taku ikceka qa ašape cin wate šni ce, eya.

15 Unkan ake icinonpa wicaho kin tanin qa ; Taku Wakantan-

ka pakinte cin he ikceka eciye šni wo, eya.

16 Yamni akihde hecen econpi, qa hehan taku kin he malhipiya kin ekta akiyahdapi.

17 Unkan Inyan wowanyake wanyake cin he taku kin iyukan šni un, he icunhan, ito wicašta Kornelios u wicaşı qon hena Simon ti kin akitapi, qa wanna tiyopa kin itokam en hinajinpi ;

18 Qa panpi qa ; Simon Inyan eciyapi den yanka he, eya iwi-cawangapi.

19 Wowanyake kin he Inyan awakicin un kin he icunhan, Woniya Wakan kin heciya ; Wanyaka wo, wicašta yamni onidepi.

20 Heon najin qa kun hde ça, takudan ceťunhda šni om ya wo, hena u wicawaşı ce, eya.

21 Hehan Inyan wicašta Kornelios u wicaşı qon hena ekta kun wicai, qa ; Tuwe ayakitapi kin he miye ce ; taku on yahipi he, ewicakiya.

22 Unkan ís heyapi ; Kornelios akicita opawinge wicayuhe cin, wicašta owotanna, qa Wakantanka kokipeyahan un he Juda oyate kin iyulpa oyakapi, hee malhipiya ohnihde wakan wan okiye ça, tuwe nihuwe u wicaşı, qa iye ti kin ohna nioie kin nahon kta, keya ce, eyapi.

23 Hehan tin u wicaşı qa won wicaya. Unkan ihanhanna Inyan hena om hda, unkan Joppa etanhan hunkawanjinkiciyapi kin wanjikji opapi.

24 Unkan ihanhanna qehan Kesareya iyohipi. Unkan Kornelios tona takuwicaye ça koda wicaye cin hena wicakico, qa om ape yanka.

25 Unkan Inyan en u, hehan Kornelios itkokim ye ça, siha

kin en makata ehpeiciye ça ce-kiya.

26 Tuka Inyan is najin kiye ça; Najin wo, mis eya wima-çašta ce, eya.

27 Qa kici wohdaka ecen tipi kin timahen i, qa wicota mnici-yapi kin wanwicayaka.

28 Hehan hewicakiya; Tuwe Juda wicašta kin heca e oyate tokeca etanhan wan kici un, qa en hi kin he hecetu šni e sdon-yayapi, tuka tuwedan wicašta ikoeke qa asape cin ewakiye kte šni he Wakantanka sdonye ma-kiya.

29 Heon etanhan mahuwe ipi kin ecen wacetunhda šni hibū, heon taku on miyecopi hecinhan he iciwangapi, eya.

30 Unkan Kornelios heya; Wanna ehantanhan anpetu topa he ehan, qa nakaha oape kin dehantu, wote šni waun, qa nappin-wanka ape cin hehan wati kin en cekiya waun; unkan wicašta wan wokoyake wiyatpa koyake cin he en mahinajin;

31 Qa, Kornelios wocekiye ni-tawa kin he nahonpi, qa taku wacantkiya ecanon kin he Wa-kantanka itokam kiksuyapi ce.

32 Heon Joppa ekta tuwe ye ši, qa Simon Inyan eciyapi kin he kico wo; he wicašta wakpan-yan wan, Simon eciyapi, ti kin miniwanca kahda he cin he ohna yanka. He hi kinhan taku eniciye kta ce, eya.

33 Heon kohanna wahociya; qa yahi kin he tanyan ecanon. Heon nakaha unkiyepi kin owa-sin Wakantanka itokam unkanpi, taku Wakantanka eye niši kin owasin naunhonpi kta ce

34 Hehan Inyan i hdukawa qa heya; Awicakehan Wakantan-ka wicašta itohnake kin iwanya-ke šni e imdukcan.

35 Tuka oyate otioyohi en, tu-we kokipecyahan un, qa owotan-na ohanje cin he waštedaka ece.

36 Jesus Messiya kin, owasin en Itancan kin hee, he eciya-tanhan wicoie Israel cinca kin wookiye iwahowicayapi qon.

37 Wicoie kin he sdonyayapi, Juda makoce kin owancaya oya-kapi, Galile etanhan, Johannes baptem oyake cin hehan tanhan.

38 Jesus Nazareth etanhan kin he Wakantanka sdakiya, Wo-niya Wakan wowašake ko on; qa he qe taku wašte econ iyaya ece, qa tona taku wakan šica wi-cayuhnaškinyan kin hena okizi-wicaya ece, Wakantanka kici un kin heon.

39 Qa taku Juda oyate tama-koce, qa Jerusalem ekta econ qon owasin unyaotaninpi ece. He iye kin ktepi, qa can wan akan otkeyapi qon.

40 Tuka anpetu iciyamni qe-han Wakantanka piya icalikiye ça, taninyan wicakipazo.

41 Oyate kin iyulpa šni, tuka tona otokaheya ekta Wakantan-ka wicakahinige cion hena en, waayataninpi kin unkiyepi, wi-conte etanhan piya ikicage cin iyohakam kici wauntapi qa wa-unyatkanpi ece.

42 Unkan oyate kin wahokon-wicakiye unšipi qa nipi tapi ko en wayaco Wakantanka kage cin he iye ce, eya oyake unšipi.

43 He wicašta wokcan kin owasin oyakapi; iye caje kin eciyatanhan tuwe wicada kin-han woalitani wokajuju kin yuhe kta ce.

44 Wicoie kin dena Inyan ecen eye cin he icunhan, tona oie kin nahonpi owasin Woniya Wakan kin awicahinlipaya.

45 Unkan bakilidayapi kin etan-

hanpi tona wicadapi qon, tona Inyan kici hipi kin hena yuſin-yayapi, Woniya Wakan wicaqu-pi ece kin he Ikcewicaſta iyepi kaeſ awicakaſtanpi kin heon etanhan.

46 Wicaceji tokeca on iapi, qa Wakantanka yatanpi kin he na-honpi. Hehan Inyan waayupte ea;

47 Tuwe mini tehiinda okihi, qa hena baptem wicaqupi kte ſni he; hena ege unkiyepi kin iyecen Woniya Wakan kin icu-pi ce, eya.

48 Hehan Itancan caje kin on baptem wicaqu wicaſi. Hehan anpetu ota en yanke kta e iceki-yapi.

WICOWOYAKE 11.

1 Unkan yewicaſipi kin hun-kawanjinkiciyapi ko, Juda ma-koce kin en yakonpi qon, Ikce-wicaſta Wakantanka oie icupi kin he nahonpi.

2 Unkan Inyan Jerusaleem en hdi kin, hehan tona bakihdayapi kin etanhanpi qon he kici akini-capi;

3 Qa heyapi, Wicaſta bakihdayapi ſni kin heca en wicayai, qa om wayata ce.

4 Hehan Inyan wohdake qa owasin eceken owicakiyake qa heya;

5 Joppa otonwe kin en, woce-kiye eya waun, unkan wokiksuyey ſni wan en taku wowanyake wanmdaka, taku wan minihuka ſka tanka iyececa, oise topa kin iciyakaſkapi mahpiya kin eciya-tanhan kun aupi, qa miye ekta mahiyohi.

6 He opahta manke qa awacin waun, unkan maka akan taku wahutopa, qa wamanica, qa watutka, qa mahpiya okinyanpi kin wanmdaka.

7 Unkan wicaho wan; Inyan najin, qa kte, qa yuta wo, emakiye cin he nawahon.

8 Tuka miſ; Itancan hecetu ſni, taku ikceka qa aſape cin tohinni mii kin ohna iyaye ſni, epa.

9 Tuka mahpiya kin eciyatanhan wicaho kin ake amayupta; Taku Wakantanka pakinte cin he ikceka eciye ſni wo, eya.

10 Yamni akihde hecen econpi, qa hehan mahpiya kin ekta owasin hdokiyahdapi.

11 Unkan ito wicaſta yamni, Kesareya etanhan miye ekta mahiyu ſipi qon, hena wanna tipi ohna waun kin itokam hina-jinpi.

12 Hehan Woniya Wakan kin iſ; Takudan ceſunwicahda ſni hena om yahde kta ce, emakiya. Unkan hunkawanjinkiciyapi kin dena ſakpe om imdamde qa wicaſta qon he ti kin en unkiyi.

13 Hehan iye, token mahpiya ohnihde wan iye ti kin en hina-jin wanyake ciqon he unkokiya-kapi; hee kin kaken eciya; Joppa ekta wicaſta ye wicaſi, qa Simon Inyan eciyapi kin he u ſi wo.

14 He taku eniciye kte cin on yani kta, qa nakun tiyohnaka nitawa kin owasin, eya ce, eya.

15 Unkan miſ tokaheya iwae cin, hehan Woniya Wakan kin awicahinhpaya, tokag ehan unkiyepi kin en hi qon iyececa.

16 Hehan Itancan oie qon weksuya; Awicakehan Johannes mini on baptem wicaqu, tuka niyepi kin Woniya Wakan on baptem niĉupi kta ce, eye ciqon he.

17 Hecen unkiye Jesus Meſſiya Itancan kin wicaundapi, Wakantanka taku unqupi qon he iyecen wicaqu kinhan, miſ

WICOWOYAKE 12.

matuwe he, Wakantanka anawāpte kta owakihi he.

18 Hena oie kin nahonpi unkan inina yukanpi qa Wakantanka yatanpi qa heyapi; Awicakehan Ikcewicašta on nipi kta e ihduecetupi kin Wakantanka wicaqu ce.

19 Unkan Stephanos Ƨe cin on śicaya wicakuwapi qon, heon enanakiya iyewicayapi kin hena Phenike, qa Kupros, qa Antiyoka ekta ipi, qa wicoie kin Juda oyate kin ecedan owicakiyakapi.

20 Unkan hena wanjikji Kupros qa Kurene wicašta kin heca, hena Antiyoka en hipi qehan, Helenes wicašta kin wowicakiyakapi, qa Jesus Itancan kin oyakapi.

21 Unkan Itancan nape kin hena om un, qa wicota wicadapi, qa Itancan kin ekta ihduhomnipi.

22 Hena taku kin okodakiciye Jerusalem en un kin nogepi kin en otanin; hehan Barnabas Antiyoka ekta i kta e ye śipi.

23 He ekta i, unkan Wakantanka towaonsida-kin wanyake Ƨehan iyuskin, qa cante kin oco-wasin on Itancan kin opapi kta e owasin iwahokonwicakiya.

24 He wicašta wašte, qa Woniya Wakan wacinyanpi ko on ojudan. Unkan wicota Itancan kin opapi.

25 Hehan Barnabas Salos akiye kta e Tarsos ekta iyaya. He iyeya, unkan Antiyoka en ahdi.

26 Qa waniyetu mdoketu ahna, tipi wakan kin en mniciyapi, qa oyate ota waonspewicakiyapi; unkan Antiyoka ekta, waonspewicakiyapi kin tokaheya Kristian ewicakiyapi.

27 Unkan anpetu kin hena en, wicašta wokcan Jerusalem etanhan Antiyoka ekta hipi.

28 Hena wanji, Agabos eciyapi kin he inajin, qa maka kin owancaya wicaakihan wan tanka u kta e Woniya Wakan kin eciyatanhan oyaka. Unkan he Kladios Kesar taanpetu kin en ece-tu.

29 Unkan hehan waonspewicakiyapi kin otoiyohi, token okihipi kin, hecen hunkawanjitektupi Juda makoce kin en yakonpi kin, wawokiyapi kin wicaqupi kta e konzapi.

30 Hecen econpi, qa Barnabas Salos kici napepi kin on hunka wicayapi kin wicakai wicaśipi.

WICOWOYAKE 12.

1 Unkan hehan Herod wicaštayatapi kin okodakiciye kin wicakiyuše kta e nape yekiya;

2 Qa Jakob Johannes cincu qon he mazasagye on kte.

3 Qa he Juda oyate kin iyokipipi e wanyake Ƨehan, Inyan nakun yuze kta aya; aguyapi on napohiyapi codan anpetu kin he ehan.

4 Unkan he iyahpaye Ƨehan, wicakaška tipi kin en ehnaƧe Ƨa akicita ake śakpe awanyag wicaśi, wośnapi kin enakiyapi kinhan oyate kin ekta tankan au kta kecin.

5 Hecen Inyan wicakaška tipi kin ohna awanyakapi; unkan on okodakiciye kin Wakantanka nina cekiyapi.

6 Unkan Herod wanna tankan au kta hehan, hanyetu kin he en Inyan akicita nom, unma itan anokatanhan iśtinma wanke Ƨa, maza icicaħiħa nom on iyakaśkapi, qa tiawanyag kiyapi kin hena tiyopa kin itokam wicakaśka tipi kin awanyakapi.

7 Unkan inyun, Itancan taohnihdeye cin en hi, qa ojanjan wan

wicakaška tipi kin en iyoyanpa ; unkan Inyan cuwi kin en ape ça najin kiye ça heya ; Kohanna najin wo. Unkan maza icicahi-ha kin nape kin etanhan hinlipa-ya.

8 Hehan mahpiya ohnihde kin ; Ipihdag kiton qa hanpokihan wo, eciya. Unkan is ecen econ. Hehan ; Sina hdowin qa miyaha u wo, eciya.

9 Hehan tankan ya ; unkan is eya ihakam ye ça, mahpiya ohnihde taku ecakicon kin he wicakapi kin sdoneyeni ; tuka wowanyake wan wanyaka kecin.

10 Unkan wicakašta tipi tokaheya qa iyokihe kin etanhan hinanpapi, hehan maza tiyopa kin en iyohipi, he otonwe kin ekta iyahde, he iye cinka wicakiyuhdog iyaya. Unkan tankan yapi, qa canku wanjidan ihunnipi, hehan mahpiya ohnihde kin ehpeya kihda.

11 Unkan Inyan kiksuya hinhda qa heya ; Nakaha awicakehan Itancan kin ohnihde tawa kin u ši, qa Herod nape kin, Juda oyate apepi ko, owasin etanhan emahdaku e sdonwakiya ce.

12 Unkan he awakicin qehan, Johannes Markos eciyapi kin, he hunku Mary ti kin ekta i, hen wicota mniciyapi, qa cekiya yukanpi.

13 Unkan Inyan tipi tiyopa kin kabubu yanke cin he icunhan, wicinyanna wan Rhoda eciyapi, he ekta wanañon i :

14 Qa Inyan ho kin iyekiye çehan, wowiyuſkin on tiyopa yuhdoke ſni, tuka inyang hdiu qa, Inyan tiyopa kin itokam najin e oyaka.

15 Unkan, Niyuhnaſkinyanpi ce, eciyapi. Tuka is hecen eya kitan. Hehan, Mahpiya ohnihde tawa kin hee ce, eyapi.

16 Tuka Inyan katinyan tiyopa kin kabubu yanka. Unkan yuhdokapi qa wanyakapi hehan yuſinyayapi.

17 Tuka inina yukanpi kta e namwicakicawin, qa token on Itancan kin wicakaška tipi kin etanhan tankan hiyu kiye cin he owicakiyaka. Qa heya, Jakob qa hunkawanjinkiciyapi kin hena oie kin owicakiyaka po. Hehan tankan kinape ça token iyaya.

18 Unkan anpa kamdeze cin hehan Inyan toki iyaye cin he akicita kin nina aqoyapi.

19 Unkan Herod akita, tuka iyeye ſni hehan, tiawanyag wicakiyapi kin hena wiwicawange ça, wicaktepi kta e konza. Qa hehan Juda makoce kin etanhan apamahde iyaye ça Kesareya en oonyan.

20 Unkan Herod Turos qa Sidon oyatepi kin wicakize wacin ; tuka hena e wicocante wanjidan en hipi, qa Blastos wicaſtayatap i ohehdepi tipi tawa kin awanyake cin he yuwaſtepi qehan, wookiye dapi ; iye tamakocepi kin wicaſtayatap i tawa kin on icahyapi kin heon etanhan.

21 Unkan anpetu wan cajeyatap i qon he en Herod wicaſtayatap i ihduze ça, woyaco oiyo-tanke kin akan kiyotanke ça, wowicakiyaka.

22 Hehan oyate kin hotankakiya hotaninpi qa ; He wicaho ſni, Wakantanka ho kin hee ce, eyapi.

23 Unkan ihnuhanna Itancan taohnihde ye cin he kaſtaka, Wakantanka wowitan qu ſni kin heon etanhan. Unkan wamduſkadan yutapi qa hecen ta iyaya.

24 Tuka Wakantanka oie kin icage ça tankaya aya.

25 Unkan Barnabas Salos kici wawokiyapi qon hduſtanpi qehan, Jerusaleſem etanhan hdicupi, qa Johannes Markos ec iyapi qon he yuha hdapi.

WICOWOYAKE 13.

1 Unkan Antiyoka ekta okodakiciye kin en wicaſta wokcan waonspekiya ko wanjikji yukan; Barnabas, qa Simeon he nakun Niger ec iyapi, qa Lukios Kurene etanhan, qa Manaen, Herod wicaſta ihdawa qon kici icage cin hee, qa Salos.

2 Hehan Itancan kin ceki yapi qa wote ſni unpi kin icunhan, Woniya Wakan kin heya; Barnabas Salos kici wokicanye iwicaweco kin heon ewicamicihde po, eya.

3 Unkan hehan takudan yute ſni wocekiye eyapi, qa nape awicaputakapi, hecen ye wicaſipi.

4 Hena Woniya Wakan tokiya ye wicaſi, unkan Selukiya ekta iyohipi, qa hetanhan Kupros ektakiya watom yapi.

5 Qa Salamis en iyukanpi hehan, omniciye tipi Juda oyate tawapi kin ohna Wakantanka oie kin oyakapi, qa Johannes he oo kiye yuhapi.

6 Unkan wita kin opta yapi, qa Paphos ekta iyohipi qehan, wicaſta wapiyapi econ kin, wicaſta wokcan itonſni, Juda wicaſta kin heca wan, Barjesus ec iyapi he wanyakapi:

7 He Sergios Palos, wicaſta ksapa, makoce kin en itancan yanke cin he kici un. He qe Barnabas qa Salos kici wicakico, qa Wakantanka oie kin nahon cin.

8 Tuka Elumas wapiye cin, caje kin hecen kapi, he wicakipajin, qa wicaſta itancan kin

wacinyanpi kin etanhan yuhomni kta e akita.

9 Hehan Salos, iye nakun Palos ec iyapi, Woniya Wakan on ojudan he opaſta najin,

10 Qa heya; Taku woh naye owasin on ojudan, qa wicohan ſica owasin, Wakan ſica cinca niye qa, taku owotanna owasin toka yaye cin, Itancan tacanku owotanna kin kaſeyaye cin he aduſtan kte ſni he.

11 Hecen dehan inyun, Itancan nape kin iyahdeniyan; unkan anpetu ota iſta nigonge qa anpetu wi kin wandake kte ſni, ec iya. Unkan ihnuhanna opo qa otpaza wan ahinſipaya; qa tuwe nape yus aye kta e akin iyaya.

12 Hehan taku econpi kin wicaſta itancan kin wanyake qehan wicada, qa Itancan tawoonſpe kin on yuſinyaya.

13 Unkan Palos tona om un kin hena Paphos etanhan pacanan iyeyapi, qa Pampuliya ekta Perge en iyohipi. Hehan Johannes awicayuſtan qa Jerusaleſem ekta icicawin hda.

14 Hehan Perge etanhan inanpapi, qa Antiyoka Pisidiya en, he ekta ipi, qa anpetu wakan hehan omniciye tipi kin en tin iya yapi, qa iyotankapi.

15 Unkan woope, qa wicaſta wokcan tawowapi kin, hena yawapi enakiyapi qehan, omniciye tipi kin en wicaſta itancan wicakiyapi kin iſ wicakicopi qa, Wicaſta hunkawanjin unniyanpi wicakicanpte oie wanji duhapi kinhan oyate kin owicakiyaka po, ewicakiyapi.

16 Hehan Palos najin, qa namwicakicawin qa heya, Iſrael wicaſta, qa tona Wakantanka koki papi kin anagoptan po.

17 Iſrael oyate kin de Wakan-

tanka tawapi kin he hunkake wicunyanpi kin wicakañnige ça, oyate kin Egipta makoce kin en yakonpi kin he icunhan yuwan-kan iwicacu, qa isto hduwankan iyeye cin on tankan awicau.

18 Qa waniyetu wikcemna topa hehanyan hevoskan makoce kin en won wicakiya.

19 Qa oyate šakowinpi Kanan makoce kin en, ihang wicaye çehan, makoce kin woohiye eci-yatanhan kicipamni wicakiya.

20 Qa he iyohakam, wicašta wayaco kin heca wicaqu, waniyetu opawinge topa sanpa wikcemna zaptan hehanyan, ecen Samuel wicašta wokcan qon *ica-ga*.

21 Unkan hehan wicaštayatapi wan cinpi ; qa Wakantanka Saul, Kiš cinhintku, Benjamin wicoun kin hetanhan, wicašta kin he wicaqu, waniyetu wikcemna topa hehanyan.

22 Qa he heyata iyeye çehan, Dawid icaliwicakiciciye ça wicaštayatapi kaga ; he oyake ça heya, Dawid Jesse cinhintku kin he iyewakiya, wicašta wašte wakidake cin, he mitawacin kin ocowasin ecen econ kta ce.

23 Wakantanka token eye ci-qon he eciyatanhan, wicašta kin de cinca kin etanhan, Jesus Wani-kiya kin, Israel oyate kin icaliwicakiciciya.

24 He ihdutanin šni qon ito-kam, Johannes baptem on ihdu-ecetupi kte cin he Israel oyate kin iyulpa en eyanpaha owicakiyaka.

25 Unkan Johannes oinyanke kin ihunniye kte cin, hehan hecen eya, Miš matuwe kecannipi he : He miye šni ; tuka iho, wanji mihektam u kin he ta-hanpe siha kin etanhan kiyuška owakihi šni ce.

26 Wicašta hunkawanjin ciya-pi kin, Abraham cinca wicaye cin, qa tona Wakantanka koki-papi kin, niš niyepi wiconi oie kin de oniciyakapi.

27 Tona Jerusalem en yakonpi, wicašta itancan wicayuhapi ko, he iyekiyapi šni, qa wicašta wokcan oiepi, anpetu wakan eca yawapi ece kin he nakun ; hecen he yacopi kin on hena ecetuyapi.

28 Qa taku on te kte cin taku-dan iyeyapi šni qeyaš, he ktepi kta e Pilate icekiyapi.

29 Qa on taku wowapi en kagapi qon owasin ecetuyapi qe-han, can kin etanhan eyakupi, qa ohna hnakapi wan en ohna-kapi.

30 Tuka te cin etanhan Wakantanka najin kiya.

31 Unkan tona Galile etanhan Jerusalem ekta om hi qon hena anpetu ota wanhdakapi, qa hena eepi dehan oyate kin wicakiyaotaninpi ece.

32 Unkan unkiye wotanin wašte unkoniciyakapi, hunkake wicunyanpi taku iwahowicaye ciqon,

33 He cincawicayapi unkiyepi kin en, Wakantanka ecetukiya, Jesus piya icalikiye cin hee on ; hecen odowan icinonpa kin en kaken owapi qon, Micinksi kin he niye, anpe dehan cinca cicaga ce.

34 Qa wicašte cin etanhan najin kiye ça, wicalhwin kin ekta i kte šni, heon kaken eya, Dawid towaonsida wicakapi kin he ci-çupi kta ce.

35 Heon etanhan wanji tokeca en hecen eya ; Wanji Owotan-na nitawa kin he wicalhwin wanyake kta e iyowinyakiye kte šni.

36 Dawid wicoicage tawa kin

tanyan owicakicihan, Wakan-tanka tawacin kin eciyatanhan, hehan iştinma iyaye a, hun-kake wicaye cin om hnakapi, a wicalhwin wanyaka.

37 Tuka tuwe Wakantanka najin kiye cin he wicalhwin wanyake  ni.

38 Heon wica ta hunkawanjin ciyapi, wica ta kin de eciyatanhan, woahitani kajujupi kin oniciyakapi e sdonya po.

39 a taku owasin, Moses ta-woahope kin niyuowotanpidan kta e okitpani kin hena ee kae  etanhan, tuwe wicada kinhan iye on owotanna kagapi kta.

40 Heon itonici pa po, okinni taku wica ta wokcan kin en cajeyatapi qon he en nihiyahdepi kta :

41 Tona ayaktapi  ni kin, wanyakapi a inihanpi a yutakuni  ni iyeici ya po ; anpetu nitawapi kin en wicohan wanji ecamon kta, a wicohan kin he tuwe oniciyakapi e ta wicayadapi kte  ni ce.

42 Unkan Juda wica ta kin omniciye tipi kin etanhan tankan h ciupi, hehan wicoie kin hena anpetu wakan hepiya, owicakiyakapi kta e icewicakiyapi.

43 Unkan omniciye kin wanna enakiyapi, hehan Juda wica ta a oyate tokeca etanhan he en opapi qon, cekiya unpi kin hena wicota Palos a Barnabas kici owicapapi. Unkan wowicakiyakapi, a Wakantanka towaon sida kin en unpi kta e iwahokonwicakiyapi.

44 Unkan ake anpetu wakan, hehan Wakantanka oie nahonpi kta e otonwe kin iyuhpa se en kiwitaya iheyapi.

45 Tuka Juda wica ta kin hena wicota kin wanyakapi qehan, winawizipi on ojupidan, a Pa-

los taku eye cin he akinicapi a aiapi.

46 Hehan Palos Barnabas kici waditake icicagapi a heyapi, Wakantanka oie kin niyepi tokaheya oniciyakapi kta e hecetu ; tuka he ayaktapi  ni, a owihanke wanin wiconi kin iye-nihantupi  ni nihdukeanpi kin heon, iho, Ikcewica ta kin ekta unkihdamnanpi.

47 Hecen Itancan kin iwa-hounyanpi ; Ikcewica ta iyoyanpa kin ecihnaka, maka ihanke kin behanyan niwicayakiye kte cin heon.

48 Unkan Ikcewica ta kin, hena oie kin nahonpi qehan, nina iyu skinpi, a Itancan oie kin yatanpi. Unkan tona owihanke wanin wiconi yuhapi kta e wicaka nigapi qon hena wicadapi.

49 Unkan Itancan oie kin makoce kin he owancaya oyakapi.

50 Tuka Juda wica ta kin i , winohinca okinihan cekiya unpi kin hena iyowicapaa takapi, a otonwe kin en wica ta itancanpi kin nakun, hecen Palos Barnabas kici  sicaya wicakuwapi, a makoce kin he etanhan h ciu wicayapi.

51 Tuka i  iyepi kin, hena en, siha watu sek seca askape cin he hdatatapi, a Ikonium ekta ipi.

52 Unkan waonspewicakiyapi kin wowiyu skin Woniya Wakan ko on ojupidan.

WICOWOYAKE 14.

1 Unkan Ikonium ekta, sakim omniciye tipi, Juda oyate tawapi kin he en timahen yapi, a iyecen iapi, hecen Juda wica ta Helenes ko ota wicadapi.

2 Tuka Juda wica ta tona wicadapi  ni kin hena Ikcewica ta kin iyowicapaa takapi, a hun-

kawanjin kiciyapi kin śicaya wacinwicakiyus wicakiyapi.

3 Unkan tehan en yukanpi, qa Itancan kin on waditagya iapi, he qe wowaonśida oie kin hdaotanin, qa wowapetokeca wakan-yan econpi ko econ wicakiya.

4 Tuka otonwe kin oyate kin akipam. iyeyapi; apa Juda wicaśta kin om tipidan, qa apa is yewicaśipi kin hena owicapapi.

5 Unkan Ikcewicasta, qa Juda oyate kin, tona itancan wicayuhapi kin hena koya, hena anawicatanpi, śicaya wicakuwapi qa inyan on wicakininpi kta;

6 He iye sdonkiyapi, qa Lustra qa Derbe, Lukaoniya en otonwe kin, makoce ihduksan ko en onapapi.

7 Qa hen wotanin wašte kin oyakapi.

8 Unkan Lustra en wicaśta wan siha on okitpani iyotankehan yanka, tonpi kin ehantanhan hušte, qa tohinni mani śni.

9 He Palos ie cin nahon; unkan he opalita yanke ca, wacin-yanpi on ni kte cin yuha e wan-yaka,

10 Hehan hotankakiya, Nisiha on bosdan najin wo, eya. Unkan is psin iyaye ca mani.

11 Unkan Palos taku econ kin he oyate kin wanyakapi qehan ho yuwankan icupi qa Lukaoniya iapi kin eciyatanhan, Taku wakan kin wicaśta ihduza unkiyepi en kun unhiyupi ce, eyapi.

12 Qa Barnabas Jupiter eya caśtonpi; qa Palos is, Hermes eciyapi, iapi on itancan kin hee, heon etanhan.

13 Hehan Jupiter otonwe itokam yanke cin he wośna kagapi tawa kin he tatanka wateśdake ko, tiyopa kin en ahi, qa oyate kin om wośna kta tuka.

14 He yewicaśipi kin, Barnabas Palos kici, nahonpi qehan, wokoyake aindupotapi, qa oyate kin ekta inyang yapi, hotaninpi,

15 Qa heyapi, Wicaśta kin, tokeca e hecanonpi he; niye yaunpi kin iyecen, wicaśta akan-tu kin heuncapi, qa hena taku-śniśni kin aduśtanpi qa Wakan-tanka ni un kin ekta nihduhomni-pi kta e iwahokonunniciyapi; he mahpiya, maka, qa miniwanca, taku ohnaka ko, owasin kage cin hee.

16 He wicoicage hekpata un kin en, oyate kin owasin canku tawapi kin ohna manipi kta e iyowinwicakiya.

17 Hececa eśta tanyan econ, qa mahpiya eciyatanhan magaju wicaqu, makoncage taku ota icalhye cin hena ko, qa woyote wowiyuśkin ko on cante imnanyanpi qon, he eciyatanhan ohinnian ihdutanin ce.

18 Unkan wicoie kin hena on wawicakiyuśnapi kte cin oyate kin kitan se ayuśtan wicayapi.

19 Hehan Antiyoka qa Ikonium etanhan Juda wicaśta wanjikji en hipi qa oyate kin iyowicapastakapi; hecen Palos inyan on kininpi qa otonwe kin tankan yusdohan ayapi, wanna ta kecinpi.

20 Tuka waonspewicakiyapi kin ihduksan hinajin yukanpi kin icunhan, iye najin hiyaye qa otonwe kin en i. Unkan ihanhanna qehan Barnabas kici Derbe ekta iyaya.

21 Unkan otonwe kin he en wotanin wašte kin oyakapi, qa wicota waonspewicakiyapi qehan, hehan Lustra, qa Ikonium, qa Antiyoka ekta icicawin hdapi.

22 Qa waonspewicakiyapi nagipi kin waśag wicakiyapi, qa wacinyanpi kin en kitanyan unpi

kta e iwahokonwicakiyapi, qa wokakije ota iyoopteya Wakan-tanka tokiconze kin en unkipi kta ce.

23 Unkan okodakiciye otoiyo-hi en hunka wicayapi kin wica-kagapi, qa wote šni wocekiye eyapi qehan, Itancan wicadapi qon he awanwicahdake kta e *icekiyapi*.

24 Unkan Pisidia opta yapi he-han Pampulia en kiyohipi.

25 Qa Perge en wicoie kin oya-kapi qehan, Atalia ekta apama-hde iyayapi.

26 Qa hetanhan Antiyoka ekta watom hdapi, wicohtani wanna hduŝtanpi kin heon, Wakantanka towaonsida kin yuhapi kta e ice-kiyapi qon he hetu.

27 Hen hdipi qa okodakiciye kin mniciye wicašipi, qa Wakan-tanka token econ wicakiye cin hena owasin owicakiyakapi, qa wacinyanpi tiyopa wan Ikcewi-cašta kin wicakiyuhdoke cin he nakun.

28 Unkan hen waonspewicaki-yapi kin om tehan owanji yu-kanpi.

WICOWOYAKE 15.

1 Unkan wicašta wanjikji Juda makece kin etanhan apamahde yapi, qa hunkawanjinkiciyapi kin wahokonwicakiyapi qa, Mo-ses toope kin eciyatanhan bani-cihdayapi šni kinhan yanipi kte šni ce, eyapi.

2 Unkan Palos Barnabas kici hena wicakigepi, qa nina awica-kinicapi, hehan wiwicawangapi kin he on, Palos Barnabas kici, qa iyepi kin etanhan wicašta to-keca wanjikji ko, yewicašipi kin, qa hunkawicayapi kin, Jerusa-lem ekta yakonpi kin, hena en wicayapi kta e konzapi.

3 Unkan okodakiciye kin hena

hecen yewicakiyapi qehan, Phe-nike, qa Samaria opta yapi, qa Ikcewicašta ihduhomnipi kin he oyakapi; qa hunkawanjin kici-yapi kin owasin en wowiyuŝkin tanka kagapi.

4 Unkan Jerusalem ekta ipi qe-han, okodakiciye kin he, qa ye-wicašipi kin, hunkawicayapi kin hena ko, tin hiyu wicakiyapi; hehan Wakantanka token econ wicakiye cin owasin ohdakapi.

5 Tuka Pharisee yuomdecapi kin etanhan wanjikji wicadapi qon hena inajinpi qa heyapi, Ba-wicakihdayapi qa Moses toope kin ope wicašipi kta iyececa ce, eyapi ce.

6 Unkan wicoie kin de akiapi kta e on yewicašipi kin, hunka-wicayapi ko witaya mniciyapi.

7 Qa nina wikiciwangapi he-han, Inyan inajin qa hewicakiya, Wicašta hunkawanjinciyapi kin, ehanna unketanhanpi kin Wa-kantanka miye makahinige ça, mii kin eciyatanhan Ikcewica-šta kin wotanin wašte oie kin nahonpi, qa wicadapi kta e kon-za sdonyayapi.

8 Qa Wakantanka wicacante kin sdonye cin he wicayaotanin, qa Woniya Wakan unkiye *unqu-pi qon*, he iyecen wicaqu.

9 Qa takudan ocitkonze šni unkagapi, iye cantepi kin nakun wicadapi kin on wicakipakinta.

10 Heon nakaha tokeca e Wa-kantanka iyutanyayapi, qa can napinpi wan, hunkake wicun-yanpi qa unkiyepi kin yuha un-kokihipi šni kin he waonspewi-cakiyapi tahupi kin en eyahna-kapi kta he.

11 Tuka Jesus Messiya Itan-can kin towaonsida kin on, is iyepi kin wiconi *yuhapi kte* cin, he iyecen unkiš unhapi kta e wicaundapi ce.

12 Hehan omniciye kin owasin inina yukanpi, qa Barnabas Palos kici, wowapetokeca wakanyan econpi ko, Wakantanka Ikcewicašta kin ekta econ wica-kiye cin hena ecen ohdakapi kin nahonpi.

13 Unkan wanna ayaştanpi, hehan Jakob ayupte ça heya; Wicašta hunkawanjin ciyapi, miye namañon po.

14 Otokahe ekta tokën Wakan-tanka Ikcewicašta kin etanhan oyate wanji, iye caje kin on, iwicacu kta e ekta wicai qon he Simon oyaka.

15 Qa he kici wicašta wokcan oiepi qon okonwanjidan, kaken wowapi en kagapi;

16 He iyohakam mihdamna, qa Dawid tawakeya jujuwahe cin he piya wakage kta; qa mdecahe cin hena ake wakage ça ecen he wakiye kta.

17 Qa hecen wicašta okapta-pi kin, Ikcewicašta owasin ko, tona micaje icajewicayatapi kin hena Jehowa akitapi kta ce, Itancan kin hena owasin econ kin he heya ce.

18 Otokaheya tanhan Wakan-tanka taka icañye cin owasin sdonkiya.

19 Heon etanhan miş kaken imdukecan, Ikcewicašta kin tona Wakantanka ekta ihduhomnipi kin hena nagiyewicunyanpi kte şni.

20 Tuka wakagapi on aşıpapi kin, qa wiinañmanpi kin, qa we, qa taku weye şni yuřapi kin, hena itehan yeiçiyapi kta e wowapi wicunkicagapi kta.

21 Wanakaja tanhan tona Moses oyakapi kin hena otonwe otoiyohi kin en yukanpi, qa anpetu okihpapi eca, omniciye tipi kin ohna he yawapi ece, eya.

22 Hehan iş iyepi kin etanhan

wicašta kañnigapi kin heca, Judas Barsabas eciyapi, qa Silas, hunkawanjin kiciyapi kin en wicašta okinihan, hena Palos qa Barnabas kici, Antiyoka ekta ye wicaşıpi kta e, yewicaşıpi kin, hunka wicayapi kin, okodakiciye kin owasin ko iyokipipi.

23 Qa heciya ayapi kta e kaken wowapi kagapi; Yewicaşıpi kin, qa hunka wicayapi, hunkawanjin kiciyapi kin hena ko, hunkawanjin kiciyapi Ikcewicašta etanhan, Antiyoka, qa Suria, qa Kilikia en yakonpi kin, Wookiye yukan po.

24 Unkiyepi etanhan wanjikji iyayapi, qa wicoie on nagiyenyanpi, qa ninagipi kin nipahohopi qa, Baniçihdayapi, qa wicoope kin oyapapi kta ce, eniciyapi ce, naunñonpi; unkiye tohinni heye wicunşıpi şni tuka:

25 Heon etanhan tawacin wanjidan hduha unwitayapi qehan, wicašta kañnigapi kin heca e niyepi kin ekta ye wicunşıpi kta e iyounkipipi, Barnabas qa Palos waştewicunkidakapi kin hena om:

26 Hena wicašta kin wiconi ehpekiyapi seca, Jesus Messiya Itancan unkiyapi kin heon etanhan.

27 Hecen Judas qa Silas ye wicunşıpi, hena e wicoie on atayedan hecen oniciyakapi kta.

28 Woniya Wakan kici hecen iyounkipipi, waqinpi tokeca unkanihnakapi kte şni, tuka dena taku owotanna kin hecehnana;

29 Taku wakagapi wakiyuşnapi, qa we, qa taku we ye şni yuřapi, qa wiinañmanpi kin hena itehan yeniciyapi kta. Hena itehanyan yaunpi kinhan tanyan ecanonpi kta. Tanyan yaunpi nunwe.

30 Hecen hena ye wicaşıpi qe-

han, Antiyoka ekta ipi, qa oyate kin kawitaya iheyapi, hehan wowapi kin he wicaqupi.

31 He yawapi, unkan wahokonwicakiyapi kin on nina iyuskinpi.

32 Unkan Judas qa Silas wicašta wokcan kin hecapi, heon hunkawanjin kiciyapi kin oie ota on wahokonwicakiyapi, qa wicayasutapi.

33 Wanna anpetu ota en yukanpi, hehan hunkawanjin kiciyapi kin hena yewicaşıpi kin ekta wookiye hde wicaşıpi.

34 Tuka Silas en un kta e iyoiki.

35 Palos qa Barnabas Antiyoka en unpi, wicašta tokeca ota ko, *oyate* kin waonspewicakiyapi, qa Itancan oie kin oyakapi.

36 Unkan iyohakam anpetu tonana, hehan Palos Barnabas heciya, Tukten Itancan oie kin unkoyake ciqon, ake otonwe otoiyo hi ekta unye ça, hunkawanjin wicunye cin wanwicunhdake ça, token yakonpi kin *sdonunye kta ce, eya.*

37 Unkan Barnabas he is, Johannes Markos eciyapi, yuha yapi kta cin.

38 Tuka he Pampulia ekta ehpewicaye ça wicohtani kin en owicape šni qon, heon etanhan Palos he yuha yapi kte cin iyokipi šni.

39 Unkan he on hdokinicapi qa hecen otoiyo hi ehpekiciyapi : unkan Barnabas Markos yuha Kupros ekta watom iyaya.

40 Tuka Palos Silas kahnage ça, Wakantanka towaonšida kin kici un kta e hunkawanjinkiciyapi kin icekiyapi qehan, hehan iyaya ;

41 Qa Suria qa Kilikia opta iyaye ça, okodakiciye kin suta wicakaga.

WICOWOYAKE 16.

1 Hehan Derbe qa Lustra ekta iyohi ; unkan iho, waonspekiyapi kin wanji hen un, Timotheos eciyapi, Juda winohinca wicake cin he cinhintku, tuka atkuku kin e Helenes oyate kin etanhan.

2 Hunkawanjin kiciyapi Lustra, qa Ikonium en yukanpi kin hena, he wašte e oyakapi.

3 Hetanhan Palos kici ya cin, qa Juda wicašta hen unpi kin hena on, he icu qa bakicihdaya ; atkuku kin Helenes heca e owasin sdonyapi.

4 Unkan otonwe iyaza yapi, qa yewicaşıpi kin, kunka wicayapi ko, Jerusalem en yukanpi kin woahope kagapi qon hena tanyan yuhe wicaşıpi.

5 Hecen okodakiciye kin wacinyanpi kin en wicayusutapi, qa anpetu otoiyo hi nina yuota aya.

6 Unkan Phrugia qa Galatia makece kin opta iyayapi, qa Asia en wicoie kin oyakapi kte cin Woniya Wakan kin tehinda qehan ;

7 Hehan Musia ekta ipi, qa hetanhan Bithunia ekta ye wacinpi, tuka Woniya kin iyowicaki šni.

8 Unkan Musia opta iyayapi qehan, Troas en iyohipi.

9 Unkan hanyen Palos wowanyake wan wanyaka ; Wicašta wan Makedonia etanhan tanyan inajin, qa cekiye ça, Makedonia en u, qa ounkiya po, eya.

10 Wowanyake kin de wan-yake cin heon hinnakaha Makedonia heciya unyanpi kta e uncinpi, Itancan kin hena wotanin wašte kin owicunkiyakapi kta cin heon unkcopi e unhdukanpi.

11 Hecen Troas etanhan paccanan iyeunyanpi, qa Samotrake ekta owotanna unyanpi, qa hetanhan ihanlianna Neapolis en unkipi.

12 Qa hetanhan Philippi en unkipi, otonwe teca qa Makedonia makoe onspa kin he en otonwe tokapa kin hee. Qa anpetu tonana otonwe kin he en unkanpi.

13 Unkan anpetu wakan hehan, otonwe kin etanhan inaunpapi, qa wakpa wan icahda wocekiye eyapi ece qon he en unkipi; hen unkiyotankapi, qa winohinca ece en mniciyapi kin hena owicunkiyapi.

14 Unkan winohinca wan, Ludia eciyapi, Thuatira otonwe kin etanhan, wokoyake duta ece wiyoeye cin heca, Wakantanka kokiyeahan un he nahon yanaka: unkan cante kin Itancan kin yuzamni, on Palos oie kin anagoptan.

15 Unkan tiyohnaka kin om baptem qupi qehan, hehan ceunkiyapi, qa, Itancan kin on wicawaka kecanmayakinpi hecinhan, wati kin en tin upi, qa ohna yukan pe, eye ca ecen econ unkiyapi.

16 Hetanhan wocekiye eya unyanpi eca, wicinyanna wan itkounkipapi ece, he taku wakan woyaka ece kin yuhe ca, wakan yan wohdag un kin heon tawayapi kin taku ota wicakicamna.

17 He Palos unkiyepi ko unkihakam u, qa; Wicašta kin dena Wakantanka tehan wankantuya un kin taokiyeye wicaye cin, wiconi canku kin unkokiyakapi kin hena eepi ce, eya hoyekiya.

18 Qa anpetu ota hecen econ. Tuka Palos nagiyeye cin heon hakikta qa, Jesus Messiya caje on winohinca kin de etanhan

tankata inanpe cisi, taku wakan kin eciya. Unkan wihiyayedan oape kin he en tankan hiyu.

19 Unkan winohinca kin de yuhapi kin heepi, taku kamnanpi kte cin he akitakunipi sni kin he wanyakapi e etanhan, Palos Silas kici wicayuzapi, qa tipi hocoka kin ekta wicašta tokahe wicakiyapi kin en awicayapi:

20 Qa wicašta itancan wicakiyapi kin en wicakaipi, qa heyapi, Wicašta kin dena Juda wicašta kin hecapi, otonwe unkitawapi kin nina nagiyeyapi;

21 Qa wicohan onspewicakiyapi kin hena e, Roma wicašta heuncapi kin, unkiyupi qa unkopapi kta e iyecece sni.

22 Unkan oyate kin owasin witya takpe wicaupi; qa wicašta itancan wicakiyapi kin wokoyake awicayupotapi, qa wicakapsinsinte wicaşıpi.

23 Unkan ota awicapapi, hehan wicakaška tipi kin en iyewicakiyapi, qa tipi awanyake cin sutaya wicayuhe şipi.

24 He hecen econ şipi, unkan wicakaška tipi temahentuya kin he en onawicataka, qa siha kin can on kaškapi ece kin en sutaya kaška wicahnaka.

25 Unkan hanye cokaya hehan, Palos Silas kici Wakantanka cekiyapi, qa yatan dowanpi; unkan wicašta wicakaškapi kin he nahonpi.

26 Unkan ihnuhanna maka kin nina huhuzahan, qa tipi ahe cin hena yuhuhuzapi, qa tiyopa kin owasin kazamni iyaye ca, on pawicahtapi kin owasin mdecahan hinnda.

27 Hececa, unkan wicakaška tipi awanyag kiyapi kin kikta, qa tiyopa kin yuzamni han wan-yaka, unkan wicašta wicakaška-pi kin owasin kihdapi kecin, he-

on mazasagye ehdaku qa on
içikte kta ;

28 Tuka Palos nina hoyekiye
ça, Kiuniçiye şni wo, owasin
den unkanpi ce, eya.

29 Hehan petijanjan wan da,
qa tin iyaye ça, cancan Palos
Silas kici siha hdepi kin en
ehpeiçiya ;

30 Qa tankan awicaye ça, Itan-
canpi wani kta e token ecamon
kta he, ewicakiya.

31 Unkan, Jesus Messiya Itan-
can kin wacinyan wo, hecen
nicinca om yani kta ce, eci-
yapi.

32 Qa Itancan oie kin okiya-
kapi, tona ti kin en yukanpi kin
hena owasin koya.

33 Unkan hanyetu kin wihiya-
yedan oape kin he en, iwicacu,
qa oape kin wicakiyujaja, qa he-
han baptem qupi, tiyohnaka owa-
sin ko.

34 Qa iye ti kin en awicaki qa
won wicaya ; qa tiyohnaka kin
om wicada qa iyuskin.

35 Unkan wanna anpa qehan,
itancan wicakiyapi kin akicita
eyanpaha kin ekta ye wicaşipi,
qa, Wicaşta kin hena wicakiyu-
şka wo, eyapi.

36 Unkan wicakaşka tipi awan-
yake cin, hena oie kin Palos oki-
yake ça, Itancan wicakiyapi kin
niciyuskipi kta keya hoşi hipi,
heon etanhan tankan kinanpapi,
qa wookiye hda po, eya.

37 Tuka Palos hewicakiya, Ro-
ma wicaşta heuncapi, tuka un-
yacopi şni ecen taninyan un-
kapsinsintapi, qa onatag eun-
hnakapi, qa hinnakaha anahibeya
hde unşipi he : hiya, iye ataye-
dan upi, qa tankan unkaupi kta,
eya.

38 Hehan akicita eyanpaha kin
itancan wicakiyapi kin dena owi-
cakiyakapi, unkan Roma wicaşta

kin hecapi e nahonpi kin heon
inihanpi.

39 Qa iye atayedan ekta ipi, qa
cewicakiyapi, qa tankan awicau-
pi, qa otonwe kin etanhan hdapi
kta icewicakiyapi.

40 Unkan wicakaşka tipi kin
etanhan tankata inanpapi, qa Lu-
dia ti kin en ipi ; qa hunkawan-
jin kiciyapi kin wanwicahdaka-
pi, hehan wicakihnapi, qa etan-
han token iyayapi.

WICOWOYAKE 17.

1 Unkan Amphipolis qa Apolo-
nia opta yapi kin, hehan Thesa-
lonike en ipi ; hen Juda oyate
omniciye tipi kin wanji yu-
kan.

2 Unkan Palos token econ ece
kin ake ecen econ, qa timahen i,
qa anpetu okihpapi yamni, wo-
wapi wakan kin eciyatanhan,
oyate kin wowicakiyaka.

3 Ie ça Messiya te kte ça, wi-
conçe kin etanhan najin kta e
hecetu e yaotanin, qa, Jesus oci-
ciyakapi kin he Messiya kin ee
ce, eya.

4 Unkan hunli wicadapi, qa
Palos Silas kici owicapapi, He-
lenes wicaşta owotanna ota, qa
winohinca tokapapi kin wani-
stinpidan şni.

5 Tuka Juda oyate wicadapi
şni kin hena wolinyanpi, qa wo-
peton tipi hocoka kin etanhan
wicaşta şica wanjikji iwicacupi,
qa kiwitaya iheyapi, qa otonwe
kin ocowasin oqoyeyapi, hehan
Jason ti kin takpe ipi, qa oyate
kin ekta tankan hiyu wicayapi
kta e akitapi.

6 Qa iyewicayapi şni qehan,
Jason hunkawanjin kiciyapi wan-
jikji om otonwe kin en wicaşta
itancanpi kin ekta awicaipi, qa
hotankakiya hotaninpi, Tona ma-

ka kin yuahdapsínyan ehpeyapi qon hena den hipi :

7 Qa Jason hena tin u wicaši. Unkan hena owasin Kesar toope kin opapi šni, qa, Wicaštayatapi tokeca wan Jesus hee ce, eya oyakapi ece, eyapi.

8 Unkan otonwe en wicašta itancanpi kin oyate ko, hena nahonpi kin inihan wicayapi.

9 Unkan Jason qa unmapi kin taku iwakta wicayapi, hehan awicayustanpi.

10 Hehan hunkawanjin kiciyapi kin Palos Silas kici hanyen Berea ekta awicayapi. Hena ekta ipi, qa Juda oyate omniciye tipi yuhapi kin he en timahen yapi.

11 Hena is Thesalonike oyate kin sam iyeya wacin ksapapi, wicoie kin tawacin inahni on icupi, qa hena hecetu e sdonyapi kta, heon anpetu iyohi wowapi wakan kin en akitapi ece.

12 Heon etanhan wicota wicadapi, Helenes winohinca okinihan, qa nakun wicašta ota.

13 Tuka Berea ekta Palos Wakantanka oie kin oyake cin he, Juda wicašta Thesalonike en un kin hena sdonyapi qehan, ekta ipi, qa wicota kin wicayaškiška-pi.

14 Unkan hehan hunkawanjinkiciyapi kin Palos miniwanca kin ekta ye kta se tokan ye šipi; tuka Silas qa Timotheos hen owanji yukanpi.

15 Unkan tona Palos ayapi qon hena Athenas ekta aipi; qa Silas Timotheos kici kohanna en upi kta e iwahowicaye cin he hoši wicakahdapi.

16 Unkan hena Athenas ekta upi kta e Palos awicape yanke cin, he icunhan, otonwe kin wakagapi ojudan e wanyake qa on wacin iyokišica hinhdá.

17 Qa heon omniciye tipi kin ohna Juda oyate, qa tona owicapapi kin hena om wohdaka, qa nakun anpetu otoiyohi wopeton tipi hocoka kin ekta tona itkowicakipe cin hena om.

18 Unkan hehan Epikureos qa Stoikos oyate kin etanhan, wicašta woksape cinpi wanjikji Palos itkokipapi qa, I wakan kin de token eye kta he, hunli eyapi; qa hunli is, He taku wakan tokeca ehde sececa ce, eyapi; Jesus qa wiconte etanhan woe-kicetu kin hena owicakiyaka, heon etanhan.

19 He icupi, qa Areyos paha kin ekta aipi qa, Woonspe teca odake cin he taku kin sdonunyanpi kta uncinpi:

20 Taku wotanin tokeca noge on nahon unyayapi kin hena token kapi hecinhan, sdonunyanpi kta ce, eciyapi.

21 Athenas oyate, qa wicašta tokeca en yukanpi kin owasin, taku tokeca econpi šni, taku nakaha otanin kin oyakapi, qa nahonpi kin heceyedán.

22 Hehan Palos Areyos paha kin cokaya injin, qa heya; Athenas wicašta kin, taku wakan kin nina awacannipi e, taku owasin on imdukecan.

23 Naka taku wakan yadapi kin en awahimdanda, unkan iho, wahna wošnapi wan, Taku wakan sdonyapi šni un kin, akan owapi kin he iyewaye. He iyukecanšniyan ohoyadapi kin hee e ociciyakapi.

24 Taku Wakan kin tuwe maka taku ohnaka ko owasin kage ca, mahpiya maka ko Itancan kin hee, heon tipi wakan wicanape on kagapi kin ohna ti šni;

25 Qa iye kin owasin wiconi, qa woniya, qa taku owasin ko wicaqu ece kin, he taku icakije

cin iyecen, wicašta nape kin on okiyapi šni ece.

26 Qa wicawe wanjidan on, wicašta oyate hiyeve cin owasin, maka kin owancaya etipi kta e wicakaga; qa tohanhan nipi, qa tuktektan tipi kte cin hena oto-kahe tanhan wicakiciyuštan.

27 Heon Itancan kin akitapi kta iyececa, okinni yutantan akitapi kinhan iyeyapi kta, otai-yohi unkitehanpi šni un tuka ce.

28 Iye atayedan on unnipi, qa unškanškanpi, qa en unyakonpi ece: enitanhanpi wicašta odowan kagapi ece kin hena wanjikji heyapi qon, Unkiš eya he cinca unyakonpi ce.

29 Hecen Wakantanka cinca unyakonpi kin, mazaskazi, qa mazaska, qa inyan, wicašta wayupike wacinksape bagopi kin, Taku Wakan kin iyacinpi kta iyececa unkecinpi kte šni.

30 Qa wookahnige šni omaka kin hena, Wakantanka ekta etonwe šni; tuka wanna wicašta owasin owancaya ihduacetu wicaši.

31 Qa anpetu wan en wicašta kin woowotanna on wicayaco kta e konza, wicašta kahnige ciqon he on *hecon kta*, qa wiconŧe kin etanhan najin kiye cin heon he owasin sdonye wicaya ce, eya.

32 Unkan wicaŧe cin piya icaŧyapi kin he naŧonpi qehan, hunŧi iŧaŧapi; qa apa iŧ, He on ake naunniŧonpi kta ce, eyapi.

33 Hecen Palos wicacokaya tanhan tokan iyaya.

34 Tuka wicašta wanjikji opapi, qa wicadapi; Dionusius Areyos paha omniciye kin en ope ciqon he wanji ee, qa winolinca wan Damaris eciyapi, qa nakun toktokecap.

WICOWOYAKE 18.

1 Hena iyohakam Palos Athenas ayuštan, qa Korinth ekta i:

2 Qa hen Juda wicašta wan iyeya, Akula eciyapi, Pontos en tonpi, qa aškatudan Italia etanhan hiyu, tawicu Priskila kici; Kladios Juda wicašta kin owasin Roma ayuštan wicaši kin heon etanhan. Unkan hena en wicaŧi;

3 Qa kici wicoŧtani okonwanjidan, heon om un, qa om ŧtani, wakeya kagapi kin hecap.

4 Qa anpetu wakan eca omniciye tipi kin ohna wowicakiyaka ece, qa Juda oyate Helenes ko cinwicakiya.

5 Unkan Silas qa Timotheos Makedonia etanhan hiyupi qa en hipi qehan, Palos nagi kin ekta iyopaštag iŧiye ɸa, Jesus he Mesŧiya kin ee ce, Juda oyate kin owicakiyaka.

6 Unkan hena e wakipajinpi, qa ŧicaya iapi kin, hehan Palos wokoyake aŧhdatata, qa hewicakiya, Niwe kin nipapi kin akan niunpi nunwe, miye mabapica šni waun, detanhan Ikcewicašta kin ekta mde kta ce.

7 Unkan hetanhan tankan ye ɸa, wicašta wan Wakantanka ohoda, Justos eciyapi he ti kin omniciye tipi kin ikiyadan han; unkan tipi kin he en tin iyaya.

8 Unkan Krispos, omniciye tipi kin en itancan kin, he Itancan kin wacinyan, tiyohnaka owasin om; qa Korinth oyate kin wicota naŧonpi qehan wicadapi, unkan baptem wicaqupi.

9 Unkan hehan hanyen wowihamde en, Itancan kin Palos heciya, Ihnuhan taku koyakipe cin, tuka nina ie ɸa, inina yanke šni wo.

10 Miye cicica, qa tuwedan

kiuniniye kta e iyanihpaye kte šni; otonwe kin de ohna oyate ota wicamduha ce, eya.

11 Unkan hen wi ake šahdogan hehanyan iyotanke ça, Wakantanka oie kin onspewicakiya.

12 Unkan Galiyo Akeya ma-koce kin en itancan un kin, hehan Juda oyate witaya Palos takpe ipi, qa woyaco oiyotanke kin en ahipi;

13 Qa, Woahope kin eciyatanhan šni Wakantanka cekiya-pi kta e wicašta kin onspewicakiye cin he dee ce, eyapi.

14 Unkan Palos i hdukawa kta, hehan Galiyo Juda oyate kin hewicakiya; Juda wicašta kin, de taku šica econpi, qa iš wicaštašniyan ohanyanpi kin hee unkanš, nacihonpi kta iyececa tuka:

15 Tuka wicoie, qa wicacaje, qa woope nitawapi on wiwan-gapi kin heca hecinhan, niš ito ekta etonwan po; taku hececa on wimdukan kte šni ce.

16 Hehan woyaco oiyotanke kin etanhan kašam iyewicaya.

17 Unkan Helenes wicašta kin owasin Sosthenes, omniciye tipi kin en itancan kin he, icupi, qa woyaco oiyotanke kin itokam apapi. Tuka Galiyo hena taku kin ekta ewacin šni yanka.

18 Unkan he iyohakam Palos anpetu ota hen yanke čehan, hunkawanjin kiciyapi kin awicayustan, qa Suria ektakiya watom iyaya, Priskila Akula kici opapi. Kenkrey a ekta paha kin bakišda, hecen ičiconza kin heon.

19 Hehan Ephesos ekta iyohi, qa hen elpewicaya; tuka iye kin omniciye tipi kin en tin iya-ye ça, Juda oyate kin om wohdaka.

20 Unkan en tehan owanji yan-ke kta e cinpi ešta wicada šni:

21 Tuka napewicayuze ça, Jerusalem ekta wošnapi u kte cin he en owape kta, tuka Wakan-tanka iyokipi kinhan, ake en cihdipi kta ce, eya. Hehan Ephesos etanhan watom iyaya.

22 Qa Kesareya en huta ekta ihunni, qa šen ihe ça okodakici-ye kin napewicayuze čehan, Anti-yoka ekta apamahde iyaya.

23 Qa anpetu ota hen un kin, hehan Galatia qa Phrugia ma-koce kin owancaya ye ça, waon-spewicakiyapi kin owasin wašag wicakiya.

24 Unkan Juda wicašta wan, Apolos eciyapi, Aleksandrea en tonpi, wicašta wayapike ça w-wapi wakan on wašaka, he Eph-esos ekta hi.

25 Wicašta kin he Itancan ta-canku kin onspe, qa nagi kata, heon ninana ie ça, Itancan taku tawa kin onspewicakiya, Johan-nes baptem tawa kin hecedan sdonya tuka.

26 Hee omniciye tipi kin ohna waditagya ia; unkan Akula qa Priskila našonpi qehan, he icu-pi, qa Wakantanka tacanku kin sanpa tanyan okiyakapi.

27 Unkan Akeya ekta ye wa-cin, hehan hunkawanjin kiciya-pi kin heciya wowapi wicaki-cagapi, qa he iyowinkiyapi kta e iwahokonwicakiyapi. He he-ciya i, qa tona wowaonšida kin on wicadapi qon hena nina owi-cakiya;

28 Qa Juda oyate kin omnici-ye en nina awacin wicaye ça, wowapi wakan kin eciyatanhan Jesus he Messiya kin ee e ya-tanin.

WICOWOYAKE 19.

1 Unkan Apolos Korinth en un kin icunhan, Palos iheyata ma-koce kin opta ye ça, Ephesos

ekta iyohi, qa hen waonspewicakiyapi wanjikji iyewicaya:

2 Qa hewicakiya, Wicayadapi ehantanhan Woniya Wakan kin iyacupi he. Unkan is, Woniya Wakan yukan e nahahin naunhonpi sni ce, eyapi.

3 Unkan, Taku on baptem nicupi he, ewicakiya. Unkan, Johannes baptem tawa kin hee ce, eyapi.

4 Unkan Palos, Johannes ihduecetupi kte cin on baptem wicaqu, qa oyate kin tuwe u kte cin he wicadapi kta, kewicakiya, he Jesus Messiya kin ee ce, eya.

5 He nahonpi, unkan Jesus Itancan caje kin on baptem wicacupi.

6 Hehan Palos nape on awicaputake ca, Woniya Wakan en wicahi, unkan ceji tokeca on iapi qa wokcanpi.

7 Hena owasin wica ece wiccemna ake nonpa.

8 Unkan omniciye tipi kin tin iyaye ca, wi yamni waditagya ie ca wohdaka, qa Wakantanka tokiconze taku tawa kin onspewicakiya.

9 Tuka wanjikji suta icicagapi qa wicadapi sni kin hena, wicota kin en, canku kin de on sicaya eyapi qehan, hena awicayustan, qa waonspewicakiyapi kin aiyog iyewicaye ca, anpetu otoiyo, tuwe Turannos eciyapi, he oya-wa tipi yuhe cin ohna woyaka ece.

10 Waniyetu nonpa hehanyan hecen econ, unkan tona Asia en yakonpi kin hena owasin Jesus Itancan oie kin nahonpi, Juda Helenes wicašta ko.

11 Unkan Palos nape kin on Wakantanka wowapetokeca wakan kin econ ece.

12 Hecen iye tancan kin etan-

han, napipakinte qa makuakalpe kin wayazanpi kin en akipi; unkan wowayazan kin ayustan iyaye ca, taku wakan sicapi kin tankan inanpapi.

13 Unkan wanjikji, Juda wicašta wapiyapi kin heca, tona taku wakan sica yuhapi kin hena en, Jesus Itancan kin cajeyata utapi, qa, Jesus Palos oyake cin he cajeyan naunhon po, eyapi.

14 Qa Juda wicašta wošna kagapi wanji, Skewa eciyapi, he cinhintku šakowin kin hena heconpi.

15 Tuka woniya sice cin he waayupte ca, Jesus sdonwaye ca, Palos nakun sdonwaya, tuka niš nituwepi he, eya.

16 Unkan wicašta taku wakan sica yuhe cin he iyawicalhpaye ca, oliwicaya, hecen tancodan kiunniyanpi ecen tipi kin etanhan tankan najicapi.

17 Unkan tona Ephesos en yukanpi kin, Juda qa Helenes oyate kin owasin he sdonyapi; qa wokokipe owasin awicahinhpaya, unkan Jesus Itancan caje kin yatanpi.

18 Unkan tona wicadapi kin etanhan wicota en ahi, qa wohdakapi, wicohan qon ohdakapi;

19 Qa tona wapiyapi econpi kin hena wicota wowapi tawapi kin en ahipi; qa owasin wicotokam hulinahyapi; hena iyopeyapi kin hdawapi, qa mazaska kektopawinge wiccemna zaptan iyawapi.

20 Hecen Itancan oie kin nina icage ca ohiya.

21 Unkan hena taku kin wana enakiyapi, hehan Palos woniya eciyatanhan konza, Macedonia qa Akeya opta ye cinhan, hehan Jerusalem ekta ye kta, qa, Heciya wai kinhan hehan Roma wanmdake kta ce, eya.

22 Qa ookiye wicayuhe cin nom, Timotheos qa Erastos, hena Makedonia ekta ye wicaši, tuka iye anpetu tonana Asia en owanjidan yanka.

23 Unkan he icunhan canku kin de on nina owodutaton.

24 Tuwe Demetrios eciyapi, mazaska kage cin heca, he mazaska kokadan Diana kicaga ece, qa tona wocon kin he econpi kin hena taku ota wica-kicamna.

25 Hena eepi, qa tona opeya hitanipi kin hena ko wicakico qa hewicakiya, Wicašta kin, wicohtani kin de on woyuha untongi e sdonyakiyapi.

26 Qa nakun Ephesos ecedan šni, tuka Asia owancaya, Palos kin de oyate ota wahokonwicakiye ça, wicayuhomni qa, Taku wakan nape on kagapi kin hena wakan šni ce, eya owicakiyaka e sdonyayapi qa nahanpi.

27 Qa hecen taku on waunkamnanpi ece kin he wahitedapi kte šni seca, qa hecedan šni, nakun Diana taku wakan tanka tipi wakan tawa kin takudapi kte šni, qa wowitan hduhe cin yutakuni kte šni, he qe Asia owancaya, qa oyate kin iyuhpa ohodapi tuka ce, eya.

28 Unkan hena nahonpi qehan, nina canteptanyanpi qa, Diana Ephesos oyate tawapi kin he tanka ce, eyaya hotaninpi.

29 Unkan otowwe kin owancaya nina owodutaton; qa Gayos qa Aristarkos kici, Makedonia wicašta kin, Palos kici hipi qon hena iwicacupi, qa tawacin wanjidan owanyake tipi kin en inyang yapi.

30 Unkan Palos oyate kin en wicai kta, tuka waonspewicakiyapi kin iyokipi šni:

31 Qa Asia en wicašta tokapapi wanjikji, iye takodawicaye cin hena wahoyapi, qa owanyake tipi kin timahen iyohpaye kte šni e icekiyapi.

32 Heon hunh taku eya hotaninpi, qa hunh is togye eyapi; omniciye kin nina oqoyapi; qa tokeca e on mniciyapi kin ota sdonyapi šni.

33 Hehan Aleksander wicota kin etanhan ahiyupi, qa Juda wicašta kin he cokata iyaye yapi. Unkan Aleksander namwicakicawin, qa oyate kin wowicakiyake kta.

34 Tuka he Juda wicašta kin heca e sdonyapi, unkan wihiyayedan oape nonpa hehanyan, owasin ho wanjidan hotankakiya hotaninpi, Diana Ephesos oyate tawapi kin he tanka ce, eyaya yukanpi.

35 Unkan wowapi kage cin he oyate kin wicayuinina qehan, hecen eya, Ephesos wicašta kin, Ephesos otowwe kin de Diana taku wakan tanka he tipi wakan tawa kin awanyag un, qa wakagapi Jupiter etanhan hinhpaye cigon he nakun, he tuwe wicašta kin he sdonye šni he.

36 Dena taku kin cetunhdapica šni, heon inina dukanpi, qa takudan inahniyan ecanonpi kte šni tuka.

37 Wicašta kin dena tipi wakan kin etanhan takudan manonpi šni, qa taku wakan nitawapi kin yašicapi šni, tuka den awicayahipi.

38 Demetrios qa tona om litani kin hena tuwe en taku aupi cinpi kinhan, woyaco anpetu yukan, qa nakun wicašta wayacopi kin; ototoyohi wiyakicionpapi kta.

39 Qa niš taku tokeca on wunningapi hecinhan, omniciye wi-

coope kin eciyatanhan un kin he en yacopi kta.

40 Anpetu kin de owodutaton kin on wiunwangapi kta naceca; omniciye kin de on etanhan taku unkeyapi kte cin takudan unhapi šni ce, eya.

41 Unkan hena hecen eye çehan, hehan omniciye kin hde wicaši.

WICOWOYAKE 20.

1 Owodutaton kin he henakeca, hehan Palos waonspewicakiyapi kin wicakico, qa i iwicaputaka, qa Makedonia ekta ye kta e hetanhan iyaya.

2 Unkan makoce kin hena opta iyaye ça, oie ota on iwahokonwicakiye çehan, Helenes makoce kin en iyohi:

3 Qa wi yamni hen owanji yanka. Unkan Suria ekta watom ye kta, hehan Juda wicašta kin nahmana iyapepi kin heon Makedonia opta icicawin hde kta e içiconza.

4 Unkan Sopater Berea etanhan, qa Thesalonike etanhan Aristarkos Sekundos kici, qa Gayos Derbe etanhan, qa Timotheos, qa Asia wicašta, Tucikos qa Trophimos, hena Asia ekta Palos kici yapi.

5 Hena e tokata yapi, qa Troas en unkaepi.

6 Unkan aguyapi on napohiyapi codan anpetu kin iyohakam, Philippi etanhan watounpapi, qa anpetu zaptan hehan Troas en wicunkihdegapi, qa hen anpetu šakowin unkokihpapi.

7 Unkan anpetu tokaheya kin he en waonspewicakiyapi kin aguyapi kiyušta imniciyapi, hehan Palos wowicakiyaka, hanhanna hetanhan hde kta, hecen hanye cokaya hehanyan wahokonwicakiya yanka.

8 Unkan wankan tipi ohna mniciya yukanpi kin he en petijanjan ota hdepi.

9 Unkan koška wan, Yutikos eciyapi kin he owanyeye kin en iyotankehan yanke ça, ištınbe linca: unkan Palos tehan woyake cin icunhan, ištınma iwanke ça, owanka iciyamni kin he tanhan hinhpaye ça ta ecen eyakupi.

10 Hehan Palos kun ye ça akan elipeiciye ça, poskin yuze ça, Ihnuhan yaceyapi kin, taniya kin nahahin mahen un ce, eya.

11 Qa ake wankan ye ça, aguyapi kiyušte ça, yute ça, tehan ia yanke cin, anpa kamdeze cin hehanyan, hehan hetanhan kihda.

12 Unkan koška qon ni ikikecupi qa nina pidapi.

13 Unkan unkiye tokaheya wita wata kin ekta unyanpi, qa Asos ekta watom unyanpi, heciyatanhan Palos en ope unšipi kta unkecinpi; iye qe hehanyan mani cin, qa heon hecon unšipi.

14 Unkan Asos ekta eunkihdegapi qehan, hehan en ope unkiyapi, qa Mitulene en unhipi.

15 Unkan hetanhan iyoopta watom unyanpi, qa ihanhanna qehan Kios en iyotakons unyanpi; qa ake ihanhanna qehan Samos iyounhipi, qa Trogulios en owanji unkanpi; qa ake ihanhanna qehan Miletos ekta unkiyi.

16 Palos Ephesos en icuonom watom iyaye wacin, Asia en okihpe kte šni, qa okihi kinhan anpetu iwicemna zaptan kin he en Jerusalem en un kta cin, qa heon inahni.

17 Unkan Miletos etanhan ye wicaši, qa Ephesos en okodakiciye hunkawicayapi kin wicakico.

18 Unkan hena en hipi, hehan hewicakiya; Asia en wahi qon anpetu tokaheya hehantanhan, token ohinniyan cicipi waun kin sdonyayapi.

19 Tawacin ocowasin walibayedan waun, Itancan kin ohowada, istamnihanpe ota, qa taku wawiyutanyan un kin, Juda oyate nahmana iyamapepi kin on mahiyahde kin hena koya.

20 Qa taku on tanyan yaunpi kte cin takudan ipicidapi šni, tuka omniciye kin en, qa tipi iyaza wociciyakapi qa waonspeciciyapi ece.

21 Wakantanka ekta ihduecetupi, qa Jesus Messiya Itancan unkiyapi wacinyanpi kin hena, Juda Helenes oyate ko en mdaotanin ece.

22 Unkan nakaha iho, Woniya kin on makaškapi eeen Jerusalema ekta mda, qa heciya taku mahiyahde kte cin sdonwakiye šni.

23 Tuka otowwe ototoyohi en Woniya Wakan mayaotanin qa, On kaškapi qa wokakije micium, keya ce.

24 Tuka hena takuwada šni, qa wiconi mitawa kin tehike waki-da šni, iyuškinyan ihunniyan waimnanke kta, qa wicoħan Jesus Itancan maqu kin, Wakantanka towaonsida wotanin wašte omdake kte cin hee tanyan mduštan kinhan.

25 Qa nakaha iho, niyepi kin Wakantanka tokiconze kin ociciyag ciipi qon owasin ake miite kin wanmayadakapi kte šni e sdonwakiya.

26 Heon anpetu kin de waayanin ciciyapi, wicašta owasin we kin on asape šni waun.

27 Wakantanka tawacin kin ocowasin ociciyakapi qa takudan anawalibe šni.

28 Heon tanyan piiciyapi, qa optaye owasin en, Woniya Wakan waawanhdake nicagapi kin hena koya, qa Wakantanka taokodakiciye kin, iye we kin on opekiron qon he awanhdaka po.

29 Miye imdamde cinhan, hehan šunktokeca ocin šicapi kin niyepi en niipi kta, qa taħinca kin itonwicapapi kte šni he sdonwaya.

30 Qa niyepi enitanhanpi wicašta icagapi kta, qa is iyepi iħakam waonspewicakiyapi kin u wicakiyapi kta e nina yaškiška-pi kta.

31 Heon kiktahan un po, qa waniyetu yamni, anpetu hanyetu ko, istamnihanpe *amau*, qa ototoyohi wahokonciyapi amdaštan šni, he kiksuya po.

32 Hunkawanjinciyapi, nakaha Wakantanka is iye, qa towaonsida oie kin en aciupi; he icalinnyanpi, qa tona ska wicakagapi kin owasin om taku yuhe niciyapi kta e okihi.

33 Tuwe mazaska, qa mazaskazi, qa wokoyake tawa kin wakon šni.

34 Han, minape kin dena on taku wacin kin miħdamna, qa tona om waun kin hena wicawecamna qon he niye sdonyayapi.

35 Hena owasin en waonspeciciyapi, hecen ħtayanipi, qa tona wašake šni un kin owicayakiyapi kta, qa Jesus Itancan oie qon yeksuyapi kta, Wicaqupi kin hee wowaste, qa icupi kin hee aoptetu, eye cigon he.

36 Hena hecen eya, unkan hehan canpeška makehde inajin, qa owasin om cekiya.

37 Unkan owasin nina ceyapi, qa Palos poskin yuzapi, qa ħpu-takapi.

38 Miite kin ake toħinni wanmayadakapi kte šni *eye cigon*, oie

kin de on iyotan nina iyokišica-pi. Unkan wita wata kin ekta kici yapi.

WICOWOYAKE 21.

1 Unkan hena elipewicunyanpi, qa pacanan iyeunyanpi, hehan Kos ekta owotanna unkupi, qa ihanhanna hehan Rodos ekta, qa hetanhan Patara en iyounhipi.

2 Qa hen wita wata wan Phenike ekta watom ye kte cin iyeunyanpi, qa he en unkopapi, qa hetanhan unyanpi.

3 Qa Kupros taninyan wanunyakapi, hehan catka tanhan elipeya unhiyupi, qa Suria ekta watom unkupi, qa Turos en unhdihunipi, hen wata taku ohnaka kin wahetajupi kta.

4 Unkan waonspewicakiyapi kin iyewicunyanpi, qa hen anpetu šakowin unkokihipapi; hena e qe Woniya Wakan eciyatanhan Palos Jerusalem ekta ye kte šni, keciyapi.

5 Tuka anpetu kin hena wanna unkihunipi, hehan hetanhan inaunpapi, qa hena is tawicupi šiceca ko owasin opapi, otowwe itankata hehanyan, qa huta kin ekta canpeška makehde inaunjini, qa ptaya ceunkiyapi.

6 Unkan hehan nape unkiciyuzapi, qa unkiš wata kin en unkopapi, tuka iyepi kin ekta hdapi.

7 Unkan Turos etanhan watom unkupi kin he ihunni unkiyapi, hehan Ptolemais ekta unhipi; qa hunkawanjin kiciyapi kin nape wicunyuzapi, qa anpetu wanjidan om unkanpi.

8 Unkan ihanhanna qehan, tona Palos kici unyakonpi kin, hetanhan inaunpapi, qa Kesarea en iyounhipi; qa Philip wotanin wašte oyake cin he ti kin en unyanpi, šakowinpi qon he wanji ee, qa he kici unyakonpi.

9 Unkan he cunwintku topa witanéna unpi, hena wokcanpi ece.

10 Unkan hen anpetu ota owanji unkanpi kin icunhan, wicašta wokcan wan Agabos eciyapi, Juda makoce kin hetanhan apamahde hi.

11 Qa en unhiyupi qehan, Palos ipiyaka tawa kin icu, qa on siha nape ko iyaihdaške qa, Woniya Wakan kin heya ce, Wicašta tuwe ipiyaka kin de tawa hecinhan, he Juda wicašta, Jerusalem ekta, hecen kaškapi kta, qa Ikcewicašta kin nape kin en wicaqupi kta ce, eya.

12 Unkan he naunhionpi qehan, tona en tipi kin hena om, ceunkiyapi, Jerusalem ekta ye kte šni.

13 Tuka Palos, Token ecanonpi qa yaceyapi, qa hecen cante mayadutakunipi šni he, Jesus Itancan caje kin on Jerusalem ekta makaškapi, qa nakun maše kta e wiyea manka ce, eya.

14 Unkan wicada šni qehan, unkayaštanpi qa, Itancan tawacin kin ecen econpi nunwe, unkeyapi.

15 Unkan anpetu kin hena iyohakam owasin piunkiciyapi, qa Jerusalem ekta itawankanhde unyanpi.

16 Nakun Kesarea etanhan waonspewicakiyapi kin wanjikji unkopapi, qa wanji Mnason eciyapi kin he aupi, he Kupros etanhan, wanakaja waonspekinyapi kin heca; he ti kin en unyakonpi kta.

17 Unkan Jerusalem ekta iyounhipi, hehan hunkawanjinkiciyapi kin iyuškinyan tin unki-copi.

18 Unkan ihanhanna kin hehan, Palos kici Jakob ekta unyanpi; unkan hunkawicayapi kin owasin en yukanpi.

19 Hena nape wicayuze a, hehan Ikcewicaŝta kin ekta iye woyake cin on token Wakantan-ka econ qon owasin ecekcen owicakiyaka.

20 Unkan hena naĥonpi qehan, Itancan kin idowanpi qa *Palos* heciyapi, Cinye, Juda wicaŝta kektopawinge ota wicadapi, qa owasin wicoope kin sutaya awa-kininpi kin he wandaka.

21 Qa niye, Juda oyate Ikcewicaŝta ehna yakonpi kin hena owasin Moses toope kin ahduŝtanpi kta e onspewicayakiye a, cinca bawicakiciĥdayapi kte ŝni, qa wicoĥan kin hena eciyatan-
han manipi kte ŝni, keha keyapi e naĥonpi.

22 Heon toketu kta he. Awi-
cakehan wicota kin kawitaya iheyapi kte. Wanna yahi kin he naĥonpi.

23 Hecen token unkeniciyapi kin de ecen econ wo. Wicaŝta tom token iĥiconzapi kin hena om unyakonpi.

24 Hena owicape a, om ihdu-
ska, qa mazaska on owicakiya wo, hecen paha kin hduŝdapi kta. Unkan hecen token oniya-
kapi naĥonpi qon hena taku ŝni, qa niŝ eya owotanna mayani, qa wicoope kin opeya yaun kin he owasin sdonyapi kta.

25 Tuka Ikcewicaŝta, tona wi-
cadapi kin hena wowapi wicun-
kicagapi, qa wicoĥan kin dena takudan opapi kte ŝni unkeyapi qon, tuka taku wakagapi waki-
yuŝnapi, qa we, qa taku we ye ŝni yuĥapi kin, qa wiinaĥmanpi kin hena en ihdoipi kte ŝni ce, hecedan unkeyapi.

26 Hehan Palos wicaŝta kin hena owicape a, ihanĥanna kin hehan om ihduŝka, qa ihduŝkapi anpetu kin wanna henakeca kte cin he yuotanin kta e tipi wa-

kan kin tin iyaya; taku qupi wan otoiyoĥi on woŝnapi kta he-
hantu.

27 Unkan anpetu ŝakowin qon wanna henakeca kte hehan Ju-
da wicaŝta, Asia etanhan upi qon hena tipi wakan kin en un wanyakapi qehan, oyate kin owasin iyowicapaŝtakapi qa *Pa-
los* iyaĥpayapi;

28 Qa hotaninpi, Israel wica-
ŝta kin, ounkiya po; wicaŝta kin de oyate kin en, qa wicoope kin, qa nakun tipi kin de aie a, owancaya hecen onspewicaki-
ya; qa nakun Helenes wicaŝta kin tipi wakan kin en awicahi, qa hecen tipi iyotan waŝte kin de aŝamya ce, eyapi.

29 He itokam Trophimos, Ephesos wicaŝta kin heca, e otonwe kin en kici un qon he wanyakapi, unkan he Palos tipi wakan kin en ahi, kecinpi.

30 Unkan otonwe kin ocowasin nina oqoyapi, oyate kin kawita-
ya iheyapi, qa Palos icupi, qa tipi wakan kin etanhan tankan yusdohan ayapi, unkan ecahan-
keya tiyopa kin ecen iyeyapi.

31 Wanna ktepi kta e akitapi, hehan akicita tancan wicobe yu-
he cin he, Jerusalem owancaya owodutaton ce, eya okiyakapi kin he naĥon;

32 Qa kohanna akicita, akicita tancan ko iwicacu, qa inyang ye a ekta wicai. Unkan akici-
ta tancan akicita ko wanwicayakapi qehan, Palos apapi kin ayuŝtanpi.

33 Hehan akicita tancan kin en ye a, icu, qa maza icicahiĥa nom on kaŝke wicaŝi; qa he tuwe kin, qa token econ kin he, eya iwicawanga.

34 Tuka oyate kin hunĥi taku eya hotaninpi, qa hunĥi iŝ togye eyapi. Unkan owodutaton kin

on wowicake kin sdonya okitpani, heon conkaške kin mahen aye wicaši.

35 Unkan can iyadipi kin en hdipi, hehan akicita kin yuha ayapi, oyate kin aotins upi kin heon etanhan.

36 Oyate kin iyulipa ihakam yapi qa, Yutokan aya po, eya hotaninpi.

37 Unkan conkaške kin mahen ayapi kta, hehan Palos akicita tancan kin heciya, Taku eciciye kta tuka ce, iyowinmayakiye kta he. Unkan is, Helenes iapi kin onnispe he, eya.

38 Egipta wicašta anpetu kin dena itokam icage ça, wicašta wabotica kin hecapi kektopawinge topa ihakam hewoskan makoce kin ekta awicaye cigon he niye šni he.

39 Unkan Palos, Juda wicašta Kilikia en, Tarsos *otonwe* kin hetanhan waun, *otonwe* šice šni en imacaga. Ceciciya ce, oyate kin taku ewicawakiye kta, iyowinmakiya wo, eya.

40 Hecen iyowinkiya; unkan Palos can iyadipi kin akan inajin, qa oyate kin namwicakicawin. Unkan inina yukanpi qehan, Hebrew iapi kin on ie ça, hewicakiya;

WICOWOYAKE 22.

1 Wicašta hunkawanjinciyapi qa hunkakeciyapi kin, nakaha niyepi en wowahdake cin namahton po.

2 Unkan Hebrew iapi un wowicakiyake cin he nahonpi qehan, iyotan inina yukanpi.

3 Unkan hecen eya; Juda wicašta kin hemaca, Kilikia ekta Tarsos en mafonpi, qa *otonwe* kin de en icahimayanpi, qa Gamaliel siha kin ekta, hunkake

wicayapi wicoope yuhapi kin tanyan onspemakiyapi, qa Wakantanka on nina inawalini, niyepi kin owasin nakaha yaunpi kin iyececa.

4 Qa canku kin de wiconte ayahdeya šicaya wakuwa, wicawakaške ça, wicakaška tipi kin en iyewicawaya, wica winyan ko.

5 Hecen wošna kagapi itancan, qa hunka wicayapi kin owasin mayaotaninpi ece. Hena eepi hunkawanjinkiciyapi kin wowapi wicakicagapi qa maqupi qon, hecen Damaskos ekta imdamde, heciya tona yukanpi kin hena wicakaška Jerusalem ekta wicakaštakapi kta e awicawau kta, heon etanhan.

6 Ohnihde waun, qa Damaskos wanna ikiyadan, unkan wiyo-tanhe cin hehan, iho, ihnuhanna mahpiya kin eciyatanhan iyoyanpa tanka wan aohdute mayan.

7 Hehan makata mahinhpaye ça, wicaho wan nawahon, Salos, Šalos, tokeca e šicaya mayakuwa he, emakiya.

8 Unkan miš amdupte ça, Itancan nituwe he, epa. Hehan is, Jesus Nazareth etanhan šicaya yakuwa kin he miye ce, emakiya.

9 Unkan tona om waun kin ojanjan kin wanyakapi, qa nina inihanpi, tuka wicaho omakiye cin he nahonpi šni.

10 Hehan miš, Itancan token ecamon kta he, epa. Unkan Itancan kin, Najin, qa Damaskos ekta ya wo, heciya token ecanon kte cin owasin oniciyaka-pi kta ce, emakiya.

11 Unkan iyoyanpa wiyatpa kin on wawanmdake šni, hecen tona om waun kin hena minape kin yus amayanpi, qa Damaskos en wai.

12 Qa wicašta wan, Ananias eciyapi, wicoope kin eciyatanhan owotanna, Juda oyate hen yakonpi kin owasin he oyakapi;

13 He en mahi, qa najin, qa hemakiya, Salos, misunka tonwan wo. Unkan wihiyayedan oape kin he en ekta ewatonwan.

14 Hehan iye heya; Hunkake wicunyanpi Wakantanka tawapi kin nicaliniga, iye tawacin kin sdonyaye kta, qa Wanji Owotanna kin wandake ça, he i kin eciyatanhan ho kin nayahon kta;

15 Qa iye on taku wandake ça, nayahon kin wicašta owasin owicayakidake kta heon.

16 Unkan nakaha taku e ayape he. Najin wo, baptem niçupi kta, Itancan caje kin hoyeyakiye kta, hecen wayahtani kin yakpakinte kta ce, eya.

17 Unkan ake Jerusalem ekta icicawin wahdi, qa tipi wakan kin ohna cekiya waun, hehan woakiktonje wan mahiyahde;

18 Qa Itancan kin wanmdaka; he kaken emakiya; Inalini, qa kohanna Jerusalem etanhan innanpa wo, mayadaotanin kin he wicadapi kte šni ce, eya.

19 Unkan hepa; Itancan, tona wacinniyanpi kin hena wicawakaška, qa omniciye tipi kin ohna wicawakaštaka ece qon he sdonyapi;

20 Qa Stephanos waayatanin nitawa kin we paponpi qehan, hen nawajin, qa he iyowinwicawakiye ça, tona ktepi tašina awanwicaweciyaka qon.

21 Hehan, Hunktiya wo, detanhan tehan ye ciši, Ikcewicasta kin ekta, emakiya ce.

22 Unkan wicoie kin de hehanyan nahon yukanpi, hehan nina hotaninpi qa, Wicašta kin de ma-

ka kin etanhan aya po, ni kta e iyecece šni ce, eyapi.

23 Unkan hotankakiya hotaninpi, qa šina elpekiyapi, qa watušekšeca wankan yeyapi kin;

24 Hehan akicita tancan kin, conkaške mahen aupi, qa kapsinsintapi kin on wiwangapi kta, keya; hecen tokeca on oyate kin nina aoqoyapi kin he sdonye kta.

25 Unkan telmiso on kaškapi icunhan, Palos akicita tancan wan en najin kin heciya, Roma wicašta kin heca, qa nahahin yacopi šni, tuka yakapsinsintapi kta oyakihipi he.

26 Akicita tancan kin he nahon, unkan akicita tancan tanka kin hoši hde ça heya; Taku ecanon kte cin he itonpa wo, wicašta kin he Roma kin heca.

27 Hehan akicita tancan tanka kin en hi, qa heciya, Roma wicašta kin henica he, omakiyaka wo. Unkan, Han, eya.

28 Unkan akicita tancan qon heya, Ihduhapi kin de ota iyopewakiya, eya. Tuka miš hecen matonpi ce, Palos eya.

29 Heon kohanna tona Palos wiwangapi kte cin hena ayušan iyayapi, qa akicita tancan tanka kin nina kopehda; he kaška tuka Roma wicašta kin heca e sdonye cin he etanhan.

30 Unkan ihanlianna qehan, Juda oyate taku iyaonpapi hecinhan, he atayedan sdonye kta, heon icaške kin etanhan kiyuške ça, wošna kagapi, hunkawiciayapi ko owasin mniciye wicaši, qa hehan en ahi, qa wicacokaya ehde.

WICOWOYAKE 23.

1 Unkan Palos omniciye kin opawicalta yanke ça, Wicašta

hunkawanjin ciyapi, Wakantan-
ka itokam mitawacin ocowasin
wašte, anpetu kin dehan wani,
eya.

2 Unkan Ananias wošna kaga-
pi itancan kin, tona ikiyadan na-
jinpi kin *Palos* i kin ohna ape
wicaši.

3 Hehan *Palos* heciya, Conka-
ške skayapi kin, Wakantanka
anipe kta ce; wicoope kin eci-
yatanhan mayadaco kta e yahi-
dotanka tuka wicoope kašeya
amape wicayaši.

4 Unkan tona en najinpi kin,
Wakantanka wawayušna itan-
can tawa kin he šicaya owaya-
kiya he, eyapi.

5 Unkan *Palos*, Hunkawanjin-
ciyapi, he wawayušna itancan
kin ee sdonwaye šui, eya; Wo-
wapi en kaken kagapi, Nitaoyate
kin en wicašta itancan kin daši-
ce kte šni ce.

6 Tuka apa Saddukee, qa apa
iš Pharisee kin hecapi e *Palos*
iyukcan qehan, hehan omniciye
kin en hotankakiya heya; Pha-
risee kin hemaca, qa nakun Pha-
risee cinhintku kin, qa wicašte
cin piya ikicagapi kte cin ape
waun kin heon etanhan nakaha
mayacopi ce.

7 Unkan hecen eye qehan, Pha-
risee Saddukee kin om hdokini-
capi, qa omniciye kin akipam
iyeyapi.

8 Piya ikicagapi kin wanica, qa
mašpiya ohnihde, wanagi ko
wanica ce, Saddukee kin eyapi
ece; tuka Pharisee kin, Napin
yukan ce, eyapi ece.

9 Hecen nina owodutaton, qa
wowapi kagapi Pharisee etan-
hanpi kin hena inajinpi, qa wi-
cakigepi, qa heyapi, Wicašta kin
de en taku šica takudan iyeun-
yanpi šni; tuka wanagi, qa ma-
špiya ohnihde wan taku okiyake

cin he hecetu kinhan, Wakan-
tanka kici unkcizapi kte šni.

10 Nina hdokinicapi, unkan
Palos yušpašpa icupi kta e aki-
cita tancan tanka kin kokipe qa,
heon akicita kin kun ye wicaši,
hena wicacokaya tanhan icupi,
qa conkaške kin mahen akupi
kta.

11 Unkan he ištayetu, hehan
Itancan kin en hinajin qa, *Palos*
cante wašte wo, Jerusalem en
mayadaotanin kin he iyecen Ro-
ma ekta mayadaotanin kta ce,
eciya.

12 Unkan anpa kamdeze cin,
hehan Juda wicašta wanjikji o-
kodakiciye wan kagapi, qa wi-
taya ičiconzapi, takudan yuta-
pi kte šni, qa takudan yatkanpi
kte šni, *Palos* ktepi šni kin he-
hanyan kta, keyapi.

13 Wakiconzapi kin hena wi-
cašta wikcemna topa aktonpi.

14 Unkan hena wawayušna
tankapi, qa hunka wicayapi ko
en wicayapi, qa heyapi; *Palos*
unktepi šni kin hehanyan, taku-
dan untapi kte šni e wokonze on
unkiconzapi.

15 Heon etanhan hanhanna, ni-
ye omniciye kin owasin om aki-
cita tancan tanka kin he au ya-
šipi kta, taku sanpa atayedan
inungapi kta seca e heon; qa
unkiš he ikiyadan aupi šni, he-
han unktepi kta e wiyeya un-
kanpi kta ce, eyapi.

16 Unkan hena nahmana iyape
yukanpi kin he *Palos* tonskaku
kin nahon qehan, hehan ekta ye
qa conkaške kin timahen i, qa
Palos okiyaka.

17 Hehan *Palos* akicita tancan
wanji kico qa, Koška kin de aki-
cita tancan tanka kin ekta aya
wo, taku okiyake kta ce, eya.

18 Unkan heon he icu, qa akici-
ta tancan tanka kin ekta ai qa,

Palos kaškapi un kin he mico, qa koška kin de cicahi kta e econ maši, taku oniciyake kta keya ce, eya.

19 Hehan akicita tancan tanka he nape yuze ça kicišnana icunom iyaye ça, Taku omayakidake kta he, eya iwanga.

20 Unkan, Heyakecinhan Juda wicašta kin omniciye kin en Palos au nišipi kta wanna konzapi, taku sanpa atayedan iwangapi kta seca e heon heyapi.

21 Tuka niš awicayupte šni wo. Wicašta wikcemna tom aktonpi kin wokonze on waki-conzapi, Palos ktepi šni hehan-yan takudan yutapi kte šni qa takudan yatkanpi kte šni, hena nakaha wiyeya yukanpi qa niš awicadupte kte cin he ape yukanpi, eya.

22 Hehan akicita tancan tanka koška qon hdicu ye ça, Hena omayakidake cin he tuwedan sdonye ye šni wo, eciya.

23 Qa hehan akicita tancan nom wicakico qa, Akicita opawinge nom taku owasin on wicayuwiyeya po, qa nakun šuktanka akan yotankapi kin wikcemna šakowin, qa wahukeza yuhapi kin opawinge nom, hanyetu kin oape iyamni, hehan Kesarea ekta yapi kta ce.

24 Nakun šuktanka wiyeya ehnaka po, Palos akan yankekiyapi kta, qa Phelika wicašta itancan yanke cin he en tanyan aipi kta, ewicakiya.

25 Hehan wowapi wan kaken kaga :

26 Kludios Lusias, Phelika wicašta itancan iyotan wašte kin *wowapi kicaga* ce. Wookiye.

27 Wicašta kin de Juda wicašta kin icupi, qa wanna ktepi kta hehan akicita hduha en wai, qa etanhan iwacu, he Roma wica-

šta kin heca e nawahon kin heon.

28 Qa taku iyaonpapi kin he tanyan sdonwaye kta wacin, heon iye omniciye yuhapi kin en awai ;

29 Qa iye wicoope hduhapi kin eciyatanhan wiwangapi kin iyaonpapi wanmdaka, tuka taku on ktepi, qa kaškapi kta e iyaonpapi kin takudan iyewaye šni.

30 Qa wicašta kin de Juda wicašta nahmana iyape yukanpi kin he omakiyakapi qehan, kohanna niye ekta aye wicawaši, qa tona taku en aupi kte cin hena hecen iyaonpeya eniciye wicawaši. Tanyan yaun nunwe.

31 Hehan akicita iš econ wicaši qon iyecen Palos hanyen icupi, qa Antipatris en aipi ;

32 Qa hanlianna hehan šuktanka akan yotankapi kin hena hetanhan ayapi kta e elhpewicayapi, qa conkaške kin ekta hdicupi.

33 Unkan hena iš Kesarea ekta ipi, qa wicašta itancan wowapi qon qupi qehan, hehan Palos itokam ehdepi.

34 Unkan iye he yawa, qa makoce kin tukte e etanhan un hecinhan wiwanga ; qa Kilikia etanhan un kin he sdonya ;

35 Hehan, Tohan tona taku iyanionpapi kin hena nakun hipi kinhan, hehan miš eya nacihon kta ce, eya ; qa Herod woyaco tipi tawa qon he ohna awanyag wicaši.

WICOWOYAKE 24.

1 Unkan hetanhan anpetu zaptan, hehan Ananias wawayušna itancan kin hee, qa hunkawicayapi kin om, ekta apamahde ya, nakun wicašta ieksapa wan, Tertulos eciyapi, hena wicašta itancan kin itokam Palos taku iyaonpapi kta.

2 Unkan en kicopi qehan, Ter-tulos taku iyaonpe ça heya ;

3 Niye enitanhan wookiye tanka unhapi ce, qa waawandake cin eciyatanhan oyate kin de en wicohian wašte econpi ece kin he ohinniyan qa owancaya unkicupi, qa on, Phelika iyotan wašte, wopida unkeniciyapi ce.

4 Tuka sanpa nagiyeciye kte šni, heon ceciciya ce, nitowaonšida kin on wicoie wanjikji naunyaonpi kta.

5 Wicašta kin de makošice, qa maka kin owancaya Juda oyate cante okičuninwicaye cin, qa yuomdecapi wan Nazareth etanhanpi, ewicakiyapi kin he en mdetahunkapi kin he wanji dee e iyeunyanpi ce.

6 He tipi wakan kin yušape kta ; unkan hehan unkiš unki-cupi, qa wicoope unkitawapi kin eciyatanhan unyacopi kta ;

7 Tuka Lusias akicita tancan tanka kin ekta i, qa wicowašake tanka on unnapepi kin etanhan eyaku.

8 Qa tona taku iyaonpeya eyapi kin hena niye kin ekta u wicaši. Hena wiwicanunge cinhan taku iyaunkonpapi kin owasin atayedan sdonyaye kta ce.

9 Unkan Juda wicašta kin is waayuptapi qa, Hena hecetu ce, eyapi.

10 Hehan wicašta itancan kin Palos ie kta e namkicawin, hehan waayupte ; Oyate kin de en waniyetu ota wicašta wayaco nanka e sdonwaya, heon etanhan nakaha iyuškinyan wowahdaka.

11 Hecen Jerusalem ekta ce-kiya imdamde cin, hehantanhan wanna anpetu ake nomnana e sdonyaye kta oyakihi.

12 Qa tipi wakan kin ohna tuwe kici awakinnica ecen wanma-

yakapi šni, qa omniciye tipi kin ohna, qa otonwe kin en, oyate kin wicayuomdeca waun šni.

13 Qa nakaha taku iyamaonpapi kin hena yasutapi kta e okihihi šni.

14 Tuka de ociciyaka, yuomdecapi kin cajeyatapi qon he canku kin ohna hunkake wicawaye cin Wakantanka tawapi kin ohowada, qa wicoope, qa wicašta wokcan taku owapi qon hena owasin wicawada :

15 Qa Wakantanka wacinwaye, qa wicate cin, wašte šica ko, ake woekicetu kte cin he ape waun, he is iyepi nakun hecen wicadapi.

16 Heon Wakantanka, qa nakun wicašta kin en tawacin takudan iyaonpepica šni waun kta e ohinniyan opimičiya ce :

17 Unkan nakaha waniyetu ota iyohakam, mitaoyate kin taku qupi, wošnapı ko wicaweci-cau kta e wahdi.

18 Qa hecen tipi wakan kin ohna mihduska waun, wicota qa owodutaton kin unmana en owape šni, ecen Juda wicašta Asia etanhan wanjikji wanmayakapi qon.

19 Hena eepi kin niye en nihiyupi, qa taku yuhapi kinhan iyamaonpapi kta tuka.

20 Qa dena is, omniciye kin en nawajin kin, he icunhan taku šica ecamon kin taku sdonyapi kinhan oyakapi kta.

21 Tuka wicacokaya nawajin qehan, wicoie wanjidat taninyan epa, Anpetu kin de wicate cin woekicetu kte cin heon mayadacopi, epe cıqon hee, eya.

22 Unkan Phelika hena nañon qehan, qa canku kin de on sanpa tanyan sdonye kta cin kin heon, hde wicaši qa, Tohan Lusias akicita tancan tanka hi kinhan,

niyepi kin on taku owasin sdon-waye kta ce, eya.

23 Qa akicita tancan wan Palos awanyag kiye a, woozi yuhe kta, a iye takuwicaye cin tuwe en hi a okiye kta cin kinhan tehinda kte ni, *keya*.

24 Unkan anpetu tonana iyohakam, Phelika, a tawicu Drusila eciyapi, Juda winolinca kin heca, he kici hi, hehan Palos kico, a Messiya wacinyanpi kin on nahon.

25 Unkan Palos wicoowotanana, a iyatahde iiyapi ni, a woyaco u kte cin hena oyake cin, he icunhan Phelika cancan, a, Nakaha ekta hda wo, tohan tanyan iyomakipi kinhan ake cico kta ce, eya.

26 Palos kiyuke kta e on mazaska qupi kta kecin, heon kico, a kici wohdaka ece.

27 Tuka wanna waniyetu nonpa, hehan Phelika yanke cin en Porkios Phestos hiyotanka. Unkan Phelika Juda oyate kin iyoiki wicaye kta cin, a heon Palos kakapi ecen ehpeya kihda.

WICOWOYAKE 25.

1 Unkan Phestos makoce kin he en hiyotanke cin, iyohakam anpetu yamni, hehan Kesarea etanhan Jerusalem ekta itawan-kanhde iyaya.

2 Unkan wawayuna itancan a Juda wicata tokapapi kin, Palos on okiyakapi a cekiyapi;

3 Cinkiyapi, Jerusalem ekta Palos au wicakiye kta, a iyepi kin nahmana ktepi kta e tahepi iyapepi kta.

4 Tuka Phestos, Palos Kesarea ekta awanyakapi kta, a iye kin ecadan ekta hde kta, *keya*.

5 Qa niyepi kin etanhan tona

waakapi kinhan, apamahde om mde kta, a wicata kin he taku en un kinhan wiyaonpapi kta ce, eya.

6 Unkan anpetu ahdogan, a i wikcemna hena om un kin, hehan Kesarea ekta hda, a ihananna qehan woyaco oiyo-tanke kin akan kiyotanke cin, hehan Palos en au wicai.

7 He en hi, unkan hehan Juda wicata Jerusalem etanhan hipi qon hena ihdusan najinpi, a wiyaonpapi tanka ota Palos en aupi, tuka yaacetupi okihipi ni.

8 Hehan iye wohdaka; Juda oyate wicoope hduhapi, a tipi wakan kin en, a nakun Kesar en takudan wawatani ni ce, eya.

9 Tuka Phestos Juda oyate kin iyokipi wicaya cin, heon Palos ayupte a heciya; Jerusalem ekta de a, heciya mitokam dena on niyacopi kta tawaenyaya he, eya.

10 Hehan Palos, Kesar woyaco oiyo-tanke tawa kin en nawajin, hen mayacopi kta iyececa; Juda oyate kin taku ice cin takudan ecawicawecon ni e tanyan sdonyaya.

11 Wawatani, a taku ica on maktepi kta iyecece cin he ecamon kinhan, mate kta tawatenwaya tuka; tuka dena taku iyamaonpapi kin taku ni kinhan, tuwedan hena mayuhe wicakiye kte ni. Kesar cajemdata ce, eya.

12 Hehan Phestos, tona owi-capeya wayaco iyotanke cin hena om wohdaka, hehan ayupta; Kesar cajedata, Kesar ekta de kta ce, eya.

13 Unkan anpetu tonana iyohakam, Agrippa wicatayatapi kin Bernike kici, Phestos nape yuzapi kta e on Kesarea en hipi.

14 Qa anpetu ota hen yukanpi, hehan Phestos wicaštayatapi kin Palos on okiyake ça heya, Wicašta wan Phelika kaška ehnake cion he nahanlin ecen yanka.

15 Jerusalem ekta wai qehan, wawayušna tankapi, qa Juda hunka wicayapi kin hena he kapi, qa omakiyakapi, qa yacopi kta e cinpi.

16 Hena hecen awicamdupte ça, Wicašta wan taku iyaonpapi kinhan, tona taku iyaonpeya eyapi kin wicitokam wiyaonpapi kin en waayupte iyowinkiyapi šni kinhan, țeyapi yacopi kin he Roma wicoľan šni ce, epa.

17 Heon hena den hipi, unkan mdutehan šni, tuka ihanľianna hehan, woyaco oiyotanke kin akan wakimdotanke ça, wicašta kin he en au wicawašĩ.

18 Hehan tona taku iyaonpapi kin hena najinpi, tuka token wacami qon he iyecen takudan iyaonpapi šni.

19 Tuka iyepi wocekiye eyapi kin eciyatanhan wiwicawangapi kin wanjikji he en aupi, qa nakun wanji Jesus eciyapi kin he ța, tuka ake kini kin, Palos keya ece.

20 Unkan wiwicawangapi heca kin imdukan šni heon, Jerusalem ekta de ça heciya dena on niyacopi kta tawaťenyaya he, eya imunga.

21 Tuka Palos Sebastos cajeyate ça, he itokam yacopi kta keye çehan, Kesar ekta aye wicawakiye kta hehanyan awanyag wicawašĩ.

22 Hehan, Miš eya wicašta kin de nawaľon kta wacin ce, Agrippa Phestos eciya. Unkan is, Heyakecinhan nayaľon kta ce, eya.

23 Unkan ihanľianna qehan,

Agrippa Bernike kici wokoyake waštešte kiçun hipi, qa wanaľon tipi kin en tin ipi; qa nakun akicita tancanpi kin, qa otonwe en wicašta tokapapi kin hena ko; hehan Phestos econwicašĩ kin on Palos en ahipi.

24 Unkan Phestos heya, Agrippa wicaštayatapi kin, qa wicašta tona den om unkanpi kin, wicašta kin on Jerusalem ekta, qa deciya nakun, Juda oyate kin owasin cemakiyapi qa, Sanpa ni kta e hecetu šni ce, eya hotaninpi qon, he dee wandakapi.

25 He taku šica econ kin, on țe kte cin, takudan iyewaye šni, qa is iye Sabastos cajeyate cin, heon ekta ayapi kta e wakonza.

26 Tuka he on, mayuhe cin taku wecage kte cin atayedan takudan mduhe šni. He etanhan nakaha en cicahipi, wicaštayatapi kin niye iniyotan, hecen tohan tanyan wiwangapi kinhan, token wakage kte cin taku mduhe kta.

27 Wicašta wan kaškapi kin he heciya aye šipi, qa wiyaonpapi kin takudan kagapi šni kinhan, he hecetu šni imdukan ce, eya.

WICOWOYAKE 26.

1 Hehan Agrippa Palos heciya, Wanna woyahdake kte cin iyowinniciyapi ce. Unkan hehan Palos nape kin hdugate ça wohdaka.

2 Agrippa wicaštayatapi kin, Juda oyate taku iyamaonpapi kin owasin nakaha nitokam wowahdake kte cin heon imduškin.

3 Juda wicoľan kin wiwanga-pi ko owasin tanyan hdukan nanka sdonwaya, heon etanhan. Qa hecen ceciciya ce, wacin tanka on namaľon wo.

4 Tokaheya tanhan Jerusalem

OHANYANPI QON.

ekta mitaoyate kin om, homa-
ksidan ehantanhan, token olan-
yan waun qon Juda wicašta kin
owasin sdonyapi.

5 Token ohoundapi ece kin
owotanna hince cin en opeya
waun, Pharisee hemaca, hena e
otokaheya tanhan sdonmayanpi,
oyakapi cinpi unkanš.

6 Qa nakaha Wakantanka hun-
kake wicunyanpi kin iwahowi-
caye ciqon he apeci kin on, den
mayacopi kin ecen nawajin.

7 De ekta wicoun unkitawapi
ake nonpapi kin iyohipi kta e ape
yukanpi, qa anpetu hanyetu ko
cekiyapi ece. Agrippa wicašta-
yatapi kin, woape kin de on Ju-
da wicašta wimawangapi qon.

8 Wakantanka wicašte cin ake
ekicetu wicaye cin he tokeca e
he taku wicadapica šni kecanipi
he.

9 Miš eya Jesus Nazareth etan-
han caje kin on, taku ota kipa-
jinyan ecamon kta iyececa ke-
pce ciqon.

10 Jerusalem ekta hena hecen
ecamon qon; qa wawayušna
tankapi kin wowašake maqupi
kin on, wicašta owotanna kin
ota wicakaška tipi kin en iye-
wicawaye ça, te yapi kta wica-
yacopi qehan, miš eya iyecen
epa ece.

11 Qa omniciye tipi kin iyaza
otakiya wicawakaštake ça, wao-
štehda wicawakiye ça, nina can-
niye witawaye cin heon otonwe
tokeca ekta šicaya wicawaku-
wa.

12 He icunhan wawayušna tan-
kapi kin wowašake wowapi ko
maqupi kin, he yuha Damaskos
ekta imdamda.

13 Unkan tahepi iho, wicašta-
yatapi, anpe cokaya kin hehan-
tu, iyoyanpa wan anpetu wi kin
sam iyeya wiyatpa kin he wan-

mdaka, he ihduksan iyoyanpa
maye ça tona om mawani kin
hena nakun.

14 Unkan owasin makata
ehpeunkiçiyapi, hehan wicaho
wan nawahon, Hebrew iapi on
hecen emakiya, Salos, Salos, to-
keca šicaya mayakuwa he, can
pesto kin nayahtake cin he te-
hika ce.

15 Unkan miš, Itancan, nituwe
he, epa. Unkan, Jesus šicaya
yakuwa kin he miye ce, eya.

16 Tuka inajin, qa nishiha kin
on najin wo; token wandake
ça, tokata taku wanyag ciciye
kte cin hena en waayatanin, qa
ookiye kin cicage kta e heon
nakaha wanmayag ciciya.

17 Oyate kin etanhan ecihda-
ku kta, Ikcewicašta kin nakun,
hena e ekta nakaha ye ciši.

18 Išta wicadumdaye ça, otpa-
za etanhan iyoyanpa ekta, qa
Satan towašake kin etanhan
Wakantanka ekta wicaduhomni
kta; qa hecen wacinmayanpi
kin on wahitanipi wicakicicaju-
jupi kin, qa tona ska wicakagapi
kin hena om woyuha yuhapi kta
ce.

19 Hecen on, Agrippa wicašta-
yatapi kin, mahpiya wowanyake
kin he cetunwahda šni.

20 Tuka tokaheya Damaskos
en yakonpi, qa Jerusalem, qa
Juda makoce kin owancaya, qa
nakun Ikcewicašta kin, ihdue-
cetupi, qa Wakantanka ekta
ihduhomnipi kta, qa ihducetup-
i wicohan kin econpi kta hena
hecen owicawakiyaka ece.

21 Hena on etanhan, Juda wi-
cašta kin tipi wakan kin ohna
mayuzapi, qa maktepi kta tuka.

22 Tuka Wakantanka omakiye
cin heon anpetu kin dehanyan
wani, qa tona ciqapidan tankin-
yanyan ko, wicawakiyaotanin,

qa wicašta wokcan kin Moses kici taku u kte cin oyakapi qon henana owicawakiyaka ece.

23 Messiya kakiye kte ça iye tokaheya wicašte cin etanhan najin kta, qa oyate kin Ikce-wicašta ko iyoyam wicaye kte cin.

24 Hena hecen eya, unkan Phestos hotankakiya ie ça, Palos niyuhnaşkınyan, wowapi ota onspeniçiye cin he wicayuhnaşkınyan en iyenian ce, eya.

25 Tuka iye, Phestos iyotan wašte kin, mayuhnaşkınye şni, tuka wowicake wicowaşbadan oie kin epa ce, eya.

26 Qa wicaştayatapi kin is hena tanyan sdonya, heon itokam waditagya wowahdaka, hena taku kin iye kin anakihmanpi şni e mdukan, okahmin en econpi şni nakaes.

27 Agrippa wicaştayatapi kin, wicašta wokcan kin hena wicayada he. Wicayada e sdonwaya.

28 Hehan Agrippa Palos heciya; Kitan ecinyan Kristian hemaca kta e awacinmayaya ce.

29 Unkan Palos heya, Wakan-tanka cewakiya ce, niye nişnana şni, tuka tona anpetu kin de namaşonpi kin owasin, kitan ecinyan hee şni, tuka ocowasin miş waun kin iyecen yaunpi kta, tuka icaške kin dena ope kte şni.

30 Hena hecen eya, unkan hehan wicaştayatapi, qa wicašta itancan kin, Bernike kici, qa tona om iyotankapi kin hena ko najinpi;

31 Qa icunom yapi qa, Wicašta kin de taku on te kte ça, kaşkapi kte cin takudan econ şni ce, iyakitedan ekiciyapi.

32 Hehan, Wicašta kin de Kesar cajeyate şni unkanş kiyuşkapi kta tuka, Agrippa Phestos eciya.

WICOWOYAKE 27.

1 Unkan Italia ekta watom unyanpi kta e wanna konzapi, hehan Palos qa wicakaşkapi tokeca kin, akicita tancan wan, Sebastos taobe kin etanhan, Julios eciyapi kin, he wicayuhekiyapi.

2 Unkan wita wata wan Adramutium etanhan, Asia makoce kin ekta tuktekten oihunni kte cin he en unkopapi, qa pacanan iyeunyanpi, qa Aristarkos Makedonos, Thesalonike etanhan, he kici unyanpi.

3 Unkan ihanhanna qehan, Sidon en unkihunnipi. Unkan Julios Palos tanyan okicihan, takuwicaye cin ekta wicai, qa hena etanhan taku yuhe kta e iyowinkiya.

4 Unkan hetanhan pacanan iyeunyanpi, qa Kupros ihukuya watounpapi, tatoheya unyanpi kin heon.

5 Unkan Kilikia qa Pamphulia miniwanca kin unkihunnipi qehan, Lukia en Mura eciyapi kin he ekta unhipi.

6 Unkan hen wita wata wan Aleksandria etanhan, Italia ekta watom ye kte cin, he akicita tancan kin wanyake ça, he en ope unyanpi.

7 Unkan anpetu ota iwaştedan watounpapi qa kitan se Knidos en iyotakons unkipi, tatoheya unyanpi nakaes, hehan Krete ihukuya, Salmone iyotakons watounpapi.

8 Qa he kitan se kapeya unyanpi, hehan makoce wan Oihunni waşte eciyapi kin he en unkipi, he Lasea otonwe kin ikiyadan.

9 Wanna anpetu ota, qa watounpapi kin okokipe aya, hamdepi tanka kin wanna enakiyapi, hehan Palos wahokonwicakiya;

10 *Qa hewicakiya, Wicašta kin, watounpapi kte cin de on wita wata kin taku ohnaka ko yutakunipi kte šni, qa nakun unkiye-pi kin iyotanhan iyeunkiyapi kta e imdukcan ce, eya.*

11 *Tuka akicita tancan kin, wahektape cin qa wita wata tawa kin hena anawicakicigoptan, qa Palos ie cin he wicada šni.*

12 *Unkan oihunni kin he en waniyetu osan yukanpi kte cin he wašte šni, heon hetanhan yapi, qa okihihi kinhan, Phenike ekta watom ipi, qa hen waniyetu owanji yukanpi kta, wicota keyapi; Krete en oihunni wan itokagatanhan, wiyohpeyata ohna waziyata etkiya huta kin yuškomya wanke cin hee.*

13 *Unkan okaga tanhan tate kin iwaštedan hiyu, qa hecen token wacinpi qon wanna ecetu kecinpi, hehan kiyuškapi qa Krete ikiyedan watopapi.*

14 *Tuka iecadan, tateyanpa wan ohitike cin he en iyapa hiyu, he Tate-taja eciyapi.*

15 *Unkan wita wata kin nina iyapa, hecen tatoheya yapi okihihi šni, hehan kaha iyeunyanpi iyowinunkiyapi.*

16 *Unkan wita wan Klauda eciyapi, he ikiyadan unyanpi, hehan kitan hin wata cistinna kin icu unkökhihi.*

17 *He yuwankan ehdakupi, qa icaške kin unpi, qa wita wata kin opta yuskiskitapi, hehan wi-yaka šice cin en iyohpeyapi kta kokipapi, qa heon šina on watopapi kin palpapi, qa hecen tate on kaha iyewicayapi.*

18 *Qa nina unkakihanšicapi, heon ihanhanna, hehan wata kin etanhan taku tankan elpeyapi.*

19 *Qa anpetu iciyamni hehan, unnapepi kin on, wita wata kin*

en, taku wowinyunyanpi kin minin elpeunyanpi.

20 *Unkan anpetu ota, anpetu wi wicanhipi ko tanin šni un, qa nina unkakihanšicapi, hehan un-nipi kta unkecinpi qon he wanna unkayuštampi.*

21 *Tuka tehan takudan yute šni unpi kin, hehan Palos wicacokaya najin, qa, Wicašta kin, anamayagoptampi qa Krete etanhan pacanan iyeyayapi kte šni iyececa, hecen taku šice qa wicakakije cin de nihiyahdepi kte šni tuka.*

22 *Qa nakaha ceciciyapi ce, cante wašte po; tuwedan niłapi kte šni, tuka wita wata kin hecedan.*

23 *Wakantanka ohowada, qa iye mayuhe cin he taohnihde ye cin binhan en mahinajin.*

24 *Qa, Palos kokipe šni wo; Kesar itokam inayajin kta, unkan tona om watoyape cin owasin Wakantanka niču ce, eya ce.*

25 *Heon etanhan, wicašta kin, cante wašte po; Wakantanka wicawada, token emakiye cin he ecetu kte.*

26 *Tuka wita wan en iyeunyanpi kta ce, eya.*

27 *Unkan otpaza iaketopa kin, hehan Adria miniwanca kin ohna kaha iyeunyanpi kin icunhan, hanye cokaya hehan watope wicakiyapi kin makoce wan ikiyadan upi kecinpi.*

28 *Qa hehan mazasu hałonta ikoyake cin minin iyeyapi, qa akatinpi wikcemna nonpa e iye-yapi. Hetanhan kitanna kapeya yapi, hehan ake econpi, unkan wanna akatinpi ake zaptan.*

29 *Unkan imniya kin en iyewicayapi kta e kokipapi, heon wahektapa kin etanhan maza aspeiciyapi tom minin iyeyapi, qa anpao kta e cinpi hinca.*

30 Unkan watope wicakiyapi kin wita wata kin etanhan najicapi kta akitapi, qa wata cistina qon he mini kin ekta yuhukun iyeyapi, watokapa tanhan maza aspeiçiyapi minin iyeya konzapi.

31 Unkan Palos akicita tancan kin akicita ko hewicakiya; Dena wita wata kin ohna yukanpi šni kinhan, yanipi oyakihipi kte šni ce.

32 Hehan akicita kin wata cistina hañonta ikoyake cin bapsakapi, qa kun iyeyapi.

33 Wanna anpao kta hehan Palos owasin taku yutapi icu wicaši, qa heya, Nakaha takudan yute šni yaunpi anpetu iake topa kin he dee, hehanyan takudan iyacupi šni.

34 Heon ceciciyapi ce, taku yutapi icu po, on wanišakapi kta ce, paha nitawapi sukaza wanjidan hinłpaye kte šni ce.

35 Hena hecen eya hehan aguyapi icu, qa owasin wicitokam Wakantanka cekiye ɸa, kiyuše ɸa yuta.

36 Hehan owasin cante waštepi, qa woyute icupi.

37 Unkan wita wata kin ohna, wicanagi owasin opawinge nom sanpa wikcemna šakowin sanpa šakpe unyakonpi.

38 Unkan taku yutapi on imnanpi hehan wita wata kin yukapojedanpi, qa aguyapi su kin minin ehpeyapi.

39 Unkan wanna anpa kamdeze ɸehan, makoce kin iyekiyapi šni; tuka kałmin wan huta oi-hunni wašte kin he wanyakapi, qa okihipi kinhan, he en wita wata kin aipi kta, keyapi.

40 Hehan maza aspeiçiyapi kin bapsag iyeyapi, qa minin ehpeyapi, qa iyupse yuza icaške kin kiyuškapi; hehan šina watope-

kiyapi tanka kin yuwankan iye-yapi, qa huta kin ekta yapi.

41 Tuka tukten miniwanca nom kokijuya hiyu kin he en iyohpa-yapi, qa hen wita wata kin azi yapi. Unkan watokapatanhan kin he sutaya ihan, tuka wahektapatanhan kin taja on kamden iyeya.

42 Unkan akicita kin wicakaškapi kin hena wicaktepi kta e konzapi, okinni wanjikji huta kin ekta niwanpi, qa najicapi kta, keyapi.

43 Tuka akicita tancan kin is Palos nikiye kta cin kin, heon taku econpi kte cin iyowicaki šni; qa hehan tona niwan okihipi kin hena tokaheya minin ehpeiçiyapi qa huta kin ekta niwanpi kta, keya.

44 Hehan tona nahalin en un kin hena, hunł canmdaska akan, qa hunł is wita wata etanhan onšpašpadan akan iyayapi. Unkan hecen owasin huta kin ekta tanyan iyohipi.

WICOWOYAKE 28.

1 Unkan ekta tanyan iyohipi hehan wita kin he Melite eciyapi e sdonyapi.

2 Unkan Ikcewicašta kin nina taku wašte ecaunkiconpi, cetipi qa otoiyohe en unkicopi, nina magaju qa osni kin heon etanhan.

3 Unkan Palos can eikcistina ota pahi, qa peta en aonpa hehan, wamduškadan wan iyokaptapi kin etanhan hiyu, qa Palos nape kin en ikoyag ičiya.

4 Unkan nape kin en taku ocinšice cin de ikoyake cin he Ikcewicašta kin wanyakapi qehan, iyakitedan hekiciyapi; Awica-kehan wicašta kin de tin wica-kte kin heca, miniwanca kin

etanhan ni hiyu ešta, taku owotanna kin he ni kta e iyowinkiyeni ce.

5 Tuka wamduškadan qon nape kin etanhan peta kin en hdatata ełıpeye a tuktedan kiunniye řni.

6 Tuka kapo kta, a iřihnuhan-na řa iyaye kta kecinpi. a tetanhan ekta etonwan yukanpi a tuktedan kiunniye řni un kin wanyakapi, hehan tawacin kin tokeca hinhdapi a, De taku wakan kin hee ce, eyapi.

7 Unkan hen ikiyedana, wita kin ohna wicařta tokapa, Publios eciyapi kin he makoce onřa yuħa; unkan he tin hiyu unřipi, a anpetu yamni hehanyan tanyan wo unqupi.

8 Unkan Publios atkuku kin wayazanka, tancan kate a we ece iheya. Palos he en i, a cekiye a, nape on aputake a asniyan.

9 Heen econ, unkan hehan wita kin en tona wowayazan yuhapi kin hena en hipi, a asni wicayapi.

10 Heon etanhan nina unkinihanpi, a hetanhan unyanpi kte cin, hehan taku uncinpi kin owasin unqupi.

11 Unkan wi yamni, hehan wita wata wan Aleksandrea etanhan, he wita kin hen waniyetu wanke cin, he wiyokiyedan yuke cin, Jupiter cekpapi tawa kin hee, unkan he en unkopapi.

12 a Surakusa ekta unkihun-nipi, a anpetu yamni unyakonpi.

13 Unkan hetanhan ohomni unyanpi, a Regium ekta unhipi. a anpetu wanĵidan iyohakam, tate itokaga tanhan uya, a anpetu inonpa hehan Puteoli en unkipi.

14 Hen hunkawanĵin kiciyapi kin *wanĵikĵi* iyewicunyanpi, a anpetu řakowin om unyakonpi

kte e cinpi. Hehan Roma ekta-kiya unyanpi.

15 Unkan heciyatanhan hunkawanĵin kiciyapi kin unkiyepi eciya'anhan naħonpi, a itkounkipapi au, Appiiphorum a Owote tipi yamni kin hehanyan. Hena Palos wanwicayaka, unkan Wakantanka wopida eciye a wakiřag iiya.

16 Unkan Roma ekta unkipi, hehan akicita tancan qon wica-kařke cin hena wicařtayatapi taakicita tancan kin qu, tuka Palos akicita wanĵidan awanyag un kin he kiciřnana yanke kta e iyowinkiyapi.

17 Unkan anpetu yamni iyohakam, Palos Juda wicařta tokapapi kin wicakico. a en mniciyapi hehan hewicakiya, Wicařta hunkawanĵinciyapi, atewicunyanpi oyate a wicoħan kin en taku řica takudan ecamon řni eřta, Jerusalem ekta makařkapi ecen Roma oyate napepi kin en iyemayanpi.

18 Hena iř wimawangapi qehan makiyuřkapi kta, miye en taku on maře kte cin takudan *iyeyapi* řni.

19 Tuka Juda wicařta kin nina tehindapi kin heon, Kesar caje mdate kta iyececa wadaka, mitaoyate kin taku iyawicawaonpe kte cin takudan mduhe řni tuka qon.

20 Heon etanhan nakaka cico-pi, wanciyakapi a wociyiyakapi kta, Israel oyate awacinpi kin he on maza icicaħiħa kin de on makařkapi ce, eya.

21 Hehan iř eya heciyapi, Juda makoce kin etanhan niye on wowapi unkahipi řni, a hunkawanĵin kiciyapi heciyatanhan hipi kin tuwedana taku řica iyanonpe a oyake řni.

22 Tuka niř token nitawacin

WICOWOYAKE 1.

kin naunnihonpi kta uncinpi, yu-
omdecapi kin de owancaya ya-
sicapi e sdonunyanpi ce.

23 Unkan anpetu wan cajeya-
tapi kin he en wicota Palos
yanke cin en hipi; unkan is
Wakantanka tokiconze kin yaot-
tanin, qa onspewicakiye ça, Mo-
ses toope kin wicašta wokcan
ko, etanhan Jesus on wahokon-
wicakiya, anpao kin etanhan
otpaze cin hehanyan.

24 Unkan hunli taku oyakapi
kin wicadapi, qa hunli is wica-
dapi sni.

25 Unkan okonwanjidan awa-
kicinpi sni kin, hehan kihdapi,
Palos wicoie wanjidan oyake
cin iyohakam; Woniya Wakan
kin Isaya wicašta wokcan kin
en, hunkake wicunyanpi kin
tanyan wowicakiyaka;

26 Qa heya, Oyate kin de ekta
wicai, qa heya wo; Wanañonpi
kin on nayañonpi kta tuka oya-
kañnigapi kte sni, qa wawanya-

kapi kin on wandakapi kta tuka
widukeanpi kte sni:

27 Oyate kin de cantepi kin
cepa aye ça nogepi kin on kitan
se wanañonpi, qa istapi kin o-
lmus icupi; ista kin on wawan-
yakapi kte sni, qa noge kin on
wanañonpi kte sni, qa cante kin
on okahnigapi kte sni, qa ihdue-
cetupi kte sni, qa miš okizi wi-
cawaye kte sni heon etanhan.

28 Hecen on he sdonya po,
Wakantanka wiconi tawa kin
Ikcewicašta kin wicaqupi, un-
kan hena is nañonpi kta ce.

29 Hena hecen eya, unkan Ju-
da wicašta kin kihdapi, qa nina
hdokinicapi.

30 Unkan Palos waniyetu nom-
tipi iyunwin ton odote cin he
ohra yanke ça, tona en hipi kin
owasin tin u wicaši.

31 Wakantanka tokiconze kin
yaotanin, qa Jesus Messiya Itan-
can taku tawa kin waditagya
oyaka ece, tuwedan tehinda sni.

PALOS,

ROMA OYATE

WOWAPI WICAKICAGE CIN.

WICOWOYAKE 1.

1 Palos Jesus Messiya taokiye,
yewicašipi kin en kicopi, Wa-
kantanka tawootanin wašte on
kañnigapi;

2 Ehanna wowapi wakan kin en
wicašta wokcan oyakapi qon hee;

3 Iye Cinhintku Jesus Messiya
Itancan unyanpi kin heon etan-
han; he qe wicacełpi eciyatan-
han Dawid cinca kin hetanhan
icaga;

4 Qa wowašake on Wakantan-
ka Cinhintku kin hee e yuotan-
inpi, Woniya Wakan kin eci-
yatanhan, wiconę etanhan piya
ikicage cin he en;

5 Iye kin eciyatanhan wowašte
unkicupi, qa oyate owasin wa-
cinyanpi kin anagoptanpi kte cin
heon yewicašipi wicołhan kin he
nakun, iye caje kin on:

6 Hena ehna Jesus Messiya
wicakico kin he niyepi.

7 Tona Roma ekta un kin owa-

sin, Wakantanka wašte wicakida, yaowotanpidan kte cin on wicakico kin hena, *wowapi cica-gapi*. Wowaońsida, wookiye ko, Wakantanka ateunyanpi, qa Jesus Messiya Itancan kin etanhan, nicipi un nunwe.

8 Tokaheya, Jesus Messiya eciyatanhan, niyepi owasin on etanhan, Wakantanka mitawa kin wopida ewakiya ece, niye wacinyayapi kin he maka kin owancaya cajeyatapi kin heon.

9 Wakantanka minagi kin eciyatanhan ohowada, iye Cinhintku tawootanin wašte kin en, he sdonmayan, ayaştan şni wocekiye epa eca, ohinniyan cajeciya-tapi ece;

10 Qa nakaha Wakantanka tawacin kin eciyatanhan ekta ciupi owakihi kte cin heon cewa-kiya ece.

11 Wanciyakapi nina wacin, woniya etanhan taku wicaqupi wan ciupi kta, on niyusutapi kte cin heon etanhan.

12 Niyepi kin on iyuşkinmayanpi kte cin he waka, niş niye qa miş miye napin wacinunyanpi kin on etanhan.

13 Mihunkawanji, he de sdonye şni dukanpi kta wacin şni, wanna ota ekta ciupi kta kepeca, tuka dehanyan iyomakipi şni, niyepi ekta waskuyeca wanjikji mduhe kta wacin, oyate toktokeca kin en *mduhe* cin he iyececa.

14 Helenes, Ikcewicašta ko, ksapapi, wacintonpi şni ko, hena iyohi wicaweciye şni waun.

15 Hecen token owakihi kin, niyepi nakun Roma ekta yaunpi kin, wootanin wašte kin ociciyakapi kta wacin.

16 Messiya tawootanin wašte kin on imaštece şni; he niwica-ye kte cin on Wakantanka to-

waşake kin hee, tona wicadapi kin hena en, Juda wicašta kin he tokaheya, qa hehan Helenes wicašta kin hena.

17 Heon etanhan Wakantanka owotanna olianye cin he wacinyanpi kin etanhan wacinyanpi ekta yuotaninpi; wowapi qon iyececa, Tuwe owotanna kin he wacinyanpi on ni kta ce.

18 Małpiya kin etanhan Wakantanka tocanniye kin yuotaninpi, woaktaşni owasin qa wicašta woalitani econpi kin en, tona woalitani on wowicake kin anaptapi kin hena en.

19 Hena on Wakantanka token sdonyapi kte cin taninyan un; Wakantanka sdonye wicakiya nakaeş.

20 Maka kagapi kin hetanhan Wakantanka towakan qa towaşake otokahe wanice cin hena tanin, hena wanyagpica şni ešta, taku kage cin on etanhan sdon-yapi ece; hecen on woanałibe yuhapi kte şni.

21 Qa hecen Wakantanka sdon-yapi, tuka Wakantanka iyecen yutanpi şni, qa pidapi şni; tuka tawacinpi kin ekta wałanłan-icida ayapi, qa iye cantepi wacintonşni kin otpas aya.

22 Ksapeicidapi kin en icunhan witkotkoka icalı ayapi.

23 Qa Wakantanka tepica şni towitan kin he wicašta te kte cin ouncage kin iyecen yutoke-capi, qa zitkadan, wahutopa, wautka kin hena koya.

24 Heon iye cantiheyapi şice cin en Wakantanka awicayuştan, ihduşapapi kte ça, iye tancanpi kin kiciyuşłhtinpi kte cin heon.

25 Hena Wakantanka wowicake tawa kin woitonşni kagapi, qa taku icalıyapi kin he yuonihanpi qa ohodapi, waicalı-

WICOWOYAKE 2.

ye cin he isanpa, he qe owi-
hanke wanin yawastepe nunwe.

26 Heon etanhan wocantiheye
sice cin en Wakantanka awica-
yustan; hecen winohinea wica-
yuhapi kin hena e wicohan owo-
tanna kin yutokecapi, qa owo-
tanna sni econpi ece.

27 Qa wicašta kin is eya win-
yan yuhapi kin he ayustanpi, qa
is iyepi otoiyo hi winktapi on ki-
cicinpi, wica kin wica kici wo-
wistece okicihanyanpi, qa iye
tancan mahen wahtanpi kin ta-
ku iyohi kte cin he yuhapi.

28 Qa Wakantanka wacin en
yuze wacinpi sni kin he iyecen,
Wakantanka is eya wicotawa-
cin walte sni kin en awicayu-
stan, hecen taku wowistece kin
hdustanpi kta.

29 Hena e woahitani owasin,
wiinalimanpi, wicošice, waicu-
cupi kte cin, qa ohinyanpi on
iyatahdepi; winawizipi, tin wi-
caktepi, wakinicapi, wohmeye,
qa wocanniye on ojupidan.

30 Waajijipi sa, waapi sa,
Wakantanka sice dapika, wa-
hanicidapi, wamnaicidapi, ihda-
tanpi sa, taku sica kagapi sa,
hunkakeyapi kin anawicago-
ptanpi sni;

31 Wacintonpi sni, woope ki-
caksapi, wacantkiyapi sni, wacin
tankapi sni, qa waonsidapi sni.

32 Hena Wakantanka toope
kin sdonyapi; (tona hecen econ-
pi kin hena wiconte iyahdeici-
yapi,) tuka is iye hecen econpi
qa tona heconpi kin hena on
iyokipipi ece.

WICOWOYAKE 2.

1 Heon etanhan wicašta kin
nituwe kašta, wadaco kinhan
iyaonpepica sni yaun kte sni.
Taku on wicašta tokeca daco

kinhan he en niye nihdaco, wa-
daco tuka niš eya he kici taku
okonwanjidan ecanon ece.

2 Tona wicohan hecen econpi
kin hena Wakantanka wowicake
eciyatanhan wicayaco kin he
sdonunyanpi.

3 Qa wicašta kin, niš tona he-
conpi kin wicadaco, qa iyecen
ecanon kinhan, Wakantanka wi-
cayaco kin he nayecipe kta ke-
canni he.

4 Qa is iye towašte wowijice
kin ayakta sni he, wacintanka
qa wawacinkta yuza tanka ko-
ya; qa Wakantanka towašte
kin nihduecetü kta aniye cin
hee e sdonyaye sni he.

5 Tuka cante nitelika, qa ni-
hduecetü sni kin eciyatanhan,
wocanniye anpetu, qa Wakan-
tanka owotanna wicayaco kin
yutaninpi iyehantu kte cin en,
wocantiyahde amnayaya he.

6 He wicašta otoiyo hi iye ohan
kin eciyatanhan wicakicu ece
e kta:

7 Tona wicohan wašte en ape
yukanpi, qa wowitan, woyuoni-
han, qa tepica sni kin akitapi
ece kin hena wiconi owi hanke
wanice kta:

8 Tuka tona wakinin unpi, qa
wowicake kin anagoptanpi sni,
tuka woahitani awacinpi kin he-
na, wošihda, qa wocanniye,

9 Wošitkihda, qa wokakije,
wicašta otoiyo hi taku sica econ
kin wicanagi kin kiciun kta, Ju-
da wicašta kin he tokaheya, qa
hehan Helenes hee kta.

10 Tuka wowitan, woyuoni-
han, wookiye ko, tona wašteya
ohanye cin hena kiciun kta, Ju-
da wicašta kin he tokaheya, qa
hehan Helenes hee kta.

11 Wakantanka wicašta ito-
hnake ekta etonwe sni ece.

12 Tona woope codan wahta-

nipi kin hena woope codan yutakunipi kte śni, qa tona woope kin en wahtanipi kin hena woope kin eciyatanhan wicayacopi kta.

13 Wakantanka ekta tona woope nahonpi kin hena owotanna kin eepi śni, tuka tona woope kin ecen econpi kin hena owotanna wicayawapi kta.

14 Tohan Ikcewicašta woope yuhapi śni kin hena iye cinka woope wicohan kin ecen econpi kinhan, woope yuhapi śni ešta, is iye woope ihduhapi ece.

15 Hena is iye cantepi kin ekta woope wicohan owapi kin he hdutaninpi, iye tawiyukan kin nakun he yaotanin, qa tawacinpi kin otioyohi tuktektan iyakicionpapi, qa akeś anakihmanpi ece.

16 Anpetu wan en, Wakantanka wotanin wašte mitawa kin eciyatanhan, Jesus Messiya on, wicašta taku nahmana awacinpi kin yaco kinhan.

17 Iho, Juda wicašta eniciyapi, qa woope kin awacin nanke ça Wakantanka on nihdatan,

18 Qa iye tawacin kin sdonya-ya, qa taku tona wašte kin idukan, woope kin tanyan onnispe nakaes;

19 Qa tona ista gongapi kin tanyan yewicayaye ça, otpaza ehna un kin iyoyamwicaye cin he niye kecannicin;

20 Qa wacinton śni kin hena waonspekiya niyuhapi, qa hoksiyoqopa kin onspewicayakiya ece, qa woope kin en wosdonye wowicake ko ouncage kin yuha yaun.

21 Heon etanhan wicašta tokeca onspeyakiye cin nis niye onspeniciye śni he. Wamanonpi kte śni keya odake cin, nis niye wamayanon he.

22 Wawicilahapi econpi kte śni kehe cin, nis niye tuwe wawiyakilah he. Wakagapi kin wahteyada śni kin nis niye tipi wakan kin etanhan wamayanon he.

23 Nis woope kin en iniwin-hta kin, woope kicaksapi kin on Wakantanka wowištenyaya he.

24 Niyepi eciyatanhan Ikcewicašta kin Wakantanka caje kin ostehdapi ece; wowapi en kagapi qon iyececa;

25 Woope kin oyape cinhan, awicakehan bakihtdayapi kin taku okihi ece; tuka woope yakaksa ece kinhan, banicilhtdayapi kin he bakihtdayapi śni icaga.

26 Heon bakihtdayapi śni kin he woope woowotanna kin tanyan ope cinhan, he bakihtdayapi śni kin bakihtdayapi kiciyawapi kte śni he.

27 Qa bakihtdayapi śni ece kin he woope kin ope cinhan, he, niye oowa qa bakihtdayapi kin eciyatanhan woope yecakse cin, niyaco kte śni he.

28 Tuwe akan tanhan ecedan hecece cin, he Juda wicašta kin heca śni; qa bakihtdayapi akan tanhan qa wicacehpi ecedan en un kin he hee śni;

29 Tuka tuwe mahen tanhan hecece cin he Juda wicašta kin hee, qa bakihtdayapi kin he oowa kin en he śni, tuka wicanagi kin en un kin hee; he wowitan kin wicašta akantu eciyatanhan śni, tuka Wakantanka eciyatanhan un.

WICOWOYAKE 3.

1 Hecen Juda wicašta kin token iyotan un he, qa bakihtdayapi kin he taku okihi he.

2 Taku owasin on iyotan, tuka tokaheya Wakantanka oie kin wicakupi qon he.

3 Qa wanjikji wicadapi śni ešta, hecen tokeca kta he. Hena wicadapi śni kin he Wakantanka wacinyanpi kin ecetu śni ye kta he.

4 Hiya, hecetu śni; Wakan-tanka wowicake kta, qa wicašta otoiyo hi iton kte śni; wowapi en kagapi qon iyececa; Nioie kin on nihdaowotanna kta, qa niya-copi kin en ohiyaye kta ce.

5 Tuka waunhitanipi kin hena Wakantanka toowotanna yutan-in kinhan token unkeyapi kta he; Wakantanka kakiświcaye cin he owotanna śni he; (wica-šta akantu kin iyecen iwaa;)

6 Hiya hecetu śni; *hecetu* kinhan token Wakantanka wicoi-cage kin wicayaco kta he.

7 Oiwatan śni kin on etanhan Wakantanka towicake kin he iye towitan kin hduotanin kinhan, token on etanhan walitani sa iyecen mayacopi he.

8 Qa tokeca taku wašte u kte cin heon taku śica econkupi kte śni he, unkakicagapi qa wanjikji, unkeyapi ce, keyapi kin iyececa; hena wicayacopi kin he owotanna.

9 He etanhan tokeca kta; un-kiye iyotan unwaštepi he. Hiya, takuśnina on. Wanna Juda Helenes wicašta ko, owasin woahitani ihukuya yukanpi kin he unyaotaninpi qon.

10 Wowapi en kagapi qon iyececa; Tuwedan owotanna un śni;

11 Tuwedan okalinige śni; tuwedan Wakantanka akite śni;

12 Owasin icunonpa iyayapi, ptaya ihduśicapi; tuwedan taku wašte econ śni, wanjidani ešta.

13 Dotepi kin wicahnakapi yu-ldokapi kin hee; cejipi kin on wicahnayanpi ece, ihapi kin en sintelida tage yukan:

14 Ipi kin wicayaśicapi qa wi-coie pa hinca ko on ojudan:

15 Sihapi kin iś weyapi kta e duzahanpi;

16 Tacankupi kin ohna wico-takuni śni wicokakije ko yukan;

17 Qa woikiye canku kin he sdonyapi śni.

18 Qa ištapi kin itokam Wa-kantanka kokipapi kin wanica ce.

19 Wooke kin taku tona eye cinhan, tona wooke ihukuya un kin hena hewicakiya ece e sdon-nyanpi. Hecen wicai otoiyo hi iohmus icupi kta, qa wicoicage owasin Wakantanka itokam wi-cayacopi kta.

20 Heon etanhan iye itokam, wooke wicoľan kin on, wicace-ľpi takudan yaowotanpi kte śni; wooke kin eciyatanhan woahita-ni sdonkiyapi ece.

21 Tuka nakaha wooke codan Wakantanka toowotanna kin yutaninpi; wooke qa wicašta wokcanpi kin he yaotaninpi ece.

22 Wakantanka toowotanna kin, Jesus Messiya wacinyanpi kin eciyatanhan u kin hee, tona wicadapi kin owasin en, qa owa-sin akan un, qa owasin akiyece-capi.

23 Owasin ĩin walitanipi, qa Wakantanka towitan ĩkin iyohi śni unpi.

24 Qa iye towaonsida kin on iyunwin codan owotanna wi-cayawapi, wopekitonpi Jesus Messiya en un kin he eciyatanhan.

25 He Wakantanka toka qe-han ehde, wokajuju kta, iye we kin wacinyanpi kin eciyatanhan, iye toowotanna hduotanin kte, woahitani ehanna econpi qon he-na kajujupi kin on etanhan.

26 Wakantanka tehan ape un kin en, nakaha iye toowotanna

kin hdutanin kta e heon; hecen iye kin owotanna un kta, qa nakun tuwe Jesus wacinye cinhan, he yaowotan kta.

27 Hehan ihdatanpi kin toki un he. He anaptapi. Woope kin tukte e on; wicohan kin hee he. Hiya, wacinyanpi woope kin hee on etanhan.

28 Heon woope wicohan codan, wacinyanpi on etanhan, wicašta kin owotanna yawapi e he unkiyukeanpi.

29 Juda oyate isnana Wakan-tanka tawapi he; qa Ikcewicašta tawapi šni he. Hiya, nakun Ikcewicašta tawapi.

30 Tuwe wacinyanpi on baki-hdayapi kin yaowotanna kte, qa wacinyanpi eciyatanhan baki-hdayapi šni kin owotanna yawa kte cin he Wakantanka wanjidan.

31 Hecen wacinyanpi kin on woope kin ecetu šni unyanpi he. Hiya, hecetu šni, tuka woope kin unyusutapi.

WICOWOYAKE 4.

1 Heon, Abraham ate unyanpi kin, wicacehpi eciyatanhan taku iyeye cigon tukte e he, unkeyapi kta he.

2 Abraham wicohan on ihdu-owotanna kinhan taku iwinkta kte cin hduha, tuka Wakantanka itokamya šni.

3 Wowapi wakan kin token eya he. Abraham Wakantanka wacinyan, qa woowotanna kiciyawapi qon.

4 Tuwe htani kin he wokajuju kin wowaonsida iyecen kiciyawapi šni, tuka wopetonpi kin he iyececa.

5 Tuka tuwe ohanye šni, qa tuwe tona wahitanipi kin wica-yaowotanna kin he wacinye cin-

han, wacinyanpi kin he wicoowotanna kiciyawapi ece.

6 Wicašta kin tuwe wicohan codan Wakantanka wicoowotanna kiciyawa kin wowašte yuhe cin he Dawid oyake cigon iyececa:

7 Tona taku šica econpi qon wicakicicajujupi, qa wahitanipi kin yutokan iyewicakiciciyapi kin hena wicayawaštepi ece.

8 Wicašta kin tuwe Itancan kin woahitani kiciyawa šni kin he yawaštepi ce.

9 Unkan wowašte kin de baki-hdayapi kin ecedan en au he; qa is baki-hdayapi šni kin nakun en au he. Wacinyanpi kin he Abraham woowotanna on kiciyawapi ce, unkeyapi qon.

10 Token he on kiciyawapi he; baki-hdayapi kin en un, qa is baki-hdayapi šni en. Baki-hdayapi en un šni, tuka baki-hdayapi šni kin en icunhan.

11 Qa nahanhin baki-hdayapi šni un kin en icunhan, baki-hdayapi kin he wowapetogton, wowacinye woowotanna ipuspe kin hee icu; hecen tona wacinyanpi kin owasin, bawicalidayapi šni ešta, he ateyapi kta, qa nakun hena e wicoowotanna wicakiciyawapi kta.

12 Qa tona baki-hdayapi kin heceepidan šni, nakun Abraham ateunyanpi, hinalin baki-hdaye šni, he ehan wacinye cigon, tona he oye kin ohna manipi kinhan, hena is eya baki-hdayapi kin en ateyapi kte cin heon.

13 Maka kin tawaye kte cin, Abraham iye cinca kin om, iwahoyapi qon he woope kin eciyatanhan šni, tuka wacinyanpi on woowotanna kin eciyatanhan.

14 Tona woope kin eciyatanhanpi kin hena tawayapi kte cin eepi hecinhan, wacinyanpi kin

ecetušniyapi, qa wahoyapi qon he nakun takudan okihi šni.

15 Wooke kin he wocanniye kaga; tukten wooke wanica hecinhan hen woahitani nakun wanica.

16 Heon etanhan, he wacinyanpi kin on, wowaonsida eciyatanhan kte cin heon, qa wahoyapi qon cincapi kin owasin en wicakiciyusutapi kta, tona wooke eciyatanhan unkin hecedan šni, tuka tona Abraham, unkiye owasin ateunyanpi kin, wacinye ciquon en opapi kin hena koya.

17 Wowapi qon iyececa; Ikcewicašta oyate ota atenyapi kta e ecihde ce; Wakantanka wicašte cin ake ni wicaye ca, taku tona un šni kin hena taku un kin iyecen cajeyata ece kin he wacinyan kin heon etanhan.

18 Oyate ota ateyapi kte cin he apewica šni, tuka wacinyan un kin heon ape, taku eyapi qon iyececa; Nicinca iyenaka kta ce.

19 Qa wašagya wacinye cin heon iye tancan kin wanna kan he awakicin šni, wanna waniyetu opawinge ikiyedan, qa Sara tamni kin nakun wanna ecece šni tuka.

20 Qa Wakantanka wahoye cin he ceŋunhda kin on kaktihanhan šni; tuka wacinyanpi on wakisaka un, qa Wakantanka yatan.

21 Qa taku iwahoye cin he een econ kta okihi e he nina wicada.

22 Heon etanhan he wicoowotanna kiciyawapi.

23 Qa he hecen kiciyawapi kin he iye išnana on wowapi kin en kagapi šni;

24 Tuka unkiyepi on, he unkiyawapi kte cin heon etanhan, tuwe Jesus Messiya Itancan unkiyapi kin wiconŋe etanhan na-

jin kiye ciquon he wacinunyanpi kinhan.

25 Iye waunhtanipi kin on wicacuppi, qa owotanna unyawapi kte cin on ake najinkiyapi qon.

WICOWOYAKE 5.

1 Hecen wacinyanpi on owotanna unyawapi kin, heon etanhan Wakantanka ekta wookiye unhapi, Jesus Messiya Itancan unkiyapi kin eciyatanhan.

2 Qa he iye eciyatanhan en unhiyupi, wowaonsida en ahan naunjinpi kin en, wacinyanpi kin on etanhan, qa Wakantanka towitan kin ape unkiyuškinpi ece.

3 Qa hecedan šni, nakun woka-kije on unkiyuškinpi ece; woka-kije kin he wacin tankapi kaga e sdonunyanpi;

4 Qa wacin tankapi kin he wiyukcanpi, qa wiyukcanpi kin he woape;

5 Qa woape kin he išten wicaye šni, Woniya Wakan unqupi kin he eciyatanhan, Wakantanka towašte uncantepi kin en unkokicicaštanpi kin he etanhan.

6 Takudan unkokihipi šni kin he icunhan, wanna iyehantu qehan Messiya wahtanipi sa kin on ŋa.

7 Tuwedan wicašta owotanna kin on ŋe kte šni naceca; tuka okiinni wicašta wašte on tuwe ŋe kta tawaŋenye kta nace.

8 Tuka wahtanipi sa heuncapi kin he icunhan, Messiya unkiyepi on ŋe cin he en, Wakantanka token canteunkiyapi kin hduotanin.

9 Hecen sam iyeya, nakaha iye we kin on owotanna unyawapi kin, iye eciyatanhan wocanniye kin etanhan eunhdakupi kta.

10 Toka unyakonpi qehan he

icunhan, iye Cinhintku te cin eciyatanhan, Wakantanka kici okiciciye unyanpi hecinhan, he sam iyeya kici okiciciya unyankonpi kin, iye ni un kin eciyatanhan ni unyanpi kta.

11 Qa hecedan śni, tuka nakun Wakantanka kin en unkiyuśkinpi, Jesus Messiya Itancan unkiyapi kin eciyatanhan, he etanhan nakaha wookiye unhapi.

12 Heon etanhan wicaśta wanjidan eciyatanhan woahṭani wicoicage kin wicehna hiyu, qa woahṭani etanhan wiconṭe, qa hecen wiconṭe wicaśta owasin akan iwicayaya, owasin waḥtanipi nakaes.

13 Wooke kin itokam woahṭani wicaśta kin ehna un; tuka tukten wooke wanice cinhan hen woahṭani wicakiciyawapi śni ece.

14 Hececa eśta, Adam qa Moses iyotahedan wiconṭe ounyan, Adam tuwe u kte cin oowa kin hee waḥtani kin tona iyecen waḥtanipi śni kin hena eepi kaeś en ounyan.

15 Tuka woahṭani qon he kici wowaonśida kin akidecece śni. Wicaśta wanjidan waḥtani qon he on wicota ṭapi hecinhan, he sam iyeya Wakantanka towaonśida, qa wowaonśida on ituwicakihanpi kin he wicaśta wanjidan, Jesus Messiya kin hee on wicota en wicakiciyuota kta.

16 Qa wicaśta wanjidan waḥtani qon eciyatanhan, wowaonśida on ituwicakihanpi kin he iyecece śni. Wanjidan on etanhan wiconṭe iwicayacopi; tuka wowaonśida on ituḥanpi kin he woahṭani ota etanhan wicayao-wotanna kta.

17 Wicaśta wanjidan waḥtani kin on etanhan wanjidan eciyatanhan wiconṭe ounyan hecin-

han, he sam iyeya tona wowaonśida untkana, qa wicoowotanna wicaqupi kin icupi kin hena, wanjidan, Jesus Messiya kin hee, e eciyatanhan wiconi kin en ounyanpi kta.

18 Heon etanhan woahṭani wanjidan eciyatanhan, wicaśta owasin en wiconṭe iwicayacopi kin aupi; he iyecen woowotanna wanjidan on etanhan wiconi iwicayaowotanna kin he wicaśta owasin en aupi.

19 Wicaśta wanjidan waanagoptan śni un qon he etanhan wicota waḥtani sa wicakagapi kin, he iyecen wanji waanagoptan un kin eciyatanhan wicota owotanna wicakagapi kta.

20 Woahṭani ihduota kte cin heon wooke kin hi, tuka tukten woahṭani yuota ikicage ciqon hen wowaonśida nina sam iyeya ihduota.

21 Hecen wiconṭe en woahṭani ounye ciqon he iyecen wiconi owihanke wanica en wowaonśida ounye kta, Jesus Messiya Itancan unkiyapi kin eciyatanhan.

WICOWOYAKE 6.

1 Hecen taku unkeyapi kta he. Wowaonśida yuotapi kte cin heon woahṭani en unkitanpi kta he.

2 Hiya hecetu śni. Tona woahṭani ekta unṭapi kin, token he en nakun unnipi kta he.

3 Tona Jesus Messiya en baptem wicaqupi kin hena iye te cin en baptem wicaqupi kin he sdonyayapi śni he.

4 Heon etanhan baptem eciyatanhan he kici unhnakapi, wiconṭe kin en, hecen iye Atkuku towitan kin Messiya wicaṭe cin etanhan ekicetu ye ciqon he iyecen unkiś eya wiconi teca kin en maunnipi kta.

5 Qa iye te cin iyacinpi kin en kici huunhdepi hecinhan, nakun he piya ikicage cin en iyecen unyakonpi kta.

6 Qa wicašta tanina unhapi kin he iye kici icipawehi okatanpi kin he sdonunkiyapi, hecen woaltani tancan kin he ihangyapi kta, qa hetanhan woaltani wowidag unyanpi kte šni.

7 Tuwe te cinhan, he wanna woaltani etanhan kiyuškapi.

8 Hecen Messiya kici unŋapi hecinhan, kici unnipi kta e wacinunyanpi.

9 Qa Messiya wicaŋe cin etanhan ekicetuyapi qon he ake ici-mana te kte šni e sdonunyanpi; tokati wiconŋe tohinni yuha okihi kte šni.

10 He te ciqon wancadan woaltani on ŋa; qa he kini kin Wakantanka on ni un.

11 He iyecen niš eya woaltani on te nihdawapi, tuka Wakantanka ekta ni yaunpi, Jesus Mes-iya Itancan unkiyapi kin eciyatanhan.

12 Heon nitancan te kte cin en woaltani ounye šni nunwe, hecen wocantiheye ŋice cin anayagoptanpi kte šni.

13 Qa nihuhapi kin hena wicoŋan ŋica en woaltani wowinyunye kta e qupi šni po, tuka wicaŋe cin etanhan ni un kin iyecen Wakantanka iŋicu po, qa nihuhapi kin wicoowotanna en Wakantanka wowinyunye kiya po.

14 Woaltani icimana inidakapi kte šni. Woope kin ihukuya yaunpi šni tuka wowaonšida kin ihukuya.

15 Hecen tokeca kta; woope kin ihukuya unyakonpi šni, tuka wowaonšida ihukuya unyakonpi kin heon etanhan waunŋitanipi kta he. Hiya hecetu šni.

16 Tuwe anayagoptanpi kta inidake niŋiyapi kin he anayagoptanpi kin on wowidake niyanpi kin he sdonyayapi šni he; he woaltani wiconŋe aiyahdeye cin hee, qa iš waanagoptanpi kin on wicoowotanna kta.

17 Tuka Wakantanka wopida kiciun nunwe, woaltani inidakapi tuka qon; tuka woonspecedan en yenianpi qon he cante eciyatanhan oyapapi.

18 Qa woaltani etanhan enihdakupi kin, heon wicoowotanna wowidake niyan yaunpi.

19 Wicašta akantu kin iyecen iwaa ce, nicehpipi waŋake šni kin heon etanhan. Wicoŋice en nihuhapi kin aŋapapi qa woaltani wowinyunniyanpi kta e iyowinyakiyapi qon, he iyecen nakaha wicayuecedan kin en nihuhapi kin wicoowotanna inidakapi kta e iyowinkiya po.

20 Woaltani wowidake niyanpi qehan, wicoowotanna inidakapi šni.

21 Hehan taku nakaha on iniŋtecapi kin hena en taku waskuyeca duhapi qon he tukte e he; hena e ihanke kin he wiconŋe ee.

22 Tuka nakaha woaltani etanhan enihdakupi, qa Wakantanka wowidake niyanpi, heon wicayuecedan on waskuyeca duhapi, qa he ihanke kin owihanke wani wiconi kin hee.

23 Woaltani wokajuju kin he wiconŋe ee; tuka Wakantanka taku ituwicakiŋan kin he, Jesus Messiya Itancan unkiyapi kin eciyatanhan, owihanke wanin wiconi kin hee.

WICOWOYAKE 7.

1 Mihunkawanji, (tona woope sdonyapi kin hena owicawakiya); woope kin wicašta kin wo-

widag ya, tohanyan ni un kin hehanyan, he sdonyayapi śni he.

2 Winohinca kin tuwe hihna ton kinhan, hihnaku ni un kin hehanyan, toope kin on kaškapi; tuka hihnaku kin wanna ƣe cinhan hehan hihnaku toope kin etanhan kiyuškapi.

3 Hecen hihnaku ni un kin icunhan, wicašta tokeca hihnaye cinhan, wawicihahapi econ eciyapi kta; tuka hihnaku ƣe cinhan hehan woope qon etanhan kiyuškapi qa wicašta tokeca hihnayan ešta he wawicihahapi econ śni.

4 Heon etanhan, mihunkawanji, niś eya Messiya tancan kin eciyatanhan woope kin ekta niƣapi kin; hecen tuwe tokeca hihnayayapi kta, tuwe wicaƣe cin etanhan ekicetuyapi qon he hee; hecen Wakantanka on waskuyeca icalhunyanpi kta.

5 Wicacehpi kin en unyakonpi qehan, woahłani wocantiheye kin, woope kin eciyatanhan un kin, hena waskuyeca wiconƣe icalkiciciye kta e heon unhuhapi kin en oħanyan.

6 Tuka nakaha woope kin etanhan unkiyuškapi, taku on unkaškapi qon he ekta unƣapi kin; hecen oowa tanina kin en wowidag unyanpi kte śni, tuka woniya teca kin en.

7 Hecece cinhan token unke-yapi kta he: Woope kin he woahłani kin ee he: Hiya, hecetu śni; woope eciyatanhan śni unkanś, woahłani sdonwakiye kte śni tuka qon. Woope kin, Tokan tawa yacin kte śni ce, eye śni unkanś, wocantiheye śice cin sdonwaye kte śni tuka.

8 Hehan woahłani woahope kin wowinyunye ƣa, miye mahen wocantiheye śice cin owasin mi-

caga. Woope codan woahłani ƣa wanka.

9 Ehanna woope codan ni wau-; tuka woahope kin he hi qehan, woahłani kini, qa miye maƣa.

10 Qa woahope kin wiconi kta e on yuštampi qon he wiconƣe kin ee imicicaga ce.

11 Woahłani woahope kin wowinyunyan, hecen mahnaye ƣa, on makte.

12 Hecen woope kin he wakan; qa woahope kin he nakun wakan, owotanna qa wašte.

13 Hecen taku wašte kin he wiconƣe imicicaga he. Hiya hecetu śni. Tuka woahłani kin he woahłani hee e tanin kta, heon taku wašte on etanhan wiconƣe icalı miciciya; hecen woahope kin eciyatanhan woahłani kin iyotan śice kta.

14 Woope kin he wakan sdonunyanpi; tuka miye qe wicacehpi kin hemaca, qa woahłani ihukuya wiopemayanpi.

15 Taku ecamon ece kin he iyowinwakiye śni. Taku wacin kin he ecen ecamon śni; tuka taku śice wadake cin he ecen ecamon ece.

16 Taku wacin śni kin he ecen ecamon kinhan, woope kin he wašte e mduotanin.

17 Qa hecen tuwe hecon kin he miye śni, tuka woahłani miye mahen un kin hee.

18 Miye en, micelipi kin he waka, taku wašte en maun śni e sdonwakiya. Iciconzapi kin he iyemicihantu, tuka token taku wašte ecamon kte cin iyewakiye śni.

19 Taku wašte wacin kin he ecen ecamon śni; tuka taku śica wacin śni kin hee ecen ecamon ece.

20 Hecen taku wacin śni kin

WICOWOYAKE 8.

he ecen ecamon kinhan, tuwe hecon kin he miye *śni*, tuka woahitani miye mahen un kin he *hecon*.

21 Hecen woope wanji iyewakiya, taku wašte ecamon wacin eca, taku *śica* miye en micium ece.

22 Wicašta mahentu kin eciyatanhan Wakantanka toope kin on imduškin :

23 Tuka mihuha kin en woope tokeca wan wanmdaka, he mitawacin toope kin kici kicize ça, woahitani woope mihuha kin en un kin he en wayaka amahda.

24 Wicašta nina iyokišice cin he miye ; tuwe wiconšte tancan kin de etanhan emahdaku kta he.

25 Wakantanka wopida ewakiya ece, Jesus Messiya Itancan unkiyapi kin hee on etanhan. Hecen miye mitawacin kin on Wakantanka toope kin wowidag mayan, tuka wicacełpi eciyatanhan woahitani woope kin he *imadaka*.

WICOWOYAKE 8.

1 Heon etanhan, nakaha tona Jesus Messiya en un kin, hena wiconšte iwicayacopi wanin unpi, wicacełpi eciyatanhan manipi *śni*, tuka Woniya kin eciyatanhan.

2 Wiconi Woniya toope kin Jesus Messiya en un kin, he woahitani wiconšte ko woope kin etanhan makiyuška.

3 Woope kin wicacełpi eciyatanhan waśake *śni* un qon he taku okihi *śni* kin hee Wakantanka *econ*, iye Cinhintku wicacełpi wahtani ouncage kin en hiyuya, woahitani on, qa wicacełpi kin en woahitani yaco.

4 Hecen tona wicacełpi kin eciyatanhan maunnipi *śni*, tuka

Woniya eciyatanhan, unkiyepi en woope wicoowotanna kin ecetu kta.

5 Tona wicacełpi eciyatanhan un kin hena wicacełpi taku tawa kin awacinpi ; qa tona Woniya kin eciyatanhan un kin hena taku Woniya tawa kin *awacinpi*.

6 Wicacełpi awacinpi kin he wiconšte kin ee ; tuka Woniya awacinpi kin he wiconi qa wookiye kin hee.

7 Wicacełpi wicotawacin kin he Wakantanka toka ya. He Wakantanka toope kin ope *śni*, qa nakun ecaca okihi *śni*.

8 Hecen tona wicacełpi kin en un kin hena Wakantanka iyokipi yapi kta okitpanipi.

9 Tuka niyepi wicacełpi kin en yaunpi *śni*, Woniya kin en yaunpi, Wakantanka Taniya kin niyepi kin en ounye cinhan. Qa tuwe Messiya Taniya kin yuhe *śni* kinhan he tawa *śni*.

10 Qa Messiya en niunpi kinhan, wicatancan kin he woahitani eciyatanhan ta, tuka wicanagi kin he wiconi un, wicoowotanna eciyatanhan.

11 Tuwe Jesus wicašte cin etanhan najin kiye cizon he Taniya kin niyepi en ounye cinhan, tuwe Messiya wicašte cin etanhan najin kiye cizon hee nitancan tapi kte cin ekicetu ye kta, iye Taniya Wakan niyepi en ounye cin he eciyatanhan.

12 Heon etanhan, mihunkawanji, wicacełpi kin takudan ikicazo *śni* unyakonpi, on etanhan wicacełpi kin eciyatanhan unniipi kta.

13 Wicacełpi kin eciyatanhan yanipi kinhan niłapi kta ; tuka Woniya kin eciyatanhan wicatancan wicołhan kin te yakiyapi kinhan yanipi kta.

14 Wakantanka Taniya kin tona yus awicaye cin hena Wakantanka cinca wicaye cin eepi.

15 Ake wokokipe kta e on ooki-yeyapi woniya kin iyacupi *śni*, tuka cinhintkuyapi woniya kin he iyacupi, on Abba, Ate, eya hoyeunki-yapi ece.

16 Qa Wakantanka cinca kin heuncapi e unnagipi kin kici Woniya kin e unyuotaninpi.

17 Unkan uncincapi kinhan tawayapi kte cin heuncapi; Wakantanka tawayapi; Messiya kici tawayapi kte cin; kici unakijapi kinhan, nakun kici wowitan unhapi kta ce.

18 De nakaha wicokakije kin he, wowitan unkiyepi en ecadan yutaninpi kte cin kici akiyecen yawapi kta e iyecece *śni* wadaka.

19 Wakantanka cinca wicayutaninpi kte cin on taku kagapi kin cantokpaniyan ape yanka.

20 Taku kagapi kin he woce-tu *śni* kin en ihukuya ye kta cin *śni*, tuka tuwe woape on he wwidagye cin hee on etanhan.

21 Qa taku kagapi kin hee kaes wicaliwini wowidagya kin etanhan kiyuskapi kta, qa Wakantanka cincawicaye cin ihduhapi wowitan kin en yeyapi kta.

22 Taku icage cin owasin dehanyan witaya comnihdazi, qa hoksiksuya un e sdonunyanpi.

23 Qa hecedan *śni*, tuka unkiš eya Woniya kin taku tokaheya icaliya unhapi kin, unkiyepi qe comniunhdazipi, qa atayedan cinca yapi kte cin unkapepi, unkitancanpi ekicetu ye kte cin hee.

24 Woape kin on niunyanpi; tuka woape wanyakapi kin he woape kin ee *śni*, tuwe taku wanyake cinhan tokeca e nahahin ape yanka he.

25 Tuka taku wanunyakapi *śni*

kin he unkapepi hecinhan, hehan wacintankapi on unkiyepi kta e ape unyakonpi ece.

26 Qa nakun Woniya kin is waunsakapi *śni* kin en icunhan ounkiyapi ece. Token wocekiye unkeyapi kte cin sdonunki-yapi *śni*, tuka Woniya kin e qe unkiyepi on wocekiye eya, hawayapi oyagpica *śni* kin on.

27 Qa tuwe wicacante iyukcan kin he Woniya kin token wacin yuze cin sdonya, he Wakantanka *tawacin kin* eciyatanhan tona owotanna un kin hena on wocekiye eya ece.

28 Unkan Wakantanka waste dakapi kin hena taku owasin tanyan owicakilhan ece e sdonunyanpi, tona iye tawacin kin eciyatanhan wicakicopi kin hena.

29 Tona otokaheya tanhan sdonwicakiye cion hena wicakiconza, iye Cinhintku ounce kin en icagapi kte cin heon, qa hecen he hunkawanjitku ota ehna tokapa kta.

30 Qa tona wicakiconze cion hena wicakico; qa tona wicakico qon hena wicayaowotanna; qa tona wicayaowotanna qon hena is eya wicayutan.

31 Heon etanhan hena taku kin en taku unkeyapi kta he. Wakantanka unkiyepi un kinhan, tuwe kaseunyanpi kta he.

32 Tuwe iye Cinhintku kin kpatan *śni*, tuka unkiyepi owasin on kpagan qon, he iye kici taku owasin iyakicuya unqupi kte *śni* he.

33 Tona Wakantanka wicalinige cin hena tuwe taku iyawicaonpe kta he. Wicayaowotanna kin he Wakantanka kin ee ce.

34 Tuwe wayaco kta he. Tuwe te cion he Messiya ee, qa ake

piya ikicage cin hee, Wakantanka etapa kin eciyatanhan yanke eci, unkiyepi on wocekiye eciya.

35 Tuwe Messiya towašte kin etanhan unyušpapi kta he. Wicokakije, wošitkihda, wicokicize, wicaakihan, tancowicakadan, wokokipe, qa maza sagye *okihi* kta he.

36 (Owapi qon he hecetu, Niye kin on anpetu ohinniyun unktepi *unyakonpi*, tahnca ktepi kte cin iyecen unyawapi ce.)

37 Tuka hena taku kin owasin en, tuwe canteunkiyapi qon he eciyatanhan, tanyan ohiye unyakonpi.

38 Heon, wiconte, qa wiconi, qa mahpiya ohnihde cin hena, qa wokiconze kin, qa wicowaške kin, qa taku nakaha un kin taku u kte cin ko;

39 Qa taku wankantuya un kin, qa taku mahentuya un kin, qa taku icage cin tokeca, takudan Wakantanka towašte, Jesus Messiya Itancan unkiyapi en un kin, he etanhan unyušpapi kte šni e sdonwaye hinca.

WICOWOYAKE 9.

1 Messiya eciyatanhan wowicake epe, itonšni mawanica, minagi kin hee e Woniya Wakan kin kici mahdutanin;

2 Nina iyomakišice e micante ekta ohinniyun iyokišin waun.

3 Mihunkawanji qa tona wicacehpi eciyatanhan takuwicawaye cin hena on, Messiya etanhan mayacopi tawaŋenwaya owakihi tuka.

4 Hena Israel wicašta kin hecapi, qa atayedan cinkši wicaye cin hena eepi, qa wowitan, qa wicotakuye, qa woope wicaqupi kin, qa wawokiyapi kin, qa wahoyapi kin hena tawapi.

5 Qa hunkake wicayapi kin etanhanpi kin hena eepi, qa hena etanhan wicacehpi eciyatanhan Messiya inapa, he owasin iwankam Wakantanka kin ee, owihanke wanin wowašte yuha nunwe.

6 Wakantanka oie kin ecetu šni aye cin he wake šni. Tona Israel etanhanpi kin hena owasin Israel hecapi šni.

7 Qa Abraham etanhan icagapi kin heon owasin cincapi kin hecapi šni. Tuka, Isaak etanhanpi kin hena nicinca ewicakiyapi kta ce.

8 He kaketu, tona Wakantanka cinca wicaye cin hena wicacehpi eciyatanhan cinca wicayawapi qon heon etanhan šni, tuka tona cinca wahoyapi qon hena e wicowazi kin ee iyawapi.

9 Wahoyapi wicoie kin he decetu, Omaka dehantu kinhan wau kta, qa Sara cinhintku wan ton kta ce.

10 Qa heceyedon šni, tuka Rebeka nakun wanjidan on, Isaak ateunyanpi kin hee on, ihdušake ehan,

11 Nabanhin tonpi šni, taku wašte taku šica ko unmana nahanhin econpi šni, Wakantanka tawacin kin wicakahnigapi kin en sutaya un kte cin heon, wicohan kin eciyatanhan šni, tuka tuwe wicakico kin he eciyatanhan;

12 Hehan heciyapi, Hakakta kin he tokapa kin wowidag ye kta ce.

13 Owapi qon he kaketu, Jakob wašte wadaka, tuka Esau šice wadaka ce.

14 Hecen token unkeyapi kta he. Wakantanka owotanna šni econ he. Hiya, hecetu šni.

15 He Moses heciya; Tuwe onšiwakida kte cin he onšiwaki-

da kta, qa tuwe wacin en mduze kte cin he wacin en mduze kta ce.

16 Heon etanhan tuwe cin kin eciyatanhan šni, qa tuwe inyanke cin he nakun eciyatanhan šni, tuka Wakantanka onšiwicakida kin he eciyatanhan ece.

17 Wowapi wakan kin he Pharo heciya; He dee on etanhan icaliciya, niye en mitowašake kin wahduotanin kta, qa maka owancaya micaje kin oyakapi kte cin heon.

18 Heon etanhan tuwe kašni-ge cinhan, he onšikida ece; qa tuwe kašnige cinhan he yutehi ece.

19 Hecen hemayakiye kta nace; Tokeca e nahanšin wicaba he; tuwe e iye tawacin kin ece-tušniya he.

20 Hiya, wicašta kin, niš nituwe he, hecen Wakantanka i en hiyeyaya he. Taku kagapi kin he tuwe kage cin, Tokeca hecen mayakaga he, eciye kta he.

21 Maka wakšica kage cin heca maka kin okihi šni he, upšija omnaye wanjidan etanhan wakšica wan woyuonihan, qa wanji iš wowištece on kage kte šni he.

22 Hecen Wakantanka wocanniye kin hdutanin kta cin, qa towašake kin sdonye unkiyapi kta e on wocanniye wakšica wicotakuni šni kicagapi qon hena wawacinkta yuza tanka on wicakuwa cinhan;

23 Qa tona wowaonšida wakšica kin otokaheya tanhan wowitan on wiyeya ehnakapi qon, hena en iye towitan wowijice kin hduotanin kta.

24 He wicakico kin hena unkiyepi, Juda oyate etanhanpi kin hecedan šni, tuka nakun Ikcewicašta etanhanpi.

25 Hose en heye cigon iyececa;

Tona mitaoyate šni kin hena mitaoyate ewicawakiye kta, qa wašte dakapi šni qon he wašte dakapi kin ewakiye kta.

26 Qa tukten, Mitaoyate kin he niyepi šni ce, ewicakiyapi qon, hen, Wakantanka ni un cinca kin ewicakiyapi kta ce, *eya*.

27 Isaya iš *eya* Israel oyate kin on hotanin; Israel cincapi kin miniwanca wiyaka sukaza iye-cen ota yawapi ešta, tona okaptapi kin henana nipi kta ce, *eya*.

28 Wayawapi yuptecedan kta qa wicoowotanna en hduštan kta; maka akan Itancan kin yawawapi ptecedan wan kage kta.

29 Qa he itokam Isaya heye cigon; Sabaoth Itancan kin wicowazi wan unkokicicaptapi šni unkanš, Sodom iyecen unyakonpi kta, qa Gomorra en unkiyoptapi kta tuka.

30 Hecen token unkeyapi kta he. Ikcewicašta kin wicoowotanna iyeyapi ce, wacinyanpi kin eciyatanhan wicoowotanna kin hee.

31 Tuka Israel wicoowotanna woope odepi qon hena wicoowotanna woope kin iyohipi šni.

32 Tokeca he. Wacinyanpi kin eciyatanhan šni, tuka woope wicošan kin eciyatanhan odepi kin, heon etanhan. Inyan ibotopi kin de on siha ibotopi.

33 Wowapi kagapi qon iyececa; Wanyaka wo, Zion en inyan ibotopi, qa imniya on hicanhanpi wan ewahde; qa tuwe he wacinye cinhan inihan kte šni.

WICOWOYAKE 10.

1 Mihunkawanji, micante cantihye ɔa taku Wakantanka ice-wakiye cin, Israel oyate kin wicani kte cin hee.

WICOWOYAKE 11.

2 Hena wicaweciyaotanin, Wakantanka wacin en yuzapi tuka he wosdonye eciyatanhan šni.

3 Wakantanka toowotanna kin sdonyapi šni, qa iye wicoowotanna tawapi kin hdusutapi akitapi, qa Wakantanka toowotanna kin he ihukuya iyeiçiyapi šni.

4 Tona wicadapi kin owasin en Messiya kin he wicoowotanna woope woyuŝtan kin hee.

5 Woowotanna woope kin eciyatanhan kin he on Moses kaken owa qon; Wicaŝta tuwe hena taku kin econ kinhan, hee hena on ni kta ce.

6 Tuka wacinyanpi eciyatanhan wicoowotanna un kin he kaken eya, Nicante kin mahen, Messiya kun ahi kte cin heon tuwe malipiya ekta wankan ye kta he;

7 Qa, Wicaŝe cin etanhan Messiya yuwankan au kte cin heon tuwe woŝbe kin ekta ye kta he, eye šni wo.

8 Tuka taku eya he; Wicoie kin he nikiyedan un, nii kin ohna, qa nicante kin en un, wacinyanpi wicoie unkoyakapi kin he hee.

9 Nii kin on Jesus Itancan kin yahdaotanin, qa he wicaŝe cin etanhan Wakantanka ekicetu ye cin he, nicante kin eciyatanhan wicayada kinhan, yani kta.

10 Wicoowotanna kta e wicacante on wicadapi, qa wiconi kta e wicai kin on wohdakapi ece.

11 Wowapi wakan kin he heya, Tuwe he wacinye cinhan, he wiŝtece kte šni ce.

12 Juda qa Helenes oyate kin kici ocikpanipi wanica. Tuwe owasin en Itancan kin he tona hoyekiyapi kin hena owasin en wijinya un.

13 Tona Itancan caje kin ho-

yekiyapi kinhan hena otoiyohipi kta.

14 Tuka tuwe kin wacinyanpi šni kinhan token on he hoyekiyapi kta he; qa he nabaŝin naŝonpi. šni kinhan token wacinyanpi kta he; qa tuwedan oyake šni kinhan token naŝonpi kta he.

15 Qa ekta ye wicaŝipi šni kinhan token oyakapi kta he. Owapi qon he hecetu; Tona wookiye wotanin waŝte kin oyakapi, qa taku waŝte en wotanin waŝte oyakapi kin hena sihapu kin iyo-tan waŝte ce.

16 Tuka owasin wotanin waŝte kin anagoptanpi šni. Isaya heye ciqon; Itancan, tuwe unko-yakapi kin wicada he.

17 Heon etanhan wanaŝonpi kin eciyatanhan wicadapi kin u, qa wanaŝonpi kin he Wakantanka oie kin eciyatanhan.

18 Unkan miŝ, Hena naŝonpi šni he, epe. Hiya, hena oqo kin makoce owasin ekta iyaye ça wicoie kin maka ihanke kin hehanyan i.

19 Qa Israel oyate kin he sdonyapi šni he. Tokaheya Moses heya, Tona oyate šni se un kin hena on iyocipaŝtakapi kta, qa ikce oyate wacinton šni wan on ŝinhdaciyapi kta ce.

20 Tuka Isaya nina waditake ça heya; Tona omadepi šni qon hena e iyemayanpi, qa tona amakitapi šni qon hena en mihdutanin ce.

21 Qa Israel oyate kin hewicakiya, Anpetu osan oyate wanaŝon šni qa wacetuŝhdapi kin he nape wicawakiyugata ce.

WICOWOYAKE 11.

1 Heon hepa, Wakantanka taoyate kin elipewicakiya he. Hiya hecetu šni. Israel wica-

šta kin hemaca, Abraham cinca, qa Benjamin wicoun kin hema-tanhan.

2 Wakantanka taoyate kin to-na otokaheya tanhan sdonwica-kiye ciqon hena elipewicakiye šni. Wowapi wakan Elijah on token eye cin sdonyayapi šni he ; Wakantanka cekiye ça, Israel oyate kin cajeyata qa heya ;

3 Itancan, wicašta wokcan ni-tawa kin hena wicaktepi, qa wa-hna wošnapi nitawa kin yujuju-pi, qa miye mišnana omakaptapi, unkan țe mayanpi kta akitapi ce.

4 Tuka Taku Wakan kin token eya ayupta he ; Nahahin Baal en canpeška makehde inajinpi šni kin wicašta kektopawinge šakowin wicawahduha ce.

5 He iyecen nakaha wowaon-šida wicakašnigapi kin eciya-tanhan hunh okaptapi.

6 Qa he wowaonšida eciyatan-han kinhan hehan wicoľan eci-yatanhan šni ; hecetu šni kin-han, wowaonšida kin wanna wowaonšida heca šni. Qa wi-coľan eciyatanhan kinhan, he-han wowaonšida eciyatanhan šni ; hecece šni kinhan, wicoľan kin wanna wicoľan heca šni.

7 Hecen toketu kta he ; Israel taku akite ciqon he iyeye šni, tuka tona wicakašnigapi kin he-na e iyeyapi, qa unmapi kin išta gongce wicayapi.

8 Wowapi qon iyececa ; Wi-caliba wicacante kin Wakantan-ka wicaqu, išta on wiwanyakapi kte šni, qa noge on winahonpi kte šni, anpetu kin dehanyan.

9 Qa Dawid iš heya ; Wahna wotapi tawapi kin he mazaľta-kiyapi, qa wihmunke, qa wona-hnaye, qa iyunwin yuhapi kin hee kta ce.

10 Išta kin aotpaswicayapi kte,

heon wawanyakapi kte šni ; qa cankahu ohinniyan patuš inajin-pi nunwe.

11 Heon hepe ; Hinľpayapi kta on hicahanpi he. Hiya, hecetu šni ; tuka hicahanpi kin on etan-han Ikcewicašta kin wiconi iyo-wicahi, hena iš eya iyowicapa-štakapi kta e heon.

12 Hena e hicahanpi kin he wicoicage kin en wowijice kin hee, qa hena wicayuaoptetu kin he Ikcewicašta kin en wowijice kin hee hecinhan, wicayuecetu-pi kin he sanpa hince kta.

13 Ikcewicašta henicapi kin hena hecen eciciyapi ; Ikcewica-šta kin ekta yemašipi waun, qa heon mitohitani kin wahdutan.

14 Hecen tona michepi etan-hanpi kin hena inahni wicawaye kta, kinhan wanjikji ni wicawa-ye kta.

15 Hena elipewicayapi kin he wicoicage kin en wookiye kin hee hecinhan, hena ake wicayu-ecetupi kinhan he taku kta he ; wiconțe etanhan wiconi kin hee kta.

16 Taku tokaheya suton kin he wakan kinhan, ocowasin hecece kta ; qa can huta kin he wakan kinhan, can adetka kin hena na-kun hecece kta.

17 Unkan can adetka kin hena wanjikji yuksapi, qa niš can wi-hdi hu ikceka henica, tuka can adetka qon ehna can kin en ica-ľniyanpi, qa can wihdi cepa can huta kin etanhan, en opeya yaun kinhan ;

18 Can adetka qon on ihdatan šni wo. Nihdatan keš can huta kin he duhe šni tuka can huta kin hee niyuha.

19 Hehan, Hen emahdepi kta on can adetka qon yuksapi ce, ehe kta naceca.

20 Han, hecetu ; wicadapi šni

WICOWOYAKE 12.

kin heon hena yuksapi, qa niye wacinyanpi on ecen nayajin ece. Wahaniciida šni qa kokipa wo.

21 Can adetka tawa qon hena Wakantanka kpatan šni hecinhan, okinni niš eya nikpatan kte šni.

22 Wakantanka towaonsida to-cantiyahde ko wanyaka po ; to-na hinlipayapi qon hena en wocantiyahde, qa niye en wowaonsida kin, wowaonsida kin he en nayajin kinhan, tuka hecanon šni kinhan niš eya nicaksapi kta.

23 Qa hena cetunhdapi ecen unpi šni kinhan, is eya ake can kin en iyekiyapi kta. Ake can kin en Wakantanka icalhwicaya okihi.

24 Qa niye can wihdi ikceya icage ciqon etanhan nicaksapi, qa inicage cin eciyatanhan šni, can wihdi wašte kin en iyeniyampi kinhan, tona can kin he aicage ciqon hena iyotan ake can wihdi tawapi kin en iyeyapi kta.

25 Mihunkawanji, wowiyukean kin de sdonye šni dukanpi kta wacin šni, okinni ksape ničidapi kta ; Israel oyate kin apa ista gonge aya, Ikcewicašta kin oco-wasin en hiyu kte cin hehanyan.

26 Qa hecen Israel oyate kin owasin nipi kta. Wowapi en kagapi qon iyecetu ; Zion etanhan Wanikiya wan u, qa woalitani Jakob yutokan iyekiciciye kta.

27 Qa woalitani yutokan iye-wicaweciciye cinhan hehan wicotakuye wicawaqu kte cin hee ce.

28 Wotanin wašte kin ekta, hena niyepi kin on etanhan toka wicayawapi, tuka wicakahnigapi kin ekta, hena e hunkakepi kin on etanhan wašte wicakidapi.

29 Wakantanka taku wicaqu qa wicakico kin hena iyopeiciyapi wanin un.

30 Unkan niš niyepi kin ehan-na Wakantanka anayagoptanpi šni, tuka nakaha hena wicadapi šni kin on wowaonsida ničupi.

31 He iyecen nakaha hena is eya anagoptanpi šni kin, niye nitowaonsida kin on etanhan onsiwicadapi kta.

32 Hena owasin witaya wicadapi šni kin en Wakantanka onawicatata, iyulipa onsiwicada kta heon etanhan.

33 Wakantanka toksape qa wosdonye tawa wowijica ošbe kin he tanka hinca. Woyaco tawa kin okahnihpica šni, qa tacanku kin iyeyepica šni.

34 Tuwe Itancan tawacin kin sdonya he ; qa tuwe okiya un he.

35 Qa tuwe he tokaheya taku qu he ; kinhan kicicajupui kta.

36 Iye etanhan, qa iye eciyatanhan, qa iye ohna taku owasin un ; owihanke wanin wowitan kiciun nunwe.

WICOWOYAKE 12.

1 Heon mihunkawanji, Wakantanka wacantohnake cin on etanhan eciciyapi ce, nitancanpi kin wošnapi ni un, wakan, qa taku Wakantanka iyokipi kin, hena hecen yaqupi kta, he wawoyakiyapi kte cin hecetu hinca.

2 Qa wicoicage kin de en iyecen awacanipi kte šni, tuka nitawacinpi yuecepidan kte cin on nihdufokecapu nunwe ; hecen Wakantanka tawacin wašte, oi-yokipi, qa hduštanpi kin he tukte e idukanpi kta.

3 Wowaonsida maqupi kin he eciyatanhan, tona niyepi ekta un kin otioyohi hecen eciciyapi ; Tu-

wedan token ihdukan kte cin he isanpa ihdawa kte śni, tuka wacinksamya ihdukan kta, Wakantanka otoiyo hi wacinyanpi iyuta wicaqu kin he eciyatanhan.

4 Wicatancan wanjidan en wicahuha ota unhapi, qa huha kin hena owasin okonwanjidan oħanye śni :

5 He iyecen unkiye unkotapi, tuka Messiya en tancan unwanjipidan, qa otoiyo hi huha unki ciyapi.

6 Hecen wowaonsida otoiyo hi yukinukanyan unqupi kin eciyatanhan wicookihi ociptetu unhapi ; he wokcanpi kte cin hee hecinhan, wowacinye iyutapi kin on unkiyukcanpi ece e kta.

7 Qa waowicakiyapi kin hee hecinhan, waowicakiyapi kin en unyakonpi kta ; qa tuwe waonspekiya okihi kinhan, he waonspekiyapi kin en un kta.

8 Tuwe wahokonwicakkiye kte cin he wahokonwicakiyapi kin en un kte ; tuwe taku wicaqu kte cin he oħanpiya econ kte ; tuwe oyate wicayuhe cinhan he mnihenya econ kta ; qa tuwe onsiwicadake cinhan iyokipiya econ kte.

9 Wacantkiyapi kin he wohnaye wanin un nunwe. Taku śice cin he śice dakapi, qa taku wašte kin he en iyaiħdaška po.

10 Hunkawanjin kiciyapi wašte kicidakapi kin he on otoiyo hi cante en kiciyuza po, qa woyuonihan on otoiyo hi iyotan kicidaka po.

11 Wicoħtani kin en kujapi śni, woniya on aićiciyapi, Itancan kin okiya po.

12 Woape en wiyuśkinpi ; kakijapi kin en icunhan wacintankapi ; qa wocekiye eya yukan po.

13 Tona owotanna un kin taku icakijapi kinhan owicakiya po. Wicašta icimanipi kin oħanpiya ecawicakicon po.

14 Tona śicaya nicuwapi kin hena wicayawašte po ; wayawašte po, qa wayaśicapi śni po.

15 Tona wiyuśkinpi kin hena om wiyuśkin po ; qa tona ceyapi kin hena om ceya po.

16 Otoiyo hi okonwanjidan awakicicin po. Taku wankan un kin hena ekta ewacinpi śni po ; tuka tona kun ihdawa kin hena en opa po. Wacinksapeiçidapi śni po.

17 Tuwedan taku śica on itkom śicaya econpi śni po. Wicašta owasin itokamya taku owotanna ecedan kamnan po.

18 Toħanyan oyakihipi kinhan, wicašta owasin om wookiye yakon po.

19 Wašte cicidapi kin, ihnuhan niye cinka watoyeçonpi kin, tuka wocanniye nakicipa po. Hecen wowapi en kagapi, Tokiçonpi kin he miye mitawa, wicawecu kta ce, Itancan kin eya.

20 Heon tuwe toka niye cin he wotektehda kinhan wo qu wo ; qa ipuza kinhan mini qu wo ; hecen ecanon kinhan, petaga kin he pa kin en eju ade kta.

21 Ihnuhan taku śica on oħiniyanpi kin, tuka taku wašte e on taku śice cin ktepidan po.

WICOWOYAKE 13.

1 Wicanagi otoiyo hi wicowaśake itancan kin hena ihukun iyeiçye kte. Wicowaśake Wakantanka etanhan un kin hecedan yukan. Wicowaśake un kin hena Wakantanka kaga.

2 Heon etanhan tuwe wicowaśake kin kipajin kinhan he Wakantanka toope kin kipajin,

WICOWOYAKE 14.

qa tona wawakipajin kin hena wicayacopi kta.

3 Wicaſtayatapi kin hena wicoſan waſte kin en wakokipe wicakicagapi ſni, tuka wicoſan ſice cin en. Hecen wicowaſake kin he koyakipe kte ſni he. Taku waſte e econ wo, kinhan on niyatanpi kta ce.

4 He taku waſte on niye ekta Wakantanka taokiye kin hee. Tuka taku ſica ecanon kinhan kokipa wo. He mazasagye ituſ yuſe ſni; tuka Wakantanka taokiye kin heca, tuwe taku ſica econ kinhan tokiſon kta, wocanniye kin heon.

5 Heon etanhan anagoptan yaunpi kta, wocanniye kin hecedan on etanhan ſni, tuka nakun wiyukcanpi kin heon.

6 Heon etanhan mazaska mnakiyapi kin en oyapapi ece: hena e Wakantanka taokiyepi kin ohinniyan taku kin de econ yukanpi.

7 Heon etanhan, owasin taku token wicaqupi kta iyecece cin wicaqu po: Tona iye taoyate kin etanhan mazaska mnayanpi kin he *ecen wicaqu po*; qa tona oyate tokeca etanhan mnayanpi kin he *nakun ecen wicaqu po*. Tona kinihanpi kte cin hena wicakinihan po, qa tona yuonihanpi kte cin hena wicayuonihan po.

8 Tuwedan takudan ikicazo ſni un po, otoiyoſi waſte yecidakapi kte cin hecedan. Tuwe wicaſta tokeca waſte wicadake cin he woahope kin tanyan yuha.

9 He decetu; Wawicilaſapi ecanon kte ſni; Tin wicayakte kte ſni; Wamayanon kte ſni; Tuwedan en oitonſniyan wodake kte ſni; Taku tokan tawapi kin yacin kte ſni; qa woahope tokeca yuke cinhan wicoie kin

de en yuwitayapi; Wicaſta tokeca niye inihdacin waſte yadake kta ce.

10 Waſtewicadakapi kin he wicaſta tokeca taku ſica takudan ecakicon ſni, heon waſtewicadakapi kin he woahope yuecetupi kin hee.

11 Qa nakun kaketu, anpetu kin sdonunyanpi, woſtinma etanhan unkiktapi kte cin wanna iyehantu; nakaha eunhdakupi kte cin tokaheya wicaundapi qon he isanpa ikiyadan ihan;

12 Hanyetu kin wanna ecadan unkihunipi kta, anpetu kin kohanna u kta, heon etanhan otpaza wicoſan kin ehpeunyanpi, qa iyoyanpa wipe kin kounyakapi kta.

13 Qa iyokipiya maunnipi kta, anpetu kin en iyececa. Hanyetu wacipi qa witkopi kin en *unkopapi* kte ſni; wicawihomnipi qa wicinpi, wakinicapi qa winawizipi kin hena en *ounpapi* kte ſni.

14 Tuka niye Jeſus Meſſiya Itancan kin he koyaka po, qa wicacelipi wocantiheye ſice cin ecetu yapi kta e on takudan kicamnanpi ſni po.

WICOWOYAKE 14.

1 Tuwe wicada kinhan waſake ſni eſta iyowinkiya po, tuka akipam waakinicapi kin ekta ſni.

2 Wicaſta wanjidan taku owasin yuta okiſi awacin, qa wicaſta tokeca waſake ſni kin he wahpe ece yuta.

3 Tuwe wote cinhan he tuwe wote ſni kin iſaſa kte ſni; qa tuwe wote ſni kinhan he tuwe wote cin yaco kte ſni; Wakan-tanka he iyowinkiya.

4 Nituwe he wicaſta tokeca taokiye kin daco he; he iye yu-

he cin en najin kta qa is hin-
hpaye kta. Qa he ecen najin
kiyapi kta, Wakantanka najin
kiye kta okihi.

5 Wicašta wanjí anpetu wanjí
iyotandaka, qa wicašta tokeca
wan anpetu owasin akiyecen
yawa ece. Otoiyo hi iye tawa-
cin ekta sutaya awacin nunwe.

6 Tuwe anpetu wan awacin
kinhan he Itancan kin on awa-
cin; qa tuwe anpetu kin awacin
śni kinhan, Itancan kin ekta
awacin śni. Tuwe wote cin-
han, he Itancan kin on wota, qa
Wakantanka wopida eciya; qa
tuwe wote śni kinhan, Itancan
kin on wote śni, qa Wakantanka
wopida eciya ece.

7 Unkiyepi kin tuwedan iye
hinca on ni śni, qa tuwedan iye
hinca on te śni.

8 Unnipi kinhan Itancan kin
on unnipi, qa unŋapi kinhan
Itancan kin on unŋapi. Hecen
unnipi, qa unŋapi *unma tukte* he-
cinhan, Itancan kin tawa unyan-
pi.

9 Hecen on Messiya te ɕa ake
kini, wicaŋe ɕa wicani kin heni-
yoza en Itancan kta e heon.

10 Tokeca nihunkawanji daco
he; qa tokeca nihunkawanji iya-
kilaŋa he. Owasin Messiya ta-
woyaco oiyotanke kin itokam
inaunjinpi kta.

11 Hecen wowapi en kagapi;
Miye wani kin, heon hupahu
otoiyohi miye en canpeška ma-
kehde inajin kta, qa wicaceji
otoiyohi Wakantanka en wohda-
ke kta, Itancan kin eya.

12 Heon etanhan unkiyepi oto-
iyohi Wakantanka kin en woun-
hdakapi kta.

13 Hecen on, detanhan otoiyohi
unkiciyacopi kte śni, tuka
kaken e iyotan wakonza po, tu-
wedan taku en siha ibotopi, qa

on hinŋpaye kte cin he hunka-
wanjitku kin itokam ehde kte
śni.

14 Miś sdonwaye ɕa Jesus
Itancan kin en awacami, taku-
dan atayedan šape śni; tuka tu-
we taku šapa kecin kinhan, he
taku kin iye ekta šapa ece.

15 Qa woyute kin on etanhan
nihunkawanji iyokisin yaye cin-
han wowastedake eciyatanhan
mayani śni. Messiya tuwe on
te ciqon he woyute nitawa kin
on ihang ye śni wo.

16 Ihnuhan taku wašte duhapi
kin he yašicapi kinhan.

17 Woyute qa woyatke kin
Wakantanka tokiconze kin hee
śni; tuka wicoowotanna wooki-
ye qa Woniya Wakan kin en
wowiyuśkin kin hena ee.

18 Tuwe hena taku kin en
Messiya wowidag ye cinhan, he
Wakantanka iyokipi ye ɕa, wi-
cašta kin on wašte dakapi.

19 Heon etanhan taku tona
wookiye kage cin hena unkaki-
tapi kta qa nakun taku on otoi-
yohi ical unkiciciyapi kta.

20 Woyute kin on etanhan
Wakantanka taku kage cin he
ihang ye śni wo. Awicakehan
taku owasin wašte; tuka tuwe
taku yute ɕa on wahtani wicaye
cinhan, he šica ece.

21 Waconica yutapi śni, qa
mini ša yatkanpi śni, qa taku
tokeca on etanhan nihunkawanji
hicahe ɕa, wahtani, qa wašake
śni aye cin, hena *econpi* śni kin-
han he wašte.

22 Wowacinye duha he: Niś
niye Wakantanka itokamya hdu-
ha wo. Tuwe taku iyowinkiyeye
cin on ihdaco śni kinhan, he yu-
waštepi ece.

23 Qa tuwe wicada śni kinhan
he yute cinhan wanna yacopi,
wacinyanpi kin on hecon śni,

heon etanhan. Taku owasin wacinyanpi eciyatanhan šni kin hena woahłani.

WICOWOYAKE 15.

1 Unkiye waunšakapi kin tona wašake šni un sutaya wacinyanpi šni kin on wacinuntankapi kta, qa iyokipiunkiciyapi kte šni.

2 Otoiyohei wicašta tokeca iyo- kipi unyanpi kta, wowašte en icał yapi kte cin heon.

3 Messiya iye kaeš iyokipi ičiye šni, tuka wowapi en kagapi qon iyecen, Tona aniiapi kin waaiapi kin he miye aihpemayanpi qon.

4 Taku tona wowapi en kagapi kin hena onspeunkiyapi kte cin heon kagapi, hecen wicowahładan, qa wowapi wakan kin en wicakicanpte cin eciyatanhan woape unhapi kta.

5 Wakantanka wicowahładan, wicakicanpte ko yuhe cin he Jesus Messiya eciyatanhan, otoiyohei okonwanjidan wacin en kiciyus niyanpi nunwe.

6 Qa hecen wicotawacin wanjidan, qa wicai wanjidan on Wakantanka Jesus Messiya Itancan unkiyapi he Atkuku kin dantanpi kta.

7 Heon etanhan otoiyohei iyo- winkiciyiya po, Wakantanka yutanpi kte cin heon Messiya iyo- winunkiyapi qon iyececa.

8 Miye kin kaken epe; Jesus Messiya bakiłdayapi wicołan kin en ookiye ikicaga, Wakan- tanka towicake kin heon, qa hunkakepi kin wahowicayapi qon he hduacetu kte cin heon etanhan.

9 Qa hecen Ikcewicašta kin Wakantanka yatanpi kta, iye towaonšida kin on; wowapi en kagapi qon iyececa, Heon etan-

han Ikcewicašta ehna ociyake ła nicaje kin iwadowan kta.

10 Qa ake hecen eya, Ikcewicašta kin iyuškin po, iye taoyate kin kici.

11 Qa ake, Ikcewicašta kin owasin Itancan kin idowanpi, qa oyate kin owasin he yatan po.

12 Ake Isaya hecen eya, Jesse hutkan wanjidan qa tuwe Ikcewicašta en wicaštayatapi un kte cin he icage kta; he Ikcewicašta kin wacinyanpi kta.

13 Hehan woape Wakantanka kin he wicayadapi kin eciyatanhan wowiyuškin owasin wookiye ko on imna niyanpi nunwe, Woniya Wakan towašake kin eciyatanhan woape en nina inicagapi kte cin heon.

14 Mihunkawanji niyepi on awacin manka, wowašte onjupidan, qa wosdonye owasin on oju niyanpi, hecen otoiyohei wahokonyeciciyapi kta oyakihipi.

15 Tuka mihunkawanji, hececa ešta waditagya wowapi cicagapi, hecen wicoie wanjikji kiksuye ciyapi kta, Wakantanka towaonšida maqupi kin he eciyatanhan;

16 Ikcewicašta ehna Jesus Messiya taokiye kin wanji he miye kta, Wakantanka tawootanin wašte kin on łtawani, qa hecen Ikcewicašta wahdušnapı kin he woiyokipi kta, Woniya Wakan kin on yuwakanpi kin heon.

17 Heon etanhan Jesus Messiya en taku Wakantanka tawa kin on wowinkta mduha.

18 Wicoie wicołan ko on Ikcewicašta anagoptanpi kta e, miye eciyatanhan šni, Messiya taku econ qon hena cajemdate kte šni:

19 Tuka wowapetokeca tanka,

qa woyušinyaye econpi, Wakan-tanka Taniya Wakan towaśake kin eciyatanhan, hecen Jerusaleman etanhan, qa ohomniyan Ilurikon ekta Messiya tawootanin wašte kin omdaka ece.

20 Qa hecen wotanin wašte kin aićiciya oyag uwate, tukten Messiya cajeyatapi kin hetu śni, okinni wicašta tokeca taku ahde kin akan ti wakage kta naceca.

21 Tuka hecen wowapi en kagapi qon; Tona en cajeyatapi śni kin hena wanyakapi kta, qa tona naħonpi śni qon hena iyukeanpi kta.

22 Qa hecen on otakiya ekta ciupi kte cin okitpani mayanpi:

23 Tuka nakaha makoce kin dena en tuktedan omakan śni qa wanna waniyetu ota ekta ciupi kta nina wacin;

24 Heon tohan Spania ekta mde cinhan hehan ekta ciupi kta. Heciya icimani mde cinhan tahepi wanciyakapi, qa ekta ye mayayapi kta awacin manka, tokaheya niyepi kin on cistiye-dan imamdeze cinhan.

25 Tuka nakaha Jerusalem ekta mda, tona owotanna un kin hena owicawakiye kte cin heon.

26 Tona Makedonia qa Akeya en yukanpi kin hena, tona wahpanica wacinyanpi Jerusalem ekta yakonpi kin hena taku wicacupi kta e iyokipipi.

27 Hecon iyokipipi; taku iwicakiczopi kin iyecen unpi na-kaeś. Hena taku wakan yuhapi qon en Ikcewicašta opapi hecinhan, taku wicaceħpi ekta un kin hena on itkom owicakiyapi kta iyececa.

28 Heon etanhan tohan he mduśtan qa waskuyeca kin de hena en awicawecipuspe cin-

han, hehan niyepi iyoopteya Spania ekta imdamde kta.

29 Qa ekta ciupi kinhan, Messiya tawootanin wašte woyuwašte woojudan kin yuha wau kta sdonwakiya.

30 Hehan nakaha mihunkawanji ceciciyapi ce, Jesus Messiya Itancan kin caje on, qa Woniya Wakan towaśedake kin on, miye kici Wakantanka nina cemiyciciyapi kte cin he.

31 Tona Juda makoce kin ekta anagoptanpi śni kin hena etanhan emahdakupi kta, qa Jerusalem ekta wicoħtani mitawa kin tona owotanna un kin iyokipi wicaye kte cin heon.

32 Qa hecen Wakantanka tawacin kin eciyatanhan wowi-yuśkin yuha ekta ciupi, qa niyepi on imagaga mićiye kta.

33 Wookiye Wakantanka kin niyepi owasin en nicipi un nunwe.

WICOWOYAKE 16.

1 Phebe tawinoħtinunyanpi, Kenkrea ekta okodakiciye kin en ookiye wanji hee cantohnake ciśipi.

2 He Itancan kin on iyowin-yakiyapi kta, tona owotanna un kin iyececa, qa taku on i kin he en token ecayeconpi cin kinhan ecen okiya po. Iye kin wicota owicakiye ċa miye nakun oma-kiya ece.

3 Priskula Akula kici, Jesus Messiya en mitawaśipi kin hena napewicayuza po.

4 Hena e minagi kin on iye tahupi kin ehna-kapi, qa hena miye miśnana pidamakiyapi śni, tuka Ikcewicašta ekta okodakiciye kin owasin pidawicayapi.

5 Qa iye tipi kin ohna okodakiciye kin napewicayuza po. Epinetus waśewadake cin he

napeyuza po; Akeya ekta Messiya en un qon tokaheya kin hee.

6 Mary nina ounkiyapi qon he napeyuza po.

7 Andronikus Junia kici mitakuye, qa om makaškapi qon hena napewicayuza po; yewicašipi kin owicapeya yuonihanpi, qa mitokapa tanhan Messiya en un qon hena.

8 Amplias Itancan kin en wašte wadake cin he napeyuza po.

9 Urbane Messiya en unkita-wašipi kin, qa Stacus wašte wakidake cin, hena napewicayuza po.

10 Apelles Messiya en yuecepidan kin he napeyuza po. Aristobulus takuwicaye cin hena napewicayuza po.

11 Herodian mitakuye kin napeyuza po. Narkisus takuwicaye cin Itancan en un kin hena napewicayuza po.

12 Truphena Truphosa kici Itancan kin on litanipi kin hena napewicayuza po. Persis wašte dakapi kin Itancan kin on nina litani kin he napeyuza po.

13 Ruphus Itancan kin on kahnigapi kin, qa iye hunku, nakun mitawa kin, hena napewicayuza po.

14 Asunkritus, Plegon, Ermas, Patrobas, Ermes, hena, qa tona om unpi hunkawanjin kiciyapi kin hena ko; napewicayuza po.

15 Philologus, Julia, Nereus, iye tawinohtin kici, Olumpas, qa hena om tona owotanna un kin hena owasin napewicayuza po.

16 Otoiyo hi iiputakapi wakan kin on napekiciyuza po. Messiya taokodakiciye kin napenyuzapi.

17 Mihunkawanji ceciciyapi ce, tona woonspe onspeniciyapi

qon eciyatanhan šni yuomdecapi, qa wahtani wicayapi kin hena iwanwicayakapi, qa nawicakicipa po.

18 Tona hececapi kin Jesus Messiya Itancan unkiyapi kin wowidag wicaye šni, tuka iye tezipi kin hee, qa wicoie wašte, iapi iyokipi se ececa ko, on wicašta wacin ksape šni kin wicahnanpi.

19 Niye waanayagoptanpi kin he wicašta owasin sdonyapi. Heon niyepi kin on imduškin. Tuka taku wašte e on yaksapapi kta, qa taku šica on wadupipi kte šni wacin.

20 Unkan kohanna Wookiye Wakantanka kin niye nisihipi kin ihukuya Satan napan kta. Jesus Messiya Itancan unkiyapi towaonsida kin niyepi en nicipi un nunwe.

21 Timotheos mitawaši, qa Lukius, Jason qa Sosipater mitakuye kin, hena napenyuzapi.

22 Tertius wowapi kin de owa kin he miye, Itancan kin on napeciyuzapi.

23 Gayos wonmakiye ça, okodakiciye owasin *hecawicakicon* kin, he napenyuzapi. Erastus otonwe kin en wicašta itancan wan, qa Kuartus hunkawanjin kiciyapi wan, hena napenyuzapi.

24 Jesus Messiya Itancan unkiyapi towaonsida kin niyepi owasin en nicipi un nunwe.

25 Tuwe wootanin wašte mitawa qa Jesus Messiya woyake cin he eciyatanhan niyusutapi kta okihi, wowiyukan nakaha yuotaninpi kin eciyatanhan, he maka icage cin ehantanhan wicoicage kin en anahimanpi qon;

26 Tuka nakaha yuotaninpi, wicašta wokcan tawowapi wakan kin heon, Wakantanka owi-

I. KORINTH.

hanke wanin un; tawoahope kin eciyatanhan, qa oyate owasin wacinyan anagoptanpi kte cin heon *oyakapi*;

27 Jesus Messiya on etanhan, Wakantanka ecedan ksape cin hee wowitan owihanke wanin kicihan nunwe.

PALOS

KORINTH OYATE.

WOWAPI WICAKICAGE CIN:

TOKAHEYA KIN.

WICOWOYAKE 1.

1 Palos Wakantanka tawacin kin eciyatanhan, Jesus yewicası kin heca e kahııgapi kin he, qa Sosthenes hunkawanjinunyanpi kici,

2 Wakantanka taokodakiciye Korinth ekta un qa Jesus Messiya on ecepidan kta, wakan wicakahııgapi kin hena eepi, qa tona makoce otoiyohi en Jesus Messiya is iyepi kin Itancan kiyapi, qa unkiş eya Itancan unkiyapi caje kin hoyeyakiyapi kin *wowapi unnicagapi*.

3 Wowaonsıda, wookiye ko, Wakantanka Ateunyanpi, qa Jesus Messiya Itancan kin etanhan niyepi en nicipi un nunwe.

4 Ohinnıyan niyepi kin on Wakantanka mitawa wopida ewakiya, Wakantanka towaonsıda Jesus Messiya eciyatanhan niçupi kin heon ;

5 Taku henana owasin on, iye en, wijica nicagapi, wicoie owasin qa wosdonye owasin on.

6 Hecen niyepi kin en Messiya tawoyaatanin kin yusutapi.

7 Qa hecen wowaşte wanjidan aokpanıyan yaunpi şni, qa Jesus Messiya Itancan unkiyapi

ihdutanin kte cin he ape dukanpi.

8 He owihanketa lehanyan iyanionpepica şni niyusutapi kta, Jesus Messiya Itancan unkiyapi taanpetu kin etu.

9 Wakantanka wacinyepica, iye Cinhintku Jesus Messiya Itancan unkiyapi kin takodakiciyapi tawa kin en nicopi.

10 Mihunkawanji, Jesus Messiya Itancan unkiyapi cajeyan ceciciyapi ce ; owasin okonwanjidan oie yetonpi, qa yuomdecapi wanin yaunpi kta, qa wicotawacin eca wanjidan wiyuckanpi ko wanjidan tanyan onspe yaunpi kte.

11 Mihunkawanji, Kloe etanhanpi kin hena omakıyakapi, niyepi kin en woakinica yuke cin he.

12 Hecen kaken epe ; Niyepi otoiyohi, Palos opeya waun, qa, Apolos opeya waun, qa, Inyan opeya waun, qa Messiya opeya waun ce, ehapi ece.

13 Messiya yukınukan ehıakapi he ; niyepi kin on Palos cansusbeca kin en okatanpi he ; qa is Palos caje on baptem niçupi he.

14 Wakantanka wopida ewakiya, enitanhanpi tuwedan ba-

WICOWOYAKE 2.

ptem waqu šni, tuka Krispos qa Gayos henioza :

15 Tuwedan, miye micaje on baptem wicawaqu, keye kte šni heon.

16 Qa nakun Stephanas tiyohnaka kin baptem wicawaqu, qa tuwe tokeca baptem waqu kinhan sdonwaye šni.

17 Baptem wicawaqu kta e on Messiya ye maši šni, tuka wotanin wašte omdake kte cin heon; wicoksape iapi kin ohna šni, okinni Messiya cansusbeca tawa kin taku šni yapi kta.

18 Cansusbeca oyakapi kin he tona ihdutakunipi šni kin en witkotkoya iapi kin hee, tuka unkiyepi tona ni unyanpi kin en Wakantanka towašake kin hee.

19 Kaken wowapi en kagapi; Tona wacin ksapa woksape tawa kin taku šni waye kta, qa tona okahnigapi kin hena woo-kahnige tawa kin mdutakuni kte šni ce.

20 Wacin ksape cin tokiya un he; wowapi kage cin heca tokiya un he; wiconi kin de en wiyukan kin tokiya un he; Wakantanka wicoicage kin de wicoksape kin yuwitkotko šni he.

21 Hecen Wakantanka toksape kin on, wicoicage kin de wicoksape eciyatanhan Wakantanka sdonyapi šni qehan, wowahokonkiye wowitkotkoke cin on, tona wacinyanpi kinhan hena ni wicaye kta Wakantanka iyokipi.

22 Juda oyate kin wowapetokeca dapi, qa Helenes oyate kin wicoksape akitapi ece.

23 Tuka unkiyepi kin Messiya cansusbeca en okatanpi kin he unkoyakapi; he Juda wicašta kin ekta wonahnaye qa Helenes wicašta kin ekta witkotkoya iapi kin hee.

24 Tuka tona wicakahnigapi,

Juda qa Helenes wicašta kin hena ekta, Messiya Wakantanka towašake qa Wakantanka toksape kin hee.

25 Wakantanka taku tawa witkotkoke cin he wicašta kin isanpa woksape; qa Wakantanka towašake šni kin he wicašta kin isanpa wowašake.

26 Mihunkawanji, nicopi kin he wandakapi, wicacehpi eciyatanhan wacin ksapa ota šni, wašaka ota šni, qa wicašta okinihan ota šni.

27 Tuka wicoicage kin en taku witkotkoke cin he Wakantanka kahniga, on taku ksape cin wišten ye kta; qa wicoicage kin en taku wašake šni kin hena Wakantanka kahniga, on taku wašake cin wišten ye kta.

28 Qa taku wicoicage kin en okinihan šni un kin he Wakantanka kahniga, qa taku un šni kin hena ko, on taku un kin yutakuni kte šni.

29 Hecen iye itokam wicacehpi owasin ihdatan kte šni

30 Tuka iye eciyatanhan Jesus Messiya en unyakonpi; he unkiyepi on Wakantanka eciyatanhan woksape, qa woowotanna, qa woyuecedan, qa wokajuju ikicaga.

31 Hecen wowapi qon iyececa; Tuwe iwinkta kinhan Itancan kin on iwinkta kta.

WICOWOYAKE 2.

1 'Unkan mihunkawanji, ekta ciipi qehan, wicoie qa wicoksape oiyokipi kin yuha wai šni, tuka Wakantanka tawoyatanin kin ociciyakapi.

2 Niyepi kin ekta takudan sdonwaye kte šni e mičiconza, Jesus Messiya hecedan, qa he cansusbeca kin en okatanpi.

I. KORINTH.

3 Unkan waśake śni, wokoki-peya nina macancan cicipi waun.

4 Qa mioie, qa womdake cin hena wicaśta toksape wicoie oiyokipi kin en un śni, tuka Woniya wayuotanin, qa wowaśake kin en un.

5 Hecen wicayadapi kin he wicaśta wicoksape tawa kin en ahe kte śni, tuka Wakantanka towaśake kin en.

6 Tuka tona ksapapi kin hena ekta woksape unkoyakapi ece; tuka wicoicage kin de en wicoksape kin hee śni, qa wicoicage kin de en wicaśtayatapi toksape kin hee śni, hena atakuni śni aya.

7 Tuka wowiyukcan en Wakantanka toksape kin he unko-yakapi ece; ege nahmanpi qon, woicage śni itokam wowitan unkitawapi kte cin heon, Wakantanka wakiconze cigon.

8 He wicoicage kin de en wicaśta itancanpi kin tuwedan sdonye śni; sdonyapi unkanś Wowitan Itancan kin cansusbe-ca en okatanpi kte śni tuka.

9 Tuka wowapi qon iyececa; Tona Wakantanka waśtedakapi kin taku wicakiciyuśtan kin he wiciśta kin tohinni wanyake śni, qa wicanoge on nahonpi śni, qa wicaśta cante kin mahen iyo-hipaye śni.

10 Tuka hena Wakantanka iye Taniya kin eciyatanhan unkoki-yakapi; Woniya kin he taku owasin iyukcan, Wakantanka wośbe tawa kin sdonya.

11 Wicaśta kin ekta tuwe taku wicaśta tawa kin sdonya he, wicaśta taniya iye mahen un kin hee sdonkiya. He iyecen taku Wakantanka tawa kin tuwedan sdonye śni, tuka Wakantanka Taniya kin hecedan.

12 Unkan unkiye wicoicage

kin de en wicoksape kin he un-kicupi śni; tuka Wakantanka eciyatanhan Woniya Wakan kin he *unkicupi*, hecen taku Wakantanka iyunwin codan unqupi kin hena sdonunyanpi kta.

13 Qa hena unkoyakapi, wicaśta wicoksape woonspe wicoie kin eciyatanhan śni, tuka Woniya Wakan woonspe tawa kin eciyatanhan, hecen wicoie wakan kin wicaśta wakan iyukcan-wicunyanpi ece.

14 Tuka wicacehpi wicaśta kin he Wakantanka Taniya taku tawa kin icu śni, hena taku witkotkoke dake ça okahniga okihi śni, hena wakanyan iyukcanpi nakaes.

15 Tuka tuwe wakanyan un kin he taku owasin iyukcan, tuka iye kin tuwedan on yukcanpi śni.

16 Itancan tawacin kin tuwe he iyukcan he, hecen onspekiye kta. Tuka unkiye Messiya tawacin kin unhapi.

WICOWOYAKE 3.

1 Unkan mihunkawanji, miś wicaśta wakanpi kin iyecen oiciyapi kta owakihi śni, tuka wicacehpi wicaśta kin heca, qa Messiya en hokśiyopa kin iyececa.

2 Pteasanpi yatke ciciyapi, qa waconica kin he cicupi śni; he ehan nahahin he oyakihipi śni, qa dehan nahahin nakun oyakihipi śni.

3 Nahahin wicacehpi wicaśta kin henicapi. Niyepi ekta winawizipi, qa wakinicapi, qa yuomdecapi yukan hecinhan, wicacehpi kin henicapi, qa wicaśta akantu iyecen mayanipi śni he.

4 Wanji, Palos opeya waun,

WICOWOYAKE 4.

qa wanji is, Apolos opeya waun, eye cinhan, wicacehi wicašta kin henicapi šni he.

5 Palos he tuwe, qa Apolos he tuwe he; wowidake unpi kin hecapi, on wicayadapi, otoiyohti Itancan kin wicaqu kin iyececa.

6 Miye wowaju, Apolos mini akašta, qa Wakantanka icaħya.

7 Tuwe woju kin he taku šni, qa tuwe mini akašta kin kin he nakun, tuka Wakantanka wai- caħye cin hee tanka.

8 Tuwe woju qa tuwe mini akašta kin hena okonwanjipi- dan; otoiyohti iye tohtani kin iyacinan iyunwin icupi kta.

9 Wakantanka kici htanipi kin hena unkiyepi; Wakantanka ta- maga, qa Wakantanka tipi kage cin he niyepi.

10 Wakantanka towaonsida maqupi kin eciyatanhan wica- šta ticaga ksape cin iyecen, ta- ku ahehde kin ewahde, qa he akan wicašta tokeca tipi kaga; tuka otoiyohti token ticage cin he on waktaya un kte.

11 Tuka ahehde kin tokeca tu- wedan ehde kta okihi šni, taku ehdepi kin hecedan, Jesus Mes- siya hee.

12 Unkan tuwe ahehde kin de akan mazaskazi, qa mazaska, qa inyan okitanin, qa can, qa pe- ji, qa cedi en kage cinhan,

13 Otoiyohti oħan kin atanin kta; anpetu kin he yuotanin kta, peta on yuotaninyan aye kta; qa peta kin otoiyohti oħan kin he taku kin iyukean kta.

14 Tuwe ticage cin en oħan kin sutaya un kinhan he woka- juju icu kta.

15 Qa tuwe oħan kin huħnage cinhan he iwahpanice kta, tuka iyeqe peta kin etanhan iyecen ni- yanpi kta.

16 Wakantanka tipi tawa kin

he niyepi, qa Wakantanka Tani- ya kin onitipi kin he sdonyaki- yapi šni he.

17 Tuwe Wakantanka ti kin ašamy cinhan he Wakantanka ihangye kta. Wakantanka ti kin he wakan, qa he niyepi.

18 Ihnuhan tuwe içihnye cin- han. Tuwe niyepi ekta wicoi- cage kin de en ksapeçida kin he witkotkoke içicaga nunwe; hecen ksape kta.

19 Wicoicage kin de en taku woksape kin he Wakantanka witkotkoke daka. Kaken wo- wapi en kagapi; Wicašta ksape cin hena iye wohnaye tawapi kin on wicayuza ece.

20 Qa ake, Wicašta ksape cin tawacinpi kin hena taku šni e, Itancan kin sdonya ce

21 Hecen tuwedan wicašta kin on iwinkta kte šni. Taku owa- sin nitawapi.

22 Palos, qa Apolos, qa Inyan, qa wicoicage kin, qa wiconi, qa wiconte, qa taku nakaha un kin, qa taku u kte cin hena owasin nitawapi;

23 Qa Messiya tawa niyanpi, qa Wakantanka Messiya tawa ya.

WICOWOYAKE 4.

1 Wicašta kin kaken ecanun- kinpi kta, Messiya iwicadake cin qa Wakantanka tawowiyukean awanyakapi kin heuncapi.

2 Nakun tona waawanyakapi un kin hena owotanna oħanyan- pi kta iyececa wicadakapi ece.

3 Tuka mayadacopi, qa wica- šta akantu mayacopi ešta, he ta- ku šni wadaka; qa nakun mi- hdaco šni.

4 Miye cinka takudan sdonwa- kiye šni, tuka heon owotanna mihdawa šni; tuka tuwe mayu- kcan kin Itancan kin hee.

I. KORINTH.

5 Hecen iyehantu śni kin ito-
kam takudan yacopi śni po, Itan-
can kin he hi śni kin hehanyan ;
he iye kin taku otpaza en na-
hmanpi qon aiyoyam ye kta, qa
wicocante awacinpi kin yuatan-
in kta ; unkan hehan otoiyohi
Wakantanka eciyatanhan ido-
wanpi kta.

6 Mihunkawanji, niyepi on
etanhan hena hecen Apolos kici
miye imihdacin ; hecen unkiye-
pi kin on wowapi en kagapi kin
isanpa kecanwicayakinpi kte śni
onnispapi kta, qa hecen otoiyohi
on wahanniçidapi kte śni.

7 Tuwe hecen iyotan nicaga
he ; qa taku niçupi śni kin tukte
e duha he. Qa niçupi kinhan
tokeca niçupi śni kin iyecen on
iniwinka he.

8 Nakaha winipipi ; nakaha
winijicapi ; unkiyepi unkieunon-
pa tanhan wicaštayatapi yaunpi :
Unkan wicaštayatapi yaunpi wa-
cin, hecen niyepi kici wicašta-
yatapi unyakonpi kta tuka.

9 Miś kaken wacin mduza ;
Wakantanka yewicašipi unkiye-
pi kin ehake taninyan eunhdepi,
wiconṭe iyacopi kin iyececa ;
hecen wicoicage qa mahpiya
ohnihde cin, qa wicašta kin en
woiwanyake kin he unkiyepikta.

10 Messiya on wiuntkotkopika,
tuka niye Messiya en yaksapapi.
Unkiye waunśakapi śni, tuka ni-
ye waniśakapi. Unkiye unyuon-
ihanpi śni, tuka niye nicinihan-
pi.

11 Qa nakun anpe dehan wote-
kteunhdapi, qa iunpuzapi, qa
tancounkapidan, qa unkaštakapi,
qa tuktedan tinsadan unyakonpi
śni ;

12 Qa hununkitapi, unnapepi
kin on hitaunni. Unkaiapi keś
wicunyawastepe ; śicaya unku-
wapi keś wacin untankapi ;

13 Unyašicapi keś ceunkiyapi
ece. Wicoicage en watušekše-
ca kin iyecen unkagapi, qa anpe
dehanyan taku owasin etanhan
taku kahin elhepyapi kin hecen
unyawapi ece.

14 Ištenciapi kta heon hena
hecen wowapi wakage śni, tuka
micinca wašte wicawakidake cin
iyecen wahokonciyapi.

15 Messiya en waonspekiyapi
kektopawinge wikcemna duhapi
ešta, ateyapi ota duhapi śni ; Je-
sus Messiya en wotanin wašte
on cinca cicagapi.

16 Heon etanhan ceciciyapi ce,
ecen omicipa po.

17 Heon niyepi kin ekta Timo-
theos ye waši, he nakun micinca
hokšincantkiyapi, qa Itancan kin
en wacinyepica, he mitacanku
Messiya en un kin kiksuye ni-
yanpi kta, ohinniyan okodakici-
ye otoiyohi en waonspewakiye
cin iyececa.

18 Ėkta ciupi kte śni se ececa,
heon wanjikši wahanhaniçidapi.

19 Tuka ecadan ekta ciupi kta,
Itancan kin iyokipi kinhan, qa
tona wahaniçidapi token eyapi
kin hee śni, tuka taku okihihi
kin he sdonwaye kta.

20 Wakantanka tokiconze kin
he wicoie en ahe śni, tuka wo-
waśake en han.

21 Cansakadan yuha ekta ciupi
kta, qa is wacantkiyapi cante
alibayedan ko hduha wau kta,
unma tukte yacinpi he.

WICOWOYAKE 5.

1 Niyepi ekta wawicihałapi
yukan keyapi ; qa wawicihałapi
kin he iyececa lkcewicašta kin
ekta cajeyatapi śni, wanji iye
atkuku tawicu kin yuze kte cin.

2 Unkan niye wahanniçidapi ;
on iyonicišicapi kta tuka ; hecen

WICOWOYAKE 6.

tuwe hecon kin niyepi etanhan iyaye yapi kta.

3 Miye mitancan on ekta opeya ciunpi śni, tuka micante on en waun seca, heon en waun kin iyecen wanna mduŝtan; tuwe hecon kin,

4 Mniniciyapi qa mitoksape duhapi kinhan, Jesus Messiya Itancan unkiyapi caje kin on, qa Jesus Messiya Itancan unkiyapi towaŝake kin yuha,

5 Wicaŝta kin he Satan yaqupi kta, ceŝpi yutakuni kte śni, hecen Jesus Itancan kin taanpetu kin en nagi kin ni kta.

6 Iniwinktapi kin he waŝte śni. Taku on napoŝyapi kin waniqadan aguyapi ocowasin napoŝya ece e sdonyayapi śni he.

7 On napoŝyapi tannike cin eŝpeya po; hecen aguyapi teca qa napoŝye śni yaunpi kta. Messiya wohduze unkitawapi kin he iye kaeŝ unkiyepi on woŝnapi.

8 Heon etanhan wohduze kin en unkopapi kta, on napoŝyapi wanakaja qa wocanniye wicoŝice ko on napoŝyapi kin he *unhap*i kte śni, tuka wicoowotanna wowicake ko on napoŝyapi kin hee unkunpi kta.

9 Wowapi en kaken cicagapi; Wiinaŝmanpi kin om mayanipi kte śni.

10 Tuka wicoicage kin de en wiinaŝmanpi, qa tona waicucupi kte cin, qa wawicaki sa, qa tona wakagapi ohodapi kin hena e wicawake śni; unkaŝ wicoicage kin de etanhan tankan dapi kta tuka.

11 Tuka nakaha kaken wowapi cicagapi, tuwe hunkawanjin kiciyapi eciyapi kin he wiinaŝman, qa waicucukte cin, qa wakagapi ohoda, qa waaie sa, qa witko sa, qa wawicaki sa

heca kinhan, kici yaunpi kte śni, ihnuhan kici wayatapi kinhan.

12 Tona tankan unpi kin hena token ecin wicamdaco kta he; tona timahen un kin hena wicadacopi śni he.

13 Tuka tona tankan un kin hena Wakantanka wicayaco ece. Hecen wawicahaŝapi econ qon he niyepi kin etanhan tankan iyeya po.

WICOWOYAKE 6.

1 Wicaŝta wan taku icanŝin niyanpi kinhan token ecin owotanna oŝanye śni unpi kin en yukcanpi kta e ayaipi he, qa wicaŝta wacinyan unpi kin en ayaipi śni.

2 Tona wacinyan unpi kin hena wicoicage kin yacopi kta e sdonyayapi śni he. Unkan niyepi wicoicage kin dacopi kta hecinhan, taku iyotan cistinna kin hena iyukan iyenicecapi śni he.

3 Maŝpiya ohnihde kin hena eepi kaeŝ wicunyukanpi kta e sdonyayapi śni he. Hecen wiconi kin de en taku hiyeye cin sam iyeya *unkokihipi*.

4 Heon etanhan wiconi kin de en taku iyukanpi kte cin duhapi kinhan, tona okodakiciye kin en yuonihanpi śni kin hena iyukan wicaŝi po.

5 Iniŝtecapi kte cin heon hepa. Niyepi ekta wicaŝta ksape ca tuwe hunkawanj itkupi kin wiyukan okihi kte cin wanica he.

6 Tuka hunkawanjinkiciyapi kin taku iyakicionpapi ece, qa he nakun wacinyanpi śni kin wicitokam.

7 Hecen taku iyayecionpapi kin he ŝicaya ecanonpi ece. Tokeca e ŝicaya ecaniconpi kin ayatpaspapi śni he. Tokeca ta-

I. KORINTH.

ku nicipi kinhan wacin tanka yeɗunpi ŋni he.

8 Tuka niye ŋicaya ecanonpi, qa wawicayakipi ece, qa he ni-hunkawanjipi kin.

9 Tona owotanna ŋni un kin hena Wakantanka tokiconze kin tawapi kte ŋni e sdonyayapi ŋni he. Ieihnayanpi ŋni po: wiinahmanpi, qa wakagapi ohodapi sa, qa wawicihahapi econpi sa, qa winyan icidapi kin, qa iwica-hu sa,

10 Qa wamanonpi sa, qa wai-cucukte cin, qa witkopi sa, qa wawicakipi sa, henakiya Wa-kantanka tokiconze kin tawapi kte ŋni.

11 Qa niŋ niyepi kin hunh heni-ccapi tuka, tuka niyujajapi; tuka niyuwakanpi; tuka niyuo-wotanpidan, Jesus Itancan kin cajeyan qa Wakantanka unkita-wapi Taniya kin on.

12 Taku owasin ecamon kta e iyowinmakiyapi, tuka taku owa-sin ecamon kta iyecece ŋni; ta-ku owasin ecamon kta e iyowin-makiyapi, tuka takudan imada-ke kte ŋni wacin.

13 Woyute kin he wicatezi kin *kicagapi*, qa wicatezi kin iŋ wo-yute *kicagapi*, tuka henioza Wa-kantanka ilang ye kta. Unkan wicatancan kin he wiinahmanpi on kagapi ŋni, tuka he Itancan kin *kicagapi*, qa Itancan kin he iŋ wicatancan kin tawa kta.

14 Unkan Wakantanka wanna Itancan kin najin kiye ca, nakun iye towaŋake kin on najin unki-yapi kta.

15 Nitancanpi kin hena Messi-ya huha kin ee sdonyayapi ŋni he. Hecen Messiya huha kin iwacu, qa witkowinna wan huha wakiye kta he. Hiya, hecetu ŋni.

16 Tuwe witkowinna wan en kici iyaihdaŋke cin he kici tan-

can wanjidan, sdonyayapi ŋni he. Henioza celipi wanjidan kta ce, eye ciqon.

17 Tuka tuwe Itancan kin en kici iyaihdaŋke cinhan he iye kici woniya wanjidan.

18 Wiinahmanpi kin nakicipa po. Woahitani wicaŋta econ kin owasin wicatancan kin itankan un, tuka tuwe wiinahman kin-han he iye tancan kin en wai-ci-hitani.

19 Tokeca, nitancanpi kin he-na Woniya Wakan Wakantanka nicipi, qa niyepi en un kin he tipi tawa kin hee, qa hecen tawa nihdawapi ŋni e sdonyayapi ŋni he.

20 Taku tanka iyopeniyanpi, heon nitancanpi ninagipi ko on Wakantanka yatan po, hena Wakantanka tawa.

WICOWOYAKE 7.

1 Wowapi en miyecagapi kin he icahtagya, wicaŋta kin wino-hinca yutan ŋni kin he waŋte.

2 Tuka wiinahmanpi kte ŋni e heon etanhan wicaŋta otoiyohi winohinca tawa hduhe kta, qa winohinca kin iŋ otoiyohi wica-ŋta hduha nunwe.

3 Unkan wicaŋta kin iye tawic-u kin wowaŋte ecakicon kta, qa winohinca kin iŋ iye hihnaku kin nakun ecen *ecakicon* nunwe.

4 Winohinca kin iŋ iye tancan kin hduhe ŋni, tuka hihnaku kin he *yuha*, qa nakun wicaŋta kin iŋ iye tancan kin hduhe ŋni, tu-ka tawicu kin he *yuha*.

5 Otoiyohi tancan elipekiciya-pi ŋni po, ptecedan hehanyan, napin wicayadapi kinhan hecee-dan, takudan yute ŋni qa woce-kiye eyapi kin en ocowasin ye-niɗiyapi kte cin heon, kinhan ake napin yahdapi kta, unmana

kinhan oiçihipi šni kin on Satan iyutanniyampi kta naceca.

6 Hena hecon eišipi kin e on hepe šni, tuka wahokonkiciyapi kin heon.

7 Wicašta owasin miye waun kin iyecen unpi kta wacin, tuka otoiyo hi Wakantanka etanhan wicowašake hduha un, wanji decetu, qa wanji iš kaketu.

8 Tuka tona tanšna un qa tona wiwazicapi kin hena, miye waun kin iyecen unpi kte cin he wašte kta, kewicawakiya.

9 Tuka oiçihipi šni kinhan kiciyuzapi kta; wakan kiciyuzapi kin he wašte qa wacin itkon kin he šica.

10 Unkan tona kiciyuzapi kin hena kaken wahokonwicawakiya, qa he miye cinka epe šni, Itancan kin he heya; Winohinca iye hihnaku kin ahdušan kte šni.

11 Tuka ahdušan kinhan tanšna un kta, qa iš ake lihniku qon okiciye kta; qa wicašta kin iye tawicu kin ihnuhan elpekiye cinhan.

12 Unkan ehake, Itancan kin hee šni, miye cinka hecen epe kta; Hunkawanjin kiciyapi wan winohinca wicada šni kin heca yuhe ça, he kici un iyokipi kinhan, he ihnuhan elpekiye cinhan.

13 Qa winohinca wan wicašta wicada šni kin heca yuhe ça, he kici un iyokipi kinhan, he iš nakun elpekiye kte šni.

14 Wicašta wicada šni kin he iye tawicu kin on yuwakanpi, qa winohinca wicada šni un kin he nakun iye hihnaku on yuwakan kagapi. Hecece šni unkanš nicincapi kin ašapapi kta, tuka nakaha hena e wakan.

15 Tuka wicada šni un kin he unma kpgan kinhan hecen kpa-

gan kta. Hena hecece cin en hunkawanjin kiciyapi, qa tawinohtin kiciyapi kin idakapi šni. Wakantanka wookiye en unkcopi.

16 Winohinca, niš taku sdon-yaya he, okinni nihihna niyakiye kta. Qa wicašta kin, niš token sdonyakiya he, okinni nitawin niyakiye kta.

17 Tuka otoiyo hi token Wakantanka wicaqu qa Itancan kin otoiyo hi wicakico kin he iyecen mani nunwe. Hecen okodakiciye owasin en econ wicawaši ece.

18 Tuwe bakiħdayapi ecen kicopi hecinhan, bakiħdayapi šni kin akite kte šni. Qa tuwe bakiħdayapi šni ecen kicopi hecinhan, he bakiħdaye kte šni.

19 Bakiħdayapi kin he taku šni, qa bakiħdayapi šni kin he nakun taku šni, tuka Wakantanka tawoahope opapi kin he tan-ka.

20 Otoiyo hi wicohtani en kicopi kin he en un kta.

21 Wowidake un kin henica ecen nicopi kinhan he ekta ewacin šni wo; tuka tawa niçiye kta e oyakihi kinhan he en oyaħan de kta.

22 Tuwe wowidake un kin he Itancan kico kinhan, hee Itancan kin on tawa içiya; qa nakun tuwe tawa içiye cin hecen kicopi kinhan he Messiya wowidake tawa kin hee.

23 Teħiya openitonpi, heon wicašta akantu wowidag niyanpi šni nunwe.

24 Mihunkawanji, otoiyo hi taku en un hecen kicopi kin he en Wakantanka kici un nunwe.

25 Unkan hokšiwinpida n icaħtagya, Itancan kin eciyatanhan woope takudan mduhe šni. Tuka miye owotanna waun kta

I. KORINTH.

Itancan kin ionsimakida, hecen token wacin mduze cin owahda-ke kta.

26 Nakaha wicokakije kin on etanhan de wašte kepc; wicašta kin ecen un kte cin he wašte.

27 Winohinca en iyanihdaška he; etanhan nihduške kta akite šni wo. Qa winohinca en iyanihdaške šni he; winohinca wan akite šni wo.

28 Tuka winohinca duza ešta wayahitani šni, qa hokšiwinna wan hihnaton ešta wahitani šni; tuka hena e wicacelipi ekta wicokakije yuhapi kta; hececa ešta ito itoncipapi.

29 Tuka mihunkawanji kaken epe kta; Wanna tokata ptenyedan; tona winohinca yuhapi kin hena winohinca tonpi šni kin iyecen unpi kte.

30 Tona ceyapi kin hena ceyapi šni kin iyececapi kte; tona iyuškinpi kin hena iyuškinpi šni kin iyececapi kta; qa tona wopetonpi taku yuhapi šni kin iyececapi kta.

31 Qa tona maka kin de woinyunyanpi kin šicaya yuhapi kin iyececapi kte šni; wicoicage kin de ouncage kin atakuni šni aya.

32 Tuka takudan icante šice šni yaunpi kta wacin. Tuwe tawicu ton šni kin he Itancan taku tawa kin awacin yanka, token Itancan iyokipi ye kta.

33 Tuka tuwe tawicu ton kin he wicoicage kin en taku awacin yanka, token tawicu kin iyokipi ye kta.

34 Qa nakun winohinca hihna ton qa witanšna un kin hena kici akidecece šni. Hihna ton šni kin he Itancan taku tawa kin awacin yanka, tancan nagi ko wakan un kta heon. Tuka hihna ton kin he wicoicage en ta-

ku un kin awacin yanka, token hihnaku kin iyokipi ye kta.

35 Tanyan yaunpi kta heon hena hepa. Taku on hmunkapi kin nitokam ewahnake kta e hee šni; tuka wacinktonja wanin, qa wiciyokipi kin en Itancan kin oyapapi kta e heon.

36 Tuka tuwe iye cunwintku tanšna un kin tanyan ecakicon šni kecin, qa wanna wikoška hecinhan, qa he iyecetu kinhan, token cin kinhan ecen econ ešta, wahitani kte šni; wakan kiciyuzapi kte.

37 Tuka tuwe iye cante kin en sutaya un qa tokan tanhan hecon kiyapi šni, qa iye tawacin kin oicihi, qa cunwintku tanšna un hduhe kta e cante mahen iciconze cinhan he tanyan econ.

38 Hecen tuwe kiciyuzapi kin en wicaqu kinhan he tanyan econ, qa tuwe kiciyuzapi kin en wicaqu šni kin he sanpa tanyan econ ece.

39 Winohinca kin tohanyan hihnaku ni un kin hehanyan wicoope kin on kaškapi; tuka hihnaku kin te cinhan hehan tawaiciya, tuwe tokeca cin kinhan he hihnaye kta okihi, Itancan kin en un kin hecedan.

40 Tuka ecen yanke cinhan he iyotan wašteya un kta imdukan, qa Wakantanka Taniya kin he mduha kepc.

WICOWOYAKE 8.

1 Unkan taku wakagapi wakiyušnapi kin icaltake, owasin wookahnige unhapi sdonunkiya-pi. Wookahnige kin he tanka-icidapi kaga, tuka wacantkiyapi kin he tanka icaliya.

2 Tuwe taku sdonya kecin kinhan he nahahin sdonye kte cin iyecen takudan sdonye šni.

WICOWOYAKE 9.

3 Tuka tuwe Wakantanka wašte dake cinhan Wakantanka he iye sdonya.

4 Taku wakagapi wakiyušnapi kin yutapi kin he icahtake, wakagapi maka akan un kin he taku šni sdonunyanpi, qa Taku Wakan wanjidan, hecedan yukan.

5 Taku wakan eciyapi kin mahpiya ekta qa maka akan yukan ešta; taku wakan ota, qa itancan kiyapi kin nakun ota keyapi ece:

6 Tuka unkiye, Taku Wakan wanjidan Ateyapi kin hee unhapi, he etanhan taku owasin u, qa he en unkiye *unyakonpi*; qa Jesus Messiya Itancan kin wanjidan, he on taku owasin un qa he eciyatanhan unkiyepi.

7 Tuka owasin hecen okałnigapi šni. Wanjikji anpetu dehanyan wakagapi sdonyapi, taku wakagapi wakiyušnapi kin iyacinyan yutapi ece; hecen nagi suta šni kin hena ašamyapi.

8 Taku untapi kin eciyatanhan Wakantanka iyokipi unyanpi šni; wauntapi kinhan heon etanhan sanpa unwaštepi šni, qa wauntapi šni kinhan heon sanpa unšicapi šni.

9 Tuka ihnuhan wawoyakihipi kin de tona wašake šni un kin hena en wonahnaye kte cin.

10 Niye osdonya yaun kin, wakagapi tipi kin en wota idotanke cin tuwe wanniyake cinhan, wicašta nagi wašake šni un kin he taku wakagapi wakiyušnapi kin yuta onspeyakiye kte šni he.

11 Hecen nihunkawanji wašake šni un kin, on Messiya te cin he ihangyapi kta, niye wasdonyaye cin heon etanhan.

12 Tuka hunkawanjin kiciyapi kin en hecen wayahtanpi, qa iye

nagipi kin wašake šni kin nagiyeyayapi eca, Messiya en wayahtanipi ece.

13 Heon etanhan woyute kin mihunkawanji wahtaniye cinhan, ohinniyan tado wate šni waun kta, okinni mihunkawanji wahtaniwaye kta.

WICOWOYAKE 9.

1 Yewicašipi kin hemaca šni he; tawa mičiye šni he; Jesus Messiya Itancan unkiyapi he wanmdake šni he; Itancan kin en miolhan kin he niyepi šni he.

2 Wicašta tokeca ekta yewicašipi kin hemaca šni ešta, niyepi kin ekta hemaca. Yewicašipi kin en opeya waun kin ipuspe kin he niyepi, Itancan kin en.

3 Tona wimawangapi kin hena kaken awicamdupta ece:

4 Unkiye wauntapi qa waunyatkanpi unkokihipi šni he.

5 Yewicašipi kin tokeca, qa Itancan hunkawanjinwicaye cin, qa Inyan iyececa, unkiye tanksiwicunyanpi wanji hduš unkiyapi unkokihipi šni he.

6 Qa iš, miš miye Barnabas kicišnana, wicołhan ayušan owałkihi šni he.

7 Tohantu kašta tuwe iyunwin codan zuya iyaya he; tuwe hastanhanka iyuwi kin huhde qa etanhan waskuyeca yute šni he; qa tuwe tałincea optaye wan hduhe qa optaye kin etanhan asanpi yute šni he.

8 Wicašta akantu eciyatanhan hena hecen epa he; qa woope kin he hena hecen eye šni he.

9 Moses toope kin en kaken kagapi, Tatanka aguyapi napan kin he iohmus icu yaye kte šni ce. Wakantanka tatanka ihałwicakta he;

10 Qa iš unkiyepi kin on hena

hecen eya he. Unkiyepi kin on he wowapi en kagapi; hecen tuwe mahyumdu kinhan woape en mahyumdu kta, qa tuwe woape yuha aguyapi kapan kinhan he kici woape en okicipe kta.

11 Unkiye ninagipi kin on taku unkonicijupi hecinhan, taku wicacelipi kin nitawapi kin he mnaunyanpi kte cin he taku tanka he.

12 Wicašta tokeca niyepi ekta wookihi kin de en okicipapi kinhan, unkiye unkiyotanpi šni he. Tuka wookihi kin he unkunpi šni; taku owasin unkapaspapi, Messiya tawootanin wašte kin anauntpi kte šni kin heon.

13 Tona tipi wakan kin en kicanyanpi kin hena tipi wakan kin etanhan nipi ece sdonyayapi šni he; qa tona wahna wošnapi kin ekta ehanyanpi kin hena wošnapi kin etanhan wotapi ece.

14 Hecen nakun Itancan kin woope kaga; tona wotanin wašte oyakapi kin hena wotanin wašte kin on nipi kta.

15 Tuka hena taku kin takudan iwacu šni, qa hecen ecami-conpi kte cin heon hena hecen wowapi wakage šni; miye mašte kte cin hee wašte, qa tuwe imawinkta kin de ecetu šni miciciye kte cin he šica.

16 Wotanin wašte kin omdaka keš, he wowinkta wahdawa šni; waecon makiyapi, qa wotanin wašte omdake šni ehantanhan wokakije micihan.

17 Qa he iyokipiya ecamon kinhan on iyunwin mduhe kta, tuka iyomakipi šni ešta taku econmakiyapi wan maqupi.

18 Hecen taku mduhe kta he. Wotanin wašte omdake cinhan, Messiya tawootanin wašte kin iyunwin codan ewahde, qa he-

cen wotanin wašte kin en wowakihi kin tanyan mduhe kta.

19 Wicašta owasin ekta wwidake šni waun tuka owasin wwidake mayuhe wicawakiya, wanjikši okihiwicawaye kte cin heon hecamon.

20 Juda oyate kin wicehna, Juda wicašta kin hemaca, Juda oyate kin owicawakihi kte cin heon. Tona woope kin ihukuya un kin hena ekta woope yuha unpi kin hemaca, tona woope yuhapi kin hena owicawakihi kta.

21 Qa tona woope nicapi kin hena ekta woope codan unpi kin hemaca; — Wakantanka ekta woope codan waun šni tuka Messiya on woope yuha waun; tona woope nicapi kin hena owicawakihi kta.

22 Tona wašake šni kin hena en wašake šni se emaceca, tona wašake šni kin hena owicawakihi kta. Wicašta owasin en taku owasin un kin hemaceca, wanjikši ni wicawaye kte cin heon.

23 Wotanin wašte kin he on hecamon ece; hecen he en miš eya owape kta.

24 He de sdonyayapi šni he; Tona oinyanke kin en inyankapi kin hena owasin inyankapi, tuka wicašta wanjidan oqipe kin yekiya ece: Niš yeyakiyapi kta e iyecen inyanka po.

25 Tuwe kašta kici econ kte cinhan taku owasin iyatahde iciye šni un. Hena watešdake atakuni kte šni kin yekiyapi kta, tuka unkiye watešdake ohinnian un kte cin he *unkakitapi*.

26 Heon etanhan miš hecen waimnanka, toketu tanin šni kin he iyecece šni; hecen nape on econ waun, tuwe okaduza ape cin iyecece šni;

WICOWOYAKE 10.

27 Tuka mitancan kin suta mićicage ça tinsmićiya ; okinni wicašta tokeca wotanin wašte kin owicawakiyaka ešta, miye qe heyata iyemayanpi kte cin he *kowakipa*.

WICOWOYAKE 10.

1 Mihunkawanji he de sdoney ešni yaunpi kta wacin sni, hun-kake wicunyanpi kin owasin mahpiya šapa kin ihukuya yukanpi, qa owasin miniwanca kin op-ta hiyupi.

2 Qa owasin mahpiya šapa qa miniwanca kin en Moses baptem wicaqu.

3 Qa owasin woyute wakan wanjidan etanhan yutapi.

4 Qa owasin woyatke wakan wanjidan etanhan yatkanpi. Imnija wakan kin wicihakam iya-ye ciqon he etanhan yatkanpi. Imnija kin he Messiya hee.

5 Tuka hena wicota Wakan-tanka iwicayuškin sni, hecen makoskan ihpayapi.

6 Unkan hena e waonspekiya unkitawapi kin eepi, hecen taku šica cantiheunyanpi kte sni, is iye cantiheyapi qon iyececa.

7 Qa wakagapi ohoyadapi kte sni, is iyepi wanjikji heconpi qon iyececa. Kaken wowapi en ka-gapi, Oyate kin wota qa wa-yatke iyotankapi, qa škan najin hiyayapi.

8 Qa wiinalimanpi kin econku-pi kte sni, is iyepi wanjikji econpi qon iyececa ; qa anpetu wan-jidan en kektopawinge wikce-mna nonpa sanpa kektopawinge yamni ihpayapi.

9 Qa Messiya iyutan unyanpi kte sni, hena wanjikji iyutan yanpi qon iyececa ; unkan wa-mduška ihangwicayapi.

10 Qa wawiyahnupi kte sni, is

iyepi wanjikji wawihnupi qon iyececa, qa waihangye cin on yutakunipi sni.

11 Hena taku kin owasin waon-spekiyapi on en wicahiyahde, qa unkiyepi wicoicage owihan-keta unyakonpi kin wahokonun-kiyapi kte cin heon wowapi en kagapi.

12 Hecen tuwe tinsa najin ke-cin kinhan, he wakta un nunwe, okinni ihpaye kta.

13 Wowiyutanyan wan wicašta sdoneyapi sni ece kin en aniupi sni. Wakantanka wacinyepica, hecen wawoyakhipi kin isanpa iyutannianpi kta iyowinye kte sni, tuka wowiyutanyan kin he enakiye kta, hecen oyakhipi kta.

14 Heon etanhan wašte cici-da-pi kin, wakagapi ohodapi kin na-kicipa po.

15 Wicašta wacin ksape cin hena hecen ewicawakiya, token epe cin niš iyuckan po.

16 Woyawašte wiyatke unya-waštepi kin he Messiya we kin en kodakiciyapi kin hee sni he. Aguyapi unkiyušpapi kin he Messiya tancan kin en kodakici-yapi kin hee sni he.

17 Unkiye unkotapi, tuka agu-yapi unwanjipidan, qa tancan unwanjipidan ; unkiye owasin aguyapi wanjidan en akipan unkopapi.

18 Wicacełpi eciyatanhan Is-rael oyate kin ekta ewicaton-wan po. Tona wošnapi kin etanhan yutapi kin hena wahna wošnapi kin en opapi sni he.

19 Heon token epe kta he : Wakagapi kin he taku, qa is ta-ku wakagapi wakiyušnapi kin he taku tanka he : Hiya.

20 Tuka taku Ikcewicašta kin wayušnapi ece kin hena Wakan-šica wakiyušnapi, qa Wakan-tanka wakiyušnapi sni. Unkan

I. KORINTH.

taku wakan śicapi kin en oyecipapi kta wacin śni.

21 Itancan tawoyatke qa nakun taku wakan śicapi tawoyatke kin yatkan oyakihipi śni. Itancan kin wahna wotapi tawa kin en oyapapi, qa nakun taku wakan śicapi wahna wotapi tawapi kin en oyapapi kta oyakihipi śni.

22 Itancan kin śihda unyanpi kta he. Iye sam iyeya waunśakapi he.

23 Taku owasin iyemicihantu tuka owasin taku wašte icalhe śni. Taku owasin iyemicihantu tuka owasin waonspekiye śni.

24 Tuwedan isnana taku amnaicēye kte śni, tuka otoiyohi taku token tawa kte cin he akicicite kta.

25 Taku owasin tihocoka kin ekta wiyopeyapi kin he yuta po, qa wiyukcanpi kin on takudan iwangapi śni po.

26 Maka kin de taku ohnaka ko Itancan kin tawa.

27 Wicašta wicadapi śni kin wanji nicopi, qa ekta dapi tawatenyayapi kinhan, taku nitokam ehdepi kin he yuta po, qa wiyukcanpi on wiwangapi śni po.

28 Tuka tuwe, De wakagapi wakiyuśnapi ce, eniciyapi kinhan, yutapi śni po, tuwe oniciyakapi qa wiyukcanpi kin hena on. Maka kin de taku ohnaka ko Itancan kin tawa.

29 Wiyukcanpi kin cajemdata, niye nitawa śni tuka token tawa kin he waka. Tokeca tawa mičiye cin he wicašta tokeca tawiyukcan kin on mayacopi kta he.

30 Wowaste on en owape cinhan, tokeca e taku on wopida epe cin he on mayaśicapi he.

31 Heon wayatapi qa wadatkanpi, qa taku kašta ecanonpi

kin owasin Wakantanka yatanpi kta e on econ po.

32 Juda oyate, qa Helenes oyate, qa Wakantanka taokodakiciye tuwedan icanśinyayapi kte śni.

33 Qa miye taku owasin on owasin iyokipi wicawaye cin he iyececa, taku mduhe kte cin he awakite śni, tuka taku wicota yuhapi kte cin, hecen nipi kta.

WICOWOYAKE 11.

1 Miye omicipa po, Messiya opeya waun kin iyececa.

2 Mihunkawanji, ciyatanpi ce, taku owasin on miyeksyayapi, qa woope cičupi qon ecehin duhapi kin heon etanhan.

3 Tuka he de sdonyayapi kta wacin; Wicašta otoiyohi en pa kin he Messiya ee; qa winohinca pa kin he wicašta kin ee; qa Messiya pa kin he Wakantanka ee.

4 Wicašta otoiyohi pa akałhe ton cekiye ca wiyukcan kinhan, he iye pa kin wowištenya ece.

5 Tuka winohinca otoiyohi pa akałhe ton śni cekiye ca, wiyukcan kinhan, he iye pa kin wowištenya; he paha yuśdapi kin kici akidececa.

6 Winohinca is pa akałhe ton śni kinhan paha yuśdapi kta. Tuka winohinca paha yuśdapi, qa is hdasarpi kin he wowištece kinhan, pa akałhe ton un kte.

7 Wicašta kin is pa akałhe ton un kin he hecetu śni, he Wakantanka touncage qa towitan kin hee; qa winohinca kin wicašta towitan kin hee.

8 Wicašta kin he winohinca kin etanhan śni; tuka winohinca kin he wicašta kin etanhan un.

9 Qa wicašta kin he winohinca

kicagapi śni, tuka winohinca kin is wicašta kin *kicagapi*.

10 Heon winohinca kin pa kin akan wowaśake hduhe kta, ma-
łpiya ohnihde cin hena on etan-
han.

11 Tuka nakun wicašta kin wi-
nohinca codan un śni, qa wino-
hinca kin is wicašta codan un
śni, Itancan kin en.

12 Unkan winohinca kin he
wicašta kin etanhan un kin, he
iyecen wicašta kin is winohinca
kin eciyatanhan u ; qa taku owa-
sin Wakantanka etanhan un.

13 Niś niyepi kin he iyukean
po ; winohinca pa akałpe ton
śni Wakantanka cekiye cinhan
he hecetu he.

14 Taku oiyokipi kin hee kaes
he onspeniciyapi śni he ; wica-
šta kin paha hanskaska hecin-
han he wowištece.

15 Tuka winohinca kin is paha
hanskaska koyake cinhan he wo-
witan kin ee ; paha kin he wo-
kałpe qupi.

16 Tuka tuwe waakinin un kin-
han, wicołian kin de iyececa ta-
kudan unhapi śni, qa nakun Wa-
kantanka taokodakiciye kin.

17 Unkan he de omdake ęa
ciyatanpi śni ; taku sanpa wašte
kin on mniniciyapi śni ; tuka ta-
ku aoptetu kin heon etanhan.

18 Tokaheya okodakiciye mni-
niciyapi eca yuomdecapi du-
kanpi keyapi nawahon ; qa on-
śpa wicawada.

19 Waakinicapi niyepi en un
kta, hecen tona owotanna iniyu-
keanpi kin tanin kta.

20 Heon witaya mniniciyapi
eca, he łtayetu wotapi Itancan
tawa kin yutapi kte cin hee śni ;

21 Wotapi kin en otoiyołi ta-
ku yute kte cin tokaheya icu
ece ; unkan wanji wotektehda
qa wanji is witko ece.

22 Tokeca, tipi ohna wayatapi,
qa wadatkanpi kte cin yahdu-
hapi śni he. Wakantanka ta-
okodakiciye kin ayaktapi śni,
qa tona taku yuhapi śni kin he-
na ištenwicayayapi he. Token
eciciyapi kta he. Heon ciya-
tanpi kta he. Hiya, ciyatanpi
śni.

23 Miye taku Itancan maqu
qon he cięupi, Jesus Itancan kin,
hanyetu wan iyołeyapi qon he
en, aguyapi icu ;

24 Qa wanna wopida eye cin
hehan kiyuśpe ęa heya ; Ięupi
qa yuta po ; mitancan kin niye-
pi on kiyuśpapi kin he dee ; de-
cen miksuya econ po.

25 Nakun is eya iyecen wanna
yatkan qehan, wiyatke kin icu
qa heya ; Mawe kin en wicota-
kuye teca kin he dee ee ; decen
econ po, tohanhan datkanpi eca,
miksuya po.

26 Hecen tohan aguyapi kin de
yatapi, qa wiyatke kin de da-
tkanpi kinhan, henakiya Itancan
ęe cin he duotaninpi ece, tohan-
yan hi śni kin hehanyan.

27 Heon etanhan, tuwe agu-
yapi kin de iyacin śni yute ęa,
Itancan tawiyatke kin de yatke
cinhan, he Itancan kin tancan,
we ko, on yacopi.

28 Tuka wicašta kin wihdu-
kean kta, hecen aguyapi kin de
yute ęa, wiyatke kin de etanhan
yatke kta.

29 Tuwe iyacin śni yute ęa
yatke cinhan, he woyaco hdute
ęa hdatkan, Itancan tancan kin
iyukean śni kin heon.

30 Heon etanhan niyepi eka
wicota waśakapi śni, qa waya-
zanpi sa, qa hunł ištınmapi.

31 Unkiye unkihdukeanpi kin-
han, tokan tanhan unkiyukeanpi
kte śni.

32 Qa unkiyukeanpi kinhan,

Itancan kin wahokonunkiya, hecen wicoicage kin om unyaci kte šni.

33 Hecen mihunkawanji tohan wota mniniciyapi kinhan, otoi-yohi akicipe po.

34 Qa tuwe wotektehda kinhan, he tiyata wote kta; hecen woyaco en witaya yaipi kte šni. Qa taku nahalin ihe cin hena tohan wau kinhan, wiyeya ewahake kta.

WICOWOYAKE 12.

1 Mihunkawanji, taku wakan-yan wicaqupi kin iyukan šni yaunpi kta wacin šni.

2 Ikcewicašta kin henicapi, wakagapi iapi okitpani kin en aniyampi, ye niyanpi qon iyececa, he sdonyakiyapi.

3 Heon he sdonye ciciyapi; Tuwedan Wakantanka Taniya kin eciyatanhan ie ça, Jesus yašice kte šni; qa nakun tuwedan Jesus e Itancan eciye kta okihi šni, tuka Woniya Wakan ecedan eciyatanhan okihi ece.

4 Unkan taku wicaqupi kin hena okonwanjidan šni, tuka Woniya kin e wanjidan.

5 Qa waeconpi kin okonwanjidan šni, tuka Itancan kin e wanjidan.

6 Qa wicohan toktokeca; tuka Wakantanka kin e okonwanjidan, iye owasin en taku owasin owicakicihan.

7 Qa otoi-yohi on iyopta ye kte cin heon Woniya yuotaninpi kin wicaqupi ece.

8 Woniya kin wicašta wan woksape wicoie kin qu ece; qa wanji iš wosdonye wicoie kin, hena Woniya wanjidan etanhan.

9 Qa Woniya kin he wanji tokeca wowacinye qu ece; qa wanji tokeca iš wawokiziyapi

qu ece, qa hena Woniya wanjidan etanhan.

10 Qa wicašta wan wowape-tokeca econpi, qa wanji tokeca wiyukanpi, qa wanji tokeca taku wakan iyukanpi, qa wanji tokeca iapi ocaje ota, qa wanji tokeca iapi ieska oyakapi kin heceken wicaqupi ece.

11 Tuka hena owasin Woniya wanjidan qa okonwanjidan un kin he oňanye ça, token cin kin hecen wicašta otoi-yohi kipamni wicaqu ece.

12 Wicatancan kin he wanjidan tuka wicahuha ota yukan; qa tancan kin en huha kin hena ota qeşaš tancan wanjidan; Messiya kin iš he iyececa.

13 Woniya wanjidan on, unkiye owasin wicatancan wanjidan kta e baptem unqupi, Juda qa Helenes oyate, wowidake un kin, tona tawa içiyapi kin hena koya; qa owasin Woniya wanjidan kin he en wayatke unkiyapi.

14 Wicatancan kin he huha wanjidan šni, tuka ota.

15 Hehan wicasiha kin he, Wicanape kin he miye šni heon wicatancan kin en opeya waun šni ce, eye cinhan, heon etanhan wicatancan kin en ope šni he.

16 Qa wicanoge kin he, Wicašta kin he miye šni qa heon wicatancan kin en opeya waun šni ce, eye cinhan, ehantanhan wicatancan kin en ope šni he.

17 Wicatancan kin ocowasin išta kin ee unkanš, winahonpi kin tokiya un kta he; qa ocowasin winahonpi kin ee unkanš, waomnapi kin tokiya un kta he.

18 Tuka nakaha Wakantanka token iyokipi kin hecen wicahuha kin otoi-yohi wicatancan kin en ehde.

19 Qa hena iyuhpa wicahuha wanjidan unkanś, tancan kin tokiya un kta he.

20 Tuka nakaha wicahuha ota ésta, tancan wanjidan.

21 Hecen ísta kin he, Cicin śni ce, nape kin eciya okihi śni; qa nakun pa kin he, Cicin śni ce, siha kin eciye kte śni.

22 Qa nakun sanpa, wicatančan en wicahuha kin tona waśake śni se un kin hena iyotan.

23 Qa wicatančan ekta tona yuonihan śni undakapi kin hena iyotan unhduonihanpi ece; qa tona owanyag śice cin hena iyotan woiyokipi ece.

24 Tona wašte unyukanpi kin hena takudan sanpa cinpi śni; tuka Wakantanka wicatančan kin icikoyagya kage ça, tukten iyokpaniyan un kin he en yuonihanpi tanka kaga.

25 Hecen wicatančan kin en yuomdecapi wanice kta; qa wicahuha kin hena otoiyoři awakicicinpı kta.

26 Qa hecen huha wanjidan iyotanhan iyekiye cinhan, he kici huha kin iyuhpa iyotanhan iyekiyapi kta; qa huha wanjidan yuonihanpi kinhan he kici huha kin iyuhpa iyuśkinpi kta.

27 Messiya tancan kin he niyepi, qa otoiyoři huha yecidukanpi.

28 Unkan okodakiciye kin en Wakantanka kakenken ewicahde, tokaheya yewicaśipi kin hena, qa iyokihe wokcanpi, qa iciyamni waonspekiyapi; hehan wicowaśake, hehan waasniyanpi, waokiyapi, itancanpi, qa ceji toktokeca.

29 Owasin yewicaśipi kin hecapi he; owasin wokcanpi he; owasin waonspekiyapi he; owasin wicowaśake kin heca he:

30 Owasin waasniyanpi okihipi

he; owasin ceji tokeca on iapi he; owasin ieskapi he.

31 Wookihi iyotan wašte kin hena nina akita po. Tuka hena isanpa canku wašte wan cicipazopi kta.

WICOWOYAKE 13.

1 Wicašta akantu, qa mahipiya ohnihde cejipi kin on iwaa ésta, wacanwakiye śni ehantanhan maza śa snasna, qa taku ituya sna kin he iyemaceca.

2 Qa wowiyukcan mduhe ça, taku anahbeya un kin owasin, wookahńige owasin ko, sdonwaye ça, wowacinye owasin mduha, on lie kin yutokan iyewaye kta owakihi ésta, wacanwakiye śni ehantanhan matakú śni.

3 Qa taku mitawa kin owasin won wicayapi kin en wahdusote ça, mitancan kin hee kaeś ħuńnage kta e waqu ésta, wacanwakiye śni ehantanhan takudan iciyopteya waun śni.

4 Wacantkiyapi kin he wicotawacin tanka qa wowašte ocowasin. Wacantkiyapi kin he wawinawizi śni. Wacantkiyapi kin he wahanńanićida śni, qa ihdatan śni ece;

5 Wawištenya econ śni, qa ísnana takudan amnaićiye śni, wacinko śni, qa taku śica iya-wicaonpe śni;

6 Woańtani en iyuśkin śni, tuka wowicake kin en iyuśkin;

7 Taku owasin kajuju; taku owasin wicada; taku owasin ape; qa taku owasin iyowin-yan.

8 Wacantkiyapi kin he tohin- ni owihanke śni. Wokcanpi kin hena enakiyapi kta; ceji tokeca kin hena ayuśtan aye kta; qa wookahńige kin hee kaeś atakuni kte śni.

9 Apadan sdonunyanpi, qa apadan unkiyukanpi.

10 Tuka tohan woyuſtan kin he hi kinhan tona woyuſtan ſni kin hena ihanke kta.

11 Homakſiyoqopa qehan, hokſiyoqopa iyecen iwae a, hokſiyoqopa iyecen wimdukan, qa hokſiyoqopa iyecen awacin waun; tuka wicaſta imacaga hehan taku hokſiyoqopa tawa kin amduſtan.

12 Dehan ihdiyomdasin en iyecen aotpasya wawanunyakapi ece; tuka ege hehan anog itohnake icitkokim wanunkiciyakapi kta. Nakaha taku kin tanyan sdonwaye ſni; tuka e qe tokata sdonmayanpi kin iyecen tanyan sdonwaye kta e imicihan.

13 Unkan nakaha hena yamni en ounyan, wacinyanpi, qa apepi, qa wacantkiyapi; tuka wacantkiyapi kin he iyotan tanka.

WICOWOYAKE 14.

1 Wacantkiyapi kin he okipa po, qa taku wakanyan wicaqupi kin hena cin po; tuka widukcanpi kte cin he iyotan.

2 Tuwe ceji tokeca on ie cin he wicaſta kin takudan owicakiyake ſni, tuka Wakantanka taku eciya; tuwedan naſon ſni kin heon: hececa eſta Woniya kin eciyatanhan taku woanaſbe kin oyaka tuka.

3 Tuka tuwe wiyukan oyake cin he wicaſta kin wowicakiyaka, on icaliyapi qa wahokonkiyapi qa kicanptapi.

4 Tuwe ceji tokeca on ie cin he iye ksamiiya; tuka tuwe wiyukan oyake cinhan he okodakiciye kin ksamwicaya ece.

5 Niyepi kin owasin ceji tokeca on iyaapi kta wacin,

tuka widukcanpi kte cin he iyotan wacin. Tuwe wiyukan kin he tanka qa tuwe ceji tokeca on ie cin he ihukuya, ieska oyake ſni kinhan, hecen okodakiciye kin icaliyapi kta tuka.

6 Unkan nakaha mihunkawanji, ceji tokeca on iwaa en ciupi kinhan, he token oniciyapi kta he; yaotaninpi, qa wookaſnige, qa wiyukanpi, qa woonspe kin unmana eciyatanhan eciciyapi ſni kinhan.

7 Unkan taku ni un ſni kin hena, cotanka qa iſ candowan-kiyapi kin hotanin kinhan, ho toktokeca ſni kinhan, he taku on etanhan tukte e yajopi, qa tukte e dowankiyapi kin sdonyapi kta he.

8 Maza yahotonpi tanka kin ho okonwanjidan ſni yahotonpi kinhan, tuwe zuyapi kta e wiye-ya icicage kta he.

9 He iyecen niſ niyepi, ceji on wicoie okaſnili waſteſte iyaapi ſni kinhan, token on etanhan taku oyakapi kin he taku ee sdonyapi kta he; okaduza kin en iyaapi kta.

10 Maka kin akan ho ocaje tokeca kanakiya naceca, qa owasin taku kapi.

11 Tuka miſ ho kin taku kapi kin sdonwaye ſni kinhan, tuwe ie cin he Ikcewicaſta kin kecan-makin kta, qa miſ eya tuwe ie cin he Ikcewicaſta kin heca wadake kta.

12 Hecen wicoſhan wakan nina yacinpi kinhan, okodakiciye kin icaliyapi kta e wadupipike kte cin he akita po.

13 Heon tuwe ceji tokeca on ie cinhan, he ieska oyake kta e icekiye kta.

14 Miye ſaia cewakiye cinhan, minagi kin he cekiya; tuka mitawacin e qe takudan icaliyapi ſni.

15 Hecen toketu he. Miye minagi kin eciyatanhan cewakiye kta, qa nakun mitawacin kin eciyatanhan cewakiye kta; minagi kin on wadowan kta, qa nakun mitawacin kin on wadowan kta.

16 He hecece šni kinhan, minagi on wopida eha eca, tuwe onspe šni en iyotanke cin he token, wopida ehe cin en, Amen eye kta he, taku ehe cin sdonye šni nakaš.

17 Wopida tanyan eha, tuka iye kin okahnige šni.

18 Wakantanka mitawa wopida ewakiya ce, niyepi kin owasin sam iyeya ceji tokeca on iwaa ece.

19 Tuka okodakiciye kin en mitawacin kin eciyatanhan wicoie zaptanna iwae kta, on wicašta tokeca onpsewicawakiye kte cin he iyotan wašte, qa ceji tokeca on wicoie kektopawinge wikcemna iwae kte cin he aotetu.

20 Mihunkawanji, wookahnige en hokšiyooqopa unpi šni po; tuka wicotawacin šice cin en hokšiyooqopa po, qa wookahnige kin en wicašta tanka un po.

21 Wooke kin en kaken kagapi; Ceji tokeca, iha tokeca ko on oyate kin de owicaweciye kta; tuka hececa ešta, namañonpi kte šni, Itancan kin eya.

22 Hecen ceji tokeca kin hena wowakta kin hee, tona wicadapi šni kin hena eepi šni, tuka tona wicadapi kin hena on wowapetokeca kin hee.

23 Okodakiciye kin ocowasin witaya mniciyapi, qa owasin ceji tokeca on iapi kinhan, qa tona wacinton šni, wicada šni ko en hipi kinhan, winitkotkopika kecannicinpi kte šni he.

24 Tuka owasin wiyukanpi,

qa tuwe wicada šni wacinton šni un kin tin hiyu kinhan, he owasin on onspekiyapi, qa owasin on yacopi kta.

25 Qa hecen iye cante kin ekta taku anahbe cin yutaninpi kta; hehan makipusdiya ehpeiciye ça Wakantanka ohoda kta, qa Wakantanka niyepi en nicipi un kin oyake kta.

26 Heon mihunkawanji toketu he: Mniniciyapi eca niyepi otioyohi odowan duhapi, qa woon-spe duhapi, qa ceji tokeca, qa yaotaninpi wan, qa ieska oyakapi wan duhapi ece. Taku owasin waonspekiyapi kta e on econpi nunwe.

27 Tuwe ceji tokeca on ie cinhan, wancadan wicašta nomnom yamninni, qa hena wanji itokto econpi kta, qa wanji ieska kiyapi kta.

28 Tuka tuwe ieska kiyapi kte cin wanice cinhan, okodakiciye kin en inina yanke kta; is iye oieiciye ça Wakantanka okiye kta.

29 Qa wicašta wokcan kin hena nomnom qa yamninni oya-kapi kta, qa unmanpi kin wiyukanpi kta.

30 Qa tuwe ikiyedani iyotanke cin he taku wakanyan okiyakapi kinhan, tokaheya kin he inina yanke kta.

31 Owasin wanji itokto wudukcanpi kin odakapi kta oyakihipi; hecen owasin onspekiyapi, qa owasin iwicakiyapi kta.

32 Qa wicašta wokcanpi toksapepi kin wicašta wokcanpi kin anawicakigoptanpi ece.

33 Wakantanka kin he oqoyapi kin kage šni, tuka wookiye kin he tawa, oyate wakan okodakiciye kin owasin en un kin iyececa.

34 Unkan winohinca nitawapi

kin okodakiciye kin ekta inina yankapi kta. Hena ie kta e iyowinyanpi śni, tuka anagoptan yukanpi kta, woope heye cin iyecen.

35 Qa taku onspepi kta cinpi kinhan iye tipi ekta hihnakupi kin iwicawangapi kta. Okodakiciye kin en winohinca ie cin he wowištece.

36 Tokeca, niyepi kin etanhan Wakantanka oie kin hinanpa he; qa niyepi niśnanpidan ekta nihipi he.

37 Tuwe wicašta wokcan, qa iś wicašta wakan kin heca kecaniçin kinhan, he taku wowapi en cığagapi kin hena Itancan ta-woahope kin hee e yaotanin kta.

38 Qa tuwe iyukcan śni un kinhan, he iyukcan śni un nunwe.

39 Hecen mihunkawanji wudukcanpi kte cin he akita po, qa ceji tokeca on iapi kte cin tehin-dapi śni po.

40 Qa taku owasin iyokipiya owotanna econpi nunwe.

WICOWOYAKE 15.

1 Tuka, mihunkawanji, wotanin wašte unkoniciyakapi, qa iyacupi qon en ayahanpi kin he sdon-ye ciciyapi.

2 He eciyatanhan nakun yanipi kta, wicoie unkoniciyakapi kin on, he tiŋsa duhapi kinhan, qa ecinśniyan awacanipi śni kinhan.

3 Otokaheya ekta taku iwacu qon he ciçupi; Waunhtanipi kin on Messiya te cin, wowapi wakan *eye cin* ecetu;

4 Qa hnakapi, qa anpetu iciyamni kin piya ikicage cin, w-wapi wakan *eye cin* ecetu.

5 Qa Inyan wanhdake ça, hehan ake nonpapi kin wanhdakapi.

6 Hehan he iyohakam wancadan hunkawanjin kiciyapi opawinge zaptan wanyakapi, hena wicota nahahin ni unpi, tuka wanjikji iştinmapi.

7 Qa he iyohakam Jakob wanhdaka; hehan yewicaşıpi kin owasin wanhdakapi.

8 Qa ehake miś miye wanmdaka, okaşkan tonpi kin iyemaceca.

9 Yewicaşıpi kin miye iyotan macistinna, qa Wakantanka taokodakiciye kin śicaya wakuwa qon heon yeşıpi emakiyapi kte cin iyemacece śni.

10 Tuka tomakece cin Wakan-tanka towaonşida kin on hema-ceca. Qa iye towaonşida mici un kin he taku śni wanica, tuka hena owasin iyakapeya nina hitawani; qa he miye śni, Wakan-tanka towaonşida mici un kin hee.

11 Heon, he miś miye, qa iś iyepi kin, hecen unyaotaninpi, qa nakun hecen wicayadapi qon.

12 Unkan Messiya wiconte kin etanhan piya ikicage cin he oyakapi hecinhan, token on niyepi wanjikji, Wiconte etanhan piya wicoicage wanica ce, ehapi he.

13 Wicaŋe cin piya wicoicage wanica hecinhan, Messiya piya ikicage śni.

14 Qa Messiya piya ikicage śni hecinhan, hehan unkoyakapi kin he taku śni qa wacinyayapi kin he nakun taku śni.

15 Qa Wakantanka en unkitonpi śni kin; Wakantanka Messiya piya najin kiye cin he unkoyakapi; tuka he najin kiye śni, wicaŋe cin ake najinpi śni kinhan.

16 Wicaŋe cin piya najin ki-yapi kte śni kinhan, hehan Messiya nakun piya najin kiyapi śni.

17 Qa Messiya piya ikicage

śni hecinhan, wacinyayapi kin he takudan okihi śni, qa nahahin wayalitani pi kin ehna yaunpi.

18 Hehan tona Messiya on iştinma iyayapi qon hena nakun takunipi śni.

19 Wiconi kin de en ecedan Messiya on ape unyakonpi hecinhan, wicašta owasin unkiye iyotan iyotanhan iyeunkiyapi ece.

20 Tuka wanna Messiya wiconte etanhan piya ikicaga, qa tona iştinmapi qon hena en taku tokaheya icage cin hee.

21 Wicašta kin eciyatanhan wiconte u kin, he iyecen wicašta kin eciyatanhan wiconte etanhan piya wicoicage kin u ce.

22 Adam en owasin tapi kin, he iyecen Messiya en owasin piya ni yapi kta.

23 Tuka otoiyohi tohan iye-hantu kinhan; Messiya e tokaheya, qa hehan tona tawa kin hena, Messiya ake hi kinhan.

24 Qa hehan owihanke kta, tohan wokiconze kin Wakantanka Ateyapi kin kicu kta; woki-conze owasin, qa wicowaśake owasin, qa wookihi kin ihangye cinhan.

25 Tona toka yapi kin hena owasin iye siha kin ihukun iye-wicaye kte cin hehayan ito wicaštayatapi yanke kta.

26 Qa toka ehake ihangye kte cin he wiconte kin ee.

27 He siha kin ihukuya taku owasin ekihnaka. Tuka tohan, He ihukuya taku owasin ehnapki kin, eye çehan, tuwe he ihukuya taku owasin ehna ke cin he okaptapi e tanin.

28 Qa tohan taku owasin he ihukun iyeyapi kinhan, hehan Cinhintku kin ege tuwe taku owasin iye ihukun iyeye cin he

ihukun un kta, hecen Wakan-tanka owasin en ocowasin un kta.

29 Wicašte cin ecaca piya ikicagapi kte śni hecinhan, tona wicašte cin on baptem wicaqupi kin hena taku tokenpi kta he; qa tokeca e wicašte cin on baptem wicaqupi he.

30 Qa tokeca anpetu iyohi ta ikopeya unyakonpi he.

31 Jesus Messiya Itancan unkiyapi kin en widuśkinpi kin en owape cin he cajemdate ça, Anpetu iyohi maťa ce, epa.

32 Wicašta akantu iyecen, Ephesos ekta wamanica kici weciza ešta, on taku iyomapte kta he, wicašte cin piya wicoicage śni kinhan. Wauntapi, qa wanyatkanpi kta, heyakecinhan untapi kta ce.

33 İcihnayanpi śni po; koda-kiciyapi śice cin hena wicohan wašte yuśica ece.

34 Wicohan owotanna on ihduhicapi, qa walitanipi śni po. Wanjikji Wakantanka sdoniyapi śni. Winištecapi kte cin heon hena hecen epe.

35 Tuka okinni tuwe heye kta; Wicašte cin token piya icaliyapi, qa taku tancan kin yuha hiyupi he.

36 Winitkotkoka, taku oyaju kin he te śni kinhan, icage śni ece.

37 Qa taku oyaju kin he tancan icage kte cin he oyaju śni, tuka su ecedan, aguyapi qa iś taku toktokeca naceca.

38 Tuka Wakantanka token iyokipi kin hecen tancan qu, qa su ocaje otoiyohi tancan tawa kin kicu ece.

39 Celipi owasin celipi okonwanjidan śni, tuka wicacelipi kin he wanji ee, qa woteca celipi kin wanji hee, qa hogan ce-

I. KORINTH.

hpi kin wanji hëe, qa zitkadan cehpi kin wanji hee.

40 Unkan mahpiyata tancan, qa makata tancan kin heca yukan. Tuka mahpiyata un kin he towitan kin wanjidan, qa makata un kin he towitan kin tokeca.

41 Anpetu wi towitan kin wanjidan, qa hanyetu wi towitan kin he tokeca, qa wicanhpi towitan kin he nakun tokeca; qa wicanhpi wanji wicanhpi tokeca kici wowitan en akidecece sni.

42 He iyecen wicate cin piya wicoicage. Tancan hwin ojupi, tuka hwin kte sni ekicetu yapi.

43 Wowihahaya ojupi, tuka wowitan ekicetu yapi. Wowaśake sni yan ojupi, tuka wowaśageya ekicetu yapi.

44 Wicacehpi tancan ojupi, tuka wowakan tancan ekicetu yapi. Wicacehpi tancan yukan, qa wowakan tancan kin yukan.

45 Kaken wowapi en kagapi qon, Adam wicaśta tokaheya kin he wicanagi ni un kin heca kagapi, qa Adam ehake un kin he Woniya Wanikiye cin hee.

46 Tuka taku wakan un kin he tokaheya sni, tuka taku cehpi kin hee, qa iyohakam taku wakan kin.

47 Wicaśta tokaheya kin he maka etanhan un, qa maka kin heca; Wicaśta iyokihe kin he Itancan mahpiya eciyatanhan un kin hee.

48 Maka kin heca un qon, tona maka hecapi kin hena hececapi; qa mahpiya tanhan un qon, tona mahpiya tanhan un kin hena hececapi.

49 Unkan makata un kin touncage kin unhapi kin, he iye-

cen mahpiya tanhan un kin touncage kin unhapi kta.

50 Mihunkawanji kaken epa; Wicacehpi qa wicawe kin Wakantanka tokiconze kin tawapi kta okihipi sni, qa nakun wicahwin wicalhwin kte sni kin tawa kte sni.

51 Wanyaka po, wowiyukcan wan ociciyakapi; owasin unkiśtinmapi kte sni, tuka owasin unyutokecapi kta.

52 Ihnuhanna, iśta kakpapi se en maza yahotonpi tanka ehake kin *tanin* kinhan; maza yahotonpi tanka kin he yahotonpi kta, qa wicate cin hwin sni yan najin wicakiyapi kta, qa unkiye unyutokecapi kta.

53 Taku hwin kte cin de wicalhwin sni koyake kta, qa te kte cin de tepica sni koyake kta.

54 Qa tohan taku hwin kte cin de wicalhwin sni koyake qa, tancan wiconte kin de wiconi kin ogeton kinhan, hehan wicoie kin wowapi en kagapi qon ecetu kta; Wiconte kin he woohiye kin e ocowasin iocokaya.

55 Wiconte, wicape nitawa kin tokiya un he. Wicahnakapi, woohiye nitawa kin tokiya un he.

56 Wiconte icape kin he woahitani ee, qa woahitani wowaśake kin he woahope kin ee.

57 Tuka Wakantanka woohiye unqupi, Jesus Messiya Itancan unkiyapi kin eciyatanhan, he wopida yuha nunwe.

58 Hecen mihunkawanji waśte ciciđapi kin, sutaya yahanpi, qa pahoho sni yaunpi nunwe; qa ohinniyan Itancan oħan kin en aićiciya po, Itancan kin on ħtayanipi kin he taku sni wance kta sđonyayapi kin heon etanhan.

WICOWOYAKE 16.

1 Wicašta owotanna un kin hena taku wicakicamnanpi kte cin, token Galatia ekta okodakiciye kin econ wicawaši qon, he iyecen niš econ po.

2 Anpetu tokaheya kin en niyepi otoiyohi token oyakihipi kin, iyacinyan eyahnakapi kta, hecen wau kinhan, wamnayanpi wanice kta.

3 Qa wau kinhan, tona wowa-pi on wicayakañigapi kin, hena wicaqupi nitawapi kin he Jerusalem ekta aye wicawaši kta.

4 Qa miye ekta mde kte cin he wašte kta naceca hecinhan hena om mde kta.

5 Unkan Makedonia opta mde cinhan, hehan ekta ciupi kta : qa Makedonia opta mde kte cin he hecetu.

6 Qa okinni cicipi waun kta, han, waniyetu ihunniwaye kta naceca ; hecen hetanhan tokiya mde cinhañ niye amayadapi kta.

7 Nakaha tahepi wanci yakapi kte šni, tuka Itancan kin iyokipi kinhan, cicipi owanji manke kta wacanmi.

8 Tuka anpetu iwikcemna zaptan kin hehanyan Ephesos en owanjidan manke kta.

9 Tiyopa tanka wawokihi kin makiyulidokapi, qa tona wakini-capi kin hena ota.

10 Unkan Timotheos ekta i kinhan, kokipešniyan en niunpi kta e akita po : He nakun miye *ecamon* kin iyecen Itancan to-htani kin econ ece.

11 Heon tuwedan iħaħa kte šni ; tuka wookiye yuha au po, ekta mahiyu kta ; he hunkawan-jin kiciyapi kin om u kta ape manka.

12 Apolos mihunkawanji, he hunkawanjin kiciyapi kin om ni-

yepi ekta niipi kta e nina cinwa-kiya ; tuka iye dehan ekta ye kta ecaca cin šni, tuka tohan cin kinhan ekta i kta.

13 Kiktahan un po, wowacinye en sutaya han po, wicašta iye-cen ohanyan po, wašaka po.

14 Taku nitawapi kin owasin wacantkiyapi on econpi nunwe.

15 Mihunkawanji, ceciciyapi ce ; Stephanas tiyohnaka kin sdon-yayapi, he Akeya en waskuyeca tokaheya icage cin hee, qa wica-šta owotanna owicakiyapi kin en ye iciyapi ece kin ;

16 Tona hececapi, qa tona wa-wokiyapi, qa litanipi kin hena owasin wicihukuya ye ničiyapi kta.

17 Stephanas qa Phortunatus qa Akekus hipi kin heon imdu-škin ; hena e taku ecamiyeconpi šni kin he ecetu miciciyapi.

18 Qa minagi kin magaga ma-yanpi, qa nitawapi nakun. Heon etanhan tona hececapi kin hena wicayuonihan po.

19 Asia ekta okodakiciye kin hena nape niyuzapi. Akula qa Priskila Itancan kin on sutaya nape niyuzapi, qa okodakiciye iye tipi ohna un kin hena koya.

20 Hunkawanjin kiciyapi kin owasin nape niyuzapi. Iiputa-kapi wakan kin on otoiyohi i ikiciputaka po.

21 Palos he miye nape kiciyu-zapi kin de miye minape kin on *wakaga*.

22 Tuwe Jesus Messiya Itan-can kin waštedake šni kinhan, he anathema maran-atha un nunwe.

23 Jesus Messiya Itancan un-yanpi towaonsida kin nicipi un nunwe.

24 Jesus Messiya on wacanwa-kiye cin niyepi owasin en nicipi un nunwe. Amen.

PALOS

KORINTH OYATE

WOWAPI WICAKICAGE CIN;

INONPA KIN.

WICOWOYAKE 1.

1 Palos, Wakantanka tawacin kin eciyatanhan, Jesus Messiya yeši qon he, qa Timotheos hun-kawanjinkiciyapi wan kici, Korinth ekta Wakantanka taokodakiciye kin, qa Akeya owanca-ya tona owotanna un kin hena koya, *wowapi unnicagapi*.

2 Wowaonśida, wookiye ko, Wakantanka Ateunyanpi, qa Jesus Messiya Itancan kin etanhan, nicipi un nunwe.

3 Wakantanka Jesus Messiya Itancan unkiyapi he Atkuku, qa waonśidapi en ateyapi, qa Wakantanka owasin wacintonhnag wicaye cin he wowašte yuha nunwe.

4 He unkakijapi owasin en wacintonhnag unyanpi, hecen tona wokakije owasin ehna un kin hena iwicunkiyapi unkokihipi kta, wacintonhnagyapi on Wakantanka unkikiyapi kin he eciyatanhan.

5 Hecen Messiya tokakije kin unkiyepi en unkiciyuotapi kin, he iyecen Messiya eciyatanhan wacintonhnag unyanpi kin he nakun unkiciyuotapi kta.

6 Kakişunyanpi eca he wacintonhnag niyanpi, qa ni niyanpi kte cin heon; he wokakije on kakişunyanpi kin hena yuha okihi wicaye kta e oħanyan ece; qa wacintonhnag unyanpi hecin-

han, he wacintonhnake niyanpi, qa ni niyanpi kte cin heon.

7 Unkan niyepi kin on sutaya wacinunyanpi, wokakije kin en opeya yaunpi kin he iyecen wacintonhnakeyapi kin en oyapapi kta, sdonunyanpi.

8 Mihunkawanji, Asia en token wokakije unhiyahdepi qon he sdonye śni yaunpi kta uncinpi śni, iyotan nina unkakijapi, unkokihipi kin isanpa, hecen unnipi kta unkecinpi śni.

9 Tuka unkiyepi kin mahen wiconṭe woyaco kin unhapi, hecen takudan wacinunkiciyapi kte śni, tuka Wakantanka wicaṭe cin ekicetu wicaye cin he wacinunyanpi kta :

10 Iye wiconṭe hinsko tanka etanhan eunhdakupi, qa nakaha ehdaku ece; qa eeś nakun eunhdakupi kta wacinunyanpi :

11 Qa niś eya wocekiye on ounyakiyapi kta, hecen wicašta ota etanhan, taku unqupi qon he on, unkiyepi on etanhan wicota wopida eyapi kta.

12 Unkiyuşkinpi kin he unna-gipi hdaotanin kin hee, wowicake wowakan ko en okonwanjidan, wicaceħpi woksape yuhe śni, tuka Wakantanka towaonśida yuha, wicoicage kin ehna unnipi, qa niyepi kin ekta iyotan hececa.

13 Taku dawapi, qa sdonya-yapi kin hecedan wowapi en un-

WICOWOYAKE 2.

nicagapi; qa owihanke kin hehanyan wicayadapi kta kepee.

14 Onśpa sdonunyayapi, unkiyuşkinpi kin he niyepi, he iye-cen wowitan nitawapi kin he unkiyepi, Jesus Itancan taanpetu kin en.

15 Hecen wacinmduza, tokaheya niyepi kin ekta ciupi kta tuka, on inonpa wowašte duhapi kte cin heon.

16 Qa niyepi kin etanhan iyo-opta Makedonia ekta mde ça, ake Makedonia etanhan niyepi kin ekta icicawin wahdi kta, qa Juda makoce kin ekta ye mayayapi kta wacin.

17 Hecen wacin mduze çehan, hehan iyowihan wacin mduza he; qa token miçiconze cin he wicacehpi eciyatanhan miçiconze ça hecen, Han, han, hiya, hiya, eya waun he.

18 Wakantanka wacinyepica, wicoie unkeniciyapi qon he, han qa hiya, hee şni.

19 Miye, qa Siluanos, qa Timotheos, Jesus Messiya Wakantanka Cinhintku kin unkoniciyakapi qon he, han, qa hiya, hee şni, tuka iye kin on, han ecedan.

20 Wakantanka iwahounyanpi kin hena owasin iye en, Han hee, qa iye en Amen, unkiyepi kin etanhan Wakantanka yatanpi kte cin heon.

21 Tuwe niyepi kici Messiya en unyusutapi, qa sdaunyanpi kin he Wakantanka kin ee.

22 Qa he unkapuspapi, qa uncantepi kin ekta Woniya tokaheya icupi ece kin he unqupi.

23 Unkan nakaha minagi kin ekta Wakantanka mayaotanin kta e cewakiya; Itoncipapi kta e on nahañin Korinth ekta wai şni.

24 Wacinyayapi kin on wowi-

dag unniyanpi şni, tuka widuşkinpi kin en ounniciyapi kta. Wacinyanpi on sutaya nayajihpi ece.

WICOWOYAKE 2.

1 Miye qe hecen mihdukan, ake iyokişinya ekta ciupi kte şni.

2 Miye iyokişinciyapi kinhan, tuwe iyuşkinmaye kta he; iyo-kişinwaye cin hee kta.

3 Hecen on he wowapi cicagapi, ekta wau kinhan tona on imduşkin kte cin hena on etanhan iyokişin waun kte şni. Qa niyepi owasin wacinciyapi, mitowiyuşkin kin he en niyepi owasin *oyapapi kta*.

4 Wicokakije tanka, qa wicocanteşica, qa iştamnihanpe ota ehna wowapi cicagapi qon, iyo-kişinniyampi kte cin heon *hecamon* şni; tuka nina cantecciyapi kin he sdonyayapi kte cin heon.

5 Tuwe iyokişicapi kage cigon he miye iyokişinmaye şni; tuka niye nihunñnanpidan, owasin cibapi kte şni.

6 He tuwe kin hecen yacopi qon, wicota econpi kin hecehnana kta.

7 Heon nakaha wicašta kin he iyuşkinayapi, qa yecanptapi kta, okinni nina iyokişice cin on ktepidan kta.

8 Heon ceciciyapi ce, he cante en duzapi kin hduotanin po.

9 Taku owasin on waanagoptan yaunpi hecinhan, iciyucanpi kte cin heon wowapi cicagapi qon.

10 Tuwe taku yecicajujupi kinhan, miş eya *hecamon*, qa tuwe taku wecicajuju kin he niyepi kin on wecicajuju, Messiya itokam.

11 Hecen Satan ohiunyanpi

II. KORINTH.

kte *śni*; iye token *içiconze* cin sdonunyanpi.

12 Troas ekta Messiya tawotanin wašte yuha wahi, qa Itancan kin tiyopa wan makiyuzamni;

13 Hehan minagi ekta cante wašteya waun *śni*, Titos mihunkawanji kin hen iyewaye *śni* kin heon; hecen hena nape wicamduze ça, hetanhan Makedonia ekta imdamda.

14 Wakantanka, ohinniyan Messiya on ohiye unyanpi, qa ohinniyan unkiyepi kin on tawosdonye woomna yaotanin kin, hee wopida yuha nunwe.

15 Wakantanka ekta, Messiya on woomna wašte kin he unkiyepi, tona wiconi yuhapi kta, qa nakun tona yutakunipi kte *śni* kin hena en.

16 Dena is tapi kta e wiconte oomna kin he unkiyepi, qa hena e nipi kta e wiconi oomna kin he unkiyepi; qa tuwe hena taku kin okihi he.

17 Wicota Wakantanka oie kin hnayan kuwapi kin hena iyeunccepi *śni*; tuka wowicake eciyatanban, tuka Wakantanka eciyatanhan, qa Wakantanka itokam, Messiya unkoyakapi ece.

WICOWOYAKE 3.

1 Ake unkihdatanpi unkayapi he; qa wicašta wanjikji iyecen waayatanin wowapi nicagapi kte cin heca uncinpi he; qa is waayatanin wowapi unyecagapi kta *uncinpi* he.

2 Wowapi unkitawapi unki-cantepi kin ekta owapi kin he niyepi, wicašta owasin sdonyapi qa yawapi;

3 Messiya tawowapi taninyan oyakapi unkiye unkagapi kin; mini sapa on kagapi *śni*, tuka

Wakantanka ni un kin Taniya kin on owapi; inyan mdaska kin en un *śni*, tuka wicacante conica kin he en.

4 Unkan Wakantanka ekta Messiya eciyatanhan woawacin kin de unhapi.

5 Unkiye cinka taku unkiyukcanpi kta unkokitpanipi, unkiyepi atayedan, taku unkokihipi kin he Wakantanka eciyatanhan.

6 Iye wicotakuye teca kin en ookiye wawokihika unkagapi, oowa kin he en un *śni*, woniya kin hee en; oowa kin he wašteya, tuka woniya kin he waniya ece.

7 Wiconte wawokiyapi kin he owapi, qa inyan akan pagopi qon he wowitan yuhe cin, on Israel cinca kin Moses itohnake wiya-tpa kin he opahta yukanpi kta okihipi *śni* hecinhan, wowitan kin he enakiyapi tuka;

8 Hecen Woniya wawokiyapi kin he sam iyeya nina wowitan kte *śni* he.

9 Woyaco wawokiyapi kin he wowitan hecinhan, wicoowotanana wawokiyapi kin he sanpa nina wowitan kta.

10 Qa taku yuwitanpi qon he taku wanji on wowitan *śni*, taku iyakapeya wowitan kin hee on etanhan.

11 Qa taku enakiyapi qon he wowitan kin hee hecinhan, taku ecen he cin he iyotan wowitan kin ee.

12 Woape hececa unhapi kin heon nina wadiuntakapi ece.

13 Unkan Moses ite akałpe wan itohnake kin akałpe kiton kin he iyecece *śni*, taku enakiyapi kin owihanke kin hehanyan Israel cincapi kin ekta etonwan okihipi *śni* kin heon etanhan.

14 Tuka iye tawacinpi kin ao-

WICOWOYAKE 4.

tpasyapi : qa anpetu kin dehan-
yan Wowapi Wakan tanina kin
yawapi eca, ite akaŋpe kin he
eyakupi ŋni ecen un ; he Messi-
ya eciyatanhan eyakupi tuka.

15 Tuka anpetu kin dehanyan,
Moses yawapi eca, ite akaŋpe
kin he iye cantepi kin akaŋpa.

16 Tuka tohan Itancan kin
ekta yuhomnipi kinhan, hehan
ite akaŋpe kin he yuzamnipi
kta.

17 Woniya kin he Itancan kin
ee, qa tukten Itancan taniya kin
un kin, hen tawa iŋiyapi yukan.

18 Tuka unkiye owasin itohna-
ke kin en takudan unkaŋpapi
ŋni, ihdiyomdasin en wawanya-
kapi kin iyecen Itancan towitan
kin wanunyakapi, qa iye ounca-
ge kin iyecen unkaŋapi, wowi-
tan sanpa wowitan kin en, Itan-
can Taniya kin on etanhan iye-
ceca.

WICOWOYAKE 4.

1 Heon etanhan wawokiyapi
kin de unhapi kin, wowaonŋida
unkicupi kin heon wacin iboun-
ŋakapi ŋni.

2 Tuka taku wowiŋtece na-
hmana un kin hena eŋpeunyan-
pi, qa wicahnayanpi kin en ma-
unnipi ŋni, qa wohneye yuha
Wakantanka oie kin unkiciyu-
hapi ŋni, tuka wowicake yaotan-
inpi kin on wicaŋta owasin wi-
yukcanpi kin ekta unhdaotanin-
pi, Wakantanka itokam.

3 Wootanin waŋte unkitawapi
kin he anahmanpi hecinhan, to-
na takunipi ŋni kin hena anawi-
cakihmanpi.

4 Hena ekta wicoicage kin de
taku wakan tawa kin tona wica-
dapi ŋni wicotawacin kin wacin-
ton ŋni wicakaga ; Messiya Wa-
kantanka ouncege kin hee, ta-
wootanin waŋte wowitan iyoyan-

pa kin he iyoyamwicaye kte
ŋni heon etanhan.

5 Unkiye unkihdaotaninpi ŋni,
tuka Messiya Jesus Itancan kin
he unyaotaninpi ece ; qa unkiye
Jesus on ookiyewicayayapi kin.

6 Wakantanka iyoyanpa kin
otpaza etanhan yege ŋi qon he
uncantepi kin iyoyamunyanpi,
Jesus Messiya itohnake kin eci-
yatanhan, Wakantanka towitan
wodonye iyoyanpa kin unqupi
kte cin heon.

7 Tuka woyuha kin de maka
cega ohna unhapi, hecen wowa-
ŋake tanka kin Wakantanka
etanhan un kta, qa unketanhan-
pi kte ŋni.

8 Ihduksantanhan aotinsunyan-
pi, tuka unkahdaskicapi ŋni : wa-
cinhnuni unyanpi, tuka takudan
wacinye ŋni kin heuncecap i ŋni.

9 ŋicaya unkuwapi, tuka eŋpe-
unyanpi unyakonpi ŋni : makata
eŋpeunyanpi, tuka ihang unyan-
pi ŋni.

10 Ohinnian untancanpi kin
en Jesus Itancan te cin he yuha
unkanpi, hecen Jesus wiconi ta-
wa kin untancanpi kin en tan-
ninan un kta.

11 Unkiye unnipi kin Jesus on
ohinnian wiconŋe en iyaye un-
yanpi, Jesus wiconi tawa kin
uncelhipi te kte cin en atatin
kte cin heon.

12 Hecen unkiyepi kin en wi-
conŋe ohanyan un, tuka niyepi
kin en wiconi.

13 Unkiye wowacinye woniya
kin de unhapi, wowapi en kaga-
pi qon iyececa ; Wicawada kin
heon iwaa ce ; unkiŋ eya wica-
undapi kin heon unkiapi ece.

14 Qa tuwe Jesus Itancan kin
piya ekicetu ye ciqon, he Jesus
eciyanhan, ake ekicetu unyan-
pi kta, qa niyepi kin om sutaya
he unkiyapi kta e sdonunyanpi.

II. KORINTH.

15 Niyepi kin on etanhan taku owasin ecen un, hecen wowaon-sida tanka kin, wicota wopida eyapi kin on sanpa ota aye kta, Wakantanka towitan kin on.

16 Heon wacin ibounsakapi šni, tuka wicašta akantanhan unkitawapi kin he takuni šni aya ešta, wicašta mahen tanhan un kin he anpetu iyohi yute-capi.

17 Unkakijapi cistinna, qa pte-cedan kin he wowitan ota hinca, ota hinca, owihanke wanin tke hinca unkiçagapi kta.

18 Içunhan taku wanyakapi kin hena ekta unketonwanpi šni, tuka taku tona wanyakapi šni kin hena ekta *ewauncinpi*. Taku tona wanyakapi kin hena ihanke kta, qa taku tona wanyakapi šni un kin hena owihanke wanica.

WICOWOYAKE 5.

1 Makata wakeya unkitawapi kin de yujujupi kinhan, Wakan-tanka ticage cin tipi nape codan kagapi kin, małpiya ekta, owi-hanke wanin yanke cin he un-hapi e sdonunyanpi.

2 Qa de ohna comniunhdazipi, qa tipi unkitawapi małpiya eci-yatanhan un kin he kounyakapi kta e cantounkpanipi.

3 He kounyakapi kinhan, tanco-dan unyakonpi kte šni.

4 Wakeya kin de ohna unkanpi kin hehanyan comniunhdazipi, unšakapi kin heon. Wokoyake unhdušdokapi kin he uncinpi šni, tuka kounyakapi kta: Hec-en wiconi e wiconțe ocowasin napce kta.

5 Tuwe he en icalunyanpi kin he Wakantanka ee; qa he Wo-niya tokaheya kin wanna un-qupi.

6 Heon ohinniyen cante un-

waštepi, qa tohanyan wicatan-can kin ohna unkanpi kin hehan-yan Itancan kin itehanyan un-yakonpi kin he sdonunyanpi.

7 Wacinyanpi eciyatanhan ma-unnipi, qa wawanyakapi kin eci-yatanhan šni.

8 Cante unwaštepi, tuka tancan kin de ohna unkanpi šni, qa Itancan kin kici unyakonpi kta e he iyotan uncinpi ece.

9 He de aiçiciya unkakitapi, ekta kici unyakonpi, qa is den unkanpi, unma tukte kašta, iyo-kiçiunyanpi kte cin he.

10 Owasin Messiya tawoyaco oiçotanke kin itokam taninyan inaunjinpi kta, otoiçohi taku iye tancan kin ohna ohanye cin hena icu kta, token econ qon eciya-tanhan, he wašte qa šica unma tukte kašta.

11 Itancan wohitike cin he sdonunyanpi kin, heon wicašta cin wicunkiyapi; Wakantanka en unkiçdaotaninpi, qa nakun widukeanpi kin en unkiçdao-taninpi wacanmi.

12 Ake niyepi en unkiçdatanpi šni, tuka unkiçyepi on iniwinkta-pi kta e okiçi unniyanpi; hecen tona cante kin eciyatanhan šni, tuka itohnake kin on iwinktapi kin hena ekta, taku on iniwinkta-pi kte cin duhapi kta.

13 Wacinunhnunipi hecinhan, he Wakantanka on etanhan; qa wacinunksapapi hecinhan, he ni-yepi kin on etanhan.

14 Messiya wacantkiye cin he iyounpaštakapi ece.

15 Qa he de unkiçyukanpi, wanji owasin on țe cinhan hehan owasin țapi tuka; qa owasin on țe cin, heon tona nipi kin hena is iyepi on nipi kte šni, tuka tuwe hena on țe a ake kini kin hee on nipi kta.

16 Heon etanhan, detanhan wi-

cacehpi eciyatanhan tuwedan sdonunyanpi šni; han, Messiya hee wicacehpi eciyatanhan sdonunyanpi ešta, nakaha detanhan sdonunyanpi šni.

17 Hecen tuwe Messiya en un kin he wanna wicašta teca; taku tannike cin hena enakiyapi; iho, taku owasin teca icaga.

18 Qa taku owasin Wakantanka etanhan un, he iye kici okiciciye unkiyapi, Jesus Messiya eciyatanhan, qa wookiye wawokiyapi kin he unqupi.

19 Hecen Wakantanka Messiya on, wicoicage kin, iye kici, okiciciye wicaye ça, wahtanipi kin wicakiciyawawa šni; qa wookiye wicoie kin he yuhe unkiyapi.

20 Heon Messiya on wawiciyapi kin unkiyepi, unkiyepi eciyatanhan Wakantanka ceniciyapi kin iyececa, Messiya caje on ceunniciyapi, Wakantanka kici okiciciya po.

21 Tuwe woahťani sdonkiye šni un qon he, unkiyepi on woahťani kagapi; hecen iye en Wakantanka toowotanna unkicagapi kta.

WICOWOYAKE 6.

1 Heon iye kici ľtaunnipi iyece, niyepi nakun ceunniciyapi ce, ituľ Wakantanka towaonšida kin iyacupi kte šni.

2 He iye kaken eya, Omaka oiyokipi kin en naciľon qa wiconi anpetu kin en ociciya: Iho nakaha omaka oiyokipi kin hee; nakaha wiconi anpetu kin he deľ.

3 Takudan on tuwedan iboto-unyanpi šni, hecen wawokiyapi kin he bapi kte šni:

4 Tuka Wakantanka taokiye unyanpi kin he taku owasin on unkihduotaninpi ece, wacintan-

kapi kin en, wokakije en, waľpaya unnicapi kin en, woiyokišice en;

5 Apapi kin en, kaška hnakapi kin en, yuomdecapi kin en, wicoľtani kin en, kiktahan unpi kin en, wotektehdapi kin en;

6 Ecedan unpi kin on, wosdonye kin on, tehan apeci kin on, wacantkiyapi kin on, Woniya Wakan kin on, awicakehan waštedakapi kin on;

7 Wowicake oie kin on, Wakantanka towašake kin on, wicoowotanna wipe, etapa qa catkatanhan unpi kin on;

8 Wowitan qa wowištece kin ohna; waaiapi qa yaonihanpi kin ohna; wicahnayanpi kin iyececa, tuka wicakapi;

9 Sdonyapi šni un kin iyeuncecapi, tuka tankaya-sdonunyanpi; ťapi se iyecece unyakonpi, tuka ito unnipi; unkaštakapi, tuka nahanľin unktepi šni;

10 Iyokišicapi iyeuncecapi, tuka ohinniyan wiunyuškinpi; waľpanicapi kin iyeuncecapi, tuka wicota watonka wicunkagapi; takudan yuhapi šni kin iyeuncecapi, tuka taku owasin untonpi.

11 Korinth oyate kin, niyepi on i unhdukawapi, uncantepi kin tanka aya.

12 Unkiyepi en takudan aotľns nihanpi šni, tuka niye nicantepi kin en oťins niťiyapi.

13 Hehan iyunwin kin de mayagupi kta; micinca kin iyecece ociciyapi; niš eya tankaya niťicagapi nunwe.

14 ľhnuhan tona awacin šni un kin hena en ecinšniyan iyanihdaškap kinhan. Token wicoowotanna woahťani kici tidan kta he; qa token iyoyanpa kin otpaza kici un kta he:

15 Qa Messiya Belial kici token okonwanľidan cante yuzapi

he; qa tuwe wicada kin he wicada śni un kin kici taku akiptan tawapi kta he;

16 Qa tipi wakan Wakantanka tawa kin he wakagapi kin kici token un kta he. Wakantanka ni un tipi wakan tawa kin he niyepi. Wakantanka heye ciquon he iyececa; Hena om wati kta, qa om mawani kta. Hena Wakantanka mayanpi kta, qa mitaoyate kin hena eepi kta ce.

17 Heon etanhan hena cokaya tanhan tankan upi, qa icunonpa un po, Itancan kin eya, qa taku ašape cin oyutanpi śni po, kinhan miš tawa ciyapi kta;

18 Niye ate mayayapi kta, qa miye cinkši ciyapi qa cunkši ciyapi kta ce, Itancan Iyotan Wašake cin he hena hecen eya.

WICOWOYAKE 7.

1 Heon waštécicidapi kin, wahoyapi kin dena unhapi kin heon wicacehpi wicanagi ko taku ašape cin etanhan unhduecepidan, qa Wakantanka kokipeyahan wicoowotanna kin tanyan unhdušanpi kta.

2 Anaungoptan po; unkiye tuwedan śicaya ecawieunkiconpi śni, tuwedan wicunyušicapi śni, tuwedan taku icakiš wicunyanpi śni.

3 He wayaco hepe śni; cante en unniyuzapi, ptaya untapi qa iš unnipi kta ce, epe ciquon.

4 Niyepi on wadimatake hinca, niyepi on nina imawinkta; wocantohnake omajudan, unakijapi owasin en nina imduškin.

5 Makedonia en unhipi qehan, uncehpi kin takudan ozičiye śni, tuka taku owasin on iyounkišicapi; tankan tanhan wico-kicize, qa mahen tanhan wokokipe.

6 Tuka Wakantanka tona iyokišicapi iwicakiye cin he cantohnag mayan, Titos hen hdi kin heon:

7 Qa he hdi kin hecedan śni, tuka nakun niye cantohnagayapi kin heon; nina wacin en yeyayapi, qa iyonicišicapi, qa token cante en unyakiduzapi kin hena unkokiyakapi qehan, nina imduškin.

8 Wowapi wan on iyokišinci-yapi ešta, heon nakaha iyopemičiye śni, iyopemičiya tuka qon. He wowapi kin ptenyedaniyokišinniyanpi wanmdaka.

9 Nakaha imduškin, iyokišinniyanpi kin heon etanhan śni, tuka nihduecetupi kta e on iyonicišicapi kin heon. Wakantanka eciyatanhan iyokišinniči-yapi, hecen takudan icakiš unniyanpi śni.

10 Wakantanka eciyatanhan iyowicakišice cin he ihduecetupi on wiconi kta, on tohinni iyopeičiyapi śni kin he kaga; tuka wicoicage kin de en iyowicakišice cin he wiconte icahya.

11 Wanyaka po, Wakantanka eciyatanhan iyonicišicapi kin he itonpeya nicagapi, waayuptapi, qa wošihda, qa wokokipe, qa cante en hiyeyapi, qa winawizipi, qa hdajujupi kin hena niyepi en icahniciyapi; taku owasin on, he econpi qon en, takudan iyanionpapi śni yaunpi e nihduotaninpi.

12 Heon wowapi cicagapi, tuwe śicaya econ qon he on etanhan śni, qa tuwe śicaya ecakiconpi qon he on etanhan śni, tuka Wakantanka itokamya token wacin en unniyuzapi kin he niyepi en yutaninpi kta.

13 Heon etanhan iniciyapi kin on unkikiyapi; qa Titos iyuškin kin heon miš eya nina imduškin,

iye nagi kin niyepi owasin eciyatanhan magagayapi kin heon etanhan.

14 Heon ciyatanpi qa owakiyaka esta, on imaštece šni; tuka taku owasin eciyatanhan eciciyapi qon, he iyecen Titos en ciyatanpi kin he nakun wowicake.

15 Unkan niye owasin token anayagoptanpi, qa wokokipeya, cancanyan iyowinyakiyapi qon he kiksuya eca, iye iyotan cante en niyuzapi.

16 Heon etanhan, taku owasin on wicacidapi kin heon miš eya imduškin.

WICOWOYAKE 8.

1 Mihunkawanji, Wakantanka towaonsida Makedonia okodakiye kin en yutaninpi qon he sdonyeciciyapi.

2 Hena wokakije tanka en nina iyuškinpi, qa iyotan walpanica unpi kin he etanhan taku ota iyokipiya wicaqupi.

3 Okihipi kin iyacinyan, (miš mdaotanin,) qa okihipi kin kapeya, iye cinka wicaqu wacinpi.

4 Qa wocekiye ota on ceunki-yapi, taku wicaqupi kin he, qa tona ecedan un kin wicakipamnipi wawokiyapi kin he nakun unki cupi kte.

5 Qa unkecinpi qon iyecece šni, tuka tokaheya iye tancanpi kin Itancan kin içi cupi, qa nakun Wakantanka tawacin kin eciyatanhan unkiyepi kin en içi cupi.

6 Hecen Titos ceunki-yapi, niyepi en wanna tokaheya hecon kin, he iyecen wowaonsida kin de nakun niciyuštanpi kta.

7 Heon taku owasin on winijicapi, wacinyanpi, qa iapi, qa wosdonye, qa wicamniheca owasin,

qa wašteunyakidapi ko, he iyecen wowašte kin de on nakun winijicapi kta.

8 Wicoope eciyatanhan hena hepe šni, tuka wicašta tokeca aiçiciyapi kin heon; qa wacan-yakiyapi kin he wowicake kinhan imdute kta.

9 Jesus Messiya Itancan unkiyapi towaonsida kin he sdon-yayapi, watonka tuka niyepi on walpaniçiya, hecen iye walpanica kin on winijicapi kta.

10 Unkan he de on wahokon-ciciyapi; niye decanonpi kta iyececa, wanihan sanpa hecanonpi kta e niçiconzapi, qa wiyeya yaunpi kin heon etanhan.

11 Nakaha woecon kin he hduštan po, kohanna wicayadapi qon he iyecen taku duhapi kin etanhan ecen ecanonpi kta.

12 Tokaheya wicadapi yuke cinhan, wicašta taku yuhe cin he eciyatanhan iyokipiya icupi ece, qa taku yuhe šni kin eciyatanhan šni.

13 Wicašta tokeca oziiçiyapi kta, qa niye dušakapi kte cin hee šni; tuka akiyecen unpi kta; heon nakaha wijinya yaunpi kin he hena taku iwicakakije cin en un kta;

14 Qa is iyepi nakun wijicapi kinhan, wicakišya yaunpi kin en oniciyapi kta; hecen akiyececapi yuke kta.

15 Wowapi en kagapi qon iyececa; Tuwe ota pahi kin he takudan ohdapte šni, qa tuwe waniqadan pahi kin he takudan icakiš un šni ce.

16 Tuka Wakantanka wopida yuha nunwe, he niyepi on Titos hecen cante yuskiya.

17 Awicakehan wahokonkiyapi kin anagoptan; tuka iye hinca inahni, qa kohanna niyepi kin ekta ye wacin.

II. KORINTH.

18 Unkan he kici hunkawan-jinkiciyapi wan, wotanin wašte on okodakiciye owasin en yatanpi kin hee ekta ye unšipi.

19 Qa hecedan šni, tuka kici ohnihde unyakonpi kta e he okodakiciye kin kahniyapi, Itancan kin yatanpi kta, qa unkiye de iyokipiya econkupi kta e heon taku ituhanpi kin de en ounkiyapi kta.

20 Qa taku ota unpamnipi kin de on tuwedan unbapi kte šni e he unkakitapi.

21 Taku wašte ece unkihnipi kta, Itancan kin itokam, qa nakun wicašta kin en.

22 Unkan hena om hunkawan-jinunyanpi kin yeunšipi, he wanna ota unkiyucanpi, owotanna ohanyan ece, qa nakaha iyotan aiciciya, tanyan wacinniyanpi nakaš.

23 Hecen Titos he *kapi hecinhan*, he mitawaši qa niyepi on omakiye cin hee; qa hunkawan-jinwicunyanpi kin hena eepi *kinhan*, okodakiciye yewicašipi qa Messiya towitan kin hena eepi ce.

24 Heon etanhan, hena en, qa okodakiciye kin wicitokam, wacanyakiyapi kin, qa unniyatanpi qon he nakun wicakipazo po.

WICOWOYAKE 9.

1 Wicašta owotanna owicakiyapi kte cin on wowapi cicagapi kta wanna iyecece šni.

2 Token wacin duzapi kin he sdonwaya, heon Makedonia etanhanpi kin hena en yaonihanyan cajeciyatapi, wanna waniyetu wanjidani hehanyan Akeya wiye ya yanka ce, qa inayalini pi kin he wicašta ota iyowicapaštaka.

3 Tuka hunkawanjin wicawa-

ye cin hena ekta yewicawaši, unniyatanpi qon he ecetu kta, qa epe ciquon iyecen wiyeya nankapi kta e heon.

4 Okinni Makedonia etanhan upi kin hena om ekta wai, qa wiyeya yaunpi šni ecen wanunniyakapi kinhan, unkiye, niyepi epe šni, sutaya wacinyus unniyatanpi qon he on unkištecapi kta.

5 Heon hunkawanjin kiciyapi kin cewicawakiye kta wacami qon, tokaheya niyepi ekta ipi, qa wowaonšida nitawapi ehanna iwahoniyanpi qon he wiyeya ehna kapi kta, hecen awicakehan wowaonšida kta, qa watehinda pi kin eciyatanhan kte šni.

6 Tuka de; Tuwe waniqadan oju kin he waniqadan mnaye kta; qa tuwe iyakičuya oju kin he iyakičuya mnaye kta ce.

7 Otoiyohi iye cante kin ekta iciconze cin eciyatanhan *qu kta*, woiyokišice on qa econ šipi kin on etanhan šni; iyuškinyan wicaqu kin he Wakantanka wašte daka.

8 Wakantanka wowaonšida owasin niyepi en niciyuotapi kta okihi; hecen taku owasin ota duhapi kin on wicohan wašte kin wadupipike kta.

9 Wowapi en kagapi qon iye-cetu; Taku elpeya, walpaninica kin taku wicaqu ece kin he toowotanna kin ohinniyan un kta.

10 Tuwe woju kin ojupi yuhekiya ece kin he aguyapi woyute yayapi kte cin ničupi, qa taku oyajupi kin icaš niciyapi, qa nitowotanna waskuyeca kin niciyuotapi nunwe.

11 Qa taku owasin en wijinya yaunpi kta on iyotan ohannipipi kta, heon unkiye Wakantanka wopida unkekiciyapi.

WICOWOYAKE 10.

12 Wapamnipi wawokiyapi kin de tona owotanna un kin taku icakijapi kin enakiye kte ça, nakun Wakantanka wopida nina eciyapi kta e kaga.

13 Messiya tawootanin wašte kin en oyapapi e daotaninpi, qa hena taku ota wicayaqupi, qa owasin taku wicayaqupi kin he on wawokiyapi utapi kin de on etanhan Wakantanka yaonihanpi.

14 Qa niyepi on wocekiye eniciyapi kin heon nina cantonikpanipi, Wakantanka towaonsida tanka nicipi un kin heon etanhan.

15 Wakantanka taku yawapica šni unqupi kin he on wopida kiciun nunwe.

WICOWOYAKE 10.

1 Palos he miye, Messiya wabayedan qa wacintanka heon ceciciyapi ee, niyepi ekta onšihanyan waun, tuka en waun šni ehantanhan, niyepi on wadimataka ;

2 Tuka ceciciyapi, en waun kinhan, wanjikji wicacehpi kin eciyatanhan maunnipi kecanunkinpi kin, hena en waditagya waun kta wacanmi kin he iyeceen wadimatake kte šni.

3 Wicacehpi kin en maunnipi ešta, wicacehpi eciyatanhan unkicizapi šni.

4 Wipe unkunpi kin hena wicacehpi kin heca šni, tuka wašaka, Wakantanka on, inatake suta kin yujuju ece :

5 Wacinyuzapi kin kun ehpeya, qa taku tehan wankantuya un Wakantanka sonyapi kin en wankan iyeiciye cin hena owasin, qa wicotawacin iyuhpa Messiya anagoptanpi kin en wayaka ai ece.

6 Qa wanañonpi šni kin tounkiçonpi kta e wiyeya unkanpi ; tohan anayagoptanpi kin hduştanpi kinhan.

7 Wicašta itohnake kin hecedaniwandakapi he. Tuwe Messiya tawa kecaniçin kinhan, he ake kaken awacin kta ; iš iye Messiya tawa kin heca he iyeceen unkiš unkiyepi Messiya tawa unyanpi.

8 Wookihi Itancan unqupi kin, on icahunniyanpi kta, qa on ihangunniyanpi kte šni, heon sanpa mihdatan ešta, imaštece kte šni.

9 Wowapi on wakokipe cicagapi kta wacanmi šni.

10 He wowapi kage cin hena suta qa wašaka, tuka tancan en un kin he wašake šni qa ie cin he wowiha ce, eyapi.

11 Tuwe hecece cin he kaken awacin kta, en unkanpi šni wowapi wicoie kin on tounkecapi kin, he tohan en unkanpi kinhan, wicoñan kin on heuncecapi kta.

12 Tona ihdatanpi kin hena unkihdacinpi, qa opeya unkihdawapi kta tawařenunyanpi šni ; hena e iš iye on wiñdutapi, qa iyepi on ihdukanpi, qa hecen okahnigapi šni.

13 Unkiye wiunhdutapi kin isanpa unkihdatanpi kte šni ; tuka wicoñan iyutapi Wakantanka unqupi kin he eciyatanhan, iyutapi kin niyepi kin iyañde niyanpi.

14 Ekta iyahde unniyanpi kta e sanpa unkihdutitanpi šni. Tuka Messiya tawootanin wašte kin en niyepi kaeš ekta unniupi.

15 Wiunhdutapi kin isanpa unkihdatanpi šni, wicašta tokeca wicoñtani kin en ; tuka wicayadapi kin he icage cinhan, niyepi

II. KORINTH.

on wiyutapi unhapi kin eciyatanhan sanpa unyuonihanpi kta unkapepi.

16 Hecen niye dukanpi kin akowapa wotanin wašte kin unkoyakapi kta, qa tuwe tokeca taku tawa wiyeya yanke cin en unkiwinktapi kte šni.

17 Tuka tuwe iwinkta kinhan Itancan kin on iwinkta nunwe.

18 Tuwe ihdaonihan kin he ecetudakapi kin ee šni, tuka Itancan kin tuwe yaonihan kin hee kta.

WICOWOYAKE 11.

1 Witkotkoya iwae cin cistiye-dan iyowinmayakiyapi kta wacin. He iyowinmayakiyapi na-kaeš.

2 Wakantanka winawizi kin iyecen inaciwizipi, wicašta wanjidan kiciyus ciyapi, hokšiwinna ecedan un kin Messiya ekta acii-pi kta heon.

3 Tuka he kowakipa, wamduška wohnaye on Ewe hnaye ciquon he iyecen nitawacinpi kin yušicapi kta, qa woyuecedan Messiya en un kin etanhan iyaye niyanpi kta naceca.

4 Tuwe en niupi kin he Jesus tokeca wan unkiye unkoyakapi šni kin he oyaka, qa Woniya tokeca, iyacupi šni qon, he nakaha iyacupi, qa wotanin wašte tokeca, anayagoptanpi šni qon he oniciyakapi kinhan, iyowinyakiyapi kta.

5 Miye yewicašipi iyotan tanka kin takudan ihukuya waun šni, imdukan.

6 Ho magahan ešta, wosdonye kin on waksapa ; tuka niyepi kin en taku owasin on tanyan unki-hdaotaninpi.

7 Wakantanka tawootanin wašte kin iyunwin codan ociciya-kapi, qa wankantuya iyeniyani

pi kta e on mihduhukuya kin he wawahtani he.

8 Okodakiciye tokeca kin taku wicawaki, qa opemicatonpi kin iwacu, ociciyapi kte cin heon ; qa cicipi waun qa taku imakakije cehan, taku nitawapi kin mun šni :

9 Taku iyokpani waun qon he hunkawanjin kiciyapi Makedonia etanhan hipi kin maqupi, qa ohinniyan takudan inagiyeciya-pi šni waun, qa ees nakun hecen waun kta.

10 Messiya wowicake tawa miciun kin heon Akeya makoce kin en imawinkta kin de ecetu šni makiyapi kte šni.

11 Tokeca he ; wašte cici-dapi šni kin heon etanhan he. Wakantanka sdonya.

12 Tuka taku ecamon kin he nakun ecamon kta, hecen tona wiyaonpapi akitapi kin hena etanhan wiyaonpapi kin emdaku kta, qa en iwinktapi kin he unkiyepi kin iyecen unpi kta.

13 Hena yewicašipi itonšni kin hecapi, wohnaye ohanyanpi, qa Messiya yewicaši qon hena iyecen ihduzapi.

14 Qa he taku wowinihan šni, Satan iye kaeš iyoyanpa ohnihde kin iyecen ihduza.

15 Heon etanhan, iye taokiye kin hena wicoowotanna ookiye kin iyecen ihduzapi kte cin he taku tanka šni, hena iye wico-lian kin eciyatanhan ihang yapi kta.

16 Ake hecen epa ; Tuwedan witkotkoke madake kte šni. Tuka hecon kinhan witkotkoke cin iyecen iyowinmakiye kta, cistiyedan mihdatan kta.

17 Taku epe cin hena Itancan kin eciyatanhan epe šni, tuka nina ihdatanpi kin he on witkoya ie cin iyemaceca.

WICOWOYAKE 12.

18 Wicota wicacehpi kin on ihdatanpi kin he iyecen. miš eya mihdatan kta.

19 Witkotkopiike cin hena iyokipiya iyowinwicayakiyapi ece, niye yaksapapi nakaes.

20 Tuwe wowidag niyanpi, tuwe temniyanpi, tuwe wanicipi, tuwe wahaničida, tuwe ite ohna anipapi hecinhan, iyowinwicayakiyapi ece.

21 Waoštehdapi kin he waka, waunšakapi šni kin heon. Tuka taku on tuwe waditake cinhan, witkotkoya iwaa ce, he on miš eya wadimataka.

22 Hena Hebrew wicašta kin hecapi he. Miš eya hemaca. Hena Israel etanhanpi he. Miš eya. Hena Abraham cinca he. Miš eya.

23 Hena e Messiya taokiye kin hecapi he; witkotkoke cin iyecen iwaa, miš eya imayotan. Wicohtani kin en imayotan; apapi kin en wopteca šni waun; kaška hnakapi kin en imayotan, qa wiconče kin en otakiya waun.

24 Juda oyate zaptan akihde, apapi wikcemna topa wanjidan iyokpani maqupi.

25 Yamni akihde cansakadan on amapapi; wancadan inyan on makininpi; yamni akihde wita wata micamdecapi; anpetu wanjidan hanyetu iyahna ošbe kin mahen waun;

26 Nina icimawani, mini ota wokokipe kin en waun, wakipi sa okokipe kin en, mitaoyate on wokokipe kin en, Ikcewicašta on wokokipe en, otonwe ekta wokokipe en, hewoskantuya wokokipe en, miniwanca ekta wokokipe en, hunkawanjin kiciyapi itonpi šni kin hena ekta wokokipe en;

27 Mdowakiša qa nina htawani kin on, ota kiktahan waun kin

on, wotektewahda qa imapuza on, ijehan amakilian kin on, macuwita qa tancodan waun kin on;

28 Qa tankan tanhan anpetu iyobi taku amaupi kin, okodaki-eiye kin owasin awanhdakapi kin he nakun.

29 Tuwe wašake šni un, qa miye wamašake šni he; tuwe aiapi un, qa miye šinwahda šni he.

30 Tuka imawinkta kta iyecece cinhan, wamašake šni waun kin heon imawinkta kta.

31 Jesus Messiya Itancan unkiyapi he Wakantanka tawa, qa Atkuku kin, owihanke wanin wowašte yuhe cin he sdonmayan, itonšni mawanica.

32 Damaskos en, Aretas wicaštayatapi yanke cin ihukuya, wicašta itancan kin akicita ota wicayuha, Damaskos oyate otonwe tawapi kin awanhdake qa, maktepi kta akita.

33 Hehan conkaške owanyeye wan etanhan, makanyankapi wan ohna, kun hiyumayanpi; qa iye nape kin etanhan nawajica.

WICOWOYAKE 12.

1 Imawinkta kte cin he iyemicihantu šni, wowihanmde qa Itancan woyakapi tawa kin ekta wau kta.

2 Ehanna waniyetu ake topa sam iyeya, wicašta wan Messiya en un kin he sdonwaya; (wicatancan kin ohna un kin sdonwaye šni, qa tanton šni un kinhan nakun sdonwaye šni, Wakantanka he sdonya;) wicašta kin he mahipiya iciyamni kin ekta eyakupi;

3 Wicašta kin he sdonwaya, (wicatancan kin ohna un sdonwaye šni, qa tanton šni un kinhan nakun sdonwaye šni, Wakantanka he sdonya;)

II. KORINTH.

4 He Wakantanka ti kin ekta eyakupi, unkan wicoie oyagpica šni kin nañon, hena wicašta oyake kta ešta okitpani kta.

5 Wicašta kin hecece cin on imawinkta kta, qa miye qe on imawinkta kte šni, tuka wamašake šni waun kin heceedan on.

6 Tuka imawinkta wacanmi keš wimatkotkoke kte šni, wovicake epe kta; tuka nakaha hecamon kte šni, tuwe wanmayake ça. token waun nañon kin he isaupa tanka kecanmakin kta he kowakipa.

7 Unkan woyakapi tanka kin on etanhan wañanmičida kte šni heon taku pepe wan micelipi kin en maqupi, Satan taokiye wanji hee, šicaya makuwa kta heon, wañanmičida kte šni heon etanhan.

8 Qa heon Itancan kin yamni wocekiye ewakiya, he amayustan kte cin heon.

9 Hehan, Mitowaonsida kin iyonihí kta, qa mitowašake kin he wowašake šni kin en hduštanpi ce, emakiya. Hecen Messiya towašake kin miye en miciun kte cin, heon makakije cin on iyuškinyan imawinkta kta.

10 Heon etanhan wowayazan kin en imduškin ece, qa waaia-pi, qa iwicakakije, qa šicaya wicakuwapi, qa Messiya on wicakakije kin henakiya en; tohan wamašake šni eca taku owakihi ece.

11 Iwinktapi kin on witkotkoka imacaga, niye hecon mayakiyapi, mayadaotaninpi kta tuka qon; yewicašipi iyotan tankapi kin takudan en wicihukuya waun šni, matakú šni ešta.

12 Awicakehan niyepi ekta yewicašipi wowapetokeca tawapi kin econkupi, wacintankapi

owasin en, wapetogtokeca, taku wowinihan, qa wašagya wicoñan kin hena on.

13 Taku e on okodakiciye tokeca kin ihukuya yaunpi he; taku nitawapi kin iwacu šni kin hee naceca. Heon wawañtani kin he micicajuju po.

14 Wanyaka po, iciyamni ekta ciupi kta wiyeya manka, qa nakun taku nitawapi kin iwacu kte šni. Taku yatonpi kin he awakite šni, tuka niyepi atayedan. Cinca yapi kin hunkakepi kin taku wicakihnakapi kin he hecetu šni, tuka hunkake yapi kin hena hokšiyopopa kin on taku ekicihnakapi kta.

15 Ninagipi kin on litawani, qa mihdusote kte cin he iyomakipi; tuka iyotan canteciciyapi ešta, aoptetuya waštemadakapi ece.

16 Tuka he hecetu, taku nitawapi kin iwacu šni; hececa ešta wamdupike cin heon wohnaye on ciyuzapi, *keyapi*.

17 Tona niyepi ekta ye wicawaši qon hena eciyatanhan, taku mihdamna he.

18 Titos cewakiye ça kici hunkawanjitku wan ekta ye waši. Niyepi etanhan Titos taku kamna he. Wicoksape okonwanjidan en maunnipi šni he; oye okonwanjidan ohna *maunnipi* šni he.

19 Ake niyepi en unkihduwicakapi kecannipi he. Wakan-tanka itokamya Messiya kin en unkiapi ece. Waštecicidapi kin, tanyan icañniyanpi kte cin heon taku owasin econkupi.

20 Ekta ciupi kinhan, niyepi token wacin kin hececa iyeciya-pi kte šni, qa miye nakun token yacinpi šni kin hecen iyemaya-yapi kta kowakipa. Wakinica-pi kin, winawizipi, canniyekici-

WICOWOYAKE 13.

yapi, wicokicize, waaiapi, waa-jijipi, wahanicidapi qa owoduta-ton kin henakiya en un kta kowakipa.

21 Qa okinni ekta wau kinhan, niyepi kin en Wakantanka mitawa kin iyokisin maye kta, qatona wanna woalitani econpi, qataku asape cin, wiinahmanpi, qawicawihomnipi econpi kin on iyopeci yayapi sni kin hena awicawakiceye kta naceca, he kowakipa.

WICOWOYAKE 13.

1 De iciyamni ekta ciupi; waa-yatanin nonpa qa yamni ipi kin on wicoie owasin yasutapi kta.

2 Ociciyakapi qon he ake nakaha ociciyakapi, icinonpa ekta waun kin iyececa; qa nakaha en waun sni, tona toka wahtanipi, wicašta tokeca ko owasin, wowapi wicawecaga, ake ekta wai kinhan itonwicawape kte sni.

3 Miye mahen tanhan Messiya ie cin on wowapetokeca ayakitapi kin heon etanhan; he niyepi ekta taku okitpani sni, tuka niyepi kin en wasake hinca.

4 He iye wowaśake sni on can susbeca kin en okatanpi ešta, Wakantanka towaśake kin on ni un. Heon unkiś eya waunśakapi sni, tuka niyepi kin ekta Wakantanka towaśake kin on kici unnipi kta.

5 Niś niyepi ihdukcan po, wacinyanpi kin en yaunpi hecinhan; tanyan wihduta po. Ehpényanpi sni kinhan, Jesus

Messiya niyepi kin mahen un, he sdonyakiyapi sni he.

6 Tuka ehpewicayapi kin heuncapi sni e sdonyayapi kta imdukan.

7 Taku śica takudan ecanonpi kte sni he Wakantanka icewakiya; unkiye unwaštepi e unyaotaninpi kte cin hee sni, tuka wahtepi sni kin iyeuncecapi kta ešta, niye taku wašte ecanonpi kte cin hee *wacin*.

8 Taku wowicake kaśeye cin takudan unkokihipi sni, tuka wowicake kin on etanhan.

9 Unkiye waunśakapi sni, qa niye waniśakapi eca unkiyuśkinpi ece. Qa tanyan onihduştanpi kte cin he uncinpi.

10 Heon etanhan en waun sni icunhan, hena wowapi en waka-ga, okinni ekta waun kinhan yaşinya iapi kin ohna iwae kta naceca; wowaśake Itancan maqu kin eciyatanhan, he waicahiyapi kin on *maqupi*, qa waihangyapi kin on etanhan sni.

11 Ehake, hunkawanjin ciyapi kin, wiyuśkin po; oihduştan un po, cante wašte po, okonwanjidan awacin po, wokiyapi kin en un po; qa wowašte, wookiye ko Wakantanka kin nicipi un nunwe.

12 Otoiyohi iiputakapi wakan kin on i ikiciputaka po. Wicašta owotanna un kin owasin i iniputakapi.

13 Jesus Messiya Itancan towaonśida kin, Wakantanka towaştetake kin, qa Woniya Wakan iwicakiye cin niyepi owasin en nicipi unpi nunwe. Amen.

PALOS

GALATIA OYATE KIN

WOWAPI WICAKICAGE CIN.

WICOWOYAKE 1.

1 Palos yewicašipi kin heca, wicašta akantu kin etanhan šni, qa wicašta on kagapi šni, tuka Jesus Messiya etanhan, qa Wakantanka Ateyapi kin, he wiconțe etanhan najin kiye cin he nakun etanhan ;

2 Qa hunkawanjin kiciyapi mici unpi kin owasin ko, Galatia ekta okodakiciye kin *wowapi unnicagapi*.

3 Wowaońska, wookiye ko, Wakantanka Ateyapi kin, qa Jesus Messiya Itancan unkiyapi kin etanhan, niciپی un nunwe.

4 He iye waunłitanipi kin on içicu, wicoicage šice cin de etanhan eunhdakupi kta, Wakantanka Ateunyanpi tawacin kin eciyatanhan :

5 He ohinniyan owihanke wanın wowitan kicihan nunwe. Amen.

6 Tuwe Messiya towaonńska kin inicopi kin kohanna adušanpi, qa wotanin wašte tokeca en *oyapapi* kin, heon imanihan manka.

7 He nakun tokeca šni, tuka wicašta wanjikji nagiyeniyampi, qa Messiya tawootanin wašte kin ayušan niyanpi kta tuka.

8 Tuka he unkiš unkiyepi, qa is ohnihde wan małpiya kin eciyatanhan kin, wotanin wašte unkoniciyakapi qon he ohna šni, tuka tokeca oniciyakapi kinhan, wošnapı un nunwe.

9 Unkeyapi qon hecen ake nakaha epe, tuwe wotanin wašte iyacupi qon kici okonwanjidan šni kin oniciyakapi kinhan, he wošnapı un kte.

10 Wicašta qa Wakantanka, unma tukte cinwicawakiya he; qa wicašta kin iyokipiwicawaya awakita he. Wicašta kin iyokipiwicawaya unkanš, Messiya wowidagmaye kte šni tuka.

11 Mihunkawanji he de ociciyakapi, wotanin wašte omdake cıqon he wicašta akantu kagapi šni ;

12 Qa wicašta kin etanhan iwacu šni, qa iye omakiyakapi šni, tuka Jesus Messiya oyake cin eciyatanhan *onmaspe*.

13 Juda wicołan en opeya waun qehan, token owałanmde cin nayahonpi ; Wakantanka taokodakiciye kin nina šicaya wakuwa, qa mdujuju.

14 Qa mitaooyate kin en tona om akinimaskokeca kin hena ota Juda wicołan kin en kawicawape ça, mihunkakepi wohdakapi qon iyotan nina tewahında.

15 Tuka Wakantanka ina tezi kin etanhan imacu, qa iye towaonńska kin on mico kin he,

16 Iye Cinhintku kin sdonye mayan iyokipi qehan, lkcewicašta wotanin wašte kin owicawakiyake kte cin heon, kohanna wicacełpi, wicawe ko, kici wowahdake šni :

17 Qa Jerusalem ekta tona

mitokapa tanhan yewicašipi qon hena ekta wicawai šni, tuka Arabia ekta imdamde ça, ake Damaskos ekta icicawin wahdi.

18 Hehan waniyetu yamni iyo-hakam Inyan kici wowahdake kta e Jerusalem ekta wai, qa apetu ake zaptan kici man-ka.

19 Tuka yewicašipi kin tokeca tuwedan wanmdake šni, Jakob Itancan sunkaku kin hecedan.

20 Unkan wicoie wowapi en cicagapi kin de, iho, Wakantan-ka itokam itonšni mawanica.

21 He iyohakam Suria, qa Kilikia makoce kin en wahi.

22 Qa Juda makoce kin en okodakiciye kin Messiya en un kin, hena ekta ite kin sdonma-yanpi šni waun.

23 Tuka, Tuwe šicaya unkuwa-pi qon he nakaha wowacinye ehanna yujuju qon he oyaka ce, hecedan nahonpi.

24 Unkan miye on Wakantan-ka yatanpi.

WICOWOYAKE 2.

1 He iyohakam waniyetu ake topa, hehan ake Titos yuha, Barnabas kici Jerusalem ekta itawankanhde mda.

2 Woyakapi on ekta mde ça, Ikcewicašta ekta wotanin wašte omdake ciqon he hena owica-wakiyaka, qa tona okinihanpi kin hena išnašnana *owicawaki-yaka*; ituya waimnanke šni, qa taku šni on waimnanke kte šni heon.

3 Tuka Titos mici un kin he Helenes heca keš bakiłdayapi kta keyapi šni.

4 Qa he nakun hunkawanjin-kiciyapi itonpišni kin heca, hena unkiye token Jesus Messiya on tawa unkiçiyapi kin he iwanya-

kapi kta e en hipi, wowidag unyanpi kte cin heon.

5 Tuka hena wihiyayedan oape wanjidan hehanyan wicihukuya unyakonpi šni, wotanin wašte wowicake kin nicipi un kte cin heon.

6 Unkan tona wicašta wica-kinihanpi seca, qa takupi kašta he etanhan tokeca šni, Wakan-tanka wicašta itohnake kin iwan-yake šni, hena wicakinihanpi se-ca, tuka wicoie kin en takudan omakiyapi šni.

7 Tuka hececa ešta, tohan ba-kilıdayapi šni wotanin wašte kin he maqupi e wanyakapi qehan, bakiłdayapi wotanin wašte In-yan qupi qon he iyececa;

8 Tuwe bakiłdayapi kin on yewicašipi kin en Inyan okihiye cin hee Ikcewicašta ekta okihi-mayan;

9 Qa Jakob, Inyan qa Johan-nes kici, ipatanhdepi kin hecapi seca, wowaonšida maqupi kin he wanyakapi, hehan takodaki-eiyapi on Barnabas kici nape mayuzapi, unkiš Ikcewicašta ekta unyanpi kta, qa iyepi kin bakiłdayapi kin ekta yapi kta.

10 Tuka decedan, tona wa-łpanicapi kin wicunkiksuyapi kta *keyapi*, unkan miš nakun hecamon tawařenwaya.

11 Unkan Inyan Antiyoka ekta hi qehan, kici taninyan awaki-nica, iye iyaonpepica nakaes.

12 Jakob etanhan wanjikji hipi šni kin he itokam Ikcewicašta kin om wota ece; tuka wanna en hipi, hehan tona bakiłdayapi qon hena kowicakipe ça, tokan iyaye ça ihdonica.

13 Qa he opeya Juda wicašta tokeca kin iyecen analibeya econpi, hecen hena wohmaye kin on Barnabas nakun opeya ye-yapi.

14 Tuka wotanin wašte wowi-
cake kin eciyatanhan owotanna
manipi šni, he wanmdaka hehan
owasin wicitokam Inyan hewa-
kiya; Juda wicašta henica, tu-
ka Ikcewicašta kin iyecen yani
kinhan, qa Juda wicašta kin iye-
cece šni, tokeca e Ikcewicašta
kin Juda wicoħan kin en ope
wicayaši he.

15 Unkiye wicaceħpi eciyatan-
han Juda wicašta kin heuncapi,
qa Ikcewicašta waħtanipi sa
heuncapi šni;

16 Wicašta kin woope wicoħan
kin eciyatanhan yaowotanpi šni
ece, tuka Jesus Messiya wacin-
yanpi kin on, he sdonunyanpi
kin heon unkiš eya Jesus Messi-
ya wacinunyanpi, Messiya wi-
cadapi kin on unyaowotanpi kta
e heon, qa woope opapi kin on
etanhan šni; woope wicoħan
kin eciyatanhan wicaceħpi owa-
sin tuwedan yaowotanpi kte šni.

17 Tuka Messiya on unyaowo-
tanpi kta unkakitapi kin he icun-
han, waħtanipi sa heuncapi he-
cinhan, heon Messiya woahťani
wowidake kin heca he. Hiya
hecetu šni.

18 Taku mdujuju qon he ake
piya wakage cinhan, wawaħtani
e mihdutanin.

19 Wakantanka on wani kta e
heon, woope eciyatanhan, woo-
pe kin ekta maťa ce.

20 Messiya kici icipaweħ oma-
katanpi; tuka nahahin wani; qa
he miye šni tuka miye mahen
Messiya ni un kin hee; qa wi-
caceħpi kin en wani kin he Wa-
kantanka Cinhintku wacinyanpi
kin eciyatanhan wani, he iye
cantemakiye čamiye on iye ičicu.

21 Wakantanka towaonsida
kin mdujuju šni; woope kin eci-
yatanhan wicoowotanna u kin-
han, hehan Messiya ituya řa.

WICOWOYAKE 3.

1 Galatia wicašta wacin tonpi
šni kin, tuwe niyuhnaškinyanpi,
qa hecen wowicake kin anaya-
goptanpi kte šni he; niyepi kin
en Jesus Messiya icipaweħ oka-
tanpi kin he ništapi kin itokam
yuotaninpi.

2 Decedan omayakidakapi kta
wacin, woope wicoħan kin on,
qa wacinyan anagoptanpi kin,
unma tukte eciyatanhan Woniya
kin iyacupi he.

3 Tokaheya Woniya kin on
ecanonpi, qa ehake wicaceħpi
kin on nihduštanpi kta he, qa
wacinyatonpi kte šni.

4 Kana owasin taku šni on
iyotanhan iyeyakiyapi he; he
taku šni on etanhan hecinhan.

5 Tuwe Woniya kin yuhe ni-
ciyapi, qa niyepi en tankaya
oħanye cin he woope wicoħan
kin on, qa wacinyan anagoptanpi
kin unma tukte eciyatanhan he.

6 Hecen Abraham Wakantan-
ka wicada, unkan he woowo-
tanna kiciyawapi qon.

7 Heon etanhan, tona wacin-
yanpi kin en opapi kin hena
Abraham cincawicaye cin eepi,
he sdonya po.

8 Wacinyanpi kin on Wakan-
tanka Ikcewicašta kin wicayao-
wotanna kte cin, he Wowapi
wakan otokaheya tanhan wani-
yake řa, hecen tokaheya Abra-
ham wotanin wašte kin okiya-
ka; Niye en oyate kin owasin
wicayawaštepi kta ce.

9 Hecen tona wacinyanpi kin
hena Abraham wacinye ciqu
kici wowašte yuhapi.

10 Tona woope wicoħan kin
etanhanpi kin hena woyaco kin
en unpi. Hecen wowapi en ka-
gapi; Tona taku woope wowa-
pi kin en kagapi kin owasin

opeya unpi śni, qa ecen econpi śni kin hena otoiyohi wanna wicayacopi ce.

11 Unkan woope kin eciyatanhan tuwedan Wakantanka itokam yaowotanpi śni e sdonunyanpi: Tona owotanna un kin hena wacinyanpi eciyatanhan nipi kta ce.

12 Unkan woope kin he wacinyanpi kin eciyatanhan śni; tuka, Wicašta kin tuwe hena econkinhan, hena on ni kta ce.

13 Woope woyaco kin etanhan Messiya eunhdakupi, unkiyepi on iye woyaco ikicaga. Wowapi en hecen kagapi, Tona can en otkeyapi kin hena owasin yacopi ce.

14 Hecen Jesus Messiya eciyatanhan Abraham wowašte tawa kin he Ikcewicašta kin en awicau kta; hecen wacinyanpi kin on Woniya iwahounyanpi kin he unkiyepi kta.

15 Mihunkawanji, wicašta akantu iyecen iwaa. Wicašta akantu wicotakuye tawa kin hee kaeś, wanna hduştanpi kinhan, tuwedan hdujuju śni, qa taku en akage śni ece.

16 Abraham iye cinca kici wahoyapi; Cincapi kin eye śni, hehan ota kapi kta, tuka wanjiđan, qa, Nicinksi kin, he Messiya kin ee.

17 Unkan miś kaken epe kta; Otokahe ekta wicotakuye Messiya en Wakantanka hduşuta kin he, iyohakam waniyetu opawinge topa sanpa wikcemna yamni hehan woope u kin he tokaheya kin yujuju, qa hecen wahoyapi qon ecetuşniye kta okitpani.

18 Taku tawapi kte cin he woope eciyatanhan un unkanś, wahoyapi kin eciyatanhan śni; tuka he Wakantanka Abraham iwahoya.

19 Hehan tokeca e woope kin yukan he. He woahţani on kagapi, cinca iwahoyapi qon u śni kin hehanyan, qa ohnihdewicayapi kin on yusutapi, iyotahedan un wan nape kin ohna.

20 Iyotahedan un kin he wanjiđan eciyatanhan śni, tuka Wakantanka ege wanjiđan.

21 Heon woope kin he Wakantanka taku iwahowicaye cin he kaşeya he. Hiya hecetu śni. Woope wiconi kaga okihi unkanś, awicakehan woope kin eciyatanhan wicoowotanna u kta tuka.

22 Tuka Wowapi Wakan kin he owasin woahţani ohdateya un wicayawa, qa hecen tona wicadapi kin hena, Jesus Messiya wacinyanpi wahoyapi qon he wicaqupi kta.

23 Wowacinye kin hi śni itokam woope kin on unkaşkapi; qa wowacinye yuotaninpi kte cin en onauntakapi.

24 Hecen woope kin he waye-unkiyapi kin hee, Messiya en unkahipi kta, hecen wowacinye on unyaowotanpi kta e heon.

25 Tuka wowacinye kin wanna hiyohi, hecen wanna wayekiyapi kin ihukuya unyakonpi śni.

26 Jesus Messiya wacinyanpi kin eciyatanhan owasin Wakantanka cinca kin heuncapi.

27 Tona Messiya caje on baptem nicupi kin hena Messiya kodakapi.

28 He en Juda qa Helenes wicašta ko wanica; wowidake un tawaiciya ko wanica; wica winyan ko wanica; tuka Jesus Messiya ekta owasin okonniwanjiđan.

29 Messiya tawa niyanpi hecinhan, Abraham cinca kin he-nicapi, qa wahoyapi kin eciyatanhan tawayapi kte cin.

WICOWOYAKE 4.

1 Unkan kaken epa; Tawaye kte cin tohanyan hoksiyopa un kin hehanyan wowidake kin takudan ocitpani sñi, taku owasin on itancan un esta.

2 Tuka tohan Atkuku ke cin hehanyan waonspekiye ca tipi awanyag wicakiyapi kin hena he yuhapi.

3 He iyecen unkiś eya hounksiypapi qehan, wicoicage wonspe tokaheya kin ihukuya unyakonpi.

4 Tuka wanna anpetu iyehantu qehan, Wakantanka iye Cinhintku kin u śi, winohinca wan etanhan icage ca woope kin ohdateya kagapi.

5 Hecen tona woope kin ihukuya un kin hena opewicakiton kta, atayedan cinhintkuyapi kin unhapi kte cin heon etanhan.

6 Unkan cinksinianpi kin heon Wakantanka iye Cinhintku Taniya kin nicantepi kin en niu śipi, he, Abba, Ate, eya howaya ece.

7 Hecen wowidake kin henica sñi, tuka cinhintku kin henica. Qa cinhintku hecinhan, Messiya eciyatanhan Wakantanka ekta tawaye kte cin heca.

8 Tuka Wakantanka sdoniyapi sñi qehan, taku wakan sñi kin hena wowidag niyanpi.

9 Unkan nakaha Wakantanka sdoniyayapi, qa is Wakantanka sdonniyanpi yaunpi kin, hecen token ake taku tokaheya hunke sñi qa takudan okihi sñi un kin ekta nihdohdapi, qa hena ake wowidag niyanpi kta yacinpi he.

10 Anpetu qa wi kin, omaka waniyetu ko awacanipi.

11 Kocicipapi, taku sñi on niyepi kin htacicinipi epca, heon etanhan.

12 Mihunkawanji, ceciciyapi ce; Miś waun kin iyecen un po; niye yaunpi kin iyecen waun, taku śica takudan ecamiyeconpi sñi.

13 Tokaheya ekta wicacehpi waśake sñi on wotanin wašte kin ociciyakapi kin he sdoniyapi.

14 Qa michepi en taku iyutanmaye cin he śiceyadapi sñi, qa paha iyeyayapi sñi, tuka Wakan-tanka ohnihde ye cin iyecen, qa Jesus Messiya iyecen tin ye mayasi.

15 Hecen wowašte duhapi qon tukte e he. Kaken ciyaotaninpi, okihipica unkanś ništapi kin yahduśdokapi qa mayaqupi kta wicayadapi kta tuka.

16 Wowicake ociciyakapi kin heon toka mayayapi he.

17 Hena e tanyan canteniciyuzapi seca, tuka he taku wašte on etanhan sñi, heyata iyeunyanpi kta cinpi, hecen niye tanyan cantewicayakiyuzapi kta.

18 Tuka ohinniyan taku wašte on tanyan canteyuzapi kin he wašte, qa niyepi ekta waun kin hecedan sñi.

19 Micinca, niyepi kin en Messiya icaliyapi kte cin heon ake hoksiksuya waun.

20 Niyepi kin on, token wacin mduza tanin sñi, heon nakaha ekta cicipi waun qa miho kin wahdatokeca kta wacin.

21 Tona woope ihukuya yaunpi yacinpi kin, woope kin nayahonpi sñi hecinhan omakiyaka po.

22 Wowapi en hecen kagapi; Abraham cinhintku nonpa, unma wowidake winohinca etanhan, qa unma is winohinca tawaiciye cin etanhan.

23 Tuka wowidake winohinca etanhan un kin he wicacehpi

WICOWOYAKE 5.

eciyanhan tonpi, qa tawaiçiye cin etanhan un kin wahoyapi kin on tonpi.

24 Hena e wiyacinpi wan ee; qa wicotakuye nonpa kin heepi. Unma Sina he kin etanhan u, he wowidag yapi kaga, Hagar hee.

25 Qa Hagar he Arabia ekta Sina he kin hee, qa Jerusalem wanna he cin kici akidecen un, qa cinca kici wowidake un.

26 Tuka Jerusalem wankan tanhan u kin he tawaiçiya, he owasin ina unyanpi kin ee.

27 Hecen wowapi en kagapi; Cinca oyakitpani qa cinca ton şni yaun kin iyuşkin wo; tohin-ni hokşinyaksuye şni kin panpan qa dowan wo; tuwe işnana un kin he cinca ota, qa hihnaton kin he cinca tonana.

28 Mihunkawanji, Isaak iyecen wahoyapi cinca kin heuncapi.

29 Tuka he ehan tuwe wicacehpi eciyanhan tonpi kin he Woniya eciyanhan un kin he şicaya kuwa qon, iş eya dehan iyececa.

30 Tuka Wowapi wakan kin token eya he; Winohinca wowidake un kin cinca kici tankan iyeya wo; wowidake un cinca kin he tawaiçiya cinca kin kici akidecen tawaye kte şni.

31 Hecen mihunkawanji, wowidake un cinca kin ee şni, tuka tawaiçiya cinca kin unkiyepi.

WICOWOYAKE 5.

1 Hecen tawaiçiyapi kin on Messiya tawaiçiye unyanpi kin he en tinsadan un po, qa ake wowidake yapi wanapin kin on iyaihdaskapi şni po.

2 Wanyaka po, Palos he miye e kaken eciciyapi; Baniçihdayapi kinhan Messiya takudan on oniciyapi kte şni ce.

3 Wicaşta bakihdayapi kin otoiyo hi kaken ewakiya ee; Woope kin ocowasin econ kta iyececa tuka ce.

4 Tona woope kin on niyaowo-tanpidan keniciyapi kin wanna Messiya ehpeyayapi, qa wowa-onşida etanhan nihinhpayapi kin.

5 Unkiye Woniya kin eciyanhan wicoowotanna woape kin wacinyanpi on unkapepi ece.

6 Jesus Messiya en bakihdayapi kin he takudan okihi şni, qa nakun bakihdayapi şni kin; tuka wacinyanpi wowaşte en ohanye cin he taku okihi ece.

7 Tanyan yainankapi; tuwe iyoncipi şni kin, hecen wowica-ke kin wicayadapi kte şni he.

8 Woawacin kin de tuwe nicopi kin eciyanhan u şni.

9 On napohiyapi cistinna kin he aguyapi ocowasin napohya.

10 İtancan kin eciyanhan wacinciyapi, takudan tokeca awacanipi kte şni; qa tuwe kaşta nagiyenyanpi kinhan he wo-yaco hduhe kta.

11 Mihunkawanji, miş miye bakihdayapi kin ieyanwapaha kinhan tokeca e şicaya makuwapi he; kinhan, can susbeca iwoşihda kin he enakiyapi tuka.

12 Tokin tona cante okiçunin niyanpi kin hena yuşpa iyewicayapin.

13 Mihunkawanji, tawaiçiyapi kin en nicopi, tuka tawaiçiyapi kin he wicacehpi iyokipi kta e wowinyunyanpi şni po; tuka wowaşte on otoiyo hi okieiciya po.

14 Woahope kin ocowasin wicoie wanjidan en ecetu, he dee, Niş niye inihdacinyan wicaşta aiyog yaun kin canteyakiye kta ce.

15 Tuka yecidahakapi qa tem-

yeciyapi kinhan, on wakta po, okinnihangyeci-yapi kta naceca.

16 Miye kaken epe; Woniya kin on mani po, hecen wicacehpi on cantiheye cin yahduŝtanpi kte ŝni.

17 Wicacehpi kin he Woniya kin inakiwizi, qa Woniya kin iŝ wicacehpi kin inakiwizi, qa hena-zakiya anokatanhan kicizapi, hecen taku token yacinpi ŝni kin hena ecanonpi ece.

18 Tuka Woniya kin yus aniyampi hecinhan, woepe kin ihukuya yaunpi ŝni.

19 Wicacehpi wicohan kin taninyan un; Wawicihahapi, wiinahmanpi, waaŝapapi, wicaŝtapi ŝni;

20 Wakagapi kin ohodapi, wapiyapi, ŝice kicidapi, wakinicapi, wawihnupi, wacantahdepi, wicokicize, wawakipajinpi, yuomdecapi,

21 Winawizipi, tin wicaktepi, witkopi, qa witkoya wacipi, qa taku tona hecece cin hena ee; wanakaja ociciyakapi kin he iyecen nakaha eciciyapi, Tona taku hececa econpi kin hena Wakantanka tokiconze kin tawapi kte ŝni.

22 Tuka Woniya kin waskuyeca tawa kin he, wowaŝtedake, wowiyuŝkin, wookiye, wacintankapi, wicowahbayedan, wowaŝte, wowacinye;

23 Wicotawacin waŝte, qa iyatahde iŝiyapi ŝni hena ee; qa taku hecece cin woepe kin tuktedan iyamya un ŝni.

24 Unkan tona Messiya tawa wicaye cin hena wicacehpi kin icipaweŝ okatanpi, qa wacinyuzapi cantiheyapi koya.

25 Woniya kin unkicinipi kinhan, Woniya kin unkopapi kta.

26 Otoiyohi ŝihdakiciyapi, qa winakiciwizipi, qa ecinŝniyan

iwinkta iŝiyapi wanin unyakonpi nunwe.

WICOWOYAKE 6.

1 Mihunkawanji, wicaŝta wan ihnuhanna taku ŝica en iyohpaye cinhan, niye tona owotanna yaunpi kin woksape wowahbayedan yuha wicaŝta kin he ake piya opeya maniya po; qa awan-ihdaka wo, okinni taku wawiyutanyan un kin en niu nun ce.

2 Otoiyohi waqinpi kin kicin po, hecen Messiya toope kin tanyan ecetu yayapi kta.

3 Tuwe taku ŝni un eŝta, taku iŝida kinhan, he iŝihnayan.

4 Tuka otoiyohi iye ohan kin awakicin kta, hecen iye qe eciyatanhan, qa tokan tanhan ŝni, iyuŝkin kta.

5 Otoiyohi waqinpi tawa kin kicin kta.

6 Tuwe wicoie kin eciyatanhan onspekiyapi kinhan, he wonspekiye cin taku waŝte kin owasin etanhan okinikiya nunwe.

7 Ihnuhan nihnayanpi kin; Wakantanka uncapi kte ŝni ce. Wicaŝta kin taku oju kinhan, he yukse kta ce.

8 Tuwe iye celipi kin wokiciju kinhan, he wicacehpi kin etanhan wicotakuni ŝni mnaye kta; qa tuwe Woniya kin wokiciju kinhan, he Woniya kin eciyatanhan wiconi owihanke wanica mnaye kta.

9 Taku waŝte econ unkapinpi ŝni nunwe; hu unstakapi ŝni kinhan tohantu kte cin mnaunyanpi kta.

10 Heon tohanyan unkokihipi kinhan, wicaŝta owasin taku waŝte ecawicunkiconpi kta, qa wacinyanpi tiyohnaka kin hena iyotan.

WICOWOYAKE 1.

11 Wowapi hinsko tanka miye minape on cicagapi e wanda-kapi.

12 Tona wicacelipi ekta wašte ihdutaninpi cinpi kin hena bani-çihdayapi kta cinniciyapi, Mes-siya can susbeca tawa kin on şicaya kuwapi kte şni kin heon heconpi.

13 Tona bakiñdayapi kin hena e qe nakun woope kin tanyan yuhapi şni, tuka baniçihdayapi kta cinpi, nicehpipi kin on iwin-ktapi kta heon.

14 Tuka takudan on imawin-
kta şni nunwe, Jesus Messiya
Itancan unkiyapi can susbeca
tawa kin hecedan on, he on mi-
ye ekta wicoicage kin icipaweñ

okatanpi, qa wicoicage kin ekta
icipaweñ omakatanpi.

15 Jesus Messiya en bakiñda-
yapi kin he takudan okihi şni,
qa bakiñdayapi şni kin he na-
kun, tuka wicašta teca kin.

16 Tona woope kin de eciya-
tanhan manipi, Israel Wakan-
tanka tawa wicaye cin hena ko,
wookiye, wowaonşıda ko, wica-
kici unpi nunwe.

17 Detanhan tuwedan nagiye-
maye şni nunwe; Jesus Messiya
towapetogton kin mitancan kin
en yuha waun.

18 Mihunkawanji, Jesus Mes-
siya Itancan unkiyapi towaon-
şıda kin ninagipi kin kici un
nunwe. Amen.

PALOS

EPHESOS OYATE KIN

WOWAPI WICAKICAGE CIN.

WICOWOYAKE 1.

1 Palos, Wakantanka tawacin
kin eciyatanhan, Jesus Messiya
yeşı qon hee, Ephesos ekta tona
owotanna un, qa Jesus Messiya
wacinyanpi kin hena *wowapi
cicagapi*:

2 Wowaonşıda, wookiye ko,
Wakantanka Ateunyanpi kin
etanhan, qa Jesus Messiya Itan-
can unkiyapi kin etanhan niye-
pi en nicipi un nunwe.

3 Jesus Messiya Itancan un-
kiyapi Wakantanka tawa, qa
Atkuku kin yawaştepi nunwe;
he iye Messiya en taku mahpi-
ya tanhan un kin wowaşte wa-
kan ocaje owasin on unyuwa-
ştepi:

4 He en maka kagapi kin ito-
kam unkalnigapi qon iyececa,
unwakanpi kta qa iye itokam
wowaşte en iyaonpepica şni un-
yakonpi kte cin heon:

5 Qa iye en, Jesus Messiya eci-
yatanhan cinca unyanpi, iye ta-
wacin oiyokipi kin eciyatanhan:

6 Iye towaonşıda wowitan ya-
tanpi kte cin on, he iye Waşte-
kidake cin en waşteundakapi:

7 He on wopekironpi kin un-
hapi, iye we kin on, woahitani
kajujupi kin hee, iye towaonşıda
tanka kin eciyatanhan:

8 He iye unkiciyuotapi, wico-
ksape owasin qa wookalnige ko
on:

9 Qa iye toiyokipi kin eciya-
tanhan, iye tawacin wowiyukean

kin sdonyeunkiyapi, he iye en iciconze ciqu he iyecen :

10 Hecen tohan iyehantu kinhan, wokonze kin eciyatanhan taku owasin Messiya en witaya mnaye kta, taku mahpiya ekta un, qa taku, maka akan un kin hena, iye en.

11 Qa tuwe iye tawacin wokonze kin eciyatanhan, taku owasin kage cin he otokaheya tanhan unkañigapi kin, he iye en woaihpaye kin unhapi.

12 Hecen unkiye tokaheya Messiya wacinunyanpi qon, iye towitan kin yatan unyakonpi kte cin heon.

13 He niś niyepi nakun, wowicake oie kin nayañonpi qehan, wotanin wašte on ni niyanpi kte cin hee, he iye wacinyayapi, unkan Woniya wahoyapi kin he on wapetognitonpi :

14 He taku unhapi kte cin tokaheya wicaqu ece kin hee, taku opetonpi hdamnanpi kin *u kte* cin hehayan, iye towitan yatanpi kte cin heon.

15 Hecen miś eya, Jesus Messiya wacinyayapi kin he, qa tona owotanna un kin owasin wašte wicayadakapi kin nawañon kin,

16 Ehantanhan niyepi on wopida eya amdañtan śni, qa wocekiye epa eca, ciksuyapi ece :

17 Jesus Messiya Itancan unkiyapi Wakantanka tawa, qa wowitan Ateyapi kin hee woksape wowiyukkan ko oniya kin niçupi kta, he iye sdonyayapi kta e heon :

18 Nitawacinpi išta kin iyoyam niyanpi kta, hecen nicopi wowacinye kin he taku kin e sdonyayapi kta, qa tona owotanna un kin taku tawapi kte cin wowitan wijica kin he taku ;

19 Qa tona wicaundapi kin en

iye towaśake tanka hinca woptecaśni kin he taku kin nakun, iye towaśake waśagya oñanye cin eciyatanhan.

20 He Messiya okicihan, wiconțe etanhan najin kiye çehan, qa mahpiya ekta iye etapa kin en ekihde :

21 Wokiconze owasin, qa wowaśake, qa wookihi, qa itancan-kiyapi, qa wicacaje caje yatapi kin owasin, wiconi kin de en hecedan śni, wiconi u kte cin he nakun, hena iwankam tehan wankantuya ekihde :

22 Qa iye siha kin ihukuya taku owasin ekihnaka, qa taku hiyeye cin owasin iwankam okodakiciye kin en he pa kin kaga :

23 He iye tancan kin hee, tuwe taku owasin on owasin ojuye cin woojudan kin hee.

WICOWOYAKE 2.

1 Unkan niś niyepi kin woañtani wicoñan śica ko en niñapi :

2 Hena ehna ehanna mayanipi, wicoicage kin de wiconi kin eciyatanhan, qa okotonyan wowaśake kin itancan kin eciyatanhan, he taku wakan woakta śni cinca kin en oñanye cin hee.

3 Hena om, unkiyepi owasin ehanna unnipi, unceñpipi wacin yuze cin en, wicaceñpi wicotawacin ko wacinpi kin ecetu unyanpi, qa unmanpi kin iyecen wocantiyahde cinca kin heun- capi.

4 Tuka Wakantanka wowaonśida kin on wijica kin he towaśtedake tanka kin on wašte undakapi kin heon ;

5 Unkiye wicoñan śica ehna unñapi qehan, Messiya kici niun-kiyapi ; wowaonśida on wiconi duhapi ece :

WICOWOYAKE 3.

6 Qa Jesus Messiya en witaya najin unkiyapi, qa mahpiya kin ekta kici kiyotang unkiyapi ;

7 Hecen wiconi u kte cin en, Jesus Messiya on cantounhna-kapi kin on, towaonsida woyuha wopteca sni kin hduotanin kta.

8 Wowaconsida kin on yanipi, wacinyanpi kin eciyatanhan, qa he niyepi kin etanhan sni, Wakantanka taku nicupi kin hee.

9 Wicohan kin eciyatanhan sni, okinni tuwe ihdatan kta tuka.

10 Iye taku kage cin he unkiyepi, Jesus Messiya en wicohan washe aicali unyanpi, hena ohna maunnipi kte cin heon otokahya tanhan Wakantanka wiye-ya ehnaka.

11 Hecen ehanna wicacehpi ekta Ikcewicašta henicapi kin he kiksuya po, qa wicacehpi balidayapi eyapi, nape on econpi kin he bakidayapi sni eniciyapi qon :

12 He ehan Messiya yuhe sni yaunpi ; Israel wokiconze kin iyenichantupi sni, qa wahoyapi wicotakuye kin sdonyayapi sni, wowacinye ninicapi, qa wicoicage kin en Wakantanka codan yaunpi.

13 Tuka nakaha Jesus Messiya en, nis niyepi ehanna itehanyan yaunpi qon, wanna Messiya we kin on kiyadan anihipi.

14 Unkan iye wookiye unki-tawapi kin hee, iye qe napin yu-wanjidan, qa cokahnagya ehna-kapi qon he yujuju ;

15 Qa iye cehpi kin en, toka-kiciyapi kin woahope woope kin econ wicašipi qon he yutakuni sni ; is iye en nonpa etanhan wicašta wanjidan teca icahiye kta, hecen wookiye kage kte cin heon etanhan.

16 Qa tancan wanjidan on, can susbeca kin eciyatanhan, hena

napin Wakantanka kici okicici-ye wicakiye ça, heon tokakici-yapi kin kte.

17 Qa tona tehan dukanpi qon kiyadan un kin hena ko wookiye oniciyakapi hi.

18 He eciyatanhan Woniya wanjidan on, napin Ateunyanpi kin ekta kiyedan ipi kin he unhapi.

19 Heon etanhan, detanhan togkicihdapi, qa oyate tokeca kin henicapi sni ; tuka tona owotanna unpi kin hena om ya-tipi, qa Wakantanka tiyohnaka tawa kin he niyepi :

20 Qa yewicašipi wicašta wokcan ko taku ahehde tawapi kin akan tinicagapi, Jesus Messiya he oise en otancanke kin hee.

21 Iye ohna tipi kin ocowasin ayucoco ehnakapi, qa Itancan kin en tipi wakan icaga.

22 He ohna niyepi nakun ptaya tinicagapi, Woniya kin eciyatanhan, Wakantanka tipi ye kte cin heon.

WICOWOYAKE 3.

1 Heon Ikcewicašta kin niyepi on etanhan, Palos, Jesus Messiya on kaška hnakapi kin he miye.

2 Niyepi on Wakantanka towaonsida wicolitani mauppi kin he nayahonpi hecinhan ;

3 Token woyakapi kin on woyiwukcan kin he sdonye makiya ; he wanna wicoie tonana on wakaga :

4 He dawapi kin ehantanhan Messiya tawowiwukcan kin token imdukcan kin sdonyayapi kta.

5 He wicoicage tokeca kin en wicašta cinca kin owicakiyakapi sni, tuka nakaha Woniya kin eciyatanhan, yewicašipi owotanna qa wicašta wokcan tawa-

wicaye cin hena owicakiyakapi kin iyecen :

6 Hecen Ikcewicašta kin nakun kici tawayapi kte ça, kici tancan wanjipidan kta, qa Messiya tawotanin wašte kin eciyatanhan wahoyapi qon he en opapi kta.

7 He on ookiye makagapi, Wakantanka towaonsida maqupi kin he eciyatanhan, iye towaśake ohanye cin on.

8 Miye tona owotanna un kin owasin en iyotan macistinna, tuka wowaonsida kin de maqupi, Ikcewicašta kin ekta Messiya tawoyuha okañilhipica šni kin he omdake kte cin hee.

9 Qa wowiyukan kin otokahe wanin ehantanhan Wakantanka, taku owasin Jesus Messiya on kage cin, he en nahmanpi qon hee takodakiciyapi kin he owasin sdonye wicawakiye kta.

10 Hecen nakaha okodakiciye kin eciyatanhan, wokiconze wowaśake ko, malhipiya ekta un kin en, Wakantanka toksape wopteca šni kin atanin kta.

11 Wokonze otokahe wanin ehantanhan kage cigon he eciyatanhan, Jesus Messiya Itancan unkiyapi kin en ;

12 Iye wacinunyanpi kin eciyatanhan, kokipešniyan ekta unkipi, qa waditagya unkiapi ece.

13 Heon etanhan niyepi kin on kakis mayanpi kin heon canwannikapi kte šni wacin.

14 Qa heon Jesus Messiya Itancan unkiyapi he Atkuku kin en, anpetu iyohi canpeška makehde inawajin.

15 He eciyatanhan wicowazi malhipiya ekta un, qa maka akan un kin, ocowasin caštonpi.

16 Hecen iye towitan woyuha kin eciyatanhan taku nicupi kta, iye Taniya kin eciyatanhan, wo-

waśake on wicašta mahen tanhan waśagnianpi kta.

17 Hecen wacinyanpi on nican-tepi kin mahen Messiya ounye kta ;

18 Hecen wowaśtedake on hutkan niyusutapi, qa sutaya hu nihdepi kta ; qa tona owotanna un kin owasin om, ohdakinyan qa ohanske cin, omahentuya qa obosdatu kin he taku kin iyukan oyakhipi kta ;

19 Qa Messiya towašte okañilhipica šni kin he sdonyayapi kte, hecen Wakantanka toojudan kin ocowasin ojuniyanpi kte.

20 Tuwe nina waśagya econ okihi, unkiš unkidapi qa awauncinpi kin isanpa, wowaśake kin on onicilhanyanpi kin he eciyatanhan ;

21 He iye okodakiciye kin en, Jesus Messiya on, ohinniyan owihanke wanin wowitan kicihan nunwe.

WICOWOYAKE 4.

1 Heon etanhan miš miye Itancan *caje* on makaškapi, ceciciyapi ce, Wicakicopi on nicopi kin he iyacinyan mayanipi kte.

2 Wicotawacin wašte ocowasin qa wicowahbadan, wacin tankapi ko yuha, wowaśtedake en otoiyohi iyowinyeciciyapi kta :

3 Qa wookiye icaške kin on Woniya okonwanjidan kin he yahduhapi kta e aičiciya po.

4 Wicatancan wanjidan qa Woniya nakun wanjidan, nicopi kin en wowacinye wanjidan inicopi kin he iyececa ;

5 Itancan wanjidan, wowacinye wanjidan, baptem wanjidan,

6 Taku Wakan wanjidan, he owasin Ateyapi kin, owasin

iwankam un, qa owasin opta un, qa niyepi owasin en niunpi kin.

6 Tuka Messiya iyunwin codan wicaqu iyutapi kin eciyatanhan unkiyepi otoiyohe wowaonsida unqupi.

8 Heon kaken eya; Wakantkiya kihde cehan, wayaka ahdapi qon he ocowasin ahdē cā wicašta kin taku wicaqu ce.

9 Wankan kihde cin he taku he; tokaheya maka mahentuya kin iyaye cin hee.

10 Tuwe kun hi qon he taku owasin ojuye kte cin heon, he mahpiya kin ako sanpa tehan wankantuya kihde cin.

11 Unkan apa yewicašipi kin heca wicaqu, qa wicašta wokean wanjikji, qa wotanin wašte oyakapi kte cin wanjikji, qa waawanhdakapi waonspekiya ko wanjikji;

12 Tona owotanna un kin hena wicayuecedan kta, wawokiyapi wicoħan kin on, qa Messiya tancan icaliyapi kte cin heon.

13 Tohan owasin okonwanjidan wacinyanpi, qa Wakantanka Cinhintku sdonyapi kin ekta, qa wicašta tanka Messiya toojudan kin iyehankeca iyutapi kin ekta iyounhipi kte cin hehanyan.

14 Hecen detanhan hokšiyogopa aptanptan iyeyapi, qa wonspe tate owasin on kaha ieyapi kin heuncceapi kte šni, wicašta oškiškeya oħanyanpi, qa wohnaye on wicahnayanpi wicoħan kin eciyatanhan;

15 Tuka wowaštedake en iewicaunkapi kta, hecen tuwe wicapa kin ee, Messiya hee en taku owasin on unkicagapi kta.

16 Iye eciyatanhan tancan kin ocowasin wayupiya iciyakaška-pi, qa okihe kin owasin wawokiyapi on icicazontapi, huha kin

otoiyohi iyacinyan icage cin he iyecen tancan kin icaliyapi, wowaštedake en icage kte cin heon.

17 Heon kaken epe cā Itancan kin on mdaotanin; Ikcewicasta tokeca wicotawacin witkotkopi kin en manipi kin he iyecen mayanipi kte šni.

18 Hena wicotawacin aotpas-yapi, qa Wakantanka wiconi tawa kin itehanyan unpi, wosdon-ye šni iye tanmahen un kin eciyatanhan, wicocante telika yuhapi kin heon;

19 Hena iyasaka icaliyapi, qa wicaštapi šni kin en iyohpeiciyapi, taku ašapapi kin owasin wohitiya econpi kte cin heon.

20 Tuka niyepi e qe hecen Messiya kin onspeniciyapi šni:

21 He nayaħonpi, qa he onspeniciyapi hecinhan, Jesus en wowicake kin iyececa.

22 Wicoħan tokaheya kin en, wicašta tannike cin, wohnaye wocantiheye kin on liwin kin hee yahdušdokapi kta;

23 Qa nitawacimpi woksape kin en niyutecapi kta;

24 Qa wicašta teca woowotan-na, qa wowicake wakan kin en, Wakantanka eciyatanhan icaliyapi kin he kodakapi kta.

25 Heon etanhan, itonpi šni kin ayaštanpi, qa otoiyohe wicašta tokeca kici wowicake ece obdaka po; otoiyohe huha yeciciyapi kin heon.

26 Šinyahdapi ešta, waħitanipi šni po. Canniniyanpi ecen wi iyaye šni nunwe.

27 Qa Wakansica kiyukanpi šni po.

28 Tuwe wamanon kin he ake manon kte šni, tuka ħtani kta, nape on taku wašte econ kta, hecen walipanica kin he taku wicaqu kte cin yuhe kta.

21 Qa Wakantanka kokipeyahan otoiyo hi token ihukun iyeiçiya po.

22 Winohinca, nihihnapi kin wicihukun iyeiçiya po; Itancan kin en iyececa.

23 Wicašta kin he iye tawicu pa kin hee, Messiya okodakiciye pa kin hee he iyececa; qa he iye wicatan can kin wanikiye cin hee.

24 Heon okodakiciye kin Messiya ihukuya yanke cin he iyecen winohinca kin iye hihnakupi kin taku owasin on ihukun unpi kta.

25 Wicašta, winohinca nita-wapi kin cantewicakiya po, Messiya okodakiciye kin wašte kidake ça, on iye içiçu kin he iyecen;

26 Hecen iye oie kin eciyatanhan, mini on hducedan, qa hdu-ska kta;

27 Qa hecen iye ekta ehdaku kta, wowitan okodakiciye kin heca, waša pe qa yuškupi, qa taku hececa wanica; hecen wakan, qa waša pe šni un kta.

28 He iyecen, wicašta kin iye tancanpi kin iyecen tawicupi kin wašte wicakidakapi kta; tuwe tawicu kin wašte kidake cinhan he wašte ičidaka.

29 Qa tohin ni tuwedan iye celpi kin šice kidake šni, tuka icahkiye ça, tanyan hduha, Messiya okodakiciye hduhe cin iyececa.

30 He tancan, qa celpi, qa huhu kin en, huhu kin he unkiyepi.

31 Heon etanhan wicašta kin, atkuku, hunku ko ehpewicakiye ca, tawicu kin en iyaihdaške kta, qa heniyo s wicacelpi wan-jidan kta..

32 He wowiyukan wan tanka, tuka Messiya qa okodakiciye kin hena wicawaka.

33 Heon niš niyepi otoiyo hi niye inihdacin nitawin wašte yakidake kta, qa winohinca kin iš iye hihnaku kin kinihan kte.

WICOWOYAKE 6.

1 Hokšiyogopa, nihunkakepi kin anawicakigoptan po, Itancan kin en, he owotanna.

2 Niyate nihun kici wicahdu-onihan wo; woahope on taku wahoyapi tokaheya kin hee;

3 Hecen tanyan yaun, qa maka akan tehan yani kta.

4 Qa ateniyampi kin, nicincapi kin wacinko wicakiyapi šni po, tuka Itancan waicaheya ça wonspe tawa kin en icahwicakiya po.

5 Qa wowidake yaunpi kin, tona wicacelpi ekta niyuhapi kin wokokipeya cancaniçiya anawicakigoptan po, Messiya kin iyececa, nicantepi okonwan-jidan on:

6 Wanniyakapi ecedan šni, wicašta iyokipi wicayapi kin iyececa; tuka Messiya taokiye kin iyececa, nagi kin eciyatanhan, Wakantanka tawacin kin ecen ecanonpi kta.

7 Iyokipiya wawokiya po, Itancan kin ekta hecetu, qa wicašta kin en iyecece šni.

8 Qa tuwe taku wašte econ kinhan, he on Itancan kin eciyatanhan wayuhe kta, wowidake un, qa iš tawaiçiya un kin, unma tukte kašta, he sdonyayapi.

9 Qa tona itancan yaunpi kin, niš eya he iyecen ecawicayecanpi kta, qa wakokipe wicayecagapi kta šni. Małpiya kin ekta iš iyepi qa niš niyepi nakun Itancan yakiyapi kin yanke ça, he ekta wicašta itohnake yuonihanpi wanica, he sdonyayapi.

10 Unkan ehake mihunkawanji,

PHILIPPI.

Itancan kin en wasagya un po, iye towasake wicookihi kin on.

11 Wakantanka tawipe kin ocowasin un po, hecen Wakan-sica wohnaye ohanye cin itko-kim inajin oyakihipi kta.

12 Wicawe, qa wicacehpi kin kici unkiyizapi sni, tuka wokiconze, qa wicowasake, qa wiconi kin de en otpaza itancanpi kin, qa taku wakan sicapi wankantuya yukanpi kin hena om.

13 Heon etanhan Wakantanka tawipe kin ocowasin icu po, hecen anpetu sice cin en najin oyakihipi kta, qa taku owasin hdustan nayajinpi kta.

14 Heon wowicake ipiyag kitonpi ecen najin po, qa wicowotanna maza maku akalipe kin koyaka po.

15 Qa nishapi kin en wookiye wotanin washte ohdustan kin okihan po.

16 Qa owasin akapa tanhan wowacinye wahacanka kin icu po, he on wicasta sica tunwanhinkpe ide kin owasin yusni oyakihipi kta.

17 Qa wiconi maza wapaha kin he icu po, qa nakun Woniya tamazasagye kin, Wakantanka oie kin hee :

18 Wocekiye qa wokidapi owa-

sin on Woniya kin en, ohinniyan tona owotanna un kin on cekiya po, qa heon woape owasin wokidapi ko yuha kiktahan un po :

19 Qa nakun miye on, iapi owakibi kte cin heon, hecen waditagya i wahdukawa, qa wotanin washte wowiyukcan kin omdake kta.

20 Heon wahoſiya un wan kaska hnakapi kin hemaca, hecen on token iwae kte cin he iyecen waditagya iwae kta.

21 Tuka taku mitawa kin, token waun kin he nakun, sdon-yayapi kta e heon Tucikos hunkawanjin kiciyapi wan washte dakapi, qa Itancan kin en ookiye owotanna kin he taku kin owasin oniciyakapi kta :

22 Heon etanhan niyepi ekta ye wasi, unkiyepi ekta taku kin sdon-yayapi kta, qa he nicantepi kin wacintonhnag niyanpi kte cin heon.

23 Hunkawanjin kiciyapi kin en wookiye un nunwe, qa wo-washte, wowacinye ko, Wakan-tanka Ateyapi, qa Jesus Mes-siya Itancan kin eciyatanhan.

24 Tona awicakehan Jesus Messiya Itancan unkiyapi washte dakapi kin hena owasin en, wo-waonsida wicakici un nunwe. Amen.

PALOS

PHILIPPI OYATE

WOWAPI WICAKICAGE CIN.

WICOWOYAKE 1.

1 Palos qa Timotheos, Jesus Messiya taokiyewicaye cin, tona Philippi ekta Jesus Messiya

en owotanna un kin hena, qa waawanhdake cin hunka wicayapi ko, *wowapi unnicagapi* :

2 Wakantanka Ateunyanpi, qa Jesus Messiya Itancan unki-

yapi kin etanhan, wowaonśida, wookiye ko niyepi kin en nicipi un nunwe.

3 Ciksuyapi eca, Wakantanka mitawa wopida ewakiya ece.

4 Ohinniyan mitawocekiye otoiyo hi en, niyepi owasin on iyuskiinyan cewakiya ece :

5 Anpetu tokaheya kin ehantanhan, qa dehanyan, wotanin wašte kin en kodayeciyapi kin heon.

6 Unkan he sdonwaya ; tuwe tokaheya ohan wašte nicicagapi kin he niciyuştanpi kta, Jesus Messiya anpetu tawa kin ehanyan.

7 Hecen niyepi owasin wacin en ciyuzapi kte cin he hecetu, cante en mayaduzapi kin heon ; makaškapi kin, qa wotanin wašte omdake ça mdaşuta kin he en, qa nakun wowašte mitawa kin en niyepi owasin oyapapi ece.

8 Wakantanka sdonmayan, Jesus Messiya cante kin on owasin cantocikpanipi.

9 Qa he de icewakiya, wašte yadakapi kin he wosdonye wi-yukcanpi ko owasin en, sanpa qa sanpa tankaya aye kta :

10 Kinhan, taku wašte kin hena idukeanpi kta, hecen okonwanjidan hicahe śni yaunpi kta, Messiya anpetu tawa kin en ;

11 Qa wicoowotanna waskuyeca kin on ojudan yaunpi nunwe, hena Jesus Messiya on Wakantanka woyatan qa wowitan tawa kin ee.

12 Mihunkawanji, taku token ecamiconpi kin he on wotanin wašte kin sanpa otanin aye cin he sdonyayapi kta wacin.

13 Hecen wicaştayatapi taho-coka kin ekta, qa owancaya Messiya on makaškapi kin he otanin.

14 Qa Itancan kin en, hunka-wanjin kiciyapi kin ota, miye makaškapi kin on, sanpa nina waditakapi, qa kokipeşniyan wicoie kin taninyan oyakapi ece.

15 Hunh waakinicapi qa winawizipi kin on, qa hunh is wašte-dakapi kin on Messiya oyakapi ece.

16 Hena e waakinicapi kin on, wowicake eciyatanhan śni Messiya kin oyakapi, qa makaškapi kin en wokakiye kokijuya aupi kta kecinpi ;

17 Qa unmapi kin is waštekidapi kin on etanhan, wotanin wašte mdusuta kta e on emahdepi kin sdonyapi.

18 Ecin to ; toketu kašta, wohnaye on etanhan, qa is awicakehan, unma tukte kakeş, oyakapi kin he on imduşkin, qa ees nakun imduşkin kta.

19 Nitawocekiyepi, qa Jesus Messiya Taniya wawokiye cin on, he wiconi emicicetu kta sdonwaya.

20 Qa nina awacanmi qa ape manka, hecen takudan on imaštece kte śni, tuka ohinniyan waditagya waun kin he iyecen nakaha mitancan kin on Messiya yuonihanpi kte, wani qa maşte kte cin unma tukte kašta on etanhan.

21 Wani kin he Messiya ee, qa maşte cinhan sanpa tanyan waun kta.

22 Wicacehpi kin en opeya wani kinhan, miohan waskuyeca kin hee, tuka unma tukte wacin nun tanin śni.

23 Taku nom aotins mayanpi ; ekta mde ça Messiya kici waun kte linca, he iyotan wašte.

24 Tuka wicacehpi kin en opeya waun kin he niyepi on wawokiyapi kin hee.

25 Hecen wahdukean, qa heon

wani, qa niyepi owasin om wa-un kta sdonwakiya, sanpa inicagapi qa wacinyan iduſkinpi kte cin heon.

26 Qa hecen akeſ ekta ciupi kinhan miye on, Jesus Messiya en sanpa nina iduſkinpi kta.

27 Tuka Messiya tawootanin waſte kin eciyatanhan yanipi nunwe; hecen wanciyakapi wau kinhan, qa iſ wau ſni, unma tukte kaſta, niolhanpi kin nawahon kta, wicotawacin wanjidan en sutaya yaunpi, qa wicanagi wanjidan yuha wotanin waſte kin wacinyan oyecipapi kin.

28 Qa tona toka niyanpi kin hena on, ihnuhan taku ininihanpi kin: hee hena en wicotakuni ſni au kta yuotanin, tuka heon niyepi kin en wiconi Wakantanka etanhan au kta otanin.

29 Messiya he ayuco niĉupi, iye wacinyayapi kte a, nakun iye on kakiſniyanpi kte cin.

30 Qa makakije cin wanmaya-dakapi qon, qa nakaha en mau nayahonpi kin, he iyecen woka-kije duhapi kta.

WICOWOYAKE 2.

1 Heon Messiya on iwicakiya-pi yuke cinhan, qa wowaſtedake en imagagaiĉiyapi, qa Woniya kin en kodakiciyapi yuke cinhan, qa wacantkiyapi wowaonſida ko yuke cinhan,

2 Mitowiyuſkin kin micuyuſtan po, akiyecen awacannipi, qa wowaſte okonwanjidan duhapi, qa wicotawacin wanjidan yaunpi kta.

3 Waakinicapi qa ihdatanpi kin on takudan ecanonpi kte ſni, tuka wahbayedan yaunpi, qa otoiyohi niye isanpa tokan waſte yecidakapi kta.

4 Otoiyohi wicitawa kin ece-

dan ekta etonwanpi ſni po, tuka nakun otoiyohi tokan tawa kin ekta.

5 Jesus Messiya token tawacin qon he iyecen wacin duzapi kta.

6 He Wakantanka ouncage kin en un, qa Wakantanka kici akidecen yanka keiĉiye cin he wawicakipi ſni kecin.

7 Tuka ihduſdoke a wowida-ke un kin ouncage kin icu, qa wicaſta kin iyecen ihduſ icaga;

8 Qa wicaſta ouncage kin en un qehan, ihduhukuya qa wiconĉe ekta aiyahdeya wanahon yanka, can susbeca en e cin he ehan.

9 Heon etanhan Wakantanka he tehan wankantuya hduwan-kan icu, qa aje wan wicacaje owasin isanpa waſte kin he qu;

10 Hecen Jesus aje kin on, hupahu kin owasin canpeſka makehde enajin kta, mahpiya ekta un, qa maka akan un, qa maka kin ihukuya un kin hena-kiya.

11 Qa Wakantanka Ateyapi kin yatanpi kte cin on, Jesus Messiya he Itancan kin ee ce; wicaceji owasin eya oyakapi kta.

12 Heon waſte ciciĉapi kin, ohinniyan nayahonpi kin he iyecen, en cicipi waun kin hecedan ſni, tuka nakaha en waun ſni eſta, sanpa wokokipeya cancaniĉiya yanipi kte cin hduſtan po.

13 Tuwe cinniciyapi, qa econniciyapi kin he Wakantanka ee, iye toiyokipi kin eciyatanhan niyepi kin en ohanyan.

14 Wihnupi qa waakinicapi wanin taku owasin econ po.

15 Hecen iyaonpepica ſni, qa owotanna, wicoicage wan pemni, qa yuſſankſanyan un kin ehna Wakantanka cinca ecedan

WICOWOYAKE 3.

yaunpi kta ; hena en maka peti-
janjan iyecen iyoyanpa yaun-
pi ;

16 Qa wiconi wicoie kin pazo
yaunpi: Hecen Messiya anpetu
tawa kin en taku on imawinkta
kin he dee, taku śni on waimnan-
ke śni, qa taku śni on ĩtawani
śni kin hee.

17 Unkan wacinyayapi wośna-
pi wawokiyapi kin en, amihda-
pson eśta nakun imduśkin, qa
niyepi owasin om imduśkin kta.

18 Heon niś niyepi nakun idu-
śkinpi qa miyeci iniwinktapi
ece.

19 Tuka niyepi kin ekta Ti-
motheos kohanna yewaśi kta
wacanmi, Jesus Messiya Itan-
can kin on, hecen tohan token
yaunpi kin sdonwaye cinhan,
hehan miś nakun iyokipi waun
kta.

20 Tuwe iyecen wacin yuze
ça iye cinka taku nitawapi kin
ihakta kte cin mduhe śni.

21 Owasin wicitawa kin aki-
tapi, qa taku Jesus Messiya ta-
wa kin *akitapi* śni.

22 Tuka he iyutapi kin sdon-
yayapi, hokśidan wan atkuku ki-
ci un kin he iyecen wotanin wa-
šte kin en micica.

23 Iye kohanna ye waśi kta,
tohan token waun kte cin sdon-
wakiya.

24 Qa miś eya ecadan wau kta
e Itancan kin wacinwaya.

25 Tuka Epaphroditos misun-
ka qa mitawaśi, qa kici akieita
waun, tuwe u yaśipi, qa tuwe
taku imakakije cin omakiye cin,
he niyepi ekta hde waśi kta iye-
ceca epeca.

26 He niyepi owasin cantoni-
kpanipi, qa iyokiśica un, waya-
zanke cin nayakiĥonpi kin he-
on.

27 He qeś wayazanke ça wan-

na ĩe kta ikiyedana, tuka Wakan-
tanka onśikida, qa he iśnana śni,
tuka miye nakun, hecen woiyo-
kiśice icitakihna mduhe kte śni
e heon.

28 Qa heon itonpeyahan hde
waśi, ake wandakapi kinhan
iduśkinpi kta, qa miś aopten
iyokiśica amaye kta.

29 He Itancan kin on etanhan
wopida owasin yuha tin u śi po,
qa tona hececapi kin wicayuo-
nihan po.

30 He Messiya wicoĥtani tawa
kin on wanna aśkadan ĩe kta
tuka, wiconi tawa kin itonkipe
śni, miye en wawokiyapi aokpa-
niyan ecanonpi kin he niciyu-
śtanpi kte cin heon etanhan.

WICOWOYAKE 3.

1 Ehake mihunkawanji, Itan-
can kin en iyuśkin po. Taku kin
dena on wowapi cicagapi kin he
miye teĥike wadake śni, qa ni-
yepi kin on wašte.

2 Śunka kin on waktaya un po ;
tona śicaya econpi kin on wakta
po ; wayuśpapi kin on waktaya
un po.

3 Tona bakiĥdayapi, qa wico-
cante on Wakantanka ohodapi,
qa Jesus Messiya en iwinktapi,
qa wicaceĥpi wacinyanpi śni kin
heuncapi.

4 Miś nakun, taku on wicace-
ĥpi kin wacinwaye kte cin mdu-
ha tuka. Tuwe wicaceĥpi wa-
cinyan okihi kecin kinhan he
isanpa owakihi.

5 Anpetu iśahdogan hehan ba-
makiĥdayapi, Israel oyate qa
Benjamin tawicoun kin hema-
tanhan, Hebrew etanhan He-
brew kin, qa woope kin eciya-
tanhan Pharisee kin hemaca.

6 Ohodapi kin eciyatanhan
okodakiciye kin śicaya wakuwa,

qa woope woowotanna kin he eciyatanhan takudan iyaonpe-pica *śni waun*.

7 Tuka taku tona mihdamna qon hena Messiya on takuśni wadake :

8 Han, awicakehan taku owasin taku *śni wadake*, Jesus Messiya Itancan mitawa kin wosdon-ye oiyokipi kin on, iye on taku owasin toki elipewaya, qa hena tacesdi ece mdawa, Messiya iyo-wahi kte cin heon ;

9 Qa he en waun kta, mitoo-wotanna wicoope kin eciyatanhan un kin he wahduhe *śni*, tuka taku Messiya wacinyanpi eciyatanhan un kin, Wakantanka too-wotanna wacinyanpi kin on ica-ge cin hee wacin.

10 Hecen he iye sdonwaye kta, qa piya ikicage cin wowaśake kin, qa iye kakiĵe cin oki-cipapi kin hena ko, iye ĵe cin ouncage kin en imacage kta :

11 Hecinhan, wiconĵe etanhan woekicetu kin en iyowahi kte hinca.

12 Wanna dehan iyowahi, qa wanna mayuśtanpi kin ee *śni* ; tuka kuwa amde, okinni taku on Jesus Messiya mayuze cin hee mduze kta.

13 Mihunkawanĵi, nahanĵin mduze mihdawa *śni* ;

14 Tuka taku wanĵi ecamon, taku hekta un kin hena akiktonś waun, qa taku tokata un kin he-na ekta nape yewakiya ece ; hecen oinajinta awaimnanka, Jesus Messiya on Wakantanka wan-kantuya wicakico kin en oĵipe kin yewakiye kte cin heon etanhan.

15 Heon tona unyuśtanpi kin hecen awauncinpi kta, qa taku on togye wacin duzapi hecinhan, he nakun Wakantanka oni-ciyakapi kta.

16 Tuka tohan iyounhipi kin he en woope wanĵidan eciyatanhan maunnipi, qa okonwanĵidan awauncinpi kte.

17 Hunkawanĵin ciyapi kin, omicipa po, qa tona hecen mani-pi kin hena iwanwicayaka po, waonspekiya unyaduhapi kin he iyececa.

18 Wanna ota ociciyakapi, qa nakaha ake ceya omdake, wicaśta ota Messiya can susbeca ta-wa kin tokaye cin iyecen mani-pi ece.

19 Hena owihanke kin he wicotakuniśni ; iye tezipi kin Wakantanka yapi, wowiśtece kin en iwinktapi, qa taku makata un kin awacinpi ece.

20 Tuka okodakiciye unkita-wapi kin he maĵpiya kin ekta un, qa hetanhan Wanikiya Jesus Messiya Itancan kin *hi kta* unkapepi.

21 Iye untancanpi ĵanye cin he yutokeca kta ; qa iye tancan wakan kin ouncage kin en icalĵye kta, towaśake on taku owasin ohiye kta okihi kin heon etanhan.

WICOWOYAKE 4.

1 Heon etanhan mihunkawanĵi waśte ciciĵapi, qa cantocikpanipi kin, wowiyuśkin mitawa qa wateśdake mitawa kin, Itancan kin en sutaya najin po, waśte ciciĵapi.

2 Yuodiyas cewakiye ĵa, Sun-tuce cewakiya, Itancan kin en okonwanĵidan awacinpi kta.

3 Qa mitawaśi wicake cin ceciciya ce, winohinca tona wotanin waśte kin en mici oĵanye cin hena owicakiya wo, qa Klement, qa mitawaśi unmapi, caĵepi kin wiconi wowapi kin en un kin hena koya.

4 Ohinnian Itancan kin en

iyuſkin po ; qa ake, Iyuſkin po, epe.

5 Niwahbapidan kin he wicaſta owasin sdonyapi kta. Itancan kin kiyadan un.

6 Takudan iyokiſinya awacinpi ſni po, tuka taku yacinpi kin owasin on, wocekiye, wokidapi qa wopida eyapi ko on Wakantanka oyakidakapi kta.

7 Qa Wakantanka tawookiye okahnihipica ſni kin he nicante-pi qa nitawacinpi kin Jesus Meſſiya en niyuhapi kte.

8 Unkan ehake mihunkawanji, taku wicakapi kin, taku yuonihanpi kin, taku owotanna kin, taku wakan kin, taku waſte dapica kin, taku waſte eyapi kin, wowaſte qa wowitan yuke cinhan, hena awacin po.

9 Taku tona onniſepi, qa iyacupi, qa nayahonpi, qa miye en wandakapi kin hena econ po, qa Wookiye Wakantanka kin niyepi kin en nicipi un nunwe.

10 Itancan kin en nina imduſkin, nakaha unhanketa awamayacinpi kin he piya lica aya heon. He de en ihamayaktapi, tuka token on ecamiyeconpi nuntanin ſni.

11 Taku imakakije cin he wake ſni ; taku en micihe cin hena on iyokipiya waun kta e onspemiçiciya.

12 Token wahpaniya waun kte cin he sdonwakiya, qa token wijinya waun kte cin he nakun sdonwakiya ; ohinniyan qa taku owasin on, wimapi, qa wotektewahda kta, wimajica qa mawahpanica kte cin onspemakiyapi.

13 Meſſiya waſagmaye cin he

eciyanhan taku owasin owa-kihi.

14 Tuka makakije cin en omayakiyapi kin he tanyan ecanonpi.

15 Philippi wicaſta, he de sdonya po, wotanin waſte otokahe ekta, Makedonia etanhan imdamde çehan, waqupi qa icupi kin icaltagya okodakiciye kin niye niſnana omayakiyapi.

16 Theſſalonike ekta waun qon he icunhan, taku imakakije cin on wancadan qa nonpa taku mayakaipi.

17 Taku maqupi kta wacin kin hee ſni, tuka waſkuyeca niyepi on sanpa nicipyuotapi kte cin he wacin.

18 Tuka owasin mduhe ça wijica waun ; niyepi etanhan taku Epaphroditos maqu kin hena iwacu, taku waſtemna woſna waſte, qa Wakantanka iyokipi kin heca he iwamaſeca.

19 Taku inicakijapi kin owasin Wakantanka mitawa niçupi kta, iye woyuha wowitan kin en un kin hetanhan, Jesus Meſſiya eciyanhan.

20 Wakantanka Ate unyanpi kin wowitan owihanke wanin kicihan nunwe. Amen.

21 Tona Meſſiya en owotanna un kin hena nape wicayuzo po. Hunkawanjin kiciyapi om waun kin hena nape niyuzapi.

22 Tona owotanna un kin hena owasin nape niyuzapi, Kesar tiyohnaka kin hena iyotan.

23 Jesus Meſſiya Itancan unkiyapi towaonſida kin niyepi owasin en nicipi un nunwe. Amen.

PALOS

K O L O S S E O Y A T E

WOWAPI WICAKICAGE CIN.

WICOWOYAKE 1.

1 Palos, Wakantanka tawacin kin eciyatanhan, Jesus Messiya yeši qon he, qa Timotheos hun-kawanjin unyanpi kin kici,

2 Kolosse ekta tona owotanna un, qa hunkawanjin kiciyapi Messiya wacinyanpi kin hena, *wowapi cicagapi*. Wowaonsida wookiye ko, Wakantanka Ate unyanpi, qa Jesus Messiya Itancan kin etanhan, niyepi kin en nicipi un nunwe.

3 Ohinnian wocekiye unkeniciyapi, qa on Wakantanka Jesus Messiya Itancan unkiyapi Atku-ku kin wopida unkekiciyapi.

4 Jesus Messiya wacinyayapi, qa tona owotanna un kin owasin wašte wicayadakapi kin he na-unhonpi;

5 Woape mahpiya kin ekta enicihnakapi kin on, he ehanna wotanin wašte wicoie wicakapi kin en nayahonpi kin;

6 He en nihipi, maka kin owan-caya iyaye cin he iyececa, qa waskuyeca aicaga, niyepi kin en nakun, anpetu kin en nayahonpi, qa awicakehan Wakantanka towaonsida iyacupi qon ehantanhan.

7 Epaphras unkitawašipi wašte, qa niyepi on Messiya tao-kiye wicake cin he hena hecen onspeniciyapi;

8 Qa Woniya kin en wacanya-kiyapi kin he nakun unkokiya-pi.

9 Heon anpetu kin he naunhonpi kin ehantanhan niyepi on cekiya unkayaštanpi šni, qa woksape owasin, wookahnige ko en, iye tawacin sdonyapi kin on, onijupidan kte cin he unki-dapi ece.

10 Hecen taku iyokipi kin owasin on, Itancan kin en tanyan mayanipi kta, wicoħan wašte owasin en, waskuyeca icaħiyayapi, qa Wakantanka sdon-yapi kin en sanpa inicagapi kta.

11 Iye towitan wowašake kin eciyatanhan, wicookihi kin owasin on wašagnianpi kta, wadi-wicatake cin owasin on etanhan, qa wacin tankapi, wiyuškinpi kici:

12 Qa Ateyapi kin wopida eyakiyapi kta, he iyoyanpa ekta tona owotanna un kin woaiħpeye tawapi kte cin en ounpapi kta e iyehantu unyanpi:

13 He otpaza wowašake kin etanhan unkiyušpapi, qa iye Cinhintku wašte kidake cin toki-conze kin en ounye unkiyapi:

14 He en, iye we kin eciyatanhan, wopekironpi unhapi, woahitani kajujupi kin hee:

15 Wakantanka wanyagpica šni un kin ouncage kin hee, qa taku kagapi kin owasin en toka-pa kin hee:

16 Iye eciyatanhan taku owasin kagapi, mahpiya ekta un qa maka akan un kin hena, taku wanyakapi qa taku wanyagpica šni, oiyotanke kin, wokiconze

WICOWOYAKE 2.

kin, wicoſkanſkan kin, qa wicowaſake kin; taku owasin iye on icahiſapi kin hena iye iſica-ga :

17 Qa taku owasin itokatam un kin he iye, qa he on taku owasin ecen han :

18 Qa iye tancan kin okodaki-ciye kin hee, qa pa kin he iye, qa otoahe kin, wiconſe etanhan tokaheya tonpi kin hee, hecen iye taku owasin en tokapa un kta.

19 Iye ohna taku ocowasin ounye kte cin he *Atkuku* kin iyokipi.

20 Qa iye can susbeca we kin eciyatanhan wookiye kage ɕa, heon etanhan taku owasin iye kici okiciciye wicaye kta, taku maka akan un, qa taku mahpiya ekta un kin hena, iye on.

21 Qa niſ niyepi, ehanna oyate nitokecapi, qa nitawacinpi kin en toka kin henicapi, wicoſhan ſice cin on, tuka nakaha he kici wokiyeniyan nicagapi ;

22 Iye celpi tancan kin en ɕe cin eciyatanhan, hecen iye itokam owotanna, qa waaſapapi ſni qa takudan iyaonpepica ſni, inajin niyanpi kta :

23 Wacinyayapi kin en naya-jinpi kinhan, sutaya yaunpi, qa ɕinsa nayajinpi, qa wotanin waſte woape nayaſonpi kin etanhan nihinhpayapi ſni kinhan; he mahpiya kin ihukuya wicaſta hiyeye cin owasin owicaki-yakapi, qa he en Palos he miye ookiye makagapi :

24 Nakaha niyepi kin on etanhan makakije cin heon imduſkin, qa Meſſiya wokakije tawa, taku micelpi kin en yuſtanpi ſni kin hena iye tancan kin, okodakiciye kin hee, on weciyuſtan kta.

25 He en ookiye makagapi, Wakantanka wokonze kin eci-

yatanhan, he niyepi on maqupi, Wakantanka oie kin mduecetu kte cin heon.

26 Taku oyakapi ſni kin, wicoicage qa wicoun ota kin ehan-tanhan anaſmanpi kin, he nakaha tona owotanna iye tawa wicaye cin hena owicakiyaka.

27 Ikcewicacſta kin ekta taku otanin ſni kin de wowitan woyuha kin tinskokeca kin, he Wakantanka hena sdonye wicakiye kta, he niyepi kin en Meſſiya wowitan woape kin hee.

28 He unkiye unyaotaninpi, wicaſta kin owasin wahokonwic-unkiyapi qa wicaſta owasin on-spewicunkiyapi ece, woksape owasin on; hecen Jesus Meſſiya en wicaſta otoiyoſi owotanna inajin wicunkiyapi kta.

29 Heon miſ eya hitawani, iye ohan kin miye en waſagya ohan-ye cin he eciyatanhan inawalini.

WICOWOYAKE 2.

1 Niyepi kin on, qa Laodikia ekta un kin hena, qa tona wicacelpi on miſte kin wanmayakapi ſni kin on token hitawani kin he sdonyayapi kta wacin :

2 Hecen iye cantepi kin kican-ptapi kta, qa wacantkiyapi kin on kicicazontapi, qa wosdonye tanyan okaſnigapi kta wowijice kin owasin on, qa Wakantanka towiyukcan sdonyapi kte cin on, Ateyapi qa Meſſiya tawa kin hee.

3 Iye en woksape, qa wookaſnige woyuha kin owasin naſmanpi.

4 Tuwedan wicoie skuya kin on nihnayanpi kte ſni heon hena hepa.

5 Wicacelpi on, ekta waun ſni eſta, woksape kin on cicipi waun, imduſkin, niohanpi owo-

tanna kin, qa Messiya sutaya wacinyayapi kin he wanyag waun.

6 Token Jesus Messiya Itancan kin iyacupi qon he iyecen ohna mani po.

7 Iye en sutaya hu nihdepi, qa en tinicagapi, qa wowacinye kin tinsa ayahanpi kta, onspeniciyapi qon he iyececa, qa en wopida eyapi kin sanpa ota ecanonpi kta.

8 Ihnuhan wicoksape eyapi kin on, qa ikce wohnye kin on tuwe nihnayanpi kinhan, wicašta hitunkakanpi oyakapi kin on, qa wicoicage en woonspe tokaheya eciyatanhan, qa Messiya eciyatanhan šni :

9 Iye kin ohna tancanyan Taku Wakan kin ocowasin ounyan.

10 Qa iye en niš niyepi kin yuecetu yaunpi, qa he wokiconze wowašake ko owasin Itancan kin hee.

11 Qa he en banicilidayapi, bakiłdayapi nape codan econpi kin he on, Messiya bakiłdayapi tawa kin eciyatanhan, wicacełpi woaltani tancan kin elpekiyapi kte cin heon.

12 Baptem on iye kici nihnakapi, qa nakun kici ekicetu niyanpi, Wakantanka wicašte cin etanhan najin kiye cin he wowašake kin wicayadapi kin heon etanhan.

13 Qa niyepi ehanna wayałtanipi, qa nicełpi banicilidayapi šni kin en niłapi qon, wanna wayałtanipi kin owasin nicicajupupi qa niniyanpi.

14 Qa wicoope kin taku nape on owapi qon, unkiyušepi qa kašeunyanpi kin he pajuju, qa can susbeca tawa kin en okatan, qa hecen yutokan iyeya.

15 Qa wokiconze, wicowašake

ko yutakuni šni iyeye čehan, tanyan wicakipazo, qa iye hinca on iwakte hdi.

16 Heon etanhan, woyute, qa woyatke, qa omniciye wakan, qa wi teca, qa anpetu okilpapi kin hena on ihnuhan tuwe niyacopi kin :

17 Hena e taku u kte cigon obanzi kin hee, tuka tancan kin he Messiya etanhan.

18 Tuwe walpaniiciye ča, malpiya ohnihde kin ohowicada kin ihnuhan he nihnayanpi kin ; he taku wanyake šni kin en yeiciye ča, iye celpi tawacin kin on ecinšniyan ibdatan ;

19 Qa Pa kin he yuze šni ; he on tancan kin ocowasin okihe en iyakaškapi kin on woyute oiyahdeyapi, qa iciyakaškapi, qa hecen Wakantanka oicage kin on icaga ece.

20 Heon etanhan, wicoicage kin en woonspe tokaheya kin ekta Messiya kici niłapi hecinhan, tokeca e wicoicage kin en yanipi kin iyecen wicoope kin oyapapi he :

21 Oyutanpi šni, utapi šni, qa nape on yuzapi šni po, *eyapi ece* :

22 Hena owasin unpi kin on yasotapi ece ; wicašta akantu wicoope qa woonspe kin eciyatanhan.

23 Wicołan kin he wicotawacin ohodapi kin en taku woksape iyecen yuhe ča, wicowalıbadan, qa wicatančan itonkipapi šni kin hena en ; tuka wicacełpi iyokipiyapi kin he woyuonihan šni ece.

WICOWOYAKE 3.

1 Heon etanhan, Messiya kici piya inicagapi hecinhan, taku wankantuya Wakantanka etapa kin eciyatanhan, Messiya

kiyotanke cin hen, un kin hena akita po.

2 Taku wankan un kin hena awacin po, qa taku makata un kin hena *awacinpi* šni po.

3 Niṭapi, qa nitowiconi kin he Messiya kici, Wakantanka en nahmanpi.

4 Tohan Messiya wiconi unkitawapi kin taninyan hiyu kinhan, hehan wowitan en, kici niyuotaninpi kta.

5 Heon etanhan, nihuhapi makata un kin hena kikte po: wiinahmanpi, waašapapi, wawihnupi, tawacin šicapi, waicucupikte cin, he wakagapi ohodapi kin hee.

6 Hena on etanhan Wakan-tanka tocanniye kin woakta šni cincapi kin en awicau ece.

7 Ehanna hena ehna yanipi qehan, opeya mayanipi.

8 Tuka nakaha hena owasin ayušan po; wocanniye, wošihda, wocantiyahdepi, waakagapi, qa iapi šice cin niipi kin etanhan.

9 Ihnuhan oiyecitonpi šni kin; wicašta tannike cin iye wicohan ko yahdušdokapi;

10 Qa wicašta teca kin he wosdonye kin on yutecapi, waicahya ouncage kin eciyatanhan, he kodakapi.

11 He en, Helenes, qa Juda wicašta wanica; bakiḥdayapi qa bakiḥdayapi šni kin wanica; Ikcewicašta qa Skuthes wicašta kin wanica; wowidake un kin heca qa tawaičiyapi kin wanica, tuka Messiya he ocowasin, qa owasin en un.

12 Heon etanhan, owotanna yaunpi qa waštenidakapi kin, Wakantanka wicakahnige cin iyecen, wocantekiye koyaka po, qa wowaošida, wahaničidapi šni, wicowahbadan, qa wačintankapi kin hena ko.

13 Otoiyoḥi iyowinyeciciyapi, qa otoiyoḥi yecicajujupi kta, tuwe wicašta tokeca on taku šihda kinhan, Messiya kin nicicajujupi kin he iyecen niš *econ* po.

14 Qa taku owasin akantanhan wocantekiye kičun po, he wicoo-wotanna iyakaške cin ee.

15 Qa Wakantanka tawookiye kin nicantepi kin en waniconzapi nunwe, he en wicatančan wanjidan en nicopi kin pida un po.

16 Messiya oie kin wijinya en niunpi nunwe; woksape owasin on, Psalm, qa odowan, qa wakan dowanpi kin en, otoiyoḥi wahokonyeciciyapi, qa onspeyeci-yapi kta, qa nicantepi kin en wowaošida yuha Itančan kin iyadowanpi kta.

17 Qa taku ecanonpi kinhan, wicoie qa wicohan kin unma tukte kašta, Jesus Itančan kin caje on owasin *econ* po, qa on Wakantanka Ateyapi kin wopida eciya po.

18 Qa winoḥinca kin, nihihnapi kin wicihukuya un po, Itančan kin en hecetu kin he iyececa.

19 Wicašta kin, nitawinpi kin wašte wicakida po, qa wicakigepi šni po.

20 Šiceca kin, nihunkakepi kin taku owasin anawicakigoptan po, he Itančan kin iyokipi.

21 Qa ateyapi kin, nicincapi kin šihdawicayapi šni po, okinni wacin ibošakapi kte.

22 Wowidake yaunpi kin, tona wicaceḥpi eciyatanhan niyuhapi kin anawicakigoptan po; wicašta iyokipiwicayapi kin iyecen, ištapi kin itokam wawokiyapi kin hee šni, tuka nicantepi ocowasin on Wakantanka kokipa po.

23 Qa taku ecanonpi kin owasin nicantepi kin eciyatanhan *econ*

po, Itancan kin on etanhan, qa wicašta kin on etanhan šni.

24 Itancan kin etanhan woai-
hpeye iyunwin kin iyacupi kta
he sdonyayapi; Messiya Itancan
kin wowidake niyanpi nakaes.

25 Tuka tuwe šicaya econ kin-
han, he eciyatanhan icu kta, qa
wicašta itohnake iwanyakapi
kin wanica.

WICOWOYAKE 4.

1 Unkan, itancan yaunpi kin,
tona wowidake wicaduhapi kin
hena, taku owotanna qa iyecetu
kin wicaqu po; mahpiya ekta
wanji Itancan yayapi yanke cin
he sdonyayapi.

2 Ohinniyan cekiya un po, qa
he en wopida eya wakta po.

3 Qa unkiye on wocekiye un-
keyeciyapi kta, Wakantanka iapi
tiyopa wan unkiciyuhdokapi kta,
Messiya tawowiyukcan kin un-
koyakapi kta, on makaškapi kin
hee:

4 Hecen on, taku token epe kte
cin ecen mdaotanin kta.

5 Tona tankan unpi kin hena
on ksamyahan mani po, qa an-
petu kin opekton po.

6 Ohinniyan iyaapi kin wowa-
onšida en un, qa miniskuya on
skuyeyapi kta, hecen wicašta
otoiyohi token awicaduptapi kte
cin sdonyayapi kta.

7 Tucikos hunkawanjin kici-
yapi waštedakapi, qa waawan-
hdake owotanna, mici Itancan
taokiye kin hee token waun kin
owasin oniciyakapi kta.

8 Heon etanhan niyepi kin ekta
ye waši, token yaunpi kin he
sdonye ça, nicantepi kin iyu-
škin niyanpi kta;

9 Qa he kici Onesimos ye waši,
he hunkawanjin kiciyapi owo-

tanna, qa wašte enitanhanpi kin.
Heniyozu taku owasin den un
kin oniciyakapi kta.

10 Aristarkos kici makaškapi
kin he nape niyuzapi, qa Markos
Barnabas tonškaku nakun. He
iwahoniyampi, niyepi ekta niipi
kinhan ti mahen u ši po:

11 Qa Jesus, he nakun Justus
eciyapi kin; hena e bakilħda-
yapi kin etanhanpi. Henana
Wakantanka tokiconze kin en
tawaši wicawaye ça, hena iyu-
škin mayanpi.

12 Epaphras enitanhanpi kin,
Messiya taokiye kin hee nape
niyuzapi; he ohinniyan woce-
kiye en, niyepi on nina cekiya,
Wakantanka tawacin kin owasin
en, owotanna, qa ecedan naya-
jinpi kte cin heon.

13 Qa he omdaka, niyepi on,
tona Laodikia ekta un, qa tona
Hierapolis ekta un kin, hena ko-
ya on nina ĩtaniiciya.

14 Lukas, pejihuta wicašta
wašte kin, Demas kici, nape ni-
yuzapi.

15 Hunkanwanjin kiciyapi Lao-
dikia ekta unpi kin hena nape
wicayuza po, qa Nymphas, qa
iye ti kin ohna okodakiciye kin
he nakun.

16 Wowapi kin de niyepi ekta
yawapi kinhan, okodakiciye La-
odikia ekta un kin hena nakun
yawa wicakiya po, qa niš niyepi
kin wowapi Laodikia etanhan
kin he nakun yawa po.

17 Qa Arcippos kaken eciya
po, Nitohtani Itancan kin etan-
han iyacu qon he awakicin wo,
yahduštan kta ce.

18 Palos he miye, nape kiciyu-
zapi kin de minape kin on waka-
ga. Makaškapi kin kiksuya po.
Wowaonšida niyepi en nicipi un
nunwe. Amen.

PALOS

THESSALONIKE OYATE

WOWAPI WICAKICAGE CIN;

TOKAHEYA KIN.

WICOWOYAKE 1.

1 Palos, qa Siluanos, qa Timotheos, Thessalonike ekta okodakiciye kin, Wakantanka Ateyapi kin en, qa Jesus Messiya Itancan kin en un kin, *wowapi wicakicagapi*: Wowaonsida, wookiye ko, Wakantanka Ateunyanpi etanhan, qa Jesus Messiya Itancan kin nakun, niyepi en nicipi un nunwe.

2 Niyepi owasin on Wakantanka ohinniyan wopida unkekiciyapi, qa wocekiye unkeyapi kin en caje unniyatapi ece.

3 Qa wowacinye wicoĥan nitawapi kin, qa wacantkiyapi en hitayanipi kin, qa Wakantanka Ateunyanpi kin itokam, Jesus Messiya Itancan unkiyapi kin en ape dukanpi kin hena ohinniyan unkiksuyapi.

4 Mihunkawanji wašte, Wakantanka nicalinigapi kin he sdonunyanpi.

5 Wotanin wašte unkitawapi en niipi kin he wicoie ecedan en un ŗni, tuka wowaŗake nakun en, qa Woniya Wakan, qa tanyan sdonyapi kin en; niyepi ehna, qa niyepi on etanhan wicaŗta tounkecapi kin sdonyayapi.

6 Wicokakije ota ehna, qa Woniya Wakan wowiyuŗkin kin yuha wicoie kin iyacupi, hecen Itancan kin oyapapi, qa nakun unkiyepi.

7 Hecen Makedonia qa Akeya en, tona wacinyanpi kin owasin waonspekiye niyuhapi:

8 Qa niyepi kin etanhan Itancan oie kin oyakapi, Makedonia qa Akeya ekta, qa hecedan ŗni, tuka owancaya Wakantanka wacinyayapi kin he ieyanpahapi, qa hecen taku unkeyapi kta e iyehantu ŗni.

9 Hena e qe niye nicapi, qa niyepi ekta tukten canku kin ohna unkiyohipayapi kin he oyakapi, qa token wakagapi kin etanhan Wakantanka ekta nihduhomnipi, Wakantanka ni un qa wicake cin ohoyadapi kte cin heon:

10 Qa iye Cinhintku kin mahpiya eciyatanhan u ayapepi kta, he wiconŗe etanhan najin kiya, Jesus wocanniye u kte cin etanhan eunhdakupi kin hee.

WICOWOYAKE 2.

1 Mihunkawanji, niyepi ekta token unkipi kin niye e sdonyayapi, ituya unkipi ŗni.

2 Tuka Philippi ekta kakisunyanpi, qa unkihahapike cin niye sdonyayapi; qa he iyohakam Wakantanka unkitawapi kin on wadiuntakapi, qa waakinicapi ota ehna wotanin wašte kin unkoniciyakapi.

3 Qa wowahokonkiye unkita-wapi kin he wohununi, qa woaŗa-

I. THESSALONIKE.

pe eciyatanhan śni, qa wohndaye en un śni ;

4 Tuka token wotanin wašte kin unhapi kta e Wakantanka iyokipi kin he iyecen unkiapi ece ; wicašta iyokipiwicayapi kin iyecece śni, tuka Wakantanka cante unkiyukeanpi kin he.

5 Tohinni iskuya wicoie kin unkeyapi śni e niye sdonyayapi, qa waicucupikte cin śina unkinpi śni e Wakantanka sdonya.

6 Qa wicašta kin etanhan wowan unkitapi śni, niyepi, qa wicašta tokeca nakun etanhan śni, Messiya yewicaši kin iyecen waeconwicunkiyapi kta iyececa tuka.

7 Tuka niyepi cokaya walibadan unkanpi, azinkiya wan cinca icaliwicakiye cin he iyecen.

8 Hecen nina cante en unniyuzapi, qa wašteunnidakapi kin heon Wakantanka tawootanin wašte kin hee, qa unnagipi kin hena ko unničupi kta tawateunyanpi tuka.

9 Mihunkawanji, unkoňanyanpi qa řitaunnipi kin yeksuyapi, hanyetu anpetu ko řitaunnipi, wotanin wašte Wakantanka tawa unkoniciyakapi kin he icunhan, tuwedan tkeya waqinunnicayapi kte śni uncinpi kin heon etanhan.

10 Niye sdonyayapi, qa Wakantanka nakun, tona wicayadapi kin en, wakanyan, owotanna, qa iyaonpepica śni unyakonpi.

11 Qa wicašta cinca wahokonkiye cin he iyecen, niyepi otioyohi wahokonunniciyapi, qa token unnicihnapi qa econ unniřipi kin he sdonyayapi ;

12 Wakantanka iye tokiconze, qa towitan kin en nicopi kin, he iyokipiya mayanipi kte cin heon.

13 Qa heon ohinniyan Wakantanka wopida unkekiciyapi ;

Wakantanka oie kin unkiyepi etanhan nayalionpi, qa iyacupi qehan, wicašta oie kin iyecen iyacupi śni, tuka awicakehan Wakantanka oie kin hee, niye tona wicayadapi kin en ohanyan ece kin iyececa.

14 Mihunkawanji, niři niyepi kin Wakantanka taokodakiciye, Juda makoce kin ekta, Jesus Messiya en un kin hena owicayecipapi ; niři niye takuwicayayapi kin eciyatanhan kakiřinyanpi kin, iři iye Juda oyate kin eciyatanhan kakiřwicayapi qon iyececa :

15 Hena e qe Jesus Itancan kin ktepi, qa wicašta wokcan wicayuhapi qon hena nakun, qa unkiye řicaya unkuwapi, Wakantanka iyokipiyapi śni, qa wicašta owasin kařewicayapi :

16 Qa Ikcewicašta nipi kte cin iwahokonwicunkiyapi kta he tehindapi, qa hecen ohinniyan walitanipi kin hduřtanpi kta. Wocantiyahde owihanke aiyahdeya wanna en awicau.

17 Tuka mihunkawanji, unkiři niyepi kin etanhan ptecedan eunyakupi, itohnake kin on, cante kin he wake śni, heon nitohnake wanunniyakapi kta nina cantokpaniyan unkitapi.

18 Heon etanhan ekta unnikupi kta uncinpi, Palos miye řinca, wancadan qa nonpa, tuka Satan iyounkipi śni.

19 Woape, qa wowiyuřkin, qa wowinkta wateřdake unkitawapi kin he taku he ; he niři niyepi śni he ; Jesus Messiya Itancan unkiyapi hi kinhan he itokam.

20 Wowitan qa wowiyuřkin unkitawapi kin he niyepi.

WICOWOYAKE 3.

1 Heon etanhan sanpa řinsiciya unkokihipi śni qehan, A-

thenas ekta unkišnana unyakonpi kta e iyounkipipi :

2 Qa Timotheos hunkawanjin unyanpi, Wakantanka taokiye, qa Messiya tawootanin wašte kin en unkitawašipi kin hee, ye unšipi, sutaya icalninyanpi, qa wacinyayapi kin eciyatanhan wahokonniciyapi kte cin heon.

3 Qa hecen wicokakije kin dena on tuwedan pahohopi kte šni, hena ehna eunhdepi kin niye sdoniyayapi.

4 Unkan niyepi kin opeya unyakonpi qehan, wokakije unhapi kta unkoniciyakapi, qa he ecetu kin sdoniyayapi.

5 Heon etanhan tinsmičiye kta owakitpani, hehan token wacinyayapi kin sdonwaye kta e on he ekta ye waši, okinni taku wawiyutanyan un kin iniyutanpi naceca, qa hecen hitaunnipi kin taku šni ye kta.

6 Tuka nakaha Timotheos niyepi kin etanhan en unhdipi, qa wacinyayapi wacanyakiyapi ko on wotanin wašte unkahipi, qa nakun ohinniyan wašte unyadakapi kin heon wanunyadakapi kte hinca, unkiš *wanunniyakapi* kte cin iyececa ;

7 Heon etanhan, mihunkawanji, wokakije wicocante šica ko unhapi kin owasin ehna niyepi on unkičicanptapi, wacinyayapi kin heon.

8 Nakaha unnipi, niš niyepi kin Itancan en sutaya yaunpi kinhan.

9 Unkan niyepi kin on, Wakantanka unkitawapi kin itokam, wowiyuškin owasin on unkiyuškinpi kin he on, ake niyepi on, taku wopida Wakantanka eciya unkokihipi kta he ;

10 Hanyetu anpetu ko nina ceunkiyapi, nitohnake kin wanunniyakapi kta, qa wacinyayapi

kin en taku nahahin ocowasin šni un kin he tanyan unniciyuštanpi kta.

11 Wakantanka iš iye, Ateunyanpi kin, qa Jesus Messiya Itancan unkiyapi kin, niyepi ekta canku kin *ohna* tanyan ye unyanpi nunwe.

12 Qa otoiyohi wašteyecidakapi, qa owasin waštewicayadakapi kin he en, Itancan kin icalninyanpi, qa niciyuotapi nunwe, unkiš wašteunniciyakapi kin he iyececa.

13 Qa heon wowakan en nicantepi kin iyaonpepica šni niciyusutapi kta, Wakantanka Ateunyanpi kin itokam, tohan Jesus Messiya Itancan unkiyapi kin tona wicayuwakan kin owasin om hi kinhan.

WICOWOYAKE 4.

1 Unkan mihunkawanji, Jesus Itancan kin on etanhan cinunniciyapi qa ceunniciyapi, token mayanipi, qa Wakantanka iyokipiyayapi kte cin, unkiyepi etanhan iyacupi qon he iyecen sanpa iyoniptapi kte.

2 Jesus Itancan kin etanhan woahope kin tona unničupi kin sdoniyayapi.

3 Wakantanka niyuecepidan kin he tawacin kin he dee, wiinalmanpi kin en nihdoyapi kte šni ;

4 Tuka otoiyohi nitancanpi kin yuecepidan, qa yuonihanpi kin en, yahduhapi kte cin sdoniyakiyapi kta.

5 Qa wicotawacin šica cantiheyapi kin he en unpi kte šni ; Ikcewicašta Wakantanka sdoniyapi šni kin hena iyececapi.

6 Taku en tuwedan hunkawanjitku kin kape ča hnaye kte šni ; tona heconpi kin owasin

I. THESSALONIKE.

Itancan kin tokicon ece, unkoniciyakapi qa unniciyaotaninpi qon iyececa.

7 Waašapapi kin ekta Wakan-tanka unkipi ūni, tuka unyuecepidan kte cin heon.

8 Hecen tuwe waaktašni kinhan, he wicašta paha iyewicaye ūni, tuka Wakantanka iye Tan-ya Wakan unqupi kin hee akta-šni.

9 Hunkawanjinkiciyapi waštekicidakapi kin on wowapi cicagapi kta iyecece ūni. Otoi-yohi wašte yecidakapi kta he niš niye Wakantanka etanhan onnispepi.

10 Qa Makedonia owancaya hunkawanjinkiciyapi kin owasin hecawicayeconpi ece. Tuka mihunkawanji, ceunniciyapi ce, nakun sanpa nina ecanonpi kte.

11 Ito owanji dukanpi kta, qa taku tin nichihe cin he yahduštanpi, qa niye ninapepi kin on litayanipi kta e aičiciya po, econ unnišipi qon iyecen;

12 Hecen tona tankan unpi kin hena itokam owotanna mayanipi kta, qa takudan icakije ūni yaunpi kta.

13 Tuka mihunkawanji, tona ištīnmapi kin hena on sdoney ūni dukanpi kta, qa iyonicišicapi kta, wicašta tokeca wowacin-ye nicapi kin iyececa, e he wa-cin ūni.

14 Jesus te ɕa ake piya ikica-ge cin he wicaundapi kinhan, he iyecen tona Jesus en ištīn-mapi kin hena iye kici Wakan-tanka uwicakiye kta.

15 Unkan Itancan oie kin eci-yatanhan he de unkoniciyakapi, unkiye tona unnipi, qa Itancan hi kte cin iyounhipi kinhan, to-na ištīnmapi kin hena wicito-kam unyanpi kte ūni.

16 Iyašapi wan qa mašpiya

ohnihde itancan wan ho kin, qa Wakantanka maza yahotonpi tanka tawa ko Itancan kin hduha, mašpiya kin eciyatanhan kun u kta; unkan tona Messiya en ɕapi qon hena tokaheya na-jinpi kta.

17 Hehan unkiye tona unnipi, qa he iyounhipi kinhan, hena om mašpiya šapa ekta eunhdakupi kta, okotonyan kin ehna Itancan kin itkounkipapi kta; qa hecen ohinniyan Itancan kin kici unyakonpi kta.

18 Wicoie kin hena on otoiyo-hi wahokonkiciciya po.

WICOWOYAKE 5.

1 Mihunkawanji, omaka qa makoncage kin on wowapi cicagapi kta yacinpi ūni;

2 Hanyetu en wamanon sa kin he iyecen Itancan taanpetu kin u, niš niyepi kin tanyan sdonya-yapi.

3 Tohan, Wokiyapi qa tanyan yukanpi ce, eyapi kinhan, hehan ihnuhanna wicotakuni ūni en awicau kta, winohinca cinca ton kte cin yazan hinhde cin he iye-ceca, qa najicapi kte ūni.

4 Tuka mihunkawanji, niš niyepi kin otpaza ehna yaunpi ūni, qa hecen anpetu kin he wamanon sa iyecen en nihipi kte ūni.

5 Niyepi owasin, iyoyanpa cinca kin henicapi qa anpetu cinca-pi kin. Unkiyepi hanyetu otpaza kici unketanhanpi ūni.

6 Heon etanhan wicašta toke-ca iyecen unkištīnmapi kte ūni; tuka kiktahan witko ūni unya-konpi kta.

7 Tona ištīnmapi kinhan, hena hanyetu icunhan ištīnmapi; qa tona witkopi kinhan, hena han-yetu en witko unpi ece.

8 Tuka unkiye anpetu kin unketanhanpi, qa heon witko śni unyakonpi kta, wowacinye wacantkiyapi ko maku akalipe kin unkičunpi kta, qa wiconi aepi kin he maza wapaha unyanpi kta.

9 Wakantanka wocanteptanye en eunhdepi śni, tuka Jesus Messiya Itancan unkiyapi kin eciyatanhan wiconi unkičupi kte cin.

10 He iye, unkiyepi on ɥa, hecen kiktahan unyakonpi, qa is unkištinmapi, unma tukte kašta, kici unnipi kta.

11 Heon etanhan otoiyohi wahokonkiciciyapi, qa onspekiciciya po, ecanonpi kin hececa.

12 Hunkawanjin unniyanpi kin, ceunniciyapi ce; tona niyepi en itanipi, qa Itancan kin on awan-niyakapi, qa wahokonniciyapi kin hena sdonwicaya po.

13 Qa wicoľan yuhapi kin on etanhan, wacantkiyapi on suta-ya cante en wicayuza po. Oki-ciciya yakon po.

14 Hunkawanjin unniyanpi kin, ceunniciyapi ce; tona yuški-škeya unpi kin hena iyopewica-ya po, tona wacin cistinna kin hena wicakihna po, tona waša-ke śni un kin hena owicakiya po, qa wicašta owasin on wacin tanka po.

15 Ihnuhan tuwe taku śica on itkom taku śica econ kinhan,

tuka ohinniyan niš niyepi kin otoiyohi on, qa wicašta owasin on taku wašte ecedan akita po.

16 Ohinniyan wiyuški kin po.

17 Ayaštan śni cekiya po.

18 Taku owasin on wopida eya po. He niyepi on Jesus Messiya en Wakantanka tawacin kin hee.

19 Woniya kin kasnipi śni po.

20 Wiyukecanpi kin ihahapi śni po.

21 Taku owasin iyukecanpi, qa taku wašte kin he ɥinsa yuha po.

22 Taku śica ocaje owasin nakičipa po.

23 Qa wookiye Wakantanka kin niyepi ocowasin niyuecepi-dan nunwe; hecen ninagipi kin ocowasin, qa nitawacinpi, qa nitancanpi kin iyaonpepica śni niyuhapi kta, Jesus Messiya Itancan unkiyapi kin hi kte cin behanyan.

24 Tuwe nicopi kin he wacin-yepica, qa ecen econ kta.

25 Mihunkawanji, unkiyepi kin on cekiya po.

26 Iiputakapi wakan kin on hunkawanjin kiciyapi kin owasin i iwicaputaka po.

27 Itancan kin on hecon cišipi, hunkawanjin kiciyapi wakan kin owasin ekta wowapi kin de yawapi kta.

28 Jesus Messiya Itancan unkiyapi kin towaonśida kin nicipi un nunwe. Amen.

PALOS
THESSALONIKE OYATE

WOWAPI WICAKICAGE CIN,

INONPA KIN.

WICOWOYAKE 1.

1 Palos, qa Siluanos, qa Timotheos, Thessalonike ekta okodakiciye Wakantanka Ateunyanpi, qa Jesus Messiya Itancan kin en un kin hena, *wowapi wicakicagapi*;

2 Wowaońsida, wookiye ko Wakantanka Ateunyanpi kin, qa Jesus Messiya Itancan kin etanhan nicipi un nunwe.

3 Mihunkawanji, wacinyayapi kin he nina icage a, wacanyakiyapi kin otoiyohei en nina niciyuotapi kin, heon ohinniyan niyepi on, Wakantanka wopida unekiciyapi kte cin he hecetu.

4 Hecen niyepi on, unkiye Wakantanka okodakiciye tawa kin en unkiwinktapi ece ; ńicaya nicuwapi kin owasin, qa wokakije duhapi kin en, wacinyan wakiśagya yaunpi kin heon.

5 Wakantanka tawoyaco owotanna wowapetokeca kin he dee, nicakijapi kin heon Wakantanka tokiconze kin iyehantu niyawapi kta.

6 Tona kakińniyanpi kin hena itkom Wakantanka wokakije wicaqu kte cin he owotanna.

7 Qa tona kakińya yaunpi kin, niń niyepi kin ozińciya unkici yaunpi kta ; tohan Jesus Itancan kin towaśake ohnihde wicaye cin om mańpiya kin eciyatanhan ihdutaninyan u kinhan,

8 Peta ide kin en, tona Wakan-tankas donyapi ńni, qa Jesus Messiya Itancan unkiyapi tawotanin wašte anagoptanpi ńni kin hena wońitkihda wicaqu kta ;

9 Hena e Itancan itohnake kin etanhan, wicotakuni ńni owihanke wanica on kakińwicayapi kta.

10 Tohan oyate owotanna tawa kin en ihduwitan kta, qa tona iye wacinyanpi kin hena owasin on yatanpi kta e on hi kinhan ; anpetu kin he en taku unniciyotaninpi qon he wicayadapi kin heon.

11 Qa heon etanhan ohinniyan niyepi on ceunkiyapi, Wakan-tankas wicakico kin de iyehantu niyawapi kta, qa niyepi en iye towašte oiyokipi kin ocowasin, qa wowaśake on wacinyanpi wicońan kin he nakun hduńtan kta.

12 Hecen Jesus Messiya Itancan unkiyapi caje kin niyepi on yuonihanpi kta, qa iye on, niń eya niyuonihanpi kta, Wakantanka unkitawapi, qa Jesus Messiya Itancan towańsida kin eciyatanhan.

WICOWOYAKE 2.

1 Mihunkawanji, Jesus. Messiya Itancan unkiyapi u kte cin he, qa en mniunkiciyapi kte cin hena on ceunniciyapi ce ;

WICOWOYAKE 3.

2 Ihnuhan wicanagi qa wicoie qa wowapi unnicagapi kin on ihnuhanna nitawacimpi ekta nihuhuzapi qa ininihanpi kin, Messiya taanpetu kin kiyadan u kin hececa.

3 Ihnuhan tuwe taku on nihnayanpi kin; woayustan wan tokaheya u kta, qa woalitani wicašta kin wicotakuni šni cinhintku kin hee e yutaninpi kta.

4 He iye taku Wakan eyapi kin, taku ohodapi ko owasin iwankam yeiciye ça kici kiciza, hecen iye tipi wakan Wakantanka tawa kin en, Wakantanka iyecen iyotanke ça Wakantanka keiciya oihdaka.

5 Čicipi waun qehan hena oci-ci-yakapi qon he yeksuyapi šni he.

6 Unkan nakaha taku iyowicaki šni ece kin he sdonayapi; hecen tohantu kinhan taninyan hiyu kta.

7 Woope aktašni wowiyukcan kin he wanna ohanyan ece, tuka tuwe he iyoki šni kin he, tohanyan token iyeyapi šni kin, hehanyan iyowicaki kte šni.

8 Unkan hehan woope aktašni kin he tanin kta, Jesus Itancan kin Taniya, iye i kin etanhan hiyu kin on, qa ihdutanin wiya-tpa kin on, he ihangye kta.

9 Tuwe Satan ohan kin eciyatanhan wicookihi owasin, qa wowapetokeca, qa wowiniban wicohan itonšni kin yuha u,

10 Qa tona awihnuni kin hena en woalitani wohneye owasin koya; hena wowicake wašte dakapi kin on nipi kte cin he aktapi šni, heon etanhan.

11 Qa heon etanhan hena en Wakantanka wohneye wawokih kin awicau kta, hecen woi-tonšni kin wicadapi kta.

12 Qa hecen tona wowicake

wicadapi šni, qa woalitani en iyuškinpi kin hena owasin wicayacopi kta.

13 Tuka mihunkawanji, Itancan waštenidakapi kin, niyepi on unkiye ohinniyan Wakantanka wopida unkekiciyapi kta, otokaheya tanhan Woniya wicayuecedan, qa wowicake wicadapi kin on, Wakantanka yanipi kta e on nicašinigapi kin heon etanhan.

14 Qa he en nicopi, wotandin wašte unkitawapi kin on, hecen Jesus Messiya Itancan unkiyapi towitan kin iyacupi kta.

15 Heon etanhan, hunkawanjinciyapi kin, sutaya najin po, qa woope oyakapi wicoie, qa wowapi unkitawapi kin eciyatanhan onspeniciyapi kin hena ťinsaya yuha po.

16 Qa Jesus Messiya Itancan unkiyapi kin hee, qa Wakantanka Ateunyanpi kin iye wašte undakapi, qa wicimdeza owihanke wanice cin wowaonsida eciyatanhan woape wašte ko unqupi kin,

17 He nicantepi kin mdesniyanpi, qa wicoie, wicohan ko wašte kin owasin en niyusutapi nunwe.

WICOWOYAKE 3.

1 Unkan ehake mihunkawanji, unkiyepi on cekiya po, Itancan oie kin inyanke ça, wowitan kta, niyepi kin ehna iyececa.

2 Qa wicašta šice ça wicašta-pi šni kin etanhan eunhdakupi kta; owasin wowacinye yuhapi šni kin heon.

3 Tuka Itancan kin he wacinyepica, he niyusutapi, qa taku šica etanhan enihdakupi kta.

4 Itancan kin en niyepi on ka-ken awauncinpi, token econ un-

I. TIMOTHEOS.

nišipi qon ecen ecanonpi, qa ees nakun ecanonpi kta.

5 Qa Itancan kin nicantepi kin Wakantanka waštedakapi, qa Messiya wacintanka kin he en ope niyanpi nunwe.

6 Unkan mihunkawanji, Jesus Messiya Itancan unkiyapi caje kin on ceunniciyapi ce, hunkawanjin kiciyapi wan ecinšniyan mani, qa wicoope unnicupi qon eciyatanhan šni kinhan, he nakicipa po.

7 Token unkoyecipapi kte cin niye sdoniyayapi; niyepi en oškiškeya maunnipi šni.

8 Qa tuwedan aguyapi tawa iyunwin codan untapi šni, tuka wicohtani, wicokakije ko ehna, hanyetu, anpetu ko htaunnipi, tuwedan takudan unkinicazopi kte šni heon.

9 Unkokihihi šni kin heon etanhan šni; tuka unkiye waonspekiya yuheunniciyapi, qa unko-yapapi kte cin heon.

10 Nicipi unyakonpi qehan, he de unkoniciyakapi, Tuwe htanipi tawaŋenye šni kinhan, he takudan yute kte šni ce.

11 Enitanhanpi wanjikji ecinšniyan manipi, qa ecaca htanipi

šni, tuka waaie sa hecapi kin he naunhonpi.

12 Tona hececapi kin hena Jesus Messiya Itancan unkiyapi kin etanhan wahokonwicunkiyapi, qa econ wicunšipi, aini-na htanipi, qa aguyapi tawapi kin ecedan hduŋapi kta.

13 Unkan mihunkawanji, niš niyepi kin taku wašte econpi kin econ kapinpi šni po.

14 Qa tuwe wowapi kin de en, unkoiepi kin anaungoptanpi šni kinhan, he iwanyakapi, qa kici okiciciyapi šni po, hecen ištece kta.

15 Tokayapi šni po, tuka hunkawanjinkiciyapi kin iyecen wahokonkiya po.

16 Qa ohinniyan, taku owasin on etanhan wookiye Itancan kin wookiye ničupi nunwe. Itancan kin niyepi owasin en nicipi un nunwe.

17 Palos he miye, napekiciyuzapi kin de minape on owawa, he wowapi otoiyoŋi en wowape-tokeca kin hee, hecen wakaga ece.

18 Jesus Messiya Itancan unkiyapi kin towaonšida kin niyepi owasin en nicipi un nunwe.

PALOS

TIMOTHEOS WOWAPI KICAGA;

TOKAHEYA KIN.

WICOWOYAKE 1.

1 Palos Jesus Messiya yeši qon, Wakantanka Wanikiya unkita-wapi, qa Jesus Messiya Itancan wacinunyanpi kin he toope kin eciyatanhan,

2 Timotheos, wacinyanpi kin eciyatanhan micinkši kin hee, wowašte, wowaonšida, wookiye ko, Wakantanka Ateunyanpi, qa Jesus Messiya Itancan unkiyapi kin hena etanhan kiciun nunwe.

WICOWOYAKE 2.

3 Makedonia ekta mde çehan, Ephesos en owanji yanke cişi, wanjikji woonspe tokeca oyakapi kte şni e iwahokonwicayakiye kte cin heon;

4 Qa hitunkakanpi, wicoicage owihanke şni oyakapi ko awacimpi kte şni; hena taku kin wiwangapi ecedan okihi, qa on Wakantanka wacinyanpi kin en icaliyapi şni.

5 Wicacante ecedan, wicana-gi waşte, qa wacinyanpi wicakapi kin etanhan wacantkiyapi kin he woahope ecetuyapi kin hee.

6 Tona he icunonpa yapi kin hena takuşnişni akinicapi kin en yeiciyapi.

7 Woope kin tokan onspewicakiyapi kta cinpi; tuka taku eyapi, qa taku waditagya oya-kapi kin he iyukanpi şni.

8 Woope kin he waşte sdon-nyanpi, tuwe woope kin iye-cen yuhe cinhan.

9 Qa he de sdonunyanpi, woope kin he wicašta owotanna kicagapi şni, tuka tona woope opapi şni, qa anagoptanpi şni kin hena wicakicagapi, tona Taku Wakan ohodapi şni, qa wahtanipi sa, waonsidapi şni qa wayaşıca-pi, atkuku hunku kici wicakik-tepi kin, qa wicašta wicakaŋapi kin hena,

10 Wawicihahapi econpi, waihuhupi sa, wicašta wiyopewicaye cin hena, itonpişni qa woope kicaksapi kin hena on woope kagapi ece; qa taku tokeca woonspe zani kin kaşeye cinhan he nakun:

11 Wakantanka wacantkiya wotanin waşte wowitan yuhe maşi kin he eciyatanhan.

12 Unkan Jesus Messiya Itancan unkiyapi he okihimaye ça, wacinyepica madake ça, wico-

htani kin de en opemaye ciqon he wopida ewakiya ece.

13 He itokam waoştewahda, qa şicaya wicawakuwa, qa wahtanmiçida; tuka wicawada şni icunhan hena iyukcan şni ecamon kin heon onşimadapi.

14 Qa Itancan unkiyapi towa-onsida kin he wacinyanpi qa wacantkiyapi Jesus Messiya en nina yuotapi.

15 Wicoie kin de wacinyepica, qa owancaya icupi kta iyececa, Jesus Messiya wahtanipi sa niwicaye kta e on makata hi; hena en miye imayotan.

16 Tuka heon etanhan onşimadapi, hecen miye en tokaheya Jesus Messiya wawacinkta yuza tanka owasin hdutanin kta, wicani kta e on wicadapi kte cin hena waonspewicawakiye kta e heon.

17 Hecen Wicaştayatapi owihanke wanica, şepica şni, qa wanyakepica şni un kin, Taku Wakan ecedan ksape cin hee, woyuonihan, wowitan ko, owihanke waŋin kicihan nunwe.

18 Timotheos micinkşi, woope kin de ciçu, niye on wokcanpi tokaheya ekta un qon hena eciyatanhan, hecen hena on ozuye waşte en akicita oyape kta;

19 Wowacinye qa wicanagi waşte sutaya yahduhe kte cin heon. Wanjikşi hena ehpeyapi qa on wacinyanpi ekta kamden iyeiciyapi.

20 Yumeneos qa Aleksander kici, hena hececapi, hena Satan waqu, waoştehdapi kte şni onspeiciyapi kte cin heon.

WICOWOYAKE 2.

1 Heon, taku owasin itokam, wicašta kin owasin on, wokidapi, wocekiye, waiciyapi wicoie, wopida ko eyapi kta wacin.

I. TIMOTHEOS.

2 Wicaštayatapi kin hena on, qa tona itancan unpi kin owasin on, hecen woohodapi owasin qa wicohan owotanna kin en, owanjidan unkanpi qa wikoŋe ŋni un-nipi kta.

• 3 He wašte, qa Wakantanka Wanikiya unkitawapi kin ito-kam woiyokipi kin hee.

4 He iye wicašta owasin nipi, qa wowicake sdonyapi kin en hipi kte cin he cin.

5 Taku Wakan wanjidan, qa Taku Wakan qa wicašta kici wiciyotahedan un kin wanjidan, Jesus Messiya wicašta kin hee.

6 He iye atayedan owasin ope-wicakiton kta e içicu, anpetu ta-wa kin waayatanin kte cin heon.

7 He en eyanpaha qa yeşıpi kin heca makagapi; Messiya en wowicake epa, itonŋni mawani-ca; wowacinye wowicake ko Ikcewicašta onspe wicawakiye kte cin heon.

8 Heon, wicašta kin owancaya, wocanniye, waakinicapi ko wa-nin nape aŋape ŋni kıyugan ce-kiyapi kta wacin.

9 Qa winohınca kin is eya iye-cen wokoyake oiyokipi kin ki-çunpi kta, qa tawacin wašte, wacin tankapi koya; qa paha sonpi, mazaskazi, inyan okitanin kin, qa wokoyake taku ota iyope-yapi kin hena ko *unpi* kte ŋni;

10 Tuka wicohan wašte kin hena, taku winohınca tona Wa-kantanka awacinpi kin iyokipi-pi kin hee.

11 Qa winohınca kin inina, un, qa taku owasin en wanañon yanke ça on onspeiçiye kta.

12 Tuka winohınca kin is wa-onspekiye ça wicašta kin iwan-kam un kta e iyowinwakiye ŋni, he inina yanke kta.

13 Adam he tokaheya kagapi, qa hehan Ewe.

14 Qa Adam hnayanpi ŋni, tu-ka winohınca kin iye hnayanpi, qa hecen woahitani hiyahdeya.

15 Tuka is eya cinca tonpi kin en niyanpi kta, wacinyanpi, wa-cantkiyapi, wicohan wašte qa wacintankapi kin hduha yukan-pi kinhan.

WICOWOYAKE 3.

1 Iapi kin he wowicake; tuwe waawanhdake unpi cin kinhan he wicohan wašte wan cin.

2 Tuka waawanhdake cin he iyaonpepica ŋni un kta, wino-hınca wanjidan yuze kta, wakta-ya un kta, wacinksapa, wahba-yedan, ohanpi, wowicakiyaka;

3 Miniša en iyeiçiye ŋni, waa-wicape ŋni, mazaska nina akite ŋni; tuka wacintanka, wacinko ŋni, waicucu wacin ŋni;

4 Iye tiyohnaka kin tanyan hduhe kta, qa wicowahbadan owasin on cinca kin anagoptan-wicakiye kta.

5 Tuwe tiyohnaka tawa kin tanyan hduha okihi ŋni kinhan, ecin token Wakantanka taoko-dakiciye kin tanyan yuhe kta he.

6 Aŋkatudan en opapi kin he-cece kte ŋni, he heca kinhan, okinni wahaniçida kin on Wa-kanŋica tawoyaco kin ekta iya-ye kta.

7 Qa tona itankan yakonpi kin hena tanyan oyakapi un kta, he hecetu ŋni kinhan, wowihahiya un kta, qa Wakanŋica wihmun-ke tawa kin en iyohpaye kta.

8 Is eya hunkayapi un kin hena nakun wacinksapapi kta, ceji ja-tapi ŋni, miniša en iyeiçiyapi ŋni, qa mazaska nina akitapi kte ŋni:

9 Wicanagi ecedan ohña wo-wacinye wowiyukcan kin yuha-pi kta.

WICOWOYAKE 4.

10 Hena e tokaheya wicayukanpi kta, qa hehan takudan iyaonpepica šni kinhan, hunkayapi un kin en iyeyapi kta.

11 Nakun is tawicupi kin wabapidan kta, waaie šni unpi kta, waktaya unpi kta, taku owasin on owotanpidan.

12 Hunkayapi un kin is tawicu wanjidan kta, cinca wicayapi qa tiyohnaka tawapi kin tanyan hduhapi kta.

13 Tona hunkayapi un wicohan kin tanyan yuhapi kin hena wowitan wašte hdamnanpi, qa Jesus Messiya wacinyanpi kin en waditaka içicagapi.

14 Dena hecen wowapi cicaga, kohanna niye en ciu kta wacin.

15 Tuka tehan wai šni kinhan, deciya tanhan on token Wakantanka ti kin ohna opiniciye kta sdonyaye kta, he okodakiciye Wakantanka ni un tawa kin ee, wowicake ihupa qa taku ahe cin hee.

16 Unkan he taku aiepica šni, Wakantanka awacinpi kin he wowiyukcan tanka; Wakantanka wicacehpi en ihdutanin qon, Woniya kin on yaowotanna kagapi, mahpiya ohnihde kin wanyakapi, Ikcewicasta kin ekta oyakapi, wicoicage kin en wicadapi, qa wowitan kin ekta wankan ehdakupi.

WICOWOYAKE 4.

1 Woniya kin atayedan heya, Anpetu ihankeya kin en, wanjiksi wacinyanpi kin ayuŝtanpi kta, qa woniya ŝapa wahnaye sa, qa taku wakan ŝica tawoonspe ko anagoptanpi kta.

2 Wicahnayanpi on itonšni iapi kta, nagipi kin maza kata on guguyapi kin heon.

3 Winohinca wicayuzapi kin

he tehindapi, qa woyute, tona wowicake wicadapi, qa sdonyapi kin hena wopida eya icupi kta e Wakantanka kaga, hee yute šni wicaŝipi kta.

4 Taku Wakantanka kage cin he owasin wašte, qa wopida yuha icupi kinhan, takudan ohinyanpi kte šni.

5 He Wakantanka oie, wocekiye ko on yuwakanpi.

6 Hena taku kin hunkawanjinkiciyapi kin kiksuyewicayaye cinhan, Jesus Messiya taokiye wašte yaun kta, wacinyanpi, wicoie, qa woonspe wašte ekta iyohiyaye cin hena en tanyan icalniyanpi kta.

7 Tuka iapi ŝice cin, wakanka hitunkakanpi yuhapi ko nakicipe ca, Wakantanka awacinpi kin he amniheiciya wo.

8 Wicatancan yeiciyapi kin he taku cistinna okihi; tuka Wakantanka awacinpi kin he taku owasin okihi, wiconi kin de, qa wanji u kte cin iwahoyapi kin en un.

9 Wicoie kin he wowicake, qa owancaya anagoptanpi kta iyececa;

10 Wakantanka ni un wicasta owasin Wanikiya tawapi, qa iyotan tona wicadapi kin hena, he wacinunyanpi kin heon htaunnipi, qa oŝtehdapi unyakonpi.

11 Hena taku kin iwahokonwicakiye ca onspewicakiya wo.

12 Koniška yaun kin heon tudedan iwahtenida kte šni; tuka tona wicadapi, kin hena waonspewicakiya wo, wicoie kin en, wicohan kin en, wacantkiyapi kin en, woksape kin en, wacinyanpi kin en, woyuecedan kin en.

13 Wowapi yawapi, qa wahokonwicakiyapi, waonspewicakiyapi ko, hena econ wo, en wai šni kin hehanyan.

I. TIMOTHEOS.

14 Taku wawokihi en niun kin, wokcanpi, qa waawanhake unpi, nape aniputakapi kin on niçupi qon he akiktonje şni wo.

15 Hena taku kin awacin, qa ocowasin en yeiçiya wo, hecen onspeniçiyiye cin owasin sdon-yapi kta.

16 Atayedan awaiçicin, qa wonspe nitawa kin awakicin wo, he hduha wo. Hecanon kinhan niniçiyiye ça, tona nanihonpi kin hena nakun niwicayaye kta.

WICOWOYAKE 5.

1 Hunkayapi wan iyopeye şni wo, tuka ateyapi un kin iyecen wahokonkiya wo, qa tona hakaktapi kin hena nihunkawanji iyeceçapi kta ;

2 Winohinca tankapi kin hena is inawicayaye cin iyecen, qa tona aşkatudan unpi kin hena tawinohitinwicayaye cin iyeceçapi kta, woyuecedan owasin en.

3 Wiwazicapi kin, tona awicakehan wiwazicapi un kin hena wicayuonihan wo.

4 Tuka wiwazica wan cinca wicaye cin, qa takojakpaku yuke cinhan, hena tokaheya wicowazi tawapi kin en wowaste econ onspeiçiyapi kta, qa hunkake wicayapi kin iyunwin wicakieçupi kta ; taku waste qa Wakantanka itokam oiyokipi kin hee.

5 Tuwe awicakehan wiwazica un kin he isnana elpeyapi un, Wakantanka wacinye ça ohin-niyan, hanyetu anpetu ko, wocekiye eyapi, qa hoyekiyapi kin en un.

6 Tuka tuwe iyokipi içiya un kinhan, he ni un icunhan wanna ça.

7 Hena hecen iwahokonwica-

kiya wo, hecen iyaonpepica şni unpi kta.

8 Qa tuwe tona wicayuhe cin, qa iyotan tiyohnaka tawa kin, taku wicakicamna şni kinhan, he wacinyanpi kin wanna ayuştan, qa waawacin şni kin sam iyeya wicaşta şica.

9 Wiwazica waniyetu wikcemna şakpe ihukuya un kin he kahniçapi kte şni. He wicaşta wanjidan hihnaye ciqon,

10 Wicohian waste on tanyan oyakapi, cinca icaliwicakiya, oicimani kin wonwicaya, tona owotanna un siha wicakiyujaja, tona kakijapi kin owicakiya, qa wicohian waste owasin amnihe-içiya en opa hecinhan.

11 Tuka wiwazica tona aşkatudan wotapi kin hena wicakalinige şni wo ; tohan Messiya en şkehanhan aye cinhan ake hihna tonpi kta ;

12 Qa tokaheya wacinyanpi qon he ayuştanpi kin heon woyaco aihduhapi kta.

13 Qa nakun kujapi, qa ti iyaza yakonpi ; qa kujapi hecedan şni, nakun taku oyakapi sa, qa waaiçapi sa, taku eyapi kte şni kin hena eyapi ece.

14 Heon, tona nahahin wikoskapi kin hena hihna tonpi kta, cinca tonpi kta, qa tiyohnaka hduhapi kta wacin, hecen toka kin taku iyawicaonpe kta okihi şni kagapi kta.

15 Satan ihakam iyayapi.

16 Wicaşta wanji, qa is winohinca wanji wacinyan un kin, he wiwazica hduhe cinhan okiye kta ; hecen okodakiciye kin tkeya qinpi kte şni, qa tona awicakehan wiwazica unpi kin hena ece owicakiyapi kta.

17 Waawanhake un kin, tona tanyan awanhadakapi kinhan, he-

WICOWOYAKE 6.

na wowitan icitakihna wicakiciyawapi kta, tona wicoie, wonspekiyapi ko, en hitanipi kin hena iyotan.

18 Wowapi wakan kin hecen eya, Tatanka aguyapi napan kin he iohmus sutaya iyacu kte sni. Qa ake, Tuwe hitani kin he taku on opetonpi qon iyohi ece.

19 Waayatanin nonpa, qa yamni duhe sni kinhan, hunka yapi un kin wanji en wiyaonpapi aupi kin anagoptan sni wo.

20 Tona wahtanipi kinhan hena owasin wicitokam taninyan iypewicaya wo, hecen unmapi kin kokipapi kta.

21 Wakantanka itokam, qa Jesus Messiya Itancan kin, mahpiya ohnihde wicakalinigapi kin hena ko wicitokam wahokonciciya, dena taku kin ecinshinyan wiyukcanpi wanin ecanon kta, qa wicašta iwanyakapi kte cin on etanhan takudan ecanon kte sni.

22 Ohankoya tuwedan nape aputake sni wo; qa wicašta tokeca wahtanipi kin en ope sni wo. Ecedan ihduha wo.

23 Tokata mini ecedan yatke sni wo, nitezi kin on, qa waniyazan sa kin heon, minisa waniqadan yatkan wo.

24 Wicašta wanjikji wahtanipi kin taninyan han, qa itokam woyaco ekta awicaya; qa hunli wicihakam tanin ece.

25 Qa he iyecen wicohan wašte wanjiksi taninyan un, qa tona hecece sni esta analibepica sni.

WICOWOYAKE 6.

1 Wowidake un kin tona can napinpi kin ihukuya yukanpi kin hena itancan wicayawapi kin wicakinihanpi owasin okihi wicahdawapi kta, hecen Wa-

kantanka caje qa tawoonspe kin oštehdapi kte sni.

2 Qa tona itancan wacinyan unpi kin heca ihukuya unpi kinhan, hena sicewicakidapi kte sni, om hunkawanjinkiciyapi kin heon; tuka hena wacinyan unpi, qa waštewicadakapi, qa taku wašte kin en owicakiciyapi kin heon sanpa owicakiyapi kta. Hena hecen onspewicakiye ça wahokonwicakiya wo.

3 Tuwe wicoie wašte, Jesus Messiya Itancan unkiyapi oie kin, wicohan ecedan kin eciyatanhan un kin hena wicada sni kinhan, qa togye waonspewicakiye cinhan,

4 He wahaničida, qa takudan sdonye sni un, tuka wakinicapi wiwangapi wicoie kin en cante kin ocowasin iyeiciya; hena etanhan winawizipi, wakinicapi, waoštehdapi, woawacin šica ko icaga.

5 Qa wicašta tawacin šicapi kin oškiškeya hdokinicapi, wowicake yuhapi sni, qa taku kamnanpi kinhan, he Wakantanka ohodapi kin ee kecinpi. Tona hececapi kin hena awicayustan wo.

6 Wakantanka ohodapi kin woiyokipi kici he woyuha tanaka.

7 Maka kin de en takudan unkahipi sni, qa awicakehan hetanhan takudan unkahdapi kte sni.

8 Hecen woyute, wokoyake ko unhapi kinhan, hena iyounkipipi kte.

9 Tona watonpika cinpi kinhan, hena taku wawiyutanyan un, qa mazahtakiyapi en iyohpayapi, qa witkotkoya cantiheyapi šica ota on kiuniyanpi ece kin hena en, hena e waihangyapi, wicotakuni sni ko mahen wica-

II. TIMOTHEOS.

šta kin ocowasin iyohpewicayapi ece.

10 Taku šica owasin hutkan kin he mazaska waštedakapi kin hee ; he wanjikji inalinipi, qa on wacinyanpi kin etanhan iyaye yapi, qa wicokakije ota on caičipapi.

11 Tuka Wakantanka wicašta tawa kin he niye, hena taku kin nakicipa wo ; wicoowotanna, Wakantanka ohodapi, wacinyanpi, wacantkiyapi, wacintankapi qa wowahbadan, hena akita wo.

12 Wowacinye okicize wašte kin he en econ wo, owihanke wanin wiconi kin he icu wo, he en nicopi qa waayataninpi ota itokam wohdakapi wašte ecen oyahdake ciqon.

13 Wakantanka taku owasin nikiye cin he itokam, qa Jesus Messiya Pontios Pilate itokam owotanna wohdake ciqon he on ceciciya ce ;

14 Ašape šni qa iyaonpepica šni, woahope kin de duhe kta, Jesus Messiya Itancan unkiyapi taninyan u kte cin hehanyan.

15 He tohan iyehantu kinhan, tuwe yawaštepi, qa ecedan Wawokihi kin he taninyan hiyuye kta, wicaštayatapi kin en Wi-

caštayatapi, qa itancanpi kin en Itancan kin hee.

16 He išnana wiconi hduhe ča, iyoyanpa en hiyohipica šni kin he en ounyan, wicašta kin tuwedan he wanyake šni, qa nakun wanyaka okihi kte šni ; he wowitan, qa wowašake owihanke wanin kiciun nunwe.

17 Tona maka kin den watonpike cin wahokonwicakiya wo, watankaicidapi kte šni, qa woyuha atakuni šni aya ece kin wacinyanpi kte šni, tuka Wakantanka ni un taku iyounkipipi kta e iyakičuya unqupi kin hee ;

18 Taku wašte ece econpi kta, wicohan wašte ijicapi kta, wapannipi, qa wawicaqupi tawatenyapi kta ;

19 Taku tokata ihe cin he ekta ahehde wašte wan içihnakapi kta, hecen wiconi owihanke wanica yuhapi kta.

20 Timotheos, taku yuheciciye cin hena tanyan yuha wo, qa ikcekceya ecinšniyan wakiničapi kin he nakicipa wo, wosdonye woitonšni akinicapi kin he nakun.

21 Wanjikji he en opapi, qa wacinyanpi kin icunonpa iyayapi. Wowaonšida niciun nunwe. Amen.

P A L O S

TIMOTHEOS WOWAPI KICAGA,

INONPA KIN.

WICOWOYAKE 1.

1 Palos, Wakantanka tawacin kin on, Jesus Messiya yeši qon, Jesus Messiya wiconi iwahounyanpi qon he eciyatanhan,

2 Timotheos, hokšincantkiyapi mitawa kin, *wowapi cicaga*. Wowaonšida, wowašte, wookiye ko, Wakantanka Ateyapi kin etanhan, qa Jesus Messiya Itancan unkiyapi kin etanhan.

WICOWOYAKE 2.

3 Wakantanka, mihunkake kin etanhan nagi ska hduha ohowada kin, he wopida ewakiya, anpetu, hanyetu ko wocekiye epa eca, ayaştan şni ciksuya waun;

4 Wanciyaka nina wacin, iştamnihanpe ota aniu qon hena weksuya, hecen wowiyuşkin omajudan kta;

5 Tohan wowacinye anahbepica şni niye en niun kin he weksuye cinhan, he tokaheya nikunşi Lowis en un, qa nakun nihun Yunike en un, qa he niye en niun kin sdonwaya.

6 Heon etanhan kiksuyeciyekta, Wakantanka taku niçu kin, nape aciputake cin eciyatanhan, he amniheniçiye kta.

7 Wakantanka wokokipe woniya kin unqupi şni; tuka wowaşake, wacantkiyapi, qa wacinksapapi woniya kin.

8 Hecen Itancan unkiyapi tawootanin kin on ištece şni wo, qa nakun miye makaşkapi tawa waun kin; tuka Wakantanka towaşake kin eciyatanhan wotanin waşte en wokakije kin en okicipa wo:

9 He iye ni unyanpi, qa wickicopi wakan kin on unkcicopi, unkoňanpi kin eciyatanhan şni, tuka iye tawacin, qa towaonşida, maka icage cin itokam Jesus Messiya on unqupi qon he eciyatanhan:

10 Tuka wanna hdutanin, Jesus Messiya Wanikiya unkita-wapi taniniçiye cin on, he wiconte ihangye ça, wotanin waşte kin en, wiconi qa tepica şni unpi kin iyoyanpa en au.

11 Heon eyanpaha qa yeşipi kin heca makagapi, Ikcewicaştawowicawakiyake kte cin heon.

12 Qa he etanhan hena taku on iyotanhan iyewakiya; tuka

imaštece şni. Tuwe wacinwakiye cin he sdonwakiye ça, taku ehna ke waşi kin hena anpetu wan u kte cin hehanyan miciyuha okihi sdonwaya.

13 Wicoie on zaniyan unpi nahonciye ciqon, wowacinye, wowaste ko, Jesus Messiya en un kin he tinsa yuza wo.

14 Woniya Wakan unkcicipi un kin eciyatanhan, wicoňan waşte niçuپی qon he tanyan yuha wo.

15 Tona Asia en un kin owasin amayuştanpi kin he sdonwaya; Phugelloş qa Hermogenes he en opapi.

16 Onesiphoros tiyohnaka tawa kin Wakantanka onşikida nunwe; iye ota micanpte ça makaşkapi kin on ištece şni.

17 Qa Roma ekta hi qehan, nina omade qa iyemayan.

18 He anpetu kin he en Itancañ kin etanhan wowaonşida iyeye kta e Itancan okihikiya nunwe; Ephesos ekta taku tona on omakiye ciqon he tanyan sdonwaya.

WICOWOYAKE 2.

1 He etanhan, micinkşi, Jesus Messiya towaonşida kin he en wakişaka wo.

2 Qa miye etanhan taku nayahon, wicota yaotaninpi qon, hena wicaştawacinyepica, tona tokan onspewicakiya okihiپی kin, hena wicaqu wo.

3 Qa niye nakun Jesus Messiya taakicita waşte kin iyecen taku tehika en waditaka wo.

4 Tuwe ozuye econ kinhan, he taku wiconi kin de wicoňan kin en ihdupemni şni, tuwe taakici-taye cin he iyokipiye kte cin heon.

5 Qa tuwe ohiye wacin econ kinhan, qa wakiconzapi kin ecen

II. TIMOTHEOS.

econ šni kinhan, he watešdagki-
catonpi šni ece.

6 Wicašta wakicanye cin he
htani kinhan, iye tokaheya taku
icage cin etanhan yute kta.

7 Taku epe cin he awacin wo.
Qa Itancan kin taku owasin
okahnihniyan nunwe.

8 Wotanin wašte mitawa kin
eciyatanhan, Jesus Messiya, Da-
wid wicowazi tawa kin etanhan,
he wiconte etanhan ekicetuyapi
kin he kiksuya wo.

9 Qa iye on wicašta wabotice
cin iyecen kakišmayanpi, maka-
škapi kin he en; tuka Wakan-
tanka oie kin he kaškapi šni.

10 He etanhan tona wicaka-
linigapi qon hena on taku owa-
sin iyowinwaya, hena e wiconi
Jesus Messiya en. un kin he yu-
hapi kta, qa nakun owihanke
wanin wowitan kin.

11 Wicoie kin de wicakapi;
Iye kici unŋapi kinhan, nakun
kici unnipi kta;

12 Iye on unakijapi kinhan,
kici wicaštayatapi unyakonpi
kta. Qa unkiye eŋpeunyanpi
kinhan, iš eya eŋpeunyanpi kta.

13 Qa wacinunyanpi šni ešta,
iye wacinyepica un, ihduecinšni-
yan kta okihi šni ce.

14 Hena taku kin kiksuyewica-
ye ça, Itancan kin itokam, wi-
coie wawokihi šni, tona nahonpi
kin wicahnaye cin hena on aki-
nicapi kte šni e iwahokonwica-
kiya wo.

15 Wakantanka iyokipiyaye
kta, wicašta wakage cin ištece
kta iyecece šni kin heca e ni-
hdutanin kta, qa wowicake wi-
coie kin owotanna yapamni kta
e aičiciya wo.

16 Tuka iapi šica ecinšniyan
kin he nakicipa wo, he iyotan
wicošice ekta ical aye kta.

17 Unkan wicoie tawapi kin

šiyaka šica wan iyecen wai-
hangye kta; Yumeneos qa Phi-
letos hena hececapi;

18 Hena wowicake kin icunon-
pa iyayapi qa, Woekicetu kin
wanna yušanpi ce, eyapi, qa
heon wanjikji wacinyanpi kin
etanhan wicayahomni.

19 Hececa ešta, Wakantanka
ahemde tawa kin sutaya he ça
ipuspe kin de en un; Itancan
kin tona tawa wicaye cin hena
sdonwicakiya. Qa nakun, Tuwe
Messiya caje kin hoyekiye cin-
han, he woalitani ayušan kta
ce.

20 Tuka tipi tanka wanji ohna
mazaskazi, qa mazaska waksica
hecedan šni, nakun can, qa ma-
ka waksica ko yukan, hunh taku
wašte, qa hunh taku šica on yu-
hapi.

21 Hecen on, tuwe hena taku
kin etanhan itpakinte cinhan, he
waksica wašte kin heca kta, ece-
dan, qa Itancan kin wowinyunye
kta e iyokipi, qa wicohan wašte
owasin on yušanpi.

22 Koška cantihyapi šice cin
hena nakicipa wo; tuka wicoo-
wotanna, wowacinye, wacantki-
yapi, wookiye ko, henakiya tona
cante ecedan on Itancan ceki-
yapi kin hena om en opa wo.

23 Tuka wiwangapi okahnih-
pica šni ecinšniyan kin hena en
yeičiye šni wo, hena wicokicize
kaga e sdonyaya.

24 Unkan Itancan taokiye kin
he wicakis un kte šni; tuka
owasin en wahbayedan un kta,
waonspekiye ça, wawacinkta
yuza tanka kta:

25 Qa tona tokačiya unpi kin
hena iwahnana wahokonwica-
kiye kta, okinni Wakantanka
ihduecetupi wicagu kta, hecen
wowicake kin iyukanpi kta.

26 Qa hecen, tona Wakanšica

WICOWOYAKE 4.

tohan cin eca, wayaka awicahda ece kin hena mazahtakiyapi tawa kin etanhan ihdušpapi kta.

WICOWOYAKE 3.

1 He de sdonya wo, anpetu ihankeya kin en taku tehika e u kta.

2 Hehan wicašta kin wašteici-dapi kta, mazaska waštedakapi, wamnaiciđapi, wahanićidapi, hunkakeyapi kin anawicakigo-ptanpi šni, wapidapi šni, owotanpidan šni;

3 Cinca cantekiyapi šni, wope kicaksapi, waaiapi sa, iyatahde-iciyapi sa, ohitiićidapi, qa taku wašte śicedapi;

4 Wicahnayanpi sa, wacinkopi, watankaiciđapi, magagaićiyapi kin he iyotandapi, qa Wakan-tanka iyotandapi šni.

5 Wakantanka awacinpi kin wiyacinpi kin yuhapi, tuka wo-waške kin he wicadapi šni; toha hececapi kin hena etanhan ihdamna wo.

6 Hena hececapi kin tipi na-hmana tin ipi, qa winohinca wacintonpi šni, woahani hdušakapi, qa śicaya wacin yuzapi on icunonpa ayapi;

7 Ohinniyan waonspeicićiyapi keš wowicake sdonyapi kin ehan ipi okihipi šni kin wayaka awicayapi ece.

8 Unkan, Jannes qa Jambres hena Moses kici akinicapi qon he iyecen, dena is eya wowicake kin en ibotopi, wicašta tawacin śicapi, qa wacinyanpi kin ayuštanpi.

9 Tuka dena e sanpa iyoopta aye kte šni, witkotkopi ke cin owasin en tanin kta, hena e qe econpi qon iyecaca.

10 Tuka niye wowaonspekiye mitawa kin tanyan sdonyaya,

miohan kin, token mićiconze cin, wacinwaye cin, wawacin- kta mduza tanka kin, wacanwa- kiye cin, wahbayedan awape kin,

11 Tehiya makuwapi kin, makakije cin, tona mahiyahde kin, Antiyoka ekta, Ikoniyon ekta, Lustra ekta, hena śicaya makuwapi kin mahiyahde; unkan owasin etanhan Itancan kin emahdaku.

12 Qa tona Jesus Messiya en owotanna ohanyan cinpi kin hena owasin śicaya wacakuwapi kta.

13 Tuka wicašta śica, wicahnayanpi sa ko, hena sanpa śicapi kta, wicahnayanpi qa nakun hnayanpi kta.

14 Hececa tuka niye qe taku onnispe, qa wicayada kin hena en un wo, tokiya tanhan onnispe kin he sdonyaya.

15 Qa hoićksiyoqopa kin ehan-tanhan Wowapi wakan sdonyaya, he niniyan on ksamniye kta okihi, Jesus Messiya wacinyanpi kin eciyatanhan.

16 Wowapi wakan ocowasin Wakantanka Taniya kin eciyatanhan, qa waonspekiyapi, wiyo- peyapi, owotanna kagapi, qa wicohan wašte en onspewicakiye cin he okihi.

17 Hecen Wakantanka wicašta tawa kin ecedan un kta, qa wicohan wašte owasin on hduštanpi kta.

WICOWOYAKE 4.

1 Heon, Wakantanka itokam, qa Jesus Messiya Itancan kin, tona nipi tapi ko wicayaco kta, tohan wokiconze hduha hi kinhan, he nakun itokam wahokon- ciciya;

2 Wicoie kin oyaka wo, tohan

II. TIMOTHEOS.

oiyokipi, qa nakun oiyokipi šni ešta, handitaiciya, wo. Owotanna wicakage wacin, iyope-wicaya, wahokonwicakiya wo, woonspe qa wawacinkta yuzapi tanka kin on.

3 Anpetu wan u kte cin he tohan hi kinhan, woonspe wašte kin aktapi kte šni, tuka iye wicotawacin šice cin eciyatanhan waonspekiyapi kin awicakitapi kta, noge yašpuyapi se iyececa heon etanhan.

4 Qa nogepi kin wowicake kin etanhan hduhomnipi, qa hitunkakanpi kin ekta ihdoyapi kta.

5 Tuka niyeqe taku owasin en wakta yaun kta, wicokakije en waditaka wo; wotanin wašte oyakapi wicohan kin ecen econ wo; wicohan duhe cin he hduštan wo.

6 Wanna wamihdušna kta iye-micihantu, qa wahde kte cin he wanna kiyadan ihan.

7 Okicize wašte kin ecamon, woinyanke kin ihuniwakiya, waćinyanpi kin he hduha waun;

8 Qa tokata, woowotanna wašedake wan mihnakapi, he Itancan wayaco owotanna kin maqu kta, anpetu kin he en; qa miye mišnana šni, tuka tona iye taninićiye kte cin waštedakapi kin hena owasin koya.

9 Kohašna en mayahi kta nina aćiciya wo.

10 Demas he amayuštan, wiconi kin de waštedake ća Thessalonike ekta kihda, Kreskes Galatia ekta, qa Titos Dalmatia ekta.

11 Lukas kicišnana waun; Markos icu qa kici u wo, he iye wicohan kin de en omakiya ece.

12 Tucikos Ephesos ekta ye waši.

13 Yau kinhan, Troas ekta Karpos šina emicihnake waši qon he au wo, qa nakun wowapi kin hena, tahasaka owapi kin hena iyotan.

14 Aleksander mazazi kage cin he taku šica ota iyamaonpa; iye ohan kin on Itancan kin kicićajuju nunwe.

15 He on waktaya un wo; wicoie unyaotaninpi qon he nina kipajin.

16 Tokaheya wowahdake ciqon he ehan tuwedan micica šni, qa owasin inamatanpi, he wicakiciyawapi šni nunwe.

17 Tuka hececa ešta, Itancan kin mici inajin, qa wašagmaye, ća hecen miye on woyakapi kin tanyan sdonyapi kta, qa Ikcewicašta kin owasin nañonpi kta; qa mnaja i kin etanhan emahdakupi.

18 Nakun Itancan kin wicohan šica owasin etanhan emahdaku kta, qa wokiconze mañpiya ekta un kin he en nimaye kta. He iye wowitan owihanke wanin kiciun nunwe.

19 Priskila qa Akula napewicayuzo wo, qa nakun Onesiphoros tiyohnaka tawa kin.

20 Erastos Korinth ekta yanaka. Miletos ekta Trophimos wazanka eñpeya wahdicu.

21 Nahahin waniyetu šni u kte hinca wo. Yubulos nape niyuzo, qa nakun Pudens, qa Linos, qa Klauda, qa hunkawanjin kiciyapi kin owasin.

22 Jesus Messiya Itancan kin ninagi kici un nunwe. Wowaoñšida nicipi un nunwe. Amen.

PALOS

TITOS WOWAPI KICAGE CIN.

WICOWOYAKE 1.

1 Palos Wakantanka taokiye, qa Jesus Messiya yeši qon, tona Wakantanka wicakahiniga, wacinyanpi kte cin heon, qa wowicake wicohan wašte en un kin sdonyapi kte cin heon;

2 Qa owihanke wanin wiconi opapi kte cin, Wakantanka iton-šni okitpani, maka kagapi kin itokam iwahounyanpi qon he on;

3 Tuka wanna iyehantu qehan, eyanpahapi kin on oie kin hdaotanin, he miye maqupi, Wakantanka Wanikiya unkitawapi kin he eciyatanhan;

4 Titos, witaya wacinyanpi kin he eciyatanhan cinksiwaye cin; Wowaste, wowaonsida, wookiye ko, Wakantanka Ateyapi kin etanhan, qa Jesus Messiya Itancan Wanikiya unhapi kin eciyatanhan kiciun nunwe.

5 He etanhan Krete en yanke ciši, taku tona yušanpi šni kin hena wiyeya eyahnake kta, qa otowwe otioyohi en hunkayapi wicayakage kta e on; token econ ciši qon iyececa.

6 Tuwe iyaonpepica šni kinhan, wicašta tawicu wanjidan, qa cinca wacinyanpi wicahduhe cin, wicakis unpi ewicakiyapi qa wanahonpi šni kin hececapi šni:

7 Waawanhdake cin he takudan iyaonpepica šni un kta, he Wakantanka taokiye kin ee; isnana wacin en ihduze šni, wa-

cinko šni, miniša en iyeiciye šni, ohitiiciida šni, qa mazaska nina akite kte šni;

8 Tuka oicimani kin onšiwicada kta, qa taku wašte kin waštedake kta, wacin ksapa un kta, qa owotanna, wacantkiya, qa iyatahdeiciye šni un kta;

9 Qa token onspekiyapi qon he iyecen wicoie oyakapi kin sutaya hduhe kta, hecen woonspecedan kin on wahokonwicakiya okihi kta, qa tona kipajiničiyapi kin hena iyopewicaye kta.

10 Wicašta wicaštapi šni, qa witkoya iapi, qa wicahnayanpi kin heca ota, tona bakihdayapi etanhanpi kin hena iyotanpi.

11 Hena iohmus wicayapi kta iyececa; hena e qe tiyohnaka ocowasin yaptanyan iyewicayapi, qa mazaska walitešni kin on taku iyecetu šni kin onspewicakiyapi ece.

12 Iyepi kin etanhan waayate wan heye ciqon; Krete oyate kin ohinniyan itonpišni, wamanica ocinšice cin, qa wicatezi kuja kin hecapi ce.

13 Wayaotanin kin he wowicake. He etanhan nina iyopecawicaya wo, hecen wacinyanpi kin en ecedan unpi kta:

14 Qa hecen Juda oyate hitunkakanpi yuhapi kin, qa wicašta akantu woope kagapi kin wowicake kašeye cin hena awacinpi kte šni.

15 Tona ecedan unpi kin hena taku owasin ecedan yuhapi, qa tona ašapapi qa wicadapi šni kin

hena taku ecedan kin takudan yuhapi śni, tuka tawacinpi nagipi ko hena ee kaeś aśapapi.

16 Hena is Wakantanka sdon-yapi keyapi, tuka wicoħan on aktapi śni, walitepi śni, wanahonpi śni, qa wicoħan wašte owasin en wacintonpi śni.

WICOWOYAKE 2.

1 Tuka niye qe taku woonspe ecedan en iyokipi kin hena ecen oie ya wo.

2 Wicašta tankapi kin hena waktaya unpi kta, mdesahan wacin ksamya unpi kta, wacinyanpi, wacantkiyapi, wacintankapi ko en ecedan unpi kta.

3 Qa winohinca tankapi kin is eya winohinca wašte iyecen ohanyanpi kta, waaiapi kte śni, miniša ota en iyeiċiyapi kte śni, qa taku wašte onspe wicakiyapi kta :

4 Hecen wikoška kin ksamwicayapi kta, wicašta yuhapi cinca ko wašte wicakidapi kta ;

5 Wacin ksapapi kta, ecepidan, tipi awanhdakapi kta, wašteya unpi kta, hihnakupi kin anawicakigoptanpi kta ; hecen Wakantanka oie kin yaśicapi kte śni.

6 Koška kin is nakun wacin ksapapi kte cin iwahokonwicakia wo.

7 Qa taku owasin on wicoħan wašte kin en waonspekiya nihdutanin kta ; woonspe kin en wayuśice śni, wacinksapa, owotanna ;

8 Qa iapi ecedan qa iyaonpepica śni kin he nun kta ; hecen tuwe itkopatanhan un kinhan, he ištece kta, taku śica takudan aniie kta okihi śni kin heon.

9 Tona wowidake un kin hena itancan wicayuhapi kin anawi-

cakigoptanpi kta, qa taku owasin wakinicapi wanin iyokipi wicayapi kta ;

10 Takudan nahmana icupi śni, qa wacinyanpi wašte ocowasin en ihdutaninpi kta. Hecen taku owasin on, Wakantanka Wani-kiya unhapi kin tawoonspe kin he tanyan yuhapi kta.

11 Wakantanka towaonśida wicašta owasin wiconi wicakahi kin he wanna tanin ;

12 Wakantanka aktapi śni, qa wicoicage cantiheyapi kin hena ehpeunyanpi kta, qa nakaha wiconi kin en, wacinksamya, owotanna, wakanyan unnipi kta e onspeunkiyapi.

13 Qa wacinyanpi wašte ape unyakonpi kta, Wakantanka iyo-tan tanka, qa Jesus Messiya Wani-kiya unhapi kin he wowitan hduha taniniċiye kte cin hee.

14 He unkiyepi on iċiċu, woahtani owasin etanhan opeunkitonpi kta, qa oyate tawawicaye kte cin wicoħan wašte nina ħin akitapi kte cin hena wicahduska kta e heon.

15 Hena wicoie kin hecen oie ye ċa, wahokonwicakiye ċa iyo-pewicaya wo. Ihnuhan tuwe śicenidake cinhan.

WICOWOYAKE 3.

1 He kiksuyewicaya wo, taku itancanpi qa wicowaśake kin hena ihukun iyeiċiyapi kta, wicaštayatapi kin anawicagoptanpi kta, qa wicoħan wašte owasin econpi kta, on wiyeya yukanpi kta.

2 Tuwedan yaśicapi kte śni, qa wicakizapi kte śni, tuka walibayedan unpi, qa wicašta owasin on wacin tankapi kta.

3 Ehanna unkiś eya wacin un-tonpi śni, qa waanaungoptanpi-

PHILEMON.

śni, unhnayanpi, qa cantiheyapi śica ota, qa iyokipiiciyapi kin en wowidake unyakonpi, wocanniyey, icekinpi ko en unnipi, wahte śni unyakonpi, qa otoiyo hi śiceunkicidakapi.

4 Tuka hehan Wakantanka Wanikiya unkitawapi kin he towašte, qa wacantkiye cin wicašta kin en yutaninpi qehan;

5 Wicoħan owotanna econkupi kin eciyatanhan śni, tuka iye towaonśida kin eciyatanhan niunyanpi; teca wicatonpi woyujaja kin on, qa Woniya Wakan wicayuteca kin heon etanhan;

6 He Jesus Messiya Wanikiya unkitawapi kin eciyatanhan iyakiçuya unkakaştanpi kin.

7 Hecen iye towaonśida kin on etanhan unyaowotanpidan kinhan, wiconi owihanke wanica unkapepi kin eciyatanhan, taku iye tawa kin he tawaunyanpi kta.

8 Iapi kin he wowicake; qa heon hena taku kin ohinniyan yasutaya iyae kta wacin; tona Wakantanka wicadapi kin hena wicoħan wašte wacin ksamya opapi kta. Hena taku wašte, qa wicašta kin en wawokihi.

9 Tuka witkoya wiwangapi, qa

wicoicage oyakapi, qa wawakipajinpi, qa woope akinicapi kin hena okamnayan ya wo; hena takudan okihi śni qa ecinśniyan un.

10 Wicašta waakinica un kin he wancadan, qa inonpa iyoepiyapi kin, ihakamya heyata iyeya wo.

11 Tuwe hecece cinhan, he wanna yuptanyanpi, qa woħtani econ, qa iye atayedan ihdaco kin he sdonyaya.

12 Tohan niye ekta Artemas, qa is Tucikos ye waśi kinhan, kohanna Nikopolis ekta en mahi kte ħinca wo; hen waniyetu waun kta miçiconza.

13 Zenas woope aie kiyapi kin he, qa Apollos icimani ipi kinhan, takudan icakije śni tanyan iyoopte ya yewicakiya wo.

14 Qa tona unkicicapi kin hena wicoħan wašte aiçiciya econpi kta, wicakijapi kin owicakiyapi kta, qa hecen waskuyeca icahye śni yukanpi kte śni.

15 Tona micicapi kin hena owasin nape niyuzapi. Tona wacinyanpi kin eciyatanhan wašteundakapi kin hena nape wicayuz wo. Wowaoñśida niyepi owasin en nicipi un nunwe. Amen.

PALOS

PHILEMON WOWAPI KICAGE CIN.

1 Palos, Jesus Messiya on, kaśka ħnakapi kin he, qa Timotheos sunkaunyanpi kici, Philemon wašte unkidapi qa ounkiyapi ece kin,

2 Qa nakun Apphia wašteundakapi kin, Arcippos kici ama-

kicita kin he kici, qa yati ohna okodakiciye kin, *witaya wowapi unnicagapi*:

3 Wowaoñśida, wookiye ko, Wakantanka Ateunyanpi, qa Jesus Messiya Itancan kin etanhan, nicipi un nunwe.

PHILEMON.

4 Wocekiye epa eca, ohinni-
yan ciksuye ça, on Wakantanka
wopida ewakiya ece :

5 Jesus Itancan kin wacinya-
ye ça wašte yadaka, nakun tona
owotanna un kin owasin, he na-
wahon kin heon ;

6 Hecen wacinyaye cin owi-
cayaqu kin he sanpa waśaka aye
kta, on taku wašte owasin. Jesus
Messiya eciyatanhan, unkiyepi
en un kin he yutaninpi kta.

7 Mihunkawanji, wacanyakiye
cin heon nina unkiyuśkinpi, qa
unkicanptapi, tona owotanna un
kin hena cantepi kin iyuśkinwi-
cayaye cin heon etanhan.

8 Qa heon taku iyokipi kin
Messiya en itancanyan econ ciśi
kta owakihi :

9 Tuka wacantkiyapi kin eci-
yatanhan ceciciya ce, Palos he
miye, wanna wimacahinca, qa
nakaha Jesus Messiya on kaśka
mahnakapi waun.

10 Hecen Onesimos micinkśi,
makaśkapi kin icunhan micinca
wakage cin hee on ceciciya.

11 He ehanna takudan nicamna
śni, tuka nakaha miye omakiye
ça nakun niye oniciya okihi.
He nakaha hde waśi.

12 Niye he iyowinkiya wo, mi-
nagi kin hee kaes iyececa.

13 He yuha waun kta wacin,
wotanin wašte kin on etanhan
makaśkapi icunhan niye eekiya
omakiye kte cin heon.

14 Tuka token yacin kin sdon-
ye śni waun takudan ecamon
kte śni ; taku wašte econ niśipi
kin he iyecen ecanon kte śni,
tuka niye cinka econ wacani kta
he wacin.

15 He iye anpetu tonana ani-

yuśtan, ake ohinniyan yahduhe
kta heon etanhan hecon na-
ceca.

16 Wanna wowidake unpi kin
iyecece śni, tuka wowidake
kin ikapeya wašte, hunkawan-
jinkiciyapi waštekidapi kin iye-
cen ; miś hecen wacin wakiyuze
cin, niye iyotan hecen wacin ya-
kiduze kta, wicacehpi qa Itan-
can kin nakun eciyatanhan hun-
kawanjinyaye kta.

17 Kodayapi iyecen mayaduha
hecinhan, he miye iyecen ake
ehdaku wo.

18 Taku icakiśniye ça, taku
iyohiniciyiye śni hecinhan, he
miciyawa wo.

19 Palos he miye, minape kin
on de owawa, he miye wakajuju
kta. Qa taku miyecicajuju śni,
niye atayedan ocowasin yaun
kin he caje mdate śni.

20 Han, mihunkawanji, Itan-
can kin en niye an imduśkin
kta ; Itancan kin en micante kin
iyuśkinmayan wo.

21 Waanayagoptan kta imdu-
kean, heon wowapi cicaga ; qa
epe cin sam iyeya ecanon kta
sdonwaya.

22 Tipi tukten manke kte cin
he nakun wiyeya emicihnaka
wo ; wocekiye ehapi kin on
etanhan niyepi on makiyuśkapi
kta epca waun.

23 Epaphras, Jesus Messiya on,
kici makaśkapi kin he nape ni-
yuza ;

24 Qa Markos, Aristarkos, De-
mas, qa Lukas miciihtanipi kin
hena nakun.

25 Jesus Messiya Itancan un-
kiyapi towaonśida kin ninagi kin
kici un nunwe. Amen.

PALOS

HEBREW OYATE

WOWAPI WICAKICAGE CIN.

WICOWOYAKE 1.

1 Ehanna, Wakantanka toktog-ye, otakiya wicašta wokcan kin eciyatanhan hunkake wicunyan-pi kin wowicakiyake ciqon, he, anpetu ehake kin dena icunhan, iye Cinhintku kin eciyatanhan wounkiyakapi;

2 He on woicage kin owasin kage ça, he taku owasin tawaye kta e ehde:

3 He iye towitan okitanin, qa ouncage okagapi hince cin hee, iye towaśake oie kin on taku owasin hduha yanka, he is iye eciyatanhan waunhtanipi wopakinte kage çehan, Taku iyotan tanka wankan yanke cin he etap-kin en kiyotanka.

4 He iye caje wan małpiya ohnihde kin isanpa wašte aihpe-yapi qa yuhe cin, he iyecen sam iyeya wašte.

5 Micinksi kin he niye, anpetu kin de cinca cicaga ce, małpiya ohnihde kin tukte wanji eciya he. Qa ake, He atemaye kta, qa miye cinksiwaye kta ce.

6 Unkan, tokapa kin he wicoi-cage kin ekta hiyuye çehan hecen eya, Wakantanka ohnihde wicaye cin owasin he itokam canpeška makehde enajin kta ce.

7 Qa małpiya ohnihde kin hena on kaken eya, He tateyanpa kin ohnihdeye ça, peta ide kin w-widakeya ece.

8 Tuka Cinhintku kin heciya,

Wakantanka, oiyotanke nitawa kin he owihanke wanica; nito-kiconze mazasagye kin he maza-sagye owotanna;

9 Woowotanna wašteyadake cin heon Wakantanka, nita Wakantanka kin, tona nitawaši kin hena isanpa wowiYuškin wiłdi on sdaniyan ce.

10 Qa, Itancan, otokahe ekta maka ahe cin eyahde, qa ninape kage cin małpiya kin hee;

11 Hena yutakuni šni aye kta, tuka niye ecen yaun; owasin onhołda wan iyecen kuke kta;

12 Qa šina wan iyecen pehan eyahnake ça, hecen yutokecapi kta; tuka niye okonniwanjidan, qa waniyetu nitawa kin owi-hanke kte šni ce.

13 Tuka ohnihdewicaye cin tukte wanji e, Mietapa kin en iyo-tanka wo, tona toka niyanpi kin hena nisiha woahke kin en ewica-wahnake kta ce, eciya he.

14 Hena owasin taku wakan wawokiya, tona wiconi aihpewi-cayapi, qa tawapi kte cin hena owicakiyapi kta e u wicašipi qon hena eepi šni he.

WICOWOYAKE 2.

1 Heon etanhan taku naun-ħonpi kin hena tohinni unkiku-sepi kte šni e on sutaya awaun-cinpi kta.

2 Wicoie małpiya ohnihde oyakapi qon he suta, qa tona anagoptan šni, qa he kašeye cin

hena owasin iyacinyan woyaco owotanna icupi hecinhan ;

3 Unkiye wiconi hinsko tanka kin unkaktapi šni kinhan, token naunpapi kta he. He tokaheya Itancan kin oyake ça, tona nahonpi kin hena atayedan unkoki-yakapi :

4 Wakantanka is eya, iye tawacin kin eciyatanhan, wicakiciyaotanin, wowapetokeca taku on yušinyewicaye cin hena ko, wašagya econpi ota, qa Woniya Wakan wicakipamni kin hena on etanhan.

5 Wicoicage u kte cin cajeunyatapi kin he małpiya ohnihde kin yuhewicakiye šni.

6 Tuka wanji tukten yaotanin qa heya, Wicašta kin he taku he, on yeksuye kta he ; qa wicašta cinhintku kin, hecen awanyahdaka he :

7 Małpiya ohnihde kin kitanna ihukuya yakage ça, wowitan, woyuonihan ko watešdake yecaton, qa taku nape on yakage cin hena yuheyakiya :

8 Qa iye siha kin ihukuya taku owasin eyahnaka. Taku owasin iye ihukuya ehna ke cin, hecen taku ihukuya ehna kapi šni kin takudan okapte šni. Tuka nakaha nahahin taku owasin ihukuya ehna kapi kin wanunyakapi šni.

9 Tuka Jesus wiconte kakijapi kin on, małpiya ohnihde kin kitanna ihukuya kagapi kin he wowitan, woyuonihan ko watešdag kiton kin he wanunyakapi, hecen iye, Wakantanka towaonšida kin eciyatanhan, wicašta kin owasin on wiconte sdonye kta.

10 Tuwe iye tan tanhan taku owasin un, qa iye on-taku owasin un kin he cinca ota wowitan ekta wicahdoye kte cin on, wi-

coni tawapi kte cin mdetahunka kin he wokakije on ecedan kage kta e iyokipi.

11 Hecen tuwe wicayuecedan, qa tona yuecepidan kin hena owasin okonwanjipidan ; heon etanhan hena hunkawanjin wicakiya kewicakiye kta ištece šni ;

12 Qa hecen eya, Nicaje kin mihunkawanji owicawakiyake kta, qa okodakiciye kin cokata icidowan kta ce.

13 Qa ake, He wacinwaye kta ce. Qa ake, Iho, miye, qa cinca Wakantanka maqu kin hena.

14 Cinca kin hena wicacelipi, qa wicawe kin en opapi kin heon is iye hena en opa ; hecen tuwe wiconte wowašake yuhe cin, Wakanšica hee, e ihangye kta ;

15 Qa tona tohanyan ni unpi kin hehanyan wiconte ikopapi kin on wowidake unpi kin hena ewicahdaku kta.

16 Awicakehan małpiya ohnihde kin he koyake šni, tuka Abraham cinca kin hecen ihduza.

17 Heon etanhan taku owasin en, iye hunawanjinwicaye cin iyecen ikicage kte cin he hecetu ; hecen taku Wakantanka tawa kin en, Wawayušna Itancan waonšida, qa wicake kta, qa oyate wahtanipi kin on wookiye wicakicage kta.

18 Iye, iyutanyanpi kin on, atayedan kakije cin, heon etanhan tona iyutanwicayapi kin hena ewicahdaku kta okihi.

WICOWOYAKE 3.

1 Heon, mihunkawanji wakan, małpiya tanhan wicakico kin en oyapapi kin, wounhdakapi kin on Jesus Messiya yešipi qa Wa-

WICOWOYAKE 4.

wayuśna Itancan kin he awacin po.

2 Moses tipi ocowasin ohna owotanna un kin, he iyecen iye qe tuwe econ śi qon owotanna ecakicon.

3 Tuwe ticage cin he tipi kin sam iyeya yuonihanpi ece kin, he iyecen he qe Moses kapeya wowitan tanka yuha.

4 Tipi otoiyohi tuwe kaga; tuka tuwe taku owasin kage cin he Wakantanka ee.

5 Moses wowidake un kin heca, tipi tawa ocowasin ohna wacinyepica un, taku oyakapi kte cin hena yaotanin kte cin heon.

6 Tuka Messiya, iye ti kin ocowasin ohna, Cinhintkuyapi kin iyececa; tipi tawa kin he unkiyepi, waditagya wounhdakapi, qa wowiyuśkinyan wacinunyanpi kin he owihanketa ŋinsa unhapi kinhan.

7 Heon etanhan, Woniya Wakan kin kaken eya, Anpe dehan iye ho kin nayañonpi kta hecinhan;

8 Cante ihdutehipi śni po, hepuza en, anpetu wawiyutanyan un kin en, wawakipajinpi qon iyecen;

9 Nihunkakepi iyutanmayanpi, qa mayukcanpi, qa waniyetu wikcemna topa hehanyan miohan kin wanyakapi ce.

10 Heon etanhan wicoicage kin he on iyomayake ca, hepa, Cantepi kin ekta ohinniyan nunipi, qa mitacanku kin sdonyapi śni ce.

11 Hecen śinwahda qa, Okihpapi mitawa kin en yapi kte śni ce, eya wakonza.

12 Mihunkawanji, wakta po, oki ni cante wicada śni, qa śice cin en niunpi, on Wakantanka ni un kin aduśtanpi kta.

13 Tuka anpetu otoiyohi waho-konkiciciya po, anpe dehan eyapi kin hehanyan; okinni woahtani wohneye kin on wanji tunkte niyutehipi kta.

14 Tokaheya wicaundapi kin he owihanketa sutaya unhapi kinhan, Messiya en ounpapi.

15 Anpe dehan, iye ho kin nayañonpi kinhan, cante hdutehipi śni po, wawakipajinpi qon en iyececa ce, eyapi kin hehanyan.

16 Tona nañonpi qon hena kipajinpi he: tuka Moses tona Egipta etanhan awicau qon hena owasin śni he.

17 Tona waniyetu wikcemna topa hehanyan iyoyakeyapi qon hena tuwepi he; tona wahtanipi, qa hepuza en tancan ihpayapi qon hena eepi śni he.

18 Qa okihpapi tawa kin en yapi kte śni, konza kewicakiye ciqon hena tuwepi he; tona wicadapi śni qon hena eepi śni he.

19 Hecen wicadapi śni kin heon en yapi kta okihipi śni e wanunyakapi.

WICOWOYAKE 4.

1 Hecen okihpapi kin de en unkopapi kta e iwahounyanpi kin, heon niyepi kin wanjikśi iyoyahipi kte śni se ececa e ikounpapi kta.

2 Wotanin wašte kin unkokiyakapi, is iyepi kin iyececa; tuka wicoie nañonpi qon he owicakiye śni, tona nañonpi kin wowacinye icicahiyapi śni kin heon etanhan.

3 Tuka tona wicaundapi kin okihpapi kin en ounpapi kta; heye ciqon iyececa; Śinwahda on okihpapi mitawa kin en opapi kte śni ce, epa ce; maka icage cin hehantanhan wicohan kin yuśtanpi tuka.

4 Tukten anpetu isakowin kin he ke ça hecen eya, Anpetu isakowin kin he Wakantanka okilpa, taku kage cin owasin etanhan.

5 Qa hen ake, Okilpapi mitawa kin en opapi kte sni.

6 Heon etanhan, hunh en opapi kte cin he tokata ihan, qa tona tokaheya wotatin washte owicakiyakapi qon hena wicadapi sni kin heon en opapi sni.

7 Ake anpetu wan ke ça Dawid en heya, Anpe dehan, iye ho kin nayaonpi kinhan, cante hdutehipi sni po.

8 Josuwa okilpe wicakiya unkané, he iyohakam anpetu tokeca caje yate kte sni tuka.

9 Hecen Wakantanka taoyate kin okilpapi wan wicakicihan.

10 Tuwe okilpapi en ope cin he wanna tohtani kin ayuстан, Wakantanka iye tawa ayuстан qon iyececa.

11 Heon etanhan wookilpe kin he en unkopapi kta e amniheunkiciyapi kta, okinni wicadapi sni qon he iyecen tuwe ilpaye kta naceca.

12 Wakantanka oie kin he ni un, wawokihi, qa mazasagye anog ope kin he isanpa pe hinca, wicanagi, wicaniya kici iyotahe-dan capa iyaye ça, okihepi cupe ko kicakse ça, wicotawacin wicacante wacin yuze cin hena koya iyukean ece.

13 Qa taku kagapi kin takudan iye ista kin en anahbepica sni; tuwe oicazo unqupi kin he ista kin en taku owasin tancodan qa sdayehnahan yanka.

14 Heon Wawayusna Itancan tanka wan, Jesus Wakantanka Cinhintku, malipiya kin ekta iyaye cin hee unhapi kin heon wounhdakapi kin he sutaya unhduzapi kta.

15 Wawayusna itancan kin, unkiye unkakijapi kin en unkiçanptapi kta okihi sni kin heca unhapi sni, tuka iye taku owasin on iyutanyanpi, unkiye iyeuncecap, tuka woahitani codan un.

16 Heon etanhan wowaste oiyotanke kin en waditagya un-kupi kta, hecen wowaonsida un-kicupi kta, qa tohan uncinpi eca wowaste wawokihi kin iyeunyanpi ece e kta.

WICOWOYAKE 5.

1 Wawayusna itancan otoiyo-hi, wicasta etanhan icupi kin, he Wakantanka taku tawa kin en, wicasta on etanhan ehdepi, taku kiciçupi, woahitani on wošnapi kin hena ko wayusna kta e heon.

2 Tona onspepi sni, qa canku icunom yapi kin hena onsiwicada kta okihi, is iye wookihi sni aohduteyapi nakaeé.

3 Qa heon oyate kin on wošna ece kin, he iyecen is iye woahitani econ kin on taku wayusna ece kta.

4 Qa tuwedan iye cinka w-witan kin de icu sni, tuka, Aaron iyecen, Wakantanka tuwe kico kin hecedan.

5 He iyecen, Messiya is eya Wawayusna itancan kta e ihdu-tan sni; tuka tuwe, Micinksi kin he niye, anpe dehan cinca cicaga ce, eciye ciqon hee hecon.

6 Qa nakun tokan en kaken eya; Melkizedek ouncage kin iyecen Wawayusna owihanke sni kin henica ce.

7 He qe anpetu wicacehi en un qehan, wocekiye, wokidapi ko eye ça, ista mnigaga nina hoyekiyé ça, tuwe wiconte etanhan ehdaku kta okihi kin he ce-

kiye ça, kokiپeyahan un kin, heon nahonpi.

8 Qa Cinhintku kin hee kaeş, taku token kakije cin on woanagoptan onspeiciciya.

9 Qa iye yuştanpi kin heon tona anagoptanpi kin owasin owihanke wanin wiconi kin wicakicaga.

10 Melkizedek ouncage kin iyecen, Wawayuşna Itancan, Wakantanka keciye cin.

11 Wicaşta kin he on taku ota unkoniciyakapi kta, tuka oyakapi tehika, wanaon yahunkapi şni nakaes.

12 Hinnakaha waonspekiya henicapi kta, tuka nahahin tuwe Wakantanka oie oowa tokaheya kin hena akta onspeniciyapi kta e iyenihantupi, qa tona asanpi ece cinpi, qa waconica yun okihipi şni kin hee en iyoniptapi.

13 Tuwe kaşta asanpi ece yute cinhan, he wicoowotanna wicoie kin en wayupike şni, nahahin hokşioqopa nakaes.

14 Tuka tona tankapi, qa wana taku utapi on tanyan ihduştanpi, taku waşte, taku şica ko iyukcanpi kin, hena waconica yutapi ece.

WICOWOYAKE 6.

1 Heon etanhan Messiya wonspe tokaheya tawa kin he hekta ehpeunkiyapi, qa woyuştan ekta unyanpi kta; wiconte wicohan on iyopeiciyapi, qa Wakantanka wacinyanpi kin taku ahe cin akta eunhdepi kte şni;

2 Baptem eyapi woonspe kin, qa nape on awicaputakapi, qa wicate cin ekiçetuwicayapi, qa woyaco owihanke wanice cin hena koya.

3 Unkan Wakantanka iyowin-

unkiyapi kinhan, hecen econkupi kta.

4 Tona wancadan iyoyanpapi, qa mahpiya tanhan taku wicaqupi kin he utapi, qa Woniya Wakan kin etanhan okinipi;

5 Qa Wakantanka oie waşte kin he utapi, wiconi u kte cin wowaşake kin nakun;

6 Hena ayuştanpi hecinhan, ake piya iyopeiciye wicakiyapi kte cin he okihipica şni; iye atayedan Wakantanka Cinhintku can susbeca en piya okatanpi, qa taninyan wowiştenyapi kin heon etanhan.

7 Maka kin ota amagaju kin he yuhepe ça, tona kicanyanpi kin hena on taku peji iyecetuya aicage cin he Wakantanka yuwaşte.

8 Tuka taku takanheca hu, qa wapepeka aicage cin he ehpeyapi, qa yaşicapi kte cin kiyadan ihan, he owihanketa huşnaga kta.

9 Tuka, waşteciçidapi kin, hena hecen unkeyapi eşt, niyepi kin on taku sanpa waşte qa wiconi en ope cin hena en niunpi e sdonunyanpi.

10 Wakantanka owotanna, qa heon wicohtani, qa wowaşte wokicanye nitawapi, iye caje kin on ecanonpi, tona owotanna un owicayakiyapi, qa nahahin owicakiya dukanpi kin he aki-tonje kte şni.

11 Unkan niyepi otoiyohi owihanketa, woape woyuştan kte cin hehanyan iyecen amniheniciyapi kta uncinpi.

12 Qa nikujapi kte şni, tuka tona wicadapi, qa wacintankapi on, taku iwahowicayapi qon wanna yuhapi kin, hena owicayapapi kta.

13 Wakantanka Abraham taku iwahoye çehan, taku sanpa tan-

ka cajeyate kta wanica, heon iye atayedan cajeihdata ;

14 Qa heya, Awicakehan wo-wašte on ciyawašte kta, qa yuotapi kin on yuotaciye kta ce.

15 Unkan wahbayedan ape yanke cin he iyohakam taku iwahoyapi qon ekicicetu.

16 Wicašta akantu taku iyotan tanka cajeyatapi ece ; qa wokonze woyusuta kte cin he waakinicapi owasin en woanapte kin hee.

17 He en, Wakantanka, tona taku iwahoyapi qon tawapi kte cin hena en, iye tawacin yuhohopica šni kin he iyotan sdoneyewicakiye kta cin, qa heon wokonze on hdusuta.

18 Heon taku nom yutokecapica šni, en Wakantanka itonšni okihipica šni kin hena taku kin on etanhan, tona woape unkitokam ehdepi kin en onaunpapi kin wicakicanpte wan waška unhapi kta.

19 He unhapi, wicanagi taku on aspeičiya, wicakapi qa suta kin hee, taku tipi cokaya hnakapi kin mahen tanhan un kin he en aspeičiya.

20 Heciya Jesus kahin tokam ye cin unkiyepi on timahen iya-ya, he Melkizedek ouncage kin iyecen Wawayušna Itancan kin heca kagapi.

WICOWOYAKE 7.

1 Melkizedek, Salem Wicaštayatapi, qa Wawayušna Wakan-tanka Iyotan wankantu kin he tawa, hee, Abraham, wicaštayatapi wicakaštake cin, etanhan hdicu kin he itkokipe ça yawašte.

2 Unkan Abraham taku owasin etanhan iwikcemna kin he qu. Wicašta kin he tokaheya caje

oyakapi kin on, Woowotanna wicaštayatapi kin hee, qa hehan, Salem wicaštayatapi kin, he Wookiye wicaštayatapi kin hee.

3 Atkuku wanica, hunku wanica, qa wicoicage oyakapi kin wanica, anpetu tokaheya wanice ça wiconi owihanke wanica, Wakantanka Cinhintku kin iye-cen icaliyapi, qa Wawayušna ohinniyan yanka.

4 Wicašta tanka kin de wan-yaka po, Abraham, hunkakeyapi un kin hee kaeš, taku iwakte ahdi kin etanhan iwikcemna kin he qu.

5 Tona Lewi cinca kin etanhanpi, wošnapi wicohan yuhapi kin hena, wicoope kin eciyatanhan iye hunkawanj itkupi oyate kin etanhan taku icupi kta e iwahowicayapi ; hena Abraham nite kin etanhan inanpapi tuka heconpi.

6 Tuka tuwe hena etanhan wicoicage hdawa šni kin he Abraham etanhan taku iwikcemna kin icu, qa wahoyapi kin yuhe ciquon he yawašte.

7 Unkan he de akinicapi šni, tuwe ihukuya un kin he iyotan wašte kin on yawaštepi ece.

8 Qa deciya wicašta tapi kte cin hena taku iwikcemna kin icupi ece ; tuka heciya, he ni un e yaotaninpi.

9 Unkan he de heyepica ; Lewi taku iwikcemna kin icu ece kin, he is eya Abraham eciyatanhan taku iwikcemna kin wicaqu ;

10 Melkizedek itkokipe cehan he nahahin atkuku nite kin mahen un.

11 Heon etanhan, Lewi wošnapi wicohan yuhe cin eciyatanhan woyušan en au unkanš ; he en oyate kin wicoope yuhapi ; tokiyatanhan wawayušna

WICOWOYAKE 8.

tokeca wan icage kta, Melkizedek ouncage kin eciyatanhan, qa Aaron ouncage kin eciyatanhan caje yatapi kte šni he.

12 Wošnapí wicohan kin he yutokecapi kinhan, heon etanhan wicoope kin nakun yutokecapi kta.

13 Qa tuwe on hena hecen eyapi qon he wicoun tokeca etanhan inanpa; he etanhan tuwedan wahna wošnapí kin ekta ohanye šni.

14 Itancan unkitawapi kin he Juda wicoun kin etanhan icaga e sdonunyanpi; qa wicoun kin he wošnapí kagapi kta e Moses takudan eye šni.

15 Qa de iyotan atandin, Melkizedek ouncagekin iyecen, Wawayušna tokeca wan icage kta;

16 He wicacehpi wicoie woope kin eciyatanhan šni, tuka wiconi owihanke wanica wowašake kin eciyatanhan icahyapi.

17 Melkizedek ouncage kin iyecen, Wawayušna ohinniyan nanka ce, eya yaotandinpi qon.

18 Unkan nakun woahope tokaheya ye cin he yutokan iyeyapi, wašake šni qa taku okihipica šni kin heon etanhan.

19 Woope kin he takudan yušan šni, tuka wowacinye iyotan wašte kin he en au; qa heon Wakantanka kin en ikiyedan unkupi.

20 Iye wokonze oie kin codan wawayušna kin kagapi šni; dena e wokonze oie codan wawayušna wicakagapi;

21 Tuka he qe wokonze wicoie kin eciyatanhan; tuwe, Melkizedek ouncage kin iyecen Wawayušna ohinniyan nanka ce, Itancan kin heye ça iyopeiciye kte šni ce, eciye ciqon hee hecon.

22 He iyecen wicotakuye iyo-

tan wašte kin en Jesus wayu-ecetu wan kagapi.

23 Wiconte kin on, ohinniyan en un okitpanipi kin, heon hena wawayušna kin otapi.

24 Tuka he qe owihanke wanin yanke cin, heon wošnapí wicohan yutokecapica šni wan yuha.

25 Qa hecen tona iye eciyatanhan Wakantanka en upi kin hena owasin niwicaye kta okihi, hena wocekiye ewicakiciye kta e ohinniyan ni un kin heon.

26 Wawayušna Itancan kin hececa he iyounkipipi, wakan, iyaonpepica šni, wašape šni, qa wahtanipi sa wicicunonpa un, qa mahpiya kin sanpa wankan-tuya icahyapi.

27 He iye, wawayušna kin hena iyecen, anpetu iyohi, tokaheya iye wahtani kin on, qa hehan oyate wahtanipi kin on etanhan wošna kte cin he iyecece šni; wancadan hecon, iye atayedan waihdusna qon he ehan.

28 Woope kin he wicašta wašakapi šni kin hena wawayušna wicakaga ece; tuka wokonze wicoie kin, woope iyohakam un kin, he Cinhintkuyapi, owihanke wanin yawaštepi kin he kaga.

WICOWOYAKE 8.

1 Taku nakaha unkeyapi yuptahnakapi kin he dee; Wawayušna Itancan kin hececa unhapi, mahpiya ekta Otancanke oiyotanke etapa kin en kiyotanka;

2 Tipi wakan kin he, qa wakeya wicakapi kin, Itancan ticaga qa wicašta akantu econpi šni, kin he en ookiye kin hee.

3 Wawayušna otoiyo hi taku kicičupi, wošnapí ko wayušna kta e kagapi; heon wicašta kin

de is eya taku wayuśna hduhe kta e hecetu.

4 Maka akan un unkanś, Wawayuśna kin heca kte śni; wawayuśna woope kin eciyatanhan taku kicićupi kin wayuśnapi ece kin hena yukanpi kin heon.

5 Hena oowa, qa taku mahpiyata un kin ohanzi kin en oħan-yanpi ece; Moses wakeya qon kage kta hehan Wakantanka okiye a, Awacin wo, ħe kin ekta token wanyag niciyapi qon he iyecen owasin yakage kta ce, eciya.

6 Tuka nakaha iye wawoki-yapi iyotan wašte wan yuha, wicotakuye wašte ħinca, waho-yapi iyotan wašte kin en ahe cin he en wiciyotahedan un kin, heon etanhan.

7 Wicotakuye tokaheya kin he iyaonpepica śni unkanś, iyokihe kin he tuktedan kiyukanpi kte śni tuka.

8 Hena taku iyawicaonpe a heya, Wanyaka wo, anpetu kin u kta, hena en Israel tiyohnaka, qa Juda tipi kin wicotakuye teca wicawecage kta, Itancan kin eya:

9 Egiypta makoce kin etanhan awicawau kta e hena hunkake-wicayapi kin nape wicamduze ciqon anpetu kin he en, wicotakuye wicawecage ciqon he iyecece śni; wicotakuye mitawa kin he miciyuhapi śni; qa heon miś ihawicawakta śni ce, Itancan kin eya.

10 Anpetu kin hena iyohakam wicotakuye wicawecage kte cin he dee; Hena wicotawacin kin en mitoope kin wicawaqu kta, qa cantepi kin akan owawa kta, qa miye Wakantanka mayanpi kta, qa miś hena mitaoyate wicawaye kta;

11 Qa wicašta otoiyoħi tuwe

ikiyadan ti, qa otoiyoħi hunka-wanjitku kin onspewicakiyapi, qa, Itancan kin sdonya wo, eyapi kte śni; tuka owasin sdonmayanpi kta, wohakakta tankinkinyanpi ko:

12 Taku ecinśniyan econpi kin hena onśiwicawada kta, qa wahañanipi, wicoħan śica econpi ko, icimana wicaweciksuye kte śni ce, Itancan kin eya.

13 Taku teca ajeyate cin he tokaheya kin yutanina kin heon heya. Unkan taku tanina, qa takuni śni aye cin, he tanin śni iyaye kta kiyadan ihan.

WICOWOYAKE 9.

1 Hehan awicakehan tokaheya qon he en woohoda wicoħan kin yukan, qa nakun makata tipi wakan.

2 Wakeya wan kagapi, tokaheya kin he ohna petiñanjan ihupa, qa wahna wotapi, qa aguyapi taninyan eħnakapi kin, he tipi wakan eciyapi.

3 Qa ti cokahnakapi icinonpa mahen tanhan, he wakeya kin iyotan wakan eciyapi:

4 Hen mazaskazi oizinyapi kin, qa wicotakuye can koka kin akapatadhan owancaya mazaskazi akaħpeton, hee ohna mazaskazi cega manna ohnakapi kin, qa can sakadan Aaron tawa kin ħca aye ciqon, qa wicotakuye inyan mdaska kin hena.

5 Qa he iwankapadhan, wowan Cerubim wowaonśida ohe kin aohanziyapi; hena on nakaha atayedan taku unkeyapi kte śni.

6 Hena taku kin hecen yuñtanpi qehan, wawayuśnapi kin wakeya tokaheya kin en yapi, qa ohodapi wicoħan kin econpi ece.

7 Tuka icinonpa kin he en Wa-

wayuśna itancan kin ecedan, waniyetu otoiyo hi wancadan mahen i, qa we codan i śni, he iś iye atayedan on, qa oyate taku ecinsniyan econpi ko on en ai.

8 Heon Woniya Wakan kin hecen oyaka, Wakeya tokaheya kin nahāhin ecen he cin icunhan, tipi iyotan wakan kin ekta canku kin nahāhin yuotaninpi śni :

9 He ito kayehan wiyacinpi un, qa en taku wicaqupi wośnapi ko aipi, tuka hena e tuwe hecon kin nagi kin yuecedan kta okihi śni.

10 Hena e woyuecetu kte anpetu kin hehanyan, woyute, qa woyatke, qa woyujaja ota, econ wicaśipi kin.

11 Tuka Messiya, taku waśte u kte cin en, Wawayuśna Itancan ihdutanin, wakeya iyotan waśte qa yuśtanpi, nape on kagapi śni, wicoicage kin de etanhan śni, kin he ohna ;

12 Tatokadan qa ptejicadan we kin yuhe śni, tuka wopektontpi owihanke wanin kage ɕa, iye we kin hduha wancadan tipi iyotan wakan kin timahen iyaya.

13 Hecen tatanka qa tatokadan we kin, qa pte heyuktanna caħota amnimnipi kin, tona waaśape cin wicayuecedan, qa wicaceħpi yuska kta e okihi hecinhan ;

14 Sam iyeya Messiya, Woniya owihanke wanice cin eciyatanhan, Wakantanka en iyaonpepica śni waiħduśna qon, he iye we kin, wiconṭe wicoħan kin etanhan nagi nipakintapi kta, Wakantanka ni un kin wowidag niyanpi kte cin heon.

15 Qa heon etanhan, Wicotakuye Teca kin en Iyotahedan un kin he iye, hecen wicotakuye tokaheya ihukuya waħtanipi qon

hena kajuju kta e on ɤe cin, he eciyatanhan tona wicakico kin owihanke wanin taku tawapi kte cin iwahowicayapi qon he yuhapi kta.

16 Tukten wicotakuye wanji yukan hecinhan, hen wicotakuye kage cin he wanna ɤa e yutaninpi.

17 Taku ɤapi kin hena on wicotakuye wowapi kin suta ece ; tuka wicotakuye kage cin nahāhin ni un kinhan, he takudan okihi śni.

18 Unkan heon wicotakuye tokaheya qon he we codan yuecepidan śni.

19 Wooke kin eciyatanhan, Moses woahope kin owasin oyate kin owicakiyaka yaśtan qehan, ptejicadan, qa tatokadan we kin icu, qa mini, taħinca hin duta, peji ĥota ko, qa wowapi kin oyate kin owasin ko, awicamnimni ;

20 Qa heya, Wicotakuye Wakantanka econ niśipi kin we kin he dee ce.

21 Qa nakun wakeya kin, taku waksica wowinyunyanpi kte cin owasin ko we amnimni.

22 Wooke kin eciyatanhan taku owasin se we on pakintapi ; qa we paponpi śni ehantanhan wokajuja wanica.

23 Heon etanhan, hena taku kin on, taku maħpiya ekta un iyacinpi kin pakintapi kta e hecetu ; tuka taku maħpiya ekta un kin hena e qe taku sanpa waśte wośnapi kin on.

24 Messiya tipi wakan nape on kagapi kin he mahen i śni, tipi wakan ĥinca iyacinpi kin hena ee ; tuka maħpiya kin e qe mahen, qa heciya unkiyepi on Wakantanka itokam ihdutanin kta.

25 Qa wawayuśna itancan kin he owanka wakan kin en, taku

tokeca we kin yuha, waniyetu otoiyohi wancadan mahen i ece kin he iyecen ota akihde waihdusna kta iyecece sni ;

26 He iyececa unkanś, maka kagapi kin ehantanhan, wanna ota akihde kakije kta tuka ; tuka nakaha woicage ihanke kin en, iye waihdusna kin eciyatanhan, woaitani yutokan iyeye kta e on taniniçiya.

27 Unkan wicašta kin wancadan tapi kte cin he iwahowicayapi, qa he iyohakam woyaco kta :

28 He iyecen Messiya, wicota wahtanipi kin yuhe kta e wancadan wayuśnapi ; unkan, tona, he wanyakapi kta ape yukanpi kin hena niwicaye kta e, woaitani codan, inonpa ihdutanin kta.

WICOWOYAKE 10.

1 Taku wašte u kte cin ohanzi kin he woope kin en un, qa hena atayedan taku kin ouncage kin hee sni ; heon etanhan, waniyetu otoiyohi wośnapi ohinniyan aipi kin he tona en-hipi kin wicayuecedan kta okihi sni.

2 He okihi unkanś hena taku kin wayuśnapi ayuśtanpi kte sni he. Tona en opapi wancadan pakintapi kinhan icimana woaitani sdonkiyapi kte sni tuka.

3 Tuka hena on waniyetu otoiyohi woaitani kiksuyapi ece.

4 Tatanka tatokadan kici hena we kin woaitani yutokan iyeye kta okihipica sni.

5 Heon etanhan, makata hi qehan, Wośnapi, taku wicaqupi ko yacin sni, qa tancan wan miyecaga ce, eya.

6 Peta wośnapi, qa woaitani on wośnapi kin hena iyonicipi sni ;

7 Hehan, Ito wau, wowapi

tanka en miye on hecen owapi ce ; Wakantanka, nitawacin kin ecen ecamon kta ce, epa.

8 Wankan, Wośnapi, taku wicaqupi, peta wośnapi, qa woaitani on wośnapi kin ; woope eciyatanhan ahi wayuśnapi kin ; hena yacin sni, qa iyonicipi sni, eye cehan ;

9 Hehan nakun, Wakantanka, nitawacin kin ecen ecamon kta wau ce, eye cin. Tokahcya kin he yutokan iyeya, icinonpa kin he hdusuta kte cin heon.

10 He iye tawacin kin ee on unyuecepidan, Jesus Messiya tancan wancadan wayuśnapi kin he eciyatanhan.

11 Wawayuśna otoiyohi anpetu iyohi, en ohoda inajin, qa ohinniyan taku wośnapi ece kin hena ake ecekcen wayuśna, hena woaitani kajuju kta tokadan okihi sni.

12 Tuka wicašta kin de, woaitani on wośna wanjidan waihdusna, hehan Wakantanka etap kin eciyatanhan owihanke wanin kiyotanka ;

13 Qa hetanhan tona toka yapi kin hena owasin iye siha kin ihukun iyewicayapi kta ape yanka.

14 Wośnapi wanjidan on etanhan tona wicayuecepidan kin hena owihanke wanin wicahduśtan.

15 Woniya Wakan kin he nakun unkiciyaotaninpi ; tokaheya eye ciqon he iyohakam ;

16 Anpetu kin hena iyohakam, wicotakuye wicawecage kte cin he dee kta, Itancan kin eya ; Mitoope kin hena iye cantepi kin en wicawaqu kta, qa tawacinpi kin en owakiwa kta ;

17 Qa iye wahtanipi, taku ecinśniyan econpi ko, icimana weksuye kte sni.

18 Hena owasin kajujupi kinhan, woahtani on wošnapi kin wanice kta.

19 Heon, mihunkawanji, Jesus we kin eciyatanhan tipi iyotan wakan kin en waditaga unyanpi kte ;

20 Canku wan teca qa ni un, ti cokaya hnakapi, iye cehpi kin hee, ohna unkcagapi kin he eciyatanhan.

21 Qa Wakantanka ti kin ohna Wawayuśna Itancan wan unhanpi ;

22 Heon cante wicake hinca hduha ōgya wacinunyanpi. qa ikiyedat unkupi kta, wicanagi ōice cin etanhan uncantepi kin unkamninnipi ;

23 Qa mini ska kin on untancanpi kin unyujajapi ; qa wacinunyanpi unhdaotaninpi kin he yuhohopi ōni unhdhapi kta ; tuwe wahounyanpi kin he wacinyepica :

24 Qa otoiyoŋi awaunkicicinpi kte, wacantkiyapi, qa wicoŋan wašte en iyounkicipaštakapi kte cin heon.

25 Qa wanjikji econpi kin iyeccen mniunkiciyapi ece kin he unkayuštampi kte ōni ; tuka wahokonunkiciciyapi kta ; qa anpetu kin he kiyadan u wandakapi kinhan, sanpa nina ecanonpi kta.

26 Wowicake sdonyapi kin unkcupi kin he iyohaham iyokipiya waunhtanipi kinhan, woahtani on wošnapi kte cin wanica.

27 Tuka woyaco inihanyan aepi kin he, qa wocanniye ide kin, tona tokayapi kin hena ihangwicaye kta.

28 Tuwe Moses toope kin akta ōni, nonpa qa iś yamni yaotaninpi kinhan, he onśidapi ōni ta ece ;

29 Hecen tuwe Wakantanka Cinhintku we kin amani, qa wicotakuye we kin on yuecepidan qon he wakan ōni dake ca, Wowašte Woniya kin he taku i en hiyece cinhan, he wokakije iyotan tanka hiyahde kte ōni kecaninpi he.

30 Tokiŋonpi kin he mitawa, towicaweciŋon kta ce, Itancan kin eya ce, tuwe eye ciqon he sdonunyanpi. Qa ake, Itancan taoyate kin wicayaco kta ce.

31 Wakantanka ni un nape kin en ohinŋpayapi kin he wokokipe.

32 Anpetu tokaheya kin kiksuya po, hena en iyoyamniyanpi, qa hehan wicokakije okicize tanka wan iyahdeniciyapi.

33 He icunhan waaiapi, wicokakije ko on iwanniyakapi kta enihdepi ; qa nakun tona hecawicakiconpi kin hena tawaši wicayayapi.

34 Miye makaškapi kin icunhan onśimayakidapi, qa woyuha duhapi qon nicipi kin he on wiđuškinpi, maŋpiya ekta woyuha iyotan wašte ohinniyan ye kte cin he duhapi sdonyakiyapi kin heon etanhan.

35 Wadinitakapi qon he ayuštampi ōni po, he woyuha tanka okihi kta.

36 Wacinnitankapi kta iyececa ; hecen Wakantanka tawacin kin ecen ecanonpi kinhan, taku iwahounyanpi kin he iyacupi kta.

37 Wanna aškadan tuwe u kte cin he hi kta, qa yutehan kte ōni.

38 Tuwe owotanna un kin he wacinyan un kin on ni kta. Tuka tuwe namni kinhan he minagi kin iyokipi kte ōni ce.

39 Tuka tona wicotakuni ōni ekta icicawin hdapi kin heunca-

pi šni; tona wacanagi ni kta e on wicadapi kin hena unkiyepi.

WICOWOYAKE 11.

1 Wacinyanpi kin he taku aperi oahē kin ee, qa taku wanyakapi šni un yuotanin kin hee.

2 He on hunka wicayapi kin yuonihanyan ihdaotaninpi qon.

3 Wacinyanpi kin eciyatanhan, Wakantanka oie kin on woicage kin icaliyapi kin he sdonunyanpi, taku wanyakapi un kin hena taku tanin kin etanhan kagapi šni.

4 Wacinyanpi kin eciyatanhan Abel Qain kape ɕa, wošnapi iyotan wašte wan Wakantanka wakiyušna qon he on owotanna e hduotanin; Wakantanka nakun hecen yaotanin, taku qu kin heon, qa he eciyatanhan ɕa keš nahahin ia ece.

5 Wacinyanpi kin eciyatanhan Henok wiconɕe wanyake kte šni e tokan ayapi, qa tuktedan iye-yapi šni, Wakantanka tokan aye cin heon. Tokan ayapi šni itokam Wakantanka iyokipiye cin he okiyakapi.

6 Tuka wacinyanpi codan tuwedan iyokipiye kta okihi šni. Tuwe en u kinhan he Wakantanka ni un, qa tona aiɕiciya akitapi kin hena iyunwin wicaku ece kin he wicada kta.

7 Wacinyanpi kin eciyatanhan Nowa Wakantanka ihamna, taku nahahin wanyakapi šni kin hena, qa itonkipa un kin heon tiyohnaka tawa ni kte cin on wata tanka wan kaga; qa iye ohan kin on oyate kin wicayaco, qa hecen woowotanna wacinyanpi eciyatanhan un kin he tawa kta e icaga.

8 Wacinyanpi kin eciyatanhan Abraham, makoce wan yuhe kte

cin he ekta ye šipi qehan, anagoptan, qa tokiya ye kte cin tanyan sdonkiye šni iyaya.

9 Wacinyanpi kin eciyatanhan makoce iwahoyapi qon he en ounyan, makoce tawa šni kin en iyececa, Isaak qa Jakob taku iwahoyapi qon om tawaye kte cin hena om wakeya ohna ti ece.

10 Otonwe wan taku ahde kin ahe cin he ape yanka, ticage ɕa icaliyē cin he Wakantanka kin ee.

11 Wacinyanpi kin eciyatanhan, Sara iye qe cinca yuhe kta e wowašake icu, qa wanna waniyetu ece kin sanpa hiyu tuka cinca ton, tuwe iwahoye ciqon he wicaka e awacin yanke cin heon.

12 Heon wanjidan etanhan, qa he ɕa nun seca, tuka he etanhan wicota icaga, mahpiya wicanhpi kin iyenaka, qa miniwanca kahda wiyaka sukaza kin iyecen yawapica šni.

13 Dena owasin wacinyan ɕapi, taku iwahowicayapi qon nahahin icupi šni, tuka tehan tanhan wanyakapi, qa wicadapi, qa adoksohan icupi, qa maka akan oyate tokeca qa unhdaka unpi kin heca ihdaotaninpi.

14 Tona taku hececa eyapi kin hena makoce wanji akitapi e taninyan ohdakapi.

15 Unkan awicakehan makoce kin etanhan hiyupi qon he wacin en yuzapi unkanš, heciya ake ekta hdapi kta okihihi tuka.

16 Tuka nakaha wanji iyotan wašte mahpiya ekta wanke cin hee akitapi. Heon etanhan Wakantanka hena Wakantanka tawapi kin eciyapi kta ištece šni, qa otonwe wan wiyeya ewicakicihnaka.

17 Wacinyanpi kin eciyatan-

han, Abraham, iyutanyanpi qe-
han, Isaak wahdušna, qa tuwe
taku iwahoyapi qon wicada kin
he cinhintku ecedan kin wahdu-
šna.

18 Isaak etanhan wicoicage ni-
tawa kin cajeyatapi kta ce, eci-
yapi tuka qon.

19 Wiconte ee kaeš etanhan
Wakantanka ekicetuya okihi he
wicada; qa hetanhan nakun wi-
yacinpi on ehdaku.

20 Wacinyanpi kin eciyatan-
han Isaak, Jakob qa Esa wica-
hdawašte, taku u kte cin heon.

21 Wacinyanpi kin eciyatan-
han Jakob, wanna te kta hehan,
Joseph cinhintku napin wicahda-
wašte, qa cansagye oinkpa kin
akan wocekiye eya.

22 Wacinyanpi kin eciyatan-
han Joseph, wanna te kta hehan,
Israel cincapi kin hetanhan hda-
pi kte cin he caje yate ça, iye
huhu kin aye wicaši.

23 Wacinyanpi kin eciyatan-
han, Moses tonpi kin, hehan
hunkakepi kin wi yamni hehan-
yan anakihmanpi, hokšidan wa-
šte e wanhdakapi, qa wicaštaya-
tapi toope kin kokipapi šni.

24 Wacinyanpi kin eciyatan-
han Moses wanna tanka icage
čehan, Pharo cunwintku cinca
eci-yapi kta wicada šni;

25 Wakantanka taoyate kin
om kakija un kte cin he hda-
hniga, qa woahšani woiyokipi
kin he ptenyedani yuhe kta e cin
šni;

26 Messiya on aiapi kin he,
woyuha Egipta en un kin sam
iyeya wowijice tanka daka; wo-
kajuju iyunwin kin he awacin
kin heon etanhan.

27 Wacinyanpi kin eciyatan-
han Egipta makoce kin ayu-
štan, qa wicaštayatapi tocanniye
kin kokiye šni. Tuwe wanyag-

pica šni kin he wanyaka se ape
yanka.

28 Wacinyanpi kin eciyatan-
han wošnapu wohduze, qa we
amninnipi kin hena kaga, tuwe
cinca tokapapi kin ihangwicaye
cin he iye owicayutan kte šni
heon.

29 Wacinyanpi kin on Mde-ša
kin he opta iyayapi, puze cin
iyecen. Unkan Egipta oyate
kin hecon utapi qehan, minin
tapi.

30 Wacinyanpi kin eciyatan-
han Jeriko conkaške kin makata
ihpaya, anpetu šakowin ohomni
unpi qehan.

31 Wacinyanpi kin on, Rahab
witkowinna kin, tona anagoptan-
pi šni kin om ihangyapi šni, ma-
koce iwanyag hipi kin hena wo-
okiyen on iyowinwicakiye čehan.

32 Qa taku sanpa epe kta he;
Gideon, qa Barak, qa Samson,
qa Jephtha, qa Dawid, qa Samuel,
qa wicašta wokcanpi kin owasin
owicamdake kta anpetu kin iye-
hankeca šni.

33 Hena wacinyanpi kin eciya-
tanhan wokiconze kin ohiyapi,
wicohan owotanna ohanyanpi,
wahoyapi kin icupi, mnaja kin
iohmusyapi;

34 Peta wohitike cin kasnapi,
maza sagye ope kin nakicipapi,
wowašake šni etanhan wašagici-
yapi, okicize en waditaka icica-
gapi, qa Ikcewicašta ozuye kin
napewicayapi.

35 Winohinca kin cinca kitapi
kin ekicetuyapi ewicahdakupi.
Qa wanjikji nina kakišyapi, tuka
etanhan ehdakupi kta cinpi šni,
woekicetu iyotan wašte kin yu-
hapi kte cin heon etanhan.

36 Qa wanjikji waaiapi, qa ni-
na wicakaštakapi kin on iyutan-
pi, qa nakun maza icicahiha, ka-
ška wicahnakapi ko on.

37 Inyan on wicakininpi, can-ibakse on bawicaksapi, iyutan-wicayapi, mazasagye on wica-ktepi; tahinca ha qa tatokadan ha koyag manin unpi; taku owasin icakijapi, kakijapi un qa śicaya wicakuwapi.

38 Hena maka kin de iyewi-cakicihantu śni; hewoskan ma-nin unpi, he kin akan, taku itu unpi otipi, qa makohdoka kin ohna.

39 Hena owasin wacinyanpi kin eciyatanhan tanyan ihdu-taninpi, qa taku wahoyapi kin ocowasin icupi śni.

40 Wakantanka taku sam iye-ya wašte unkiyepi on ehna, hecen hena e unkicunonpa tan-han wicahdustanpi kte śni.

WICOWOYAKE 12.

1 Heon etanhan waayataninpi mahipiya śoka wan hinsko tanka aohdute unyanpi kin, hecen taku tkeya qinpi kin owasin eunhna-kapi kta, woahitani ohiunyanpi ece kin he koya, qa oinyanke unkitokam wanke cin he wacin tankaya unkinyanpapi kta.

2 Qa Jesus wacinunyanpi kin toka kage a hduſtan kin hee ekta euntonwanpi kta. He iye, wowiyuſkin itokam ehdepi qon he on, can susbeca kin hee kaeſ iyowinkiye a, wowiſtece kin he taku da ſni, qa Wakantanka oiyotanke etapa kin eciyatanhan kiyotanka.

3 Tuwe wahtanipi sa taku i en hiyeyapi kin he iye en waliba-yedan iyowinye ciqon he awacin po, hecen nitawacinpi kin ekta iconimnipi kte ſni, qa wacin ibo-yaſakapi kte ſni.

4 Woahitani kici yecizapi kin en nahahin we kin ekta aiyahde-ya ecanonpi ſni.

5 Qa wowahokonkiye cinca iyecen oniciyapi kin hē ayekton-japi he; Micinkſi, Itancan wica-kapsinpsinte cin he ſice dake ſni wo, qa iyopeniye cinhan wacin iboſake ſni wo, eye cin.

6 Itancan kin wicaſta waſte-kida kinhan, he iyopekiye a, cinca iyowinwicakiye cin otoi-yohi hdapsinpsinta ece.

7 Wiyopeniyanpi kinhan, cinca kin iyecen Wakantanka ecani-conpi; tukte cinca kin he atku-ku iyopekiye ſni he.

8 Tuka owasin en opapi ece kin iyecen iyopeniyanpi ſni kinhan, tuwe cinca tanin ſni kin henicapi, qa cinhintkuyapi un kin henicapi ſni.

9 Unkan, wicacehpi eciyatanhan atewicunyanpi kin hena iyo-peunkiyapi ece, unkan wicun-hduonihanpi hecinhan, sam iye-ya wicanagi Ateyapi kin he ana-ungoptanpi kte a on unnipi kta.

10 Hena e anpetu tonana hehanyan, token iyokipipi kin hecen iyopeunkiyapi; tuka he qe unwaſtepi kte cin he on, hecen iye towakan kin en ounpapi kta.

11 Wiyopewicayapi kin owa-sin en icunhan woiyokipi ſni, tuka woiyokiſice; tuka ihakam tona hecawicakiconpi kin en wicoowotanna waſkuyeca woo-kiye kin icalhwicakiya ece.

12 Heon etanhan wicanape kaozezeya un kin hena yuwan-kan icu po, qa hupahu waſake ſni kin hena koya;

13 Qa niſihapi canku mdaya kicaga po, taku huſte kin he icunonpa iyeyapi kte ſni, tuka okiziyapi kte cin heon.

14 Owasin en wookiye akita po, qa nakun wowakan kin, he tuwe yuhe ſni kinhan Itancan kin wanyake kte ſni.

15 Qa tuwe Wakantanka to-

WICOWOYAKE 13.

waonsída kin iyohi kte sñi na-ceca, heon aiciciya iwanihdaka po, okinni can hute paza icage ça, nagiyeniyampi kta, qa hecen wicota asamyapi kta.

16 Okinni wicawihomni wan yuke kta, qa taku wakan ohoda sñi, Esa iyececa, he watokapa kin taku yutapi onspadan iyopekiya.

17 Qa iyohakam woyawašte kin hduhe kta, tuka heyata iye-yapi, he sdonyayapi, qa token tawacin yutokeca kte cin he iye-ye sñi, istamnihanpe on nina akita tuka.

18 Paha oyutanpica, qa peta on ide qon he ekta yahipi sñi, qa taku iyotan samya wanke cin, qa otpaza, qa nina icamna kin;

19 Qa nakun mazayahotonpi tanka hoton, wicoie ho kin hena koya; he tona nahonpi qon wicoie kin he akta owicakiyakapi kte sñi e icekiyapi.

20 Taku econ wicašipi qon he okitpanipi; Woteka wan hee kaes paha kin yutan kinhan he inyan on kininpi kta, qa is wan-hinkpe on katpa iyeyapi kta ce.

21 Unkan he wanyakapi kin nina wowinihan, qa heon Moses, Nina mahniyanyan qa macancan ce, eya.

22 Tuka Zion Paha kin ekta yahipi, Wakantanka ni un oton-we tawa kin, Jerusalem mahpiya tanhan u kin, qa ohnihde unpi kin kektopawinge ota e-ktá;

23 Omniciye tanka, qa tokahe-ya wicatonpi okodakiciye kin, mahpiya ekta caje owicawapi kin hena, qa Wakantanka owa-sin wicayaco kin he, qa wicašta owotanna yuštampi nagipi kin hena ekta;

24 Qa Jesus wicotakuye teca kin en iyotahedan un kin hee ekta, qa we amnimnipi kte cin, Abel sam iyeya taku wašte eye cin he ekta.

25 Ihnuhan tuwe ie cin anaya-goptanpi sñi kinhan; tona tuwe maka akan ie eiqon he anago-ptanpi sñi qon hena najicapi sñi hecinhan, sam iyeya unkiye na-unjicapi kte sñi, tuwe mahpiya tanhan ie cin ihaunktapi sñi kinhan.

26 Iye ho kin he ehan maka kin yahuhuza, tuka nakaha wa-hounyanpi qa heya, Ake wanca-dan maka ecedan mdahuhuza kte sñi, tuka nakun mahpiya kin.

27 Unkan, Ake wancadan, eye cin he taku tona yahuhuzapi kte cin hena taku kagapi kin iyecen yutokan iyeyapi kta, hecen taku tona yahuhuzapica sñi kin hena ecen he kta, he kapi.

28 Heon etanhan wokiconze yuhohopica sñi kin unki cupi, wowaonsída unhapi kta, hecen woyuonihan, wokokipe ko yuha Wakantanka iyokipiya ohounda-pi kta.

29 Wakantanka unkitawapi kin he peta wahuhnahiye cin heca.

WICOWOYAKE 13.

1 Hunkawanjinkiciyapi wašte-kicidapi kin he ecen un nunwe.

2 Oicimani kin wonwicaya akiktonjapi sñi po; heconpi kin on wanjiksi mahpiya ohnihde kin sdonwicaye sñi won wica-yapi.

3 Tona kaška wicahnakapi kin hena om nicaškapi kin iyecen wicakiksuya po; qa tona kakiš-yapi un kin hena koya, wica-tancan kin ohna dukanpi kin heon.

4 Owasin en wakan kiciyuza-pi kin he woyuonihan, qa ohehdepi ašamyapi šni kin; tuka wicawihomnipi qa wawicihaha-pi econpi kin hena Wakantanka wicayaco kta.

5 Waicucupikte cin wanin oya-handapi kta, qa taku duhapi kin hena on iyonicipipi nunwe. Tohinni aciyušan kte šni qa icimana ehpeciye kte šni, eye ciqon heon etanhan.

6 Heon, Itancan kin omakiye cin hee, qa he etanhan taku wicašta akantu ecamiconpi kte cin kowakipe kte šni ce, waditagya unkeyapi kta.

7 Tona awannihdakapi, Wakantanka oie kin oniciyakapi kin hena wicakiksuya po, hena wicošan ihanke kin he awacin po, qa wacinyanpi qon he en opa po :

8 Jesus Messiya, htanihan qa nakaha okonwanjidan, qa owihanke wanice kta.

9 Ihnuhan woonspe otakiya qa toktokeca on yutokan iyeniyampi kinhan; woyute tona he awacinpi qon takudan okihiwicaye šni kin he wicacante kin yusuta šni, tuka wowaonsida kin on yusutapi kin he wašte.

10 Wahna wošnapı wan unhapı kin he etanhan tona wakeya qon ohna oħanyanpi kin hena yutapi kta iyececapı šni.

11 Woteca, tona we kin woahtani on, wawayušna itancan kin tipi wakan kin timahen ai qon, hena tancanpi kin tihocoka kin itankan huħnahyapi ece.

12 Heon Jesus iš eya, iye we kin on oyate kin wicayuecedan kta e otonwe tiyopa kin itankan kakišyapi qon.

13 Hecen iye on aiapi qon aiħpeunyanpi kin yuha ekta wicoti kin tankan unyanpi kta.

14 Deciya otonwe ohinniyan ecen he cin unhapi šni, tuka wanji u kte cin he unakakita-pi.

15 Heon etanhan, iye caje on, ohinniyan Wakantanka en wowitan wošnapı kin unkaupi kta, unkihapi etanhan waskuyeca, iye caje kin on, wounhdakapi kin hee.

16 Taku wašte econpi, qa wacantkiyapi kin hena akiktonjapi šni po, hena wošnapı kin Wakantanka iyokipi ece.

17 Tona wahokonnicıyapi kin hena anawicakigoptan po, qa wicıhukuya yeiııya po, hena ninagipi kin on awannıyakapi, ohdakapi kte cin he iyecen; hecen wowıyuškınyan econpi kta, qa woiyokišinya econpi kte šni; he niyepi kin on wašte.

18 Wocekiye unkekiciya po; wıcanagi wašte unhapi unkecinpi, taku owasin en owotanna unkoħanyanpi kta uncinpi.

19 Tuka hecanonpi kta e iyo-tan ceciciyapi, kohanna niyepi ekta u mayanpi kte cin heon.

20 Unkan, Wookiye Wakan-tanka kin, Jesus Itancan unkiyapi, tahınca awanwicahdake tanka kin he, wıconte etanhan ake hiyuye cıqon he wıcotakuye owihanke wanica we kin eciya-tanhan,

21 Iye tawacin kin ecen ecanonpi kta e, wıcošan wašte owasin en niyusutapi kte, qa taku iye išta kin en oiyoiki pi kin ecaniconpi kta, Jesus Messiya eciyatanhan; he wowitan owihanke wanica kicihan nunwe.

22 Mihunkawanji, ceciciyapi ce, wowahokonkiye wıcoie kin iyowinkiya po, wıcoie tonana on wowapi cicagapi.

23 Timotheos hunkawanjin unyanpi kin wanna kiyuškapi e

WICOWOYAKE 1.

sdonya po, he ecadan u kinhan kici wanciyakapi kta.

24 Tona niyepi en itancanpi kin hena owasin, qa tona owotanna un kin owasin nape wica-

yuza po. Italia etanhanpi kin hena nape niyuzapi.

25 Wowaoñsida kin niyepi owasin en nicipi un nunwe. Amen.

JAKOB

TAWOWAPI KIN.

WICOWOYAKE 1.

1 Jakob, Wakantanka taokiye, qa Jesus Messiya Itancan tawa kin he, wicowazi akenonpapi enanakiya eyaye cin hena *wowapi wicakicaga*; wookiye.

2 Mihunkawanji, taku wawiyutanyan un kin ota ayakipapi kinhan, he wowiyuñskin ocowasin hdawa po:

3 Wacinyayapi iyutanpi kin he wacintankapi kaga e sdonyayapi.

4 Tuka wacintankapi kin he tohan kin tanyan hduñtan kte; hecen niyuñtanpi qa ocowasin yaunpi kta, qa takudan iyonitpanipi kte ñni.

5 Niyepi etanhan tuwe woksa-
pe nice cinhan, Wakantanka kida kta, iye owasin iyukiçuya wicaqu ece, qa iyopewicaye ñni; unkan qupi kta.

6 Tuka takudan ceñunhda ñni wacinyan kida kta; tuwe waceñunhda kin he miniwanca taja kin iyececa, tateyanpa kañkan-
ñkan qa kañoya eñpeye cin.

7 Wicaña kin he Itancan kin etanhan taku icu kta kecin kta iyecece ñni.

8 Wicaña tawacin nonpa kin he tacanku owasin ohna kaktihanhan un ece.

9 Hunkawanjinkiciyapi wañpa-

nica kin yuwankan iyeyapi kinhan, heon iyuñskin kta.

10 Tuka wijica un kin yuwañpanicapi kinhan, on iyuñskin kta; peji hea kin he iyecen tokan aye kte cin heon.

11 Anpetu wi kin hinanpe ça kata aya eca, wato kin ñniña ece, qa wañca ihpaye ça owanyake wañte kin he atakuni ñni ece: he iyecen wicaña wijica kin iye tohan kin en awihnuni kta.

12 Wicaña iyutanyanpi kin he yawañtepi ece; tohan tanyan yukcanpi kinhan, hehan wiconi wateñake, Itancan kin tona wañtedakapi iwahowicaye ciqon, hee icu kta.

13 Tuwe iyutanyanpi kinhan, Wakantanka iyutanmayan ce, eye kte ñni: Wakantanka taku ñica on iyutanyanpi kta okihi ñni, qa nakun tuwedan iyutanye ñni.

14 Tuka wicaña otioyohi iye cantiheye ñice cin on iyutanpi qa iyakapecyapi ece.

15 Hehan wocantiheye ñice cin icage cinhan woahñani kaga; qa woahñani yuñtanpi eca, wi-
conçe icaliya ece.

16 Mihunkawanji wañte, içihnyanpi ñni po.

17 Taku wicaqupi wañte qa yuñtanpi kin owasin wankantan-

han un, qa iyoyanpa Ateyapi kin eciyatanhan kun u ece; iye qe tokeca šni, qa yuhomnipica šni hinca.

18 Iye tawacin kin eciyatanhan, wowicake oie kin on cinca untagapi, hecen taku kage cin ehna unkiye waskuyeca tokaheya iyeuncecapi kta.

19 Heon etanhan, mihunkawanji wašte, wicašta otoiyo hi wanañon oñanko kta, ie kapin kta, qa wacintanka kte:

20 Wicašta šinhdapi kin he Wakantanka toowotanna kin icahiye šni.

21 Heon etanhan, wicowahte-šni kin owasin, qa taku šica iyatahdepi kin ehpeya po; qa wicoie ninagipi niye kta okihi kin he onšiičiya icu po.

22 Tuka wicoie kin ecen econ po, qa iye içihnayanpi, nañonpi ecedan, unpi šni po.

23 Tuwe wicoie nañon ešta ecen econ šni kinhan, he wicašta wan ihdiyomdasin on ite iwanihdake cin iyececa;

24 Iwanihdake ça tankan iya-ya, unkan hehan hinnakaha ite tokeca kin he akiktonja ece.

25 Tuka tuwe wicoope on tawaičiypapi yuštampi kin he opahita yanke ça, en un kinhan, tuwe nañon qa akiktonje cin heca šni, tuka wicoñan econ kin heca, hee e taku econ kin en yawaštepi kta.

26 Tuwe niyepi kin etanhan woohodapi kin en opa se ececa hecinhan, qa ceji hdaške šni, tuka iye cante içihnaye cinhan, he woohodapi ope cin he taku šni.

27 Wakantanka qa Ateyapi kin itokam woohodapi opapi ecedan qa ašape šni kin he dee; Wamdenica qa wiwazica kaki-japi eca en wicahipi, qa wicoi-

cage kin en taku iyaonpepica šni ihduhapi kin hee.

WICOWOYAKE 2.

1 Mihunkawanji, Jesus Messiya, wowitan Itancan wacinyanpi kin, on wicašta iwandakapi kte cin he yuhapi šni po.

2 Nitomniciyepi kin en, wicašta wan mazaskazi napcupe yuhe ça wokoyake wašte kičun kin en hi kinhan; qa nakun wicašta wañpanica wan heyake šica un kin en hi kinhan;

3 Qa tuwe wokoyake wašte kičun kin he tanyan ayatonwanpi, qa heyakiyapi, Oiyotanke wašte kin de en hiyotanka wo; qa wicašta wañpanica qon, Hen najin wo, qa iš, siha wahde kin ihukuya hiyotanka wo, eyakiyapi kinhan;

4 Otoiyo hi tanyan canteyeci-yuzapi šni, qa wicotawacin šica eciyatanhan widukcanpi šni he.

5 Nañon po, mihunkawanji wašte; Wakantanka maka akan wañpanicapi kin hena wicakalñiga he, wacinyanpi on wiji-capi, qa tona iye waštadakapi wokiconze iwahowicaye ciquon he tawayapi kte cin.

6 Tuka niye wañpanicapi kin wahtewicayadapi šni. Wijicapi kin hena iyotanhan iyeniciyapi šni, qa woyaco oiyotanke kin en aniyampi šni he.

7 Wicacaje wašte on cajiñiyatapi ece kin he yašicapi šni he.

8 Wowapi kin eciyatanhan, woope iyotan wašte, Nikiyedani un kin niye inihdacin waštaya-dake kta ce, eyapi kin he ecen ecanonpi kinhan, tanyan ecanonpi kta.

9 Tuka wicašta token ihduze cin ekta eyatonwanpi kinhan, woahitani ecanonpi, qa woope

WICOWOYAKE 3.

kin on śicaya econ oniyakapi ece.

10 Tuwe woahope owasin yuha ešta, wanjidan kicakse cinhan, he ocowasin on yacopi.

11 Tuwe, Wawicilahapi ecanon kte śni ce, eye ciqon he is nakun, Wamayanon kte śni ce, eya. Unkan wawicilahapi takudan ecanon śni ešta, wamayanon kinhan, wanna woope kin kiyecaksa.

12 Tona woope on tawaiçiyapi kin on wicayacopi kte cin hena iyecen iapi, qa econ po.

13 Tuwe waonsida śni kin he wowaonsida wanin woyaco ecedan qupi kta; qa wowaonsida woyaco kin kapeya iyuşkin ece.

14 Mihunkawanji, tuwe wacinyan keya ešta, iyecen wicohan yuhe śni kinhan, he taku iyokihi kta he. Wacinyan un kin he niyan okihi he.

15 Nihunkawanji qa nitawinohitin tancokapidan, qa anpetu iyohi woyute nicapi kinhan;

16 Qa wanji hewicayakiyapi, Wookiye on hdapo, cosiçiyapi qa wipiçiya po; tuka taku wicatančan icakije cin hena wicayaqupi śni ehantanhan, taku iwaştepi kta he.

17 He iyecen wacinyanpi kin, wicohan codan kinhan, he wana ta, isnana un kin heon.

18 Han, tuwe heye kta; Niye wacinyan yaun, qa miye wicohan mduha; hecen wacinyaye cin he niohan codan makipazo wo, kinhan miohan kin on wacinwaye cin he cicipazo kta ce.

19 Taku Wakan kin wanjidan he wicayada; he tanyan ecanon; taku wakan śicapi kin is eya wicadapi qa cancanpi ece.

20 Tuka, wicašta wacinton śni kin, wacinyanpi wicohan codan kin he ta e sdonyaye kta he.

21 Abraham ateunyanpi kin he, cinhintku Isaak wahna woşnapi akan wahduşna qon he ehan, wicohan on yaowotanpi śni he.

22 Qa iye ohan kin kici wacinye cin token ohanye ça, wicohan on wacinye ciqon he yuştanpi e wandaka he.

23 Unkan hecen wowapi kin, Abraham Wakantanka wicada, unkan he woowotanna kiciyawapi, qa he Wakantanka takicuwa eciyapi ce, eyapi qon he yuecetupi.

24 Heon, wacinyanpi ecedan on etanhan śni, tuka wicohan kin on wicašta owotanna yawapi ece he wandakapi.

25 Nakun Rahab witkowinna kin ohnihde unpi qon hena iyo-winwicakiye ça canku tokeca ohna hde wicaşı qehan, is eya wicohan on owotanna yawapi śni he.

26 Wicatančan kin woniya codan un kin he ta ece, he iyecen wacinyanpi kin wicohan codan kinhan, he nakun ta ece.

WICOWOYAKE 3.

1 Mihunkawanji, wicota waon-spekiya unpi śni po; woyaco iyotan tanka unkicupi kta e sdonyayapi.

2 Owasin taku ota on waunhitanipi ece. Tuwe oie on wahanitani śni kinhan, he wicašta yuştanpi qa tancan ocowasin hdaşke kta okihi.

3 Wanyaka po, şuktanka anaungoptanpi kta e heon iikiyuwi i kin en iyewicunkiciyapi; qa tancanpi ocowasin wicunyuho-mnipi ece.

4 Wita wata kin hena nakun wanyaka po, tankinkinyan qa tate ohitika on kaha iyeyapi ešta, iyupse yuza cistinna on

token itancan kin cin eca, yu-homnipi ece.

5 He iyecen wicaceji kin taku cistinna, tuka tanka ičida ece. Iho, peta cistinna keš can tanka ideya ece.

6 Wicaceji kin he peta, qa walahitani iyatahdepi; hecen wicaceji unhuhapi kin ehna un, wicatanhan kin ocowasin ašamya, qa wicoicage ohomniyan aideye ča, is eya wakanšica ti kin etanhan ideciya.

7 Woteča ocaje owasin, qa taku kinyan unpi, taku sdohan unpi qa miniwanca mahen unpi kin, henakiya etanhan wicašta wanunyanpi wicakage ča wicayuha :

8 Tuka wicaceji kin he tuwedan yuwahbaka okihi šni; he wošice wicašta šni, pejihuta šica on wicača ece kin he ojudan.

9 He on Wakantanka Ateyapi kin unyawaštepi; qa he on wicašta akantu, Wakantanka oun-cage iyecen kagapi kin hena wicunyašicapi ece.

10 Wicai wanjidan etanhan wayawaštepi qa wayašicapi kin hinanpa ece. Mihunkawanji, hena hecetu šni.

11 Miniyowe wan oenape wanjidan etanhan, mini wašte qa nakun mini pa hinca hiyuya he.

12 Mihunkawanji, suken can wan Oliwe waskuyeca aicaga, qa is hastanyanka iyuwi wan suken waskuyeca okihi he; he iyecen miniyowe wan mini wašte qa nakun mini pa hinca hiyuye šni ece.

13 Enitanhanpi tuwe wicašta ksape ča wiyukcan un he; woksape wowahbadan on tanyan aihduhe cin eciyatanhan iye ohan wašte hduťanin kte.

14 Tuka winawizipi pa hinca,

qa wakinicapi nicantepi kin en duhapi kinhan, ihnuhan widuškinpi qa wowicake kin on iya-tonpi šni kin.

15 Wicoksape kin he wankantanhan u šni; tuka maka kin etanhan, wicacehi etanhan, qa wakanšica iyececa.

16 Tukten winawizipi qa wakinicapi yuke cinhan, wicotoke-tu tanin šni qa wicohan šica owasin hen un ece.

17 Tuka woksape wankantanhan un kin he tokaheya ecedan, hehan wokiyapi kaga, wahbadan, waanagoptan, wowaonšida qa waskuyeca wašte on ojudan, owotanna wiyukcan qa owotanna wohdaka ece.

18 Unkan tona wookiye kagapi kin hena woowotanna waskuyeca kin wookiye en owicakicijupi ece.

WICOWOYAKE 4.

1 Niyepi ekta wicokicize qa wakinicapi kin tokiyatanhan u he; cantiheyayapi šica nihuhapi en wakis un kin hena eciyatanhan šni he.

2 Cantiheyayapi tuka duhapi šni; wicayaktepi qa yuhe wacannipi, tuka icu oyakihipi šni; wicayakizapi qa zuya dapi, tuka taku duhapi šni, yadapi šni kin heon etanhan.

3 Yadapi tuka iyacupi šni ece, ecinšniyan yadapi kin on, cantiheyayapi šica on dusotapi kte cin heon.

4 Wiinayahmanpi qa wawicihahapi ecanonpi kin, wicoicage kin de waštedapi kin he Wakantanka šicedaka e sdonyayapi šni he. Heon tuwe wicoicage kin de wotakuye wacin kinhan, he Wakantanka tokaya.

5 Wowapi wakan kin, Woniya en unyakonpi kin he winawizipi

cantiheya ce, ituya eya idukean-pi he.

6 Tuka sanpa wowaonśida wicaqu ece; heon heya, Wakantanka wahiñicidapi kin wicakipajin, tuka tona onśikiñanpi kin hena wowaonśida wicaqu ece.

7 Heon etanhan, Wakantanka ihukuya iyeiçiya po. Wakanśica kipajin po, kinhan nanicipapi kta.

8 Wakantanka ikiyedan u po, hecen is nikiyepidan u kta. Wahiñanipi sa, nape hdujaja po; qa wacin ninonpapi kin, cante hducepidan po.

9 Iyokiśicapi, waśihdapi qa ceya po; iyahapi kin he wicaceya ee kta, qa widuśkinpi kin he woiyokiśice kta.

10 Itancan kin itokam makata ehpeçiya po, kinhan yuwankan inicipi kta.

11 Mihunkawanji, otoiyohe akiñiapi śni po. Tuwe hunkawanjitku aie ça hunkawanjitku hda-co kinhan, he woope kin aie ça woope kin yaco; tuka woope kin daco kinhan, woope kin ecen econpi kin henica śni, tuka wacyaco kin henica.

12 Woope kage cin he Wanji-dan, he wanikiye ça nakun waihangya okihi. Wicaśta tokeca daco kin niś nituwe he.

13 Iho po, nakaha tona hehapi; Dehan, qa is heyakecinhan, otowe kin kae ekta unyanpi qa waniyetu wanji en unyakonpi kta, wopeuntanpi qa wiyope-nyanpi qa taku unkamnanpi kta ce.

14 Tuka heyakecinhan taku u kte cin sdonayayapi śni; yanipi kin he taku he, opo wan cistiye-dan tanin qa hehan atanin śni kin he heca.

15 Kaken ehapi kta iyececa; Itancan kin iyowinunkiyapi qa

unnipi kinhan, decen qa is kaken econkupi kta ce.

16 Tuka nakaha wahiñicidapi kin on iduśkinpi; hecen wiyuśkinpi kin owasin śica.

17 Heon etanhan, tuwe taku wašte econ kta sdonkiya tuka econ śni eca, he woahitani içiçaga ece.

WICOWOYAKE 5.

1 Iho po, tona wijica yaunpi kin, wokakije nihiyahdepi kte cin hena on ceyapi qa śicahowaya po.

2 Woyuha nitawapi kin kuka, qa nitawokoyake kin wamduśkadan yapotapi.

3 Mazaskazi qa mazaska nitawapi kin gigi aya; qa gigi kin he niyutaninpi kta, qa niceñpipi kin ihangye kta, peta iyececa. Woyuha anpetu ehake kin amnañiçiypapi.

4 Wanyaka po, tona maga nitawapi abaksapi wokajuju hnaye ayanicapi kin he howaya; qa tona aguyapi baniciksapi qon hoyeyapi kin he Sabaoth Itancan noge kin en hiyoñpaya.

5 Maka akan woiyokipi imnahan yaunpi qa tanyan wayatapi ece; wapatapi anpetu kin en iyecen cante cemyakiyapi.

6 Wicaśta owotanna kin he dacopi qa yaktepi; tuka nicipajinpi śni.

7 Heon etanhan, mihunkawanji, Itancan kin hi kte cin hehan-yan wacintanka po. Wanyaka po, wicaśta woju ece kin he maka waskuyeca wašte aicage cin hena ape yanke ça, on tehan wacintanka, magaju tokaheya qa nakun ehake kin ahinhe kte cin hehanyan.

8 Niś eya wacintanka po; cante hdusuta po; Itancan kin u kte cin he wanna kiyedan ihan.

I. INYAN.

9 Mihunkawanji, otoiyo hi oki-
cihinyanpi šni po, okinni niya-
copi kta. Wanyaka po, Wayaco
kin he tiyopa kin itokam inajin.

10 Mihunkawanji, wicašta wo-
cean Itancan caje kin on iapi
qon hena kakijapi qa wacintan-
kapi on waonspekiya wicayuha
po.

11 Wanyaka po, tona wacin-
tankaya unpi kin hena wašte ke-
canwicunkinpi ece. Job token
wacintanka qon he nayaŋonpi,
qa Itancan owihankeye cin he
wandakapi; Itancan kin waon-
šida qa wawacinkta yuza tanka.

12 Tuka mihunkawanji, taku
owasin isanpa, Taku namaŋon
ce, eyapi šni po, maŋpiya kin he,
qa maka kin de, qa taku tokeca
cajeyatapi ece kin nakun; tuka,
han, ehapi kin he han ecedan
kta, qa, hiya, ehapi kin he hiya
ecedan kta; okinni woyaco kin
en iyoyaŋpadapi nun ce.

13 Niyepi kin etanhan wanji
kakija he; wocekiye eye kta.
Wanji wiyuŋkin he; odowan
abiyaye kta.

14 Niyepi kin ekta wanji wa-
yazanka he; okodakiciye kin en
hunkawicayapi kin wicakico

kta; on cekiyapi qa Itancan ca-
je kin on wihdi on sdayapi kta.

15 Unkan wacinyan cekiyapi
kin he wayazanke cin asniye
kta; qa Itancan kin he najinki-
ye kta; qa woahŋtani econ he-
cinhan, hena kicicajujupi kta.

16 Wayaŋtanipi kin otoiyo hi
okiciciyakapi qa otoiyo hi woce-
kiye ekiciciya po, hecen anisni-
pi kta. Wicašta owotanna nina
wašagya cekiyeye cin he taku
tanka okihi ece.

17 Elijah wicašta wacinyuza
iyeuncecap, qa wocekiye on
magaju kte šni e icekiya; unkan
waniyetu yamni sanpa wi šakpe
behanyan maka kin ahinhe šni.

18 Hehan ake wocekiye eya,
unkan maŋpiya kin magaju hi-
yuye ɸa, maka kin waskuyeca
icaŋya.

19 Mihunkawanji, wanji eni-
tanhanpi wowicake kin etanhan
nuni, qa tuwe he ake ekta yu-
homni kinhan,

20 Tuwe wicašta wahtani sa
wan canku onuni kin etanhan
yuhomni kinhan, he wicanagi
wan wiconŋe etanhan eyaku kta,
qa woahŋtani ota akaŋpe kta e he
sdonkiye kta.

IN YAN

TAWOWAPI TOKAHEYA KIN.

WICOWOYAKE 1.

1 Inyan, Jesus Messiya yeši
qon, wicašta toktokeca enana-
kiya unpi, Pontus, Galatia, Kap-
padokia, Asia qa Bithunia ekta,

2 Wakantanka Ateyapi kin oto-
kaheya tanhan sdonwicaye cin

eciyan tanhan, qa Woniya wica-
yuecedan kta on wicakahniga,
anagoptanpi kta, qa Jesus we
kin awicammimni kta e on, hena
wowapi wicakicaga: Wowaon-
šida en niunpi, qa wookenye naci-
yuotapi nunwe.

3 Wakantanka, Jesus Messiya

Itancan unyanpi Atkuku kin he yawastepi nunwe ; iye towaonsida ota eciyatanhan Jesus Messiya wicate cin etanhan kinikiye cigon he on wowacinyan ni un kin en piya icahunyanpi ;

4 Woailipeye wan hwinpica šni, asapapi šni, qa ohinniyan un kta, mahpiya ekta enicihnakapi kin on ;

5 Wacinyanpi eciyatanhan Wakantanka towasake kin on wiconi anikpatanpi, ege anpetu ehake kin en yutaninpi kta.

6 Heon nina iduškinpi ece, tuka nakaha ptenyedani, he hecetu naceca, taku wawiyutanyan un kin ota on iyonicišicapi :

7 Hecen wacinyayapi iyutanpi kin, he mazaskazi peta ece on šdoyapi keš atakuni šni ece, sam iyeya nina tehike cin he woyao-nihan, wicakinihanpi qa wowitan on tanin kta, tohan Jesus Messiya ihdutanin kinhan.

8 He wandakapi šni ešta wasteyadakapi ; qa nakaha wanyake šni yaunpi keš wacinyayapi kin on iduškinpi, wowiyuškin oyagpica šni qa wowitan ojudan kin on :

9 Wacinyayapi ihanke kin iyacupi, ninagipi ni kte cin hee.

10 Wiconi kin he on, wicašta wokcan wowaonsida en niunpi kin he oyakapi qehan, aičiciya akitapi qa wiwangapi ;

11 Messiya Taniya iyepi en un kin, tohantu qa anpetu kin tukte eka e iwangapi, Messiya kakije kte qa wowitan ihakam un kte cin hena itokamoyake cigon he ehan.

12 Unkan, iš iyepi kte šni, tuka tona wotanin wašte, Woniya Wakan mahpiya eciyatanhan kun u šipi kin iyahna sdonyenianpi kin ege nakaha taku oniciyakapi kin hena unkiyepi on yuhapi e owicakiyakapi ; taku

kin hena mahpiya ohnihde kin en eyokasin wacinpi.

13 Heon etanhan, nitawacin nisehu kin opta ipiyagkiton po, waktaya un po, qa Jesus Messiya ihdutanin kinhan wowašte ni-caupi kte cin he ape yukan po, owihanke kin hehanyan.

14 Wicacinca waanagoptanpi kin iyenicacapi kta, qa ehanna wasdonye šni yaunpi qehan cantihayayapi šica ake iyecen ničicagapi kte šni.

15 Tuka tuwe nicopi kin he wakan, he iyecen niš eya oyahandapi kin ocowasin en niwakanpi nunwe.

16 Heon hecen owapi qon, Wakanyan un po, miye mawakan kin heon etanhan.

17 Qa Ateyapi kin wicašta itohnake iwanyake šni wicašta otioyohi iye ohan kin eciyatanhan wicayukkan ece kin he hoyeyakiyapi kinhan, tohanyan den unhdaka yaunpi kin kokipeyahan un po.

18 Witkotkoya oyahandapi kin, nihunkakepi wohdakapi eciyatanhan duhapi qon he etanhan, taku atakunišni ece, mazaskazi qa mazaska on openicitonpi šni e sdonyakiyapi ;

19 Tuka Messiya we tehike cin he on, tahin wanunyanpi cincadan, taku iyaonpepica šni qa ecedan un kin iyececa.

20 Iye qe maka kin de kagapi šni itokam wakiconzapi, tuka anpetu ihankeya kin dena en yutaninpi, niyepi kin on ;

21 Wakantanka wicate cin etanhan najinkiyeye qa wowitan qu qon he wicayadapi, iye eciyatanhan ; hecen wicayadapi qa wacinyayapi kin he Wakantanka en un kta.

22 Woniya kin eciyatanhan wowicake anayagoptanpi kin

heon nagi nihduskapi, hunka-
wanjinkiciyapi kin awicakehan
waštewicayadakapi kta, heon
cante ecedan on otoiyohi nina
waštেকicidaka po.

23 Piya icalniyanpi, oicage
kuke kte cin etanhan šni, tuka
kukepica šni kin on, Wakantanka
oie kin ni un qa owihanke wani-
ce kte cin hee on.

24 Wicacełpi owasin peji iye-
ceca, qa wicašta towitan kin
owasin peji hca kin iyececa.
Peji kin he šniš aye ça walica
kin hinłpaya ece ;

25 Tuka Itancan oie kin he
owihanke wanin un kta. Unkan
wotanin wašte oniciyakapi kin
wicoie kin he hee.

WICOWOYAKE 2.

1 Heon etanhan, wocanniye
owasin, qa wohdaye ocowasin,
qa woanakilıbe, qa wowinawizi,
qa iapi šica iyulıpa ełpeya po ;

2 Qa hokšiyooqopa nakaha ton-
pi kin iyecen, wicoie asanpi
wohdaye wanin un kin he cin
po, hecen on inicagapi kta :

3 Itancan kin wacantkiya e
uyatapi hecinhan.

4 He en yahipi, inyan wan ni
un kin iyececa, wicašta akantu
ełpeyapi, tuka Wakantanka e
kałnige ça tełike daka ;

5 Unkan niš eya, inyan ni un
kin iyececa, tipi wakan wan en
icalniyanpi, wawayušnapi wa-
kan kin, hecen wošnapi wakan
qa Jesus Messiya eciyatanhan
Wakantanka iyokipi kin wadu-
šnapi kta.

6 Heon etanhan nakun wowa-
pi en kagapi qon, Wanyaka po,
Zion en inyan wan oise pa lin-
ca ewahde, kałnigapi, tełika ;
unkan tuwe he wacinye cinhan
wištece kte šni ce.

7 Niye wacinyayapi kin he te-
łike yadapi ; tuka tona waanago-
ptanpi šni kin hena, inyan tipi
kagapi ełpeyapi qon he oise pa
linca icaga, inyan on siha iboto-
pi qa imniya on šinhdapi ece kin
hee ;

8 Tona wicoie kin on šinhdapi
qa waanagoptan šni unpi kin he-
na on ; heon hecen ewicahdepi.

9 Tuka wicoicage kałnigapi,
wawayušnapi wicaštayatapi, wi-
coun wakan, qa oyate opewica-
kitonpi kin he niyepi ; hecen tu-
we otpaza etanhan, iye iyoyan-
pa wakan tawa kin en nicopi
kin he ołan wašte kin odakapi
kta.

10 Ehanna oyate henicapi šni,
tuka nakaha Wakantanka tao-
yate yaunpi ; he ehan onšinida-
pi šni, tuka wanna wowaonšida
iyoyahipi.

11 Waštєcicidapi, ceciciyapıce,
oyate tokeca qa unhdaka unpi
kin iyecen wicacełpi cantiheya-
pi kin, wicanagi kin kicize
cin, hena ayušan po :

12 Qa Ikcewicašta ehna owo-
tanna ołanyan po ; hecen šica-
ya econ keniciyapi keš, wiwica-
wangapi anpetu kin en, niołan-
pi wašte wanyakapi kte cin he-
na on Wakantanka yaonihanpi
kta.

13 Itancan kin on etanhan, wi-
cašta akantu wakonzapi kin owa-
sin anagoptan po ; wicaštayata-
pi kin he iyotan tanka ;

14 Qa wicašta itancanpi kin iš
tona šicaya ołanyanpi šitkihda-
wicayapi kta, qa tona tanyan
econpi wicayaonihanpi kta e on
u wicaši kin hena.

15 Hecen Wakantanka tawa-
cin, tanyan oyahandapi kin on
wicašta witkotkoka wiyukcan
šni kin hena inina yankewicaya-
kiyapi kta.

16 Nihduhapi, tuka tawaniçiyapi kin he wocanniye onhoñda iyecen yecunpi kte ñni, tuka Wakantanka tawowidake kin iyececa.

17 Owasin wicayuonihan po. Hunkawanjinkiciyapi kin wašte-kida po. Wakantanka kokipa po. Wicaštayatapi kin yuonihan po.

18 Wowidake yaunpi kin, tona niyuhapi kin ocowasin kokipeyahan anawicagoptan po, tona wašte qa wahbadan kin hecedan ñni, tuka tona ksizece cin hena nakun.

19 Tuwe Wakantanka awacin un kin on, hecetu ñni ešta kakişyapi qa woiyokişice yuha un kinhan, he wowašte.

20 Wayahtanipi kin on anipapi, qa wacinnitankapi kinhan taku iyokihi kta he; tuka tanyan ecanonpi kin on kakişnyanpi kinhan, wacinnitankapi hecinhan, he Wakantanka iyokipi.

21 Unkan he on nicopi; Messiya unkiyepi on kakije ça wonspe aihpeunkiyapi kin he iyecen niş eya iye owe kin en opa dapi kta.

22 Iye qe woahitani takudan econ ñni, qa i kin ohna wohnaye takudan iyeyapi ñni;

23 Kigepi qehan itkom wicakige ñni; kakişyapi he ehan owawicakiye ñni; tuka tuwe owotanna wiyukcan ece kin he en ihdoya.

24 Iye linca can akan un qehan, iye tancan kin en waunhtanipi kin yuha; hecen unkiye woahitani ehpeunyanpi woowotanna en unnipi kta: Iye apapi qon on asniniyanpi ce

25 Tahin wanunyanpi nunipi kin iyenicecapi; tuka wanna tuwe wonniyanpi qa nagi awan-nyakapi kin he ekta yahdipi.

WICOWOYAKE 3.

1 He iyecen, winohincapi kin, nihihnapi wicihukun un po; hecen tona wicoie kin anagoptanpi ñni kin hena, wicoie codan ešta, iye tawicupi ohanpi kin on iya-kapewicayapi kta;

2 Niohanpi wašte wokokipe iyahna wanyakapi kin icunhan.

3 Ihduzapi kin he akantanhan, paha kisonpi, qa mazaskazi oinpi, qa wokoyake unpi kin hee kte ñni:

4 Tuka wicašta mahentanhan cante kin ekta, taku hwinpica ñni kin, tawacin wahbadan qa inina un, he Wakantanka itokam taku telike cin ee.

5 Is eya, wanakaja, winohinca waštešte Wakantanka wacinyanpi qon hena e hecen kiçunpi, qa hihnakupi kin wicihukun unpi.

6 Hecen Sara Abraham anakigoptan, qa, Itancan, eciya ece; he cunkşiwicaye cin hena niyepi, tanyan ecanonpi qa wokokipe takudan on niyuşinyayapi ñni kinhan.

7 Nakun wicašta yaunpi kin, wosdonye eciyatanhan om yukan po, nitawinpi wakşıca wankadan iyececa, qa om wiconi wowašte kin tawaniçiyapi kta iyecen wicahduonihan po; hecen wocekiye nitawapi kin kagipi kte ñni.

8 Ehake, owasin cante wanjidan hduwitaya onşikicida po; hunkawanjinkiciyapi kin iyecen waştekcida po, waonşidapi qa wacantkiya po.

9 Taku şica on itkom taku şica econpi ñni po; qa nicigepi ešta wicakigepi ñni po; tuka itkopatanhan wayawašte po; heon nicopi, hecen woyawašte tawayayapi kta e sdonya po.

10 Tuwe wiconi waštedake ça anpetu wašte wanyaka cin kinhan, iye ceji kin taku šica en yeye kte šni, qa iha kin wohnaye takudan ie kte šni.

11 Taku šice cin okamna kta, qa taku wašte e econ kta; wokiye akite ça kuwa aye kta ce.

12 Jehowa išta kin wicašta owotanna awicaŋonwan, qa wocekiye eyapi kin he anohwica-kiciya; tuka tona šicaya econpi kin Jehowa itohnake kin itkowicakipa ece.

13 Unkan taku wašte kin pasi yaunpi kinhan, tuwe e kiunniniyanpi kta he.

14 Tuka owotanna ohanyanpi kin on šicaya nicuwapi kinhan, he wowašte; hecen wokokipe tawapi kin kokipapi šni, qa cante hahayedan yankapi šni po:

15 Tuka nicantepi kin en Wakantanka Itancan kin wakanda po; qa tuwe wowacinye en niunpi kin on iniwangapi kinhan, wahbayedan kokipeyahan adu-ptapi kta e ohinniyan wiyeya yanka po;

16 Wawiyukcan wašte hduha po; hecen šicaya ohanyanpi iyecen tona aniiapi kin hena ištecapi kta, Messiya on niohanpi wašte kin itonšniyan oniyakapi kin.

17 Wakantanka hecen tawacin hecinhan, taku šica econpi kin hee šni, tuka taku wašte econpi kin on kakišniyanpi kinhan hee wašte kta.

18 Messiya iš eya wancadan woahitani on kakija, owotanna un kin owotanpidan šni kin hena on, Wakantanka ekta unkau-pi kta e heon, wicacehpi kičun ktepi, tuka Woniya kin on kiniyanpi.

19 Nakun he on ekta ye ça wi-

canagi wicakaška tipi ohna unpi kin hena wowicakiyaka;

20 Hena e ehanna waanagoptanpi šni, Wakantanka wawacinkta yuza tanka tehan awicape, Nowa taanpetu kin en, wita wata kagapi kin icunhan, he ohna tonana, wicanagi šahdoganna mini on nipi.

21 Qa wiyacinpi kin he iyececa, baptem nakaha niunyanpi ece; wicacehpi ašape cin yutokan iyeyapi kin hee šni, tuka Wakantanka ekta wawiyukcan wašte waayupte cin hee, Jesus Messiya ihduekicetu kin heon etanhan;

22 Iye qe mahpiya kin ekta kihde ça Wakantanka etapa kin eciyatanhan yanka; mahpiya ohnihde, qa wicookihi, qa wowaške kin owasin iye ihukun iyewicayapi.

WICOWOYAKE 4.

1 Heon etanhan, Messiya wicacehpi en unkiyepi on kakije cin heon, niš eya iyecen tawacin kičun po: tuwe wicacehpi kin en kakije cin he wanna woahitani ayušan:

2 Hecen, hetanhan icimana wicacehpi eciyatanhan ni kte šni, wicašta taku šica cantiheyapi kin en, tuka Wakantanka tawacin kin eciyatanhan.

3 Hekta unnipi kin, Ikcewicasta tawacinpi kin ecen econkupi kin he ota, wicohan šica, wocantiheye šica, miniša ota, wakan wacipi, witkopi, qa wakagapi wakandapi šice cin hena omaunnipi qehan.

4 He en iš iye witkoya škanpi kin on iyecen iyatahdemiciyapi šni kin heon tognihdapi qa niyašicapi ece;

5 Hena e tuwe ni unpi tapi ko-

WICOWOYAKE 5.

ya wicayaco kta wiyeya yanke cin hee itokam wohdakapi kta.

6 Heon etanhan, nakun tona tapi kin hena wotanin wašte owicakiyakapi qon, hecen wicašta wicacelipi en un kin iyecen wicayacopi ešta woniya en Wakantanka eciyatanhan nipi kta.

7 Tuka taku owasin ecadan owihanke kta. Heon etanhan wacinksapa po, qa wocekiye on waktaya un po.

8 Qa taku owasin isanpa niye iyakitedan nina cantekiciya po; wacantkiyapi kin he woahłani ota akahpe kta.

9 Iapi sica wanin otoiyohi wonkiciya po.

10 Taku wicaqupi kin wicašta otoiyohi icu kin he iyecen iyakitedan okinikiciciya po, tona Wakantanka towaonsida ocaje ota tanyan yuhapi kin iyececa.

11 Tuwe ie cinhan Wakantanka oie kin iyecece kta; qa tuwe waokiya hecinhan wookihi Wakantanka qu kin he eciyatanhan kte; hecen taku owasin on Wakantanka yatanpi kta, Jesus Messiya eciyatanhan; iye qe woyatan qa wookihi owihanke wanin kiciun nunwe. Amen.

12 Waštecicidapi kin, peta on iyutanpi kin on iniyutanpi kte cin he on yušinyayapi šni po, taku tokeca ayakipapi iyececa.

13 Tuka Messiya kakije ciqon en oyapapi kin heon iyuskin po; hecen tohan towitan tanin kinhan nina iduškinpi kta.

14 Messiya caje kin on niyašicapi kinhan, niyuwaštepi ece; wowitan qa Wakantanka Taniya kin en niunpi kin heon. Hena e eciyatanhan oštehdapi, tuka niye eciyatanhan yatanpi ece.

15 Tuka ihnuhan wanji tin wicakte sa, qa wamanon sa, qa taku sica econ sa, qa tokan tawa i

en iyewicakiciciye cin iyecen kakišniyanpi kinhan.

16 Hececa ešta tuwe Messiya tawa kin on kakišyapi kinhan ištece kte šni; tuka heon Wakantanka yatan kta.

17 Wakantanka tiyohnaka tawa kin wicayukeanpi kte cin wanna iyehantu. Unkan he unkiyepi etanhan aye cinhan, tona Wakantanka tawootanin wašte wicadapi šni kin hena token owihankepi kta he.

18 Qa wicašta owotanna kin kitan se ni kinhan, tuwe šicaya econ qa wahtani sa kin hena tukten yakonpi kta he.

19 Heon etanhan, tona Wakantanka eciyatanhan kakijapi kin hena, wašte ece econpi kin en, Wawicahye wacinyepica kin iyecen iye nagipi kin yuhekiyapi kte.

WICOWOYAKE 5.

1 Miye hunkayapi kin hemaca, qa Messiya kakije ciqon wamndake ca, wowitan yutaninpi kte cin he en owapa, tona hunkayapi yaunpi kin ceciciyapi ce;

2 Wakantanka optaye tawa ehna yaunpi kin he wonwicaya po; econ niciyapi kin iyecece šni, tuka iyokipiya awanwicadapapi kta; woyuha sica kin on etanhan šni, tuka tawacin wašte on ecanonpi kta:

3 Wakantanka taku tawa hince cin en itancanpi kin iyenicecapi kte šni, tuka optaye kin en wonspekiya yaunpi kta.

4 Hecen Waawanhake Itancan kin tohan ihdutanin kinhan, hehan wowitan watešdake wan šnije kte šni kin he iyacupi kta.

5 Nakun, tona aškatudan yaunpi kin, hunkawicayapi kin anawicagoptan po: Han, owasin

II. INYAN.

otoiyohi anakicigoptan po, qa wowahbadan koyaka po. Tona wahanicidapi kin hena Wakan-tanka wicakipajin, tuka tona onsikihanpi kin hena wowaonsida wicaqu ece.

6 Heon etanhan, Wakantanka nape wasake cin ihukuya onsikihan po; hecen tohan iyehantu kinhan yuwankan inicupi kta:

7 Wacin akipam duzapi kin owasin iye en aihpeya po; iye qeawanicinpi ece.

8 Witkopi sni po, waktaya un po; Wakanśica tokaniyanpi kin he mnaja hoton ece kin iyecen omani un, tuwe yapote kte cin he akita ece.

9 Sutaya wacinyayapi kin on he kipajin po; nihunkawanjipi maka akan unpi kin hena en wokakije kin dena iyececa yu-ſtanpi ece e sdonyayapi.

10 Tuka Wakantanka wowaonsida ocowasin hduhe cin, Je-

sus Messiya eciyatanhan, wowitan owihanke wanica iye tawa kin en unkcipi kin he, tohan cistiyedan nicakijapi kinhan, niyuſtanpi kte, pahohoſni enihnakapi, niyuwasakapi, qa sutaya nihdepi nunwe.

11 Iye qe wowitan qa wokiconze kin owihanke wanin tawa nunwe. Amen.

12 Siluanos nihunkawanjipi wan wacinyepica wadake cin on wowapi ptecedan cicagapi; wahokonciciyapi qa wociciyakapi, Wakantanka towaſte wicakapi en nayajinpi kin he dee ce.

13 Babulon ekta tona om nichanigapi kin hena nape niyuzapi, qa nakun Markos micinkſi kin.

14 Wacantkiyapi iiputakapikin on otoiyohi nape kiciyuza po. Tona Jesus Messiya en yaunpi kin owasin wookiye nicipi un nunwe. Amen.

IN YAN

TAWOWAPI INONPA KIN.

WICOWOYAKE 1.

1 Simon Inyan, Jesus Messiya tawowidake qa yeſi qon he, tona Wakantanka unkitawapi toowotanna kin on, qa Jesus Messiya Wanikiye cin eciyatanhan, unkiye unhapi kin iyecen wowa-cinye tehika yuhapi kin hena *wowapi wicakicaga*.

2 Wowaonsida, wookiye ko, Wakantanka sdonyapi kin en, qa Jesus Itancan unkiyapi kin on niciyuotapi nunwe.

3 Iye towaſake wakan kin he taku on wiconi qa woohodapi

kte cin owasin unqupi kin he iyececa, tuwe wowitan qa wookihi on unkcipi kin he sdon-yapi kin eciyatanhan.

4 Hena on taku tanka hinca, qa taku tehike hinca iwahounyanpi; hecen hena on Taku Wakan ouncage kin en oyapapi kta, wiconi kin de en wocantiheye ſica on wicoſice nayecipapi kin.

5 Qa nakun he on nina mniheiciya po, wacinyayapi kin en waditakapi kin ikoyagya po; qa waditakapi kin en wosdonye;

6 Qa wosdonye kin en iyatahdeiciyapi ſni; qa iyatahdeici-

WICOWOYAKE 2.

yapi šni kin en wacintankapi; qa wacintankapi kin en taku wakan iyececap; i;

7 Qa taku wakan iyececap kin en waštekičidapi; qa waštekičidapi kin en wacantkiyapi *iko-yagya po*.

8 Hena taku kin en niunpi qa niciyuotapi kinhan, Jesus Messiya Itancan unkiyapi sdonyapi kin en taku icahe ča waskuyeca aicage cin henicapi kta e ničagapi.

9 Tuka tuwe dena yuhe šni kinhan, he ištagonge ča tehan wawanyaka okihi šni, qa wahtani qon hena kipakintapi kin he akiktonja.

10 Heon etanhan, mihunkawanji, nicopi qa nicalnigapi kin aiciciya hdsuta po; hena hecen ecanonpi kinhan icimana nihinhpayapi kte šni.

11 Qa nakun heon Jesus Messiya Itancan qa Wanikiya unkitawapi tokiconze owihanke wance cin en yaipi kte cin wijinya ničupi kta.

12 Heon etanhan taku hececa ohinniyan kiksuyeciciyapi kta awektonje kte šni, hena niye hinca sdonyayapi, qa nakaha wowicake kin de en sutaya nihdepi ešta.

13 Tohanyan wakeya kin de ohna waun kin hehanyan kiksuyeciciyapi kin on iyocipaštakapi kte cin he hecetu wadake:

14 Wakeya mitawa kin de aškadan wehnake kta sdonwakiya, Jesus Messiya Itancan unkiyapi omakiyake cigon iyececa.

15 Tuka nakun detanhan imdamde cin iyohakam, taku kin dena ohinniyan yeksuya oya-kihipi kta e awakite kta.

16 Jesus Messiya Itancan unkiyapi towašake qa hi kte cin hena unkoniciyakapi qehan, hi-

tunkakanpi ksamya kagapi kin unkunpi šni, tuka iye tanka hince cin he išta on wanunyakapi.

17 Wakantanka Ateye cin eciyatanhan woyuonihan wowitan ko ieu, wowitan wašte kin etanhan wicaho kin de hiyu qehan, Micinkši wašewakidake cin he dee, on iyomakipi hinca ce.

18 Unkan wicaho kin he małpiya eciyatanhan u kin he na-unhonpi, paha wakan kin akan kici unyakonpi qehan.

19 Tuka wokcanpi oie iyotan suta wan unhapi; he qe anayagoptanpi kinhan tanyan ecanonpi kta, petijanjan tukten otpaze cin en ijanjan kin iyececa, nicantepe kin ekta anpao kamdeze ča, en anpao wicanłpi kin hinanpe kte cin hehanyan.

20 Qa de tokaheya sdonya po, wowapi wakan kin en wokcanpi kin owasin tuwedan iye cinka oyake šni.

21 Wokcanpi kin wanakajatanhan wicašta tawacin kin eciyatanhan u šni; tuka wicašta wakan Wakantanka tawa Woniya Wakan kin token iewicakiye cigon hena hecen eyapi ece.

WICOWOYAKE 2.

1 Tuka he ehan oyate kin ehna wicašta wokcan itonpi šni yukan qon, he iyecen niyepi kin ehna waonspekiya itonpi šni kin heca yuke kta, nalmana wohnuni woihangye kin en aupi kta, Itancan opewicakiton qon he ełpeyapi, qa wicotakunišni ołanko amnaicayapi kta.

2 Qa wicohān šica econpi kin en wicota opapi kta; hena on wowicake canku kin yašicapi ece e kta.

3 Qa waicu wacinpi kin eciya-

II. INYAN.

tanhan wicoie skuya on wiyopeniyanpi kta ; hena e wicayacopi kin wanakajatanhan en awicau, qa ihangwicayapi kte cin he hba šni.

4 Wakantanka mahpiya ohnihde wahitanipi qon hena wicakpatan šni, tuka wakanšica ti kin ekta iyayewicaya, qa woyacote cin hehanyan wicayuhapi kta e otpaza maza icicahila on wicakaška hecinhan ;

5 Qa maka tannike cin kpatan šni, tuka Nowa wicašta wicišahdogan wicoowotanna oyake cin he kpatan, qa wicoicage wahitanipi sa amnitanwicaya ;

6 Qa Sodom qa Gomorra otowe kin cahota kahya ehpewicaye, woihangye on wicayaco, qa tona tokata wahitani sa unpi kte cin hena woonspe wicakicaga ;

7 Qa Lot owotanna un, wicašta wahitepi šni ohan šicapi kin wacin iyowicakišica ece kin he ehdaku :

8 Wicašta owotanna kin he hena wicehna ti, qa taku wanayake ça nahon kin on, anpetu eca iye nagi owotanna ekta wacin iyowicakišica ece, šicaya oħanyanpi kin on :

9 Itancan kin wicašta wašte wowiyutanye kin etanhan token ewicahdaku kta sdonya, qa nakun wicašta owotanna šni kin woyaco anpetu kin hehanyan wicayuhe kta, šitkihdawicayapi kta e heon :

10 Tuka tona woasamyecantihayapi kin en wicacehpi ecijatadhan manipi, qa wokiconze wahitedapi šni kin hena iyotan : hena wahaničidapi qa wamnaičidapi ece ; qa tona tankapi kin wicayašicapi kokipapi šni.

11 Mahpiya ohnihde kin, woo-kihi qa wowašake on iyotanpi qeyaš, Itancan kin itokam wa-

yašicapi woyaco kin en awicayapi šni ece.

12 Tuka dena iš, woteca iyececa, wicayuzapi qa ihangwicayapi kta e on wicakagapi kin, taku okahinigapi šni keš he yašicapi ece ; qa wicotakunišni tawapi kin en ihangiciyapi kta ;

13 Qa anpetu icunhan tanyan wotapi kin he woiyokipi dakapi kin heon woahitani iyunwin kin icupi kta. Hena om wayatapi icunhan wohneyeiciyapi kin on iyuškinpi, woasape qa taku samya wanke cin hecapi ;

14 Išta yukanpi wiinahmanpi kin on ojudan qa woahitani ayušanpica šni ; wicanagi kacegya unpi kin hena wicahnayanpi ece ; cante wawicakipi e ecewakta kin heca yuhapi, wicotakunišni cincapi kin :

15 Canku owotanna kin ayušanpi, qa onuniyata unpi, Balaam Bosor cinhintku woahitani iyunwin waštedake ciquon he tancanku kin en opapi :

16 Iye taku šica econ qon on iyopeyapi ; šonšonna kin ia okitpani ece wicaho on ie ça, wicašta wokcan witkotkoya oħanye cin he kišica.

17 Miniyowe mini wanica, mahpiya šapa tate iyumni on toke cincin eyaye cin hena hecapi ; hena on otpaza sape linca owihanke wanica wicakicihnakapi.

18 Wahanhaničidaya takušnišni eyapi eca, wicacehpi cantihayapi kin ecijatadhan, witkoya oħanyanpi kin on, tona wohneye en oounyanpi kin kitan ecinyan nawicakicipapi qon hena iyakapewicayapi ece.

19 Tawaiciyapi kin wicaqupi kta keyapi, tuka iyepi kaeš wicotakunišni iwicadaka. Taku on tuwe iyakapeyapi kinhan, he on wowidagyapi ece.

WICOWOYAKE 3.

20 Itancan qa Wanikiya Jesus Messiya sdonyapi kin eciyatanhan, wicoicage kin de en woasape kin nakipapi esta, ake hena on iyakaheyapi qa en ihdaskapi kinhan, hena otokahe ekta waste qa owihankepi kin he sica ece.

21 Woowotanna canku kin he sdonyapi sni unkanis he waste kta tuka, qa he sdonyapi qa wahohe wakan wicaqupi kin ayustanpi kin he sice hinca.

22 Tuka wiyacinpi eyapi wicakapi kin he iyecen waakipapi; Sunka taku hiyuye cin he ake hduta ce; qa, Kukuŕe yujajapi qon he ake upŕija en iwanka ce.

WICOWOYAKE 3.

1 Waŕtecicidapi kin, de nakaha wowapi inonpa cicagapi; hena en nitawacinpi mdesahan kiksuyapi on iyocipaŕtakapi.

2 Hecen wicaŕta wokcan wakan token oieyapi qon, qa nakun unkiye Itancan qa Wanikiya yeunŕipi qon token econ unniŕipi kin hena yeksuyapi kta.

3 Qa de tokaheya sdonya po, anpetu ehake kin en waihaŕapi, iye cantiheyapi sica eciyatanhan manipi kin heca hipi kta;

4 Qa heyapi kta; Hi kta ke-yapi qon he tukte e he; wicahunkake iŕtinma ihpayapi ehan-tanhan otokaheya tanhan taku owasin tokeca ŕni wanka ce.

5 Tuka he de sdonyapi ŕni, Wakantanka oie kin eciyatanhan maŕpiya kin ehanna un, qa maka kin mini mahen qa nakun mini akan han;

6 Qa nakun he eciyatanhan, maka ehanna un qon he mini apaŕbog hiyaye ca ihangya.

7 Tuka maŕpiya qa maka nakaba un kin hena iye oie kin on kihnakapi, peta on ayuhapi, wo-

yaco anpetu qa wicaŕta sica ŕitkihdawicayapi kte cin hehan-tu.

8 Tuka, waŕtecicidapi kin, he de sdonye ŕni yukanpi ŕni po, Itancan kin ekta anpetu wanjidan waniyetu kektopawinge iyececa, qa waniyetu kektopawinge anpetu wanjidan iyececa ece.

9 Itancan kin taku wahowicaye cin yutehan ŕni, wicaŕta wanjikŕi, yutehanpi eyapi kin iyececa; tuka unkiyepi on wawacinkta yuza tanka, tuwedan awihnuniiŕiye kte ŕni, tuka owasin woiyopeiŕiye en ihdoupi kta cin.

10 Tuka Itancan taanpetu kin wamanon sa wan hanyen hi ece kin he iyecen u kta, hehan maŕpiya kin himunhmunyan hinhda on tokan iyaye kta, qa taku kin peta hinca on skan kta; qa maka kin wicoŕhan ohna un kin hena huŕnage kta.

11 Hena taku kin owasin hecen skan kta hecinhan, wicoŕhan waste qa Taku Wakan iyececapi kin en taku wicaŕta yaunpi kta iyececa he:

12 Wakantanka taanpetu u kte cin he ayapepi qa on inayaŕnipi kta; he en maŕpiya kin aide ecen atakuni kte ŕni, qa taku kin peta tanka hinca on skan kta.

13 Hececa esta, unkiye, iye wahounyanpi kin eciyatanhan, maŕpiya teca qa maka teca en woowotanna ounye cin he wan-unyakapi kta e unkaepi.

14 Heon etanhan, waŕtecicidapi kin, taku hececa ayapepi kin heon aiŕiciya po, hecen iye wookiye en asape ŕni qa iyaon-pepicaŕni iyenianpi kta.

15 Qa Itancan wawacinkta yuza tanka kin he wiconi kecan-kin po; Palos, hunkawanjinun-

I. JOHANNES.

yanpi wašte kin, is eya woksape qupi kin eciyatanhan, wowapi nicagapi kin iyececa ;

16 He wowapi kage cin owasin en taku hececa cajeyata ece ; hena wanjiksi okahnił te- hika, tona onspepi šni qa kakti- hanhan unpi kin yatokecapi, wowapi unma kin iyececa, iye ihdutakunipi kte šni heon.

17 Heon etanhan, waštecici-

dapi kin, niš niyepi hena itokam sdenyayapi, heon ihnuhan wica- šta šica wohneye kagapi kin ni- hnayanpi, qa sutaya nihdepi kin etanhan nihinlipayapi kinhan.

18 Tuka wowašte kin en, qa nakun Itancan unyanpi Wani- kiya Jesus Messiya sdonyapi kin en icaga po. Iye kin wowitan nakaha qa owihanke wanica ki- ciun nunwe. Amen.

JOHANNES

TAWOWAPI TOKAHEYA KIN.

WICOWOYAKE 1.

1 Taku otokaheya tanhan un, taku naunhonpi, qa ista on wan- unyakapi, opaunhitapi qa nape on unzapi, Wiconi Oie kin hee.

2 Wiconi kin he ihdutanin ; unkan Wiconi Owihanke Wani- ca Ateyapi kin kici un, qa un- kiyepi kin en ihdutanin qon he wanunyakapi, qa unyaotaninpi qa unkoniciyakapi.

3 Taku wanunyakapi qa naun- honpi kin he unkoniciyakapi, hecen niye unyecicapi kta ; un- kan awicakehan Ateyapi kin kici okiciciya unyakonpi, qa na- kun iye Cinhintku Jesus Messi- ya kici.

4 Unkan nitowiyuškinpi kin yucopi kta e heon dena decen wowapi unnicagapi.

5 Hehan wotanin wašte iye eciyatanhan naunhonpi qa un- koniciyakapi kin, Wakantanka he iyoyanpa, qa otpaza takudan en un šni kin he hee.

6 Iye kici okiciciya unyakonpi ce, unkeyapi qa otpaza kin oma-

unnipi kinhan, unkitonpišni qa wowicake kin econkupi šni ece.

7 Tuka iye iyoyanpa en un kin he iyecen iyoyanpa kin en ma- unnipi kinhan, otoiyohi okicici- ya unyakonpi, qa iye Cinhintku Jesus Messiya we kin he woal- hitani owasin unkipakintapi kta.

8 Woalhitani unnicapi ce, un- keyapi kinhan, unkičihnayanpi qa wowicake kin unkiyepi en un šni.

9 Tuka waunhitanipi kin un- kohdakapi kinhan, iye kin wa- cinyepica qa owotanna un, he- cen woalhitani yutokan iyeunki- ciciyapi kta, qa taku šica owa- sin unkipakintapi kta.

10 Eca waunhitanipi šni ce, unkeyapi kinhan, iye itonšni un- dakapi, qa iye oie kin unkiyepi en un šni ece.

WICOWOYAKE 2.

1 Micinca cikeistinpidan, wa- yałitanipi kte šni e heon dena decen wowapi cicagapi. Unkan tuwe wałitani kinhan Ateyapi kin ekta Wawiciya wan unhapi,

Jesus Messiya owotanna kin hee.

2 Unkan waunhtanipi wokajuju kin he iye; qa unkiye unkita-wapi kin hecedan šni, tuka maka kin owancaya woah̄tani econpi kin hena.

3 Unkan deciyatanhan iye kin wanna sdonunyanpi e sdonunkiyapi, tawoahope unkokicipapi kinhan.

4 Tuwe, He sdonwaya ce, eye ɕa tawoahope okicipe šni kin he itonšni, qa wowicake kin en un šni.

5 Tuka tuwe iye oie kin okicipe cinhan, awicakehan he en Wakantanka waštedake cin yuecetupi. Heciyatanhan iye kin en unyakonpi kin sdonunkiyapi ece.

6 Tuwe he kici un keye cinhan, iye token omani qon is̄ iyeccen omani kta iyececa.

7 Mihunkawanji, woahope teca wan cicagapi šni, tuka woahope tanina, otokaheya tanhan duhapi qon hee. Woahope tanina kin wicoie otokahe ekta nayahonpi qon he hee.

8 Hehan akeš woahope teca wan cicagapi; he iye kin en wowicake, qa nakun niyepi kin en; otpaze cin he wanna hena-keca, qa iyoyanpa wicake cin he wanna tanin kin heon etanhan.

9 Tuwe iyoyanpa kin en un keiɕiye ɕa, hunkawanjitku kin šicekidake cin he dehantu otpaza kin en un.

10 Tuwe hunkawanjitku waštekidake cin he iyoyanpa kin en un ece, qa wokašeye takudan en un šni.

11 Tuka tuwe hunkawanjitku šicekidake cin he otpaza en un, qa otpaza omani, qa tokiya ye cin sdonkiye šni, is̄ta kin otpaza kašeya, heon etanhan.

12 Hokšiyopa cikeistinpidan, iye ɕaje kin on wayahtanipi kin nicicajujupi kin heon wowapi cicagapi.

13 Hunkakeniyanpi kin, tuwe otokaheya tanhan un kin he sdonyayapi kin heon wowapi cicagapi. Koškapi kin, tuwe šice cin he ohiyayapi kin heon wowapi cicagapi.

14 Hokšiyopa cikeistinpidan, Ateyapi kin sdonyayapi kin he etanhan wowapicicagapi. Hunkakeyapi kin tuwe otokaheya tanhan kin he iye sdonyayapi kin heon wowapi cicagapi. Koškapi kin, wanišakapi, qa Wakantanka oie kin en niunpi, qa tuwe šice cin he yaktepidan kin he etanhan wowapi cicagapi.

15 Wicoicage kin de waštedapi šni po, qa taku wicoicage kin ekta un kin hena nakun. Tuwe wicoicage kin de waštedake cinhan, Ateyapi kin waštedake cin en un šni.

16 Taku wicoicage en un kin owasin, wicacehpi cantiheye cin, wicais̄ta cantiheye cin, qa wiconi kin den waħaniɕidapi kin, hena Ateyapi kin etanhan šni, tuka wicoicage kin de etanhan.

17 Unkan wicoicage kin de atakuni kte šni, qa wocantiheye kin nakun; tuka tuwe Wakan-tanka tawacin kin yuhe cinhan, he owihanke wanin ounye kta.

18 Hokšiyopa cikeistinpidan, anpetu ihankeya kin wanna hi-yohi; unkan, Messiya kipajin kin he u kta ce, nayahonpi qon he iyeccen Messiya kipajinpi kin ota wanna hipi; heon de anpetu ehake kin sdonunyanpi.

19 Unkiyepi kin etanhan inan-papi, tuka hena unkicicapi šni. Hena unkicicapi unkanš, unkici,

I. JOHANNES.

pi un wacinpi kta : tuka owasin unketanhanpi šni tanin kta e heon etanhan hececa.

20 Tuka Wanji Wakan kin he niye sdaniyanpi, qa heon taku owasin sdonyayapi.

21 Wowicake kin sdonyayapi šni kin heon wowapi cicagapi šni ; tuka he sdonyayapi, qa woišni takudan wowicake kin eciyatanhan u šni, heon etanhan.

22 Tuwe itonšni he ; tuwe Jesus he Messiya kin ee šni, keye cin hee ; Messiya kipajin kin hee, Ateyapi qa nakun Cinhintku kin anawicakilbe cin hee.

23 Tuwe Cinhintkuyapi kin wicada šni kin he Ateyapi kin yuhe šni : tuka tuwe Cinhintkuyapi kin oyake cinhan, he Ateyapi kin nakun yuha ece.

24 Taku otokaheya tanhan nayaŋonpi qon he yuha po. Taku otokahe ekta nayaŋonpi qon en niunpi kinhan, Cinhintkuyapi kin en yaunpi kta, qa nakun Ateyapi kin en.

25 Unkan wahoyapi qon taku iwahounyanpi kin, owihanke wanin wiconi kin hee.

26 Tona nihnayanpi kta cinpi kin hena on decen wowapi cicagapi.

27 Tuka sdaniyanpi, iye eciyatanhan duhapi kin he nicipi un ; qa tuwe waonspeniciyapi kta iyenicecapi šni ; tuka sdaniyanpi kin he taku owasin onspeniciyapi, he wowicake qa woišni wanica ; he taku onspeniciyapi kin iyecen, iye kin en un po.

28 Unkan dehan, hokšiyopa cikeistinpidan, iye kici un po ; hecen tohan iye ihdutanin kinhan wacinunyanpi kta, qa taninyan binajin kinhan, itokam unkištecapi kte šni.

29 Iye owotanna un sdonyaya-

pi kinhan, tuwe woowotanna econ kin he iye kin eciyatanhan wanna teca nien tonpi e nakun sdonya po.

WICOWOYAKE 3.

1 Wanyaka po, Ateyapi kin wocantekiye hinsko tanka unqupi kin, Wakantanka cinca unkekiciyapi kta : heon etanhan wi-coicage kin sdonunyanpi šni, iye kin sdonyapi šni qon iyececa.

2 Waštecicidapi kin, wanna Wakantanka cinca kin heuncapi ; qa tounkecapi kte cin hinahin tanin šni : tuka iye kin ihdutanin kinhan, iyeuncecapi kta e sdonunkiyapi ; he token un kin wanunyakapi kta nakaes.

3 Unkan tuwe hecen wacinyan canteyuze cinhan ihducedan ece, iye kin ecedan un kin iyece.

4 Tuwe wahtani econ kin he woope kin kicaksa ece ; wahtani he woope kicaksapi kin hee.

5 Unkan iye ihdutanin qon, waunhtanipi kin yutokan iyeye kta e heon, he sdonyayapi ; qa iye kin wahtani takudan en un šni.

6 Tuwe iye en un kin he wahtani šni ; tuwe wahtani ece kin he iye kin tohinni wanyake šni, qa nakun sdonye šni.

7 Hokšiyopa cikeistinpidan, ihnuhan tuwe nihnayanpi kinhan ; tuwe taku owotanna econ ece kin he owotanna, iye kin owotauna un kin iyececa.

8 Tuwe wahtani econ ece kin he wakanšica eciyatanhan un ; otokaheya tanhan wakanšica kin wahtani ece. Heon etanhan Wakantanka Cinhintku kin ihdutanin, wakanšica ohan kin ihangye kte cin heon.

9 Tuwe Wakantanka eciyatan-

han teca nien tonpi kin he woahtani econ śni, taku on icahe cin he en un kin heon; unkan wahitani okihi śni, Wakantanka eciyatanhan teca nien tonpi kin he etanhan.

10 Detanhan Wakantanka cinca kin sdonwicayapi, qa nakun wakanśica cinca kin; tuwe taku owotanna ece econ śni kin he Wakantanka eciyatanhan śni, qa nakun tuwe hunkawanjitku tanyan cante kiyuze śni kin.

11 Otokaheya tanhan taku iwahokonunkiciyapi nayañonpi qon he dee, otoiyohe wašteunkicidapi kte cin.

12 Qain taku śice cin eciyatanhan un, qa iye sunkaku kikte qon iyecece śni. Unkan taku on kikte he. Iye kin oñan śica, qa sunkaku kin wašte kin heon etanhan.

13 Mihunkawanji, wicoicage kin śicenidapi ešta inihanpi śni po.

14 Hunkawanjinkiciyapi waštewicunkidapi kin heon wiconte etanhan wiconi e ekta unkiyohipi sdonunkiyapi; tuwe hunkawanjitku waštékida śni kin he wiconte ehna un.

15 Tuwe hunkawanjitku śicekidake cin he tinwicakte kin heca; unkan tuwe tinwicakte kin he wiconi owihanke wanica aihduhe śni e sdonyayapi.

16 Deciyatanhan wacantkiyapi kin sdonunyanpi; iye kin unkiyepi on wiconi ehpekiye cin heon; hecen unkiś eya hunkawanjinkiciyapi kin on wiconi ehpeunkiyapi kta iyececa.

17 Tuka tuwe maka akan woyuha ton, qa hunkawanjitku wahpanica wanhdake ça, cantekiye cin anakipte cinhan, token Wakantanka waštédake cin en un kta he.

18 Micinea cikcistinpidan, wicoie qa wicaceji ecedan on wacanunkiyapi kte śni, tuka wicoñan qa wowicake kin on.

19 Unkan deciyatanhan wowicake eciyatanhan unyakonpi, qa iye itohnake kin en cante unhdutinzapi kta e sdonunkiyapi.

20 Uncantepi kin unhdacopi kinhan, Wakantanka uncantepi kin sam iyeya tanka, qa taku owasin sdonya un.

21 Waštécicidapi kin, uncantepi kin unhdacopi śni kinhan, Wakantanka ekta wowaditake kin unhapi:

22 Qa taku unkidapi kin owasin unkiyapi ece, tawoahope kin unkiyuhapi, qa taku iye išta kin en iyokipi kin he econkupi, heon etanhan.

23 Unkan tawoahope kin he dee, Iye Cinhintku Jesus Messiya caje kin wacinunyanpi, qa otoiyohe wašteunkicidapi kta, econ unśipi qon iyececa.

24 Tuwe tawoahope kin opecinhan, he *Wakantanka* kici un, qa iś iye kin en un; unkan Woniya unqupi kin he eciyatanhan iye unkiyapi un kin he sdonunyanpi ece.

WICOWOYAKE 4.

1 Waštécicidapi kin, ihnuhan woniya owasin wicayadapi kinhan; tuka woniya kin wicayukan po, Wakantanka etanhan unpi kinhan; wicašta wokcan itonpiśni ota wanna wicoicage kin ehna iyayapi.

2 Deciyatanhan Wakantanka Taniya kin sdonyayapi kta; woniya kin tona Jesus Messiya wicacehi un hi oyake cin hena Wakantanka eciyatanhanpi ece.

3 Qa woniya kin tona Jesus Messiya wicacehi un hi oyake śni kin hena Wakantanka eciya-

tanhanpi šni; tuka Messiya kipajin u kta nayahonpi qon he dee, wanna wicoicage kin en un.

4 Kokšiyopa cikcistinpidan, Wakantanka eciyatanhan yaunpi, qa hena ohiwicayayapi; tuwe en niunpi kin he tuwe wicoicage en un kin isanpa tanka.

5 Hena e wicoicage kin etanhanpi; heon wicoicage kin iyeccen iapi, unkan wicoicage kin anawicagoptan ece.

6 Unkiye Wakantanka unketanhanpi; tuwe Wakantanka sdoney cin he unkiye anaungoptanpi ece; qa tuwe Wakantanka eciyatanhan šni kin he anaungoptanpi šni. Deciyatanhan wowicake woniya qa wohneye woniya kin napin sdonunyanpi.

7 Waštecicidapi kin, otoiyohi canteunkiciciyapi kte; wacantkiyapi kin he Wakantanka eciyatanhan un; qa tuwe wacantkiye cin he Wakantanka eciyatanhan tonpi, qa Wakantanka sdonya.

8 Tuwe wacantkiye šni kin he Wakantanka sdoney šni; Wakantanka he wacantkiyapi kin hee.

9 Wakantanka canteunkiyapi kin he deciyatanhan tanin, Wakantanka iye Cinhintku išnana icage cin he makata u ši, heciyatanhan unnipi kta e heon.

10 Wacantkiyapi kin he deciyatanhan, unkiye Wakantanka wašteundakapi kin hee šni, tuka iye canteunkiyapi, qa Cinhintku waunhtanipi yutokan iyeye kta e on u ši qon hee.

11 Waštecicidapi kin, Wakantanka hecen canteunkiyapi kinhan, unkiš eya otoiyohi canteunkiciciyapi kta iyececa.

12 Tuwedan tohinni Wakantanka wanyake šni. Otoiyohi canteunkiciciyapi kinhan Wa-

kantanka unkicipi un, qa iye canteunkiyapi kin unkiyepi en tanyan yuštanpi ece.

13 Heciyatanhan unkiye kici unyakonpi, qa iye unkicipi un kin sdonunyanpi ece, iye Taniya unqupi kin heon.

14 Unkan wanunyakapi, qa Ateyapi kin Cinhintku ukiya, wicoicage kin ekta, Wanikiya hee kta e he unyaotaninpi.

15 Tuwe Jesus he Wakantanka Cinhintku kin hee e oyake cin he kici Wakantanka un, qa iš eya Wakantanka en un ece.

16 Wakantanka canteunkiyapi kin he sdonunyanpi qa wicaundapi. Wakantanka wacantkiyapi kin hee; qa tuwe wacantkiyapi en un kin he Wakantanka kici un, qa Wakantanka iš nakun iye en un ece.

17 Deciyatanhan wocantekiye unkiyepi en unkiciyuštanpi ece, hecen woyaco anpetu kin en wowaditake unhapi kta: iye un kin unkiš iyeccen wicoicage kin den unyakonpi ece.

18 Wacantkiyapi kin en wokokipe wanica, tuka wacantkiyapi yuštanpi kin he wokokipe tankan elpeya ece; wokokipe kin he wicocante šica yuha ece; tuwe wakokipe cin he nahanhin wacantkiyapi kin en yuštanpi šni.

19 Iye tokaheya canteunkiyapi kin heon unkiye *Wakantanka* wašteundakapi.

20 Tuwe, Wakantanka wašewadaka ce, eye ɛa hunkawanjitku šicekidake cinhan, he itonšni. Tuwe hunkawanjitku wandake cin he waštekidake šni kinhan, token ecin Wakantanka wanyake šni kin waštedaka okihi kta he.

21 Unkan iye etanhan woahope kin de unhapi; tuwe Wakan-

tanka waštedake cin he hunka-
wanjitku kin is nakun wašteki-
dake kta ce.

WICOWOYAKE 5.

1 Tuwe Jesus he Messiya kin
ee e wicada kin he Wakantanka
eciyanhan tonpi; qa tuwe wa-
icaliye cin waštedake cinhan,
he tuwe iye eciyanhan teca
ni en tonpi kin he nakun wašte-
daka ece.

2 Deciyatanhan Wakantanka
cinca kin waštewicundakapi kin
sdonunkiyapi, Wakantanka wa-
šteundakapi qa tawoahope kin
tanyan unkiciyuhapi kinhan.

3 Wakantanka waštedakapi kin
he dee, tawoahope kin tanyan
ounpapi kin he; unkan tawoa-
hope kin wošitkihda šni.

4 Tuwe Wakantanka eciyanhan
tonpi kin he wicoicage kin
ohiya ece; unkan woohiye wi-
coicage ohiye cin he dee, wa-
cinunyanpi kin hee.

5 Wicoicage ohiya ece kin he
tuwe he; tuwe Jesus he Wa-
kantanka Cinhintku kin ee e
wicada kin hee.

6 Tuwe mini qa we eciyanhan
hi qon he Jesus Messiya ee;
mini ecedan on hi šni, tuka mini
we ahna. Unkan wayaotanin
kin he Woniya kin hee; Woniya
kin he wowicake, heon etanhan.

7 Małipiya kin ekta yamni wa-
yaotaninpi ece, Ateyapi kin, Wi-
coie kin, qa Woniya Wakan kin;
unkan hena yamni wanjipidan.

8 Nakun maka akan taku ya-
mni wayaotanin ece, Woniya
kin, qa mini kin, qa we kin; un-
kan hena yamni wanjidan en un.

9 Wicašta akantu taku yaotan-
inpi kin he unkipi kinhan,
Wakantanka taku yaotanin kin
he iyotan tanka; Wakantanka

taku yaotanin kin he dee, iye
Cinhintku hdaotanin qon hee.

10 Tuwe Wakantanka Cinhin-
tku kin wicada kin he wayaotan-
in iye atayedan yuha un. Tu-
we Wakantanka wicada šni kin
he itonšni daka ece; wayaotan-
in kin on Wakantanka iye Cin-
hintku hdaotanin qon he wicada
šni kin heon.

11 Unkan wayaotanin qon he
dee, Wakantanka wiconi owi-
hanke wanica unqupi kin he;
unkan wiconi kin he iye Cinhin-
tku kin en un.

12 Tuwe Cinhintkuyapi kin
yuhe cin he wiconi yuha; qa tu-
we Wakantanka Cinhintku kin
yuhe šni kin he wiconi yuhe šni.

13 Wakantanka Cinhintku ca-
je kin wacinyayapi kin dena wo-
wapi cicagapi kin; wiconi owi-
hanke wanica duhapi e sdonya-
kiyapi kta, qa Wakantanka Cin-
hintku caje kin wacinyayapi kta
e heon.

14 Unkan iye ekta wowadita-
ke unhapi kin he dee, Iye tawa-
cin kin eciyanhan taku unki-
dapi eca naunkihonpi ece:

15 Qa taku unkidapi eca naun-
kihonpi ece e sdonunkiyapi kin-
han, taku tona unkidapi kin he-
na unhapi e nakun sdonunkiya-
pi ece.

16 Tuwe hunkawanjitku wa-
łtani wanhdake cinhan, wołtani
kin he wiconte ekta šni kin-
han, wocekiye ekiciye kta, un-
kan *Wakantanka* wiconi qu kta,
tona wałtanipi wiconte ekta
iyahde šni hena on. Wołtani
wanji wiconte ekta; he on wo-
cekiye eye kta epe šni.

17 Taku šica econpi kin owasin
wołtani; unkan wołtani wi-
conte iyohi šni kin heca yukan.

18 Tuwe Wakantanka eciya-
tanhan tonpi kin he wałtani šni.

II. JOHANNES.

ece e sdonunyanpi; tuka tuwe Wakantanka eciyatanhan icage cin he tanyeli ihduhe ça hecen taku sice cin he oyutan sñi ece.

19 Wakantanka eciyatanhan unyakonpi kin he sdonunkiyapi; qa wicoicage kin ocowasin woahatani en wanka.

20 Unkan Wakantanka Cinhintku kin he hi, qa wicoksape

unqupi, on tuwe wicake cin iye-unkiyapi kta e sdonunyanpi; unkan tuwe wicake cin he en unyakonpi, iye Cinhintku Jesus Messiya hee. Wowicake Wakantanka qa owihanke wanin wiconi kin hee.

21 Hoksíyopa cikeistinpidan, taku wakagapi kin itehan ihduha po. Amen.

JOHANNES

TAWOWAPI INONPA KIN.

1 Hunkayapi un kin, Kuria kañigapi qon *wowapi kicaga*; iye cinca kin, wowicake eciyatanhan wašewicawadake cin hena om, qa mišnana sñi, tuka nakun tona wowicake sdoniyapi kin hena owasin;

2 Wowicake kin en unyakonpi, qa owihanke wanin unkipi un kte cin heon etanhan.

3 Wowašte, wowaonsida, wookiye ko, Wakantanka Ateyapi kin eciyatanhan, qa nakun Jesus Messiya Itancan, Ateyapi kin he Cinhintku kin eciyatanhan, wowicake wacantkiyapi ko en, nicipi un nunwe.

4 Ateyapi kin woahope unqupi qon iyecen, nicinca wowicake eciyatanhan manipi iyewicawakiye çehan nina imduškin.

5 Unkan nakaha, Kuria, ceciye ce, woahope teca wan cica-ge cin iyecece sñi, tuka wanji otokahe ekta unhapi qon, otoiyohi canteunkiciciyapi kte cin hee.

6 Qa wacantkiyapi kin he dee, tawoahope kin eciyatanhan maunnipi kte cin hee. Woahope kin he dee, Otokahe ekta taku nayahonpi qon he ohna mayanipi kte cin.

7 Wanna wicahnaye sa ota wicoicage kin ehna iyayapi, hena Jesus Messiya wicacehi un hi qon oyakapi sñi. He wicahnaye sa qa Messiya kipajin kin heca.

8 Iwanihdaka po, hecen taku unkamnanpi kin toki ehpeunyanpi kte sñi, tuka wokajuju iyakiçuya unkipi kta.

9 Tuwe wahtani qa Messiya tawoonspe kin en un sñi kin he Wakantanka yuhe sñi. Tuwe Messiya tawoonspe kin en un kin he Ateyapi kin yuhe ça nakun Cinhintku kin.

10 Tuwe en niipi qa woonspe kin de yuhe sñi kinhan, tin u šipi sñi po, qa wookiye eciyapi sñi po.

11 Tuwe wookiye eciye cin he iye ohan sice cin en opa.

12 Taku ota wowapi cicagapi kta mduha ešta, minihuha minisapa ko on ecamon kte sñi: tuka en ciupi qa i eciyatanhan ociciyakapi kta e ecin cante mduza; hecen wowiyuškin unkitawapi kin ojudan kta.

13 Nitanka kañigapi qon cincawicaye cin hena nape niyuzapi. Amen.

JOHANNES

TAWOWAPI IYAMNI KIN.

1 Hunkayapi *waun* kin, Gayos waštedakapi kin, wowicake en waštewadake cin he, *wowapi* *cicaga*.

2 Waštecicida, taku owasin isanpa, tanyan iyoopte de kta qa zaniyan yaun kta e cewakiya ece, ninagi iyoopta ye cin iyececa.

3 Hunkawanjinkiciyapi kin den hipi, qa wowicake en niun kin he oyakapi qehan, wowicake eciyatanhan mayani kin heon nina imduškin.

4 Micinca wowicake kin eciyatanhan manipi nawahon kin heon wowiyuškin iyotan tanka mduha, takudan kape šni.

5 Waštecicida, taku hunkawanjinkiciyapi kin, qa nakun wicašta toktokeca ecawicayecon kin he tanyeh ecanon:

6 Hena e okodakiciye kin en wacanyakiye cin tanyan oyakapi: hena icimanipi en, Taku Wakan iyecen, owicayakiye cinhan, tanyan ecanon kta.

7 Iye caje kin on iyayapi, qa Ikcewicašta kin etanhan takudan icupi šni, heon etanhan.

8 Heon tona hececapi kin hena iyowinwicunkiyapi kta iyececa; hecen wowicake kin ounkiyapi kta.

9 Okodakiciye kin wowapi

wicawecaga; tuka hena ehna Diotrephes itancan içida kin he iyowinunkiyapi šni.

10 Heon etanhan wau kinhan, iye ohan kin, oie šica on unkaiapi ece kin hena weksuye kta. Unkan he on imnan šni, tuka iye hinca hunkawanjinkiciyapi kin iyowinwicakiye šni, qa tona hecon wacinpi kin iyowicaki šni, qa okodakiciye kin etanhan tankan iyayewicaya ece.

11 Waštecicida, taku šice cin he en ope šni wo, tuka taku wašte kin. Tuwe taku wašte econ kin he Wakantanka eciyatanhan un, tuka tuwe taku šica econ kin he Wakantanka wan-yake šni.

12 Demetrios owasin on tanyan oyakapi, qa wowicake kin nakun eciyatanhan; unkan unkiš eya he unyaotaninpi, qa waunyaotaninpi kin he wowicake e sdonyayapi.

13 Taku ota ociciwa kta mduha tuka, tuka minisapa wiyaka ko on hena wowapi cicage kte šni:

14 Tuka ecadan wanciye kta, qa i eciyatanhan unkokiciye kta wacin.

15 Wookiye niye en niciun nunwe. Takukiciyapi kin hena nape niyuzapi. Takukiciyapi kin cajeyan nape wicayuzo wo.

JUDAS

TAWOWAPI KIN.

1 Judas, Jesus Messiya tawowidake kin, qa Jakob sunkaku kin, tona Wakantanka Ateyapi kin en wicayuecepidan, qa Jesus Messiya en wicakpatanpi, qa wicakicopi kin hena *wowapi wicakicaga*.

2 Wowaońsida, qa wookiye, wacantkiyapi ko niyepi en niciyuotapi nunwe.

3 Wańtecidapi kin, wiconi ptaya unhapi kin on ańciciya wowapi cicagapi eca, wowacinye ehanna wicańta wakan wicakupi qon he nina yakitanpi kta e on wowapi cicagapi, qa wahokonciyapi kta iyececa.

4 Wicańta wanjikńi nahmana en opapi, wanakajatanhan woyaco kin de on owicawapi; hena Taku Wakan iyececapi ńni, qa Wakantanka unkitawapi towańsida kin he wicowicańtańni kagapi, qa Wakantanka ecedan Itancan kin he anańmanpi, qa nakun Jesus Messiya Itancan unyanpi kin.

5 Heon etanhan, taku, ehanna sdonayayapi eńta, he ake kiksuyeciyapi kta wacin, Itancan kin oyate kin Egipta etanhan ehaku, qa iyohakam tona wicadapi ńni kin hena ihangwicaye cin.

6 Qa nakun mahpiya ohnihde otokahe unpi kin kpatanpi ńni, tuka iye tipi ehpekiyapi qon, hena otpaza ihukuya, owihanke wanin mazaicicahińa kin on, anpetu tanka woyaco kin he en awicayuha.

7 Sodom qa Gomorra iyececa,

qa otonwe hena ihduksan wanke cin, hena is eya iyeceń wiinalmanpi kin en icicupi, qa wicaceńpi toktokeca akitapi ece qon hena e woonspe on ehdepi, qa peta owihanke wanica on wońtkihda en unpi.

8 He iyececa, wihamnanpi sa kin dena wicaceńpi kin asamyapi, qa wokiconze wahidedapi ńni, qa taku tanka yańcapi ece.

9 Hececa, tuka Mikael mahpiya ohnihde itancan kin he wakanńica kin kici econ, qa Moses tancan kin on akinicapi qehan, woństehda woiyaonpe wan en aya tawańenye ńni, tuka, Itancan kin iyopeniyan nunwe, eciya.

10 Tuka dena e qe taku sdonayapi ńni kin hena yańcapi ece: tuka iye icagapi kin eciyatanhan taku sdonayapi kin hena on ihduńcapi, woteka ia okitpanipi kin iyececa.

11 Woteńi wicakiciun nunwe; Qain tancanku kin ohna yapi, qa wokajuju on, Balaam tawohnaye kin nina ainyankapi, qa Kore wicakipajin qon en ihangciyapi.

12 Hena woasape kin heca, wacantkiya wayatapi kin en opeya wotapi, qa wikopeńniyan cemiciyapi; mahpiya ńapa mini wanica tate on ayapi ece kin; can kin ptanyetu eca ńeca aya, waskuyeca codan, inonpa ńeca, qa hute eciyatanhan yujunpi kin hena *hececapi*.

13 Miniwanca taja ohitika, iye wowińtece tawapi kin minitaga

WICOWOYAKE 1.

iyecen hiyuyapi ece ; wicanhipi onuniyata unpi, on otpaza sape linca owihanke wanin wicakicihnakapi.

14 Henok Adam etanhan wicašta isakowin qon he itokam hena owicayake ça heya ; Wan-yaka po, Itancan kin wicašta wašte wicayuhe cin woyawa tanka om u ce ;

15 Owasin wicayaco kta, qa tona Taku Wakan ohodašni kin hena wicohan šiksica owasin ohodašniyan econpi qon hena sdonkiyewicaye kta, qa wicoie canksiksi owasin wahtanipi sa Taku Wakan ohodapi šni oie kicatonpi ece qon hena nakun.

16 Hena e wihnupi sa, wawiyaonpapi sa, iye cantiheyapi kin eciyatanhan manipi ece ; qa i eciyatanhan wašanhanicidaya iapi, qa taku on etanhan wicašta itohnake kin waštedakapi ece.

17 Tuka waštecicidapi kin, niyepi, Jesus Messiya Itancan unyanpi yewicaši qon hena oiepi ehanna oyakapi qon hena kiksuya po ;

18 Anpetu ihankeya kin en wicašta wawihahapi kin yuke kta, iye cantiheyapi šice cin eciya-

tanhan manipi kin, he oniciyapikapi qon.

19 Ihdutokanpi kin dena eepi, witantanpi, qa Woniya kin yuhapi šni.

20 Tuka waštecicidapi kin, niš niyepi wowacinye iyotan wakan nitawapi kin he ohna icalhiçiyapi, qa Woniya Wakan kin eciyatanhan wocekiye eya po ;

21 Wakantanka waštedakapi kin en ihduha po ; qa Jesus Messiya Itancan unyanpi towaonšida wiconi owihanke wanica iya-hde kte cin he ape yukan po.

22 Unkan hunli wicayukcanyan onšiwicada po ;

23 Qa hunli is wokokipe on niwicaya po, peta etanhan iwi-cacupi kin iyececa ; qa wokoyake wicacehi on ašapapi kin hena ee kaš šicedaka po.

24 Unkan tuwe woahitani econ šni niyuhapi kta okihi, qa wowiuškin yuha iye towitan kin en iyaonpepica šni enihdepi kte cin,

25 Wakantanka ecedan ksapa, Wanikiya unkitawapi kin hee, Jesus Messiya Itancan unyanpi kin eciyatanhan, wowitan, wo-yaonihan, wookihi qa wokiconze, dehantu qa wicoicage owasin hehanyan, tawa nunwe. Amen.

JOHANNES

WAYUOTANIN TAWA KIN.

WICOWOYAKE 1.

1 Jesus Messiya wayuotanin tawa, taku ecanan u kta e he tawowidake kin sdonyewicakiye kta Wakantanka qu qon he dee ; unkan taohnihde wan u ši,

qa tawowidake Johannes he okiyaka :

2 He Wakantanka oie kin, qa Jesus Messiya wohdake cin, taku tona wanyake cin hena yauotanin.

3 Tuwe wokcan oie kin de ya-

wa, qa tona nañonpi, qa taku en kagapi kin anagoptanpi kin, hena wowašte yuhapi. Wanna kiya-dan ihan.

4 Johannes, Asia ekta okodaki-ciye šakowinpi kin *wowapi wicakicaga*. Wowaoñsida, woo-

kiye ko, tuwe un, qa un qon, u kte cin hetanhan niyepi en nici-pi un nunwe; qa Woniya šako-winpi oiyotanke tawa kin ito-kam unpi kin hena eciyatanhan;

5 Qa Jesus Messiya etanhan, he waayatanin wicaka, wiconțe etanhan tokaheya tonpi, qa ma-ka wicaštayatapi kin Itancan kin hee. Tuwe wašte unkidapi, qa waunñitanipi kin etanhan iye we kin en unyujajapi,

6 Qa Atkuku Wakantanka ekta wicaštayatapi, wošna kagapi ko unkagapi kin hee, wowitan, wo-wašake ko owihanke wanin tawa nunwe. Amen.

7 Wanyaka po, mahpiya šapa kin akan u; unkan wicišta owa-sin wanyakapi kta, qa tona he capapi qon hena nakun, qa iye on oyate maka ohnaka kin owa-sin aicipapi kta. Hecetu nun-we. Amen.

8 Alpha qa Omega, otokahe qa owihanke kin he miye ce; Itan-can un, qa un qon, u kta, iyo-tan wašake cin he hena hecen eya.

9 Johannes hunkawanjinyaya-pi, wokakije, qa wokiconze, wo-wahbadan ko, Jesus Messiya ta-wa kin en, tawaši yayapi kin he miye; Wakantanka oie qa Jesus Messiya wohdake cin on etan-han, wita wan, Patmos eciyapi, hen waun.

10 Itancan taanpetu kin en Woniya kin kici waun; unkan mihektapa tanhan wicaho wan tanka, maza yahotonpi tanka wan iyececa, nawañon;

11 He kaken eya, Alpha qa Omega, tokaheya qa ehake kin he miye ce. Taku wandake cin wowapi ecen kage ça, Asia ekta okodakiciye kin iwahowicaya wo; Ephesos, qa Smurna, qa Pergamos, qa Thuatira, qa Sar-dis, qa Philadelphia, qa Laodikia.

12 Unkan wicaho omakiye cin he wanmdake kta e ekta mihdam-na. Unkan mihdamna qehan mazaskazi petijanjan ihupa ša-kowin wanmdaka.

13 Qa petijanjan ihupa šako-win kin cokaya Wanji Wicašta Cinhintku kin iyececa, tawo-koyake kin siha kin ekta iyahde-ya, qa maku kin opta mazaskazi ihduskita.

14 Qa pa kin paha ko ska, ta-hinca wanuyanpi hin kin iyecen ska, qa wa iyececa, qa išta kin peta ide kin iyececa;

15 Qa siha kin is mazazi ece-dan iyececa, peta tanka en itkon-yahe seca; qa ho kin he mini ota ilaħa kin iyececa.

16 Qa nape etapa kin ohna wi-canñpi šakowin hduhe ça, i kin eciyatanhan maza sagye anog ope kin heca wan hiyu, qa ito-hnake kin he anpetu wi nina iyege cin iyececa.

17 He wanmdaka, unkan ta wanke cin iyecen siha hde kin en mahinñipaya. Hehan iye na-pe etapa kin on omayutan qa, Ihnuhan koyakipe cin, emaki-ya; Tokaheya qa ehake kin he miye;

18 Tuwe te ça ake kini, qa ito owihanke wanin ni waun; Amen; qa Wakaoñsica ti kin wi-conțe ko tiyopa iyuhdoke kin yuha manka ce.

19 Taku wandake cin he wo-wapi ecen kaga wo, taku naka-ha un qa dena iyohakam taku u kte cin hena.

20 Wicanhipi šakowin minape etapa kin ohna wandake cion wowiyukean kin hee, qa maza-skazi petijanjan ihupa kin hena nakun. Wicanhipi šakowin qon okodakiciye šakowinpi ohnihde yuhapi kin hena eepi; qa petijanjan ihupa šakowin wandake cin okodakiciye šakowinpi kin hena eepi.

WICOWOYAKE 2.

1 Ephesos ekta okodakiciye ohnihde yuhapi kin he ecen wowapi kicaga wo; Tuwe wicanhipi šakowin nape etapa kin ohna hduhe ça, mazaskazi petijanjan ihupa šakowin cokaya omani kin he hecen eya;

2 Niohan, qa nitohtani, qa wacinnitanka kin he sdonwaya; qa tona šicapi kin hena iyowinwicakiya oyakihi šni; qa tona yewicašipi kin hecapi keičiyapi kin hena wicadukean qa itonpi-šni kin heca iyewicayaya.

3 Wacinnitanka, qa ayape, qa micaje kin on htayani, qa oya-kiše šni.

4 Tuka taku cistinna iyacionpa, tokaheya wašteyadake cin he adušan.

5 Heon tokiya tanhan nihinhipaye cin he kiksuye, ça ihdu-ecetu, qa niohan tokaheya kin hdušan wo. *Hecanon* šni kinhan kohanna ekta ciu, qa petijanjan nitawa kin yutokan iye-ciciye kta, nihduecetu šni kinhan.

6 Tuka he duha, Nikoleton wicohan kin šiceyadake cin, hena miš eya šicewadaka.

7 Tuwe noge yukan hecinhan, taku Woniya kin okodakiciye kin ewicakiye cin he nañon kta. Tuwe ohiye cinhan he can wiconi, Wakantanka tamaga co-

kaya he cin, hetanhan yun wakiye kta.

8 Unkan Smurna ekta okodakiciye ohnihde yuhapi kin he ecen wowapi kicaga wo; Tuwe tokaheya qa ehake un kin, te ça ake kini kin hee hecen eya;

9 Niohan kin sdonwaya, wokakije wowahpanica ko nitawa kin, (tuka winijica;) qa tona Juda wicašta keičiyapi qa hecapi šni, tuka Satan omniciye tawa kin etanhanpi, hena waaiapi kin *nakun sdonwaya*.

10 Token nicakije kte cin ihnuhan taku koyakipe cin. Iho, Wakansica niyepi wanjikji wicakaška tipi kin en iyenianpi kta, iniyukcanpi kta e heon; unkan anpetu wicemua hehanyan wokakije duhapi kta; tuka wicate cin hehanyan wicaka wo, kinhan wiconi watešdake wan ciu kta.

11 Tuwe noge yukan hecinhan, taku Woniya kin okodakiciye kin ewicakiye cin he nañon kta. Tuwe ohiye cinhan he wiconte icinonpa kin on kiunianpi kte šni.

12 Unkan Pergamos ekta okodakiciye ohnihde yuhapi kin he ecen wowapi kicaga wo; Tuwe maza sağye anog ope kin hduhe cin hee hecen eya;

13 Niohan kin sdonwaya, qa tukten Satan oiyotanke tawa yanke cin hen yati; qa micaje kin yuha yaun, qa wacinnmayanpi kin adušan šni, anpetu kin Antipas waayatanin wicaka mitawa kin niyepi kin en, tukten Satan ti kin, hen ktepi qon he ehan.

14 Tuka taku wanjikjidan iyacionpa; Balaam hee Balak Israel cinca kin taku on wahtani ičiyapi kte cin wicitokam ehde

kin he onspekiye ça, taku wakagapi wakiyušnapi kin yutapi, qa wiinałmanpi econpi kta, he tawoonspe tona yuhapi kin hena wicaduha ;

15 Qa nakun Nikoleton tawoonspe yuhapi kin hena wicaduha, he śicewadaka tuka.

16 Ihduecetu wo ; *hecanon* śni kinhan kohanna ekta ciu, qa mii maza sagye kin on hena kici wecize kta.

17 Tuwe noge yukan hecinhan, taku Woniya kin okodakiciye kin ewicakiye cin he nałon kta. Tuwe ohiye cinhan he manna kihnakapi qon he etanhan yunwakiye ça inyan ska wan waqu kta, inyan kin he en wicacaje teca wan kagapi kin he tuwedan sdonye śni, tuka tuwe icu kte cin hecedan.

18 Unkan Thuatira ekta okodakiciye ohnihde yuhapi kin he ecen wowapi kicaga wo ; Wakantanka Cinhintku, išta peta ide kin iyecen hduhe ça, siha kin mazazi ecedan iyecēca hee hecen eya ;

19 Niohan kin sdonwaya, wacanyakiye, ça litayani, qa wicayada, qa ayape, qa niohan kin, qa ehake kin hena tokaheya kin sam iyeya ota.

20 Tuka taku tonana iyacionpa, winohinca wan Jezebel ecipyapi, winohinca wokcanka keiciye cin he mitaokiye kin wicahnye ça, wiinałmanpi econpi, qa taku wakagapi wakiyušnapi kin yutapi kta e onspe wicakiye cin hee iyowinyakiya.

21 Unkan he wawiciłahapi econ kin on iyopeičiyē kta e anpetu waqu, tuka iyopeičiyē śni.

22 Ito, owinja wan akan ewaonpe kta, qa tona kici wawiciłahapi econpi kin hena nakun, wo-

kakije tanka en ; wicohian kin on iyopeičiyapi śni kinhan.

23 Qa iye cinca kin wiconte on wicawakte kta ; qa okodakiciye kin owasin, tuwe wicapakšin wicacante ko iyukean kin he miye e sdonyapi kta. Qa niyepi kin otoiyohi niohanpi kin eciyatanhan cičupi kta.

24 Tuka niyepi, qa tona Thuatira ekta woonspe kin he yuhapi śni, qa Satan ośbe tawa eyapi kin sdonye śni yaunpi kił kaken eciciyapi ; Waqinpi tokeca acihnakapi kte śni ;

25 Tuka taku duhapi kin he tinsa hduha po, hibu kte cin hehanyan.

26 Qa tuwe ohiye ça owihanke kin iyahdeya miohan kin yuha un kinhan, oyate kin en wowaśake waqu kta.

27 Qa maza icapsinte wan on wicayuhe ça maka wakśica iyecen wicakamdece kta ce ; hecen Ate etanhan hduha waun.

28 Qa anpao wicanłpi kin he waqu kta.

29 Tuwe noge yukan hecinhan taku Woniya kin okodakiciye kin ewicakiye cin he nałon kta.

WICOWOYAKE 3.

1 Unkan Sardis ekta okodakiciye ohnihde yuhapi kin he ecen wowapi kicaga wo ; Tuwe Wakantanka Taniya śakowin kin hena, qa wicanłpi śakowin hduhe cin he hecen eya ; Niohan kin sdonwaya, caje wan duha, yani kin hee, tuka ništa.

2 Kiktahan un, qa taku tona nahin en un qa te kte cin hena hduwaśaka wo ; Wakantanka itokam niohan kin owotanna e iyewaye śni.

3 Heon token iyacu, qa nayahon kin kiksuye ça, tinsa yuze

ça, ihduecetu wo. Kiktahan yaun sni kinhan wamanon sa iyecen ekta ciu kta, qa tohan ekta cihi kte cin he sdonyakiye kte sni.

4 Tuka Sardis ekta wicacaje tonana duha, hena e tawokoyake kin hdušapapi sni; qa ska ihduzapi ecen mici manipi kta; he iyehantupi nakaes.

5 Tuwe ohiye cinhan he wokoyake ska koyake kta, qa iye caje kin wiconi wowapi kin etanhan wapajuju kte sni, tuka he caje kin Ate itokam, qa ohni-hde wicaye cin hena wicitokam omdake kta.

6 Tuwe noge yukan hecinhan taku Woniya kin okodakiciye kin ewicakiye cin he nañon kta.

7 Unkan Philadelphia ekta okodakiciye ohnihde yuhapi kin he ecen wowapi kicaga wo; Tuwe wakan qa wicaka un, qa Dawid tiyopa iyuhdoke kin yuhe ça, yuhdoka eca tuwedan ecen iyeye sni, qa ecen icu eca tuwedan yuhdoke sni ece kin hee hecen eya;

8 Niohan kin sdonwaya, tiyopa wan yuhdokapi ecen he cin he nitokam ewahde, qa tuwedan ecen iyeya okihi sni; wowašake cistinna duhe ça mioie kin yuha yaun, qa micaje kin ehpemayaye sni.

9 Ito, Satan omniciye tawa kin etanhanpi Juda wicašta keiçiyapi, tuka hecapi sni, qa itonpi sni kin, hena ibo, upi, qa nisiha kin itokam canpeška makehde inajin wicawakiye kta, qa waštecicida e sdonyapi kta.

10 Woape oie mitawa kin he awandake cin, heon tohan taku wawiyutanyan un kin tona maka owancaya unpi kin iyutanwicaye kta u kinhan, hehan awanciyake kta.

11 Iho ecadan wau kta; taku duhe cin he tinsa yuza wo, hecen watešdake nitawa kin tuwedan nici kte sni.

12 Tuwe ohiye cinhan, he tipi wakan mita Wakantanka tawa kin ohna can ihupa wan wakage kta, qa icimana tankan ye kte sni; qa he akan mita Wakantanka caje kin owawa kta, qa mita Wakantanka otonwe tawa caje kin, Jerusalem teca kin hee, mahpiya kin etanhan Wakantanka mitawa kin eciyatanhan u kin hee, qa nakun micaje teca kin.

13 Tuwe noge yukan hecinhan, taku Woniya kin okodakiciye kin ewicakiye cin he nañon kta.

14 Unkan Laodikia ekta okodakiciye ohnihde yuhapi kin he ecen wowapi kicaga wo; Tuwe Amen *eciya*pi, waayatanin owotanna, qa wicaka, Wakantanka woicage tawa otokahe kin hee hecen eya;

15 Niohan kin sdonwaya, sni qa ipiga unmana ecen yaun sni, sni qa ipiga unma tukte e ecen yaun kta wacin;

16 Tuka initeca, qa sni ipiga kici unmana ecen yaun sni, heon mii kin etanhan ichihepe kta.

17 Wimajica, qa woyuha ota waton, qa takudan imakakije sni, keha ce; qa inicakije ça, onnišike ça, niwahpanica, qa išta nigonge ça, tanconikadan e sdonyakiye sni.

18 Kaken wahokonciciya ce, mazaskazi peta on yuecedan kagapi kin he opemication wo, winijica kta ce; qa wokoyake ska, kodake kta e heon, hecen tanconikadan on winištece cin he tanin kte sni; qa wicišta wihdi kin, ništa iyakiun kta, hecen wawandake kta.

19 Tona cantewicawakiye cin

hena wahokonwicawakiye ça, iyopewicawakiya ece. Heon mniheiciye ça ihduecetu wo.

20 Ito, tiyopa kin en nawajin qa wakabubu ece; tuwe miho kin nañon, qa tiyopa hduhdoke cinhan, he ekta tin hibu, qa kici wawate kta, qa is eya mici wote kta.

21 Tuwe ohiye cinhan he oi-yotanke mitawa kin akan mici iyotanke wakiye kta, miye obih-waye ça Ate oi-yotanke tawa kin akan weci imdotanke cin he iye-cen.

22 Tuwe noge yukan hecinhan, taku Woniya kin okodaki-ciye kin ewicakiye cin he nahon kta.

WICOWOYAKE 4.

1 Hena iyohakam wanmdake ça ito malipiya kin ekta tiyopa wan yuhdokapi; qa wicaho tokaheya nawañon kin he maza yahotonpi tanka kin iyececa, he omakiye ça heya, Deciya u wo, dena iyohakam taku u kte cin hena wanyagciciye kta ce.

2 Unkan kohanna Woniya kin en waun; qa ito, malipiya kin ekta oi-yotanke wan ecen hdepi, qa tuwe akan iyotankehan yan-ka.

3 Tuwe akan iyotanke cin he iwanyakapi kin inyan tehika, iypaspis qa sahđinos iyececa; qa oi-yotanke kin ihdukšan wi-hmunke wan hmibbeya yanka, smaħagdos inyan kin iyececa.

4 Qa oi-yotanke kin ihdukšan oyanke wikcemna nonpa sam topa wanka; qa oyanke kin hena en hunkawicayapi wikcemna nonpa sam topa iyotankapi, qa wokoyake ska koyakapi e wanmdaka; qa pa kin en mazaskazi tešdakapi.

5 Unkan oi-yotanke kin etanhan wakanhđi qa wakinyan hotonpi qa wicaho hiyu; qa oi-yotanke kin itokam petijanjan šakowin peta ece ideyapi, hena Wakantanka taniya šakowin kin heepi.

6 Unkan oi-yotanke kin itokam mde wan wanka janjan seca, cahtowata iyecen kohđi; qa oi-yotanke kin cokaya, qa oi-yotan-ke kin ihdukšan, taku ni un topa kin yukanpi, hena e tokapatanhan qa hektapatanhan ko išta ojupidan.

7 Unkan taku ni un tokaheya kin he mnaja ouncage kin iyececa; qa taku ni un iyokihe kin he tatanka ouncage kin iyececa; qa taku ni un iciyamni kin he wicašta itohnake kin iyecen yuha; qa taku ni un icitopa kin he wanmdi kinyan un ouncage kin iyececa.

8 Qa taku ni un topa kin otoi-yohi ĥupahu šakpekpe yuhapi, qa ihdukšan, qa mahen tanhan išta ojupidan; qa anpetu hanyetu ko ayaštan šni hecen eyapi, Wakan, Wakan, Wakan, Itancan Wakantanka Iyotan wašaka, tuwe un, qa un qon, u kte cin hee ce.

9 Qa tohan taku ni un topa kin, tuwe oi-yotanke kin akan kiyotanke ça owihanke wanin ni un kin he wowitan, qa woo-tanin, qa wopida qupi kinhan;

10 Hehan hunkawicayapi wikcemna nonpa sam topa kin hena, tuwe oi-yotanke kin akan kiyotanke cin he itokam makata ehpeiciyapi, qa tuwe ohinniyan ni un kin ohodapi, qa watešdake tawapi kin oi-yotanke kin itokam ehpekiyapi, qa hecen eyapi;

11 Itancan, wowitan, qa woo-tanin, qa wowasake iyacu kta e iyenihantu, taku owasin yaka-

ge ça nitoyokipi kin on owasin kagapi qa ecen han.

WICOWOYAKE 5.

1 Unkan tuwe oiyotanke kin akan kiyotanke cin he etapa kin eciyatanhan wowapi wan mahen tanhan qa akapatanhan owapi, qa ipuspe šakowin on apuspapi kin he wanmdaka.

2 Qa malipiya ohnihde wašaka wan wanmdaka, he hotankakiya hotanin qa, Wowapi kin he tuwe yumdaye ça ipuspe šakowin kin yuhdoke kta okihi he, *eya*.

3 Unkan malipiya kin ekta, qa maka kin akan, qa maka kin ihukuya tanhan tuwedan wowapi kin he yumdaye ça, en wan-yaka okihi šni.

4 Hehan nina waceya, tuwe wowapi kin yumdaye ça yawa, qa en wanyake kta iyekicihantu kin tuwedan iyeyapi šni kin he-on etanhan.

5 Unkan hunkawicayapi kin wanji hemakiya; Ceye šni wo, ito Juda wicoun kin etanhan, mnaja kin, Dawid hutkan kin hee wowapi kin yumdaye ça, ipuspe šakowin kin yuhdoke kta okihi.

6 Hehan wanmdake ça, iho, oiyotanke kin cokaya, qa taku ni un topa, hunkawicayapi ko wicacokaya Amnos wan najin, wošnapi iyececa; he šakowin išta šakowin ko yukan, Wakantanka taniya šakowin maka kin owancaya ye wicayapi kin hena eepi.

7 He en hi, qa tuwe oiyotanke kin akan kiyotanke cin nape etapa kin etanhan wowapi qon icu.

8 Unkan wowapi kin he icu qehan, taku ni un topa kin, qa hunkawicayapi wikcemna nonpa sam topa kin hena Amnos

kin itokam makata elipeiciyapi, otoiyo hi candowankiyapi hduhapi, qa nakun mazaskazi wi-yatke taku waštemna on ojudan, wicašta wašte wocekiye tawapi kin hee:

9 Qa odowan teca wan ahiiyayapi, qa heyapi; Wowapi kin iyacu, qa ipuspe kin duhdoke kta e iyenihantu ce, waniyušnapi qa Wakantanka ekta niwe kin on opeunyakitonpi, wicoun otoiyo hi etanhan, qa iapi kin, qa wicowazi kin, qa oyate kin otoi-yohi etanhan;

10 Qa Wakantanka ekta wicaštayatapi wawayušnapi ko unyakagapi; unkan maka kin oun-nyanpi kta ce.

11 Unkan wanmdake ça, oiyotanke kin ihdukšan, qa taku ni unpi kin hunkawicayapi ko wicihdukšan, malipiya ohnihde woyawa tanka ota, qa kektopawinge ece kektopawinge, hena hopi kin nawahon;

12 Hotankakiya heyapi, Amnos wošnapi qon he wowašake, qa woyuha, qa woksape, qa wicookihi, qa wootanin, qa wowitan, qa wowašte *henakiya* icu kta okihi ce.

13 Unkan taku malipiya ekta un, qa taku maka akan un, qa taku maka ihukuya tanhan un, qa taku miniwanca mahen un, hena taku ohnaka ko owasin kaken eyapi nawahon; Tuwe oiyotanke kin akan kiyotanke cin Amnos kin kici wowašte kin, wootanin kin, wowitan kin, qa wowašake kin *henakiya* owihanke wanin tawapi nunwe.

14 Unkan taku ni un topa kin hena, Hecetu nunwe, eyapi; qa hunkawicayapi wikcemna nonpa sam topa kin hena makata elipeiciyapi, qa tuwe ohinniyan ni un kin he ohodapi.

WICOWOYAKE 6.

1 Unkan Amnos kin ipuspe tokaheya yuhdoke cehan wanmdaka; unkan taku ni un topa kin wanji, wakinyan hotonpi kin iyecen hotanin qa, U qa wanyaka wo, eya nawahon.

2 Unkan wanmdake ça, ito, súktanka ska wan tuwe akan iyotanke cin he itazipa wan yuha; qa wateśdake wanqupi; unkan ohiye ça, ohiye kta e iyaya.

3 Unkan ipuspe inonpa yuhdoke cehan, taku ni un icinonpa kin he, U qa wanyaka wo, eya nawahon.

4 Unkan súktanka wan tokeca hin śa kin he hinanpa; unkan tuwe akan iyotanke cin he maka kin etanhan wookiye icu kta e qupi, hecen otoiyohei kiciktepi kta; qa nakun maza sagye wan tanka qupi.

5 Unkan ipuspe iyamni kin yuhdoke cehan, taku ni un wiciyamni kin he, U qa wanyaka wo, eya nawahon. Unkan wanmdake ça ito súktanka sapa wan; qa tuwe akan iyotanke cin he nape ohna taku on tke utapi wanji yuha.

6 Unkan taku ni un topa kin cokaya tanhan wicaho wan nawahon, Aguyapi iyutapi wanji he kaśpapidan wanjidani, qa súktanka tawote iyutapi nonpa he kaśpapidan wanjidani kta; qa wihdi miniśa ko ihnuhan kiuniyaye cin, eya.

7 Unkan ipuspe itopa kin yuhdoke cehan, taku ni un icitopa kin he ho kin nawahon; U qa wanyaka wo, eya.

8 Unkan wanmdake ça ito súktanka wan hin san; tuwe akan iyotanke cin he Wiconṭe eciyapi, qa Wicalhapi kin he ihakam iyaya. Unkan maka hanke ito-

pa kin hehanyan maza sagye, qa wicaakihan, qa wiconṭe, qa wamanica maka akan un kin hena on wicaśta wicakte kta e wowasake qupi.

9 Unkan ipuspe izaptan kin yuhdoke cehan, wahna wośnapi kin ihukuya tona Wakantanka oie, qa iye waayataninpi kin he on wicaktepi qon hena nagipi kin wanwicamdaka.

10 Hena hotankakiya hotaninpi qa heyapi, Itancan wakan, qa wicaka, tohanyan tona maka kin akan yukanpi kin wicadaco śni qa we unkitawapi kin on toyecon śni he.

11 Unkan hena otoiyohei woko-yake ska wicaqupi, qa ptecedan ape yukanpi kta, tona om taokiyey unpi qon, qa iye hunkawanjiktupi kin, is iyepi iyecen wicaktepi kte cin he yuśtanpi kta hehanyan, kewicakiyapi.

12 Unkan ipuspe isakpe kin yuhdoke cehan, wanmdake ça ito maka śkanśkan tanka, qa anpetu wi kin sapa aya, wahinske ojuha kin iyececa, qa hanyetu wi kin is we iyecen icaga.

13 Qa malipiya wicanhpi kin makata hinhpayapi, witanśna hu wan tateyanpa tanka kahuhuza eca waskuyeca śtunkadan keś palpa ece kin he iyececa.

14 Qa wowapi pehan ehnakapi kin he iyecen malipiya kin tanin śni iyaye ça, he otoiyohei, wita otoiyohei ko yutokan iyeyapi.

15 Qa maka wicaśtayatapapi, qa wicaśta tankinkinyanpi, qa wicaśta watonpika, qa wicaśta itancanpi, qa wicaśta wasakśakapi, qa wicaśta wowidake unpi kin otoiyohei, qa ihduhapi kin otoiyohei, makohidoka qa he imnija kin ehna naićihmanpi;

16 Qa inyan he imnija ko hena heciyapi, Unkahinhpayapi, qa tu-

we oiyotanke kin akan kiyotanke cin itohnake kin etanhan, qa Amnos kin wocanniye tawa kin etanhan anaunhman po :

17 He wošihda tawa anpetu tanka kin wanna hi ; unkan tuwe najin okihi kta he.

WICOWOYAKE 7.

1 Unkan hena iyohakam mahpiya ohnihde topa maka oise topa kin en inajinpi kin wanwicamdaka, maka tate ouye topa kin yuhapi, hecen maka qa miniwanca qa can hiyeye cin wanjidan atateyanpa kte šni.

2 Hehan mahpiya ohnihde tokeca wan wiyohiyanpa tanhan wankantkiya u kin wanmdaka, he Wakantanka ni un ipuspe tawa kin yuhe ca mahpiya ohnihde topa maka miniwanca ko kiuniyanpi kta e wicaqupi qon hena hotankakiya hoyewicakiye ;

3 Qa heya, Maka, qa miniwanca, qa can hiyeye cin kiuniyanpi šni po, Wakantanka unkitawapi taokiye wicaye cin itepi kin en wapetog wicuntonpi šni kin hehanyan.

4 Unkan tona wapetog wicatonpi wicayawapi kin nawahon, Israel cincapi wicoun owasin etanhan kektopawinge opawinge sam kektopawinge wikcemna topa sanpa kektopawinge topa wapetog wicatonpi.

5 Juda wicoun kin etanhan kektopawinge ake nom wapetog wicatonpi ; qa Ruben wicoun kin etanhan kektopawinge ake nom wapetog wicatonpi ; qa Gad wicoun kin etanhan kektopawinge ake nom wapetog wicatonpi ;

6 Aser wicoun kin etanhan kektopawinge ake nom wapetog

wicatonpi ; qa Nepthalim wicoun kin etanhan kektopawinge akenonpa wapetog wicatonpi ; qa Manasse wicoun kin etanhan kektopawinge ake nom wapetog wicatonpi ;

7 Sumeon wicoun kin etanhan kektopawinge ake nom wapetog wicatonpi ; qa Lewi wicoun kin etanhan kektopawinge ake nom wapetog wicatonpi ; qa Isakar wicoun kin etanhan kektopawinge ake nom wapetog wicatonpi ;

8 Zabulon wicoun kin etanhan kektopawinge ake nom wapetog wicatonpi ; qa Joseph wicoun kin etanhan kektopawinge ake nom wapetog wicatonpi ; qa Benjamin wicoun kin etanhan kektopawinge ake nom wapetog wicatonpi.

9 Hena taku kin iyohakam wanmdake ca, iho, wicota hinca, wicayawa kta tuwedan okihi šni, oyate hiyeye cin, qa wicoun kin, wicowazi kin, iapi ko owasin otoiyo hi etanhanpi, oiyotanke kin itokam, qa Amnos kin itokam najinpi, wokoyake ska ece koyakapi, qa can wapa nape ohna yuhapi ;

10 Qa hotankakiya hotaninpi qa heyapi, Wakantanka unkita-wapi oiyotanke kin akan kiyotanke cin hee, Amnos kin kici, niwicaye yuha nunwe.

11 Unkan mahpiya ohnihde owasin oiyotanke kin okšan, qa hunkawicayapi taku ni un topa kin hena ko wicihdukšan inajinpi, qa oiyotanke kin itokam ite makipusdiya ehpeiciyapi, qa Wakantanka ohodapi ;

12 Qa heyapi, Amen ; Wowaste, qa wowitan, qa woksape, qa wopida, qa woyuonihan, qa wowašake, qa wicookihi *henakiya* Wakantanka unkitawapi kin

owihanke wanin yuha nunwe. Amen.

13 Hehan hunkawicayapi kin etanhan wanji waayupte ça, Wokoyake ska koyakapi kin hena tuwepi, qa tokiya tanhan upi he, emakiya.

14 Unkan, Itancan, niye sdon-yaya ce, epa. Unkan hemakiya; Wicokakije tanka etanhan upi qon dena eepi, unkan wokoyake hdujajapi, qa Amnos we kin on hduškapi.

15 Heon etanhan Wakantanka oiyotanke kin itokam yakonpi, qa tipi wakan iye tawa kin ohna anpetu hanyetu ko ohodapi ece; qa tuwe oiyotanke kin akan kiyotanke cin he hena wicacokaya ounye kta.

16 Qa tohinni wotektehdapi kte šni, qa ipuzapi kte šni, qa anpetu wi kin qa taku kata ašpanwicaye kte šni.

17 Tuka Amnos kin, oiyotan-ke cokaya un kin he, hena wonwicaye ça, minihdoka ni un kin icahda yus awicaye kta: qa hena ištapi kin etanhan Wakantanka ištamnihanpe kin owasin wicakipakinte kta.

WICOWOYAKE 8.

1 Unkan ipuspe iškawin kin yuhdoke çehan, małpiya ekta wihiyayedan wancadan ape cin hanke hehayan inina yukanpi.

2 Unkan małpiya ohnihde šakowin Wakantanka itokam najinpi kin wanwicamdaka; qa maza yahotonpi tanka šakowin wicacuppi.

3 Hehan małpiya ohnihde wan tokeca u qa wahna wošnapi kin ekta hinajin, mazaskazi oizinye wan yuha: Unkan taku waštemna ota qupi kin he, tona owotanna un kin owasin wocekiye

tawapi kin ahna, mazaskazi wahna wošnapi kin oiyotanke kin itokam wanke cin he akan wošna kta e heon.

4 Unkan małpiya ohnihde nape kin etanhan šota izite cin, tona owotanna un wocekiye tawapi kin hena ko, Wakantanka itokam wankantkiya aya.

5 Unkan małpiya ohnihde kin he oizinye kin icu, qa wahna wošnapi peta kin etanhan oju, qa maka kin ekta elipeya; unkan iho, wicaho, qa wakinyan hotonpi, qa wakanhdi, qa maka škanškan.

6 Unkan małpiya ohnihde šakowinpi maza yahotonpi tanka yuhapi kin hena yahotonpi kta e hduwiyeypapi.

7 Unkan małpiya ohnihde tokaheya kin yahoton, qa wasu peta ko we icicahiyapi maka kin ahinhe: Qa can iyamnimni kin hulinaga, qa wato kin iyuhpa hulinaga.

8 Unkan małpiya ohnihde iyo-kihe kin he yahoton, qa taku he wan tanka iyececa peta on itkon-yahe cin he miniwanca kin en iyolipeyapi: Qa miniwanca kin hanke iyamni we icaga:

9 Qa taku miniwanca oicage ni un kin hanke iyamni țapi, qa wita wata kin iyamnimni kin owihanke yapi.

10 Unkan małpiya ohnihde iciyamni kin he yahoton, qa wicanłpi wan tanka ideyapi petijanjan iyececa, małpiya kin eciyatanhan hinłpaye ça wakpa iyamnimni kin ahinłpaye ça minihdoka kin en.

11 Wicanłpi kin he, Yatkepi-cašni, eciyapi. Unkan mini yatkepica šni icage ça wicašta ota mini kin on țapi, pa icage cin heon.

12 Unkan małpiya ohnihde

icitopa kin he yahoton; unkan anpetu wi hanke iyamni, qa hanyetu wi hanke iyamni, qa wicanłpi iyamnimni kin apapi, qa hecen hanke iyamni otpaza icu, qa anpetu kin hanke iyamni hehanyan iyoyanpa ŗni un, qa hanyetu kin nakun iyececa.

13 Hehan wanmdake a nawahon, małpiya ohnihde wan małpiya cokaya tanhan kinyan iyaye a hotankakiya heya, Wicokakije, wicokakije, wicokakije, tona maka ounyanpi kin hena en, maza yahotonpi tanka hotonpi kin małpiya ohnihde yamni yahotonpi kte cin heon etanhan.

WICOWOYAKE 9.

1 Unkan małpiya ohnihde icizaptan kin he yahoton, qa iho, wacanłpi małpiya kin eciyatanhan maka kin ahinłpaya wanmdaka; unkan he makohdoka ceteta wanica tiyopa iyuhdoka kin qupi.

2 Qa makohdoka ceteta wanica he tiyopa kin yuhdoka, unkan makohdoka kin etanhan ŗota hiyu, peta on maza ŗdoyapi tanka hınca etanhan ŗota uye cin iyececa; qa woŗbe etanhan ŗota kin he on anpetu wi kin okotonyan kici aotpaza.

3 Unkan ŗota kin etanhan psiscadan au, maka kin ekta, qa wicowaŗake wicaqupi, wamduŗka maka akan un kin wicowaŗake yuhe cin he iyececa.

4 Qa wato maka aicage cin, taku toya un, qa can kin owasin kiuniye ŗni wicaŗipi, tuka wicaŗta kin tona itepi kin en Wakan-tanka tawowapetogton yuhapi ŗni kin henana.

5 Qa hena wicaktepi kta e wicaqupi ŗni, tuka wi zaptan hehanyan kakiŗwicaye kta e wi-

caqupi. Unkan kakiŗyapi kin he wamduŗka wicaŗta cawica-pe cinhan kiuniyanpi kin he iyececa.

6 Unkan anpetu kin hena en wicaŗta wiconęe akitapi kta, tuka iyeyapi kte ŗni, qa ęapi cinpi kta, tuka wiconęe e nawicakicipe kta.

7 Psipsicadan kin hena ouncege kin ŗuktanka ozuye on wiye-ya ehnag najinpi kin he iyececa; qa pa akan mazaskazi wateŗdake iyececa wapaha kitonpi, qa itepi kin wicaŗta ite kin iyececa.

8 Qa paha kin he winohınca paha iyecen yuhapi, qa hi kin hena mnaja hi kin iyececa.

9 Qa maza sapa maku akalıpe iyececa maku akalıpe tonpi; qa hıupahu hımułmunyan he ozuye canpahmihma, qa ŗuktanka ota ozuye ekta nawang yapi kin he iyececa.

10 Wamduŗka kin iyecen sinte yuhapi, qa sinte kin en icape yuke a, wi zaptan hehanyan wicaŗta kin kiuniwicaye kta okihipi.

11 Unkan wicaŗtayatapi wan yuhapi, woŗbe ceteta wanica etanhan ohnihde, Hebrew iapi kin eciyatanhan Abaddon eciyapi, qa Helenes iapi kin eciyatanhan Apoluon eciyapi kin hee.

12 Wicokakije kin wanji wana henakeca, qa ito he iyohakam wicokakije nom u kta ce.

13 Unkan hehan małpiya ohnihde iciaŗkpe kin yahoton, qa mazaskazi wahna woŗnapi Wakan-tanka itokam wanke cin he he topa kin etanhan wicaho wataninyan nawahon:

14 He małpiya ohnihde iciaŗkpe maza yahotonpi tanka yuhe cin he heciya; Małpiya ohnihde

topa wakpa tanka Yuphrate kin ekta wicakaškapi kin hena wicakiyuška wo.

15 Hehan małpiya ohnihde topa kin wicakiyuškapi; hena e wancadan ape cin, qa anpetu wanji, qa wi wanji, qa omaka wanjidan hehanyan wiyeya ehmag unpi, wicašta iciyamnimni kin wicaktepi kta e heon.

16 Unkan ozuye kin šuktanka akan iyotankapi kin hena kektopawinge kektopawinge opawinge nonpa; hena wicayawapi kin nawalion.

17 Qa wowanyake kin en šuktanka kin hecen wanwicamda-ka, qa wicašta akan iyotankapi kin hena maku akałpe šaša, toto, qa zizi yuhapi. Unkan šuktanka pa kin he mnaja pa kin iyececa, qa ipi kin etanhan peta, qa šota, qa calidi on, kagapi kin hiyu.

18 Unkan hena yamni, peta, qa šota, qa calidi on kagapi, hena ipi kin etanhan hiyu qon he on wicašta iciyamnimni kin wicaktepi.

19 Wowaške, yuhapi kin he ipi kin ohna qa sintepi kin ohna; sintepi kin hena wamduška kin iyececa, qa pa yukan ece, qa hena on wakiuniyapi ece.

20 Unkan wicašta tona wicakakije kin hena on wicaktepi šni kin hena iye napepi wicołan kin on iyopeiėiyapi šni, hecen taku wakan šicapi kin ohowicadapi, qa mazaskazi, qa mazaska, qa mazazi, qa inyan, qa can wakagapi ohodapi ece kin ayuštapi šni; hena wawanyake šni, qa winahon šni qa mani okihi šni.

21 Qa nakun tinwicaktepi, qa wapiyapi, qa wiinalmanpi, qa wamanonpi econpi kin on iyopeiėiyapi šni.

WICOWOYAKE 10.

1 Unkan hehan małpiya ohnihde wan tokeca waške ģinca małpiya kin eciyatanhan kuntkiya u, małpiya šapa hdown kin he wanmdaka; wihmunke wan wapaha kiye a, ite kin he anpetu wi kin iyececa, qa siha kin peta wankantkiya ide kin iyececa.

2 Qa nape kin on wowapi wan cistinna yumdayeya yuha. Qa siha etapa kin miniwanca ahekiye a, sicatka kin iš maka kin akan.

3 Qa hotankakiya hotanin, mnaja wan hoton kin iyececa. Unkan hotanin hehan wakinyan šakowin hotonpi.

4 Unkan wakinyan šakowin kin hotonpi hehan wowapi wakage kta, tuka wicaho wan nawalion, małpiya kin eciyatanhan hema-kiya, Taku wakinyan šakowin eyapi kin he sutaya apuspa wo, qa wowapi en kage šni wo.

5 Unkan małpiya ohnihde miniwanca maka ko akan najin wanmdake iqon he nape kin małpiya kin ekta hdugate;

6 Qa tuwe ohinniyan ni un, qa małpiya kage a, taku ohnaka ko, maka qa taku ohnaka ko, miniwanca qa taku ohnaka ko kage cin hee on konza, Anpetu kin wanna henakeca kta;

7 Tuka małpiya ohnihde iciša-kowin yahoton kinhan, anpetu kin hena en Wakantanka tawowiyukcan henakeca kte cin hehanyan, iye taokiyeye, wicašta wokcan kin owicakiyake iqon he iyecetu ce.

8 Unkan wicaho małpiya kin eciyatanhan tanin qon he ake hoyemakiye a heya, Małpiya ohnihde miniwanca maka ko akan najin kin he ekta ye a,

wowapi cistinna yumdayapi kin nape en un kin he icu wo.

9 Hehan mahpiya ohnihde kin he en wai qa hewakiya, Wowapi cistinna kin he maqu wo. Unkan, Icu qa yuta wo, tezi kin pa niye kta, tuka nii kin ohna tulumaga canhanpi kin iyecen skuye kta ce, emakiya.

10 Unkan wowapi cistinna kin mahpiya ohnihde nape kin etanhan iwacu, qa temwaya; qa mii kin en tulumaga canhanpi kin iyecen skuya, tuka nawapca hehan tezi kin pa mayan.

11 Hehan, Oyate, qa Ikcewicašta, qa iapi kin, qa wicaštaya-tapi ota en wicayakidukcan kta ce, emakiya.

WICOWOYAKE 11.

1 Unkan cedi wan cansakadan iyececa he maqupi; unkan mahpiya ohnihde kin najinhan najin qa heya; Najin, qa tipi wakan Wakantanka tawa kin iyuta wo, qa wahna wošnapı, qa tona en cekiyapi ece kin hena nakun.

2 Tuka hocoka kin, tipi wakan itankan, he tankan iyeye ça iyute šni wo; he Ikcewicašta kin wicaqupi; unkan otonwe wakan kin amanipi kta, wi wikcemna topa sam nonpa hehanyan.

3 Unkan waayataniipi nom mitawa kin wahinske ojuha oidugepi waayatapi kta e wicawaqu kta, anpetu kektopawinge sanpa opawinge nonpa sanpa wikcemna šakpe hehanyan.

4 Hena e Oliwe can nonpa qa petijanjan nom, Wakantanka maka yuhe cin itokam he cin hena eepi.

5 Unkan tuwe hena kiuniwicayace kta cin kinhan, ipi kin etanhan peta hiyu, qa toka wi-

cayapi kin ihang wicaye kta: Tuwe kiuniwicaya cin kinhan he hecen ktepi kta.

6 Hena e mahpiya kin onataka okihipi, hecen magaju kte šni, waayatapi anpetu kin icunhan, qa mini kin we icaliyapi kta okihipi, qa tohan cinpi eca wokakiye owasin on maka kin kakišyapi ece.

7 Unkan taku yaotaniipi kin wanna yuštani kta hehan, wošbe kin etanhan wamanica wan wankantkiya hiyu, qa hena azuwicaye kta, qa ohiwicaye ça wicakte kta.

8 Unkan hena tancan tapi kin otonwe tanka canku kin ohna wanke kta, he iapi wakan kin eciyatanhan Sodom qa Egiptu eciyapi, qa tukten Itancan unkitawapi kin icipaweł okatanpi qon.

9 Unkan wicašta kin, qa wicowazi kin, qa iapi kin, qa oyate kin, hena tancan tapi kin wanwicayakapi kta, anpetu yamni qa wanji hanke hehanyan, qa tancan tapi kin maka mahen wicahapi kte cin iyowinwicakiyapi kte šni.

10 Unkan hena on etanhan tona makoce kin en oonyanpi kin magagaičiyapi, qa wiyuškinpi kta, qa taku kicičupi kta, waayatapi nom tona maka akan ni un kin kakišwicayapi qon hena on etanhan.

11 Unkan anpetu yamni qa wanji hanke iyohakam, wiconi oniya kin Wakantanka eciyatanhan hena mahen iwicayaya; qa siha on najinpi, unkan tona wanwicayakapi kin nina yušin-yayapi.

12 Unkan hena wicaho wan tanka nahonpi, mahpiya kin eciyatanhan hewicakiya; Deciya wankan u po, *eya*. Unkan ma-

hpiya šapa wan akan mahpiya kin ekta iyayapi, qa tona toka wicayapi qon hena wanwicaya-kapi.

13 Unkan wihiyayedan ape cin he icunhan maka škanškan wan tanka, qa otonwe kin hankedan iwikcemnamna kin hinhpaya, qa maka škanškan kin on tona ŋapi kin hena wicašta kektopawinge šakowin. Qa unmapi kin yušinyayapi qa mahpiya Wakan-tanka kin wowitan ċupi.

14 Wicokakije inonpa kin wana henakeca, qa ito wicokakije iyamni kin kohanna u kta ce.

15 Hehan mahpiya ohnihde icišakowin kin yahoton, qa mahpiya kin ekta wicaho tanka hotaninpi, qa heyapi, Itancan unkitawapi qa Messiya tawa kin, maka wokiconze kin tawaye ċa, ohinniyen en wicaštayatapi un kta ce.

16 Hehan hunkawicayapi wikcemna nonpa sanpa topa, Wakantanka itokam oiyotanke kin akan kiyotankapi kin, hena makata elipeiciyapi, qa Wakantanka ohodapi;

17 Qa heyapi, Itancan Wakan-tanka lyotan wašake cin, tuwe un, qa un qon, u kte cin he niye ce, pidaunyayapi, nitowašake tanka kin iyekeu, qa wicayeconza ce.

18 Qa oyate kin šinhdapi, qa wocantiyahde nitawa kin wana hi; qa tohan wicaŋe cin wicayacopi kta, qa ookiye wicaya-ye cin wicašta wokcan, qa owotanna, qa tona nicaje kin koki-papi, cistinpidan tankinkinyan ko, taku wicayaqu kta, qa tona maka napištanyanpi kin hena napištanwicayaye kte cin.

19 Hehan mahpiya kin ekta tipi wakan Wakantanka tawa kin yuhdokapi, qa tipi wakan

kin en wicotakuye can koka kin wanyakapi. Unkan ito wakan-hdi, qa wicaho, qa wakinyan hotonpi, qa-maka škanškan, qa wasu tanka.

WICOWOYAKE 12.

1 Unkan mahpiya kin ekta wowapetokeca tanka wan tanin: Winohinca wan anpetu wi kin koyake ċa, hanyetu wi kin siha kin ihukuya, qa pa kin en wicanhpi ake nonpa wapaha kiya.

2 He ihdušake ċa, hokšiksuye ċa howaya, cinca ton kta e wazanka.

3 Unkan hehan mahpiya kin ekta wowapetokeca tokeca wan tanin; wamduška duta tanka wan, he pa šakowin, qa he wikcemna yuha, qa pa šakowin kin en watešdake šakowin tešdaka.

4 Qa sinte kin on mahpiya wicanhpi iyamnimni kin iwicacu, qa maka kin ekta elipewicaya. Unkan wamduška kin he winohinca hokšiksuye cin itokam najin, cinca ton kinhan temye kta.

5 Hehan cinca ton, wica kin, oyate hiyeye cin owasin maza icapsinte wan on wicayuhe kte cin hee. Unkan hokšiyogopa kin he Wakantanka, qa iye oiyotanke kin ekta eyakupi.

6 Unkan winohinca kin he hewoskan makoce kin ekta napa, heciya Wakantanka taku wiyeya ekicihnaka, qa hen anpetu kektopawinge sanpa opawinge nonpa sam wikcemna šakpe hehanyan wonyapi kta.

7 Hehan mahpiya kin ekta ozuye kagapi; Mikael qa iye taokiye kin wamduška kin kici kicizapi. Unkan wamduška kin qa iye taokiye kin kicizapi;

8 Qa ohiwicayapi šni; hecen

hetanhan mah̄piya kin ekta tuktedan wicakiyukanpi šni.

9 Unkan wamduška tanka kin, wamduška wanakaja tanhan un kin hee, Wakanšica qa Satan eciyapi, wicašta hiyeye cin owasin wicahnaye cin hee, makata eh̄peyapi, qa tona ookiye wicaye cin hena nakun kici tan-kan iyewicayapi.

10 Unkan mah̄piya kin eciya-tanhan wicaho wan tanka nawahon, hecen eya, Wanna un-kita Wakantankapi wiconi tawa, qa towašake qa tokiconze kin u; qa Messiya wicookihi tawa kin nakun; tuwe hunkawanjin wic-unkiyapi kin taku iyawicaonpe cin, Wakantanka unkitawapi kin itokam, anpetu hanyetu ko awi-caie cin hee kun eh̄peyapi kin heon etanhan.

11 Unkan hena Amnos we kin he on, qa waayataninpi oie tawapi kin he on oh̄iyapi, qa wiconṭe hehanyan wiconi tawapi kin wašte kidapi šni.

12 Heon etanhan, mah̄piya kin iyuskin po, qa tona ohna tipi kin. Tuka tona maka kin mini-wanca ko ekta yakonpi kin hena wicokakije yuhapi kta; niyepi kin ekta Wakanšica kun iyaye ṣa wošihda tanka yuha, aškayedan kta e sdonkiye cin heon etanhan.

13 Unkan wamduška kin maka kin ekta eh̄peyapi kin he wanhdaka, hehan winohinca cinca ton qon he šicaya kuwa.

14 Unkan winohinca kin he wanmdi tanka hupahu tawa nom qupi, on hewoskan makoce tukten ti kte cin heci kinyan iyaye kta, heciya waniyetu yamni qa wanji hanke hehanyan wonyapi kta, wamduška itohnake kin itehanyan.

15 Unkan wamduška kin iye i

kin etanhan mini hiyuya, wakpa wan iyececa, qa winohinca kin ihakam hiyayeya, minin ṭeye kta e heon.

16 Unkan maka kin winohinca kin he okiye ṣa, i hdukawa, qa wakpa wamduška i kin etanhan hiyuye cin he yahepa.

17 Unkan wamduška kin he winohinca kin on šinhda, qa winohinca cinca wicaye cin, tona Wakantanka tawoahope kin ahopapi, qa Jesus Messiya wootanin tawa yuhapi kin hena azuwicaya.

WICOWOYAKE 13.

1 Unkan hehan miniwanca kahda wiyaka kin en nawajin. Qa miniwanca kin etanhan wamanica wan hiyu wanmdaka, pa šakowin, qa he wikcemna yuha, qa he kin akan wacinhe wikcemna, qa pa kin akan waošehdapi caje kin.

2 Unkan wamanica wanmdake cin he inmu tanka iyececa, qa siha kin hena wahanksica siha kin iyececa, qa i kin mnaja i kin iyececa. Unkan wamduška qon towašake kin he qu, qa oiyotan-ke tawa kin, qa wicookihi tanka.

3 Unkan wanmdake ṣa, ito pa kin wanji kiuniyanpi, on ṭe kta tuka; unkan kiuniyanpi kin on ṭe kte cin he okizi, qa wicašta kin owasin wamanica kin on yušinyayapi.

4 Qa wamduška kin towašake kin wamanica qu qon he ohodapi, qa wamanica kin he nakun ohodapi, qa heyapi, Tuwe wamanica kin iyececa he, qa tuwe he kici kicize kta okihi he.

5 Unkan i wan qupi, he on taku tanka, qa iapi šice cin eye kta, qa wowašake qupi, wi wikcemna topa sanpa nonpa he-

hanyan, ozuye econ kte cin he-on.

6 Unkan i hdukawa qa Wakanfanka yašica, caje, qa wakeya tawa kin, qa tona malhiya kin ekta etipi kin hena taku awicakicaga.

7 Qa tona owotanna un kin hena azuwicaye ça wicaktedan kte e qupi, qa wicowazi, qa iapi kin, qa oyate kin owasin wicayuhe kte e wowašake qupi.

8 Unkan tona maka akan unpi cajepi kin wiconi wowapi Amnos, maka kagapi kin hehantanhan wošnapi qon, he tawa kin en owapi šni kin hena owasin wamanica kin ohodapi.

9 Tuwe noge yukan hecinhan, he nañon kte.

10 Tuwe wayaka awicahdi kinhan he wayaka ayapi kte, qa tuwe maza sagye on wicakte kin he maza sagye on ktepi kte ce. He en wicašta owotanna aepi qa wacinyanpi kin tanin.

11 Unkan wamanica wan tokeca maka kin etanhan biyu kin he wanmdaka; he he nom yuha tahin wanuyanpi cincadan iyececa, qa wamduška iyecen ia.

12 Unkan wamanica tokaheya kin he towašake kin ocowasin yuha, qa maka kin, tona akan un kin hena ko wamanica tokaheya kin kiuniyanpi, qa on ƚe kte, tuka okizi kin he ohodawicakiya.

13 Qa wowapetokeca tanka econ, wicašta wicitokam malhiya kin eciyatanhan peta maka kin ahinhpaye ya.

14 Qa tona maka akan unpi kin wicahnayan, wowapetokeca wamanica kin itokam econ kte e qupi qon hena on. Qa tona maka akan unpi kin wamanica maza sagye on capapi tuka kini

qon he iyacinpi wan kagapi kte e iwahokonwicakiya.

15 Qa wamanica iyacinpi kin he oniya qu okihi, hecen on wamanica iyacinpi kin ie kte, qa tona iyacinpi kin ohodapi šni kin hena wicakte kte okihi.

16 Unkan owasin, cistinpidan tankinkinyanpi ko, wijicapi qa walhpanicapi, tona ihduhapi, wowidake unpi kin hena ko, nape etapa kin en, qa is itepi kin en wowapetogton tawa kin yuhe wicakiya.

17 Unkan tuwedan wopeton kte šni, tuka tona wamanica towapetogton, caje kin, qa caje ihdawa kin he wanji tukte e yuhe kin henana.

18 De en woksape yukan. Tuwe ksape cin he wamanica tona ihdawa kin he yawa kte. He wicašta iyawapi kin hee, ihdawa kin he opawinge šakpe sanpa wikcemna šakpe sanpa šakpe.

WICOWOYAKE 14.

1 Hehan wanmdake ca, iho, Amnos wan Zion Paha kin akan najin, qa kektopawinge opawinge sanpa kektopawinge wikcemna topa sam kektopawinge topa kici najinpi, iye Atkuku caje kin itepi kin en owapi qon.

2 Unkan malhiya kin eciyatanhan wicaho wan nawañon, mini ota ihahā kin iyececa, qa wakinyan tanka hoton kin iyececa. Qa dowankiyapi sa candowankiyapi on downpi wicahotanin nawañon.

3 Qa oiyotanke kin itokam, qa taku ni un topa kin, qa hunkawicayapi kin wicitokam odowan teca se ahiyayapi. Odowan kin he tuwedan onspe kte okihi šni, tuka kektopawinge opawinge sam kektopawinge wikcemna

topa sam kektopawinge topa maka kin etanhan opewicatonpi qon hena.

4 Winohinca on ašamwicayapi šni kin hena eepi, tanšna unpi nakaes. Tona Amnos kin tokiya ye cinhan iyahna yapi kin hena eepi. Wicašta kin etanhan Wakantanka qa Amnos kin ekta opewicatonpi tokaheya kin hena eepi

5 Qa hena ipi kin en wohneye takudan iyeyapi šni; qa Wakantanka oiyotanke kin itokam takudan iyaonpepica šni unpi.

6 Hehan małpiya ohnihde tokeca wan małpiya cokaya kinyan iyaye cin he wanmdaka, wotanin wašte owihanke wanin un kin, tona maka akan unpi kin, wicašta kin, qa wicowazi, qa iapi, qa oyate hiyeye cin owasin ieyanpaha owicakiyake kta yuha iyaya.

7 Qa hotankakiya heya, Wakantanka kinihanpi qa wowitan qu po; woyaco anpetu kin wana hi ce; qa tuwe małpiya, maka, miniwanca, qa wakoniya kin kage cin he itokam canpeška makehde inajin po.

8 Unkan małpiya ohnihde ici-nonpa kin he ihakam ye ça heya, Hinłpaya ce, Babulon otowe tanka kin he hinłpaya; wawicihahapi wocantiyahde miniša tawa kin etanhan oyate hiyeye cin owasin yatke wicakiye cin he dee.

9 Unkan małpiya ohnihde iciyamni kin he hena wicihakam ye ça hotankakiya heya, Tuwe wamanica, qa iyacinpi kin ohoda, qa wowapetogton tawa kin ite, qa is nape kin en yuhe cinhan;

10 He Wakantanka wocantiyahde miniša tawa kin wocanteptanye miniyatke tawa kin en

okašan kin hetanhan yatke kta, qa małpiya ohnihde owotanna un kin hena wicitokam, qa Amnos kin itokam, peta, całdi ko en kakišyapi kta.

11 Qa kakišwicayapi šota kin owihanke wanin wankan iyaya ece; qa tona wamanica iye iyacinpi ko ohodapi, qa tuwe he caje wapetogtonpi yuhe cin hena anpetu hanyetu ko oziyapi wanin unpi.

12 Wicašta owotanna apepi kin he de en un, qa tona Wakantanka tawoahope opapi qa Jesus wacinyanpi kin hena.

13 Hehan małpiya kin eciyatanhan wicaho wan nawahon, hecen emakiya, Wowapi ecen kaga wo; Detanhan wicate cin tona Itancan kin en tapi kin hena wicayawaštepi ece. Han, Woniya kin eya, Wicołtani kin ayušanpi kta, qa wicołhan kin wiciyahna iyaya ece.

14 Hehan wanmdake ça, iho, małpiya ska wan, qa wanji Wicašta Cinhintku kin iyececa akan iyotanka, he mazaskazi wapaha wan wapaha kiye ça, nape etapa kin on isan škopa pe linca yuha.

15 Unkan małpiya ohnihde tokeca wan tipi wakan kin etanhan u, qa tuwe małpiya ska kin akan iyotanke cin he panyanhan heciya; Isan škopa nitawa kin en iyekiye ça *aguyapi* baksa wo. Mnyanpi kte cin wanna iyeħantu; maka woksapi kin wanna šeca ce.

16 Unkan małpiya ska akan iyotanke cin he isan škopa tawa kin maka ekta yekiya, unkan maka kin bašdapi.

17 Hehan małpiya ohnihde wan tokeca tipi wakan małpiya kin ekta he cin hetanhan u, he nakun isan škopa pe linca yuha.

18 Unkan mahipiya ohnihde tokeca wan wahna woŋnapi kin etanhan u, he peta on wowaŋake yuha. Qa he tuwe isan ŋkopa pe hinca yuhe cin he panyanhan hoyekiye a heya, Isan ŋkopa pe hinca nitawa kin ekta yekiye a maka hastanhanka kin mnayan wo; hastanhanka iyage kin wanna sapa ce.

19 Unkan mahipiya ohnihde kin he isan ŋkopa tawa kin maka ekta yekiye a, maka hastanhanka iyuwi kin mnaye a, Wakan-tanka wocantiyahde miniŋa iyuŋkice tawa tanka kin he en iyo-lipeya.

20 Unkan otonwe kin itankan mini ŋa iyuŋkice kin napanpi, qa mini ŋa iyuŋkice kin etanhan we hiyu, ŋuktanka i iyuwi kin hehanyan, stadiya kektopawinge sam opawinge ŋakpe hehanyan.

WICOWOYAKE 15.

1 Unkan mahipiya kin ekta wwapetokeca tanka, qa wowinihan wanmdaka; mahipiya ohnihde ŋakowin wicokakiye ŋakowin ehake kin yuhapi, hena en Wakantanka wocantiyahde tawa kin henakeca kta.

2 Unkan mde wan janjan peta kici icicahiyapi seca wanmdaka, qa tona ohiya, wamanica qon, iye iyacinpi kin qa wwapetogton kin, qa tona aje iyawapi kin, ohiye ciqon hena janjan mde kin akan najinpi, qa Wakantanka candowankiyapi tawa kin heca yuhapi.

3 Qa Moses Wakantanka tao-kiye tadowan, qa Amnos kin tadowan kin ahiyayapi, qa heyapi, Itancan, Wakantanka I-yotan waŋake cin niohan kin tanka, qa wowinihan, tona owotanna un kin en Wicaŋstayatapi

kin *he niye ce*, nitacanku kin owotanna qa wicaka.

4 Itancan, tuwe konicipe kte ŋni, qa niaje kin inidowan kte ŋni he; niŋnana oniowotanna; qa oyate hiyeye cin owasin upi, qa nitokam canpeŋka makehde enajin kta; woyaco nitawa kin wanna tanin kin heon etanhan.

5 Unkan he iyohakam wam-dake a, iho, mahipiya kin ekta waayataninpi wakeya wakan kin he yuzamni han.

6 Qa mahipiya ohnihde ŋakowin wicokakiye ŋakowin yuhapi kin hena tipi wakan kin etanhan inanpapi, miniŋuha ska wiyatpa kin heca koyakapi, qa mazaskazi on maku opta ihdukitapi.

7 Unkan taku ni un topa kin wanji mahipiya ohnihde ŋakowin kin mazaskazi wiyatke kin heca ŋakowin wicaqu; hena Wakan-tanka ohinniyan ni un wocantiyahde tawa kin on ojudan.

8 Unkan Wakantanka towitan, qa towaŋake kin eciyatanhan tipi wakan kin ŋota ojudan. Qa tipi wakan kin tuwedan timahan ye kta okihi ŋni, wicokakiye ŋakowin mahipiya ohnihde ŋakowin yuhapi kin henakeca kte ŋni hehanyan.

WICOWOYAKE 16.

1 Unkan tipi wakan kin etanhan wicaho wan tanka nawahon, mahipiya ohnihde ŋakowinpi qon hewicakiya, Yapi, qa wiyatke Wakantanka wocantiyahde tawa kin hena maka kin en akaŋtan po, *eya*.

2 Hehan mahipiya ohnihde tokaheya kin u, qa wiyatke tawa kin maka kin en akaŋtan. Unkan wicaŋta tona wamanica wwapetogton tawa kin yuhapi, qa iyacinpi kin ohodapi kin he-

na en šiyaka o tanka qa šica awicahinipayu.

3 Unkan mahpiya ohnihde icinonpa kin wiyatke tawa kin miniwanca kin en akaštan; unkan he we icaga, wicaŋe cin we kin iyececa, qa miniwanca kin en taku niyake un kin owasin ŋapi.

4 Unkan mahpiya ohnihde icyamni kin wiyatke tawa kin wakpa qa wakoniya kin hena en akaštan; unkan hena we icaga.

5 Hehan mahpiya ohnihde wan mini kin yuhe cin he kaken eya, nawahon; Itancan, tuwe un, qa un qon, u kte cin he niye, oniwotanna, hecen wicadaco:

6 Wicašta owotanna, qa wokcanpi kin hena we kin wicakipapsonpi; qa hecen we yatke wicayakiya, he iyekicihantupi nakaes.

7 Unkan wanji tokeca wahna wošnapi kin eciyatanhan kaken eya, nawahon; Itancan, Wakan-tanka Iyotan wašaka, wadaco kin he ohinniyan owotanna qa wicaka ce.

8 Hehan mahpiya ohnihde icitopa kin wiyatke tawa kin anpetu wi kin en akaštan. Unkan he wicašta kin peta on wicagu kta e qupi.

9 Qa iyokatapi tanka kin wicašta wicagu, qa hecen Wakan-tanka wicokakije hena yuhe cin he caje kin oštehdapi, qa wowitan qupi kta on ihduacetupi šni.

10 Unkan mahpiya ohnihde icizaptan kin wiyatke tawa kin wamanica oyanke tawa kin en akaštan; unkan wokiconze tawa kin otpaza ojudan, qa wayazanpi on cejipi kin hdahtahtakapi.

11 Qa wicokakije qa šiyaka o kin on etanhan mahpiya Wakan-tanka kin yašicapi, qa iye ohanpi kin on iyopeiciyapi šni.

12 Unkan mahpiya ohnihde

icišakpe kin wiyatke tawa wakpa tanka kin Yuphrate, he en akaštan; unkan mini kin puza aya, hecen wicaštayatapi wiyo-hiyanpa tanhan au kin canku kin wicakiciyumdayapi kta.

13 Unkan wamduška i kin etanhan, qa wamanica i kin etanhan, qa woitonšni wokcan kin he i kin etanhan, taku wakan šica yamni, hnaška iyececa, hena hiyu wanmdaka.

14 Hena taku wakan šica taniyapi kin hecapi, wowapetokeca econpi, qa maka sitomniyan wicaštayatapi kin, qa wicoicage ocowasin ekta yapi, Wakantanka Iyotan wašake cin anpetu tawa tanka kin en zuya awicaupi kta e heon.

15 Iho, wamanon sa wan iye-cen wau ce. Tuwe kiktahan un, qa wokoyake kpatan kin he yawaštepi ece, hecen tancodan mani kte šni, qa wištece cin wanyakapi kte šni.

16 Unkan Hebrew iapi kin eciyatanhan tukten Armagedon eciyapi, hen witaya u wicaya.

17 Hehan mahpiya ohnihde icišakowin kin wiyatke tawa kin okaduze cin en akaštan. Unkan mahpiya kin ekta tipi wakan kin etanhan, qa oiyotanke kin etanhan, wicaho tanka wan tanin, qa hey, Wanna henakeca.

18 Unkan iho wicaho taninpi, qa wakinyan hotonpi, qa wakanhdi tanin, qa maka škanškan wan tanka, wicašta kin maka akan iwicacage cin ehantanhan maka škanškan iyecen tanka wanica.

19 Qa otonwe tanka kin he yamni kiyušpapi; qa otonwe lkewicasta tawapi kin hena hinipayapi. Qa Babulon tanka kin he Wakantanka itokam kiksuyapi, wocanniye ohitike cin

miniša wiyatke kin qu kta heon.

20 Unkan wita kin owasin najica, qa he kin hena tuktedan iyeyapi šni.

21 Unkan maḥpiya kin eciya-tanhan wasu tanka wicašta kin awicahinhe, otoiyoḥi taku tke utapi opawinge wanjidan insokeca. Unkan wasu wicokakije kin on wicašta kin Wakantanka yašicapi ece, he wokakije iyotan tanka kin heon.

WICOWOYAKE 17.

1 Hehan maḥpiya ohnihde šakowin wiyatke šakowin yuhapi qon etanhan wanji u, qa omakie-ye ɕa hemakia, Deciya u wo, wawicihahapi econ sa tanka mini ota akan iyotanke cin he token yacopi kin cicipazo kta ce.

2 He kici wicaštayatapi maka akan unpi kin wawicihahapi econpi ece, qa tona maka akan unpi kin wawicihahapi tawa miniša kin on witkopi ce.

3 Hehan Woniya kin on he-woskan makoce ekta amayan. Unkan winohinca wan wamanica duta wan akan iyotanke cin he wanmdaka; he waoštehdapi wicacaje kin ojudan, qa pa šakowin, he wikcemna ko ikoyaka.

4 Unkan winohinca kin he taku stan duta ko koyake ɕa, mazaskazi, inyan telika, oinpidan ko hena on wiyatpa un, qa nape kin ohna mazaskazi wiyatke wan yuha waoštehdapi, wawicihahapi ko ašamyapi kin on ojudan.

5 Qa ite kin en caje wan owapi, Woanaḥbe kin, Babulon tanka, maka kin akan wawicihahapi, qa wayašicapi hunku kin hee.

6 Unkan wicašta owotanna we kin winohinca kin he, iwitko

wanmdaka, qa tona Jesus yao-taninpi kin hena we kin on. He wanmdake ɕa nina imanihan waun.

7 Hehan maḥpiya ohnihde kin he, Tokeca e ininihan he, emakia; Winohinca woanaḥbe kin he ociciyake kta, qa wamanica akan iyotanke cin, pa šakowin, qa he wikcemna hduhe cin he nakun.

8 Wamanica wandake cin he un qon, qa un šni kin; qa wošbe cetete wanica etanhan hiyu kta, qa wicotakuni šni ekta hde kta. Qa tona maka akan unpi, maka kagapi kin ehantanhan, cajepi kin wiconi wowapi kin en owapi šni, hena wamanica kin wanyakapi kinhan yušinyayapi kta, he un qon, qa un šni, qa hinahin un kin heon etanhan.

9 Unkan wicotawacin wicoksape yuhe cin he den un. Pa šakowin kin hena paha šakowin winohinca kin akan iyotanke cin hee;

10 Qa wicaštayatapi šakowin kin heepi, zaptan wanna hinḥapayapi, qa wanji nahahin en yanka, qa wanji iš hinahin hi šni; he hi kinhan ptecedan he kta.

11 Qa wamanica wandake ciquon he un qon, qa un šni kin, he ičišahdogan kin ee, šakowinpi kin he etanhan, qa wicotakuni šni ekta hde kta.

12 Qa he wikcemna wandake ciquon hena wicaštayatapi wikcemna kin eepi, nahahin wokiconze yuhapi šni, tuka wihiyayedan wancadan ape cin wicaštayatapi iyecen wamanica kin kici wicowašake icupi kta.

13 Hena wicotawacin wanjidan yuhapi, qa wicowašake wicookihi ko tawapi kin wamanica kin qupi.

14 Qa hena Amnos kin kici ki-

cizapi kta, tuka Amnos kin wicaktedan kta, he itancanpi kin Itancan, qa wicaštayatapi kin en Wicaštayatapi kin hee, qa tona om un kin hena wicakicopi, qa wicakahnigapi, qa wicakapi.

15 Hehan hecen emakiya, Mini wandake ciqon tukten wawicilahapi econ sa iyotanke cin he oyate, qa wicota, qa wicašta, qa iapi kin eepi.

16 Qa he wikcemna wandake ciqon, wamanica ikoyake cin hena, wawicilahapi econ sa kin šice kidakapi kta, qa hewoskantuya tancodan iyaye yapi kta, celhipi kin temyapi, qa peta on hulahapi kta.

17 Hena e Wakantanka tawacin kin ecen econpi kta, qa wicotawacin wanjidan unpi kta, qa wokiconze tawapi kin wamanica qupi kta e wacin yus wicakiya, Wakantanka oie kin yuecetu kte cin hehanyan.

18 Qa winohinca wandake ciqon he otonwe tanka kin makata wicaštayatapi kin iwicadake cin hee.

WICOWOYAKE 18.

1 Unkan hena taku kin iyohakam mahpiya ohnihde wan mahpiya kin eciyatanhan kutkiya u wanmdaka, wicowašake tanka yuha; qa he towitan kin on maka kin iyoyanpa.

2 Unkan he wašagya hotankakiya hotanin, qa heya, Hinhpaya ce, Babulon tanka kin he hinhpaya; qa taku wakan šicapi en ounyanpi, qa wanagi ašape cin owasin he otipi, qa zitkadan šice cin šicedapi kin owasin he holhipi yapi ce.

3 Wawicilahapi wocantiyahde miniša tawa kin hetanhan oyate hiyece cin owasin yatkanpi; qa

he kici wicaštayatapi maka akan unpi kin wawicilahapi econpi, qa taku tehika ota yuhe cin on wopeton maka akan unpi kin wijiniciyapi ce.

4 Hehan mahpiya eciyatanhan wicaho wan tokeca nawahon, kaken eya, Mitaoyate kin tankata inanpa po, hecen woahitani tawa kin ehna yaunpi kte šni, qa wicokakije tawa kin en oyapapi kte šni.

5 He wahtani kin mahpiya kin ekta iyahdeya, qa taku šica econ kin hena Wakantanka kiksuya un.

6 Token ecaniconpi qon he iyecen ecakicon po, qa iye ohan kin etanhan nonpa akihde kicu po, wiyatke ojudan ye cin he ohna nonpa akihde okicicaštan po.

7 Token wahaničida qa takudan icakije šni un qon he iyecen wicokakije, qa iyokišicapi kin qu po. Iye cante kin ekta kaken eya; Wicaštayatapi winohinca heca iyotankehan waun, qa wiwazica hemaca šni, qa iyokišicapi kin icimana wanmdake kte šni ce.

8 Heon etanhan anpetu wanjidan en wicokakije tawa kin hiyahde kta, wiconte, qa iyokišicapi, qa wicaakihan, qa ocowasin peta on huhnage kta; tuwe yaco kin Itancan kin Wakantanka hee wašaka ce, heon etanhan.

9 Unkan wicaštayatapi maka ohnaka kin kici wawicilahapi econpi, qa takudan icakije šni unpi kin hena he aceyapi kta, qa nihinciyapi kta, he huhnage cin šota kin wanyakapi kinhan;

10 Wicokakije kin ikopapi kin on itehanyan inajinpi, qa heyapi kta, Hehehe, hehehe, Babulon otonwe tanka kin, otonwe wašake cin, ihnuhanna niyacopi kin anihinhpaya ce.

11 Qa heon wopeton maka akan unpi kin nihinciyapi, qa ceyapi kta, hetanhan maza tawapi kin tuwedan opewicakica-ton kte śni :

12 Maza kin he mazaskazi, qa mazaska, qa inyan tehika, qa oinpidan, qa minihuha wašte, qa śina to, qa minihuha zipzipe-dan, qa śina śa, qa can wašte-mna ocaje owasin, qa huhu wakśica owasin, qa can tehika, qa mazazi, qa mazasapa, qa inyan ska wakśica ;

13 Qa canha śa, qa taku wašte-mna, qa pejihuta pa, qa canśin, qa miniśa, qa wiħdi, qa aguyapi mdu, qa woteca, qa taħin wanuyanpi, qa śuktanka, qa canpahmihma, qa wicatancan, wicanagi ko henakiya.

14 Waskuyeca kin ninagi wašte dake cin he wanna henake-ca, qa woyute napin qa taku wicimdeza, hena owasin aniyuśtan, qa hena ake tohinni iyeyaye kte śni.

15 Unkan wopeton tona taku hececa wiyopeyapi ece, qa on wijiniciyapi kin hena itehanyan inajinpi kta, he wokakije kin ikopapi, nihinciyapi, qa ceyapi ;

16 Qa heyapi ; Hehehe, hehehe, otonwe tanka kin minihuha wašte, śa stan, śa ko koyake ċa, mazaskazi, inyan tehika oinpidan ko kohdaka ; qa ihnuhanna wiwicajica tanka kin he yutakuni śni.

17 Unkan tona wita wata iyupse yuzapi, qa tona ohna yapi, qa tona watopapi, qa tona miniwanca ohna wopetonpi ece kin hena owasin itehanyan inajinpi ;

18 Qa he ħuħnage cin śota kin wanyakapi qehan, hotaninpi qa heyapi ; Otonwe kin tukte wanji e otonwe tanka kin he iyececa he.

19 Qa pa kin akan maka ahdatapi, qa hotaninyan nihinciyapi, qa ceyapi, qa heyapi ; Hehehe, hehehe, otonwe tanka kin he eciyatanhan tona miniwanca kin ohna wita wata yuhapi kin hena owasin watonpika, taku tehika opeton qon heon, he ihnuhanna ħewoskan kagapi ce.

20 Heon, maħpiya kin, iyuśkin wo, qa ohnihde owotanna yaunpi, qa wokcanpi kin nakun, niyepi kin on Wakantanka tokiċon kin he etanhan.

21 Hehan maħpiya ohnihde waśake ħinca wan, inyan wan, inyan wiyutpan tanka iyececa, he icu, qa miniwanca kin en elipeye ċa heya, Hecen wowaśake on Babulon otonwe tanka kin jujuwahan elipeyapi kta, qa tohinni iyeyapi kte śni ce.

22 Unkan niye kin en cadowankiyapi sa, qa dowanpi sa, qa cotanka yajopi sa, qa maza yahotonpi sa wicaho kin tohinni naħonpi kte śni ; qa taku kage sa, ocaje owasin, niye kin en iyeyapi kte śni, qa wiyutpan ħimun kin niye en hetanhan tohinni naħonpi kte śni.

23 Qa petijanjan ojanjan kin icimana iyoyamniye kte śni, qa niye en ħihnayanpi qa tawicuyapi wicaho kin tohinni naħonpi kte śni. Wicaśta wopeton nitawa kin hena maka akan wicaśta itancanpi kin hecapi ; qa wicayahmunge cin on oyate kin owasin wicayahnayen.

24 Unkan he ohna wicaśta wokcan wicaśta owotanna ko we kin iyeyapi, qa tona maka akan ktepi kin hena nakun.

WICOWOYAKE 19.

1 Unkan hena iyohakam maħpiya kin ekta wicota hotanka-

kiya hotaninpi nawahon, kaken eyapi, Jehowa yatan po, niwica-ye ça, wowitan, qa wootanin, qa wowaśake, Itancan Wakantanka unkitawapi kin he tawa nun-we.

2 Wayaco kin owotanna qa wicaka; witkowin tanka, wawicihahapi econ kin on maka kin yuśice cin he yaco, qa taokiye kin hena we kin he nape kin en tokieon.

3 Hehan inonpa heyapi, Jehowa yatan po. Unkan he śota kin owihanke wanin wankantkiya iyaya.

4 Hehan hunkawicayapi wickemna nonpa sanpa topa, qa taku ni un topa kin hena makata elpeiciyapi, qa Wakantanka oiyotanke kin akan kiyotanke cin he ohodapi, qa heyapi, Amen, Jehowa yatan po.

5 Hehan oiyotanke kin etanhan wicaho wan taninyan heya, Taokiye niyanpi kin owasin, qa tona cekiyapi ece, cistinpidan tankinkinyanpi ko, Wakantanka nitawapi kin yatan po.

6 Unkan nawahon, wicota hotaninpi kin iyececa, qa mini ota ihaha kin iyececa, qa wakinyan tanka hotonpi kin iyececa, kaken eyapi, Jehowa yatan po; Itancan Wakantanka Iyotan Waśake cin he Wicaśtayatapi un.

7 Heon etanhan piundapi, qa unkiyuśkinpi kta, qa wowitan unqupi kta; Amnos kin tohan tawicu ton kte cin wanna iye-hantu, qa winohinca kin taku owasin wiyeaya ekihnaka.

8 Unkan he minihuha ska wi-yatpa kin heca koyake kta e qupi; minihuha ska kin he tona waśte woowotanna yuhapi kin hee.

9 Hehan hecen emakiya, Ka-

ken wowapi kaga wo, Tona Amnos kin winohinca yuze kta omniciye kin en wicakicopi kin hena wicayawaśtepi ce. Hehan ake hecen emakiya, Wakantanka oie wicake cin hena ee.

10 Unkan hehan he siha hdepi kin en makata elpemickiye qa ohowada kta; tuka iye hema-kiya, Ihnuhan hecanon kin, miś cici ookiye waun, qa nihunkawanji Jesus yaotanin yuhapi kin hemaca; Wakantanka ohoda wo. Jesus yaotanin kin he wokcanpi woniya kin hee.

11 Unkan mahpiya kin yuzamnipi e wanmdaka, qa ito śuktanka ska wan, qa tuwe akan iyotanke cin he Wicake ça Owotanna ecipyapi, he owotanna wicayaco qa ozuye econ ece.

12 Iśta kin peta ide kin iyececa, qa pa kin akan wateśdake ota yukan; qa caje kin owapi, tuka he tuwedan sdonye śni, iye iśna-na sdonkiya.

13 Qa wokoyake we en oputkanpi kin heca koyaka: Qa Wakantanka Oie kin ecipyapi.

14 Unkan mahpiya wicobe kin owasin he ihakam yapi, śuktanka ska akan iyotankapi qa minihuha waśte, ska, qa wakaśote śni kin heca koyakapi.

15 Qa iye i kin etanhan maza sagye anog ope kin hiyu, heon oyate kin awicape kta, qa maza icapsinte wan on wicayuhe kta; qa Wakantanka Iyotan Waśake cin he wocantiyahde ohitike cin miniśa iyuśkice kin he naśkica.

16 Qa onhoħda ceca sani ko akan caje kin owapi, Wicaśtayatapi kin en Wicaśtayatapi, qa itancanpi kin Itancan kin he dee.

17 Hehan mahpiya ohnihde wan anpetu wi kin en najin kin he wanmdaka; he hotankakiya

hotanin, qa taku kinyanpi kin owasin, okotonyan kin en kinyan unpi kin hena hewicakiya ; Upi qa Wakantanka he wotapi tanka tawa kin en mniciya po ;

18 Wicaštayatapi celipi kin yatapi kta, qa wicašta itancanpi celipi kin, qa tona wašaksakapi celipi kin he, qa šuktanka celipi, qa tona akan iyotankapi kin, wicacecipi ocaje owasin, wowidake unpi, qa ihduhapi kin, cistinpi-dan tankinkinyanpi koya.

19 Unkan wamanica kin wanmdaka, qa wicaštayatapi maka akan unpi kin akicita wicayuhapi ko witaya mniciyapi, qa tuwe šuktanka akan iyotanke cin akicita wicayuhe cin ko, kici kicizapi kte cin heon.

20 Hehan wamanica kin he niyake yuzapi, qa woitonšni wokean kin he nakun, he wamanica kin itokam wowapetokeca econ, qa on tona wamanica wowapetogton tawa yuhapi, qa iyacinpi kin ohodapi kin hena wicahnaye cin hee. Unkan hena napin niyake peta mde waninyan zi on itkonyahe cin he en iyohpewicayapi.

21 Unkan unmanpi kin owasin tuwe šuktanka akan iyotanke cin he maza sagye tawa kin on wicaktepi, maza sagye he i kin etanhan hiyu qon hee on. Unkan hena celipi kin on taku kinyan un kin owasin imnanpi.

WICOWOYAKE 20.

1 Hehan malpiya ohnihde wan malpiya kin eciyatanhan kun u wanmdaka, he wošbe ceteta wanica tiyopa iyuhidoke kin yuhe ça, nape ohna maza icicalihha wan tanka :

2 Qa he wamduška kin iyałhpa-ya, sintehida wanakaja tanhan

un kin, Wakansica qa Satan hee, qa kaška ehnaka, waniyetu kektopawinge hehanyan ;

3 Qa wošbe ceteta wanica he en elipeye ça onataka, qa ipuspe wan on apuspa, hecen oyate kin wicahnaye kte šni, waniyetu kektopawinge kin ihuniyanpi šni kin hehanyan. Unkan he iyohakam ptenyedan kiyuškapi kta.

4 Unkan oiyyotanke kin heca wanmdaka, qa tona akan iyotankapi kin hena woyaco yuhapi. Unkan tona Jesus oyakapi kin on, qa Wakantanka oie kin on pa bawicaksapi qon, wamanica kin wakagapi ko ohodapi šni, qa wowapetogton tawa kin itepi, qa napepi kin en yuhapi šni, hena nagipi kin wanwicamdaka, ake kinipi qa Messiya kin kici ounyanpi, waniyetu kektopawinge hehanyan.

5 Tuka wicašte cin unmanpi kin ake kinipi šni, waniyetu kektopawinge kin henakeca šni kin hehanyan. Piya iwicacage tokaheya kin hee.

6 Tuwe piya iwicacage tokaheya kin en ope cinhan he ya-waštepi qa owotanna un. Hena wiconšte inonpa kin iyowicahi kte šni, tuka Wakantanka qa Messiya kin ekta wawayušnapi kin heca wicayawapi kta, qa kici ounyanpi kta, waniyetu kektopawinge hehanyan.

7 Unkan waniyetu kektopawinge kin henakeca kinhan, Satan wicakaška tipi kin etanhan kiyuškapi kta.

8 Qa oyate kin wicahnaye kta e makata tate ouye topa kin ektakiya ye kta, qa Gog Magog kici zuya u wicaši kta ; hena miniwanca wiyaka sukaza kin iyecen wicota.

9 Unkan maka ohdakinyan ohna yapi, qa wicašta owotanna

ewanke cin ihduksán hinajinpi, qa otonwe wakan kin nakun. Unkan mahípiya kin etanhan Wakantanka eciyatanhan peta hiyu, qa hūhnaḥwicaya.

10 Unkan Wakansíca, hena wicahnaye cin he peta qa inyanzi mde kin en iyohípeyapi, heciya wamanica qa woitonśni wokcan kin unpi, qa anpetu hanyetu ko owihanke wanin kakijapi kta.

11 Hehan oiyotanke ska tanka wan wanmdaka, qa tuwe akan iyotanke cin he ite kin etanhan maka mahípiya ko najicapi; qa tukten wanke kte cin iyeyapi śni.

12 Qa wicate ciqon, eistinpidan tankinkinyanpi ko, hena Wakantanka itokam najinpi, wanmdaka. Unkan wowapi kin yumdayapi; qa wowapi tokeca wan yumdayapi, wiconi wowapi kin hee: Qa wicate ciqon token wowapi kin en kagapi kin he iyecen wicayacopi, iye wicolian kin eciyatanhan.

13 Unkan miniwanca kin wicate cin tona en un kin hena hiyuwicaya, qa wiconṭe Hades ko wicate cin tona en unpi kin hena hiyuwicayapi. Qa iye wicolian kin eciyatanhan otoiyoḥi wicayacopi.

14 Unkan wiconṭe qa Hades kin hena peta mde kin en iyohípeyapi. Wiconṭe inonpa kin hee.

15 Unkan tuwe wiconi wowapi kin en owapi iyeyapi śni kin he peta mde kin en iyohípeyapi ece.

WICOWOYAKE 21.

1 Hehan mahípiya teca qa maka teca wan wanmdaka. Mahípiya tokaheya qa maka tokaheya kin hena yutokan iyeyapi, qa miniwanca wanica.

2 Unkan Johannes he miye e otonwe wakan kin wamdaka; Jerusalem teca kin hee mahípiya kin etanhan, Wakantanka eciyatanhan kun u, winohinca wan wicaśta hibna ton kte cin on wiyeya un kin he iyececa.

3 Unkan mahípiya kin eciyatanhan wicaho wan tanka nawahon, kaken eya, Wanyaka wo, Wakantanka wakeya tawa kin wicaśta kin ehna han, qa iye hena om ti kta, qa hena e oyate tawawicaye kta, qa Wakantanka hince cin hena om un kta, qa Wakantanka tawapi kta.

4 Qa wiciśta kin etanhan Wakantanka ístamnihanpe owasin wicakipakinte kta, qa hetanhan wiconṭe wanice kta, wicocante śica, wicaceya, wicokakije ko wanice kta, taku tokaheya un kin wanna henakeca.

5 Unkan tuwe oiyotanke kin akan kiyotanke cin he, Ito taku owasin teca wakaga ce, eya. Hehan, Wowapi ecen kaga wo, hena oie kin wicake qa owotanana, emakiya.

6 Qa ake kaken emakiya, Wanna henakeca. Alpha qa Omega, otokahe qa owihanke kin he miye ce. Tuwe ipuza kinhan he wiconi mini hídoka kin etanhan iyunwin codan yatke wakiye kta.

7 Tuwe ohiye cinhan he taku owasin tawaye kta, qa iye Wakantanka maye kta, qa miś he cinkśiwaye kta.

8 Tuka tona wikopapi, qa wicadapi śni, qa waḥtepi śni, qa tin wicaktepi, qa wawiciahapi econpi sa, qa wapiyapi, qa wakagapi ohodapi sa, qa oitonpiśni kin hena owasin mde wan peta qa inyan zi on itkonyahe cin he ohna taku tawapi kta, wiconṭe inonpa kin hee.

9 Hehan maḥpiya ohnihde śakowin wiyatke śakowin wicakakije ehake śakowin kin on ojudan yuhapi qon hena etanhan wanji hi, qa omakiye ɕa heya, U wo, winohinca wan Amnos kin tawicuye kte cin he cici-pazo kta ce.

10 Unkan Woniya kin on paha wan tanka tehan wankantuya kin ekta amaye ɕa, otonwe tanka kin, Jerusalem wakan, maḥpiya kin etanhan Wakantanka eciya-tanhan kutkiya u kin he maki-pazo;

11 Wakantanka wowitan tawa kin yuha, qa wiyatpa kin he inyan teḥika iyececa, inyan wan acaḥśdaya iyececa:

12 Qa ihdukśan aconkaškapi tanka qa tehan wankantu kin, qa tiyopa ake nonpa yukan, qa tiyopa kin hena en maḥpiya ohnihde ake nonpa yukanpi, qa akan wicacaje owapi, Israel cin-capi wicoun ake nonpa kin hena eepi.

13 Wiyohiyanpa tanhan tiyopa yamni; qa waziypa tanhan tiyopa yamni; qa itokaga tanhan tiyopa yamni; qa wiyohipeya tanhan tiyopa yamni.

14 Qa otonwe conkaške kin taku akan he cin hena ake nonpa, qa Amnos kin yewicaśi ake nonpa cajepi kin hena en un.

15 Unkan tuwe omakiye cin he mazaskazi cedihu wan yuha, on otonwe, qa tiyopa kin, conkaške ko iyute kta.

16 Otonwe kin oise tom yukan, qa ohdakinyan kin ohanske cin kici akidehankeca. Unkan cedihu kin on otonwe kin iyuta, wiyutapikektopawinge ake nom; ohdakinyan ohanske cin obosdatu ko akidecen han.

17 Qa conkaške kin he iyuta, wiciśpa opawinge sanpa wikce-

mna topa sam topa, wicaśta ihduta, maḥpiya ohnihde ihdute cin hee.

18 Conkaške kin he iyaspis inyan teḥika on kagapi, qa otonwe kin he mazaskazi ecedan, janjan ecedan iyececa.

19 Qa otonwe conkaške kin taku akan he cin he inyan teḥika ocaje owasin en un. Taku akan he cin tokaheya kin he iyaspis; inonpa kin he saphiros; iyamni kin he kalkedon; itopa kin he smaragdos;

20 Qa izaptan kin he sardonis; isakpe kin he sardius; isakowin kin he krusolitos; isahdogan kin he berulos; inapcinwanka kin he topaz; iwikcemna kin he krusophrasos; iakewanji kin he huakinthos; qa iakenonpa kin he amathustos.

21 Tiyopa ake nonpa kin hena inyan teḥika ocaje ake nom, tiyopa otoiyohi inyan teḥika wan-jidan; qa otonwe ocanku kin he mazaskazi ecedan janjan kin iyecen wiyatpa.

22 Qa he en tipi wakan wani-ca; Itancan Wakantanka Iyotan Waśake cin, qa Amnos kin hena tipi wakan kin eepi.

23 Qa otonwe kin he anpetu wi, hanyetu wi ko en iyoyanpapi kta cinpi śni; Wakantanka wowitan tawa kin iyoyanpa, qa Amnos kin he petijanjan kin hee.

24 Qa oyate kin tona ni wicayapi kin hena iyoyanpa kin he en manipi kta; qa wicaśtaya-tapi maka akan unpi kin hena wowitan qa wootanin tawapi kin en ahipi kta.

25 Qa tiyopa kin hena anpetu icunhan ecen iyeyapi kte śni; qa heciya hanyetu wanica.

26 Oyate hiyeye cin wowitan, qa wootanin kin en ahipi kta.

27 Qa taku wiśamyē aśamyē cin he en i kte śni, qa taku śica-ya econ, qa itonśni kin; tuka tona cajepi kin wiconi wowapi Amnos tawa kin en owicawapi kin henanapidan.

WICOWOYAKE 22.

1 Hehan wakpa wan wiconi mini ska kin, cahtowata iyecen ska, he makipazo, he Wakan-tanka qa Amnos oiyotanke tawa kin etanhan kaduza.

2 Unkan canku cokaya, qa wakpa kin anokatanhan wiconi can kin icaga, he waskuyeca ocaje ake nonpa aicaga, wi otoi-yohi waskuyeca aicaliya ece; qa can wapa kin hena oyate kin okizi wicaya ece.

3 Unkan heciya wicayusice wanice kta; tuka Wakantan-ka oiyotanke tawa kin he, qa Amnos tawa kin hen he kta, qa taokiye kin hena tawoahope kin ecen econpi kta:

4 Qa itohnake kin wanyakapi kta, qa caje kin iye itepi kin en yuhapi kta.

5 Qa heciya hanyetu wanice kta; qa petijanjan qa anpetu wi iyoyanpa kin he cinpi śni; Itan-can Wakantanka iyoyamwica-ya ece; qa ohinniyan owihanke wanin wicaštayatapi oonyanpi kta.

6 Hehan hecen emakiya, Wi-coie kin dena wacinyepica qa wicakapi. Qa Itancan Wakan-tanka wicašta wokcan wakan tawapi kin hee, taku ecadan u kte cin hena taokiye kin owica-kiyake kta e on ohnihde tawa kin u śi.

7 Iho ecadan wau kta. Tuwe wowapi kin de wowiyukcan oie kin tanyan yuhe cinhan he ya-waštepi ce.

8 Unkan Johannes hē miye e hena wanmdake ça nawañon. Hena nawañon, qa wanmdaka; unkan malipiya ohnihde hena wanyagmakiye cin he siha kin en makata elipemiçiye, ohowada kta tuka.

9 Hehan hemakiya, Ihnuhan hecanon kin; miś eya ookiye cici waun, qa nihunkawanji wi-cašta wokcanpi kin etanhan wa-un, qa tona wowapi kin de oie yuhapi kin hena owicawapa; Wakantanka ohoda wo.

10 Hehan ake hemakiya, Wo-wapi kin de wowiyukcan oie kin hena sutaya apuspe śni wo. Wanna ecadan kta ce.

11 Tuwe owotanna śni kin ohinniyan owotanna kte śni, qa tuwe aśape cin he ohinniyan aśapa un nunwe; qa tuwe owo-tanna kin he ohinniyan owotan-na kta, qa tuwe ecadan kin he ohinniyan ecadan un nunwe.

12 Unkan iho, kohanna wau kta, qa taku mitawa kin hduha waun, otoi-yohi iye wicoñan kin eciyatanhan wicawaqu kta.

13 Alpha qa Omega, tokapa qa hakakta, otokahe qa owihanke kin he miye ce.

14 Tona tawoahope kin ecen econpi kin hena wicayawaštepi, hecen wiconi can kin en ya oki-hipi kta, qa tiyopa kin ohna o-tonwe kin timahen yapi kta.

15 Tuka śunka, qa tona wapi-yapi sa, qa wiinañmanpi sa, qa wawicilañhapi econpi sa, qa wa-kagapi ohodapi sa, qa tuwe iton-śni waštedake ça econ kin hena tankan yakonpi ece.

16 Jesus he miye ce, okodaki-ciye kin ekta niyepi kin en hena oniciyakapi kta e heon ohnihde mitawa kin u waśi. Dawid can hutkan adetka ko he miye, qa anpao wicanlipi nina iyege cin.

17 Unkan Woniya kin tawicu-
yapi kin kici, Kuwa, eyapi. Qa
tuwe nahon kinhan he, Kuwa,
eye kta. Qa tuwe ipuza kinhan,
he u kta. Qa tuwe cin kinhan
he iyunwin codan wiconi mini
kin etanhan icu nunwe.

18 Tona wowapi kin de wowi-
yukcan oie kin nahonpi kin hena
kaken ewicawakiya ; Tuwe wi-
coie kin dena en taku sanpa ka-
ge cinhan, he wicokakije wowa-
pi kin de en cajeyatapi kin Wa-
kantanka qu kta :

19 Qa tuwe wowiyukcan wo-

408

wapi oie kin dena yuaoptetu
kinhan, he taku tawakte cin wi-
coni wowapi kin etanhan Wa-
kantanka icu kta, qa otonwe
wakan kin etanhan, qa taku to-
na wowapi kin de en kagapi kin
he etanhan.

20 Tuwe hena yaotanin kin he
kaken eya, Iho, kohanna wau
kta ce. Amen. Itancan Jesus
hecen yau nunwe.

21 Jesus Messiya Itancan un-
kitawapi kin he towaonsida kin
niyepi owasin en nicipi un kta.
Amen.

JESUS ITANCAN KIN YATANPI NUNWE.

WICOWAZI OWICAWAPI.

WAKANKICIYUZAPI.

WICOWAZI OWICAWAPI.

WICATONPI,

WICOWAZI OWICAWAPI.

WICATONPI.

WICOWAZI OWICAWAPI.

WICATE CIN.

Microformed by
Preservation
Services

^C
mfgh # 6522.02

30 OCT 95

WICOICAGE WOWAPI,
MOWIS OWA:
QA
WICOIE WAKAN KIN,
SALOMON KAGA.
PEJIHUTA WICAŠTA
DAKOTA IAPI EN KAGA.

THE BOOKS
OF
GENESIS AND PROVERBS,
IN THE
DAKOTA LANGUAGE,
TRANSLATED FROM THE ORIGINAL HEBREW,
BY THOS. S. ^{with} WILLIAMSON, A.M., M.D.

NEW YORK:
AMERICAN BIBLE SOCIETY,
INSTITUTED IN THE YEAR MDCCCXVI.

1866.

WICOWOICAGE.

WICOWOYAKE 1.

1 Otokahe ekta Wakantanka malipiya kin maka kin ahna kaga.

2 Unkan maka kin tanton šni, qa takudan ohnaka šni, qa otpaze ošbe kin akan wanke ča, Wakantanka Taniya kin mini kin aman.

3 Unkan Wakantanka, Ojanjan kta, eya. Unkan ojanjan.

4 Unkan ojanjan wanke cin, he Wakantanka wašte e wanhdake ča, Wakantanka ojanjan kin otpaze cin kici yukinukan ehnaka.

5 Qa Wakantanka ojanjan kin, Anpetu eciya, otpaze cin iš, Hanyetu eciya. Unkan ołitayetu, qa ohanlianna he anpetu tokaheya kin hee.

6 Unkan, Okotonyan wanke kte, mini kin okitahedan, qa mini kin mini kin yukinukan kte, Wakantanka eya.

7 Unkan okotonyan kin Wakantanka kage ča, mini okotonyan kuyatanhan kin, qa mini okotonyan akantanhan kin kici yukinukan. Unkan ecetu.

8 Unkan okotonyan kin he Wakantanka, Malipiya eciya. Unkan ołitayetu, qa ohanlianna anpetu icinonpa kin hee

9 Unkan, Malipiya kin ihukuya mini wanke cin icunonpa kawitaya kte, ča taku puze cin taninyan wanke kte, Wakantanka eya. Unkan ecetu.

10 Unkan taku puze cin he Wakantanka, Maka eciye ča, mini kiwitaya kin he, Miniwanca

eciya, qa he Wakantanka wašte e wanhdaka.

11 Hehan Wakantanka heya, Maka kin wato icaliye kte, peji kin he su icaliye kte, waskuyeca can kin he waskuyeca icaliye kte, waskuyeca mahen su yuke kte, ocaje otoiyohi su kin icaliye kta, maka akan, Wakantanka eya. Unkan ecetu.

12 Unkan maka kin wato aicaga, peji kin ocaje otoiyohi su aicage ča, can kin waskuyeca aicaga otoiyohi mahen su kin yukan ece. Unkan he wašte e Wakantanka wanhdaka.

13 Unkan ołitayetu, qa ohanlianna he anpetu iciyamni kin hee.

14 Unkan Wakantanka heya, Malipiya okotonyan kin ekta taku iyoyanpa yuke kte, on anpetu hanyetu kici yukinukanyan un kte ča, heon woyaka unpi kte, makoncage, anpetu, omaka, he-nakiya.

15 Qa malipiya okotonyan kin ekta hena iyoyanpa un kte, maka kin iyoyam ye kte, eya. Unkan ecetu.

16 Wakantanka wiıyoyanpa nom tankinyanyan kaga, tuka uman iyotan tanka kin he anpetu en ounye kte ča uman aoptetu kin he hanyetu en ounye kte; wicanłipi nakun.

17 Hena malipiya okotonyan kin ekta Wakantanka ehnaka, maka kin iyojanjan kta e hecon.

18 Anpetu hanyetu ko ohinninyan ounye wicakiya, qa ojanjan kin otpaze cin kici yukinukan-

WICOICAGE.

yan ounye kiya. Unkan he wašte e Wakantanka wanhdaka.

19 Unkan ohtayetu, qa ohanhanna he anpetu icitopa kin hee.

20 Unkan Wakantanka heya, Mini kin taku niyake ota icalhiye kta, qa taku kinyan maka kin iwankam malpiya okotonyan kin ohna okinyanpi kte.

21 Hecen Wakantanka hogan tankinyanyan oicalhiye, ça taku niyake, taku mini oicage cin ocaje hiye ye cin owasin, hena mini icalhiye ça, taku kinyan hupahu tonyan ocaje otoiyohi. Unkan he Wakantanka wašte e wanhdaka.

22 Hena Wakantanka yawašte qa hecen ewicakiya, Icacapi qa ihduotapo, qa miniwanca kin ojudan yakonpo, qa taku kinye cin maka akan ihduotapi kte.

23 Unkan ohtayetu, qa ohanhanna he anpetu icizaptan kin hee.

24 Hehan Wakantanka heya, Maka kin taku niyake oicage cin iyecen icalhiye kte ; woteca, watutka, wamanica, henakiya ocaje otoiyohi, *eya*. Unkan ecetu.

25 Hecen wamanica ocaje otoiyohi, woteca ocaje otoiyohi, qa taku maka asdohan owasin ocaje otoiyohi, henakiya Wakantanka wicakage, ça he wašte e Wakantanka wanhdaka.

26 Hehan Wakantanka hecen *eya*, Unkiye iyeuncecapi qa ouncage unkitawapi kin en wicašta unkagapi kta, qa miniwanca ekta hogan oicage cin wicayuhe kte, malpiya ekta taku kinye cin nakun, qa woteca qa maka kin ocowasin, qa watutka taku maka akan sdohan, ocaje owasin yuhe kta.

27 Wakantanka eyaya iye iyececa wicašta wan kaga, Wakan-

tanka ouncage iyececa kaga ; wica winyan kici wicakaga.

28 Qa Wakantanka wicayawašte qa, Icacapi, qa ihduotapo, qa maka kin ojudan iciyapo, qa denakiya wicayuha yaunpi kta, miniwanca ekta hogan oicage, ça malpiya ekta taku kinye cin, qa taku niyake maka askanškan oicage cin owasin, tawa wicaya po ; Wakantanka ewicakiya.

29 Unkan, Ito taku maka akan waicalhiya suton wojuپی owasin cičupi, can waskuyeca suton oicage cin owasin, hena nakun ; hena woyute yayapi kta.

30 Tuka taku maka akan ni un kin, malpiya taku okinye cin, qa taku maka askanškan kin, taku niya un kin owasin, hena peji wato owasin woyute wicawaqu, Wakantanka *eya*. Unkan ecetu.

31 Unkan Wakantanka taku kage cin owasin wanhdaka ; unkan iyotan wašte. Unkan ohtayetu qa ohanhanna he anpetu icišakpe kin hee.

WICOWOYAKE 2.

1 Hecen malpiya kin maka kin iyahna, qa taku ohnaka hiye ye cin owasin tanyan yuštanpi.

2 Unkan anpetu icišakowin, Wakantanka tohtani kage cin owasin ayuštan, qa anpetu icišakowin kin en tohtani kage ciqon etanhan okilpa.

3 Qa Wakantanka anpetu icišakowin kin he hdawašte, qa hduwakan. Tohtani Wakantanka kage cin owasin anpetu kin he en ayuštan, qa okilpa, heon etanhan.

4 Malpiya maka ko kagapi kin, Jehowa Wakantanka maka malpiya ko kage cin, anpetu kin he en, woicage oyakapi kin dee.

5 Can hiyeye cin owasin maka kin en he šni itokam, peji tinta oicage cin owasin uye šni itókam, Jehowa Wakantanka nahahin maka kin amagaju ye šni, qa wicašta maka kicanye kte cin wanica.

6 Qa maka kin etanhan po wankantkiya u, qa maka itohnake kin owancaya acuya.

7 Hehan Jehowa Wakantanka, maka mdu kin etanhan, wicašta wan kage, ça poge ohdoka ohna ipoḥ iyeya hecen wicašta nagi ni un kin icaga.

8 Unkan Jehowa Wakantanka, Eden heciya wihinanpe cin ekta, wojupi wan kage ça wicašta kin he en ehnaka.

9 Qa Jehowa Wakantanka can kin owasin tona owanyag wašte, qa tona woyute wašte aicage cin, maka kin etanhan icaliya, qa wojupi kin cokaya, can wiconi wan kage ça, can wan on taku wašte taku šica ko sdonyapi kin he nakun en icaliya.

10 Unkan can wojupi kin ḥipan ye kta e, watpa wan Eden etanhan uye ça hetanhan ointpa tom icaga.

11 Ointpa tokaheya kin Pišon eciyapi; he Hawila makoce kin owancaya ohomniya.

12 Heciya mazaskazi yuke, ça mazaskazi makoce kin he en iyeyapi kin he wašte. Heciya Bedola, qa ilhe wicašake iyececa.

13 Watpa inonpa Gihon eciyapi; he Kuš makoce kin ohna iyaya.

14 Qa watpa iyamni kin Hedeqel eciyapi; he Ašur makoce kin wiyohiyanpata kiya kaduza. Qa watpa itopa kin Yuphrate hee.

15 Unkan Jehowa Wakantanka Adam icu, qa Eden wojupi kin he kicanye ça awanyake kta e, en ehnaka.

16 Qa Jehowa Wakantanka wicašta kin hecen eciya, Can wojupi kin owasin etanhan icalikiš içiye šni yate kta.

17 Tuka can wan, taku wašte taku šica ko on sdonyapi kin de etanhan yate kte šni; tohan hetanhan yate cinhan anpetu kin he en niše kta.

18 Hehan Jehowa Wakantanka, Wicašta kin de išnana un kin he šica, wanji iye iyececa wecage kta, eya.

19 Wanna Jehowa Wakantanka, maka kin etanhan tinta wamanica owasin wicakaga, maḥpiya *etkiya* taku kinye cin ko owasin, qa Adam en u wicakiya, token caš wicaton kte cin sdonye kta e heon. Unkan token Adam owasin caš wicaton, hecen taku ni un kin otoiyohi caje wicayatapi.

20 Hecen Adam woteca owasin caš wicakiton, maḥpiya ektakiya taku kinye cin ko owasin, tinta wamanica nakun owasin; tuka Adam ookiye iye iyececa wanjidan iyeyapi šni.

21 Unkan Jehowa Wakantanka woštima tanka wan Adam ahinḥpaye ya, unkan ištima. Unkan Wakantanka cutuhu kin wanji yujon icu, qa conica kin ecen paohduta iyeya.

22 Qa Jehowa Wakantanka cutuhu kin, wicašta etanhan icu qon on winyan wan kage, ça wicašta kin en kai.

23 Unkan, Mihu kin etanhan de hu ye ça, micelḥpi kin etanhan celḥpi ya. De wicašta kin etanhan icupi kin, heon de winoḥinca eciyapi kta, Adam eya.

24 He etanhan wicašta atkuku hunku kici awicayuštan, qa tawicu kin en ikoyag içiye kta, hecen celḥpi wanjipidan kta.

25 He ehan Adam tawicu kici napin oge iciton šni yakonpi; tuka ištecapi šni.

WICOWOYAKE 3.

1 Wanna wamanica hiyeye cin owasin Jehowa Wakantanka wicakage cin, wamduška kin hecedan ksapa: qa wamduška kin winyan kin heciya, Can wojupi kin en can otoiyohi etanhan yatapi kte šni awicakehan Wakantanka eya he?

2 Unkan winyan kin wamduška kin heciya, Can wojupi en can waskuyeca aicage cin hena untapi kta ce.

3 Tuka can wanjidan wojupi cokaya he cin, he taku aicage cin hecedan, Ihnuhan yatapi qa odutanpi kin, hecanonpi kinhan niṭapi kta ce, Wakantanka eya ce.

4 Unkan wamduška kin winohinca kin hecen eciya, Niṭapi kte šni tuka heya ce;

5 Anpetu kin en he yatapi kinhan niš eya išta nimdezapi, qa Taku wakan iyenicacapi, taku wašte taku šica ko sdonyayapi kte cin he Wakantanka sdonya, he etanhan heya ce.

6 Unkan can kin waskuyeca woyute wašte, owanyag wašte, qa wicimdeza ksam wicaye kte cin he, winohinca wanyake cehan waskuyeca kin icu, qa yute ça hihnaku kin qu, qa is eya yuta.

7 Unkan napin išta mdezapi, qa tancodan yakonpi kin, hehan sdonkiciyapi, qa suken can ape heca kagegepi, qa on oge icitonpi.

8 Unkan anpetu kin cusni hehan, Jehowa Wakantanka ho kin wojupi kin ohna mani kin he naḥonpi, qa Wakantanka itohlake kin etanhan wojupi can kin ehna naičihmanpi.

9 Hehan Jehowa Wakantanka Adam kipan, qa heciya, Tukten yaun he?

10 Unkan Adam ayupte ça, Nihò kin nawahon qa kowakipe ça namičilibe, tancodan waun kin heon etanhan, eya.

11 Unkan tancodan yaun kin tuwe oniciyaka he? Can wanjidan etanhan yute šni ciši qon, hetanhan yata he? eya.

12 Unkan Adam heya, Winohinca mayaqu hee, qa mici unkin, iye can kin etanhan maqu, qa wata ce.

13 Unkan Jehowa Wakantanka winohinca kin heciya, Tokeca hecanon he? Unkan, Wamduška kin mahnaye ça wata ce, winohinca kin eya.

14 Unkan Jehowa Wakantanka wamduška kin hecen eciya, Niye decanon, qa heon woteca watutka ko owasin, niš nana niyašicapi. Itpi kin on maka kin asdohan yaun qa tohan yani kin hehanyan maka ece yate kta.

15 Qa detanhan niš winohinca kin kici toka kiciya yaunpi kta, qa winohinca einhintku kin nicinca kici toka kiciya yaunpi kta. He pa kin nicuwa kta, qa niš he siyete kin he yakuwa kta.

16 Hehan winohinca kin heciya, Iyonicišice ça ihdunišake cin nina mduota kta. Iyokišinya cinca yaton, qa nihihna cantiheyaye ça iye wowidag niye kta.

17 Unkan wicašta kin heciya, Nitawin kin token eniciye cin anayagoptan, qa can wan etanhan yute šni ciši qon, etanhan yate cin heon niye on etanhan maka kin yašicapi. Taku aicage cin on ḥtayani qa hecen yate kta, tohan yani kin hehanyan.

18 Wapepeka toka hu ko icali niciye kta, qa peji maka aicage cin yate kta.

WICOWOYAKE 4.

19 Niite tenimni kin on aguyapi yahdute kta, maka inicu kte cin hehanyan. Maka kin etanhan inicagapi nakaeś, maka mdu kin henica qa maka kin ekta icicawin yahde kta.

20 Hehan Adam iye tawicu kin, Ewe eya caś kiton; taku ni un kin owasin he ina yanpi kin heon etanhan.

21 Unkan Jehowa Wakantanka Adam tawicu kin kici wakihdaka okde wicakicage ça oge wicakicaton.

22 Qa Jehowa Wakantanka heya, Wicaśta kin wanna unkiye wanji he iyeuncecapi, taku waśte taku śica ko sdonya, heon ihnuhan nape yekiye ça wiconi can kin etanhan icu, qa yute ça owihanke wanin ni kte cin.

23 Heon Jehowa Wakantanka wicaśta kin Eden wojupi kin etanhan iyog iyeya; maka kin etanhan icage cin he kicanye kta ece.

24 Hecen wicaśta kin tankan iyeya, qa can wiconi canku kin awanyake kta e, Eden wojupi wiyohiyanpa tanhan Kerubim maza sagye ideya śkanśkan un ko ewicalhde.

WICOWOYAKE 4.

1 Unkan Adam tawicu kin Ewe sdonya, unkan ihduśake ça Qain he ton, qa, Jehowa etanhan wicaśta wan mduha ce, eya.

2 Qa ake ihduśake ça sunkaku Abel ton. Unkan Abel taħinca wanuyanpi wiħan wicakiya, qa Qain maka kin kicanyan.

3 Unkan omaka ihanke kin hehan Qain waskuyeca maka aicage cin hee Jehowa wakiyuśna.

4 Unkan Abel taħinca wanuyanpi tawa tokaheya tonpi wan, ihdi koya wośna. Unkan Jeho-

wa Abel taku wakiyuśna kin ko, akicitonwan.

5 Tuka Qain taku wakiyuśna ko akicikta śni. Unkan Qain canteptanye ça itohnake tokeca.

6 Unkan Jehowa Qain heciya, Tokeca canniniye ça itohnake enicetu śni?

7 Tanyan ecanon kinhan iħniktapi kte śni he? Tuka tanyan ecanon śni kinhan woħtani tiyopa kin en yanka. Tuka niye qe cantiheniye kta qa niś wowidake yaye kta.

8 Unkan Qain sunkaku Abel okiya, qa wojupi ekta napin yakonpi qehan najin hiyaye ça sunkaku Abel kikte.

9 Unkan Jehowa Qain heciya, Nisunka Abel tukte e he? Unkan, Sdonwaye śni. Ecin misunka kin he awanhdag waun he? eya.

10 Unkan token yaħan he? Nisunka we kin maka kin etanhan ho umakiya.

11 Qa wanna maka kin nisunka we kin ninape etanhan icu kta e i kin hdukawa kin he etanhan niyaśicapi ce.

12 Detanhan maka kin yakicanyan eśta, taku ota icalı niciye kte śni. Maka kin de akan onuniyan qa najica yaun kta ce, eya.

13 Unkan Qain Jehowa heciya, Wawaħtani kin he tanka kin kajupicaśni.

14 Anpetu kin dehan maka kin detanhan iyog iyemayaya, qa nitoye kin inaħbe wakiye kta, maka kin akan onuniyan qa najica waun kta, qa tuwe kaśta iyemaye cinhan makte kta.

15 Tuka Jehowa heciya, Tuwe Qain kte kinhan, śakowin akiħde wośice akipe kta. Qa Jehowa Qain wapetog ton, hecen on tuwe wanyaka eśta ktepi kte śni.

16 Unkan Qain Jehowa itoye kin etanhan inapa, Eden wiyo-hiyanpa tanhan makoce wan, Nod *eciyapi* kin, he en ounyan.

17 Qa Qain tawicu kin sdonya, unkan ihduśake ça Henok ton. Unkan *Qain* otonwe wan kage ça Henok eya caś kiton, cinhin-tku caje kin iyecen.

18 Unkan Henok cinca wan kicitonpi, Irad hee. Unkan Irad Mecujael cinkśiya. Unkan Mecujael Metuśael cinkśiya. Unkan Metuśael Lamek cinkśiya.

19 Unkan Lamek winohinca nom wicayuzā. Tokaheya kin Ada *eciyapi*, qa iyokihe Zila *eciyapi*.

20 Unkan Ada Jabel ton; he tona wakeya otipi, qa wanuyan-pi awanhdakapi kin, hena ateyapi.

21 Qa sunkaku Jubal *eciyapi*. Tona candowankiyapi cotanka ko, yahotaninpi kin, hena he ateyapi.

22 Unkan Zila he Tubal Qain ton. Taku maza zi on kagapi, qa maza sapa on kagapi ko owasin, iye onspe qa kaga. Qa Tubal Qain tawinohtin Nahama hee.

23 Unkan Lamek tawicu Ada Zila kici hewicakiya, Miho kin nahonpo, Lamek tawicu kin mioie kin anagoptanpo. Wicaśta wan wakte, on camapapi, qa kośka wan on kiunimiciya ce.

24 Qain śakowin akihde tokiçonpi kinhan, Lamek wikcemna śakowin sanpa śakowin tokiçonpi kta ce, *eya*.

25 Unkan ake Adam tawicu kin sdonya; unkan cinca wan ton, qa, Wakantanka cinca tokeca wan maqu, Abel Qain kte qon hee kiya, eye ça Śet eya caś kiton.

26 Unkan Śet is .eya cinca

wan kicitonpi, qa Enoś eya caś kiton. Hehan tokaheya wicaśta kin Jehowa caje kin hoyekiyapi.

WICOWOYAKE 5.

1 Adam wicowazi wowapi kin dee. Wakantanka Adam kage çehan, taku wakan ouncage iyecen icalı kiya.

2 Wica winyan ko wicakage ça wicayawašte, qa wicakage çehan Adam eya caś wicaton.

3 Unkan Adam waniyetu opawinge sanpa wikcemna yamni ni, qa cinca wan iye ouncage iyecen kicitonpi, qa Śet eya caś kiton.

4 Qa Śet tonpi kin he iyohakam, Adam waniyetu opawinge śahdogan ni, qa cinca wica winyan ko kicitonpi.

5 Hecen anpetu owasin Adam ni un kin hena waniyetu opawinge napciwanka sanpa wikcemna yamni, hehan ta.

6 Unkan Śet waniyetu opawinge sanpa zaptan ni, qa Enoś kicitonpi.

7 Qa Śet Enoś tonpi kin iyohakam waniyetu opawinge śahdogan sanpa śakowin ni, qa cinca wica winyan ko kicitonpi.

8 Hecen anpetu owasin Śet ni un kin hena waniyetu opawinge napciwanka sanpa ake nonpa, hehan ta.

9 Unkan Enoś waniyetu wikcemna napciwanka ni, qa Qenan kicitonpi.

10 Qa Qenan tonpi kin iyohakam Enoś waniyetu opawinge śahdogan sanpa wikcemna sanpa zaptan ni, qa cinca wica winyan ko kicitonpi.

11 Hecen anpetu owasin Enoś ni un kin hena waniyetu opawinge napciwanka sanpa zaptan, qa hehan ta.

WICOWOYAKE 6.

12 Unkan Qenan waniyetu wikcemna šakowin ni, qa Mahalele kicitonpi.

13 Qa Qenan Mahalele tonpi kin iyohakam waniyetu opawinge šahdogan sanpa wikcemna topa ni, qa cinca wica winyan ko kicitonpi.

14 Hecen anpetu owasin Qenan ni un kin hena waniyetu opawinge napciwanka sanpa wikcemna, hehan ŋa.

15 Unkan Mahalele waniyetu wikcemna šakpe sanpa zaptan ni, qa Jered kicitonpi.

16 Qa Mahalele Jered tonpi kin iyohakam waniyetu opawinge šahdogan sanpa wikcemna yamni ni, qa cinca wica winyan ko kicitonpi.

17 Hecen anpetu owasin Mahalele ni un kin hena waniyetu opawinge šahdogan sanpa wikcemna napciwanka sanpa zaptan, hehan ŋa.

18 Unkan Jered waniyetu opawinge sanpa wikcemna šakpe sanpa nonpa ni, qa Henok kicitonpi.

19 Qa Jered Henok tonpi kin iyohakam waniyetu opawinge šahdogan ni, qa cinca wica winyan ko kicitonpi.

20 Hecen anpetu owasin Jered ni un kin hena waniyetu opawinge napciwanka sanpa wikcemna šakpe sanpa nonpa, hehan ŋa.

21 Unkan Henok waniyetu wikcemna šakpe sanpa zaptan ni, qa Metuŋela kicitonpi.

22 Qa Henok Metuŋela tonpi kin iyohakam waniyetu opawinge yamni Wakantanka opeya mani, qa cinca wica winyan ko kicitonpi.

23 Hecen Henok anpetu tawa owasin waniyetu opawinge yamni sanpa wikcemna šakpe sanpa zaptan.

24 Qa Henok Wakantanka opeya mani, qa en un ŋni, Wakantanka he ikikeu nakaes.

25 Unkan Metuŋela waniyetu opawinge sanpa wikcemna šakowin sanpa šahdogan ni, qa Lemek kicitonpi.

26 Qa Lemek tonpi kin iyohakam Metuŋela waniyetu opawinge šakowin sanpa wikcemna šahdogan sanpa nonpa ni, qa cinca wica winyan ko kicitonpi.

27 Hecen anpetu owasin Metuŋela ni un kin hena waniyetu opawinge napciwanka sanpa wikcemna šakpe sanpa napciwanka, hehan ŋa.

28 Unkan Lemek waniyetu opawinge sanpa wikcemna šahdogan sanpa nonpa ni, qa cinca wan kicitonpi.

29 Qa, Jehowa maka kin yaŋice cin he nape on unkicanyanpi, qa hitaunnipi kin en unkikiyapi kte cin dee ce, eye ɕa Nowa eya caŋ kiton.

30 Qa Lemek Nowa tonpi kin iyohakam waniyetu opawinge zaptan sanpa wikcemna šakowin sanpa zaptan ni, qa cinca wica winyan ko kicitonpi.

31 Hecen anpetu owasin Lemek ni un kin hena waniyetu opawinge šakowin sanpa wikcemna šakowin sanpa šakowin, hehan ŋa.

32 Unkan Nowa wanna waniyetu opawinge zaptan, hehan Sem, Ham, qa Japet, kicitonpi.

WICOWOYAKE 6.

1 Hehan wicaŋta maka akan ota ayapi, qa cunwintkupi kicitonpi.

2 Unkan Wakantanka cinkŋi wicaye cin wicaŋta cunwintkupi kin hena e waŋte wanwicayaka-

pi, qa tona cinpi kin hena etanhan, winohinca wicayuzapi.

3 Unkan Jehowa heya, Wicašta kin wicacełpi kin heca heon wałtanipi en mitaniya he kici owihanke wanin ounye kte śni, tuka anpetu tawa kin hena waniyetu opawinge sanpa wikcemna nonpa kta.

4 Unkan anpetu kin hena icunhan, maka kin akan wazise yakonpi, qa Wakantanka cinkśi wicaye cin wicašta cunwintkuppi kin wicayuzapi, qa cinca kicitonpi kin, hena eepi he iyohakam wicašta waśakapi, wanakaja tanhan wicašta nina caje wicayatapi.

5 Unkan wicašta maka akan wałtanipi kin ota e, Jehowa wanyaka, anpetu osan wicocante oze okalı otoiyohi ecedan śica.

6 Unkan wicašta maka akan icalı wicaye cin heon, Jehowa iyopeıciye a cante iyokiśin ıciya.

7 Qa, Wicašta icalı wicawaye cin, maka itohnake kin etanhan wicawakahinte kta; wicašta, qa woteca, qa watutka, qa taku małpiya ektakiya kinyan un kin henakiya icalı wicawaye cin heon iyopemiiya ce, Jehowa eya.

8 Tuka Jehowa Nowa wanayake a wacin en yuza.

9 Nowa wicoicage oyakapi kin dee. Nowa wicašta ohan owotanna, qa hecetu wicoicage tawa kin hen, qa Nowa Wakantanka opeya mani.

10 Qa Nowa cinca yamni kicitonpi, Śem, Ham qa Japet.

11 Unkan Wakantanka itokam maka kin honwin ce, qa maka owancaya nina waboticapi.

12 Unkan Wakantanka maka kin wanyaka, unkan honwin; wicacełpi owasin maka akan iye tacankupi kin honwin kiyapi ce.

13 Unkan Wakantanka Nowa heciya, Taku cełpi yukan owasin owihanke kin mitokam u ce; iyepi kin on maka kin waboticapi on ojudan; qa maka kin etanhan ihang wicawaye kta.

14 Wazi can on wata wan ıci-caga wo. Mahentu kin ośkiśkeya yakage kta, qa mahen tanhan akapa tanhan ko, canśin apawinta wo.

15 Qa hecen yakage kta. Wata ohanske cin wiciśpa opawinge yamni, ohdakinyan kin wiciśpa wikcemna zaptan, qa obosdatu kin wiciśpa wikcemna yamni kta.

16 Qa wata kin en ojanjan hdepi yakage kta, qa wankantuya wiciśpa wanjidan en yahduśtan kta. Wata tiyopa kin cuwi kin ekta yakage kta, owanka tokaheya, inonpa, qa iyamni yakage kta.

17 Wanna miye maka akan minitan waye kta, heon taku cełpi yuke cin niyake iyeye cin owasin małpiya ihukuya, ihang waye kta. Taku maka akan un kin owasin e kta.

18 Tuka wicotakuye mitawa kin niye en nici wahdusuta kta, wata kin en oyape kta nicinca om, nitawin, nicinca tawicupi kin, henana om.

19 Qa taku niya un kin owasin, taku cełpi yukan hiyeye cin ocaje otoiyohi, nom nom mdoka wiye iyahnahna, en owicayahnake kta; ni wicayaye kta e niye kici wata kin en upi kta.

20 Taku kinye cin token ocaje, woteca token ocaje, wamanica maka akan unpi kin token ocaje, owasin ocaje otoiyohi nom nom niyake wicaduhe kta e niye en upi kta.

21 Qa niye taku yutapi kin ocaje otoiyohi etanhan ıcu, qa

WICOWOYAKE 7.

mnayan wo; hecen taku yutapi anihduhe, ça woteca kin is iya-cinyan wicayakihduhe kta.

22 Unkan Nowa Wakantanka token eciye cin, owasin anagoptan, qa ecen econ.

WICOWOYAKE 7.

1 Unkan Jehowa Nowa heciya, Niye, tiyohnaka nitawa kin owasin om, wata kin en opa wo; wicoicage kin de en mitokam owotanna yaun kin wanciyaka ce.

2 Woteca wakašotešni ocaje otoiyohi mdoka wiye ahnahna šakowinwin iyacu kta, qa woteca waasapapi kin, hena nom nom mdoka wiye kici iyacu kta.

3 Taku mahpiya ektakiya kinye cin nakun šakowinwin, mdoka wiye ahnahna maka akan aicagapi e niyake wicaduhe kta.

4 Ehake anpetu šakowin, hehan maka kin amagaju waye kta, qa taku ni un wakage cin owasin maka kin owancaya etanhan wakahinte kta ce.

5 Unkan Nowa, Jehowa token eciye cin owasin ecen econ.

6 Nowa tonpi kin ehantanhan waniyetu opawinge šakpe hehan maka kin akan minitan.

7 Qa Nowa cinksi wicaye om, qa iye tawicu, cinksi wicaye cin tawicupi ko, hena owasin om minitan mini kin itokapa tanhan wata kin en opa.

8 Woteca wakašotešni, qa woteca waasapapi kin, taku kinye cin, taku maka asdohan unpi ko owasin,

9 Nom nom mdoka wiye ahnahna Nowa en hipi, wata kin en; Wakantanka Nowa econ ši qon he iyecen.

10 Unkan anpetu šakowin hehan maka kin akan minitan aya.

11 Waniyetu opawinge šakpe hehanyan Nowa ni un kin, wi icinonpa, anpetu iake šakowin kin, hehan šbe tanka kin wakoniya hiyeye cin owasin yuomdecapi, qa mahpiya owanyeye hdepi kin owasin yuzamni ehdepi.

12 Qa anpetu wikcemna tom, hanyetu wikcemna tom, hehanyan maka kin ahinheya.

13 Anpetu kin he en Nowa, qa Šem, qa Ham, qa Japet, Nowa cinksiwicaye cin, Nowa tawicu kin nakun, cinca tawicupi yamni om, wata kin en hiyupi;

14 Hena qa wamanica ocaje owasin, woteca ocaje owasin, watutka tona maka asdohan unpi ocaje owasin, taku kinyan ocaje owasin, zitkadan owasin taku šun yukan owasin,

15 Nom nom hipi, Nowa ekta wata kin en, taku celpi yuke cin woniya niyake yuke cin owasin,

16 Hena en hiyupi; mdoka wiye ahnahna taku celpi yuke cin owasin etanhan upi; Wakantanka econ ši qon he iyecetu. Unkan Jehowa tiyopa kin onataka.

17 Unkan anpetu wikcemna tom maka kin ahinheye ça, minitan tanka aya; unkan wata kin okapon maka kin iwankam iyaya.

18 Unkan mini kin wašagya aye ça maka kin akan nina ihduota, unkan wata kin mini kin aokapota.

19 Unkan mini kin nina hin wašagya, maka kin akan, heon he pajodan owasin, tona mahpiya ihukuya un kin hena aminitan.

20 Wicišpa ake zaptan iwan-kam mini kin aye, ça paha kin aminitan.

21 Unkan taku celpi yuke cin

owasin, taku maka askanſkan un kin, taku kinyan, qa woteca, wamanica, qa watutka tona maka kin akan sdohanpi kin owasin tapi, wicaſta iyuhpa nakun tapi.

22 Taku maka puze cin akan ni, taku poge on niya un kin, owasin tapi.

23 Unkan taku hiyeye cin maka akan un kin owasin kahin-tapi, wicaſta, woteca, watutka, mahpiya zitkadan, owasin maka kin etanhan wicakahinta, qa Nowa isnana qa tona wata kin ohna om un kin henana okaptapi.

24 Anpetu opawinge sanpa wikcemna zaptan mini kin maka kin akan wasagya.

WICOWOYAKE 8.

1 Hehan Wakantanka Nowa kiksuye, qa wamanica woteca ko owasin, iye kici wata ohna yakonpi kin hena; qa Wakan-tanka tate wan maka kin akan iyayupte ya; qa mini kin ayuſtan.

2 Qa minihdoka owahinapeye cin onatakapi, mahpiya owanyeye kin hena koya, qa magaju mahpiya etanhan kin he ayuſtan.

3 Unkan mini kin maka kin etanhan kihda, anpetu opawinge sanpa wikcemna zaptan, hehan mini kin oyahe aya.

4 Wi isakowin, anpetu iake ſakowin wi kin en, hehan wata kin Ararat he kin en azi.

5 Unkan mini kin iyoopta ye qa oyahe aya, wi iwikcemna kin hehanyan; wi iwikcemna kin anpetu tokaheya kin he en, he paha kin taninyan hiyeya.

6 Unkan anpetu wikcemna tom henakeca, hehan Nowa wata kin owanyeye kage cigon, he yuhdoka.

7 Qa kang iwan tankan iyaye

ya, unkan iyaye qa ohnihdeya un, mini kin maka kin etanhan oyahe kin hehanyan.

8 Mini kin maka itohnake kin etanhan wanna pus aya, wan-yake kta e wakiyedan wan nakun tankan iyaye ya.

9 Tuka wakiyedan kin tukten sicuha iyahe kte cin iyeye ſni, mini kin maka kin owancaya akan un nakaes; qa Nowa en wata kin ekta hdi; unkan nape kin kiyugate qa wata kin en iki-keu.

10 Qa ake anpetu ſakowin ape, qa hehan ake wakiyedan wan wata kin etanhan iyaye ya.

11 Unkan ihtayetu he ehan wakiyedan kin hdi, qa wihdi can ape wan yapa hdi; unkan Nowa mini kin maka kin etanhan wanna pus aye cin sdonya.

12 Unkan ake anpetu ſakowin tokeca ape, qa hehan wakiyedan wan tankan iyaye ya, unkan ici-mana hdi ſni.

13 Unkan Nowa tonpi kin ehan-tanhan waniyetu opawinge ſakpe qa itokaheya kin, wi tokaheya, qa anpetu tokaheya, hehan mini kin maka kin akapatanhan puza, unkan Nowa wata kin akahepe cigon yuhdoke qa, maka itohnake kin wanna puza wan-yake.

14 Wi inonpa kin, anpetu iake ſakowin kin, hehan maka kin puza.

15 Unkan Wakantanka Nowa okiye qa,

16 Wata kin etanhan ya wo, niye, qa nitawin, qa nicinca, qa nicinca tawicupi kin niye kici;

17 Taku niyake niye kici un kin ko owasin, taku celpi yukan owasin, taku kinyan, woteca, watutka tona maka asdohan unpi kin owasin, tankan awicayaku kte, hecen maka akan cinca

WICOWOYAKE 9.

kagapi kte ça icagapi, qa ihduotapi kta ce, eciya.

18 Unkan Nowa tankan iyaye ça, cinca nakun, tawicu, cinca tawicupi koya.

19 Taku niyake owasin, wamanica owasin, qa taku kinyan owasin, taku maka akan sdohan un kin owasin, ocaje otoiyohei wata kin etanhan inanpapi.

20 Unkan Nowa wahna woşnapi wan Jehowa kicaga qa, woteca wakaşoteşni otoiyohei etanhan, qa taku kinyan wakaşoteşni ocaje otoiyohei etanhan icu, qa wawicayuşna, qa huhnali wicaya, wahna woşnapi kin akan.

21 Unkan Jehowa waştemna kin omna, qa Jehowa cante kin ekta heya, Wicaşta kin heon maka kin ake mdaşice kte şni; ehaeş wicaşta kin hokşiyopopa kin ehantanhan cante oze şica ece, tuka icimana taku niya un kin owasin ihang waye kte şni, hecamon qon iyecen.

22 Tohanyan maka kin wanke cin hehanyan wojupi qa coyapi, qa şni qa didita, qa mdoketu qa waniyetu, qa anpetu qa han-yetu hena ayuştanpi kte şni ce.

WICOWOYAKE 9.

1 Unkan Wakantanka Nowa, cincawicaye cin ko, wicayawaşte qa, Icagapi qa ihduotapi, qa maka kin owancaya ojudan yapo;

2 Qa taku maka aşkanşkan, taku malipiya okinye cin ko owasin, maka watutka owasin, qa mini owanca hogan owasin, itonnipapi qa ikonipapi kta, hena owasin ninape kin en niçupi ce.

3 Taku niya, qa şkanşkan kin owasin woyute nitawapi kta; peji wato iyecen hena owasin ciçupi.

4 Tuka we, celipi wiconi kin hee, yatapi kte şni.

5 Qa awicakehan we nitawapi kin on yanipi kin awakite kta, wamanica otoiyohei nape kin etanhan awakite kta, wicaşta nape kin ko etanhan, otoiyohei hunka wanjitku nape kin etanhan wicaşta wiconi kin he awakite kta.

6 Wakantanka iye ouncage iyecen wicaşta kin kaga; heon tuwe wicaşta weye cinhan, he wicaşta eciyatanhan weyapi kta.

7 Qa niyepi icagapi, qa maka kin owancaya ounyanpi, qa he ohna ihduotapo, ewicakiya.

8 Qa Wakantanka Nowa, cinca wicaye cin ko, owicakiye ca;

9 Iho miye wicotakuye mitawa ciciyasuta qa nicinca nihektam unpi kte cin om.

10 Nakun taku niya un kin, niyepi om unpi kin, taku kinyan, woteca, qa maka wamanica owasin, tona niye om wata kin etanhan inanpapi kin, taku maka akan ni un kin owasin om.

11 Niyepi om wicotakuye mitawa wakaga, qa taku celipi yukkan owasin minitan mini on icimana awihnuni waye kte şni, qa detanhan maka ihang ye kta on, icimana minitan kte şni, ewicakiya.

12 Qa, Wicoicage owasin, hehanyan niyepi en, qa taku ni un kin owasin en, wicotakuye wakage cin wowakta kin dee.

13 Mitinazipe kin malipiya şoka en ewehnake ça he wicotakuye maka kin waqu kin, wowakta kin hee kta.

14 Qa tohan maka kin malipiya şoka wan ahanzi waye cinhan, malipiya şoka kin ekta mitinazipe kin tanin kta.

15 Qa wicotakuye mitawa weksuye kta, niyepi om, qa taku

ni un kin owasin om, qa taku cel̄pi yuke cin owasin awihnuni kta e, detanhan icimana minitan kte šni.

16 Itazipa kin mah̄piya šoke cin en yanke kta, qa wicotakuye Wakantanka kici, qa taku maka akan niya un kin taku cel̄pi yuke cin owasin om, owihanke šniyan un kte cin, he weksuye kta e itazipa kin wanwahdake kta ce, Wakantanka eya :

17 Qa, Taku cel̄pi yuke cin maka akan owasin, wicotakuye wicawaqu kin wowakta kin hee kta, Wakantanka Nowa eciya.

18 Unkan Nowa cinca wicaye cin, wata qon etanhan inanpapi kin deepi, Šem, qa Ĥam, qa Japet. Unkan Ĥam Kanan atkuku kin hee.

19 Hena yamni Nowa cinca kin eepi, qa hena etanhan maka kin owancaya enanakiya iyayapi.

20 Unkan, Nowa maka kin kicanyan aye a hastanhanka iyuwihu hde.

21 Qa hetanhan miniša yatke a witko, qa wakeya ohna tancodan un.

22 Unkan Ĥam Kanan atkuku kin hee, atkuku tancodan un kin he wanhdake a cincu nom tankan yakonpi kin, owicakiya-ka.

23 Unkan Šem Japet kici, šina wan icupi, qa napin hiyetepi kin akan ehnapapi, qa iħeyata manipi, qa ateyapi tancodan un kin akal̄papi; itepi kin iħeyata unpi, hecen ateyapi tancodan un kin wanhdakapi šni.

24 Unkan Nowa, miniša kin etanhan kikta, qa cinhintku hakakta kin taku ecakicon qon sdotkiya ;

25 Qa heya, Kanan yašicapi kta. Wowidake wowidag yap

kta, cinye wicaye cin he yuhapi kta.

26 Jehowa Šem taku wakan tawa kin yawaštepi nunwe. Kanan wowidake yuhapi kta.

27 Wakantanka Japet yuota kta, qa Šem tawakeya kin ohna Japet ounye kta, qa Kanan wowidake yuhapi kta.

28 Unkan Nowa, minitan qon iyohakam, waniyetu opawinge yamini sanpa wikcemna zaptan ni.

29 Hecen Nowa anpetu tawa owasin, waniyetu opawinge napeiwanka sanpa wikcemna zaptan hehan a.

WICOWOYAKE 10.

1 Nowa wicowazi kin dee. Nowa cinca kin, Šem, Ĥam, qa Japet : Unkan minitan qon iyohakam, heħa cinca kicitonpi.

2 Japet cinca kin Gomer, qa Magog, qa Madai, qa Jawan, qa Tubal, qa Mešek qa Tiras.

3 Unkan Gomer cinca kin, Aškenas, qa Ripat, qa Togarma.

4 Unkan Jawan cinca kin, Eliša, qa Taršiš, Kitim, qa Dadinim.

5 Hena Hetne wita tawapi kin wicakicipamnipi, makoce tawapi kin en, otioyohi iapi kin, token wicowazi kin, hecen oyate kin en.

6 Ĥam cinca kin, Kuš, qa Mizarim *Egypton* hee, Put, qa Kanan.

7 Unkan Kuš cinca kin, Seba, qa Cawila, qa Sabta, qa Rahama, qa Sabtea. Unkan Rahama cinca kin Šeba, qa Dedan.

8 Unkan Kuš Nimrod kicitonpi, he tokaheya maka akan wašaka aya.

9 Iye waayatesa Jehowa ito-

kam waśake cin hee ; heon etanhan, Waayatesa waśaka Jehowa itokam, Nimrod iyecen, eyapi kin.

10 Unkan wokiconze tawa tokaheya kin Babel hee, qa Erek, qa Akad, qa Kalne Šinar makoce kin en unpi.

11 Makoce kin he etanhan iya-ya, qa Aśur, Niniwe kage ɕa Rehobot otonwe Kala nakun ;

12 Qa Niniwe Kala kici otahedan Resen otonwe tanka wan hee.

13 Unkan Mizarim *Egypton* hee cinca kicitonpi kin Ludim, qa Anamim, qa Lehabim, qa Naptuhim,

14 Qa Partusim, qa Kasluhim, hetanhan Pilištīm, qa Kaptorim inanpapi.

15 Unkan Kanan cinca kicitonpi Zidon, he tokapa, qa Het,

16 Qa Jebusi kin, qa Amori kin, qa Girgiśi kin,

17 Qa Hiwi kin, qa Hareqi kin, qa Sini kin,

18 Qa Aradi kin, qa Zemari kin, qa Hamati kin ; qa hehan Kanani wicowazi kin yuomden iya-yapi.

19 Qa Kanani makoce tawapi kin dee, Zidon etanhan Gerar ektakiya de cin Gaza etu, qa hetanhan Sodom, qa Gomora, qa Adma, qa Zeboim Lasa ekta.

20 Ham cinca wicaye cin hena eepi, wicowazipi kin iyececa, oyatepi tamakocepi kin en, iapi kin iyecen.

21 Unkan Japet tokapa kin sunkaku Šem, he cinca kicitonpi, Heber cinca wicaye cin owasin ateyapi kin hee.

22 Šem cinca wicaye cin, Elam, qa Aśur, qa Arpaksad, qa Lud, qa Aram.

23 Unkan Aram cinca wicaye cin Uz, qa Hul, qa Geter, qa Maś.

24 Unkan Arpaksad Šela kicitonpi, qa Šela Heber kicitonpi.

25 Unkan Heber cinca nonpa kicitonpi ; tokapa anpetu tawa kin en maka kin akipam icupi kin heon Peleg eciyapi, qa sunkaku kin Joktan cajeyatapi.

26 Joktan cinca wicaye cin Almodad, qa Šelep, qa Hatsarmawet, qa Jera ;

27 Qa Hadoram, qa Uzal, qa Digela ;

28 Qa Obal, qa Abimahel, qa Šeba ;

29 Qa Opir, qa Hawila, qa Jobal, hena owasin Joktan cinksi wicaya.

30 Meśa etanhan de cin, Seper he wan wiyohiyanpata wanke cin, hehayan onuyanpi.

31 Šem cinca wicaye cin hena eepi ; wicowazipi, qa wicoie hduhapi kin iyecen oyatepi kin tamakocepi kin en onuyanpi.

32 Nowa cinca wicaye cin wicowazipi kin heepi, oyatepi kin en. Hena etanhan maka kin owancaya oyate enanakiya iya-yapi minitan qon iyohakam.

WICOWOYAKE 11.

1 Hehan maka kin owancaya wicaiha wanjidan, qa iapi ko wanjidan.

2 Qa wiyohiyanpata ihdaka unpi, qa Šinar makoce kin he en, omdaye wan iyeyapi, qa en eyakonpi.

3 Qa otoiyohi takodaku hekiciyapi, Ihopo, maka omdoton unkagapi, qa span unkiyapi kta ce, eyapi. Hecen inyan hee kiya maka omdoton kin he icupi, qa upsija hee kiya bitumen icupi.

4 Qa ake hekiciyapi, Ihopo, otonwe wanji unkagapi kte ɕa nakun conkaśke wan, he ointpa kin mahpiya iyahdeye kta, qa

caje unkiçagapi kte ; heconkupi ŝni kinhan, maka kin owancaya omdecaheya unkiyayapi kta.

5 Unkan, Jehowa otonwe kin, inatake ko, Adam cinca wicaye cin kagapi kin wanyake kta e kun hiyu.

6 Qa, Ehaeŝ oyate wanjidan, qa owasin iapi wanjidan yuhapi, qa de tokaheya econpi, qa detanhan taku kaga kecinpi owasin takudan tehike dapi kte ŝni.

7 Iho, kun unyanpi, qa iapi kin icicahi unyanpi kta ; kinhan iyakitedan iapi nakicilionpi kte ŝni, Jehowa eya.

8 Qa hetanhan Jehowa, maka kin owancaya, yuomden ye wicaya ; unkan otonwe kagapi qon ayuŝtanpi.

9 He etanhan caje kin Babel eciyapi ; heciya Jehowa maka kin owasin iapi kin yuicicahi, qa hetanhan maka kin owancaya yuomden enanakiya ye wicaya.

10 Ŝem wicowazi *wowapi* kin dee. Ŝem waniyetu opawinge sanpa nonpa ni, qa hehan Arpaŝad kicitonpi, minitan qon iyohakam waniyetu nonpa.

11 Ŝem Arpaŝad tonpi kin iyohakam, waniyetu opawinge zaptan ni, qa cinca wica winyan ko kicitonpi.

12 Unkan Arpaŝad waniyetu wikcemna yamni sanpa zaptan ni, qa Ŝela kicitonpi.

13 Qa Arpaŝad, Ŝela tonpi kin iyohakam, waniyetu opawinge tom sanpa yamni ni, qa cinca wica winyan ko kicitonpi.

14 Unkan Ŝela waniyetu wikcemna yamni ni, qa hehan Heber kicitonpi.

15 Qa Ŝela Heber tonpi kin iyohakam, waniyetu opawinge tom sanpa yamni ni, qa cinca wica winyan ko kicitonpi.

16 Unkan Heber waniyetu wi-

kcemna yamni sanpa topa ni, qa Peleg kicitonpi.

17 Qa Peleg tonpi kin iyohakam, Heber waniyetu opawinge tom sanpa wikcemna yamni ni, qa cinca wica winyan ko kicitonpi.

18 Unkan Peleg waniyetu wikcemna yamni ni, qa Reyu kicitonpi.

19 Qa Peleg, Reyu tonpi kin iyohakam, waniyetu opawinge nonpa sanpa napciwanka ni, qa cinca wica winyan ko kicitonpi.

20 Unkan Reyu waniyetu wikcemna yamni sanpa nonpa ni, qa Serug kicitonpi.

21 Qa Serug tonpi kin iyohakam, Reyu waniyetu opawinge nonpa sanpa ŝakowin ni, qa cinca wica winyan ko kicitonpi.

22 Unkan Serug waniyetu wikcemna yamni ni, qa Naħor kicitonpi.

23 Qa Naħor tonpi kin iyohakam, Serug waniyetu opawinge nonpa ni, qa cinca wica winyan ko kicitonpi.

24 Unkan Naħor waniyetu wikcemna nonpa sanpa napciwanka ni, qa Tera kicitonpi.

25 Qa Naħor Tera tonpi kin iyohakam, waniyetu opawinge sanpa wikcemna sanpa napciwanka ni, qa cinca wica winyan ko kicitonpi.

26 Unkan Tera waniyetu wikcemna ŝakowin ni, qa Aberam, qa Naħor, qa Haran kicitonpi.

27 Tera wicowazi *wowapi* kin dee. Tera iye Aberam, Naħor, qa Haran kicitonpi. Unkan Haran Lot kicitonpi.

28 Unkan Haran, iye atkuku, Tera itokam ʔa, Ur Kaŝdim heciya, makoce en tonpi kin he en ʔa.

29 Unkan Aberam, qa Naħor winoħinca yuzapi. Aberam ta-

wicu caje kin Sari, qa Nahor tawicu caje kin Milka eciyapi. Haran he cunwintku iye Milka Iska ko ateyapi.

30 Tuka Sari cinca ton šni un, cinca wanica.

31 Unkan Tera iye cinhintku Aberam ikikcu, qa takojatpaku, Lot he Haran cinhintku, qa takosku Sari iye cinhintku Aberam tawicu kin hee. Hena om Ur Kašdim etanhan iyaya, Kanan makoce kin ekta ye kte, ça Haran ehan hipi qa hen hiyakonpi.

32 Qa Tera anpetu tawa kin waniyetu opawinge nonpa sanpa zaptan henakeca, qa Haran hen Tera řa.

WICOWOYAKE 12.

1 Unkan Jehowa Aberam heciya, Nita makoce kin etanhan ya wo, nitakuye etanhan, qa niyate ti kin etanhan, makoce wan wanyag ciciye kte cin he ekta ya wo.

2 Kinhan oyate tanka icař ciye, ça ciyawařte, qa nicaje kin tanka wakage kta; qa wowařte yaun kta;

3 Qa tona niyawařtepi kin hena wicamdawařte, qa tuwe niyařice cin he mdařice kta, qa niye en wicowazi tona maka akan unpi kin owasin yawařtepi kta ce.

4 Unkan Aberam iyaya, Jehowa eciye cigon he iyecen, qa Lot opa. Aberam wanna waniyetu wikcemna řakowin sanpa zaptan, Haran etanhan iyaye řehan.

5 Qa Aberam tawicu Sari ikikcu, qa iye cinu cinhintku Lot nakun, qa taku iřihdepi, taku tonpi kin owasin, wicanagi tona Haran en wicatonpi ko, qa unhdaka yapi, Kanan makoce kin

ektakiya, qa Kanan makoce kin en hipi.

6 Qa Aberam makoce kin ohna ya, řekem ounye cin etu, More utuhu kin en. Unkan hehan Kanani kin makoce kin en unpi.

7 Unkan Jehowa Aberam en tanin iřiye ça, Wicowazi nitawa kin makoce kin de waqu kta ce, eciya. Unkan Aberam hen wahna wořapi wan, Jehowa tanin iřiye cin he kiciga.

8 Qa hetanhan unhdaka ya Betel iwiyořianpatanhan he wan wanke cin, Betel wiyolipeyata, qa Hai wiyorořianpata otahedan en e wakeya, qa heci wahna wořnapi wan kage ça Jehowa caje kin hoyekiya.

9 Qa ake Aberam unhdaka itokař kiya ihdaka ya.

10 Unkan makoce kin he en wicaakiřian, qa Aberam Egupta ekta apamahde ya, hen yanke kta, makoce en un řon nina wicaakiřian nakaes.

11 Qa Egupta ekta wanna hi kte řehan, tawicu Sari heciya, Winohinca owanyag wařte hena sdonwaya;

12 Qa Egupton oyate kin waniyakapi kinhan, De tawicu kin ee ce, eyapi, kta, qa miye maktepi kta qa niye niniyanpi kta.

13 Ceciya ce, tawinořtin ciya keya wo; hecen tanyan waun kte ça, niye eciyatanhan minagi kin ni kta.

14 Qa Aberam Mizarim, *Egupta hee*, en hi qehan, Egupton oyate kin tawicu kin owanyag wařte řinea e wanyakapi.

15 Unkan Paro taakicita tancan winohinca kin wanyakapi, qa Paro en yatanpi, qa winohinca kin Paro ti kin en un kte cin icupi.

16 Qa iye kin on Aberam tanyan eakiconpi; unkan talin wa-

nuyanpi yuha, tatanka nakun, qa súktanka šonšonna mdoka wiye ko qa ookiye wica winyan ko, qa camo hena *owasin*.

17 Unkan Jehowa Paro oyutan, Sari Aberam tawicu kin on etanhan, Paro tiyohnaka tawa kin koya wowayazan tanka on wicakaštaka.

18 Unkan Paro Aberam kico, qa heciya, Tokeca becamiecon? He nitawin kin tokeca omayakidake šni he?

19 De mitankši ce, ehe ciqon he tokeca heha he? Hecen miš mduze kta iwacu tuka. Tuka nitawin wanhdaka wo. Ehdaku qa hunktiya wo.

20 Qa Paro wicašta tawa kin hena he iwahokonwicakiya, unkan hde šipi, tawicu taku yuhe cin ko owasin.

WICOWOYAKE 13.

1 Unkan Aberam Egipta etanhan iyaya, iye tawicu kici, qa taku yuhe cin ko owasin, Lot nakun opa, itokah makoce kin etu.

2 Qa Aberam wijica linca, wanuyanpi, mazaska, qa maza-skazi ota yuha.

3 Qa itokah makoce kin oti qon ohna ihdaka ku, Betel etu, wakeya iticage ciqon Betel qa Hai otahedan heciya;

4 Tokag ehan wahna wošnap kage ciqon he ekta, qa hen Aberam Jehowa caje kin hoyekiya.

5 Unkan Lot Aberam kici ihdaka un kin he talinca, qa tatanka wakeya ko yuha.

6 Qa witaya tonwanyanpi kte cin makoce kin iyowinwicakiye šni, ehaes wanuyanpi ota yuhapi, heon witaya ounyanpi kta okitpanipi.

7 Unkan Aberam wanuyanpi wiħan wicakiyapi kin qa Lot wanuyanpi wiħan wicakiyapi kin akinicapi. Unkan hehan Kanani kin, Perazi kin ko makoce kin en ounyanpi.

8 Unkan Aberam Lot heciya, Unhdokinica kte šni, wiħan wicakiya mitawa kin, qa wiħan wicakiya nitawa kin nakun akinicapi kte šni, hunka wanjin un-kiciye cin.

9. Makoce ocowasin nitokam wanke šni he? Ceciciya ce, miye etanhan kinukankiya ya wo. Niš catka tanhan de cinhan miš etapa tanhan, qa niš etapa tanhan kinhan miš catka tanhan mde kta ce.

10 Unkan Lot wankan etonwe, a Jordan iyomdaye kin ocowasin Zohar itato owancaya mini yukan, (Sodom Gomora kici Jehowa ihangye cin itokam,) Jehowa tamaga kin iyecen, qa Egipta makoce kin iyecen.

11 Qa Lot Jordan ohna makoce kin owasin kahnage a, Lot wiyohiyanpata kiya unhdaka ya, hecen otioyohi hunka wanjitku kin etanhan kinukankiya iya-yapi.

12 Aberam Kanan makoce kin en ounyan, qa Lot omdaye kin otonwe kin en ounye, a Sodom en wakeya iticaga.

13 Unkan Sodom wicašta kin wicaštapi šni, qa Jehowa en nina waħtanipisa.

14 Unkan Lot Aberam etanhan kinukankiya iyaye cin, he iyohakam Jehowa Aberam heciya, Išta kin yuwankan ikikcu, qa toki yaun kin ihdukšan etonwan wo; waziyata, qa itokaga, qa wiyohiyanpata, qa wiyolpeyata.

15 Makoce kin de wandake cin sitomniyan ciu kte a, wicowa-

zi nitawa nakun owihankešni-
yan.

16 Qa wicoicage nitawa kin
maka wiyaka sukaza iyenaka
wakage kta. Wicašta wan ma-
ka wiyaka sukaza yawa okihi,
hecinhan wicoicage nitawa na-
kun yawapi kta ce.

17 Najin qa makoce kin ohan-
ske cin, qa ohdakinyan kin ecen
omani wo, he ciçu kta ce, eya.

18 Unkan Aberam ihdake ça
Mamore utuhu kin he Hebron
en wanke cin ekta i, qa en ounye
ça hen wahna wošnapi wan
Jehowa kicaga.

WICOWOYAKE 14.

1 Unkan Amrapel Šinar en
wicašta yatapi ounye cin he
ehan, iye qa Ariyok Elasar en
wicašta yatapi, qa Kedorlaho-
mer Elam en wicašta yatapi, qa
Tidal Goim en wicašta yatapi
ozuye kagapi.

2 Bera Sodom en wicašta ya-
tapi, qa Birsu Gomora en wi-
cašta yatapi, qa Šinab Adma en
wicašta yatapi, qa Šemeber Ze-
boim en wicašta yatapi, qa na-
kun Bela, Zohar hee, he en wi-
cašta yatapi, hena owasin azu-
wicayapi.

3 Sidim mdaye kin, mini skuya
mde kin hee, en hena owasin
ecipapi.

4 Waniyetu ake nom, hehan-
yan Kedorlahomer wowidake
wicaya, tuka iake yamni kin he-
han kipajinpi.

5 Unkan waniyetu iake topa,
hehan Kedorlahomer qa wicašta
yatapi owicape ciqon owasin
upi, qa Repaim kin Ašteret
Qarnayim en wicakaštaka, qa
Zuzim kin Ham en, qa Emin
kin Qiratayim mdaye kin en,
hena owasin wicakaštakapi.

6 Hori kin nakun, Sehir he
tawapi kin en Paran utuhu kin
hetu, he hopuza kin en un.

7 Qa hdicupi, Mišpat wakoni-
ya, Qadeš hee en, qa Ameleqi
tamakocepi kin owasin awihnu-
nipi, Amori kin tona Hazazon
Tamar en ounyanpi kin nakun.

8 Hehan Sodom en wicašta
yatapi, qa Gomora en wicašta
yatapi, qa Adma en wicašta ya-
tapi, qa Bela Zohar he en wica-
šta yatapi, qa Zeboim en wicašta
yatapi hena *owasin* zuya iyaya-
pi, qa Sidim mdaye kin en kici-
zapi.

9 Kedorlahomer Elam en wi-
cašta yatapi, qa Tidal Goim en
wicašta yatapi, qa Amrapel Šinar
en wicašta yatapi, qa Ariyok
Elasar en wicašta yatapi, wi-
cašta yatapi ece, uman topa
uman zaptan ecipapi.

10 Unkan Sidim mdaye kin
ohna bitumen wolha ota, qa So-
dom en wicašta yatapi Gomora
en wicašta yatapi henios naji-
capi, qa ohinłpayapi, qa umanpi
kin, tona nipi kin, he onapapi.

11 Unkan Sodom Gomora ko
woyuha, taku yutapi ko yuhapi
qon, owasin icupi qa kihdapi.

12 Lot Aberam cincu cinhin-
tku kin Sodom en un kin nakun,
taku tawa ko owasin icupi, qa
hecen hdapi.

13 Unkan wicašta wan okicize
etanhan u, qa Aberam Heberi
kin wokiciyaka, utuhu oju Ma-
more Amori tawa kin en un;
Mamore Eškol Aner kici hunka
wanjin wicaye cin, qa hena *yamni*
Aberam kici dakon kiciyapi.

14 Unkan Aberam sunkaku
wayaka ahdapi kin he nakihon,
hehan wicašta opawinge yamni
sanpa wikcemna sanpa šahdo-
gan, iye ti kin en icagapi, qa
onspewicakiyapi kin hena awi-

caye ça wicašta yatapi qon, Dan hehanyan wicakuwa.

15 Qa hanyen taokiye kici anawicatan, qa wicaškaŧake ça owicakuwa, Caba Damaskos icatka tanhan wanke cin hehanyan.

16 Qa woyuha qon owasin eyaku; sunkaku Lot, qa taku tawa ko owasin, winohinca oyate ko owasin ahda.

17 Qa Kedorlahomer, qa wicašta yatapi owicape ciqon wicaškaŧakapi kin etanhan hdi kin, hehan Sodom wicašta yatapi kin itkokim ya; Kaksiza mdaye kin ekta Wicašta yatapi takaksiza kin hee.

18 Unkan Melkizedek Salem en wicašta yatapi, Taku wakan otancanke wakiyušnapi kin, he aguyapi miniša ahna *Aberam* kahi;

19 Qa yawašte, qa heya, Wakantanka otancanke malipiya maka ko ocowasin tawa kin, he Aberam yawašte nunwe.

20 Qa Wakantanka otancanke kin, toka niyanpi kin nape kin en onihnake cin he yawaštepi nunwe, eya. Unkan taku owasin etanhan iwikcemna kin qu.

21 Unkan Sodom wicašta yatapi kin Aberam heciya, Oyate kin micu wo, qa woyuha kin he owasin icu, qa yuha un wo.

22 Unkan Aberam Sodom wicašta yatapi kin heciya, Jehowa Wakantanka otancanke kin malipiya maka ko ocowasin tawa kin, he ekta nape ye wakiya.

23 Taku nitawa kin etanhan halonta wanjidan, hantpa wanjidan ešta iwacu kte šni, qa Aberam wawokihi wakaga ehe kte šni.

24 Tuka koška taku yutapi kin hecehnana, qa Aner Eškol qa Mamore wicašta omicipapi kin

hena eepi, onšpa tawapi kin iki-keupi nunwe, eya.

WICOWOYAKE 15.

1 Hena henakeca hehan, owanyake wan en Jehowa oie kin Aberam en hi, qa heciya, Aberam ihnuhan koyakipe cin; wahacanka nitawa qa taku iyotan tanka yahduhe kte cin he miye ce.

2 Unkan Aberam heya, Jehowa Itancan taku mayaqu kta he? Miš micinca manica qa wati kin taku ohnaka kin Eliezer Damaskon he yuha.

3 Qa Aberam heya, Miye cinca mayaqu šni, qa wicašta wan wati kin en tonpi kin, he taku mitawa owasin yuhe kta.

4 Unkan Jehowa oie kin hoyekiya, De taku nitawa owasin yuhe kte šni ce. Tokešta nitezi kin etanhan inanpe kte cin he taku nitawa kin owasin yuhe kta ce, eya.

5 Qa tankan u ši, qa heciya, Malipiya ekta etonwe ça wicanłpi kin yawa oyakihi hecinhan hena yawa wo. Qa nicinca kin he iyenakecapi kta ce, eciya.

6 Unkan Aberam Jehowa oie kin wicada, qa he woowotanna kiciyawapi.

7 Unkan Jehowa heciya, Makoce kin de ciču, qa yahduhe kta e Ur Kašdim etanhan u ciyiye cin, Jehowa he miye ce.

8 Unkan, Jehowa Itancan, tokiya tanhan wahduhe kte cin sdonwakiye kta he? eya.

9 Unkan, Pte wan waniyetu iyamni, qa tatokadan wan waniyetu iyamni, qa tamdoka wan waniyetu iyamni, hena owasin imicu wo, qa wakiyedan wan nakun, tin wakiyedan wan iyahna.

10 Unkan hena owasin ikikcu, qa cokaya okiwicakasdece ça wobaſpe kin owasin iciyotakons ehnaka, qa zitkadan kin hena baſpe ſni.

11 Unkan taku kinye ein woteka wicakte qon akan kun upi, unkan Aberam ham wicaya.

12 Unkan anpetu wi aisinyan iyaye kte cin, hehan woistima tanka wan Aberam ahinlpaye ça nakun otpaza wohitike hinca.

13 Unkan Aberam heciya, Woticake eciyatanhan he sdonya wo, nicinca makoce wan tawapi ſni e en waniyetu opawinge tom ounyanpi kte, unkan wowidag wicayapi, qa iyoyag wicayapi kta.

14 Unkan oyate wan wicayuhe kte cin he mdaco kta, unkan hehan woyuha ota yuha hinanpapi kta.

15 Tuka niye hunkake wicayaye cin ekta tanyan yahde kte ça, pa niska waſte kinahan niſapi kta.

16 Qa wicoicage itopa kin, hehan deciya hdipi kta ce. Amori kin woahitani kin nahahin iyatahdepi ſni ce.

17 Unkan wi iyaya hehan nina otpaza, qa oceti izita wan, petijanjan ideya wan ko, taku okicasdece ciqu itoopteya iyaya.

18 Anpetu kin he en Jehowa wicotakuye wani Aberam kicage ça heya, Makoce kin de Egupta watpa etanhan, watpa tanka Yuphrate eciyapi hehanyan nicinca wicawaqu kta.

19 Keni kin, qa Qenizi kin, qa Qadmoni kin,

20 Qa Ceti kin, qa Perazi kin, qa Repaim kin,

21 Qa Amori kin, qa Kanani kin, qa Girgaſi kin, qa Jebusi kin.

WICOWOYAKE 16.

1 Unkan Aberam tawicu kin Sari cinca kiciton ſni, qa Egupton wikoſka wan yuha, Hagar eciyapi.

2 Qa Sari Aberam heciya, Iho Jehowa miye onamataka; ceciye, wikoſka wan mduhe cin he ekta ya ye; okini cinca miciton kta, eya. Unkan Aberam Sari oie kin anagoptan.

3 Unkan Sari Aberam tawicu kin, he wikoſka tawa, Hagar Egupton kin icu, qa Aberam hiſnaku kin tawicu kta e qu; wanna waniyetu wikcemna hehanyan, Aberam Kanan makoce en un qehan hecon.

4 Unkan Aberam Hagar en i, unkan ihduſake ça, wanna ihduſaka wanhdake cehan, yuhe cin he iſta kin on ihakta ſni.

5 Unkan Sari Aberam heciya, ſicaya ecamiconpi kin he niye en oiyanihde. Miye wikoſka wan mduhe cin he ciçu, nimaku kin ekta, unkan ihduſaka wanhdake ça iſta kin on ihamakta ſni, miye niye kici unkiyotahedan Jehowa yaco kta ce.

6 Unkan Aberam Sari heciya, Tokeſta wikoſka nitawa kin he ninape kin ohna un, token iyonicipi ecen ecakicon wo. Unkan Sari iyoyag ya; unkan najica iyaya.

7 Unkan Jehowa taohnihde wan Hagar tinta kin en iyeya, mini hloka wan ikiyedani, ſur canku kin ohna mini hloka he cin hee.

8 Qa heya, Sari tawikoſka Hagar, tokiya tanhan yau he? qa toki da he? Unkan, Sari mayuha itoye kin etanhan nawajica ce, eya.

9 Unkan Jehowa taohnihde kin heciya, Niyuhe cin ekta ici-

WICOICAGE.

cawin hde, ça nape kin ihukuya ecihde wo.

10 Kinhan nicinca ota wakage kta, qa ota kin heon yawapi kte šni, Jehowa taohnihde kin Hagar eciya.

11 Qa, Iho ihdunišake cin cinca wanji yaton kte, ça Išmayel eya caš yakiton kta; nicakije cin Jehowa nanihon kin heon etanhan.

12 Kinhan is ikce wicašta kin heca kta. Wicašta owasin nape apaha wicayanke kta, qa is wicašta owasin nape apaha yanpapi kte, ça hunka wanjin wicaye cin owasin itokam ounye kte, Jehowa ohnihdeye cin eciya.

13 Unkan Wakantanka wanmayake cin he deciya awakita he? eye ça, Jehowa okiye cin, he Wakantanka wanmayadahe cin, eya cašton.

14 Heon wakoniya kin he, Tuwe ni qa wanmayake cin tawakoniya eciyapi; he Qadeš qa Bered otahedan wanka.

15 Unkan Hagar Aberam cinca wan kiciton, qa Aberam cinca Hagar ton kin he Išmayel eya caš kiton.

16 Aberam wanna waniyetu wikcemna šahdogan sanpa šakpe, Hagar Išmayel Aberam kiciton kin hehan.

WICOWOYAKE 17.

1 Unkan Aberam wanna waniyetu wikcemna napciwanka sanpa napciwanka, hehan Jehowa Aberam en tanin iciye ça, Taku wakan iyotan wašake cin he miye; mitokam omani qa iyaonpepica šni un wo.

2 Kinhan odakonciciye kta qa, iyakičuya ciyuota kta, eciya.

3 Unkan Aberam pustag elipe-

iciya; unkan Wakantanka okiye ça heya,

4 Odakonciciya qa oyate ota ate niyanpi kta;

5 Qa detanhan Aberam eniciyapi kte šni, tuka Abereyam nicaje ee kta; oyate ota ate niyanpi kte cin cicaga ce.

6 Qa nina yuota ciciye ça, oyate cicage kta, niye etanhan wicašta yatapi inanpapi kta.

7 Qa miye niye kici wicotakuye cicage kta, qa taku nitawa nihektam u kte cin hena kaya, hecen wakage kta, tohanhanyan wiconi kte cin, hehanhanyan hecetu kta, hecen wakan mayada kta, qa nicinca nihektam u kte cin hena owihanke wanin wakan madapi kta.

8 Makoce en ihdaka yaun kin, Kanan makoce kin he owasin ciču kta, qa tona enitanhan u kte cin hena, qa owihanke wanin tawayapi kta qa taku wakan mayanpi kta.

9 Qa, niye wicotakuye mitawa kin yahduhe kta, niye, nicinca nihektam upi kte cin hena kaya, wicoicage tawapi kin en.

10 Qa wicotakuye mitawa miye, qa niye kici, qa nicinca nihektam u kte cin hena kaya, yahduhapi kte cin he dee ce. Tona wica un kinhan hena bakiħdayapi kte.

11 Ce inkpa ha kin baniciħdayapi kta qa odakonciciyapi wawapetokton kin hee kta.

12 Wicoicage nitawapi kin tona wica owasin yatipi kin ohna tonpi, qa nicinca etanhan šni ešta, tuka oyate tokeca cinca, qa mazaska on opetonpi kin owasin, cincatonpi ehantanhan anpetu išahdogan baħdayapi kta.

13 Tuwe yati kin ohna tonpi qa mazaska nitawa on opetonpi kin he baħdayapi kta, qa oda-

konciyapi, nicełpi kin en he wicotakuye owihanke wanice kta.

14 Tuwe wica bałdayapi śni, ce inkpa ha kin bakiłdayapi śni kinhan, wicotakuye mitawa naksas, heon wicaśta kin he oyate tawa kin etanhan baśpapi kta, Wakantanka Abereyam eciya.

15 Qa detanhan Sari nitawin kin Sari caje date kte śni, Sara caje kin hee kta ce.

16 Qa he mdawaśte kte a, hetanhan cinca wan ciu kte a, cinca niciton kte cin he nakun mdawaśte kte a, oyate ota nakun wicaśta yatapi tanka hetanhan inanpapi kta, Wakantanka Abereyam eciya.

17 Unkan Abereyam pustag elpeiciye a iħa, a cante kin mahen heya, Wicaśta waniyetu opawinge cinca kicitonpi kta he? a Sara waniyetu wikcemna napciwanka cinca wan ton kta he?

18 Hehan, Tokin İsmayel nitokam ni un, Abereyam Wakan-tanka eciya.

19 Unkan Wakantanka heya, Han; awicakehan Sara nitawin cinca wan niciton kta, a Izak eya caś yakiton kta, a wicotakuye mitawa kin he kici wahdusuta kta; cinca wicaye kte cin iħektam u kte cin, hena koya wicotakuye owihanke śniyan.

20 İsmayel on nakun naciħon, on mdawaśte kta, cinca ota icaħye wakiye a iyakiuya yuota wakiye kta, wicaśta yatapi ake nom kicitonpi kte a, oyate tanka icaħye wakiye kta.

21 Tuka Izak kici wicotakuye mitawa kin wahdusuta kta, detanhan omaka wanjica kinhan, makoncage kin de en Sara ton kta.

22 Wakantanka ie a ohiniki-

ye cin, hehan Abereyam itokam wankan ikiyopta.

23 Unkan Abereyam cinhintku İsmayel ikikcu, a nakun tona iye ti kin ohna wicatonpi kin, tona maza ska iye tawa on opewicaton kin hena koya owasin, tona wica iye ti kin ohna yakonpi kin hena, anpetu kin he en ce inkpa ha kin bawicalıdaya, Wakantanka eciye cin he iyecen.

24 Abereyam wanna waniyetu wikcemna napciwanka sanpa napciwanka hehan iye ce inkpa ha kin bakiłdayapi.

25 Qa cinhintku İsmayel waniyetu ake yamni hehan ce inkpa ha kin bakiłayapi.

26 Abereyam cinhintku İsmayel kici, anpetu wanjidan en bawicalıdayapi.

27 Qa tiyohnaka wicaśta owasin, ti kin ohna wicatonpi, a oyate tokeca etanhan opewicatonpi kin hena koya, owasin Abereyam kici bawicalıdayapi.

WICOWOYAKE 18.

1 Unkan Mamore utuhu kin heciya, Abereyam wakeya tiyopa kin ekta iyotankehan yanke, a wiyotanhan hehan Jehowa tanin iiya.

2 Unkan Abereyam wankan etonwan, a wicaśta yamni itokam najinpi wanwicayake a, wakeya tiyopa kin etanhan itkowicakipe kta e inyang iyaye a, maka kin en canpeśka makehdeya inajin.

3 Qa, Itancan ni iħta kin iyoiki iya hecinhan ceciciya ce, nitaokiye kin etanhan sam iyaye śni wo.

4 Mini onge aupi on siha hdujajapi, a can kin ihukuya ozi iiyapo.

5 Kinhan aguyapi onśpa cicaupi kta. Nicantepi kin iwakiśa- kapo, heon nitaokiyepi kin en yahipi, qa hehan idadapi kta ce, eya. Unkan token ehe cin ecen econ wo, eyapi.

6 Unkan Abereyam wakeya kin en oľankoya hda, Sara ti kin ekta qa, Aguyapi iyutapi yamni kohanna icu qa pasuta qa aguyapi hmiyanan kaga wo, eya.

7 Hehan Abereyam wanuyanpi ekta inyang ye a, ptejinca- dan wan cepa qa wašte ikikcu, qa he kośka wan qu; unkan inalinian pata.

8 Unkan pte asanpi qa pte asanpi ihdi, qa ptejinca dan pa- ta qon ikikcu, qa wicitokam ehde, qa iye wicikiyedat najin can kin ihukuya. Unkan wotapi.

9 Qa Sara nitawin kin toki un he? eciyapi. Unkan, Wakeya ohna yanka ce, eya.

10 Unkan, Detanhan omaka akihde kinhan, ake niye en cihi kta qa awektunje kte śni. Hehan nitawin Sara cinca wan ton kta. Unkan Sara wakeya tiyopa kin ohna wicašta kin ihektam yanka tuka he nahon.

11 Wanna Abereyam Sara kici wanakaś wotapi, napin kanpi; winohinca ayakonpi kin he, Sara wanna ecece śni un.

12 Heon Sara cante mahen iħa qa, Wamakanka hehan, qa mayuha iś nakun wicalinca ešta imduśkin kta he? eya.

13 Unkan Jehowa Abereyam heciya, Tokeca e Sara iħa qa, Awicakehan wamakanka hehan cinca waton kta he? eya he?

14 Jehowa taku wanji okitpani tukte e he? Tohantu kte cin ake niye en cihi, qa Sara hokśi- dan wan ton kta.

15 Hehan Sara kokipe a heon anakihbe a, Iwaħa śni ce, eya. Unkan, Hiya, iyaħa ce, eya.

16 Hehan wicašta qon heciya tanhan najinpi, qa Sodom ekta- kiya etonwanpi; unkan Abereyam awicaye kta e om iyaya.

17 Unkan Jehowa heya, Taku ecamon kte cin he Abereyam anawakihbe kta he?

18 Abereyam iś oyate tanka, qa waśaka un kte a iye eciya- tanhan oyate maka ohnaka owa- sin yawaštepi kta;

19 Qa de sdonwakiye, cinca wicaye cin, tiyohnaka kin iya- hna taku owotanna qa ecetu econ wicaśi kta, qa Jehowa ta- canku kin okicipapi kta, hecen Jehowa Abereyam token waho- ye cin owasin kicicahi kta.

20 Unkan Jehowa heya, Sodom qa Gomora ceyapi kin he tanka, qa waľtanipipi kin tehika e nawa- ĩon, heon

21 Nakaha kun mde a ceyapi kin mahiyohi kin ocowasin iye- ceca econpi kinhan sdonwaye kta, qa ecece śni kinahan sdon- waye kta ce, eya.

22 Unkan wicašta qon hetan- han iyayapi, qa Sodom en ipi, qa Abereyam nahalin Jehowa itokam yanka.

23 Qa Abereyam ikiyadan hi- najin qa, Tona oľan owotanna waľtanipisa om iħang wicaya- ye kta he?

24 Okini wicašta owotanna wikcemna zaptan otonwe kin en unpi ešta iħang yaye kta he? Wicašta owotanna wikcemna zaptan kin hena on, otonwe en unpi kinhan, otonwe kin itonya- pe kte śni he?

25 Wicašta oľan owotanna waľtanipisa om iħang wicayaye kta seca; tokadan hecanon kte śni. Tona owotanna waľtani-

pisa iyecen ecawicakiconpi kin he iyonicipi śni. Maka kin owancaya wayaco un kin he woyaco econ kte śni he? eya.

26 Unkan Jehowa heya, Wicaśta owotanna wikcemna zaptan Sodom otonwe en iyewaye cinhan, hena on otonwe kin ocowasin itonwape kta ce.

27 Unkan Abereyam ayupte ça, Maka mdu qa caliota hemaça qeyaś mayuhe cin taku ewakiye kta on iapi iwacu.

28 Okini wicaśta owotanna wikcemna zaptan kin en zaptan ope kte śni seca; zaptanna kin hena on otonwe kin ocowasin ihang yaye kta he? eya. Unkan, Ihang waye kte śni, hen wikcemna tom sanpa zaptan ieyewaye cinhan, eya.

29 Unkan ake ie kta e hda, qa, Okini hen wikcemna tom ieyewicayapi kta, eya. Unkan, Wikcemna topapi on ecamon kte śni, eya.

30 Unkan, Mayuha ceciciye canniye maye śni wo; iwae kta ce. Okini wikcemna yamni hen iyeyapi kta seca, eya. Unkan, Wikcemna yamni hen iyewicawaye cinhan ecamon kte śni, eya.

31 Unkan, Tokin Mayuhe cin taku ewakiye kta e epen. Okini wikcemna nonpa hen iyeyapi kta seca, eya. Unkan wikcemna nonpa on ihang waye kte śni ce, eya.

32 Unkan, Itancan ceciciye canniye maye śni wo; wancadan iwae kta ce. Okini wikcemna en iyeyapi kta seca, eya. Unkan wikcemna on ihang waye kte śni ce, eya.

33 Unkan Jehowa Abereyam okiya ohinikiye cin hehan toki iyaya, qa Abereyam ekta hda.

WICOWOYAKE 19.

1 Unkan hitayetu ehan ohnihde wicaye cin nom Sodom en hipi; he icunhan Lot Sodom tiyopa kin en iyotankehan yanka, unkan Lot wanwicayake ça itkowicakipe kta najin hiyaya, qa wicitokam patuś inajin.

2 Qa hewicakiya, Itancan ceciciyapi, wati kin en yapo, he wowidake mayaduhapi, heon hanyetu kin de wati kin en yukanpo. Siha kin hdujaja po, qa hanhanna yektapi, qa tokiya dapi hecinhan ekta katinyan yapo, ewicakiya. Unkan, Hiya, ocan-ku kin de ohna hanyetu osan unyakonpi kta, eyapi.

3 Tuka nina cinwicakiya; unkan kici kipi. Ti kin ti mahen ipi, unkan aguyapi napohye codan śpan ye ça nakun wowicakihan; unkan yutapi.

4 Iwankapi kta itokam, Sodom otonwe wicaśta kin owasin tipi kin he aohduteyapi, hoksīdan wicahinca ko owasin, otonwe ihanke anokatanhan, henana otonwe ohnaka kin owasin kawitaya iheya.

5 Qa Lot kipanpi, Wicaśta nom hanyetu kin de yati en hipi kin tukte epi he? Tankan u wicaśi wo; sdonwicunyanpi kte, eyapi.

6 Unkan Lot ti kin etanhan inanpe, ça tiyopa kin ecen icu,

7 Qa, Hunka wanjin ciyapi, ceciciyapi ce, ihnuhan hecen śica-ya ecanonpi kin.

8 Micunksi nonpapi kin nahakin wicaśta sdonye śni yakonpi, heniyoś eiçupi, qa token yacinpī ecen wicayakuwapi kta, tuka wicaśta kin dena conkaśke mitawa ohanzi ihukuya hipi kin heon takudan ecawicakiconpi śni po, ewicakiya.

9 Unkan, Tokan hiyaya wo. Wicašta kin de oyate tokeca, tuka den un kta wacin, qa hi qa he unyacopi wacin. Heon ihom-ecca niye iyotan śicaya unnicuwapi kta, oyate kin eyapi, qa Lot nina paśkicapi qa tiyopa kin kaptujapi kta e en yapi.

10 Unkan ohnihde unpi kin tiyopa kin yuganpi, qa Lot ti mahen hdicu yapi, qa tiyopa kin onatakapi.

11 Unkan oyate kin wicašta cistina wicašta tanka ko, oyate otonwe ohnaka kin owasin, tiyopa kin en hiyeye cin hena išta gonge wicayapi, heon tiyopa kin yutantan akitapi.

12 Unkan ohnihde unpi kin Lot heciyapi, Nakun den takuyaya yukan he? takoš yaye cin nicin-ksi, nicunksi, qa taku tona otonwe kin ohna duhe cin, de etanhan om tankata inanpa wo.

13 Otonwe kin de ihang unyanpi kta, heon unhipi; oyate kin de owasin woahitani hoyapi, qa Jehowa itokam oiyahde iciyapi, heon otonwe kin de owihanke ye unhipi.

14 Unkan Lot tankata inanpe, qa wicašta takoš wicaye kte cin, hena hewicakiya, Otonwe kin de etanhan tankata inanpapo; Jehowa otonwe kin de ihanke ye kta ce. Tuka takoš wicaye kte cin Lot ceŭunhdapi.

15 Anpao hinanpa, unkan ohnihde unpi kin Lot inahni yapi, qa, Najin wo; nitawin ehdaku wo, qa nakun nicunksi nonpa den unpi kin, okini otonwe wahitani kin en awihnuniniyanpi kta nace.

16 Tuka ihduwiyeyapi śni; unkan ohnihde unpi nape etanhan wicayuzapi, Lot, qa tawicu, qa cunwintku nonpa nape kin wicayuzapi; Jehowa hena onsi-

wicakida, he etanhan otonwe kin tankan ewicayayapi.

17 Otonwe tankan awicaipi qa uman heciya, Napa wo, ni iciya wo. Ihnuhan nihektam eyatonwe cin. Omdaye kin ohna tuktedan inajin śni. He kin heciya onapa wo; hecen yani kta ce.

18 Unkan Lot hewicakiya, Hiy, Itancan ceciciya ce:

19 Wowidake yaya nitokam wopida iyeiciya, qa nitowaonśida kin icantoyahnake cin he miye. Tuka he onawape kte cin owakitpani kta. Okini taku śica hiyohimaye qa maŭe kta, kowakipa.

20 Heon ceciciya, otonwe wan cistina den aśkadan he cin, hee iyowahi kta owakihi kta. Ceciciya, heci ye mayan wo; cistina tuka hecen on minagi kin ni kta.

21 Unkan, He wopida kin aciyupte kta; otonwe cistina kin he ihang waye kte śni.

22 Onapa wo; inahni wo. Tohan ehan yai śni hehanyan token wahan kte śni, eciya. He etanhan otonwe kin he Zohar eciyapi.

23 Wi toka hinanpa hehan Lot Zohar iyohi.

24 Unkan hehan Jehowa magaju ya, Sodom Gomora heniyozakiya inyan zi peta ko Jehowa mahpiya eciyatanhan ahinhe wicaya.

25 Otonwe kin hena owihanke wicaya, omdaye ko ocowasin, qa tona otonwe kin en ounyanpi, qa makoce kin hen peji kaya.

26 Tuka Lot tawicu kin haki-kta, unkan tancan kin tokeca hinhde qa miniskuya icu.

27 He icunhan, hanhanna Abereyam kikta, qa Jehowa okiye ciqon en etkiya ya.

28 Qa Sodom, Gomora, makoce ihdukšan koya atonwan ; unkan makoce kin he etanhan šota wan, maza šdoyapi oceti šota iyececa, wankantkiya inanpe cin wanyaka.

29 Jehowa Omdaye otonwe kin hena, owikanke ye cin he icunhan, Abereyam kiksuye ça otonwe ohna Lot ounye cin ihang wicaye cin hetanhan Lot tankan iyaye ya.

30 Unkan Lot Zohar etanhan itawankanhde ye, ça he wan akan cunwintku napin om e ounyan, Zohar he en un kte cin he wikopa heon, qa makohdoka wan cunwintku napin om oti.

31 Unkan tokapa kin he tankaku kin hecen eciya, Ate unye cin wanna wicalhinca, qa maka ohnaka wanna wicašta wanica, maka akan econpi qon iyece, tuwedan unkiye en hi kte šni.

32 Iho we, ate miniša yatke unkiye kta, qa kici unwanke kte ; hecen on ate etanhan wicoicage unhdoyapi kta.

33 Hanyetu, unkan atkuku miniša yatke kiyapi. Tokapa kin he tokaheya atkuku kici iwanaka, tuka atkuku kin cunwintku en hiwanke cin he sdotkiye šni, nakun kikta kin.

34 Ihanhanna tokapa kin he tankaku kin heciya, Hinhan ate kici imunka ; ecin ake hanyetu kinhan, miniša yatke unkiye kte ça niš ito kici nunke kte, hecen on ate etanhan wicoicage unhdoyapi kta.

35 Unkan ake ihanyetu, unkan atkuku miniša yatke kiyapi ; iš ito hakakta kin atkuku kici iwanaka. Iš ake cunwintku en hiwanke cin sdotkiye šni, qa kikta kin nakun.

36 Hecen Lot cunwintku napin

atkuku etanhan hoksın itpihnakapi.

37 Tokapa kin hoksıdan wan ton qa Moab eya caš kiton. He Moab oyate ate yapi anpetu kin dehan aiyahdeya.

38 Unkan hakakta kin iš eya hoksıdan wan ton qa, Benami eya caš kiton. He Amon cinca kin anpe dehan aiyahdeya ate yapi.

WICOWOYAKE 20.

1 Hehan Abereyam makoce itokaga kin ekta ihdaka ye ça, Qades q̄a Šur otahedan iyotanke ça Gerar en ounyan.

2 Qa Abereyam tawicu Sara ke ça, Mitankši kin dee ce, eya. Unkan Gerar wicašta yatapi Abimelek, he ekta ye wicaši qa Sara icu.

3 Unkan hanyen, Wakantanka Abimelek ekta hi, qa wowihanmde wan en heciya, Iho niŋe, winohinca iyacu kin he wicašta wan tawicu kin heca nakaes.

4 Tuka Abimelek nahahin Sara ikiyedat wanke šni, qa heya ; Itancan oyate owotanna wan he nakun Ƨe wicayaye kta he ?

5 Mitankši kin dee, emakiye šni he ? qa winyan kin iš, Timdowaya ce, emakiye šni he ? Micante kin ecedan qa minape iyece kin on hecamon.

6 Unkan Wakantanka wowihanmde kin en heciya, Miš nakun nicante ecedan kin en hecanon kin sdonwaya qa, heon ecihdaku, miye en wayahitani kte šni, qa dutan kte cin iyowin ciciye šni.

7 Qa wanna, iho, wicašta qon tawicu kin kicu wo, iš wicašta wokcan kin heca, kinhan niye on cekiye kta, hecen yani kta ; tuka ake yecu šni kinahan niŋe kte ça nakun taku nitawa kin owasin, he sdonya wo.

8 Unkan Abimelek hanhan-hin kikta, qa ookiye wicayuhe cin owasin wicakico, qa hena owasin owicakiyaka : Unkan wicašta kin nina kokipapi.

9 Unkan Abimelek Abereyam kico qa, Tokeca e hecaunyeconpi? Qa niye en wawahtani kin tukte e on woahitani tanka wan miye qa oyate mitawa ko iyahde unyayapi? Woecon wan econpi kta iyecece šni tuka hecamiyecon, eciya.

10 Qa, Taku wandaka on hecen ecanon he? Abimelek Abereyam, eciya.

11 Unkan Abereyam heya, Tuedan deciya Wakantanka ohoda šni qa mitawin on maktepi kta kepce cin heon hecamon ;

12 Qa awicakehan tankši waya ce. Ate waye cunwintku kin hee, tuka ina tawa šni, qa mitawin ee kta mduza.

13 Qa Wakantanka ate ti kin etanhan ihdaka ye maye cehan winyan qon hewakiya ; Taku wašte ionšimayada kte cin dee ce. Makoce owasin tokiya kašta en unki kinhan, Timdo emakiya wo, epe ciqon, eya.

14 Hehan Abimelek tašin wanyanpi ikikcu, qa tatanka qa hokšidan wicinyanna ko iwicakikcu qa Abereyam qu ; tawicu Sara nakun kicu.

15 Qa Abimelek heya, Mitamakoce nitokam wanka ce ; tukten ništa iyonicipi kinhan hen iyo-tanka wo.

16 Qa Sara heciya, Iho niti-mdo mazaska kektopawinge waqu ; iho he ništa akałpe kte cin ee, tona nici unpi kin owasin en, qa tokan nakun owasin en ; hecen Sara iyoepayapi.

17 Hehan Abereyam Wakan-tanka icekiya ; unkan Wakan-tanka Abimelek asni yan, tawicu

kici qa wikoška yuhe cin owasin. Unkan cinca tonpi.

18 Jehowa, Sara Abereyam tawicu kin on etanhan, Abimelek tiyohnaka tawa owasin tamnipi kin suksuta onawicataka tuka qon.

WICOWOYAKE 21.

1 Unkan Jehowa heye ciqon, he iyecen Sara ekta hi, qa Jehowa, eciye ciqon, he iyecen ecakicon.

2 Unkan Sara ihdušake ça Abereyam okanta cinca wan kiciton ; Wakantanka eye ciqon iyehantu qehan.

3 Unkan Abereyam cinhintku kicitonpi, Sara ton kin he, Izak eya caš kiton.

4 Qa Abereyam Izak bakiłda-ya anpetu išahdogan tonpi kin echantanhan, Wakantanka econ ši qon iyecen.

5 Abereyam wanna waniyetu opawinge, hehan cinhintku Izak kicitonpi.

6 Unkan Sara heya, Wakan-tanka iła mayan, qa tona nañonpi kin imiciyuškinpi kta.

7 Qa Sara hokšiyooqopa azin kiye kte cin, tuwe Abereyam eciye kta he? wicalinca tuka cinca weciton kin, eya.

8 Unkan hokšidan kin tanka aye ça azin ayaštan kiyapi. Unkan Izak azin ayaštan kiyapi anpetu kin he en, Abereyam wohe ça wicota wicakico.

9 Unkan Hagar Egupton kin cinhintku Abereyam kiciton kin he, wowiłaha kin he Sara wan-yake ça ;

10 Wikoška kin de cinhintku kin iyahna tankan ye wicaya ye. Wikoška kin de cinhintku kin, micinkši Izak kici woyuha tawaye kte šni, eya.

11 Unkan oie kin he, Abereyam išta kin en tehike hinca, cinhintku kin heon etanhan.

12 Unkan Wakantanka Abereyam heciya, Wikoška duhe cin, qa hokšidan kin on etanhan, niišta kin en tehike šni nunwe. Taku Sara eniciye cin owasin ecen ho kin anagoptan wo. Izak he en wicoicage nitawa kin caje yatapi kta.

13 Wikoška cinhintku kin nicinkši kin hee, heon he nakun oyate wan ical wakiye kta ce.

14 Unkan Abereyam hanhanna hin kikta, qa aguyapi mini apahta wan ahna icu, qa Hagar qu, tahta kin akan ehnaka, hokšidan nakun qa toki ye ši. Unkan iyaye ça Beršeba tinta kin onuni.

15 Unkan mini apahta kin etanhan mini wanna yahapapi, qa hokšidan kin canhaka wan ihukuya ehpekiya;

16 Qa iyaye ça iyotakons iyotanka kitana tehan, wanhinkpe kihiyeyapi hehayan: Hokšidan te kte cin wanwahdake kte šni ce, eya; heon aisinyan iyotanke ça hoyeye ça ceya.

17 Unkan Wakantanka hokšidan ho kin nahon, qa Wakantanka taohnihde mahpiya eciyatanhan Hagar kipan, Hagar taku yaka he? Wakantanka he oyanke kin etanhan hokšidan ho kin nahon. Kokipe šni wo.

18 Najin qa hokšidan kin iki-keu qa, nape kin on hduha wo. Iye oyate tanka wan ical wakiye kta ce, eya.

19 Qa Wakantanka winyan išta kin yuhdoka, unkan minihdoka wan wanyake ça ekta i, qa mini apahta kin iyatahde ye ça hokšidan kin yatke kiya.

20 Unkan Wakantanka hokšidan kin kici un; hecen tanka

icage ça tinta kin en ounye ça itazipa on waoka.

21 Qa Paron tinta kin en ounye ça hunku kin Egipta makoce kin etanhan, tawicu kte cin kiciyuza.

22 Unkan hehan Abimelek qa taakicita tancan Pikol henioza Abereyam heciyapi; Taku eanon kin owasin en Wakantanka oniciya.

23 Iho hecen eya wo, Wakantanka namañon; cihnyae kte šni, nicinkši nitakojia ko wicawahna-ye kte šni, taku wašte ecamiyecon kin iyecen ecacicon kta, makoce en ounwaye cin nakun.

24 Unkan, Miš ecen eya wakonze kta ce, Abereyam eya.

25 Hehan minihdoka wan Abimelek taokiye kin kipi qon, he Abereyam cajeyate ça he on Abereyam Abimelek iyopeya.

26 Unkan, Tuwe hecon kin sdonwaye šni, qa niš nakun omayakidake šni, nakun miš he nawañon šni, nakaha heceyedon, eya.

27 Unkan Abereyam tañinca wanuyanpi pte wanuyanpi ko ikikeu, qa hena Abimelek qu; unkan napin odakota wan kici-cagapi.

28 Hehan Abereyam tañinca cinca wiypedan šakowin akipam ewicahde.

29 Unkan Abimelek Abereyam heciya, Tañinca wiypedan šakowin kinukan ewicayahde kin he taku he.

30 Unkan, Minihdoka kin de miš waqe cin he yuotaninpi kte cin, heon tañinca wiypedan šakowin kin hena minape kin etanhan iyacu kta, eya.

31 Unkan heon etanhan makoce kin he Beršeba eciyapi, napin heciya Wakantanka namañon eya, ekiciyapi.

32 Unkan Berseba hen odakota wan kicicagapi; heban Abimelek najin taakicita tancan nakun, qa Pilištīm tamakocepi kin ekta hdapi.

33 Unkan Abereyam Berseba heciya taškoju wan oju, qa hen Jehowa Taku wakan owihanke wanica hoyekiya.

34 Qa Abereyam Pilištīm tamakocepi kin en anpetu ota ounyan.

WICOWOYAKE 22.

1 Unkan hena owasin iyohakam, Wakantanka Abereyam iyutan ye ça heciya, Abereyam, eya houkiya. Unkan, Iho miye ce, eya.

2 Unkan, Nicinksi heceyedān wašte yakidake cin Izak he icu, qa Moriya makoce kin ekta ye ça heciya he wan ociciyake kte cin he akan petan wahdušna wo, eya.

3 Unkan Abereyam hanhanna hin kikta, qa šuktanka šonšonna aqin kiton, qa koška nom iwicakikcu cinhintku Izak nakun, can on wošna kte cin he kakse ça, najin qa hena om, makoce tukte en Wakantanka cajeyate ciquon heciya iyaya.

4 Anpetu iyamni Abereyam wankan etonwe ça, tukten ke cin he tehan tanhan wanyaka.

5 Qa Abereyam koška wicayuhe cin hewicakiya, Den iyotan- kapo šuktanka šonšonna iyahna, qa miš hokšidan kici kan unkipi kinhan canpeška makehdeya unkanpi, qa den dukanpi kin en unhdipi kta.

6 Qa Abereyam can on wošna kte cin icu, qa cinhintku Izak akan ehnae ça peta isan ko nape kin en icu, qa sakim iyayapi.

7 Unkan Izak atkuku Abereyam kici okiye ça, Ate, eya.

Unkan, Micinksi nawahon ce, eya. Unkan, Iho peta can ko yukan, tuka woteka kin wošnapi on tukte e he? eya.

8 Unkan, Micinksi Wakantanka tašin wanuyanpi wakiyušnapi on okide kta, eya. Hecen sakim yapi.

9 Qa wanna tukten Wakan- tanka ye ši qon hen hiyohipi, qa hen Abereyam wahna wošnapi wan kage ça, cinhintku Izak iyakaške ça wahna wošnapi kin akan ekihnaka, can kin iwan- kam.

10 Qa cinhintku te kiye kta e nape kiyugate ça isan kin iki- keu.

11 Hehan mašpiya kin eciya tanhan Jehowa ohnihde ye cin kipan, Abereyam, Abereyam, eya. Unkan, Nawahon ce, eya.

12 Unkan, Hokšidan kin ekta ninape kin ye kiye šni, qa taku- dan ecakicon šni wo. Wanna niye Wakantanka ikoyape cin sdonwaya ce; nicinksi heceyedān, tuka mayaqu kta wicayada he etanhan, eya.

13 Hehan Abereyam wankan etonwe ça, inyun iheyata tamdo- ka wan otehi ohna he kin on ikoyag najin, he wanyake ça, Abereyam ekta i, qa tamdoka kin icu, qa cinhintku kin hee kiya hee petan wošna.

14 Qa Abereyam makoce kin he, Jehowa wiwanhdake kta, eya caš ton; heon Jehowa he tawa kin akan tanin içiye kta ce, nahahin eyapi.

15 Unkan mašpiya kin eciya tanhan Jehowa ohnihde ye cin inonpa akihde Abereyam kipan;

16 Miye kaeš caje mihdate Je- howa eya; Taku ecanon kin de nicinca wanjidan tuka itonyaki- pe šni;

17 Heon wowašte on ciyawa-

šte kta, nicinca iyakiçuya yuota wakiye kta. Małpiya wicanłpi iyena, qa miniwanca kahda wi-yaka sukaza iyeye cin iyena, taku nitawa iyacin kte a, nicinca toka wicayapi kin otonwe tawapi kin yuhapi kta.

18 Qa mioie kin anayagoptan kin heon nicinca kin on maka kin oyate owasin wicayawaštepi kta ce, eya.

19 Unkan Abereyam koška wicayuhe cin ekta hda; unkan najinpi qa yuwitaya Beršeba ekta hdapi; qa Abereyam Beršeba en ounyan.

20 Hena owasin iyohakam Abereyam hecen eya okiyakapi; Milka he nakun nicinye Nałor he cinca kiciton.

21 Uz tokapa kin hee, qa sunkaku Buz, qa Qemuel Aram he atkuku;

22 Qa Kesed, qa Ĥazo, qa Pildas, qa Iđlap, qa Betuel.

23 Unkan Betuel he Rebeka kicitonpi. Hena šahdogan kin Milka he Nałor Abereyam cin-cu kin kiciton.

24 Unkan tawicu tokeca kin, Ruma eciyapi he Teba, qa Gaham, qa Tałos, qa Mahaka hena wicaton.

WICOWOYAKE 23.

1 Unkan Sara waniyetu opawinge sanpa wikcemna nonpa sanpa šakowin henakeca, waniyetu kin hena Sara ni.

2 Hehan Sara a, Arba otonwe kin heciya, Hebron Kanan makece kin etu hee. Unkan Abereyam Sara on iyokišice a akiceye kta e en hi.

3 Hehan Abereyam *tawicu* e cin itokapa tanhan najin qa, Ĥet cinca wicaye cin owicakiya.

4 Qa, Miš wicašta ihdaka waun qa aškatudan nicipi wahimdo-

tanka, wicašta hnakapi mduhe kta e niyepi om maqupo; kinhan makešte cin mitokapa tanhan wehnake kta ce, eya.

5 Unkan Ĥet cinca wicaye cin ayuptapi, qa Abereyam heciyapi;

6 Itancan anaungoptanpo: Wicašta yatapi wakan unkiyepi cokaya henica. Wicašta hnakapi unhapi kin tukten iyonicipi kin nicite cin en kihnaka wo. Unkiš wanjidan kašta wicašta hnakapi unhapi kin hen nicite cin yehnake kta e teħinda kte šni.

7 Unkan Abereyam najin qa Ĥet cinca wicaye cin oyate makece yuhapi kin wicitokam apatuja.

8 Qa owicakiye a, Makešta mitokapa tanhan wehnake kte cin he iyonicipipi hecinhan anamagoptanpi, qa Epron Zohar he cinhintku cin makeyapo.

9 Kinhan Makpela imnija oħidoka yuhe cin, tamaga ihanke en un kin, mazaska iyenakeca kin heon maqu kte cinhan, niyepi cokaya wicašta hnakapi wan mduhe kta ce, ewicakiya.

10 Unkan Epron Ĥet cinca wicaye wicehna ounyan; qa Epron Ĥeti kin Abereyam ayupta; Ĥet cinca wicaye cin, otonwe tiyopa ohna upi kin hena owasin nałonpi;

11 Hiya, Itancan namałon wo. Maga kin ciçu; imnija oħidoka en un kin he nakun ciçu. Mitaoystate cinca wicaye cin wanmayakapi he ciçu. Nicite cin kihnaka wo, eya.

12 Unkan Abereyam oyate makece tawapi kin wicitokam patuja.

13 Qa ia, Iho amayadupte cinahan, namałon wo. Maga kin on mazaska ciçu kta. Icu wo; kinhan makešte cin wehnake kta,

Epron eciya, oyate makoce yuhapi kin hena nahonpi.

14 Unkan Epron Abereyam ayupte ça heciya;

15 Itancan namañon wo. Maga kin mazaska opawinge topa iyehantu ce; tuka unkiyotahedan he taku? Nicite cin ekihnaka wo.

16 Unkan Epron ie cin he Abereyam anagoptan, qa mazaska opawinge tom wopeton icupi kin heca Abereyam aspe ye ton qa qu, he Epron Het cinca wicaye cin nahonpi cajeyate cigon hee.

17 Unkan Epron tamaga Makpela en wanka, Mamore iyotakons he qu; maga kin innija ohdoka he en wanke cin he nakun, qa can tona he en han qa tona ihdukšan he cin he nakun owasin;

18 Abereyam tawa kte cin, Het cinca wicaye cin tona otowe tiyopa kin ohna yapi kin he wanyakapi.

19 Hehan Abereyam tawicu Sara ekihnaka; Makpela maga innija ohdoka kin he en, Mamore ikiyedan, Hebron Kanan makoce kin etu hee.

20 Unkan maga innija ohdoka iyahna, Abereyam wicašta hnakapi on yuhe kte cin, Het cinca wicaye cin qupi.

WICOWOYAKE 24.

1 Unkan Abereyam wanna wicahinca omaka ota; unkan Jehowa taku owasin en Abereyam yawašte.

2 Unkan Abereyam he taokiye tiyohnaka tawa tokapa kin, taku yuhe cin owasin awanyagun kin heciya; Ninape kin miececa ihukuya ekihnaka wo;

3 Kinhan, Jehowa Taku wakan

malipiya maka ko yuhe cin namañon, eye ciciye kta, Kanani oyate om manke cin cunwintkupi kin etanhan micinkši on winohinca iyacu kte šni.

4 Tuka mitamakoe qa mitakuye kin hena ekta de kte ça, hetanhan micinkši Izak on winohinca iyacu kta, kehe kta ce, eya.

5 Unkan, taokiye kin heya, Okini winohinca kin makoce kin de ekta omape kta tawatenye kte šni; hecinhan makoce etanhan yau qon, nicinkši ake ekta ye wakiye kta he?

6 Unkan, Ihnuhan micinkši icicawin heciya ye yakiye cin.

7 Taku Wakan malipiya yuhe cin, ate ti kin etanhan qa makoce wan en matonpi kin etanhan, imacu qa omakiye ça, Makoce kin de nicinca waqu kta ce, eya konza, he taohnihde kin nitokam ye ši kta, kinhan micinkši kin on heciya tanhan winohinca wan iyacu kta.

8 Winohinca kin onipe kta tawatenye šni, hecinhan iyakonze kin de on iyaonpepicašni yaun kta, tuka micinkši heciya ye yaye kte šni ce.

9 Unkan taokiye qon nape kin iye yuhe cin Abereyam ceca kin ihukuya ekihnake ça ecen eya konza.

10 Qa ookiye kin, iye yuhe cin camo tawa kin etanhan, camo wikcemna, qa iye yuhe cin taku wašte tawa kin owasin etanhan icu, qa hena yuha iyaye ça Nahor otowe kin ekta i, Aram watpa otahedan etu.

11 Qa otowe kin itankan minihdoka ikiyedan, camo kin canpeška makehdeya inajin wicakiya, litayetu mini huwe ipi eca iyehantu.

12 Qa heya, Jehowa Abereyam

mayuhe cin Wakan nida ceciciya, nakaha tanyan ihuni makiye ça Abereyam mayuhe cin he wowašte ecakicon ye.

13 Miniñdoka kin ekta nawa-jin; qa otonwe kin wicašta cunwintkupi kin mini huwe upi kta.

14 Qa wikoška wan tuwe kašta hewakiye kta; Wakiškotpa nitawa kin au wo, mini mdatke kta ce; unkan, Yatkan ye, qa camo nitawa kin nakun yatke wicawakiye kta, eye cinhan, tokin nitaokiye Izak yuhén yakañnige cin hee, kinhan mayuhe cin wowaonšida ecayecon sdonwayen.

15 Unkan is ia nahahin ayaştan šni ehan, Rebeka u, Abereyam cincu Nañor tawicu Milka he cinhintku Betuel he cunwintku kin hee, wakiškotpa hiyeta onpe ça u.

16 Wikoška owanyag wašte hinca, hokšiwina, qa wicašta tohini sdonye šni, miniñdoka kin ekta kun ye ça wakiškotpa kin ojudan icu qa wankan hiyu.

17 Unkan ookiye qon itkokim inyang ye ça, Wakiškotpa duhe cin etanhan mini onge yatke makiya wo, eya.

18 Unkan, Itancan yatkan ye, eye ça wakiškotpa kin nape kin on kun akihde, qa yatke kiya.

19 Unkan ayaştan hehan, Camo nitawa kin nakun hena on mini awau kta, yatkan ayaştanpi kin hehanyan, eya.

20 Qa inañni qa wakiškotpa kin cankaškotpa tanka kin okaştan, qa inyanka miniñdoka kin ekta mini huwe ya heon, qa camo kin owasin mini wicakahi.

21 Unkan wicašta kin yušinyaye ça taku eye šni, canku ohna u kin he Jehowa obinniyan tanyan ikiyuştan kta hecinhan he sdonye kta.

22 Unkan camo kin mini yatkan ayaştanpi, hehan wicašta qon mazaskazi maza oin tanka, mazaska hanke iyecen tke, he icu qa nakun maza huhu nom mazaska wikcemna iyecetu, hena owasin wikoška nape kin en ye kiya;

23 Qa, Tuwe hunkake yaya he? Omakiyaka wo, niyate ti kin ohna unkiwankapi kta okan he? eya.

24 Unkan, Milka cinhintku Betuel Nañor kiciton kin he cunwintku kin miye ce, eya.

25 Qa, Peji puze ça taku yutapi ko ota, qa nakun wankapi kta okan ce, eciya.

26 Unkan wicašta qon pamahdedan yanke ça Jehowa cekiye ça,

27 Jehowa Abereyam mayuhe cin taku wakan da kin he yawaštepi nunwe. Towicake towaonšida ko mayuhe cin ektakiya ayuştan šni, tuka mayuha sunkaku ti kin canku kin ohna Jehowa amau ce, eya.

28 Unkan wikoška kin dus hde ça iye hunku ti kin en hena owasin oyaka.

29 Rebeka timdoku wan yukan, Laban eciyapi, qa Laban is dus iyaya wicašta qon ekta miniñdoka kin en.

30 Laban oin tanka, qa maza huhu tanksitku nape kin akan wanyake ça Rebeka tanksitku oie ye cin, Wicašta kin hecen emakiya eye cin he nahon qa, hehan wicašta qon miniñdoka kin ekta, camo kin icahda najin kin en hi.

31 Qa heya, Jehowa he niyawašte kin u wo. Tokeca tankan nayajin he? Miš tipi kin wana wiyeya wakaga, camo yukanpi kte cin nakun.

32 Unkan wicašta qon tipi kin

ekta hi; unkan camo kin kiyu-
ške ça peji puza taku yutapi ko
camo kin qu, qa mini on siha
hdujaja kta wicašta om hi kin
nakun hdujajapi kta e au.

33 Qa woyute nakun qu. Un-
kan, Taku on wahi kin owa-
hdake šni kinhan onspadan wate
kte šni ce, eya. Unkan, Ia wo,
eya.

34 Unkan, Abereyam tahokši-
dan wan he miye :

35 Qa Jehowa he mayuhe cin
nina yawašte, qa tašin wanu-
yanpi qu, qa pte, qa mazaska,
qa mazaskazi, qa wicašta winyan
ko wowindag wicaye cin, qa ca-
mo, qa šuktanka šonšonna, hecen
wicašta okinihan.

36 Qa mayuhe cin tawicu kin
Sara cinca wan ton, mayuha wan-
na wicašinca hehan he kiciton,
unkan taku yuhe cin owasin kiču.

37 Qa Kanani makoce tawapi
kin en manke cin he cunwintku-
pi kin etanhan micinkši on wi-
nohinca duze kte šni :

38 Tuka hunkake wicawaye
cin tipi kin ekta de kte ça, taku-
wicawaye cin etanhan micinkši
on winohinca wan duze kta ce,
mayuhe cin eya konza, keyemaši.

39 Unkan, Okini winohinca kin
mici u kte šni, mayuhe cin ewa-
kiya.

40 Unkan, Taku wakan wada
Jehowa itokam mawani kin, he
taohnihde wan nici ye ši kte ça,
mitakuye qa ate ti kin etanhan,
winohinca wan micinkši on du-
ze kta e, canku yaye cin tanyan
ihuni niciye kta ce.

41 Tuka taku eya konze cici-
ye cin nihiyahde kte šni, taku-
wicawaye cin ekta de cinhan,
qa ničupi šni kinhan, hehan ta-
ku eya konze ciciye cin iyahde
niciye kte šni, emakiya.

42 Unkan nakaha minihdoka

kin ekta wahi qa hepa, Jehowa
Abereyam mayuhe cin he wa-
kan nida, canku ohna wau kin
tanyanihunimayakiya hecinhan;

43 Iho miš minihdoka kin ica-
hda nawajin qa wikoška wan
mini huwe hiyu qa, Wakiškotpa
duhe cin etanhan mini onge ya-
tke makiya ye, ewakiye kta.

44 Unkan, Yatkan ye, qa na-
kun camo nitawa kin mini wica-
wakahi kta ce, emakiye cinhan,
winohinca wan mayuhe cin cin-
hintku yuze kta e Jehowa ka-
linige cin hee kte.

45 Miš cante mahen ia nahalin
mdašan šni, unkan inyun Re-
beka hinanpe ça, minihdoka kin
ekta kun i qa mini icu; unkan,
Tokin yatke mayakiyen, ewa-
kiya.

46 Unkan tawakiškotpa kin
inašniyan kun ahi qa, Yatkan
ye, qa camo nitawa kin nakun
woyatke wicawaqu kta ce, eya;
unkan mdatke ça camo kin na-
kun yatkanpi.

47 Unkan imonge ça, Tuwe
cunwintku niyan he? ewakiya.
Unkan Betuel cunwintku he mi-
ye, Nahor cinhintku Milka ki-
citon kin hee. Hehan oin tan-
ka ite kin akan ewahnaka, ma-
za huhu nakun nape kin akan.

48 Qa pamahdedan manke ça
Jehowa cewakiya, Jehowa Abe-
reyam mayuhe cin taku wakan
da kin he mayuhe cin cinhintku
kin on, mayuhe cin sunkaku
cunwintku iwacu kta e canku
wicaka ohna amau kin he mda-
tan.

49 Qa niyepi wanna wowaon-
šida wowicake ko mayuhe cin
ecayeconpi kte cinhan omakiya-
kapo, qa ecayeconpi kte šni kin-
han omakiyakapo : etapa tanhan
mduhomni kta qa is catka tan-
han, eya.

50 Unkan Laban Betuel ko ayuptapi qa Taku kin de Jehowa etanhan u qa taku šica qa is taku wašte unkeniciyapi kta unkoki-tpanipi ce, eyapi.

51 Iho Rebeka nitokam un; icu qa hda wo. He niyuhe cin cinhintku kin yuze kta, Jehowa oie ye cin iyececa.

52 Unkan Abereyam taokiye kin iapi hena nañon qehan, Jehowa ohoda kta e makata patuš iyaya.

53 Hehan ookiye qon mazaska oin qa mazaskazi oin ikikeu, wokoyake nakun, qa hena Rebeka qu, timdoku hunku ko taku tehika wacaqu.

54 Hehan wotapi qa wayatkanpi, iye wicašta opapi kin hena koya. Wankapi qa hanhanna kiktapi qa, Mayuhe cin ekta hdicu mayan wo, eya.

55 Unkan timdoku hunku ko, Wikoška unkicipi yanke kte, wikcemna can hehanyan, hehan ye kta ce, eyapi.

56 Unkan, Jehowa is canku mitawa kin tanyan ihuni mayan heon mayutehanpi šni po. Mayuhe cin ekta kihde mayanpo, ewicakiya.

57 Unkan, Wikoška kin un-kicopi qa, iye i kin etanhan un-kiwangapi kta ce, eyapi.

58 Qa Rebeka kipanpi, qa, Wicašta kin de kici de kta he? eciyapi. Unkan, Mde kta ce, eya.

59 Unkan Rebeka tawinohtinpi kin ye yapi, qa azinkiyeye qon, qa Abereyam taokiye, qa wicašta tawa nakun.

60 Qa Rebeka yawaštepi qa, Unkitawinohtinpi kin he niye, kektopawinge oyawa tanka ica-ga wo, qa cinca wicayaye kte cin toka wicayapi otonwe kin yuhapi kte, eciyapi.

61 Hehan Rebeka najin, wi-

koška yuhe cin nakun, qa camo akan iyotankapi, qa wicašta qon kici iyayapi. Hecen ookiye qon Rebeka icu qa kihda.

62 Wanna Izak miniñdoka, Tuwe ni un kin wanmayaka tawa kin hetanhan u, qa makoce puze cin en iyotanka.

63 Qa hitayetu ca Izak cekiye kta e manin ya, hehan wankan etonwe qa camo upi kin wanwicayaka.

64 Rebeka nakun wankan etonwe qa Izak wanyake qa camo kin etanhan ipsica.

65 Qa ookiye kin heciya, Wicašta wan itkounkipapi hewoskan omani kin he tuwe? Unkan, Mayuhe cin hee, ookiye kin eya. Unkan ite akañpe wan icu qa aihdañpa.

66 Unkan ookiye kin, taku token econ kin owasin Izak okiyaka.

67 Hehan Izak iye hunku Sara tawakeya kin mahen Rebeka tin ye ši, qa yuze qa tawicu kin wašte kidaka. Hecen Izak iye hunku Sara te cin iyohakam iwacintonhnag yapi.

WICOWOYAKE 25.

1 Hehan ake Abereyam winoñinca wan yuza, Qetura eciyapi.

2 Unkan cinca kiciton kin dena eepi, Zimran, qa Jokšan, qa Medan, qa Midian, qa Išbak, qa Šuha.

3 Unkan Jokšan is Šeba qa Dedan kicitonpi. Unkan Dedan is Ašurim, qa Letušim, qa Lumim cinkši wicaya.

4 Unkan Midian cinca wicaye cin, Epa, qa Heper, qa Hanok, qa Abida, qa Eldaha. Hena owasin Qetura cinkši wicaya.

5 Unkan Abereyam taku yuhe cin iyuhpa Izak qu.

6 Tuka winohinca uman cinca Abereyam kicitonpi kin hena Abereyam taku wicaqu, qa nahalin iye ni un kin wiyohiyan-pata makoce kin ekta ye wicaši, cinhintku Izak etanhan.

7 Abereyam anpetu tawa kin waniyetu ni un kin dena ee, waniyetu opawinge sanpa wikcemna šakowin sanpa zaptan, hehanyan ni:

8 Hehan Abereyam niya šni ta iyaya, pa ska wašte, qa wicalinca imna; hehan taoyate kin ekta okipa yapi.

9 Qa cinca wicaye cin Izak Išmayel kici kihnakapi; Makpela innija oħdoka kin en Mamore itokam, Zohar Ĥeti he cinhintku Epron tamaga qon en.

10 Maga wan Abereyam Ĥet cinca wicaye cin opewicakicaton, he en Abereyam hnakapi, tawicu Sara kici.

11 Unkan Wakantanka, Abereyam te cin iyohakam, cinhintku kin Izak yawašte, qa Izak Tuwe ni un qa wanmayake cin miniħdoka tawa kin ekta ounyan.

12 Hagar Egupton kin Sara tawikoška kin he Abereyam cinca wan kiciton, Abereyam cinhintku Išmayel wicoicage tawa kin dee.

13 Išmayel cinca wicaye cin cajepi kin deepi, wicowazipi qa cajepi kin iyececa. Išmayel cinca tokapa kin he Nebayot, hehan Qedar, qa Adbel, qa Mišam;

14 Qa Mišma, qa Duma, qa Masa;

15 Ĥada, qa Teman, Jetur, Napiš qa Qedma.

16 Hena Išmayel cinkši wicaya; toki tipi qa tonwanyanpi kin ecen eciyapi, wicaštayatapi ihdawapi ake nom, taoyatepi kin om.

17 Išmayel ni un kin waniyetu kin dena ee, waniyetu opawinge sanpa wikcemna yamni sanpa šakowin, henakeca; hehan niya šni ta iyaye qa taoyate kin ekta okipa yapi.

18 Hunka wanjin wicaye cin owasin wicehna ta. Ĥawila etanhan Šur itokam un kin ektakiya de cin qa hetanhan Ašur etu makoce kin he en ounyanpi.

19 Unkan Izak Abereyam cinhintku wicoicage tawa kin dee, Abereyam he Izak kicitonpi.

20 Unkan Izak wanna waniyetu wikcemna topa, hehan Rebeka yuza, he Betuel Arami kin he cunwintku, Aram Mdaye kin etanhan, Laban Arami kin tawinoħtin kin hee tawicu kta e yuza.

21 Qa Izak tawicu kin cinca ton šni kin heon, Jehowa icekiya. Unkan Jehowa anakicigoptan, hecen Rebeka Izak tawicu kin ihdušaka.

22 Unkan hokšiyoqopa Rebeka mahen akinicipi; unkan, De taku hwo hecetu kta hecinhan token on hemaca he? eye qa Jehowa iwange kta e ekta i.

23 Unkan, Nitamni kin mahen oyate nonpa, qa nitezi kin etanhan oyate nonpa inanpapi kta, qa oyate wan wašaka keš oyate uman sanpa wašake kta, qa hakakta kin he tokapa kin wowidake yuhe kta ce, Jehowa eciya.

24 Unkan anpetu cinca ton kte cin wanna henakeca, qa inyun tamni kin mahen cekpa yukan.

25 Unkan tokapa kin hiyu owancaya gi, pte ha šina iyece; unkan Esa eya caštonpi.

26 Hehan sunkaku kin hiyu, qa nape kin Esa siyete kin yusun; heon Jakob eya caš kiton. Hena tonpi kin ehan, Izak waniyetu wikcemna šakpe.

27 Unkan hokšipidan tanka ica-gapi, qa Esa wotihni wayupika, wicašta hewoskan un kin heca, tuka Jakob wicašta wahbadan wakeya oti.

28 Unkan Izak Esa wašte ki-daka, taku o kin yuta heon. Tuka Rebeka Jakob wašte kidaka.

29 Unkan Jakob wahanpi ohe cin icunhan Esa tinta kin etanhan u qa watuka un;

30 Qa, Akihan mašte kta heon wahanpi ša kin de onge maqu wo, mdatke kta ce, Esa Jakob eciya. Heon Edom eya caje yatapi.

31 Unkan, Watonikapa kin he nakaha maqu wo, Jakob eya.

32 Unkan Esa, Wanna mašte kta qa watomakapa kin de taku okihi kta he? eya.

33 Unkan Jakob, Nakaha Wakantanka icažeyan emakiya wo, eya. Unkan Wakantanka icažeyan eciya. Hecen Esa watokapa tawa kin he Jakob qu.

34 Unkan Jakob omnica hanpi aguyapi kici Esa qu, unkan yute ça yatkan qa najin, qa toki iya-ya. Hecen Esa watokapa kin ihakta šni.

WICOWOYAKE 26.

1 Unkan makoce kin he en wi-caakihan tokeca wan, Abereyam anpetu tawa icunhan wicaakihan tokaheya qon he iyohakam. Unkan Izak Pilištım tawicašta yatapi Abimelek eciyapi ekta i, Gerar etu.

2 Unkan Jehowa iye en tanin ieiye ça heciya, Egipta ekta de kte šni ce, makoce wan ocici-yake kte cin hen yanka wo.

3 Makoce kin de en ounyan wo, kinhan nici waun qa ciyawašte, qa makoce kin dena owasin cieu kta, nicinca ko wokonze Abere-

yam niyate konza ewakiye cin he wahdusuta;

4 Qa nicinca yuta wakiye kta mahpiya wicanłpi sukaza iyenaka, qa makoce kin dena owasin nicinca wicawaqu kta, qa oyate maka kin ohnaka owasin nicinca kin on yawaštepi kta.

5 Nakaeš Abereyam miho kin anamagoptan qa mitawoahope, mitawokonze, mioie, qa mitoope kin hena yuhe cin heon etanhan.

6 Unkan Izak Gerar en ounyan.

7 Unkan wicašta heciya tipi kin tawicu kin on iwangapi; unkan, Mitankši kin dee ce, eya. Rebeka owanyag wašte, qa iye on okini wicašta deciya yakonpi kin maktėpi kta *ecin* heon, Mitawin dee eye kte cin itonpa.

8 Unkan wanna anpetu ota hen yanke čehan, Pilištım wicašta yatapi Abimelek ojanjan hdepi wan etanhan eyokasin qa Izak tawicu Rebeka kici škata e wanwicayaka.

9 Hehan Abimelek Izak kico qa, Awicakehan nitawin hee. Tokeca, Mitawinołtin dee ehe cion he? eya. Unkan okini iye on mašte kta epce cin heon hepa ce, Izak eya.

10 Unkan, De taku ecaunyeconpi he? Wanna ečadan oyate etanhan wicašta wan nitawin kici iwanke kta unkanš, taku šica iyahde unyayapi kta tuka ce, Abimelek eya.

11 Qa Abimelek oyate tawa owasin iwakta wicaya, Tuwe wicašta kin de yutan, qa iš tawicu yutan kinhan te kta ce, eya.

12 Unkan, Izak makoce kin he en woju, qa omaka kin he en opawinge akihde kamna. Hecen Jehowa Izak yawašte.

13 Unkan wicašta kin tanka

qa ohinniyan tanka aya, wijica linca.

14 Qa oiçihde, tahinca, qa pte wanuyanpi, qa ookiye ota yuha; heon Piliştim icekinpi.

15 Unkan minihdoka, tona atkuku taokiye qapi qon atkuku Abereyam ni qehan, hena owasin Piliştim aohduteyapi, maka okatapi.

16 Unkan Abimelek Izak heciya, Unkiyepi etanhan toki iyaya wo, waunşakapi keş niş sam iyeya wanişaka ce.

17 Unkan Izak hetanhan iyaye ça Gerar kaksiza kin he en eti, qa hen iyotanka.

18 Qa minihdoka atkuku Abereyam ni kin icunhan qapi qon, qa Abereyam te cin iyohakam Piliştim kin hena aohduteyapi kin, hena ake Izak qe ça Abereyam caş ton qon hena iyecen Izak caje yata.

19 Qa Izak hoksıdan wicayuhe cin kaksiza ohna qapi qa, en minicaduza minihdoka wan iye-yapi.

20 Hehan Gerar wanuyanpi wihan wicakiyapi tawa kin, Izak wanuyanpi wihan wicakiyapi tawa kin om akinicapi qa, Mini kin he unkitawapi ce, eyapi; heon minihdoka kin he Esek Izak caş ton, heciya kiyuşepi kin heon.

21 Unkan ake minihdoka tokeca wan qapi; unkan he on nakun akinicapi, heon he Sitna caşton.

22 Qa hetanhan ihdaka ye ça minihdoka tokeca wan qapi, qa he on akinicapi şni Unkan he Rehobot eya caş kiton; Wanna Jehowa tankaya unkiyukanpi kaga makoce kin en, heon unkiçagapi kta ce, eya.

23 Unkan hetanhan itawan-kanhde ye ça Berşeba ekta i.

24 Unkan hanyetu kin he en Jehowa tanin içiye ça heciya, Niyate Abereyam taku wakanda kin he miye ce. Wikopeşni un wo; niyate Abereyam mitaokiye kin heon nici waun, qa ciyawaşte, qa nicinca yuota wakiye kta ce.

25 Unkan kakiya wahna woşnapi wan kage ça Jehowa caje kin hoye kiye ça, kakiya wakeya oti, qa kan Izak taokiye kin minihdoka wan qapi.

26 Hehan Abimelek Gerar etanhan Izak en hi; iye takodaku Ahuzat, Pikol taakicita tancan koya.

27 Unkan, Şice mayadakapi qa niyepi kin etanhan toki iyaye mayasıpi, qa tokeca en mayahipi he? Izak ewicakiya.

28 Unkan, Unkanitonwanpi qa Jehowa nici un kin he wanunyakapi qa, Iho wokonze yuke kte, unkiyotahedan qa odakonkiciyapi unnicagapi kta ce, unkeyapi.

29 Hecen unkiş unniyutanpi şni, qa taku waşte ecedan ecaunniconpi, qa wounkiyapi iyaye unnişipi kin he iyecen, niş dehan Jehowa niyawaşte, taku şica ecaunyeconpi kte şni, eyapi.

30 Unkan wowicakihe ça wotapi qa wayatkanpi.

31 Qa ihanhanna kiktapi qa konza ekiciyapi, napin hunka wanjitku kici heconpi qa, Izak kihde wicaşı. Unkan wookiye iyayapi.

32 Anpetu kin he en Izak taokiye kin en hipi, qa minihdoka qapi kin he okiyakapi qa, Mini iyohi unyanpi ce, eyapi.

33 Unkan, Konzapi eya caş kiton. Heon anpetu kin de hehanyan otonwe kin heciya un kin Berşeba eciyapi.

34 Unkan Esa wanna waniye-

tu wikcemna topa, hehan Beri
Hetí kin he cunwintku Judit, qa
Elon Hetí he cunwintku Bas-
mat, henios wicayuza. Hena
napin on, Izak Rebeka ko cante
šicapi.

WICOWOYAKE 27.

1 Unkan Izak wanna wicahin-
ca išta kin mdeze šni, hecen wa-
wanyake šni; hehan Izak cin-
hintku tokapa kin Esa kipan qa,
Micinkši, eya. Unkan, Iho miye
ce, eya.

2 Unkan, Wanna wicamahin-
ca, qa tohan maše kte cin sdon-
wakiye šni.

3 Ceciya ce, nakaha wipe iki-
keu wo, wanju itazipa ko ikikeu,
qa hewoskan ye ça tado imaki-
hni wo.

4 Qa maše kte cin itokam, mi-
nagi kin niyawašte kta e, tado
skumna taku wašte wadaka he-
ca micage, ça makau wo. Wate
kta ce, eya.

5 Unkan Rebeka Izak cinhin-
tku Esa okiye cin he nañon.
Unkan Esa atkuku kin on wo-
tihni kta e hewoskan iyaya.

6 Hehan Rebeka cinhintku Jak-
ob heciya, Iho niyate Esa ni-
cinye okiya nawañon;

7 Qa, Tado makau qa taku sku-
mna wašte micaga wo; wate
kta qa maše šni kin itokam Je-
howa itokam ciyawašte kta ce,
eciya.

8 Heon micinkši token econ
ciši miho kin anamakigoptan ye.

9 Ecadan wanuyanpi ekta ye
ça tatokadan cinca nom wašte
imakicu ye, kinhan tado skumna
wecage kta, niyate wašte daka
iyececa.

10 Unkan niyate še cin itokam
niyawašte kta e en ayai kta;
unkan yute kta ce.

11 Unkan, Jakob hunku kin

Rebeka heciya; Ecañ micinye
Esa wicašta hin šma heca, qa
miš wicašta šdušduta hemaca.

12 Okini ate mayutan kte cin-
han wicahnayesa wan iyececa
iyemaye kta, hecinhan mayaši-
capi kin he iyahde mičiye kta,
mayawaštepi kin hee kte šni ce.

13 Unkan, Micinkši niyašica-
pi kin he miye en amaupi nun-
we. Tokešta miho kin anama-
kigoptan, qa imakicu ye, hunku
kin eciya.

14 Unkan ekta ye ça ikikeu qa
hunku kin en au; unkan hunku
kin tado skumna atkuku wašte
dake cin iyecen kaga.

15 Hehan Rebeka šina wašte
wan, cinhintku tokapa Esa he
tawa ti kin ohna yuhe cin he
icu, qa cinhintku hakakta Jakob
in kiya.

16 Qa tatokadan cincadan ha
kin he Jakob nape kin, qa tahu
šdušduta kin akan ehnaka.

17 Qa tado skumna kage ciqon
aguyapi koya cinhintku Jakob
nape kin en qa.

18 Unkan atkuku kin en au qa,
Ate, eya. Unkan, Iho micinkši
ni tuwe he? eya.

19 Unkan Jakob atkuku kin
heciya, Esa nicinkši tokapa kin
he miye ce. Token emayakiye
cin ecen ecamon ce. Ceciya
najin qa iyotanka wo; qa ninagi
kin mayawašte kta e tado awahi
kin yuta wo, eya.

20 Unkan, Micinkši token ina-
hniyan iyeyaya he? Izak cin-
hintku kin eciya. Unkan Jeho-
wa wakanyada kin he itkoma-
kim u kiya heon etanhan, eya.

21 Unkan, Micinkši mikiyedān
u wo, ciyutan kta ce, Esa mi-
cinkši kin de niye qa is dee šni
uman tukte sdonwaye kta, Izak
Jakob eciya.

22 Hehan Jakob atkuku Izak

ikiyedan hinajin, unkan yutan qehan, Ho kin Jakob ho kin hee, tuka nape kin Esa nape kin eepi, eya.

23 Nape kin hin sma cincu Esa nape kin iyececap; heon etanhan iyekiye sni, qa Jakob yawašte.

24 Esa micinksi kin de niye he? eya iwanga. Unkan, Han he miye ce, eya.

25 Unkan, Mikiyedan u wo. Minagi kin niyawašte kta e, taku micinksi o kin wate kta ce, eya. Unkan ikiyedan hinajin, unkan wota, minisa nakun en au; unkan yatkan.

26 Hehan atkuku Izak, Iho micinksi mikiyedan u qa i imaputaka wo, eciya.

27 Unkan en ye ca i iputaka, unkan wokoyake omna kin he omna, qa yawašte qa, Micinksi omna kin he tinta wan Jehowa yawašte omna kin he iyececa.

28 Qa Wakantanka mahpiya cu kin niçu kte ca nakun maka kin wasna qa aguyapi qa minisa ko ota.

29 Oyate wowindag wicayaye kta nitokam wicašta yatapi makata elpeiciyapi kta. Nihunka wanji yuha un wo, qa nihun cinca wicaye cin nitokam patujapi kta, tuwe niyašice cin yašicapi kte, qa tuwe niyawašte kin yawaštepi kta ce, eya.

30 Wanna Izak Jakob yawašte hdaſtan, unkan Jakob atkuku. Izak itoye kin etanhan kitana aisinyan iyaya, hehan cincu Esa wotihni kin etanhan hdi.

31 Qa is nakun tado skumna kage ca atkuku kin en ahi, qa atkuku kin heciya, Ate najin qa nicinksi taku o kin etanhan yuta wo; ninagi kin mayawašte kte cin heon etanhan.

32 Unkan atkuku Izak, Ni tu-

we he? eciya. Unkan, Nicinksi tokapa Esa he miye ce, eya.

33 Unkan Izak woyuſinyaye tanka hinca on nina yuſinyaya; Token tuwe tado ihni qa makahi, unkan owasin etanhan wata, ya hi sni ehan, qa mdawašte qa nakun iye yawaštepi kta ce, eya.

34 Esa atkuku oie kin naſion hehan nina ceye ca ſicahowaye ca, Ate miſ nakun mayawašte ye, atkuku kin eciya.

35 Unkan, Nisunka hi qa wohnaye kin eciya tanhan niyawaštepi kin ieu, eya.

36 Unkan, Jakob eciyapi caje kin iyecetu sni he? Wanna nonpa yuſna mayan; watomakapa kin he tokaheya ki qa nakaha mayawaštepi kin ieu; eye ca, Woyawašte wan miyecipatan sni he, eya.

37 Unkan Izak ayupte ca, Ecah ohiniciye kte he wakage, ca hunka wanjin wicaye cin owasin wicayuhe kta waqu, aguyapi minisa ko yuhe kta waqu, qa dehan micinksi taku ecacicon kta he? Esa eciya.

38 Unkan, Ate woyawašte kin wanjidan duha he? Miſ nakun mayawašte wo, ate, Esa atkuku kin eciye ca, Esa panyanhan ceya.

39 Unkan atkuku Izak ayupte ca, Maka wasnakin ohna onunyaye kte ca mahpiya cu kin aniu kte;

40 Qa nitacanlipi kin on yani kte ca nisunka wowidag niye kta; tuka tohan waſaka inicage cinhan iye tawanapin nitahu kin etanhan dukse kta ce, eciya.

41 Unkan Esa Jakob ſice kida-ka, woyawašte kin on atkuku kin yawašte kin heon etanhan, qa Esa cante kin mahen heya; Ate aceyapi kte cin anpetu kin hena wanna ikiyedan qa, hehan misunka Jakob wakte kta ce.

42 Unkan Rebeka he cinhintku tokapa token ie cin he okiyakapi, unkan ekta ye ši qa, cinhintku hakakta Jakob kico qa, Iho nicinye Esa niye tokicon qa nikte kta e oiciya ce.

43 Iho micinksi miho kin anamakigoptan ye. Najin qa timdo Laban en Haran ektakiya najica ya ye.

44 Qa timdo kici nanke kta anpetu tonana; nicinye canniye niye cin ayuŕtan kin hehanyan.

45 Nicinye wocanniye aniyuŕtan qa, taku ecayecon akiktonje cin hehantu, kinhan hetanhan icicu kta e wahociye kta ce. Ehaes token on etanhan anpetu wanjidan en niye napin makitan-inpi kte ŕni he? eciya.

46 Unkan Rebeka Izak heciya, Wani kin he wanna owihanketa, Het cunwintku wicaye cin on etanhan, Jakob winohinca wan dena iyececa, Het cunwintku kin etanhan, yuze cinhan token on wani kta he, eya.

WICOWOYAKE 28.

1 Hehan Izak Jakob kipan, qa yawaŕte qa wahokonkiye a, Kanan cunwinkupi kin etanhan winohinca duze kte ŕni.

2 Najin Aram Mdaye kin ekta ya wo, nihun atkuku Betuel ti kin ekta, qa hetanhan timdoku Laban cunwintku kin etanhan winohinca wan yuza wo.

3 Qa Taku wakan iyotan waŕake cin niyawaŕte, qa iyakiu-ya yuota niciye kta, qa oyate ota yaun kta.

4 Qa Abereyam yawaŕtepi kin niu, makoce wan en ounyaye cin Wakantanka Abereyam qu qon he nicinca om yahduhe kta, eciya.

5 Hecen Izak Jakob ye ši;

uncan iyaya Aram Mdaye kin ekta, Betuel cinhintku Laban Arami kin en, Jakob Esa kici hunkupi kin Rebeka timdoku kin hee.

6 Unkan Izak Jakob yawaŕte, qa Aram Mdaye kin ekta ye ši kin, heciya tanhan winohinca wan yuze kta, qa yawaŕte qehan, Kanan cunwinkupi kin etanhan winohinca duze kte ŕni ce, eciye cin he Esa wanyaka.

7 Unkan Jakob atkuku hunku kici anawicagoptan, qa Aram Mdaye kin ektakiya ya.

8 Unkan Kanan cunwinkupi kin iye atkuku Izak iŕta kin en ŕicapi e Esa wanyake ehan;

9 Esa Iŕmayel ekta i, qa Abereyam cinhintku Iŕmayel cunwintku Mahalat, Nebayot tawinohtin kin he yuza, tawicu nonpa tuka he nakun yuza.

10 Unkan Jakob Berŕeba etanhan iyaya Haran ektakiya.

11 Qa toki i kin hen iwanka, wi wanna iyaya nakaes, qa inyan hen yanke cin etanhan icu, qa ipahin ekihnake a heciya iŕtima.

12 Qa wihammde a inyun taku iyadipi wan makata han, qa pa kin maŕpiya kin ekta iyohiya; unkan Wakantanka ohnihde wicaye cin adipi qa kun hiyupi.

13 Qa inyun Jehowa iwankam najin qa, Niyate Abereyam taku wakan da qa Izak taku wakan da kin Jehowa he miye ce. Makoce akan nunke cin he ciu kta nicinca koya.

14 Qa nicinca maka watuŕekŕe-a *sukaza* kin iyenakapi kta, eniciciya idade kta wiyohpeyata, qa wiyohiyanpata, qa waziyata, qa itokaga, qa niye nicinca koya en wicowazi tona maka akan unpi kin owasin yawaŕtepi kta.

15 Iho miŕ nici waun, qa toki

da esta awanciyake kta, qa ma-koce kin de ekta acihdi kta, ehpeciyete kte shi, tohan taku ociciyaka wahdustan shi kin hehanyan, eya.

16 Unkan Jakob wihanmde cin etanhan kika qa, Awicakehan Jehowa den yanka, tuka mis sdonwaye shi, eya.

17 Hecen kokipe ca, Oyanke kin de itonpapi kta tuka ce, Wakantanka ti kin qa mahipiya tiyopa kin dee shi he? eya.

18 Qa hanhanna hehan Jakob najin qa inyan wan ipahin ehna-ke cion he ieu, qa wokiksuye kte cin ehde, qa he pa kin akan wihdi akastan.

19 Qa oyanke kin he Betel, (Taku Wakan ti kin) eya caston, tuka tokag ehan otowwe kin he Luz eciyapi.

20 Unkan Jakob wokonze wan iciconze ca heya, Wakantanka mici un kinhan, qa canku kin de ohna mde cin he ohna awanmayake cinhan, qa aguyapi wate kta maqu qa wokoyake komayake kta nakun:

21 Qa ate ti kin ekta tanyan wahdi hecinhan, Jehowa ecedan wakanwada kta ce.

22 Qa inyan wokiksuye ewehde kin de Wakantanka tipi tawa kta ce, qa taku mayaqu kte cin owasin etanhan, iwikcemna kin ciu kta ce.

WICOWOYAKE 29.

1 Hehan Jakob Wiyohiyanpata cinca tamakocepi kin ektakiya siha on mani iyaya.

2 Qa etowwe ca inyun tinta ohna minihdoka wan, qa tahn wanuyanpi optaye yamni heciya minihdoka kin icahda wankapi, minihdoka kin he etanhan optaye kin mini wicacupi ece. Un-

kan minihdoka i kin akan inyan tanka wan yanka.

3 Unkan hen optaye kin owasin mniciyapi eca, minihdoka i kin akan tanhan inyan kin yuptanyanpi qa, tahnca kin mini wicacupi ca inyan kin hen yanke kte cin minihdoka i kin akan ehnakapi.

4 Unkan, Hunka wanjin ciyapi tokiya tanhan yaunpi he? Jakob ewicakiya. Unkan, Haran unketanhanpi ce, eyapi.

5 Unkan, Laban Nahor cinhin-tku sdonyayapi he? ewicakiya. Unkan, Han he sdonuyanpi ce, eyapi.

6 Unkan, Zaniyan un he? ewicakiya. Unkan, Zaniyan un, nakun wanyaka wo; cunwintku Rahel tahn wanuyanpi kin om hiyu ce, eyapi.

7 Unkan, Anpetu nahahn tanka ihan. Wanuyanpi mniciyapi kte cin nahahn iyehantu shi. Tahnca mini wicacupi qa wihan wicakiyapo, eya.

8 Unkan, Unkokitpanipi ce; optaye kin owasin mniciyapi kin, hehan inyan kin minihdoka i kin etanhan yuptanyanpi kinhan, hehan tahnca kin mini wicunqupi kta ce, eyapi.

9 Om wohdaka icunhan, Rahel atkuku tahnca tawa om hi; wihan wicakiya nakaes.

10 Hecetu unkan Jakob, iye hunku kin he timdoku Laban cunwintku Rahel he wanyake ca, hunku timdoku kin Laban tahnca tawa nakun, qa Jakob ikiyedan i qa, inyan qon mini hdoka i kin akan tanhan yuptanye ca, hunku kin he timdoku Laban tahnca tawa mini wicacu.

11 Qa Jakob Rahel i iputake ca ho taninyan ceya.

12 Qa Jakob Rahel heciya,

Niyate sunkaku kin hemaca, Rebeka cinhintku kin he miye ce. Unkan inyang hde ça atku-ku okiyaka.

13 Unkan Laban he tawinohtin cinhintku kin Jakob taku ohdake cin nañon qehan, itkokim inyang ye ça, poskin yuze ça, i iputake ça ti kin timahen u ši. Unkan Jakob Laban hena taku kin owasin okiyaka.

14 Unkan, Mihü, qa micehpi kin he niye ce, Laban Jakob eciya. Unkan anpetu tona wi wanjidan en un kin kici yanka.

15 Unkan Laban Jakob heciya, Hunka wanjin ciye cin on ituya wowidag ciye kta he? Taku iyuwin yacin kin he omakiyaka wo, eya.

16 Wanna Laban cunwintku nonpa, tokapa kin Leha eciyapi, qa hakakta kin Rañel eciyapi.

17 Qa Leha išta kin wankadan; tuka Rañel okah wašte owanyag wašte hinca.

18 Unkan Jakob Rañel wašte dake ça, Rañel nicunksi hakakta kin he on waniyetu šakowin wowidag mayaye kta, eya.

19 Unkan he ciçu kinhan wašte kta; wicašta tokeca waqu kinhan wašte kte šni. Mici ti wo, Laban eya.

20 Unkan Jakob Rañel on waniyetu šakowin okiya; tuka he wašte dake cin on išta kin en anpetu tonana yawa.

21 Hehan, Mitawin maqu wo, kici imunke kta, anpetu kin wanna henakeca ce, Jakob Laban eciya.

22 Unkan Laban otonwe kin wicašta owasin mnawicaye ça wowicakihan.

23 Qa otpaza hehan cunwintku Leha he icu, qa Jakob en au. Unkan kici wanka.

24 Unkan Laban wikoška wan

yuhe cin Zilpa, he icu qa cunwintku Leha wikoška yuhe kta e qu.

25 Ihanñanna inyun Leha hee, qa Jakob Laban heciya, Rañel on ociciye šni he? Tokeca mayahmayan he?

26 Unkan, Hakakta kin tokaheya qupi, qa hehan tokapa kin de-ciya hecen econpi šni;

27 Anpetu šakowin kin de ihuniyan wo; kinhan he nakun ciçu kta, tokata waniyetu šakowin tokeca omayakiye kte cin heon etanhan, Laban eya.

28 Unkan Jakob ecen econ, qa šakowin kin he ihuniyan. Unkan Laban cunwintku Rañel he tawicu kta e qu.

29 Qa wikoška wan yuhe cin Bilha, he Laban cunwintku Rañel wikoška yuhe kta e qu.

30 Unkan Jakob Rañel kici wanke ça, nakun Rañel wašte dake ça, ake waniyetu šakowin uman Laban cajeyate ciqon he yušan.

31 Unkan Leha šice dakapi kin he Jehowa wanyake ça, Leha tamni kin yuhdoka, tuka Rañel cinca ton šni.

32 Unkan Leha ihdušake ça, cinca ton, qa Ruben eya caš kiton; Makiyušepi kin Jehowa wanyaka, unkan dehan mihihna wašte madake kta ce, eya.

33 Qa ake ihdušake ça cinca ton, qa, Šice madapike cin he Jehowa nañon, qa cinca kin de nakun maqu, eye ça, Šimeyon eya caš kiton.

34 Qa ake ihdušake ça cinca ton qa, Wanna detanhan mihihna tinsa mahduze kta: Wanna cinca yamni weciton, eye, ça Lewi eya caš kiton.

35 Unkan ake ihdušake ça cinca ton qa, Dehan Jehowa mdatan kta ce, eye ça, Juda eya caš

kiton. Hehan cinca ton kin ayu-
stan.

WICOWOYAKE 30.

1 Unkan Rašel Jakob cinca kiciton šni e wanhdake ça, Rašel he cunku inakiwizi qa Jakob heciya, Cinca maqu ye, *hecanon* šni kinhan mašte kta ce.

2 Unkan Jakob canniye ye ça, Rašel heciya, Miye Wakanmantanka kecanni he? Iye taku tamni ton kin onanitaka ce.

3 Unkan, Iho wikoška mduhe cin Bilha he ekta ya ye; unkan mišiyoto kin akan cinca ton kinhan, iye etanhan cinca waton kta ce;

4 Eye ça wikoška yuhe cin Bilha he tawicu kta e qu. Unkan Jakob he en i.

5 Unkan Bilha ihdušake ça Jakob cinca kiciton.

6 Unkan Wakantanka mayaco qa, nakun houwaye cin namašon, qa cinca wan maqu, Rašel eye ça, Dan eya caš ton.

7 Unkan ake Rašel tawikoška Bilha ihdušake ça cinca icinonpa Jakob kiciton.

8 Unkan Wakantanka omakiye ça micun kici štawani, qa ohidaya ce, Rašel eye ça, Neptali eya caš ton.

9 Unkan Leha cinca sanpa ton šni e wanhdake čehan wikoška yuhe cin Zilpa icu, qa Jakob tawicu kta e qu.

10 Unkan Leha wikoška yuhe cin Zilpa, he Jakob cinca kiciton.

11 Unkan, Wicota kta, Leha eye ça, Gad eya caš ton.

12 Unkan Leha wikoška yuhe cin Zilpa Jakob cinca icinonpa kiciton.

13 Unkan, Wopida mayanpi, cunwintku unpi kin mayawaštepki kta ce, Leha eye ça, Ašer eya caš ton.

14 Unkan aguyapi baksapi kin icunhan Ruben magata iyaye ça, dudaim iyeye ça hena hunku kin ekta kai. Unkan Rašel Leha heciya; Nicinkši dudaim au kin etanhan maqu ye.

15 Unkan, Mihihna yaki kin he taku cistina naceca, micinkši dudaim tawa kin, he nakun iyacu kta he? eciya. Unkan, Nicinkši dudaim tawa kin he on hanyetu kin de nici iwanke kta ce, eya.

16 Unkan štayetu hehan, Jakob maga tanhan hdi; unkan Leha itkokim inanpe ça, Miyahna yau kta, micinkši dudaim tawa kin hena on opeciton ce, eya. Unkan hanyetu kin he kici wanaka.

17 Unkan Wakantanka Leha anagoptan: unkan ihdušake ça cinca izaptan Jakob kiciton.

18 Qa, Wikokša mduhe cin he mihihna waqu kin heon, Wakantanka iyunwin maqu, Leha eye ça, Isakar eya caš kiton.

19 Unkan ake Leha ihduške ça cinca isakpe Jakob kiciton.

20 Qa, Nakaha Wakantanka taku wašte itumakišan, mihihna cinca šakpe weciton, heon detanhan mici ti kta ce, eye ça, Zebulon eya caš kiton.

21 Qa he iyohakam cinca winyan ton qa, Dina eya caš kiton.

22 Unkan Wakantanka Rašel kiksuye ça Wakantanka anakicigoptan, qa tamni kin yuħdo-ka.

23 Unkan ihdušake ça cinca wan ton qa, Taku iyamaonpapi qon Wakantanka wanna emicidaku;

24 Qa Wakantanka cinca tokeca wan nakun maqu kta, eye ça, Josep eya caš kiton.

25 Unkan Rašel Josep ton kin hehan, Jakob Laban heciya,

Wanna hde mayan wo. Mitamakoce qa toki manke kte cin ekta wahde kta.

26 Mitawin micinca ko maqu wo, wahde kta ce; hena on token hitawani, qa wowindag mayaye cin niś sdonyaya ce.

27 Unkan, Tokin ništa kin en iyocicipin, niye on etanhan Jehowa mayawašte wahdukcan.

28 Taku on omayakiye kta atayedan omakiyaka wo; hecece cinhan ciçu kta ce, Laban eciya.

29 Unkan, Niś token ociciye ça, nitawanuyanpi kin token mi-ci unpi qon sdonyaya.

30 Wahi kin itokam taku cistina duhe ciqon, qa wanna ota aye ça, misiha kin eciya tanhan Jehowa niyawašte. Unkan wanna tohan wati ohnaka kin on taku mičicage kta he? eya.

31 Unkan, Taku ciçu kta he? eya. Unkan Jakob heciya, Takudan mayaqu kte śni, tuka taku kin de ecanon kinhan ake tahnica nitawa kin awanwicamdake kta.

32 Nakaha wanuyanpi owasin ehna mawani kta, qa tona hdehdega qa hdehdeze cin iyog iye-wicawaye kta, tahnica wanuyanpi kin tona gigi kin owasin, qa tatokadan tona hdehdege ça hdehdeze cin heniyos akipam ewicawahde kta; qa tokata tahn wanuyanpi ehna tona gigi, qa tatokadan ehna tona hdehdega hdehdeza ko, hena iyunwin mitawa kta.

33 Unkan tokata miohan owotanna mihduotanin kta; taku mitawa nitokam u kinhan, tatokadan tona hdehdegapi śni, qa hdehdezapi śni, qa tahn wanuyanpi ehna tona gigi śni kin hena owasin mawanon kehe kta.

34 Unkan, Tokin token ehe cin hecetun, Laban eya.

35 Qa anpetu kin he en tatokadan mdoka tona hdehdeza hdehdega ko, qa tatokadan wiye tona hdehdege ça hdeškaška kin owasin, tona akan hin san kin hena koya owasin, akipam ewicahdaku, tahn wanuyanpi ehna tona gigi kin nakun owasin, qa hena cinkši wicaye cin nape kin en wicaqu.

36 Qa anpetu yamni imani, iye Jakob kici ihebanyan kaga. Unkan Laban woteca optaye ihe cin hena Jakob wiħan wicakiya.

37 Qa Jakob can sakadan icu, waga teca qa can su, qa uma hena owasin etanhan icu, qa ha kin pago hdeza, ska tanin kta e hecen hdehdeza kaga.

38 Qa watpadan tukten wanuyanpi mini yatkanpi kin hena ohna, can sakadan pago qon ehde, wanuyanpi itokapa tanhan, unkan wanuyanpi yatke upi en kiyuhapi ece.

39 Hecen can sakadan qon ekta wanuyanpi kin kiyuhapi, qa wanuyanpi hdehdeza hdehdega hdeškaška ko wicatonpi.

40 Unkan Jakob tacincadan yukinukan ewicahnake ça, wanuyanpi itepi kin taku hdeza ektakiya ewicahde, Laban wanuyanpi gigi kin owasin, qa wanuyanpi tawa kin yukinukan ewicahde, Laban tawanuyanpi kin kici ewicahde śni.

41 Qa tohan wanuyanpi wašakapi kiyuhapi eca, Jakob can sakadan qon watpadan ohna wanuyanpi išta kin wicitokam ehde; can sakadan kin ekta kiyuhapi kta e hecon.

42 Tuka wanuyanpi wankapidan eca, ehde śni, hecen tona wankapi kin hena Laban tawa, qa tona wašakapi kin hena Jakob tawa.

43 Hecen wicašta kin tanka hinca icage ça wanuyanpi ota ton, qa nakun winyan taokiye, qa hoksídan, qa camo, qa súktanka šonšonna.

WICOWOYAKE 31.

1 Hehan, Taku ate unyanpi tawa qon he owasin Jakob icu, qa taku ate yuhe ciqon etanhan, woyuha tanka kin de owasin icicaga, Laban cinkši wicaye cin eyapi kin Jakob nañon.

2 Qa Laban ite kin he nakun Jakob wanyaka, qa iye ektakiya wanna tokeca.

3 Nakun, Niyate makoce tawapi kin ekta, qa takuwicayaye cin ekta hda wo, kinhan nici waun kta ce, Jehowa Jakob eciya.

4 Heon Jakob tuwe ekta ye ši qa, tawicu napin Rañel Leha kici, tinta kin heciya, tawanuyanpi kin ekta wicakico.

5 Qa, Niyatepi kin wanna tokeca amatonwe cin wanmdaka, tuka ate taku wakan da kin mi-ci un.

6 Qa token owakihi ohinniyan niyatepi kin owakiya sonyaya-pi;

7 Tuka niyatepi kin mahnaye ça, wikcemna akihde taku maqu kte cin yutokeca, tuka kiunni maye kte cin Wakantanka iyo-winye šni.

8 Kaken, Hdehdegapi kin hena iyunwin duhe kta ce, eye çehan, waunyanpi kin owasin hdehdegapi kin heca ece wicatonpi; qa, Hdehdezapi kin hena iyunwin nitawa kta eye çehan, hehan wanuyanpi owasin hdehdezapi heca ece wicatonpi ece.

9 Hecen Wakantanka niyatepi tawanuyanpi kin ki ece, qa he maqu.

10 Wanuyanpi kin kiyuhapi eca wiwahanmde ça, ewatonwe ça, inyun tamdoka hdehdeza hdehdega hdeškaska hecapi ko, wanuyanpi akan adipi e išta on wanmdaka.

11 Nakun wiwahanmde ça, Wakantanka taohnihde ye cin hemakiya; Jakob. Unkan, Iho miye ce, epa.

12 Unkan, Išta yuwankan iki-keu qa, tamdoka wanuyanpi adipi kin awicatonwan wo; hdehdeza hdehdega hdeškaska hecapi; token Laban ecanicon kin he owasin wanmdaka ce.

13 Taku wakan Betel en tanin içiye cin he miye, hen wokiksu-ye sdayaye ça, hen taku konza emayakiya. Wanna najin, qa makoce kin de etanhan, iyaye ça taku wicayaye cin ekta hda wo, eya.

14 Unkan Rañel Leha ko ayu-ptapi; Ate ti kin ohna taku unhapi kte ça taku unkitawapi kte cin yukan he?

15 Oyate tokeca unhdawapi šni he? Wiyopeunyanpi, qa nakun mazaska unkitawapi kin owasin yusota.

16 Heon woyuha ate unyanpi kin etanhan Wakantanka ki kin he iyulpa unkiye unkitawapi, qa unkiçinçapi tawapi ce. Iho wanna token Wakantanka econ niši kin owasin ecen econ ye, eyapi.

17 Unkan Jakob najin, qa cinca tawicu ko owasin camo akan ewicahnaka,

18 Qa atkuku Izak en Kanan makoce kin ekta kihde kta e tawanuyanpi kin owasin awicaya, woyuha icicage cin, qa taku tonpi kiton kin, taku Aram Mdaye kin en ihdamna kin owasin.

19 Wanna, Laban tañinca kin hdušda iyaye çehan, Rañel he

atkuku terapim tawa kin manon.

20 Unkan Jakob Laban Arami kin cante kin manon, najica iya-ya, okiyake śni nakaes̄.

21 Hecen najica, taku tawa kin owasin hduha najin, qa watpa kin iyuwege ɕa, Gilead he kin ektakiya etonwan.

22 Unkan anpetu iyamni kin hehan, Jakob wanna najica Laban okiyakapi.

23 Unkan hunka wanjin wicaye cin wicakico, hena om okide ye ɕa, śakowin can icimanipi hehan, Gilead he kin en kihdegapi.

24 Unkan, Wakantanka hanyen Laban Arami kin en hi qa, wi-hanmde cin en heciya, Ihnuhan taku wašte taku śica uman tukte kašta eyakiye cin, eya.

25 Unkan Laban Jakob kihdege ɕehan, Jakob he kin en wakeya oti, qa Laban hunka wanjin wicaye cin om Gilead he kin hiyahanpi.

26 Qa Laban Jakob heciya, Taku tokanon micante kin mayahnye ɕa, micunksi canłpi on wayaka iyecen awicayahda.

27 He tokeca e hecanon he? Anamayakilbe ɕa, manicinon, omayakidake śni. Omayakidaka unkanś wiyuśkinyan iyaye ciye ɕa, cicidowan, qa cancega candowankiyapi ko ciciyahoton kta tuka hecanon.

28 Micinca wica winyan ko i iwicawaputake kte, iyowin mayakiye śni. Wanna witkoya hecanon.

29 Dehan taku śica ecacicon kta nape wamaśaka, tuka niyate taku wakan da kin hinhan hemakiya; Ihnuhan Jakob taku wašte taku śica uman tukte kašta eyakiye cin, eya.

30 Wanna niyate ti kin ekta yahde kte hinca, tuka tokeca

Taku wakan mitawa kin mayanon he? eya.

31 Unkan Jakob waayupte ɕa, Kowakipe cin heon, qa okini nicunksi kin hena mayaki kta naceca ce epe cin heon hecamon;

32 Taku wakan nitawa kin tuwe kici iyeyakiye cinhan, he ni kte śni. Hunka wanji unye cin wicitokam, taku nitawa mici unkin, tukte e he, iyukcan qa iki-keu wo. Rahele hena manon tuka Jakob he sdonye śni, qa heciya.

33 Hehan Laban Jakob tawakeya kin en ti mahen i, Leha tawakeya kin nakun, qa wikośka nonpa tawakeyapi kin; tuka iyekiye śni; hehan Laban Leha tawakeya kin etanhan hdinanpe ɕa, Rahele tawakeya kin en i.

34 Tuka Rahele terapim kin icu, qa camo aqinpi kin en ehna-ke ciqon, qa akan iyotanka. Unkan Laban wakeya kin owanca-ya yutan qa iyekiye śni.

35 Unkan atkuku kin heciya, Itancan nitokam nawajin owakitpani, hececa šta canniye maye śni ye. Winohinca ayakonpi kin hemaceca ce. Unkan nina akita tuka terapim kin iyekiye śni.

36 Unkan Jakob canniye ɕa, Laban kige, Taku śica ecamon qa wawalitani kin tukte e he, on hecen mayakuwa?

37 Mitawalipaya kin owasin mayakidutan, waksica yati kin etanhan wanji iyeyaye cin tukte e he? takuwicunye cin wicitokam ehna-ke wo; hecece cinhan uman tukte unkitawa kta yu-kecanpi nunwe.

38 Waniyetu wikcemna nonpa kin dena nici waun, tuka tawiyedan nitawa kin kpapi śni, qa, nitawanuyanpi tamdoka kin hena wate śni.

39 Taku yahdecapi kin niye

en cicai šni, he miye piya waka-
ga ce. Hanyen manonpi kin,
qa anposkan manonpi kin he ko-
ya, minape kin etanhan mayaki-
da.

40 Kaken waun, anposkan ipu-
za maŋa, qa hanyen osni; woi-
štima mišta kin amayušan.

41 Miye waniyetu wikcemna
nonpa kin yati kin en wowidag
mayaye; waniyetu ake topa ni-
cunkši nonpa on, qa waniyetu
šakpe nitawanuyanpi kin on,
očiciye ɕa, taku mayaqu kte cin
wikcemna akihde mayadutokan.

42 Ate taku wakan da kin, Abe-
reyam taku wakan da kin qa
Izak Tokokipe kin, mici un kin;
hecetu šni unkanš wanna coka-
dan kihde mayasi kta tuka; ma-
wahbadan kin qa minape litani-
pi kin he Wakantanka wanyake
ɕa, hinhan iyopeniyan ce, Jakob
Laban eciya.

43 Unkan Laban waayupte ɕa,
Jakob heciya, Cinca winyan kin
dena micunkši eepi, qa hokši-
dan kin dena micinca eepi, qa
wanuyanpi kin dena wanuyanpi
mitawa eepi, qa taku niye wan-
yahdake cin he iyuhpa mitawa
ce. Tuka de micunkši qa is cin-
ca wicatonpi kin dena, nakaha
taku ecawicawecon kta he?

44 Tokin wanna wicoun unki-
cagen, miye qa niye, hecen wa-
ayatanin unkiyotahedan yuke
kta.

45 Unkan Jakob inyan wan icu,
qa wokiksuye e pasdata:

46 Qa, Inyan icupo, Jakob hun-
ka wanjin wicaye cin ewicakiya.
Unkan inyan icupi, qa paha wan
kagapi qa, hen paha kin akan
wotapi.

47 Unkan paha kin he, Igar
sahaduta Laban eya cašton; tu-
ka Jakob he Galed eya cašton.

48 Unkan Laban lieya, Anpe

dehan paha kin de unkiyotahe-
dan waayatanin kta; Galed Wa-
ayatanin paha kin he ka, paha
kin he eciyapi.

49 Qa, Micunkši wicayakidu-
še, qa winolinca tokeca duze
cinhan, wicašta tuwe he atonwe
kta unkici un šni, unkiyotahe-
dan Wakantanka he waayatanin
kta.

50 Tohan kinukankiya unki-
yaye cinhan Jehowa unyacopi
kta, Laban eye ɕa, Wayaco caš
ton.

51 Qa, Wanyaka wo; paha kin
de, wokiksuye unkiyotahedan
ewehde kin de;

52 Paha kin waayatanin, woki-
ksuye kin de waayatanin, taku
šica on paha kin de kapeya
imdamde ɕa niye en cii kte šni,
qa niš kapeya yahihdu qa hiyohi
mayaye kte šni.

53 Abereyam taku wakan da
kin, Nahor taku wakan da kin,
hunkake wicayapi taku wakan
dapi kin unyacopi kta, Laban Ja-
kob eciya. Unkan Jakob iye
atkuku Izak Tokokipe kin caje-
yan konza.

54 Hehan Jakob he kin akan wo-
šnapi wan wakiyušna, qa aguya-
pi yutapi kta e hunka wanjin
wicaye cin wicakico. Unkan
aguyapi yutapi qa he kin en wan-
kapi.

55 Unkan ihanhanna Laban ki-
kta qa iye cinca wica winyan
ko i iwicaputake ɕa, wicayawa-
šte qa, hehan Laban tohe kin
ekta kihda.

WICOWOYAKE 32.

1 Unkan Jakob tacanku kin
ohna iyaye ɕa, Wakantanka ohni-
hde wicaye cin iktokim hipi.

2 Unkan Jakob wanwicayake
ɕehan, Wakantanka wicobe ta-

wa kin dee ce, eye ça oyanke kin he Mañanaim caş ton.

3 Hehan Jakob Edom wojupi kin Sehir makoce kin etu, cincu Esa ti kin ekta, ohnihde wicaye cin ye wicaşi.

4 Qa wahokonwicakiye ça, Itancan mitawa Esa hecen eya-kiyapi kta ce, eya; Laban kici wati qon dehantu.

5 Qa pte, qa şuktanka şonşonna, qa tahnica, qa hokşidan wikoşka ko, ota wicamduha, qa onşimayada kta e itancan ociciyag ye wicawaşi, nitaokiye Jakob eya.

6 Unkan Jakob ohnihde wicaye cin hđipi qa, Nicinye Esa ekta unkipi unkan is nitkokim u qa, wicaşta opawinge tom opapi ce, eyapi.

7 Hehan Jakob nina kokipe ça, oyate kici un kin nonpakiya ewicakiñde, tahnica, pte, camo, ko owasin oşpaye nonpa wicakaga.

8 Qa Esa oşpaye wanji en hi qa hena wicakte kinhan, oşpaye uman okapte cin inaşdoke kta ce, eya.

9 Hehan Jakob heya, Abereyam ate waye wakan nida, qa ate Izak wakan nida Jehowa niye, Nitamakoce, qa takuwicayaye cin ekta hda wo, kinhan taku waşte ecacicon kta ce, emaya-kiye ciqon;

10 Miye nitowaonşida qa iewicayake cin owasin nitaokiye ecayecon kin aopten waun; sagye kin heceyedan hduha Jordan watpa kin de imduwege ça, wanna oşpaye nonpa imacaga.

11 Wanna cinye nape kin etanhan emahdaku wo; Esa nape kin etanhan; hi kinhan cinca hunkupi kin kici mikte kta kowakipa ce.

12 Niye, Ohinniyan taku waşte

ecacicon kte ça, wiyaka mini wanca kahda sukaza utkana on yawapica şni, iyenaka nicinca wakage kta ehe ciqon, eya.

13 Unkan hanyetu kin he hen wanka, qa taku cincu Esa qu kte cin ikikcu, taku nape en hiyu;

14 Tatokadan wiye opawinge nonpa, qa mdoka wikcemna nonpa, tahn wanuyanpi wiye opawinge nom mdoka wikcemna nonpa ahna;

15 Camo azinkiyapi wikcemna yamni cincapidan om, pte wikcemna tom, qa tatanka wikcemna, şuktanka şonşonna wiye wikcemna nonpa cincadan wikcemna ahna.

16 Qa ookiye wicayuhe cin woteca otoiyoñi kinnukan yuhe wicaşi, qa, Optaye otoiyoñi yu-kinukan awicahiyayapo, ewicakiya.

17 Qa tokaheya kin wahokonwicakiya, Tohan cinye itkonicipapi kinhan, qa, Tuwe tawa niyan he? qa toki da qa taku nitokam un kin he tuwe tawa he? eya iniwange cinhan;

18 Hehan, Nitaokiye Jakob dena tawa, tuka itancan mitawa Esa qu kta; unkan is nakun unkihektam u ce, ehapi kta ce, ewicakiya.

19 Unkan inonpa, qa iyamni, qa nakun owasin tona optaye ihakam yapi kin, Esa iyeyayapi kinhan oie kin hena iyecen eya-kiyapi kta ce:

20 Nakun, Nitaokiye Jakob unkihektam u ce, ehapi kta ce, ewicakiya. Taku waqu kin mitokapa tanhan ye cin, hecen ite kin iyokipi waye kta, qa hehan ite kin iyowinmakiye kta ce, eya.

21 Unkan taku qu kin, he tokata iyokipta; tuka is hanyetu kin he taobe kin om wanka.

22 Qa hanyetu kin he en, najin qa tawicu nonpa kin iwicacu qa cinca wicaye cin ake wanji, qa Jabok oiyuwege kin en iyuwega.

23 Qa iwicakikeu, qa watpa kin iyuwehi wicaye ça, taku tawa kin owasin iyuwehi wicakiya.

24 Qa Jakob isnana hekta yan-ka, unkan wicašta wan anpao kin behanyan kici kiihdušpa.

25 Qa wicašta kin tokadan ohiye šni e wanhdake çehan, cecunte okihe kin en yuza; unkan kici kiihdušpapi kin icunhan, Jakob cecuntoštan kin pašon iyaya.

26 Unkan, Amayuštan wo; wanna anpao hinanpa ce, eya. Unkan, Mayadawašte šni kinhan, aciyuštan kte šni ce, eya.

27 Qa, Token eniciyapi he? eya. Unkan Jakob emakiyapi ce, eya.

28 Unkan, Nicaje Jakob eniciyapi kte šni. Detanhan Israel eniciyapi kta, Wakantanka wicašta ko, kici kinihdušpe ça niye ohiyaya ce, eciya.

29 Unkan, Tokin nicaje kin omayakidaken, Jakob eya iwan-ga. Unkan, Token on etanhan micaje kin inonga he? eye ça hen yawašte.

30 Unkan, oyanke kin he, Ite wakan, Jakob eya caš ton. Taku Wakan ite icitkokim wammdaka ešta minagi kin zaniyan un ce, eya.

31 Unkan Ite wakan iyokipte çehan, anpetu wi hinanpa, qa Jakob ceca kin on hušte.

32 Heon etanhan Israel cinca wicaye cin anpetu kin dehan ceca škotpa kin akan kan kiksuye šni qon he yutapi šni; Jakob ceca škotpa kin akan kan kiksuye šni kin he oyutan kin heon etanhan.

WICOWOYAKE 33.

1 Unkan Jakob wankan etonwe ça inyun, Esa u, wicašta opawinge tom kici wanwicayake ça, hokšiyooqopa kin akipam ewicakihde, Leha kici, qa Rašel kici, qa wikoška nonpapi kin om.

2 Qa wikoška kin cinca wicayapi kin om tokaheya ye wicaši, qa hena ihektapa tanhan Leha cinca wicaye cin om, qa hena ihektapa tanhan Rašel Josep kici.

3 Qa iye owasin wicitokam ye ça, cincu ikiyedan u kin icunhan šakowin akihde patuja.

4 Unkan, Esa itkokim inyanke ça, nape kin yuze ça tahu kin akan elipeičiye ça i iputaka, qa napin ceyapi.

5 Hehan Esa wankan etonwe ça, tawicu cinca wicaye cin ko wanwicayake ça, Dena token takuyaya he? eya. Unkan, Wakantanka towaonsida kin on nitaokiye cinca qu kin dena eepi ce, eya.

6 Hehan wikoška kin cinca wicayapi kin om ikiyadan hipi, qa patujapi.

7 Hehan Leha cinca wicaye cin om ikiyadan hi qa patujapi; qa ehake Josep Rašel kici ikiyadan hipi, qa patujapi.

8 Unkan, Optaye kin dena owasin itkowicawakipe cin, token yaka he? eya. Unkan, Mayuhe cin išta kin iyokipi ciye kta e heon.

9 Unkan, Misunka taku ota wahduha ce. Taku nitawa kin hduha un wo, Esa eya.

10 Unkan, Hiya ništa kin iyo-kiپی ciye cinhan, minape kin etanhan taku waqu kin iyacu kta, nitohnake Wakantanka itohnake iyecen wanciyake ça iyo-cicipi kin heon etanhan.

11 Tokin taku ciyawašte kin en aniupi kin he iyacun. Wakantaka onšimada ece, qa taku owasin mduha, Jakob kitanyan eya; unkan icu.

12 Qa heya, Ihdaka unye ça miye tokaheya mde kta ce.

13 Unkan, Hokšioqopa wan- kapidan e mayuhe cin sdonye ça, nakun takinca pte ko ihdu- šaka micicapi qa, anpetu wan- jidan keš awicapapi kinhan, wa- nuyanpi owasin tapi kta.

14 Tokin itancan nitaokiye itokam yahden, qa miš wan- yanpi mitokam token manipi, qa hokšioqoqa kin token mani- pi kin, ecen iwahnanna mde kta, mayuhe cin ekta Sehir en wai kin hehanyan.

15 Unkan, Iho oyate mici unpi kin etanhan wanjiksi nici elipe- wicawaye kta ce, Esa eya. Un- kan tokeca e, mayuhe cin ista kin iyocicipi hecinhan, eya.

16 Unkan anpetu kin he en, Esa tacanku kin ohna Sehir ektakiya kihda.

17 Tuka Jakob Sukot ekta unhdaka i qa, hen tipi icicage ça, taku tawa kin nakun ohan- zi hdepi wicakicaga; heon oton- we kin he Sukot eya cajeya- tapi.

18 Qa Jakob Aram Mdaye kin etanhan u qehan, Šekem oton- we tawa kin Kanan makoce kin etu zaniyan hi, qa otonwe kin itokam ticaga.

19 Qa makoce onšpa, tukten wakeya iticage cin, Šekem atku- ku Hamor cinca wicaye cin na- pepi kin etanhan opewicakica- ton, mazaska opawinge nom wi- caqu.

20 Unkan hen wahna wošna- pi wan kage ça, El Israel ta-Wakantanka kin eya caš- ton.

WICOWOYAKE 34.

1 Hehan Dina Leha he cun- wintku Jakob kiciton kin, he inakoce wicinyanpidan wanwi- cayake kta e toki iyaya.

2 Unkan wicašta yatapi ihda- wa Hamor Hiwi kin he cinhin- tku Šekem, he, wanyake ça icu qa kici wanka, hecen wiewaku.

3 Qa Šekem nagi kin Dina Jakob cunwintku kin en nina iyaskape ça wikoška kin wašte dake ça, wikoška cantohnag ye cin ecen okiya.

4 Qa, Wicinyanna kin de mici- yuza wo, Šekem iye atkuku Ha- mor eciya.

5 Unkan cunwintku yuašapapi kin he Jakob nakihon, tuka cin- kši wicaye cin tinta ekta wan- yanpi om yakonpi, qa hdipi kin hehanyan Jakob inina yanka.

6 Unkan Hamor Šekem atkuku kin Jakob kici okiye kta e en i.

7 Unkan Jakob cinkšiwicaye cin tinta kin etanhan hdipi, qa he nahonpi, qa iyokišicapi; nina canniye yapi, Jakob cunwintku kin kici iwankapi: hecen econ- pi kte šni tuka, Israel witko- ya ecakiconpi heon etanhan.

8 Unkan Hamor hewicakiya, Micinkši Šekem nagi kin nicun- kšipi kin iyaskapa; he tawicu kta e qupo.

9 Kinhan takuunkiciyapi kta; nicunkšipi kin hena unqupo, qa niš cunkši wicunyanpi kin wi- cayuzapo.

10 Qa unkiyepi om dukanpi kta, makoce kin nitokam un kta ce, en unpo qa makoce kin en wo- petonpi qa he yuhapo.

11 Qa Šekem wikoška atkuku timdo wicaye cin ko hewicaki- ya; Cantemakiyapo, kinhan to- ken emayakiyapi kin ecen ciçu- pi kta.

12 Wikoška kin mitawin un kta e mayaqupi kinhan, wohpapi iyakiçuya tanka mayakidapi, taku qupi tanka ešta; token emayakiyapi kin ecen ciçupi kta.

13 Unkan Jakob cinksi wicaye cin tawinolhtinpi kin Dina yuşapapi qon kiksuyapi, qa heon Şekem he atkuku Hamor kici hna-yeya awicayuptapi.

14 Qa, Taku hececa econpi unkokitpanipi. Wicašta wan ha iyotan kin bahdayapi şni kin heca tanksi unyanpi kin unqupi kinhan, he wišten unkiçiyapi kta naceca.

15 Decehnana on unkaniyuptapi kta; unkiş baunkihdayapi kin, niş nakun tona wica owasin henicecapi kinhan;

16 Hehan cunksi wicunyanpi kin unniçupi kta, qa nicunkşıpi kin wicunyuzapi kta, qa nicipi oununyanpi qa oyate unwanjipidan kta.

17 Tuka taku de en anaunyagoptanpi şni kinhan, baniçihdayapi şni kinhan, cunksi unyanpi kin he unikikicupi, qa toki unkiyayapi kta ce, ewicakiyapi.

18 Unkan, Hamor Şekem Hamor cinhintku kici wicoie kin he waşte dakapi.

19 Qa koška kin Jakob cunwintku kin cantiheyaya, heon taku eyapi kin kohanna econ. Iye atkuku ti kin ohna yakonpi kin hena owasin iyakapeya kinihanpi.

20 Hehan Hamor iye cinhintku Şekem kici otonwe tawapi kin ekta kipi, qa otonwe tawapi kin wicašta om wohdakapi, qa heyapi,

21 Wicašta kin dena unkiyepi om wokiyapi, heon makoce kin en ounyanpi qa, hen iciyopeyapi

kte. Ito makoce kin wicitokam tankaya un kinhan, cunwintku-pi kin wicunyuzapi kta, qa cunksi wicunyanpi kin wicunqupi kta.

22 Tuka decehnana on wicašta kin wicadapi kta; wiciye bakiçidayapi kin he iyecen unkiye tona wica owasin baunkihdayapi kinhan; unkiye om ounyanpi, qa oyate unwanjipidan kta.

23 Decehnana en anawicun-goptanpi kinhan, unkiyepi om ounyanpi kta; kinhan tawanunyanpi, qa taku yuhapi kin owasin, taku tonpi koya unkitawapi kte şni he? eyapi.

24 Unkan wicašta tona otonwe tiyopa kin omanipi kin hena owasin, Hamor iye cinhintku Şekem kici anawicagoptanpi, qa bakicihdayapi, tona wica otonwe tiyopa kin omanipi kin owasin.

25 Unkan anpetu iciyamni kin yazanpi kin icunhan, Jakob cinhintku kin nonpa, Şimeyon Lewi kici Dina timdo wicaya, tacanhipipi kin ikikicupi, qa kokipeşniyan otonwe kin tatpe ipi, qa tona wica owasin wicaktepi.

26 Hamor iye cinhintku Şekem ko canhipi hi kin on wicaktepi, qa Dina Şekem ti kin etanhan ehdakupi qa hdohdapi.

27 Hehan Jakob cinksi wicaye cin wicakahugapi kin en ipi, qa, otonwe wan tanksitkupi kin yuşapapi qon he ocowasin wicakipi;

28 Tahinca, qa tatanka, qa şuktanka şonşonna, taku otonwe kin ohna un, taku magata un kin ko owasin icupi.

29 Taku yuhapi qon owasin taşıceca tawicupi ahna nakun wayaka icupi, qa taku tipi kin ohna iyeyapi kin owasin icupi.

30 Hehan Jakob Šimeyon Lewi kici hewicakiya, Iyoyag mayayapi, šicamna mayakagapi makoce wojutipi kin wicitokam, Kanani, qa Perazi kin, qa miye matopana hecen tamatpe mniciyapi, qa maktepi kta, hecen miš wati ohnaka ko owasin awimahuni kta.

31 Unkan wihomnipi kin iye-
cen tankši unyanpi kin ecaki-
conpi kta iyececa he? eyapi.

WICOWOYAKE 35.

1 Hehan Wakantanka Jakob heciya, Najin qa Betel ekta itawankanhde ye ça, hen onyan wo. Nicinye Esa itohnake kin etanhan nayajice çehan, Taku wakan, niye en tanin içiye cin, he wahna wošnapi wan hen kicaga wo.

2 Unkan Jakob tiyoknaka tawa, qa tona kici unpi kin owasin hewicakiya; Taku wakan tokeca duhapi kin, hena owasin yutokan iyewicayapo; piiciyapi qa wokoyake teça ihduzapo;

3 Qa najinpo, Betel ekta itawankanhde unyanpi kta ce. Heciya wahna wošnapi wan wakage kta, anpetu wan iyomakišice çehan, Taku wakan namahon, qa canku ohna imdamde cin mici ye cin, he wecage kta ce, eya.

4 Unkan Taku wakan tokeca yuhapi kin hena owasin Jakob qupi, oinpidan noge oinpi kin hena koya. Unkan hena owasin nahma, Šekem ekta utuhu wan he cin, he ihukuya.

5 Hehan ihdaka iyayapi, qa Jehowa otonwe ihdukšan unpi kin yušinye wicaya; hecen Jakob cinkši wicaye cin wicakuwapi šni.

6 Unkan Jakob, iye oyate ope-

ya un kin koya owasin, *otonwe wan* Luz eciyapi, Betel hee, Kanan makoce kin en, he ekta ipi.

7 Qa hen wahna wošnapi wan kage ça, oyanke kin he El Betel eya caš ton, cincu etanhan najica iyaye çehan, heciya iye en Wakantanka ihdutanin kin, heon etanhan.

8 Hehan Debora Rebeka azin kiye ciqon ça, unkan Betel hukun utuhu he cin, he ihukuya hnakapi, qa he, Utuhu oceyapi, eciyapi.

9 Wanna Jakob Aram Mdaye kin etanhan hiyu, hehan ake iye en Wakantanka tanin içiye ça yawašte.

10 Qa, Tokata Jakob nicaje qon eniciyapi kte šni, detanhan Israel eya cageniyatapi kta, Wakantanka eciye ça, hecen Israel caš ton.

11 Qa, El Iyotan wašaka he miye; ihduota qa cinca ota yuha wo; oyate qa, oyate obe ota niye etanhan unpi kta, qa wicašta yatapi ninite kin etanhan inanpapi kta.

12 Qa makoce wan Abereyam Izak kici wicawaqu qon, he niye ciçu kte ça nicinca nihektam unpi kte cin, makoce kin he wicawaqu kta ce, Wakantanka eciya.

13 Qa oyanke kin en, Wakantanka okiye ciqon hetanhan wankantkiya ikiyopta.

14 Unkan tukten okiye ciqon, he en Jakob wokiksuye wan ehde, inyan wokiksuye qa, wošnapi wan akaštan, wihi nakun akaštan.

15 Qa oyanke kin en, Wakantanka okiye ciqon, he Jakob Betel eya caš ton.

16 Hehan Betel etanhan ihdakapi, qa Eprata ikiyadan hipi,

hehan Raḥel hoksíksuye ça, kitan seh cinca ton.

17 Wanna kitan ecinyan cinca ton, hehan, Ihnuhan koyakipe cin, cinca kin de wica e nakun duhe kta ce, cincatonkiyesa eciya.

18 Unkan wanna te kta, nagi kin iyaya icunhan, Benoni eya caś kiton; tuka atkuku kin Benjamin eciya.

19 Hehan Raḥel ta, unkan Eprata, Betlehem hee, canku kin ohna hnakapi.

20 Qa Jakob wokíksuye wan ohna hnakapi kin ekta ehde. Raḥel ohna hnakapi wokíksuye kin dehantu eciyapi.

21 Hehan Israel unhdake ça, Eder conkaśke kin akotanhane wakeya.

22 Unkan Israel makoce kin he en ounye cin icunhan, Ruben iye atkuku tawicu Bilha ekta i, qa kici iwanka. Unkan Israel he nakihon.

23 Jakob cinkśi wicaye cin ake nonpapi ce. Leha cinkśi wicaye cin, Ruben, Jakob cinbintku tokapa kin hee, Šimeyon, Lewi, Juda, Isakar, Zebulon henakeca.

24 Raḥel cinkśi wicaye cin Josep, qa Benjamin.

25 Qa Bilha, Raḥel tawikośka, cinkśi wicaye cin Dan, qa Nephtali.

26 Qa Zilpa Leha tawikośka kin, cinkśi wicaye cin, Gad, qa Aśer. Henakiya Jakob cinkśi wicaya Aram Mdaye kin en wicatonpi.

27 Hehan Jakob iye atkuku kin ekta ki, Arba otonwe, Hebron hee, ekta Mamore etu hen Abereyam ounyan, qa Izak nakun.

28 Wanna Izak anpetu tawa waniyetu opawinge sanpa wikcemna śahdogan.

29 Hehan Izak ta, qa taoyate kin en okipapi, wicahinca qa anpetu kin wanna imna. Unkan cinkśi wicaye cin Esa, Jakob henios kihnakapi.

WICOWOYAKE 36.

1 Esa, Edom hee, wicowazi tawa kin dee.

2 Esa Kanan cunwintku kin etanhane winohinca nom wicayuz, Elon Ĥeti kin cunwintku Ada, qa Zibeon Ĥiwi kin cunwintku Ana he cunwintku Aholibama *henioza*.

3 Qa Ísmayel cunwintku Basmat, Nebayot tankśitku he nakun yuza.

4 Unkan Ada he Esa kiciton Elipaz hee: qa Basmat he Ruhel ton.

5 Qa Aholibama he Jehus, qa Jalam, qa Qora, wicaton. Esa cinkśi wicaye cin, Kanan makoce kin en wicatonpi kin hena eepi.

6 Hehan Esa iye tawicu kin iwicacu, qa cinca wicaye cin wica winyan ko, qa tiyohnaka tawa wicanagi owasin, qa tawanuyanpi taku yuhe cin ko owasin, taku tawa Kanan makoce en ton kin iyulpa, qa sunkaku Jakob itohnake kin etanhane ya, makoce tokeca wan ekta.

7 Taku yuhapi kin he odotha, heon witaya iyotankapi kin okitpanipi, wanuyanpi ota yuhapi kin heon, makoce kin en ounyanpi kte cin iyowinwicakiye śni.

8 Unkan Esa Sehir he kin en iyotanka, Esa he Edom eciyapi.

9 Qa Sehir he kin en Edom oyate ateyapi Esa wicoicage kin dee.

10 Esa cinkśi wicaye cin cajepi kin dena ee, Elipaz Esa ta-

wicu Ada he cinhintku, qa Ruhel Esa tawicu Basmat he cinhintku.

11 Unkan Elipaz cinksi wicaye cin dena eepi; Teman, Omar, Zepo, Gatam, qa Kenaz.

12 Unkan Elipaz Esa cinhintku Timna nahmana yuze cin he Ameleqe Elipaz kiciton. Esa tawicu Ada cinksi wicaye cin hena eepi.

13 Unkan Ruhel cinksi wicaye cin dena eepi; Nahat, qa Zera, qa Sama, qa Miza. Esa tawicu Basmat cinksi wicaye cin hena eepi.

14 Unkan Aholibama Zibeon cunwintku Ana he cunwintku kin Esa yuza. Unkan he Esa cinca kiciton kin dena eepi; Jehus, qa Jalam, qa Qora.

15 Esa cinca kin itancan unpi kin dena eepi. Esa cinhintku tokapa Elipaz cinksi wicaye cin, Teman itancan, Omar itancan, Zepo itancan, Qenaz itancan,

16 Qora itancan, Gatama itancan, Ameleqe itancan. Edom makoce kin en Elipaz itancanyan unpi kin hena eepi, qa hena Ada cinksi wicaya.

17 Unkan Esa cinhintku Ruhel cinca kin dena eepi: Nahat itancan, Zera itancap, Sama itancan, Miza itancan, Ruhel itancanyan unpi kin hena eepi, Edom makoce kin en, Esa tawicu Basmat hena cinksi wacaya.

18 Unkan Esa tawicu Aholibama he cinca kin dena eepi; Jehus itancan, Jalam itancan, Qora itancan, Ana cunwintku Aholibama Esa yuze cin itancan ton kin hena eepi.

19 Esa, Edom hee, cinksi wicaye cin hena eepi, qa itancan yuhapi kin heepi.

20 Makoce kin he en iyotan-

kapi qon Sehir Hori kin cinca dena eepi; Lotan, qa Sobal, qa Zibeon, qa Ana, qa Diŕon, qa Ezer, qa Diŕan.

21 Sehir cinksi wicaye cin, Edom tamakoce kin en, Hori kin itancanyan unpi kin hena eepi.

22 Unkan Lotan cinksi wicaye cin Hori, qa Heman, qa Lotan tawinolitin kin Timna ee.

23 Unkan Sobal cinksi wicaye cin dena eepi; Alan, qa Manahat, qa Ebal, qa Sepo, qa Onan.

24 Unkan Zibeon cinksi wicaye cin dena eepi, Aya qa Ana; Ana kin de atkuku Zibeon taŕunka ŕonŕonna wiŕan wicakiye ehan hopuza en wakoniya kata iyeya.

25 Ana cinhintku kin Diŕon hee, qa Aholibama Ana cunwintku kin ee.

26 Qa Diŕon cinksi wicaye cin dena eepi, Hemdan qa Eŕban, qa Jiteran, qa Keran.

27 Unkan Etzer cinksi wicaye cin dena eepi, Bilhan, qa Zawan, qa Aqan.

28 Diŕon cinksi wicaye cin dena eepi, Uz qa Aran.

29 Hori kin itancanyan unpi kin dena eepi; Lotan itancan, Sobal itancan, Zibeon itancan, Ana itancan,

30 Diŕon itancan, Etzer itancan, Diŕan itancan; Hori kin itancanyan unpi kin, token Sehir makoce kin en itancan wicayawapi kin hena eepi.

31 Israel cinca kin nahalin wicaŕta yatapi wanica, Edom makoce kin wicaŕta yatapi wicayawapi kin dena eepi.

32 Behor cinhintku Bela Edom en wicayube cin, qa otonwe tawa Dinaba eciyapi.

33 Qa Bela ŕa, unkan hee kiya Zera cinhintku Jobab Bozra

etanhan wicašta yatapi yawapi.

34 Qa Jobab ʔa, unkan hee kiya Hušam Teman makoce kin etanhan, wicašta yatapi yawapi.

35 Qa Hušam ʔa, unkan hee kiya Hadad Bedad cinhintku wicašta yatapi yawapi. Iye Midian *oyate* kin wicakaštaka, Moab tinta kin ohna qa otonwe en ti kin Awit eciyapi.

36 Qa Hadad ʔa, unkan hee kiya Samla, Masrika etanhan, wicašta yatapi yawapi.

37 Qa Samla ʔa, unkan hee kiya Šaul, Rehobot watpa kin ohna wanke cin he etanhan, wicašta yatapi yawapi.

38 Qa Šaul ʔa, unkan hee kiya Balhenan Akbor he cinhintku wicašta yatapi yawapi.

39 Qa Balhenan Akbor cinhintku kin ʔa, unkan hee kiya Hadar wicašta yatapi yawapi. Otonwe tawa Pahu eciyapi, qa tawicu kin Mehetabel eciyapi, Matred cunwintku Mezahab cunwintku.

40 Esa itancan wicayawapi kin hecen ewicakiyapi, wicowazipi kin iyececa, qa tonwanyanpi kin iyecen cajewicayatapi; Timna itancan, Alwa itancan, Jetet itancan,

41 Aholibama itancan, Ela itancan, Pinon itancan,

42 Qenaz itancan, Teman itancan, Mibsar itancan,

42 Magdiyel itancan, Iram itancan. Edom itancan wicayawapi kin hena eepi, tonwanyanpi kin iyecen, tamakocepi kin en; Edom Esa ate yapi.

WICOWOYAKE 37.

1 Unkan Kanan makoce kin en Jakob atkuku unhdaka un

qon, makoce kin he en Jakob iyotanka.

2 Jakob wicoicage wowapi kin dee, Josep wanna waniyetu ake šakowin, hehan wanuyanpi wiħan wicakiya cinye wicaye cin om, qa Bilha qa Zilpa napin atkuku wicayuze cin, hena cinkši wicayapi kin om, hokšidan kin un qa taku šica eyapi kin ateyapi kin en ahda.

3 Unkan Israel, cinkši wicaye cin owasin sam iyeya, Josep wašte kidaka wanna wicalinca ehan kicitonpi kin heon etanhan, qa onħdoħida hanska wan Josep kicaga.

4 Unkan ateyapi kin, cinkši wicaye cin owasin sam iyeya Josep wašte kidake cin he cincu wanhdakapi, qa wokiya okiyapi kte cin okihipi šni.

5 Unkan Josep wowihanmde wan ihanmna, qa cincu owicakiyaka; unkan sam iyeya šice kidakapi.

6 Unkan, Ihopo wowihanmde wan iwahanmde cin de naħionpo.

7 Maga ekta aguyapi paunħtapi, unkan inyun pawalhte cin bosdan najin hiyaya, unkan payalhtapi kin ihduksan najin hiyaye ʔa, pawalhte cin itokam makata eħpeiʔiyapi, ewicakiya.

8 Unkan cinye wicaye cin heciyapi, Ehanqon tawaunayayapi kta he? qa iš wowidake unyaduhapi kta he? Qa iyakapeya šice kidakapi, wihanmde ciqon oie ko heon.

9 Unkan ake wowihanmde tokeca wan ihanmde ʔa, ake cincu kin owicakiyaka. Ake wiwanmde ʔa inyun anpetu wi, hanyetu wi, qa wicanħpi ake wanji mitokam makata eħpeiʔiyapi, ewicakiya.

10 He atkuku cincu ko owicakiyaka; unkan atkuku he iyo-

pekiye ça, Wowihanmde wan iyahanmde cin de taku hwo? Miye qa nihun nicinye ko *owasin* nitokam makipusdiya ehpeunki-
ciyapi kta he? eciya.

11 Unkan cincu kin icekinpi, tuka atkuku kin wicoie kin he awakicin un.

12 Hehan cincu kin ateyapi tawanuyanpi kin wiñan wicakiyapi kta e Šekem ekta ipi.

13 Unkan Israel Josep heciya, Nicinye Šekem ekta wawiñan kiya unpi šni he? Iho wo hena ekta ye ciši kta ce. Unkan, Ho miye ce, eciya.

14 Unkan, Iho ekta de ça nicinye wanuyanpi ko zaniyan yakonpi hecinhan wanhdake ça, hoši makahdi wo, eciya. Unkan Hebron kaksiza kin etanhan iya-ye ça Šekem ekta i.

15 Qa tinta onuni; unkan wicašta wan wanyake ça, Den taku ayakita he? eya iwanga.

16 Unkan, Cinye wicawaye cin awicawakita ce. Ceciye tukten wiñan wicakiyapi kin omakiyaka wo, eya.

17 Unkan wicašta qon, Wanna detanhan iyayapi; Dotan ekta unyanpi kta ce, eyapi nawahon ce, eya. Unkan Josep cinye wicaye cin wicihakam ye ça Dotan en iyewicaya.

18 Unkan tehantanhan wanyakapi qa wicikiyedani u šni kin itokam, nahmana ŧe yapi kta awacinpi.

19 Qa otioyohi hunka wanjitzu kin hekiciyapi, Wanyakapo; wiñanmdesa kin de wanna u.

20 Ihopo dehan unktepi, qa makohdoka wan ohna ehpeunyanpi kte ça, Wamanica ocin šica wan he temya ce, unkeyapi kinhan, wiñanmde ciqon toketu kte cin wanunyakapi kta ce, *ekiciyapi*.

21 Ruben he nahon qa, napepi kin etanhan ehdaku kta e, Unktepi kte šni, eya.

22 Napepi kin etanhan ehdaku kte ça, atkuku kin en akiyahde kta e Ruben hewicakiya; Weyapi šnipo. Woña hewoskantuya wanke cin de ohna iyeyapo, tuka ninapepi on apapi šnipo.

23 Unkan kaketu, Josep iye cincu najinpi kin en hi qehan, taonhdohida yuśdokapi, onhdohida hanska un kin hee;

24 Qa Josep icupi, qa woña wan en iyohpeyapi, tuka woña kin takudan ohnaka šni, mini wanica.

25 Qa aguyapi yutapi kta e iyotankapi, qa pa yuwankan iki-kecupi qa, Išmayeli optaye wan Gileyad eciyatanhan u kin wawicayakapi, camo yuhapi kin taku waštemna canšin pejihuta koya qinpi, Egipta ekta kunyapi kta.

26 Unkan Juda hunka wanjin wicaye cin hewicakiya, De sunka unyanpi unktepi kinhan, we kin naunhmanpi ešta taku unkihdamnapi kta he?

27 Ihopo, Išmayeli kin dena en wiyopeunyanpi kte. De sunka unyanpi qa kici celipi unwanjipidan kin heon, nape on unkatapi kte šni, eya. Unkan hunka wanjin wicaye cin anakigoptanpi.

28 Hehan wicašta wopeton hecapi Midiani en hiyayapi. Unkan Josep yuzapi, qa woña qon etanhan yuwankan ehdakupi, qa mazaska wikcemna nonpa on Josep wiyopeyapi. Unkan Išmayeli kin Josep opetonpi, qa Egipta ekta ayapi.

29 Unkan Ruben woña qon ekta hi, unkan Josep en un šni, heon tawokoyake hdupota,

30 Qa hunka wanjitku kin en

wicahdi qa, Hoksídan kin tanin
 śni ce, miś toki imdamde kta
 hwo, ewicakiya.

31 Unkan Josep taonhdoḥda
 qon icupi qa tatokadan mdoka
 wan ktepi, qa we kin on opu-
 tkanpi.

32 Hehan tuwe onhdoḥda hań-
 ske cin ahde śipi qa ateyapi kin
 kahipi qa heciyapi; De iyeun-
 yanpi ce. Ito de nicinkśi on-
 hdoḥda tawa qa is tawa śni u-
 man tukte hecetu hecinhan iyu-
 kean wo.

33 Unkan iyekiye ɸa, Micinkśi
 taonhdoḥda qon dee. Wamani-
 ca śica wan he temya. Ehan-
 qon Josep wanna yapotapi ce,
 eya.

34 Unkan Jakob tawokoyake
 hdupote ɸa, waśihda qa anpetu
 ota cinhintku kin akiceya.

35 Unkan cinca wicaye cin
 owasin wica winyan ko magaga-
 ye wacinpi, tuka is magaga ya-
 pi cin śni, qa, Iyomakiśica ecen
 micinkśi en Hades ekta mde kta
 ce, eye ɸa cinhintku kin akice-
 ya.

36 Unkan Midiani kin Egipta
 en Josep wiyopeyapi; unkan
 Potipar Paro taakicita tancan
 opeton.

WICOWOYAKE 38.

1 Hena owasin hecetu, unkan
 Juda hunka wanjin wicaye cin
 etanhan apamahde ye ɸa, Adu-
 lami wicaśta wan Hira eciyapi
 ekta i;

2 Qa hen Juda Kanani wicaśta
 wan, Śuha eciyapi, he cunwin-
 tku wanyake ɸa yuze ɸa en i.

3 Unkan ihduśake ɸa cinca wan
 ton; unkan Er eya caś kton.

4 Unkan ake ihduśake ɸa, cin-
 ca wan ton qa, Onan eya caś ki-
 ton.

5 Qa ake cinca wan ton qa,

Śela eya caś kton. He ton kin
 ehan Kezib en un.

6 Unkan Juda iye cinhintku to-
 kapa kin Er, winohinca wan,
 Tamar eciyapi yus kiya.

7 Unkan Er Juda cinhintku to-
 kapa kin he śica e Jehowa wan-
 yake ɸa, Jehowa he te ya.

8 Hehan Juda Onan heciya,
 Nicinye tawicu qon ekta ye ɸa,
 he yuza wo. Hecen nicinye
 cinkśi ye kte cin yakage kta
 ce.

9 Unkan cinca kin he iye tawa
yawapi kte śni Onan sdonye, ɸa
 cincu cinca kicage kte śni e cin-
 cu tawicu qon en i eca, maka
 kin atpapon.

10 Unkan taku econ kin he śi-
 ca e Jehowa wanyake ɸa, he na-
 kun te ya.

11 Hehan Juda iye takosku kin
 Tamar heciya, Wiwazica niyate
 ti kin en yanka wo, micinkśi Śe-
 la tanka icage cin hebanyan.
 Okini is nakun cinye wicaye cin
 iyecen te kta kecin, heon *hecen*
 eya. Unkan Tamar kihde ɸa
 atkuku ti kin en yanka.

12 He iyohakam anpetu ota,
 qa Śuha cunwintku Juda tawicu
 kin wanna ɸa; unkan Juda wan-
 na magaga yapi, qa Timnat ekta
 tahin wanuyanpi tawa yuśda-
 pi kin ekta itawankanhde ya,
 iye takodaku Hira Adulami kin
 kicica.

13 Unkan Tamar heciyapi, Iho
 nitunkan tahin wanuyanpi tawa
 hduśda kta e Timnat ekta ita-
 wankanhde ya ce, eyapi.

14 Unkan Tamar iyoyakeca
 wokoyake hduśdoke ɸa, ite aha-
 ḥpe on aihdaḥpe ɸa, Timnat can-
 ku iyahde kin he icahda tanin-
 yan iyotanka; Śela wanna tan-
 ka, tuka qupi śni he wanyaka,
 heon hecon.

15 Juda he wanyaka ite aihda-

hpe cin heon winohinca wiho-
mni heca kecin ;

16 Qa canku kin etanhan ekta
i, qa takosku kin hee kin sdonye
śni heon, Tokin unwanken, eciya.
Unkan unwanke ça, taku maya-
qu kta he ? eya.

17 Unkan, Miś wanuyanpi kin
etanhan tatokadan cincadan wan
nicahipi waye kta, eya. Unkan,
Au wicayakiye cin itokam taku
mayagu kinhan, eya.

18 Unkan, He ciçu kta e sdon-
yaye kte cin on etanhan taku e
nakaha ciçu kta yacin he ? eya.
Unkan, Maza huhu duhe cin
ikan iyahna, qa nakun nitacan-
hipi ninape ohna duhe cin, eya.
Unkan hena qu qa, kici wan-
ka ; unkan iye etanhan ihduša-
ka.

19 Qa najin qa hde ça ite aka-
hpe hdušdoke ça ake wašihda.

20 Unkan Juda taku qu qon,
winohinca nape kin etanhan
ehdaku kta e, takodaku Adula-
mi kin tatokadan cincadan aye
ši, tuka iye winohinca qon iyeye
śni.

21 Qa wicašta heciya yakonpi
kin iwicawanga ; Witkowin can-
ku ohna taninyan iyotanke ci-
qon tukte e he ? eya. Unkan,
Tohini witkowin wan deciya
yanke śni, eyapi.

22 Unkan ihdamna, qa Juda
ekta i qa heciya ; Winohinca qon
iyewaye śni qa, nakun wicašta
heciya yakonpi kin, Witkowin
wanjidan tohini deciya un śni
ce, eyapi.

23 Unkan, Yuha un nunwe.
Tatokadan cincadan kin de aye
ciši tuka iyeyaye śni ; sanpa un-
kakite cinhan, okini wowihaha
unke kta, Juda eya.

24 Unkan hetanhan wi yamni
hehan, Nitakoś Tamar wawici-
haha econ, qa wanna wawiciha-

ha kin etanhan ihdušaka ce, Ju-
da eciyapi. Unkan, Tankan au-
po ; hulinage kta ce, eya.

25 He aupi kin icunhan tun-
kanku hecen wahoya, Tokin
maza huhu kin de. ikan iyahna,
qa canhipi kin-de, dena tuwe ta-
wa imiyecidukcan. Tuwe dena
tawa ye cin, wicašta kin he etan-
han ihdumašaka ce, eya.

26 Unkan Juda hena iyekiye
ça, Winohinca kin he ohan owo-
tanna miś hemacece śni ; he mi-
cinksi Śela waqu śni kin heon
etanhan, eye ça hetanhan ici-
mana winohinca qon sdonye śni.

27 Unkan wanna cinca ton kte
cehan, inyun tezi mahen cekpa
yukan.

28 Qa tonpi kin icunhan, wanji
nape kin qu ; unkan cinca ton-
kiye cin he nape kin icu, qa taku
duta iyakaške ça, De tokaheya
hinanpe kta ce, eya.

29 Unkan nape kin ehdaku,
hehan inyun cincu hiyu. Unkan
winohinca kin heya, Token pa-
yahdeca ; Opaħdeca kin de ani-
cipe nunwe, eye ça, Parez eya
caś ton.

30 Hehan sunkaku taku duta
nape kin akan yuhe cin he hiyu ;
unkan he Zara eya caś ton.

WICOWOYAKE 39.

1 Unkan İsmayeli kin Josep
Egupta ekta ayapi. Unkan Po-
tipar Egupton wicašta kin heca,
Paro taakicita tancan kin he
aupi kin Josep opewicakicaton.

2 Unkan Jehowa Josep kici un.
Unkan taku econ kin owasin
tanyan ihuni ye ça iye yuhe cin
Egupton ti kin en yanka.

3 Unkan Jehowa kici un, qa
taku nape econ kin owasin Je-
howa tanyan yuſtan kiye cin he
yuhc cin wanyaka.

4 Unkan Josep yuhe cin okiye ça iyokipi ya; unkan tiyohnaka tawa owasin awanyag ši, qa taku tawa owasin nape kin en qu.

5 Unkan tipi tawa, qa taku tawa owasin awanyag ši kin ehantanhan, Jehowa Josep on etanhan Egupton tiyohnaka kin yawašte, qa taku ti ohnaka, qa tamaga ekta wanke cin ko owasin, Jehowa yawašte kin akan un.

6 Hehan taku tawa owasin Josep nape kin en elipeye ça, is takudan awakicin šni, aguyapi hdute cin heceedan. Unkan Josep owanyag wašte, tancan ite ko wašte.

7 Hena owasin hecetu; unkan hehan yuhe cin tawicu kin Josep atonwe ça, Mici wanka ye, eya.

8 Tuka wicada šni qa yuhe cin tawicu kin heciya; Hiya, mayuhe cin taku tawa owasin minape kin en qu, qa taku tipi ohnaka kin mici un kin iye sdoneye šni.

9 De tipi kin ohna tuwedan iyamakapa šni; qa nihihna miye etanhan takudan tpatan šni, niš nana niyuze cin heon etanhan, qa token woalitani tanka kin de ecamon, qa Wakantanka en walitani kta he? eya.

10 Unkan winohinca qon anpetu owasin heciya, qa kitan hinca, tuka Josep anagoptan šni, kici iwanke šni qa ecaca kici un šni.

11 Unkan kaketu, anpetu wan Josep taku tokon kta e ti mahen i ehan, wicašta hen tipi kin tuwedan timahen un šni.

12 Unkan winohinca qon Josep tašina kin iyahpaye ça, Mici iwanka ye, eya; tuka šina kin winohinca nape kin etanhan elipeya našdog hdicu, qa tankan iyaya.

13 Unkan nape kin etanhan šina elipeya tankan našdog hdicu kin he winyan kin wanyake ça,

14 Hehan wicašta tona ti kin ohna tipi kin hena wicakipan, qa hewicakiya, Wanyakape, Heberi wicašta wan den unkahdipi, unkan wištenunyanpi cin. Manke cin en mahi qa mici wanke kte hinca, tuka ho tankakiya nina wašicahowamda.

15 Nina ho tankakiya wašicahowamde cin he nañon, qa wapap qehan, mitankiyedan šina elipeya našdog tankan iyaya ce, eya.

16 Qa yuhe cin hdi kte cin hehanyan šina qon, itankiyedan ehnaka.

17 Qa eye ciqon owasin ake ecen okiyaka, Heberi hokšidan unyakahdipi kin he imaha kta e mikiyadan u.

18 Qa ho tankakiya wašicahowamde çehan mitankiyedan šina elipeya našdog tankan iyaya ce, eya.

19 Unkan yuhe cin he tawicu oie kin, Hokšidan nitawa kin hecen ecamicon, eciye cin he nañon hehan cantiyahdeya.

20 Qa yuhe cin Josep icu, qa wicašta yatapi tona kaška wicahnake cin tipi wan en kaška wicahnakapi kin he en Josep kaška ehnaka. Unkan wicakaška tipi kin en yanka.

21 Unkan Jehowa Josep kici un qa, towaonšida kin hiyohiya qa wicakaška tipi kin itancan kin he Josep wacin en yus kiya.

22 Unkan wicakaška tipi itancan kin, tona wicakaška tipi kin en kaška wicahnakapi kin owasin, Josep nape kin en qu. Unkan taku hen econpi kin owasin Josep econ wicakiya.

23 Hecen Jehowa Josep kici

un, qa taku econ kin owasin tanyan yuſtan kiya; heon wicakaſka tipi itancan kin, taku Josep nape en yuhe cin hena takudan awanhdake ſni.

WICOWOYAKE 40.

1 Hena owasin hecetu, unkan hehan Egipta wicaſta yatapi tawayatkekiye tawohekiye ko, wicayuhe cin Egipta wicaſta yatapi kin en wahtanipi.

2 Hecen Paro akicita nom wicayuhe cin canniye wicaya, wayatkekiyapi tancan, qa wohekiyapi tancan kin henioza.

3 Qa akicita tancan tipi tawa wicakaſka tipi kin tukten Josep kaſka hnakapi yanke cin he en awanyag wicakiyapi kta e ewicahnaka.

4 Unkan akicita tancan kin he Josep hena awanwicayag kiya, unkan owicakiya. Unkan anpetu ota kaſka hnakapi ecen yukanpi.

5 Hehan Egipta wicaſta yatapi tawayatkekiye, tawohekiye ko, wicakaſka tipi kin ohna kaſka wicahnakapi, hanyetu wanjidan en kinukan wowihanmde ihanmnapi, otoiyoſi wihanmnapi kin iyukecanpi kin iyecen.

6 Hehan ihanhanna Josep en wicahi qa iyokiſicapi kin wanwicayaka.

7 Qa Paro taakicita wicakaſka *tipi* kin, iye yuhe cin tipi tawa kin he en iye kici unpi wiwicawanga; Tokeca nakaha ite iyoyag dukanpi he? eya.

8 Unkan wowihanmde wiunhanmnapi, tuka tuwe iyukecan kte cin den wanica ce, eciyapi. Unkan wiyukecan kin Wakan-tanka hee ſni he? Wiyahanmnapi kin omakiyakapo, Josep ewicakiya.

9 Hehan wayatkekiyapi tancan kin wihanmde ciqon ohdaka qa, Wiwahanmde cin en hastanhanka iyuwi wan mitokam han.

10 Qa adetka yamni wiyuwi aicage a ape waſca ko icaſi ye, qa iyage hastanhanka suton yapi.

11 Hehan Paro wiyatke tawa kin minape ohna mduha, qa hastanhanka kin iwacu, qa Paro wiyatke tawa kin ohna mduſkice a Paro nape kin en wiyatke kin ewehde, eya.

12 Unkan Josep heciya, Wiwahanmde cin he kaken ka. Adetka yamni qon anpetu yamni ee.

13 Ehake yamni can Paro nipa kin yuwankan inicu kte a nanke ciqon ake en anihde kta; unkan tokaheya wayatkeyakiye ciqon wicohan kin ake ecen eanon kta, Paro nape kin en tawiyatke kin yaqu kta.

14 Hena hecetu kinhan miksuya wo. Tokin tanyan yaun kinhan wowaſte ecamiyecon, Paro en aje mayadaten qa tipi kin de etanhan hinanpe mayayen.

15 Awicakehan Heberi tamakocepi kin etanhan mamononpi, qa deciya takudan ecamon ſni on makohdoka kin den emahnakapi kta, eya.

16 Hehan wohekiyapi tancan kin wiyukecan waſte e wanyake a Josep heciya; Miſ nakun wiwahanmde a inyun, aguyapi makanopiye yamni mapa kin akan.

17 Qa makanopiye akantu kin ohna Paro tawoyute oaje owasin wohekiyapi kage cin. Unkan zitkadan hena temyapi, makanopiye mapa kin iwankam un kin hetanhan.

18 Unkan Josep ayupta; He kaken ka. Makanopiye yamni kin anpetu yamni eepi.

19 Ehake yamni can Paro pa kin yuwankan inicu qa, can akan otké niye kta; hehan zikadan nicełpi kin etanhan yutapi kta.

20 Unkan iyamni can, anpetu en Paro tonpi kin he *kiksuyapi* kta e wowidag wicaye cin owasin wowicakihe, a wayatkekiyapi tancan wobekiyapi tancan henioza wowidake wicaye cin wicehna hđinanpe wicaya.

21 Qa wayatkekiyapi tancan kin wayatke wicakiye ciqon wicoħan ake hecon ři; unkan wiyatke kin Paro nape kin en qu.

22 Tuka wohekiyapi tancan kin otké ya, Josep iwicakiciyukean qon iyecen.

23 Unkan wayatkekiyapi tancan kin Josep kiksuye řni, tuka akiktonja.

WICOWOYAKE 41.

1 Hehan tanhan waniyetu nonpa hehan Paro wihanmna. Unkan iho wakpa kahda inajin.

2 Qa inyun wakpa kin etanhan, pte řakowin owanyag wařte qa cepa heca hinanpapi, qa tinta en wiħanpi.

3 Qa hena iħektapa tanhan pte tokeca řakowin owanyag řica qa tamaheca hecapi, wakpa etanhan hinanpapi, qa pte umanpi qon ehna wakpicaħda najinpi.

4 Qa pte owanyag řica tamaheca hena pte owanyag wařte cepapi řakowin qon temwicayapi. Unkan Paro kikta.

5 Ake řřtima qa inonpa wihanmna. Unkan inyun wamnaheza hu wanjidan wahuwapa řakowin suton, qa wařteřte aicaga.

6 Qa hena iyohakam wahuwapa tokeca řakowin hinanpa, tuka řiksřica qa wiyohiyanpa tanhan tate on řnija.

7 Qa wahuwapa conica ton řni kin wahuwapa suton qa ojugjudan qon owasin temya. Paro hecen wihanmde a hehan kikta.

8 Unkan iħanħanna qehan Paro nagi kin iyokiřice a, Egup-ton en pejihuta wicařta qa wicařta ksapapi kin owasin wicakico, qa wihanmde ciqon Paro owasin owicakiyaka; tuka tuwedan yukean okiħi řni.

9 Hehan Paro wayatkekiyapi tancan kin ie a, Anpe dehan wawaħtani kin weksuya ce.

10 Paro taokiye kin canniye wicaye a, akicita tancan řipi kin en kařka mahnaka, miye qa wohekiyapi tancan kin he nakun.

11 Unkan hanyetu wanjidan en wiunhanmnapi, miye iye kici kinukan, wihanmnapi iyukeanpi kin iyecen wiunhanmnapi.

12 Unkan hen unkicipi kořka wan Heberi kin heca, akicita tancan tahokřidan kin he wiunhanmnapi kin unkokiyakapi, unkan iye hena iyukean otoiyohi wiunhanmnapi kin iyecen unki-ci-yukeanpi.

13 Unkan unki-ci-yukeanpi kin ecetu; miye ake wiyatke yuhe makiye a uman kin otké ya.

14 Hehan Paro Josep huwe ye wicaři, unkan wicakařka řipi kin etanhan kiyuřkapi, hehan putin ĥin hđasan, qa wokoyake tokeca kiun qa Paro yanke cin en ĥi.

15 Unkan Paro Josep heciya, Wowihanmde wan iwahanmna, unkan he yukean kta okiħi tuwedan iyewaye řni, tuka wihanmnapi niř nayaħon unkan idukean oyakiħi keyapi nawaħon.

16 Unkan Josep ayupte a, Miye ee řni, Wakantanka eqe toketu kin tanyan oniciyake kta ce, eciya.

17 Unkan Paro ie ça, Wiwanmde ça watpa hutata kin nawajin;

18 Qa inyun wakpa kin etanhan, pte šakowin cepa, owanyag wašte hinanpapi, qa tinta kin en wihanpi.

19 Unkan hena iyohakam pte tokeca šakowin tamaheca, owanyag šiksica hinanpapi; tamahenheca šica hena iyececa, Egipta makoce kin en tohini wanmdake šni.

20 Qa pte tamahenheca šice cin pte šakowin cepa tokaheya qon temwicayapi.

21 Unkan tan mahen iyayapi kin hehan, tan mahen iyayapi kin sdonye pica šni; otokahe ekta šiksica taninpi qon nahahin hececapi. Unkan hehan wekta.

22 Qa ake wiwanmde ça inyun wannahaheza hu wanjidan wahuwapa šakowin hanskaska waštešte aicage cin wanmdaka.

23 Hehan ake wahuwapa šakowin cikeistina, wiyohiyanpata tateyanpa kin on šnijapi, qa co wanica hinanpapi.

24 Qa wahuwapa cikeistina wahuwapa šakowin waštešte qon owasin temyapi. Unkan wicašta wiyukean heca owicawakimdaka, tuka miciyukeanpi šni.

25 Hehan Josep Paro heciya, Paro wihanmde cin hena okonwanjidan, Wakantanka token econ kte cin he Paro okiyaka.

26 Pte šakowin wašte qon, hena waniyetu šakowin ee; qa wahuwapa šakowin waštešte qon, hena nakun waniyetu šakowin ee, wowihanmde kin hena wanjidan.

27 Qa pte šakowin tamaheca, qa šice cin umanpi kin iyohakam hinanpapi kin, hena waniyetu šakowin ee, qa wahuwapa šako-

win cikeistina wiyohiyanpata tateyanpa kin on šnija kin hena nakun, waniyetu šakowin wicaakihan kte cin hee.

28 Paro taku ewakiye cin he dee. Wakantanka taku econ kte cin he Paro wanyag kiya.

29 Hecetu kta, tokata waniyetu šakowin hehayan, Egipta makoce kin owancaya taku owasin iyakičuya icage kta.

30 Qa hena iyohakam waniyetu šakowin wicaakihan kta, qa Egipta makoce kin en taku iyakičuya icage kte ciqon akiktunjapi kte ça, wicaakihan kte cin makoce kin awihnuni kta.

31 Unkan hehan wicaakihan kte cin iyotan tehike kte cin makoce kin en, heon wipipi qon sdonyapi kte šni.

32 Qa wicoie kin de Wakantanka yuecetu kte ça, wanna kohanna Wakantanka econ kta, heon Paro nonpa akihde wihanmna.

33 Qa wanna Paro wicašta wan ksape ça wayupika akite ça, Egipta makoce kin yuhe kiya nunwe.

34 Qa Paro akicita wicakage ça makoce kin en wicahdusuta kte; unkan waniyetu šakowin wipipi kta hena icunhan, taku makoce aicage kte cin owasin izaptanptan icupi nunwe.

35 Hecen waniyetu šakowin waštešte kte cin hena icunhan, woyute ocaje owasin kamnapi kte, Paro nape kin ihukuya, tonwanyanpi kin en aguyapi pahipi kte cin he woyute awanyakapi nunwe.

36 Qa waniyetu šakowin wicaakihan kte cin Egipta makoce kin en hena on, taku yutapi kihnakapi kinhan, makoce kin wicaakihan kte cin on awihnuni kte šni, eya.

37 Unkan Paro ookiye wicaye cin ko wicoie kin he wašte dakapi.

38 Hehan Paro iye taokiye kin hewicakiya; Wicašta wan Wakantanka taniya en un kin de iyececa iyeunyanpi pica he?

39 Qa Paro Josep heciya, Wakantanka de owasin sdoney nicie cin, niš nana widukcan qa yaksapa, tuwedan iyenicece šni.

40 Niš wati kin awanmiyecidake kta, qa oyate mitawa owasin oie ananigoptanpi kta. Oiyotanke kin en hecedan iciwan kam waun kta.

41 Qa wanyaka wo, Egipta makoce kin owasin yuhe ciciya ce, eya.

42 Hehan Paro maza napcupe hdušdoke ça Josep nape kin ohna iyeye ça, minihuha ska wašte koyag ye ça, mazaskazi wanapin wan napin kiya.

43 Qa canpahmihma yuhe cin etanhan canpahmihma inonpa kin he ohna iyotang ye ça, Ito kam canpeška makehde inajinpo, ieyanpaha eyapi, qa Egipta makoce kin owasin yuhe kiyapi.

44 Qa Paro Josep heciya, Paro miye ce. Oyate kin tuwedan iye cinka takudan econ kte šni. Niš nana token econ wicayaši kin hecetu kta ce.

45 Qa Paro Josep, Wicoicage nikiye cin, eya caš ton, qa On *otonwe* kin en wošnapi kage cin, Potipera he cunwintku Asenat tawicu kta e qu. Unkan Josep Egipta makoce kin ehna iyaya.

46 Josep, Egipton wicašta yatapi Paro itokam najin qehan, wanna waniyetu wikcemna yamni qa, hehan Josep Paro itokapa tanhan inanpe ça Egipta makoce kin owancaya iyoptapta iyaya.

47 Unkan waniyetu wipipi kin hena icunhan, makoce kin napohnahnaka icaš ya.

48 Qa waniyetu šakowin Egipta makoce kin en, taku yutapi owasin pahipi, qa tonwanyanpi kin en kibnakapi; otonwe otioyohi ohna maga ihdukšan un kin etanhan woyute otonwe kin en kihnakapi.

49 Qa Josep, miniwanca kahdaya wiyaka wanke cin iyecen, aguyapi ota linca pahi, yawapica šni nakaes yawapi kte cin ayaštanpi.

50 Unkan Josep cinca wica nonpa kicitonpi, waniyetu wicaakihan kin itokam, Asenat Potipera On en wošnapi kage cin he cunwintku kin hena Josep kici ton.

51 Iyomakišice ciqon owasin, qa ate ti kin owasin Wakantanka akiktunš mayan, eye ça tokapa kin Manaše eya caš kition.

52 Qa, Makoce en kakiš mayanpi qon, he en Wakantanka taku icaš mayan, eye ça iyokihe Epraim eya caš kition.

53 Unkan waniyetu šakowin wipipi kin Egipta makoce kin en wanna henakeca.

54 Qa waniyetu šakowin wicaakihan kte cin wanna en au, Josep eye ciqon hecetu. Unkan makoce owasin en wicaakihan, tuka Egipta makoce kin en owancaya aguyapi yukan.

55 Unkan Egipta makoce kin owancaya akihanpi kte cehan, oyate kin aguyapi on Paro hoyekiyapi. Unkan, Josep ekta yapi qa, token econ nišipi kin ecen econpo, Paro Egipton owasin ewicakiya.

56 Wanna maka ohnaka owancaya wicaakihan, hehan Josep aguyapi opiye kin owasin hdu-

hdoke ça, Egupton taku yutapi wicaqu; Egupta makoce kin en wicaakihan tehika aye nakaś.

57 Unkan maka owancaya etanhan, Egupta ekta Josep en taku yutapi opeton hipi, maka kin owancaya nina wicaakihan ece.

WICOWOYAKE 42.

1 Hehan Egupta makoce kin en aguyapi yuke cin Jakob wan-yake ça cinkśi wicaye cin he-wicakiya, Tokeca ecin opakici-hita dukanpi he?

2 Ihopo Egupta heciya aguya-pi yukan *keyapi* nawahon. Ecin kutkiya ekta yapi qa heciya tanhan woyute opeunkicatonpo, kinhan unnipi qa untapi kte śni ce, eya.

3 Unkan Josep cinye wicaye cin wikcemna qon aguyapi ope-tonpi kta e Egupta *makoce kin* ekta kutkiya ipi.

4 Tuka Benjamin Josep sun-kaku kin ope śni, Okini taku śica akiye kta naceca, Jakob eye ça hecen ye śi śni.

5 Unkan Kanan makoce kin en wicaakihan, heon uman hipi kin om, Israel cinkśi wicaye cin woyute opeton hipi.

6 Wanna makoce kin en Josep itancanyan un, qa makoce kin ohna oyate hiyeye cin owasin taku yutapi wicaqu kin Josep hee. Unkan cincu qon en hipi, qa itokam ite makipusdiya ma-kata ehpeiciyapi.

7 Unkan Josep wanwicayake ça cincu iyewicakiya, tuka wici-tokam ihdutokeca, qa icanksiya owawicakiya qa, Tokiyatanhan yaupi he? eya iwicawanga. Unkan Kanan makoce kin etanhan taku yutapi opeton unhipi ce, eyapi.

8 Hecen Josep ege cincu kin

iyewicakiya, tuka iye Josep iye-kiyapi śni.

9 Hehan Josep wowihanmde ihanmde ciqon kiksuye ça, Ma-koce iwanyakapi kin henicapi, qa makoce wanna śdayehna wanke cin he iwanyag yahipi ce, ewicakiya.

10 Unkan, Hiya itancan hece-tu śni. Hoksīdan nitawa woyu-te opeton unhipi.

11 Wicaśta wanijidan owasin cinkśi unyanpi. Unkiye iewi-caunkapi; hoksīdan nitawa kin makoce iwanyakapi kin heunca-pi śni ce, eciyapi.

12 Unkan, Hiya makoce śda-yehna wanke cin he iwanyag yahipi ce, ewicakiya.

13 Unkan, Hoksīdan nitawa hunka wanjin unkiciyapi ake un-nonpapi; Kanan makoce kin en wicaśta wanjidan ate unyanpi, qa hakakta kin he anpe dehan ate unyanpi kin kici yanka, qa wanjidan tanin śni, eyapi.

14 Unkan, Makoce iwanyakapi kin henicapi; eya eciciyapi qon he hecetu ce.

15 Deciya tanhan niyukcanpi kta. Paro ni un kin nisunkapi cistinna kin he hi śni kinhan detanhan tokidan dapi kte śni.

16 Ihopo, niyepi kin wanjidan sunka yayapi kin hduwe ye śipo, qa nioiepi kin yahduwicakapi kin hehanyan kaśka dukanpi kta. Hecen niyukcanpi kta, hecetu śni kinhan, Paro ni un kin makoce iwanyakapi kin he-nicapi kta, Josep ewicakiya.

17 Qa iyamni can hehanyan witaya onatag wicahnaka.

18 Anpetu iciyamni hehan Jo-sep hewicakiya, Wakantanka kowakipa ce. Kaken e econpo qa ni unpo.

19 Wicayakapi kinhan, hunka wanjin yayapi kin wanjidan ka-

ška yanke kta, tipi kin de onatag nihnakapi kin he en, qa niye umanpi kin ihopo, tiyohnaka nitawapi kin wicaakiñan kin on woyute akiyahdapo.

20 Qa sunka yayapi cistina kin he miye en makaupo, hecen nioie yahduwicakapi kinhan nitapi kte śni. Unkan ecen econpi.

21 Qa iyakitedan hekiciyapi, Ehanqon waunñtanipi. Sunka unyanpi wacin iyokiñin wanunyakapi qa ceunkiyapi, tuka anaungoptanpi śni, heon wocante śice cin de unhiyahdepi ce, eyapi.

22 Unkan Ruben ayupte ça, Hoksídan kin en wañtanipi śni-po eciciyapi śni he? tuka anamayagoptanpi śni; unkan ecin iye we kin wanna wiunwanga-pi kin he dee ce, eya.

23 Unkan Josep he nañon sdonyapi śni. Taku ewicakiya eca wicaśta wan ie ska kiya ece nakaeś.

24 Tuka Josep wicitokapa tanhan toki ye ça ceya. Hehan icicawin en wicahdi qa, taku ewicakiye ça, hehan umanpi kin etanhan Śimeyon icu qa, istapi kin wicitokam pakihñta.

25 Hehan Josep wujuha tawapi kin aguyapi on ojuwicakiñ-tonpi kta, qa mazaska tawapi otoiyohi wojutonpi kin en owicakicihñnakapi kta; waneya nakun wicaqupi kta, keya. Unkan hecen ecawicakicon.

26 Unkan śuktanka śonśonna kin taku yutapi qin wicakiyapi qa hdapi.

27 Qa tukten kiwankapi kin, wanji taśunke śonśonna wo qu kta e wojutonpi kin hduhdoka; unkan inyun wojutonpi i kin en tamazaska kin yanka.

28 Unkan hunka wanjin wica-

ye cin hewicakiya, Mazaska mduhe ciqon ake micupi. Wan-yakapo, wojutonpi mitawa kin en ohñnakapi ce. Unkan owasin icanwankapi qa ikopapi qa, De taku Wakantanka ecaunkiconpi hwo, ekiciyapi.

29 Qa Kanan makoce kin ekta ateyapi Jakob en hdipi, qa to-ken akipapi qon owasin okiya-kapi.

30 Makoce yuhe cin he ihnuhana icanksiya taku unkekiciya-pi, qa makoce kin iwanyag un-kiyi iyecen ecaunkiconpi.

31 Tuka, Oñan unkowotanpi qa makoce iwanyakapi kin heuncapi śni;

32 Hunka wanjin unkiciyapi ake unnonpapi hena owasin ate unwanjipidan, wanjidan tanin śni, qa hakakta kin he anpe dehan Kanan makoce kin en ate unyanpi kici yanka ce, unkekiyapi.

33 Unkan, Oñan oniwootanpi-dan kinhan, detanhan sdonwaye kta ce. Hunka wanjin yayapi kin wanjidan den mici yanke kta, qa yatipi kin en wicaakiñan kin on, woyute icupi qa ekta hda-po.

34 Qa sunka yayapi hakakta kin he makaupo. Kinhan makoce iwanyakapi kin henicapi śni, qa oñan oniwootanpidan kin sdonwaye kta ce, qa hehan, hunka wanjin yayapi kin de ciçupi kta; kinhan makoce kin den wopeyatnpi kta ce, makoce yuhe cin unkekiciyapi ce, eyapi.

35 Hehan wojutonpi kin tokokadapi; unkan inyun mazaska apañtapi qon, owasin wojutonpi kin en yanka. Owasin ateyapi kin kici mazaska apañtapi qon wanhdakapi, qa inihanpi.

36 Hehan Jakob ate yapi kin hewicakiya; Miye micinca ma-

yakipi, Josep tanin šni, qa Šimeyon tanin šni, qa Benjamin iyacupi kta; hena owasin iyokišin mayanpi.

37 Unkan Ruben he atkuku kin heciya, He minape kin en maqu wo. Miš niye en awahdi kta ce. He niye en awahdi šni kinhan, micinca nom kaťa iye-wicaya wo, eya.

38 Tuka, Micinksi kin *de* nicipi ye kte šni ce. Cincu wanna te ca is nana okaptapi, qa canku ohna dapi kin he tahepi Benjamin taku šice cin akipe cinhan, mapa ska kin Hades ekta iyokišin yemayayapi kta ce, eya.

WICOWOYAKE 43.

1 Wanna makoce kin en wicaakilian tehika aya.

2 Unkan aguyapi Egipta etanhan ahdiqi qon temyapi, hehan ateyapi kin hewicakiya, Ake ekta yapi qa taku yutapi onge opeunkicitonpo.

3 Unkan Juda ayupte ca, Wicašta qon, Nisunka nicipi *hi* šni kinhan miite kin wanmayadakapi kte šni ce, nina kitanyan unkekiciyapi.

4 Hecen niš sunka unyanpi kin unkicipi ye yaši kinhan kun unyanpi, qa woyute opeunnicitonpi kta.

5 Tuka, niš ye yaši kte cin ta-watenya ye šni kinhan, kun unyanpi kte šni. Nisunkapi kin ope šni kinhan, miite kin wandakapi kte šni ce, wicašta kin unkekiciyapi ce, eya.

6 Unkan, Tokeca nisunka wanji yuke cin, wicašta kin oyakidakapi qa šicaya ecamiyeconpi he? Israel eya.

7 Unkan, Wicašta kin atayedan wicowazipi kin unkiwangapi, qa heya, Niyatepi kin naha-

kin ni he? Nisunka wanji yukan he? Unkan owasin wicoie kin hena ecen unkokiyakapi. Ecin token on, Nisunkapi kin makaupo, eye kte cin sdonunyanpi kta he? eyapi.

8 Qa, Koška kin mici ye ši wo, kinhan naunjinpi qa unyanpi kta; hecen unnipi kta, unkiye niye unkiincapi ko owasin untaqi kte šni.

9 Miš he awanmdake ca minape kin etanhan mayakida kta. Niye en cicicahdi šni, qa nito-kam ewehde šni kinhan, anpetu owasin, Niye en wawalitani *kekikiyapi* kta.

10 Ye unkapinpi šni unkanš, wanna dehan inonpa unhdipi kta tuka ce; Juda atkuku Israel eciya.

11 Unkan, Hecetu hecinhan kaken e econpo. Makoce kin de waskuyeca tukte iyotan wašte kin wojuha duhapi kin ohna yuha yapo, canšin onge, qa hastanhanka hanpi tiktica onge, qa taku waštemna, qa pejihuta yatan, hma qa uma, henakiya wicašta kin yaqupi kta.

12 Mazaska nakun oiyoapeye nom, nape kin ohna icupo, mazaska wojutonpi ohna yahdohdipi qon he koya, nape ohna adapi kta, he wanun econpi naceca.

13 Nisunkapi kin nakun icupi, qa najinpi qa wicašta qon ekta ake yapo.

14 Qa wicašta kin cante nicipi qa hunka wanjin yayapi kin, uman kin he ku ši kte, Benjamin koya, Taku wakan Otancanke ionšinidapi kte. Miš micinca makipi kinhan hecen makipi kta, ateyapi Israel ewicakiya.

15 Hecen wicašta kin taku ikce qupi kte cin he icupi, qa mazaska nape ohna icupi, qa

Benjamin kici inajinpi, qa Egu-
pta ekta kun yapi qa Josep ito-
kam inajinpi.

16 Unkan Josep wanwicayaka,
Benjamin kici, qa taokiye wan
tipi awanyake cin he heciya;
Wicašta kin dena tin awicaye
ça, wanuyanpi wan pata, qa şpan-
yan wo. Wiyotanhan hehan
wicašta kin dena om wawate
kta ce.

17 Unkan wicašta kin token
Josep eye cin owasin ecen econ,
qa Josep ti kin ti mahen u wicaşı.

18 Unkan Josep ti kin ti mahen
awicaipi kin heon wicašta kin
kokipapi qa, Mazaska tokaheya
wojutonpi unkitawapi kin ohna
unhdohdapi qon, heon anauntan-
pi, qa taku iyaunkonpapi kta e
unkicopi, qa wayaka unyuzapi
kta unkiye şuktanka şonşonna
unhapi koya, eyapi.

19 Qa Josep ti kin awanyake
cin he en ikiyedana hinajinpi, qa
tipi tiyopa kin en okiyapi.

20 Qa, Itancan otokahe ekta
taku yutapi opeuntonpi kta e
kun unhipi.

21 Qa owanka qon, en unki-
wankapi, qa wojutonpi unhdu-
lidokapi, unkan mazaska unka-
hipi qon otoiyohi wojutonpi un-
kitawapi i kin ohna yanka, ma-
zaska aspeunkiye unkitonpi qon
he iyececa, he owasin nape ohna
unnicecahi.

22 Qa mazaska tokeca on ta-
ku yutapi opeuntonpi kta e nape
ohna yuha unhipi. Tuwe maza-
ska unkahipi qon, unkitawojut-
onpi kin ohna iyohpeye cin
sdonunyanpi şni ce, eyapi.

23 Unkan, Tanyan yaunpi kta
ce. Wikopapi şni po. Taku
wakan yadapi kin niyatepi ta
Wakantankapi kin hee wojuton-
pi nitawapi kin ohna woyuha
niçupi. Mazaska nitawapi qon

miye en makahipi, eye ça hehan
Şimeyon wicitokam hinanpe ya.

24 Qa Josep ti kin ti mahen u
wicaşı, qa mini wicaqu; unkan
siha hdujajapi, qa şuktanka şon-
şonna tawapi kin nakun taku
yutapi wicaqu.

25 Unkan, Hen aguyapi yutapi
kta keya nalionpi, heon wiyot-
tanhan hehan Josep hdi kte cin
he itokam taku ikce qupi kte
cin owasin wiyeya ehnapapi.

26 Unkan Josep tiyata hdi
hehan taku ikce qupi kte cin,
nape ohna Josep en ti mahen
aupi, qa itokam makipusdiya
elipeiciyapi.

27 Unkan, tanyan unpi hecin-
han iwicawange ça, Niyatepi kin
wicahinca cajetatapi qon naha-
lin ni he? tanyan un he? eya.

28 Unkan, Nitaokiye ate un-
yanpi kin he nahaşin ni, qa tan-
yan un ce, eyapi qa patujapi qa
makata elipeiciyapi.

29 Unkan Josep en etonwe ça,
sunkaku Benjamin kici hunku
wanjidan kin he wanhdake ça,
Sunkayayapi cistina miye en
cajetatapi qon he dee he? eye
ça, Micinkşı Wakantanka cant-
onihna ke kte, eya.

30 Qa sunkaku kin en cante
kin şkanşkan he cin heon Josep
inaşniyan tukten ceye kta akite
ça wankan tipi ekta i, qa ceya.

31 Hehan ite kin hdujaja qa
hdinanpe ça ihduhe ça, Aguyapi
ehnapapo, eya.

32 Unkan aiyog Josep qupi, qa
hunka wanjitku kin is aiyog wi-
caqupi, qa Egupton tona hen
wotapi kin aiyog wicaqupi; E-
gupton Heberi om aguyapi yu-
tapi okihipi şni nakaes, heconpi
kinhan iştan içiyapi kta.

33 Unkan Josep itokam iyo-
tankapi, tokapa kin watokapa
kin iyecen, qa hakakta kin ci-

stina un kin iyecen, qa wicašta qon iyakitedan yušinyayapi.

34 Taku yutapi iyacinpi otoiyohi wicaqu, tuka Benjamin taku tawa tanka umanpi taku tawapi zaptan akihde heon. Unkan kici yatkanpi, qa iyuškinpi.

WICOWOYAKE 44.

1 Unkan Josep tuwe tipi tawa awanyake cin heciya, Wicašta kin wojuha yuhapi kin en taku yutapi oju wo; tohan qin okihi-pi kin hehanyan, qa mazaska aupi kin owasin otoiyohi tawojutonpi i kin ohna ehnaka wo.

2 Qa hakakta kin tawojutonpi i kin ohna mazaska wakšica mitawa kin he oyahnake kta, mazaska woyute iyopeye ahi kin he iyahna. Unkan token Josep eciye cin, ecen econ.

3 Anpao hehan hde wicašipi, wicašta tašunke šonšonna koya.

4 Wanna otonwe kin etanhan kinanpapi kitanna tehan *hdapi*, hehan Josep wicašta tipi tawa awanyake cin heciya; Najin qa wicašta qon tawicapa wo, qa wicayehdege cinhan, He tokeca tanyan ecaniconpi kin itkom šicaya ecanonpi?

5 Mayuhe cin taku ohna watatke ça on ayate cin dee šni he? Taku ecanonpi kin he šica, ewicakiya wo.

6 Unkan ewicakihdege ça wicoie kin hena ewicakiya.

7 Unkan, Itancan tokeca e hecen eha he? Hoksídan nitawa token heconkupi kta he?

8 Mazaska wojutonpi i kin ohna iyeunyanpi qon he ake, Kanan makoce kin etanhan unniciahipi kin sdonyaya. Hehan ecin token on etanhan niyuhe cin ti kin etanhan mazaska qa iš mazaskazi maunnonpi kta he?

9 Hoksídan nitawa uman tukte kašta he yuha iyeyaye cinhan te kta, qa unkiye owasin wowindag unyayapi kte, eyapi.

10 Unkan, Wanna token ehapi kin hecetu kte. Tuwe he yuha iyewakiye cinhan wowidake waye kta, tuka umanpi kin iyaonpepicašni yaunpi kta, eya.

11 Unkan owasin inalniyan wojutonpi kin makata pahpapi qa, otoiyohi wojutonpi hdulidokapi.

12 Unkan tokapa kin tawojutonpi kin en tokaheya akite ça hakakta kin ecen owecinhan yušan. Qa Benjamin tawojutonpi kin ohna wakšica kin iyeya.

13 Unkan wokoyake kin hduptapi qa owasin šuktanka šonšonna qin wicakiyapi, qa icicawin otonwe kin ekta ipi.

14 Hehan Juda, hunka wanjin wicaye cin om, Josep ti kin en ipi. Unkan iye nahalin hen yanka, qa he itokam owasin makata elpeiciyapi.

15 Unkan wocon kin de taku ecanonpi hwo? Wicašta tuwe hemacece cinhan ayate cin okihi sdonyayapi šni he? Josep ewicakiya.

16 Unkan Juda heya, Mayuha token unkaniyuptapi kta he? Taku unkeyapi kta, qa tokiya tanhan unhducetupi kta he? Waunhtanipi qon wanna Wakantanka iyeunyanpi. Iho, Itancan wayaka unyaduhapi, wakšica kin yuha iyeyapi qon qa unkiye-pi owasin nakun, eya.

17 Unkan, Hecamon kte cin Wakantanka iyomaki šni nunwe. Wiyatke yuha iyeyapi qon wicašta kin he, hecedan wowindag waye kta; tuka niyepi wookiye on niyatepi kin ekta hdapo, Josep eya.

18 Unkan Juda ikiyedana hina-

jin qa heya, Itancan ceciya ce, hoksidan nitawa canniye maye sni wo. Mayuhe cin Paro iye-niceca. Tokin hoksidan nitawa taku epe cin nayahon.

19 Mayuhe cin hoksidan nitawa wiwicanonga; Niyatepi yuke ca nisunkapi yukan he? ehe cigon.

20 Unkan itancan hecen unkeniciyapi; Han ate unyanpi kin wanna wicahinca, qa cinhintku cistina kin wicahinca ehan tonpi kin he kici yanka, qa cincu kici hunku wanjidan qon he ta, hecen isnana okaptapi, unkan atkuku cantekiya ce, unkeyapi.

21 Unkan, Nisunkapi kin makaupo, wanmdake kta ce, hoksidan nitawa kin ewicayakiye cigon.

22 Unkan, Itancan hoksidan kin atkuku kin ehpeye kte cin okitpani, he atkuku ehpeya u kinhan, atkuku kin te kta ce, unkeniciyapi qon.

23 Unkan, Nisunkapi cistina kin he kici kun yaupi sni kinhan, ake miite kin icimana wandakapi kte sni, hoksidan nitawa unkeyakiyapi.

24 Unkan hoksidan nitawa kin ate unyanpi kin ekta itawankanhde unhdapi, qa he en token iyae cin owasin unkokiyakapi.

25 Unkan, Ake ekta yapi, qa woyute onge opeunkicatopu, ate unyanpi kin eya.

26 Unkan, Sunka unyanpi cistina kin de ope cinhan unyanpi kta ce; tuka iye ope sni kinhan apamahde unyanpi kte cin unkokitpanipi. Sunka unyanpi hakakta kin kici unyanpi sni kinhan, wicašta qon itohnake kin wanunyakapi kte sni ce, unkeyapi.

27 Unkan hoksidan nitawa ate

unyanpi kin heunkiciyapi, Mitawin cinca nom nana miciton e sdoniyayapi.

28 Tuka uman kin mitan tanhan toki iyaye ca, Ehanqon yapotapi ce, epe cigon ehantanhan wanwahdake sni.

29 Qa wanna de nakun mitan tanhan toki adapi kta, qa tahepi taku sice cin akipe cinhan pa maska iyokišica Hades ekta amayadapi kta ce, eya.

30 Unkan dehan kaketu kta ce. Nitahoksidan ate unyanpi kin ekta unhdapi, qa iye nagi kin hoksidan nagi kin en ihdaške ca hoksidan kin ope sni kinhan;

31 Ate unyanpi kin hoksidan tanin sni kin wanhdake cinhan te kta. Hecen wowindag unyayapi kin hoksidan nitawa ate unyanpi kin pa ska kin iyokišica Hades ekta kun unkayapi kta.

32 Hoksidan nitawa miye hoksidan kin ate wakida qa hewakiya; Niye cicicahdi sni kinhan, ate niye en wawahtani ohinnian kecanni kta ce, epa.

33 Unkan wanna cecicieye, hoksidan kin hee kiya den manke ca mayuhe cin wowindag mayaye kta, qa hoksidan kin cinye wicaye cin om itawankanhde hde kta.

34 Hoksidan kin omcipe sni kinhan ate ekta itawankanhde wahde kte cin owakitpani. Taku šica ate ahinhpaye kte cin he wanmdake kte cin tawaŋenwaye sni, eya.

WICOWOYAKE 45.

1 Hehan Josep tona en najinpi kin owasin wicitokam ihduhe kta okihi sni, qa panyanhan hewicakiya, Wicašta owasin mitokapa tanhan tankan iyayapo. Hecen Josep hunka wanjin wi-

caye cin en sdonye içiye çehan, tuwedan kici yanke šni.

2 Hehan Josephotaninyan ceya. Unkan Egupton he nahonpi, Paro tiyohnaka tawa kin nakun nahonpi.

3 Unkan Josep hunka wanjin wicaye cin hewicakiya, Josep he miye ce, Ate nahahin ni he? eya; tuka cincu itokapa tanhan yušinyayapi qa ayuptapi kte cin okitpanipi.

4 Unkan, Ihopo, mitan kiye-dan upo, Josep hunka wanjin wicaye cin, ewicakiya. Unkan kiyadan hinajinpi. Unkan, Josep nisunka Egupton ekta wiyo-peyayapi qon he miye ce.

5 Qa dehan wiyopemayayapi kin on iyokišin içiyapi šnipo, qa icanniye kiciyapi šnipo. Wani-kiye makage kta e Wakantanka u makiya ce.

6 Wanna waniyetu nonpa wicaakihan maka kin ohna, qa tokata waniyetu zaptan yundupi kte šni, qa woksapi kte šni ce.

7 Taku maka akan ecicihnaka-pi, qa taku iyotan tehika etanhan ni ciyapi kta e Wakantanka nitokam u makiya ce.

8 Wanna deci u makiyapi kin he niyepi ee šni. Wakantanka hee *hecon* qa, Paro ate maye ça tiyohnaka tawa kin owasin itancan makiyapi, qa Egupta makoce kin owancaya wowindag wicawaye kta e emahde.

9 Inahniyo, qa ate ekta itawan-kanhde hdapi, qa heciyapo; Nincinksi Josep hecen eya; Wakantanka Egupta owasin yuhe makiya ce. Iho kun en mahi qa yutehan šni wo.

10 Kinhan Gošen en ounyaye ea mitan kiyedan yaun kta ce. Niye nicinca qa nicinca cinca wicayapi, tahin wanuyanpi nita-

wa, pte nitawa ko, qa taku duhe cin owasin;

11 Kinhan wo ciçu kta: nahahin tokata waniyetu zaptan wicaakihan kte cin heon, yau šni kinhan, okini niwalipanica kta nace, niye yati ohnaka kin, qa taku nitawa ko owasin.

12 Ihopo, ništapi kin misunka Benjamin išta kin nakun mii kin on ociciyakapi kin he wanmayahdakapi.

13 Egupta en wowitan mduhe owasin, qa taku wandakapi ko owasin, ate okiyakapo, qa inahniyan ate deciya kun aupo;

14 Eye ça sunkaku Benjamin poskin yuze ça ceya. Unkan Benjamin cincu tahu kin akan ceya.

15 Hehan hunka wanjin wicaye cin owasin i iwicaputake ça wicahduha ceya. Unkan cinye wicaye cin kici wohdakapi.

16 Wanna Josep hunka wanjin wicaye cin hipi ce, eya oyakapi kin, Paro tiyohnaka tawa kin nahonpi, qa Paro ookiye wicaye cin ko he wašte dakapi.

17 Qa Paro Josep heciya, Hunka wanjin wicayaye cin hecen ewicakiya wo. Kaken econpo; wanuyanpi duhapi kin qin wicakiyapi, qa Kanan makoce kin ekta hdapo.

18 Qa niyatepi tiyohnaka nitawapi kin ko owasin, icupi qa en maupo; kinhan Egupta makoce kin en taku wašte yuke cin ciçu-pi kta qa, taku iyotan wašte makoce aicage cin yutapo.

19 Qa niye hecen econ nišipi. Nitašicecapi nitawinpi ko on Egupta makoce kin etanhan canpahmihma yuha hdapi, qa niyatepi kin kici wicahduha upo.

20 Tuka walipaye duhapi kin he awakicinpi šnipo. Taku wa-

šte Egipta makoce ohnaka kin owasin nitawapi kta ce.

21 Unkan Israel cinca kin ecen econpi, qa Josep canpahmihma wicaqu, Paro eya econ ši qon iyecen, waneya tahepi yutapi kta nakun wicaqu.

22 Qa owasin wokoyake iyohi wicaqu, tuka Benjamin maza-ska opawinge yamni qu, qa wokoyake owasin zaptanptan nakun.

23 Qa šuktanka šonšonna wikcemna taku Egipta aicage cin qin wicakiya, qa nakun šuktanka šonšonna wiye wikcemna wamnaheza, qa aguyapi špan, woyute atkuku waneya yuhe kte cin qin wicakiye ça, hena owasin atkuku kin en ahde wicaši.

24 Qa hunka wanjin wicaye cin kihde wicaši qa, Ihunhan tahepi taku ayakinicipi kin, ewicakiya. Unkan hdapi.

25 Egipta makoce kin etanhan itawankanhde hdapi, qa Kanan makoce kin ate yapi Jakob yanke cin ekta kipi.

26 Qa heciyapi, Josep nahahin ni, qa Egipta makoce kin owasin yuha ce, eyapi. Unkan ce-tonwicaħda qa wacin hnuni.

27 Hehan Josep oie ewicakiye cin owasin okiyakapi, qa canpahmihma ohna iye ihdaka ye kta e Josep ahde wicaši qon hena wanyake cehan, Jakob ate yapi cante kin kimdeza.

28 Qa Israel heya, Iho henana Josep micinkši nahahin ni. Maše šni wanhdag mde kta ce.

WICOWOYAKE 46.

1 Hehan Israel ihdaka, iye taku tawa ko owasin, qa Beršeba en hi qa, atkuku Izak taku wakan da kin wošnapi wakiyušna.

2 Unkan Wakantanka hanyetu wowanyake wan en Israel heciya, Jakob, Jakob, eya. Unkan, De miye ce, eya.

3 Unkan, El niyate ta Wakantanka kin he miye. Egipta en de kte cin ikope šni wo. Hen oyate tanka icah ciciye kta ce.

4 Miye Egipta ekta ciyahna kun mde ça ake acihdi kta, qa Josep nape kin ništa kin akan aniputake kta ce, eya.

5 Unkan Jakob Beršeba etanhan inajin. Unkan Israel cinkši wicaye cin tašicecapi, qa tawicupi, qa Jakob ate yapi kin, hena kiya canpahmihma Jakob aupi kta e Paro wicaqu qon, hena ohna yuha yapi.

6 Qa tawanuyanpi, qa tawahpayapi, taku Kanan makoce kin en tonpi kin ikikecupi qa Egipta ekta ihdaka ipi. Jakob taku tawa ko owasin ;

7 Cinkši wicaye cin, qa sanpa cincapi, cunkši wicaye cin qa cinhintku cunkši wicayapi kin, taku tawa ko owasin, Jakob kici Egipta ekta ipi.

8 Israel cinca kin Egipta en ipi kin, decen ewicakiyapi, Jakob qa iye cinca, Jakob cinhintku tokapa kin Ruben eciyapi.

9 Qa Ruben cinkši wicaye cin Hanok, qa Palu, qa Hezron, qa Karmi.

10 Unkan, Šimeyon cinkši wicaye cin ; Jemuel, qa Jamin, qa Ohad, qa Jakin, qa Zohar, qa Šaul, he Kanani winolinca wan ton.

11 Unkan Lewi cinkši wicaye cin Geršon, qa Qehat, qa Merari.

12 Unkan Juda cinkši wicaye cin Er, qa Onan, qa Šela, qa Perez, qa Zera ; tuka Er Onan kici Kanan makoce kin en ɔpi ;

qa Perez cinksi wicaye cin Hezron, qa Hamul.

13 Unkan Isakar cinksi wicaye cin Tola, qa Puwa, qa Job, qa Simron.

14 Unkan Zebulon cinksi wicaye cin Sered, qa Elon, qa Jalel.

15 Hena Leha cinksi wicaye qa Jakob kiciton, Aram Mdaye kin hen, cunwintku Dina nakun, cinca wica winyan ko wicanagi owasin wikcemna yamni sanpa yamni.

16 Gad cinksi wicaye cin Zipeyon, qa Hagi, qa Suni, qa Ezebon, Eri, qa Arodi, qa Areli.

17 Unkan Aser cinksi wicaye cin Jimma, qa Jiśwa, qa Jiświ, qa Beriya, qa Sera tawinohitnpi. Unkan Beriya cinksi wicaye cin Heber, qa Malkiyel.

18 Hena Zilpa, Laban iye cunwintku Leha qu qon, cinksi wicaya. Hena Zilpa Jakob kiciton wicanagi ake śakpe.

19 Rahel, Jakob tawicu kin cinksi wicaye cin Josep, qa Benjamin.

20 Unkan Josep cinksi wicaye cin Manaśe, qa Ephraim hena Asenat, Potipera On otonwe kin en wośnapi kage cin he cunwintku, Egupta makoce kin en Josep kiciton.

21 Unkan Benjamin cinksi wicaye cin, Bela, qa Bered, qa Aśbel, Gera, qa Naaman, Eri, qa Roś, Mupim, qa Hupim, qa Ared.

22 Hena Rahel cinksi wicaye qa Jakob kiciton, wicanagi owasin ake topa.

23 Unkan Dan cinksi wicaye cin Huśim.

24 Unkan Neptali cinksi wicaye cin Jahzel, qa Guni, qa Jezer, qa Silem.

25 Bilha, he Laban iye cunwintku Rahel qu qon, hena Ja-

kob kiciton, wicanagi cinksi wicaye cin owasin śakowin.

26 Wicanagi Jakob nite kin etanhan inanpapi, (Jakob cinca tawicupi kin hena yawapi śni) Jakob kici Egupta ekta ipi kin wicanagi owasin wikcemna śakpe sanpa śakpe.

27 Unkan Josep cinksi wicaye cin Egupta en kicitonpi kin, wicanagi nonpa. Jakob wicowazi Egupta en hi qon, wicanagi kin owasin wikcemna śakowin.

28 Wanna Jakob Juda tokata ye śi, Josep en, Gośen etu itkokim u kte cin heon. Unkan Gośen makoce kin en hipi.

29 Unkan Josep śuktanka canpahmihma koyag wicakiye qa atkuku Israel itkokepi kta e Gośen etu i, qa wanhdake qa poskin hduze qa tahu akan tehan ceya.

30 Unkan Israel Josep heciya, Nahaiin yani kin, nitohnake kin he wanciyaka, heon dehan maťa ešta tehike kte śni.

31 Unkan Josep cinye wicaye cin, qa atkuku tiyohnaka tawa kin owasin hewicakiya; Wahde qa Paro owakimdake kta, Hunka wanjin wicawaye cin, qa ate tiyohnaka tawa kin Kanan makoce kin en unpi qon, wanna en mahipi.

32 Qa wicašta kin wanuyanpi wiħan wicakiyapi kin hecapi, wicašta wanuyanpi yuha unpi kin iś hecapi, qa tahiñca pte ko, qa taku tawapi kin owasin awicahipi.

33 Hecen tohan Paro nicopi, qa winiwangapi qa, Wicoħtani tukte wanjini opiniċiya he? eye cinhan;

34 Hehan kaken eħapi kta ee, Hoksıdan unyaduhapi kin, wanuyanpi awanwicunyakapi ece;

unkiś uncistinpidan ehan tanhan heuncapi, qa hunkake wicunyanpi kin hecen opiiçiyapi ece, eha-pi kta; hecinhan Gošen en idotankapi kta. Tona wanuyanpi wihan wicakiyapi kin hena owasin Egupton walite wicadapi śni.

WICOWOYAKE 47.

1 Hehan Josep hde ça Paro okiyake ça, Ate qa hunka wanjin wicawaye cin, qa tahinca tawapi, pte tawapi ko, qa taku tawapi owasin, Kanan makoce kin etanhan upi, qa wanna Gošen makoce kin en ahi tipi, eya.

2 Qa hunka wanjin wicaye cin etanhan wicašta zaptan iwicacu, qa Paro itokam ewicahde.

3 Unkan, Wicohtani tukte wanji opiniçiyapi he? Paro Josep hunka wanjin wicaye cin ewicakiya. Unkan, Hoksídan nitawa wanuyanpi wihan wicunki-yapi, unkiś hunkake wicunyanpi koya, Paro eciyapi.

4 Qa, Makoce kin en ounyanpi kta e unhipi ce, Kanan makoce kin heciya wicaakihan wanna tehika; wanuyanpi unhapi ko takudan yutapi śni, peji wanica; heon ceunniciyapi Gošen makoce kin en hoksídan nitawa unkiyotankapi kte, Paro eciyapi.

5 Unkan Paro Josep heciya, Wanna niyate qa hunka wanjin wicayaye cin niye en hipi;

6 Egupta makoce kin owasin nitokam wanka. Makoce kin tukte iyotan wašte kin, hen niyate hunka wanjin wicayaye cin ko iyotanke wicakiya wo. Gošen makoce kin he en iyotankapi kte ça, wanjikśi minihecapi sdonwicayaya hecinhan, hena wanuyanpi mitawa kin awanyag wicakiya wo.

7 Unkan Josep iye atkuku Jakob u kiye ça Paro itokam e-hde. Unkan Jakob Paro yawašte.

8 Unkan, Waniyetu anpetu to-na yani he? Paro Jakob eciya.

9 Unkan, Waniyetu anpetu ihdaka wani kin hena waniyetu opawinge sanpa wikcemna yamni. Waniyetu anpetu wani kin hena tonana qa śiksica. Hunkake wicawaye cin waniyetu anpetu ihdaka nipi qon iyehan wani śni ce, Jakob Paro eciya.

10 Hehan Jakob Paro yawašte, qa Paro itokapa tanhan kinanpa.

11 Unkan Josep atkuku hunka wanjitku ko, makoce tukte iyotan wašte kin, Rameses makoce kin he en, iyotang wicaśi, qa Egupta makoce kin en maga wicaqu, Paro hecen econ śi qon, he iyecen.

12 Qa Josep atkuku, hunka wanjin wicaye cin, qa atkuku wicowazi kin owasin, taku yutapi wicaqu, taśiceca iyacinyan aguyapi wicaqu.

13 Unkan wicaakihan kin iyotan tehika aye cin, heon makoce kin owancaya aguyapi wanica. Wicaakihan kin on Egupta makoce, Kanan makoce ko, awihnuni aya.

14 Unkan aguyapi opetonpi kin he Josep wiyopeye cin, hecen mazaska taku Egupta makoce kin en iyeyapi, Kanan makoce en nakun mazaska iyeyapi kin owasin, Josep kamna, qa mazaska kin Paro ti kin en ahiju.

15 Unkan wanna Egupta makoce kin etanhan, Kanan makoce kin etanhan ko, mazaska kin wanna henakeca, hehan Egupton Josep en ahi qa, Aguyapi unqupo. Tokeca e nitokam

unŋapi kta he? Ecin mazaska wanna unnicapi kin, eciyapi.

16 Unkan, Wanuyanpi duhapi kin maqupo. Mazaska wanice cinhan nitawanuyanpi kin on aguyapi ciçupi kta ce, Josep eya.

17 Unkan tawanuyanpi kin Josep en ahipi; šuktanka, taħinca, pte, qa šuktanka šonšonna, henakiya on, waniyetu kin he aguyapi wicaqu.

18 Waniyetu kin he wanna ihunipi, qa waniyetu iyokihe ake Josep en hipi qa, Itancan anaunkihmapi kte šni, mazaska wanna ecaca wanice a woteca wanuyanpi *owasin* itancan duha. Unyuhapi kin itokam takudan unkoħdaptapi šni, tancan maga kici ehake hecehnana unhapi.

19 Tokeca awiunħnunpi kin wandake kta unkiye, maga unhapi ko owasin he? Opeuntanpo unkiye unkitamagapi koya. Aguyapi unyaqupi kinhan Paro wowindag unyanpi kta, unkiš maga unhapi koya. Taku unkojupi kta nakun unqupo; kinhan unnipi qa unŋapi kte šni, qa unkitamagapi kin hewoskan wanke kte šni ce, eyapi.

20 Hecen Egupton wicaakiħan kin on iyotan iyekiyapi, qa wicašta otoiyohi owasin tamagapi kin wiyopekiyapi; unkan Josep Egupta makoce kin owasin Paro opekicion, qa Paro makoce kin owasin tawa ya.

21 Qa oyate kin he Egupta makoce ihanke kin anokatanhan otonwe tokeca ohna iyotang wicakiya.

22 Wošnapi kagapi kin henana tamagapi kin wiyopeyapi šni ece. Wošnapi kagapi kin taku yutapi onge Paro wicaqu ece, qa taku Paro wicaqu kin he yutapi, heon tamagapi kin opeton šni.

23 Qa Josep oyate kin hewicakiya, Ihopo nakaha opecitonpi niyepi nitamagapi ko, Paro tawa niyanpi kta. Ihopo de wojupi kin ciçupi qa makoce kin oyajupi kta.

24 Qa kaketu kta, tohan taku aicaga eca, owasin idutapi qa iyutapi tomtom yahduhapi kta, hetanhan ake maga kin woyajupi qa he yatapi kta, niye, nitašicecapi qa tona yatipi kin ohna yakonpi kin hena *owasin* he yutapi kta; tuka iyutapi izaptanptan kin owasin Paro yaqupi kta ce, eya.

25 Unkan, Itancan ni unyayapi iyounnicipipi kte; hecen Paro wowindag unyanpi kta.

26 Unkan wicoope kin de Josep ope wicakiya, qa anpe dehan hececa, Egupta makoce kin en wiyutapi izaptanptan kin Paro tawa ya. Wošnapi kagapi tamagapi kin henana hecapi šni, henana Paro tawa ye šni.

27 Unkan Israel Egupta makoce kin ohna, Gošen makoce kin en iyotanke a, maga yuhapi qa icagapi qa nina ihduotapi.

28 Qa Jakob Egupta makoce kin en waniyetu ake šakowin ni, hecen Jakob anpetu tawa kin waniyetu ni un kin, waniyetu opawinge sanpa wikcemna topa sanpa šakowin henakeca.

29 Qa anpetu en Israel te kte cin he wanna aškadan, hehan cinhintku Josep kico qa, Ceciciya iyocicipi kinhan ninape miceca kin ihukuya kiyugata wo; kinhan wowaonšida wowicake ko ecamiyecon, qa Egupta makoce kin en mayahnake kte šni;

30 Tuka Egupta makoce kin etanhan amayade a, ate wicawaye cin ohna hnakapi kin ohna mayahnake kta; hecen hena om imunke kta ce, eciya. Unkan,

Miś token ehe cin ecen ecamon kta ce, eya.

31 Unkan Wakantanka cajeyate ça emakiya wo, eya. Unkan Wakantanka cajeyate ça eciya. Unkan Israel can sagye ipa kin akan pamahdedan wo-cekkiye eya.

WICOWOYAKE 48.

1 Unkan hena owasin iyohakam hehan, Iho niyate wayazanka ce, Josep eciyapi, qa cinhintku napin Manaşe Epraim kici hduha ekta i.

2 Unkan Jakob okiyakapi, Nicinksi Josep niye en u ce, eyapi. Unkan Israel wakişag içiye ça owinja kin akan iyotanka.

3 Qa, El Iyotan waşake cin Kanan makoce kin heciya Luz ekta miye en ihdutanin, qa mayawaşte,

4 Qa hemakiya, Miye wawicahye cicage, yuota ciciye ça, oyate obe ota cicage ça makoce kin de nakun ciçu kta, nicinca nihakam upi kte cin owihankeşniyan tawapi kta ce, emakiya.

5 Qa wanna nicinca nonpa, Egipta makoce kin en nicitonpi, Egipta ekta niye en cihi şni kin itokam, Epraim Manaşe kici, hena mitawa ce, Ruben Şimeyon kici iyecen, tawa wicawaye kta ce.

6 Qa taku nitawa kin hena iyohakam nicitonpi kte cin hena nitawapi kta, tuka cinye wicayapi kin eciyatanhan, makoce tawapi kin en caş wicatonpi kta.

7 Miye Aram Mdaye kin etanhan wau qon, hehan Raniel makita, Kanan makoce kin en, canku ohna Eprata etanhan makoce iyutapi kin wanjidan, qa heciya owehnaka Eprata, Betle-

hem eyapi kin hee, canku kin ikiyedan, eya.

8 Hehan Israel Josep cinksi wicaye cin wanwicahdake ça, Dena tuwepi he? Jakob Josep eciya.

9 Unkan, Wakantanka cinca deciya maqu kin dena eepi, Josep atkuku kin eciya. Unkan, Ceciciya ce, napin makau wo, wicawahdawaşte kta ce, eya.

10 Wanna Israel wicaşinca heca onista gonga, wanyaka okitpani. Unkan en awicahi, unkan poskin wicahduze ça i iwicaputaka.

11 Israel Josep heciya, Niite kin eqeş wanwahdake kte cin epce şni, unkan wanna icaş wicayaye cin hena, Wakantanka wanwicahdag mayan.

12 Unkan Josep hupahu kin etanhan inanpe wicaye ça, ite kin maka kin etkiya patuja.

13 Qa napin wicahduza, Epraim Josep nape etapa kin en, Israel catka kin ektakiya, qa Manaşe iye nape catka kin en, Israel etapa kin ektakiya; hecen atkuku kin en awicai.

14 Unkan Israel kiyugate ça nape etapa kin Epraim pa kin aputaka, he hakakta tuka, qa nape catka kin Manaşe pa kin akan he tokapa tuka, nape yukcanyan ye kiya.

15 Qa Josep yawaşte qa heya, Wakantanka ate wicawaye Abereyam Izak kici itokam manipi qon, he Wakantanka matonpi kin ehantanhan anpe dehanyan won mayan kin;

16 Ohnihde un kin taku şica owasin etanhan opemakiton kin he, hokşipidan kin wicayawaşte kte, micajeyan qa ate wicawaye cin Abereyam Izak kici icajeyan ewicakiyapi, qa maka kin ohna nina ihduotapi kte, eya.

17 Unkan atkuku nape etapa

kin Epraim pa kin aputake cin he Josep wanyake ça, şice dake ça atkuku nape kin yuze ça, Epraim pa kin etanhan Manaşe pa kin etkiya ye kiye kta tuka ;

18 Qa, Hecetu şni ate, de toka-pa kin ee. Iye pa kin nape eni-tapa kin on aputaka wo, Josep atkuku kin eciya.

19 Unkan sdonwaya. Micin-ksi sdonwaya ce. He nakun oyate kta qa he tanka kta, qeşa sunkaku iyotan tanka kta qa cinca wicaye kte cin oyate ota kta ce ;

20 Eye ça anpetu kin hehan wicayawaşte qa, Nicajeyan Is-rael ihdawaştepi qa, Wakantan-ka Epraim qa Manaşe iyecen icalı niyan nunwe, eyapi kta ce, eya. Hecen Epraim Manaşe itokam cajeyata.

21 Hehan Israel Josep heciya, Anagoptan wo. Miye maşe kta, tuka Wakantanka nicicapi, qa ate wicayayapi tamakocepi kin ekta anihdapi kta.

22 Qa miye makoce onşpa, A-mori nape kin etanhan mitacan-hipi mitinazipe kin iyahna on iwacu qon, he hunka wanjin wicayaye cin iyakapa ciçu, eciya.

WICOWOYAKE 49.

1 Qa Jakob cinkşi wicaye cin wicakico qa heya, Mniciyapo, tokata anpetu yeye cin token ni-hiyahdepi kte cin ociciyakapi kta.

2 Jakob cinkşi wicaye cin wi-taya upi qa anagoptanpo. Isra-el niyatepi kin he anakicigoptan-po.

3 Ruben micinkşi tokapa kin he niye, mitowaşake mitowookihi tokaheya kin iyotan wicimdeza iyotan suta.

4 Mini iyecen nihduhepicaşni,

heon initancan kte şni. Niyate ohehde kin ayadi qa hehan mi-towinja kin duşapa ce.

5 Şimeyon Lewi kici hunka wanjin kiciyapi. Tacanhipi kin wipe wicakisa kin heepi.

6 Canteptanyanpi qehan wica-şta wan ktepi, qa iyokipi içiyapi kta e oinatake wan oqapi ; heon wohdakapi kin en minagi kin ye kte şni, qa omniciye tawapi kin en wowitan mitawa un şni nun-we.

7 Wicocanniye tawapi kin yaşı-capi nunwe, waditaka ce, towa-şaniçidapi kin he nakun, wohiti-ka ce ; Jakob en yukinukan wi-cawakiye ça Israel ohna yuo-mden iyaye wicawakiye kta.

8 Juda niye hunka wanjin wi-cayaye cin niyatanpi kta. Ni-nape kin toka niyanpi tahu kin akan niyate cinkşi wicaye cin nitokam patujapi kta.

9 Mnaja cincadan wan Juda heca. Wicayapotapi kin etanhan micinkşi nayajin. Mnaja iyecen canpeşka makehde wanka, qa mnaja wiye wan iyecen, tuwe he pahice kta he ?

10 Juda etanhan maza sagye yutokanpi kte şni, tuka cadota-hedan wicaşta yatapi yuke kta, Şilo hi kin hehanyan, qa iye en oyate kin mniciyapi kta.

11 Taşunke şonşonna hastan-hanka iyuwi kin en iyakaşkahan, qa taşunke şonşonna cinca kin hastanhanka waşte hinca iyuwi kin ekta, taonlıdohda kin minişa on hdujaja kta qa taşina hastan-hanka we kin on.

12 İştä kin minişa on şa kte ça hi kin pte asanpi on ska kta.

13 Zebulon miniwanca huta kin en ti qa iye en wita wata oihuni kta, qa Zidon otowwe kin hehanyan yuhe kta.

14 Isakar şuktanka şonşonna

waśake cin heca wan, conkaške otahedan makan wanka.

15 Okihpapi kin he wašte kin, qa makece kin wiciyokipi kin he wanyake ça qin kta e talipa kin qu, hecen wayaka wicohtani kin econ.

16 Dan Israel wicoun wan iye-cen taoyate kin wicayaco kta.

17 Wamduška wan canku tukte ohna yapi kte cin ohna nai-ciłhe ça, šuktanka siyete kin ya-htaka on tuwe akan yotanke cin itunkam hinłpaye kta Dan he-cece kta.

18 Jehowa woyuške nitawa kin awape.

19 Ozuye wan Gad azuye kta, tuka ihakam iye azuwicaye kta.

20 Aser taaguyapi kin wašte qa wicašta yatapi woyute wici-yokipi kin wicaqu kta.

21 Neptali tamdoka kiyuškapi kin heca iapi wicimdeza ia.

22 Josep adetka waicaliya ece, adetka waicaliya mini hdoka icahda, taadetka kin conkaške iyadipi.

23 Wanhinkpe yuhapi kin he-na iyaonpapi qa kigepi qa śicaya kuwapi.

24 Tuka tinazipe kin sutaya han, Jakob waśagye cin towaśake kin eciya tanhan nape isto kin yuwaśakapi ce. Heciya tanhan Israel taimnija qa wo wicaqu kin hee ;

25 Niyate Taku wakan da kin eciya tanhan. Iye oniciye ça lyotan waśake cin iye niyawašte kta, małpiya wanhan tanhan wowašte kin, ośbe kin ihukuya wanke cin wowašte kin, aze te-zi ko wowašte kin niču kte.

26 Niyate wicayawašte kin he wawokihika, he ohinniyan he cin isanpa. Paha owihanke wanice cin taku wiciyokipi ai-cage cin he Josep pa kin en, qa

tuwe hunka wanjin wicaye cin etanhan yukinukanpi qon, pe-sdete kin en unpi kte.

27 Benjamin šunktokeca yaťe-sa heca anpao kte cin hehanyan yute kta ece ; łıayetu eca wa-wicaki kin pamni kta.

28 Israel wicoun ake nonpa kin hena owasin heepi, qa hecen ate yapi kin ewicakiye ça wicahda-wašte, otoiyołi towašte kin iye-cen wicayawašte.

29 Qa hecen wahokonwicaki-ya, Miś oyate mitawa kin en ope mayanpi kta, ate wicawaye cin om emahnakapo, imnija ołhdoka maga wan Epron łeti kin tawa qon en un kin, he en.

30 Kanan makece kin etu, Ma-more itokam, Makpela maga kin en imnija ołhdoka wanke cin he ohna. Abereyam wicašta ohna hnakapi kte cin he tawa kta e maga kin he Epron łeti kin he opেকicaton.

31 Hen Abereyam tawicu Sara kici wicahnakapi, hen Izak ta-wicu Rebeka kici wicahnakapi, qa hen miś Leha wehnaka.

32 Maga kin he imnija ołhdoka ohna wanke cin ko, łet cinca wicaye cin opewicakicaton qon, ewicakiya.

33 Hecen Jakob cinkśi wicaye cin wahokonwicakiye cin aya-śtan qehan, siha kin ohehdepi kin en ehdaku qa řa ; unkan ta-oyate kin ekta okipe yapi.

WICOWOYAKE 50.

1 Hehan Josep atkuku ite kin a-kan elıpeıciye ça iıputake ça ceya.

2 Qa Josep taokiye peji huta wicaštapi kin atkuku yułwin śni waśtemna ye wicaśi. Un-kan peji huta wicašta kin Israel waśtemna yanpi ; anpetu wi-kcemna tom hecakiconpi.

3 Tona yuhwin śni waśtemna yānpi eca hehanyan yuśtanpi ece. Unkan Egupton anpetu wikcemna śakowin Jakob aceyapi.

4 Anpetu hena aceyapi kin wanna iyokiptapi, hehan Josep Paro tiyohnaka tawa kin hewicakiya, Wanna waśte mayadapike cinhan *miye makapi qa* Paro itokam hecen eyapo.

5 Ate hecen emakiya, Iho miś wanna maŕe kta ce. Kanan makoce kin heciya ohna hnakapi wan miŕe cin he ohna mahnakawo, eye ɕa Wakantanka caje-yate maśi. Unkan tokin wanna itawankanhde mde ɕa ate wehnaken, kinhan wahdi kta.

6 Unkan Paro ayupte ɕa, Itawankanhde ye ɕa niyate kihnakawo, konza eye niśi qon iyecen.

7 Unkan Josep atkuku kihnake kta e itawankanhde ye ɕa Paro taokiye kin owasin opapi, tiyohna hunka wicayapi, qa Egupta makoce kin hunka wicayapi ko owasin.

8 Qa Josep tiyohnaka tawa, qa hunka wanjin wicaye cin atkuku tiyohnaka tawa owasin; taśiceca qa tahnca, pte ko yuhapi kin henana Gośen makoce kin en kihnakapi.

9 Canpahmihma qa wicaśta śuktanka akan yotankapi ko opapi, hecen ośpaye tanka linca.

10 Unkan Atad tahocoka kin ekta ipi he Jordan akasanpa wanka, qa heciya woceye tanka anpetu śakowin atkuku kin nina aceyapi.

11 Unkan makoce wojutipi kin Kanani hena Atad tahocoka ohna ceyapi kin he wanyakapi qa, Egupton de nina ceyapi ce, eyapi; heon oyanke kin he Egupton oceyapi kin eciyapi, he Jordan akasanpa wanka.

12 Hecen cinkśi wicaye cin token econ wicaśi qon, ecen ecakiconpi.

13 Qa cinkśi wicaye cin, hena Kanan makoce kin ekta hduha yapi, qa Makpela maga kin en imnija oħdoka wanke cin he ohna kihnakapi; Mamore itokam; maga kin he Abereyam Epron Ĥeti kin etanhan opekicaton wicaśta ohnahnakapi tawa kta e hecon.

14 Unkan Josep Egupta ekta hda, atkuku hnakapi kin iyohakam; iye hunka wanjin wicaye cin, qa tona iye om atkuku hnakapi kta e itawankanhde yapi qon owasin.

15 Unkan Josep cinye wicaye cin ate yapi kin ɕe cin, heon wikipapi qa heyapi, Okini Josep śicaya unkuwapi qa iye en taku śica ecaunkiconpi qon iś owasin tokicon kta.

16 Qa hecen Josep okiyag wicaśipi; Niyate ɕe cin itokam hecen wahokonunkiyapi.

17 Josep kaken eyakiyapi kta, Tokin nicinye wahitanipi kin wicayecicajun. Śicaya ecaniconpi tuka niyate ta Wakantanka kin wowindag wicaye cin wahitanipi qon kajujun; eya ce, eyapi. Unkan Josep wicoie okiyakapi kin on ceya.

18 Hehan Josep cinye wicaye cin iye en ipi, qa itokam elpeiciyapi qa, Iho unyaduhapi ce, eciyapi.

19 Unkan, Ihnuhan ininihanpi kin. Miś Wakantanka hemaceca he?

20 Niyepi kin śicaya ecamicon wacanipi, tuka Wakantanka waśte kta e cin, oyate ota ni wicaye kta anpe dehan iyecen hecon ce.

21 Heon nakaha inihanpi śni-po. Miś wo ciɕupi kta niyepi

nitašicecapi ko, ewicakiye ça, hecen wicakihna qa cantowicahnaka.

22 Josep Egipta en ounyan; iye atkuku tawicoun koya, qa Josep waniyetu opawinge sanpa wikcemna ni.

23 Qa Josep Epraim cinca takojatpaku, qa sanpa cinca wanwicahdake ça nakun Manaše cinhintku Makir cinca kin hena Josep šiyo to akan wicahduha.

24 Hehan Josep hunka wanjini wicaye cin hewicakiya; Miš mate kta tuka Wakantanka niyepi en nihipi kte ça, makoce

kin de etanhan itawankanhde ye niyanpi kta; makoce wan Abereyam Izak Jakob ko konza ewicakiye cin he ekta.

25 Qa Josep Israel cinca kin konza ewicakiya, Awicakehan Wakantanka niyepi kin en nihipi kta, qa mihu kin detanhan ayahdapi kta ce, eya.

26 Hehan Josep ta iyaya. Wana waniyetu opawinge sanpa wikcemna hehan. Unkan iye tancan yulwin šni wašemna yanpi, qa Egipta makoce kin en can ohna knakapi wan ohna hnakapi.

JEHOWA YATANPI KTE.

WICOIE WAKAN.

WICOWOYAKE 1.

1 Wicoie wakan Israel wicašta yatapi kin, Dawid cinhintku Salomon he tawa.

2 Woksape woonspe ko sdonye wicakiye kte, wowiyukcan iapi kin okaññiñ wicakiye kta,

3 Woksape, woonspe, woecetu, woyaco qa wicoñan owotanna yuhe wicakiye kta;

4 Tona wacintonñni ksam wicaye kta; koška kin woksape wowayupike ko wicaqu kta.

5 Wicašta ksapa nañon kinhan sanpa ksape kta, qa wicašta wokcan wokonze okaññige kta.

6 Heon wicoie wakan kin okaññigapi kta, wicašta ksapa oiepi qa taku okaññigapi tehika eyapi kin koya.

7 Jehowa kokipapi kin wosdonye otokahe kin hee, tuka wicašta witkotkopi woksape qa woonspe ihaktapi ñni.

8 Micinkši, niyate taku onspe niciye cin nañon wo, qa nihun taku ope niši kin elipeye ñni wo.

9 He watešdake wašte nipa kin ihdukšan, qa wanapin nitahu kin en un kta.

10 Micinkši, wahtanipisa niyutitan cinpi ešta ihnuhan wicayada kin.

11 Ito unyanpi kte, wicašta ktepi kta e nañmana awicunpepi kta, taku šica econpi ñni kin hena ituñ wicunhmukapi kte;

12 Wolia en iyohpayapi ocowasin, qa Hades iyecen ni unpi nawicunpcapi kta;

13 Taku wašte ota iyeunyanpi

kta, untipi woyuha ojugjudan unhapi kta:

14 Hena owasin en oonyapapi kta, mazaska opiye okonwanjidan unhapi kta, eniciyapi kinhan:

15 Micinkši ihnuhan canku kin he en owicayape cin; oye tawapi kin etanhan nisiha kin ehdaku wo.

16 Sihapi kin taku šica oinyankapi, qa wicawe papson inahñipi.

17 Taku ħupahu ton hiyeye cin owasin wanyakapi icunhan mazahtakiyapi ituñ onpapi.

18 Tuka hena iye we kin hmun-kapi, iye nagipi kin on inahmanpi.

19 Tona šicaya taku kamnapi, qa tuwe tawa ktepi kin hena owasin tacankupi kin hececa.

20 Woksape tankan pan, canku kin ohna hoyeya ece;

21 Otonwe canku ihanke kin ohna, tiyopa icahda mniciyapi ohna ieyanpaha, qa heya,

22 Wacintonpi ñni tohanyan wicawitkotkoke cin he wašte yadakapi kta, qa waoncesapi tohanyan wowaonce kin he iyonicipi kta, qa witkotkopika wosdonye šiceyadakapi kta he?

23 Miye ocihanpi heon ihduecetupo; mitaniya kin acicaštanpi kta, mioie kin okaññiñ ciciyapi kta.

24 Hoyeciciyapi tuka ayaktap i ñni, minape kin mdumdaya tuka tuwedan en ewacin ñni.

25 Wahokonciyapi kin owasin elipeyayapi, qa wakta ciyapi kin iyonicipi ñni.

26 Miś eya nihnaškinyanpi kin icihapi kta, tohan nina koyakipapi kinhan oncicapi kta.

27 Woihangye tohan hiyohi qa koyakipapi kinhan, iyoniciśica-pi, wamniomni iyececa wocante śica wicokakije ahna nihiyohipi kinhan :

28 Hehan houmakiyapi kta tuka waamdupte kte śni, hanhan-na omadepi ešta iyemayanpi kte śni.

29 Wosdonye śice dakapi, qa Jehowa kokipapi kin kałinigapi śni.

30 Wahokonwicawakiye cin tawaŋenyapi śni, iyopewicawaye cin owasin wałtedapi śni ;

31 Heon ohanyanpi waskuyeca kin hdutapi kta, qa iye wahokonkiciyapi kin he imna kiciyapi kta.

32 Oziičiyapi kin witkotkopi kin te wicaya, qa iyokipičiyapi kin wacintonpi śni kin ihang wicaya ece.

33 Tuka tuwe anamagoptan kin wikope wanin ounye kta, qa taku śica ikope śni owanji un kta ce.

WICOWOYAKE 2.

1 Micinkśi, tokin mioie kin iyacu qa wahokoncičiyec cin nahmana niciyehnaken ;

2 Ninoge kin woksape anagoptan qa nicante kin wookahnige ekta ye yakien.

3 Han wökan yakipan, qa wookahnige hoyeyakiye kta ;

4 Mazaska iyecen ayakite ɕa patanyan mazaska wokihnake iyecen oyade cinhan ;

5 Hehan Jehowa kokipapi kin oyakahnige kta, qa Wakantanka sdonyapi kin iyeyaye kta.

6 Jehowa woksape wicaqu ece, iye i kin etanhan wosdonye wookahnige koya.

7 Tona owotanna kin hena wiconi awicakicihnaka ; tona ece-tuya ohanyanpi kin Jehowa wahacanka yapi ;

8 Hecen wicoope canku kin ope wicakiye ɕa, tona wašte wicakida hena canku awanwicakiciyaka ece.

9 Hehan wicoowotanna, woyaco, wokonze, oye wašte owasin oyakahnige kta ;

10 Woksape nicante kin en hiyu kinhan, qa wosdonye ninagi kin iyokipi kinhan ;

11 Wacintonpi kin awanniciyake kta, wookahnige niyuhe kta.

12 Heon canku śica etanhan enihdaku kta, wicašta pemniyan ie cin etanhan ;

13 Hena canku owotanna elpeyapi, qa otpaza canku kin omapi ;

14 Taku śica econpi kta e iyuśkinpi, pemniyan ohanyanpi kin wowinktayapi ;

15 Oye tawapi kin śkoškopa, qa tacankupi kin pemnimni ece.

16 Wihomniwin kin etanhan enihdaku kta, witkowin i skuya etanhan.

17 He tokabeya yuze cin elpekiye ɕa, taku wakan tawa tawicoun kin akiktonja.

18 Tiyohnaka kin wiconte ekta-kiya atakinyan ya, qa oye tawa kin wanna ɕapi iyahde.

19 Tona en yapi kin hetanhan wanjidan ku śni, qa wiconi canku kin iyahde śni do.

20 Hecen wicašta wašte tacankupi kin omayani kta, qa wicašta owotanna tacankupi kin oyape kta.

21 Wicašta ecetupi kin hena maka kin otipi kta, wicašta wašte kin hen ounyanpi kta.

22 Tuka wicašta śica kin maka kin etanhan wicakawankapi

WICOWOYAKE 3.

kta, qa tona śicaya ohanyanpi kin hena wicakawihnunipi kta.

WICOWOYAKE 3.

1 Micinkśi, mitoope kin ihnuhan ayektonje cin, qa mitawoa-hope kin nicante kin ekta yuha wo.

2 He wookiye anpetu hanskaska qa wiconi omaka ota aokijuniciye kta.

3 Ihnuhan wocantkiye qa w-wicake aniyuśtan kin, hena nitahu kin en apahta wo, qa nican-tojuha kin akan okiwa wo.

4 Hecen yaksape kta, qa Wakananka wicaśta ko cante niciye kta.

5 Nicante ocowasin on Jehowa wacinyan wo, qa nitawacin kin ikpatan śni wo ;

6 Canku nitawa kin owasin ohna he kiksuya wo, kinhan ni-oye kin owasin awanniciyake kta.

7 Ihnuhan ksape ničida kin, Jehowa kokipeyahan un qa taku śice cin etanhan ihduhomni wo.

8 He nicelipi zaniyan niniye kta, qa nihuhu acuniciye kta.

9 Woicihde duhe cin on Jehowa ohoda wo, qa taku icahyaye cin otokapa iyahna :

10 Kinhan tipi womnayaye cin woicewinyan on ojudan kta, qa miniśa iyuśkice nitawa kin anapsonpson kta.

11 Cinś Jehowa nicapsinpsinte cin he ihnuhan ihayakta śni ; qa iyopeniye cinhan wacin ibośake śni wo.

12 Jehowa tona waśte wicakidake cin hena iyopewicakiya ece, wicaśta wan cinca iyotan kida kin he iyecaca.

13 Wicaśta kin woksape iyeye cin, qa wicaśta wookahnige enapeye cin he wopida yuha.

14 He opetonpi kin hee waśte, mazaska opetonpi kin hee śni ce ; hetanhan icage cin hee iyo-tan, qa mazaskazi kapeya.

15 He inyan tehihika kin he sam iyeya tehika, qa taku iyo-nicipi iyeye cin owasin hena iyo-waja śni.

16 He etapa kin ohna anpetu hanskaska, qa catka kin ohna woyuha wowitan iyahna un.

17 Owe tawa kin owe wiciyo-kiپی, qa tacanku kin owasin wookiye ;

18 Tona kaskita yuzapi kin he can wiconi yanpi, qa tuwe he patan kinhan he wopida ya.

19 Jehowa woksape on maka kin tińsaya ehna ke ھا, wookahnige kin on małipiya kin yuśtan.

20 Tosdonye kin on wośbe kin naptujapi, qa małipiya kin cu kin śbuya.

21 Micinkśi, woksape wicake, wowayupike iyahna awanyaka wo. Ihnuhan hena niīśta kin etanhan nunipi kin ;

22 Kinhan hena nitahu en wana-pin waśte kta, qa ninagi wiconi yuhe kta.

23 Hecen okope wanin nitacanku kin ohna mayani kta, qa nisiha kin wanahnaye kte śni.

24 Makan inonke cinhan takudan koyakipe kte śni, makan inonka eca tanyan niśtinbe kta ece.

25 Ihnuhanna yuśinye wicaye cin he koyakipe kte śni, qa wicaśta śica wayutakunipiśni wicahiyohi eśta nakun.

26 Nakaeś Jehowa wacinyaye kta, qa nisiha icupi kte śni e awanniyake kta ce.

27 Tona onśika ninape taku waśte ecawicakicon okihi kinhan ihnuhan teyahinda kin.

28 Nitawaśi taku yakiduhe cin-

han, Ekta hda qa ake kuwa wo, heyakecinhan ciçu kta, ihnuhan eyakiye cinhan.

29 Nitakoda takudan ikopešni-yan nikiyedan ti kinhan takudan šica ecakicon šni wo.

30 Wicašta taku šica ecanicon šni kinhan ihnuhan kici ayakini-ca kin.

31 Wicašta wakisa kin icekin šni wo, qa ohan tawa kin wanji-dan kahniye šni wo.

32 Jehowa tona pemniyan o-hanyanpi kin wahte wicada šni, tuka wicašta ecetupi kin om wo-hdaka.

33 Jehowa wicašta šica ti kin yašica, tuka wicašta owotanna ounye cin hee yawašte.

34 Waoncapi en Jehowa waon-ca, ešta onšiičidapi kin wowašte wicaqu ece.

35 Tona ksapapi kin hena wo-witan ohiyapi kta, tuka tona wi-tkotkopiye cin hena wowištece en ihduwankantupi.

WICOWOYAKE 4.

1 Hokšiyopa niyate wahokonni-ciyapi kin nahonpo, qa wowiyu-kecan sdonyapi kin cantotpanipo.

2 Woonspe wašte cičupi ce, mitoope kin ihnuhan ehpeyayapi kin.

3 Ate cincamayan nahanhin mawankadan, qa mišnana ina icahda waun qehan ;

4 Onspemakiya, qa hemakiya ; Mioie kin nicante kin yuhe kte, woahope mitawa kin yuha wo, hecen yani kta ce.

5 Woksape kin opeton wo ; wokcan kin opeton wo ; akikton-je šni wo, qa mii kin etanhan mioie kin nakicipe šni wo.

6 Ehpeye šni wo, hecen awan-niyake kta ; wašte daka wo, he-cen nipatan kta.

7 Wicoksape kin he iyotan ; wicoksape kin he opeton wo, qa taku mnayaye cin owasin on wowiyukcan kin opeton wo.

8 He iyotan yada kinhan yu-wankan inicu kta, kaskita duze cinhan hehan niyuwitan kta.

9 He nipa kin ihdukšan wowi-ciyokipi yuwitaye kta ; wate-šdake okitanin niču kta.

10 Cinš, anagoptan wo, qa mi-oie kin ieu wo, hecen omaka wi-coni nitawa kin niciyuotapi kta.

11 Wicoksape canku kin ocici-yaka, canku owotanna kin ohna omaniciciya.

12 Ohna mayani kinhan oihe yaye cin aotinsyapi kte šni, qa yainanka ešta nihicahe kte šni.

13 Woonspe kaskita yuza wo ; ihnuhan adušan kin, awanyaka wo heon yani kta ece.

14 Wicašta ohan šica tacanku-pi kin ihnuhan ohna idade cin, qa wicašta pemni kin tacanku kin ohna mayani kte šni.

15 He ehpeya wo, ihnuhan o-hna de cinhan, he etanhan ihdu-homni qa tokan iyaya wo.

16 Taku šica econpi šni kinhan ištmapi šni ce : Tuwedan wan-kaheyapi šni kinhan wicoliba kin wicakipi ece.

17 Wicohan šica aguyapi kin he yutapi ; boticapi miniša kin he yatkanpi ece.

18 Tuka wicašta owotanna can-ku tawapi kin he iyoyanpa iyega ohinniyan sam wiyatpa aya ecen anpetu wiyotanhan he iyececa.

19 Wicašta šica tacankupi kin he aotpaza ; taku en hicahanpi kte cin he sdotkiyapi šni.

20 Micinkši, mioie kin awacin wo, taku eciciye cin anoh kiciya wo.

21 Ihnuhan he niišta kin icun-om iyeyakiye cin, nicante kin cokaya yuha wo.

WICOWOYAKE 5.

22 Tona he iyeyapi kin he wiconi tawapi ee, qa celipi kin oco-wasin okizi wicaya ce.

23 Taku duhe cin owasin isan-pa nicante kin awanhdaka wo, hetanhan wiconi owahinanpe kin hee ce.

24 Wicopemni nii kin etanhan yutokan wo, qa wicaštapi šni niiha etanhan hdutehan wo.

25 Niišta kin nitokam owotan-na etonwan kte, niištojuha kin nitokapa ecetuya tonwanhanpi kte.

26 Nisiha oye kin awacin wo; hecen canku yaye cin owasin tanyan yahdušan kta.

27 Nietapa nicatka ihnuhan unmanna eciyatanhan nihduhommni kin, taku šice cin etanhan nisiha kin ehdaku wo.

WICOWOYAKE 5.

1 Micinkši, mitoksape kin awacin wo, wookahnige mitawa kin anoh kiciya wo;

2 Hecen wowayupike duhe kta, qa nisiha kin wosdonye patan kta.

3 Witkowin iha kin etanhan tuhмага canhanpi kaduza, qa caka kin wihdi isanpa šduta.

4 Tuka hetanhan taku icage cin peji hota iyecen pa, isan pesto kin iyecen pe linca.

5 Siha kin apamahdedan wiconte oiyahdeya, oye kin wakanšica ti kin iyohiya.

6 Wiconi canku kin našna nicieye kta e oye kin kpakšikšan, hecen idukcan kte šni.

7 Hokšiyopa detanhan anamagoptanpo, qa wicoie mii kin etanhan inape cin ihnuhan elipeyayapi kin.

8 Witkowin kin etanhan canku kin hdutehan wo, qa tatiyopa kin ihnuhan kiyadan de cin.

9 Okini nitowašake token wicayaqu kta, qa omaka nitawa kin wicašta waonsidapi šni yuhapi kta.

10 Okini toka woyuha nitawa kin on imnapi kta, qa taku on litayani kin witkowin ti kin ohna yanke kta;

11 Okini oniwihanketa woyute nitawa nicełpi ko sotapi kinhan šicahowade kta;

12 Qa, Hehehe, tokeca woon-spe šice wadaka, qa wahokonmakiyapi kin ihawakta šni he.

13 Tona waonspemakiyapi kin nawicawałon šni, qa wahokonmakiyapi ho kin anawagoptan šni ece.

14 Wicota qa omniciye cokaya taku šica owasin en ye miłiye kta tuka, ehe kta.

15 Miniłdoka nitawa kin etanhan hdatkan wo, qa wakpadan mini owe nitawa etanhan kaduze cin nakun etanhan.

16 Hecen wakoniya nitawa kin tankaya kaduze kta; otonwe canku kin ohna mini wakpadan kaduze kta;

17 Hena nišnana nitawa kte, token tuwedan tawa kte šni.

18 Hecen wakoniya nitawa kin yawaštepi kta, qa honikšidan qehan winohinca duze ciqon he nihduškin kte;

19 Tawiyedan wašte dakapi, qa tatokadan wiciyokipi iyecece kta, azinpi kin imna niłiye kte, anpetu owasin, qa wašte yakidake cin ohinniyan wanipi nunwe.

20 Tokeca micinkši winohinca tokeca wanipi kta, qa witkowin maku kin adoksohan duze kta he?

21 Jehowa wicašta canku kin owasin wanyake ca token ołan-yanpi kin wicakicitkeuta.

22 Iye ecinśniyan ohanye cin he wicašta śice cin kihdege kta, qa iye wahtani ikan kin on hmunkapi kte;

23 Witkoya ohanye cin ota onuni kta, qa onspekiyapi śni on ƣe kta.

WICOWOYAKE 6.

1 Micinkśi, nitakoda wanji taku yecicajuju kta kehe cinhan, qa on wicašta tokeca nape duza hecinhan;

2 Nii kin etanhan nioie kin he iyanicaškapi; nii kin on taku ehe cin he niyuzapi ce.

3 Heon micinkśi hecen econ wo, qa ihduška wo, nitakoda nape kin iyahpade cinhan hunktiya, ihduhukuya qa nitakoda iyopaštaka wo.

4 Niišta kin en wicaliba kin qu śni wo, qa niištojuha kin on ištınbe śni wo.

5 Zitkadan tuwe hmunke kta nape kin etanhan ihduška, qa tafokadan wicanape kin etanhan ihduške cin he iyecen ihduška wo.

6 Kuja nanke cin tajuška kin ekta ya wo, yaksape kta e olan-yanpi kin wanyaka wo.

7 He itancan nica, akicita nica, qa wicašta yatapi nica;

8 Tuka mdoketu eca taku yutapi kihnaka, qa woksapi eca woyute tawa mnayan ece.

9 Tohantu kinhan makan inonke kta? kuja, ništınbe cin etanhan tohantu yekta kta he?

10 Nihba onge qa ništınbe onge, qa makan inonke kta e nape pakśijapi onge;

11 Hecen wowaħpanice kin wicašta icimani wan he iyecen en niu kta, qa wicašta wipe hduha en nihi kin he iyecen taku owasin inicakije kta.

12 Wicašta śica wicaštapi śni i pemni hduha mani;

13 Išta kin on wiyuta, qa iye siha okiya, qa iye napsukaza on waonspekiya ece;

14 Wacansinyapi kin cante mahen ohinniyan taku śica kaga, okicize kin he kada elipeya.

15 He etanhan ihnuhanna ihdu-
takuni kte śni, ohankoya yukukapi kta, qa wokicizi wanice kta.

16 Taku śakpe Jehowa śice daka, qa śakowin nagi kin wahtedaśni.

17 Wicišta wankantuya, qa wicaceji itonpi śni, qa wicanape tona taku śica econpi śni wewicayapi;

18 Wicacante wicoħan śica ewacin, wicasiha taku śica econpi kta e inahniyan inyankapi;

19 Wayaatanin ecinśniyan woi-tonśni ipohya, qa tuwe hunka-wanjin kiciyapi iyakitedan kicikigepi oju kin he nakun.

20 Cinś, niyate wahokonniciye cin tanyan yuha wo, qa nihun toope kin elpeye śni wo.

21 Hena ohinniyan nicante kin en palita wo, qa nitahu kin en iyakaška wo.

22 Hecen mayani eca yus aniyekta ece, ništima eca awanniyake kta, qa tohan yekta eca oniciye kta ece.

23 Woahope kin he petijanjan qa wicoope kin he iyoyanpa, qa iyopewicayapi woonspe kin he wiconi canku kin ee.

24 He winohınca śica etanhan awannihdake kta, winohınca oyate tokeca ceji skuya etanhan.

25 He owanyag wašte ešta nicante kin ekta kon śni wo; qa ištojuha kin on ihnuhan inicu kin.

26 Witkowin kin wicašta wan

WICOWOYAKE 7.

aguyapi ciqadan ekta aye kta, qa wawicihahapi econsa kin wicanagi tehika apasi kta.

27 Wicašta wan peta ikpihnake cinhan tawokoyake kin kuhna-ge kte šni he ?

28 Tuwe petaga amani kinhan siha kin gu kte šni he ?

29 He iyecen tuwe wicašta to-keca tawicu kici iwanke cinhan ; tuwe kašta he yutan kinhan taku šica iyahdeya.

30 Tuwe wotektehda on woyute manun qa wipiičiya ešta nina šicedakapi šni ;

31 Tuka iyeyapi kinhan šakowin akihde wicakicu kta ; ti kin ohna taku yuke cin owasin ešta wicaqu kta.

32 Tuka tuwe wawicihahapi winohinca wan kici econ kin he cante wanica, tuwe hecon kinhan nagi kin ihang kiya.

33 He apapi kta, qa ištenyapi kta, qa wowištece kin he kajujupi kte šni.

34 Wowinawizi he wicašta to-canteptanye kin ee, tohan tokicon kinhan wawitonpe kte šni.

35 Wokajuju tanka ešta ihakta kte šni, taku ota yaqu ešta iyo-kipi kte šni.

WICOWOYAKE 7.

1 Micinkši, mioie kin yuha wo, qa mitawoahope kin niye eničihna-ka wo.

2 Mitawoahope niišta su kin iyecen yuha wo, qa mitoope kin, hecen yani kta ;

3 Hena ninapsukaza en apahta wo, qa nicante ojuha kin akan owa wo.

4 Wicoksape kin, Nis tanke ciya eciya wo, qa wookahnige, Mitakuye caje yata wo.

5 Hecen witkowin kin etanhan

nipatan kta, wihomniwin i skuya kin etanhan.

6 Wati owanyeye kin hetanhan can ipuskica ohna aowakasin gehan ;

7 Wacintonpi šni wicehna ewatonwan, cincapi ehna koškadan cante nica iyewaya ;

8 Witkowin oise tawa kin ikiyedan mani, canku wan ti kin iyahde kin he ohna ya ;

9 Anpetu owihanketa htayetu, hanyetu otpaza he ehan ;

10 Unkan inyun winohinca kin he itkokipa, witkowin wan iyecen ihduze ça cante kin naki-łibe.

11 Owanji yanke šni qa wicakihna, siha kin tipi tawa ohna yakonpi šni.

12 Tuktekten tiyopa ekta, tuktekten canku kin ohna, qa oise owasin ikiyedan wicahmonka.

13 He yuze ça i iputake ça waditagya heciya,

14 Wopida wošnapi mduha, nakaha hanmdapi wahdušan :

15 Heon itkocicipe kta e tankan wahinawape ; niite kin wanciyake kte hinca qa wanna iye-ciye.

16 Ohewahde kin šina owińska waya ; Egupton wipatapi on apahdan waton ;

17 Mitowinja kin mura, canšin qa canhaša okahtan waya.

18 Ito unhde ça iyokipi kiciya imnaunkiciye kte : Hanyetu osan waštekididaya unkiciyuskin kte ;

19 Wicašta kin tin yanke šni, tehan icimani iyaya ;

20 Mazaska ojutonpi nape ohna icu, wi mibe kin anpetu kin he en hdi kta ce.

21 Wicoie skuya ota on he yahomni, iha skuya on yaptanye ya.

22 Unkan ihnuhanna ihakamya

mani, tatanka wan tutken patapi kta ekta ye cin he iyecen, qa tahinca hmunkapi kin en inyanke cin he iyecen.

23 Ecen wanhinkpe wan pi kin ipahdan iheyapi; zitkadan wan hmunkapi en kinyan iyopita, qa on ƚe kta sdotkiye ƚni he iyecen.

24 Heon micinca anamagoptanpo, qa wicoie mii kin ie cin awacinpo.

25 lhnuhan nicante kin wino- ƚinca kin he oye kin en nihduhomni kinhan, taƚanku kin ohna onuniye ƚni wo.

26 Wicota capapi makata eƚpewicaya, wicakte kin hena owasin waƚakapi.

27 Ti kin he Hades canku iya- hde kin hee, wiconƚe temahentuya ohna iyaye wicaya.

WICOWOYAKE 8.

1 Awicakehan woksape kin wa- ieyanpaha, qa wookaƚnige kin hoyeya ece.

2 Paha ƚinca akan najin, canku icipawega ohna.

3 Tiyopa icahda, otonwe tiyopa en, tukten tiyopa ohna hiyupi ekta wicakipan.

4 Ihopo, wicaƚta cicipanpi qa Adam cinca kin hoyeciciyapi ce.

5 Tona wacinnitonpi ƚni kin wowayupiƚe onspeiƚiciyapo, qa winitkotkopika cante kiksapo.

6 Anagoptanpo, qa iha wahdu- kawa ca taku owotanna epe kta.

7 Micaka kin wowicake eye kta, qa wowicaƚta ƚni miiha kin waƚte da ƚni.

8 Mii kin etanhan wicoie kin owasin ecetupi, hena en taku- dan ƚkope ƚni qa pemni ƚni.

9 Wicaƚta wiyukcan kin hena owasin mdeza e iyeya, tuwe wo-

sdonye akite cinhan hena owotanna e iyeye kta.

10 Mazaska hee ƚni, tuka wa- onspeciciyapi kin he icupo, qa mazaskazi ƚinca hee ƚni tuka wosdonye kin he kaƚnigapo.

11 Woksape kin he inyan tehi- hika kin sam iyeya tehika, qa ta- ku kaƚta iyowicakipi owasin he iyowaja ƚni.

12 Woksape he miye, qa iyo- tan wamdupika; taku wayupika sdonyapi kin hena owasin iye- waya ce.

13 Tona Jehowa kokipapi kin hena wicoƚan ƚica ƚicedakapi; waƚaniƚidapi, watanka iƚidapi, ƚicaya opiiƚiyapi, qa wicai pe- mni kin hena ƚice wadaka.

14 Wahokonwicakiyapi wico- ni ko hena mitawa, wokcan kin he miye, wowaƚake he mitawa.

15 Miye eciyatanhan wicaƚta yatapi wawidakapi, qa itancanpi taku owotanna wakiconzapi ece.

16 Miye eciyatanhan itancanpi oyate yuhapi, qa tona maka akan wayacopi itancanyan unpi.

17 Tona waƚte madapi kin he- na waƚte wadaka, qa tona han- ƚanna ƚin amakitapi kinhan iye- mayanpi kta.

18 Woyuha ota qa wowitan miciiukan, woicihde suta qa wokiconze.

19 Mazaskazi ecedan ƚin eƚta mitawaskuyeca kin he iyotan, qa mazaska kaƚnigapi eƚta taku icaliwaye cin hee iyotan waƚte.

20 Wicoowotanna canku ohna mani wicawaya, wokiconze oye kin cokaya ohna.

21 Hecen tona waƚte madapi kin hena taku hoƚoƚni tawayapi kta, qa wopiye tawapi ojudan wicawakiye kta.

22 Jehowa toƚan tokaheya ma- yuhe ciqon, takudan icaƚye ƚni he itokam kici waun.

WICOWOYAKE 9.

23 Otokahe wanin ehantanhan sdamayanpi, otokahe ekta maka kin itokam.

24 Ošbe wanica hehan matonpi, wakoniya mini ojudan itokam icalimayanpi;

25 He imnija kin sutaya ehdepi šni, qa paha kin itokam icalimayanpi;

26 Maga qa tinta qa maka mdu paha kin kage šni itokam;

27 Mašpiya ehnahe çehan en waun; ošbe akan wohmihbe ehde he ehan.

28 Wankantanhan mašpiya šoka otke ya; ošbe kin etanhan wakoniya yušan he ehan;

29 Miniwanca kin toope qu, qa mini kin huta kin sanpa ye kte šni konze çehan, maka kin sicu kin yasuta qehan;

30 He ehan ikiyedan manka, kici icalimayanpi, anpetu ototiyohi toiyokipi kin he miye, qa ohinniyan itokam wimduškin.

31 Wicašta cincapi om imduškin, qa maka onyanpi kin he iyomakipi.

32 He etanhan dehan micinca anamagoptanpo. Tona mitacanku opapi kinhan hena pidačiyapi.

33 Woonspe kin našonpo, qa ihduksapapo, ihnuhan he elipeyayapi kin.

34 Wicašta tuwe anamagoptan anpetu wasin mitat iyopa awanyake ça tiyopa icahda najin kin he wopida.

35 Tuwe iyemaye cin he wiconi iyeya, qa Jehowa en woyokipi aihdutan.

36 Tuwe miye en walitani kin he nagi kin kiunniyan, tona šice madapike cin hena wiconte wašte dakapi ece.

kage ça inyan šakowin oahe kin hdakan:

2 Tado wanna kpata, miniša kin icicahi, qa wahna wotapi kin ekihde.

3 Wikoška tawa kin ye wicaši, wicoie wakan otonwe ohna he ipa kin akan pan yanka.

4 Tuwe wacintonšni deci uwo, cante nicapi kin hewicakiya,

5 Kuwapo, aguyapi mitawa etanhan yutapo, qa miniša wiye-ya ewehde kin etanhan yatkanpo.

6 Wicowitkotko kin elipeyapo, hecen yanipi kta; qa wokcan canku kin ohna manipo.

7 Tuwe waonca wahokonkiye cin he wowištece iyahdečiya, qa tuwe wicašta šica iyopeye cin he ihdušape kta.

8 Wicašta waonca ihnuhan iyopeyaye cin, šice nidake kta naceca; tuka wicašta ksapa he iyopeya wo, hecen wašte nidake kta.

9 Wicašta ksape cin waonspekiya wo, hecen sanpa ksape kta; wicašta owotanna wosdonye qu wo, he icu kta.

10 Woksape otokaheya kin he Jehowa kokipapi kin ee, qa taku wakan sdonyapi kin wokcan itancan kin hee.

11 Miye on anpetu nitawa nicyuotapi kta; nakun wiconi omaka yuhe ciciye kta.

12 Yaksape cinhan nitoksape taku aicage cin he nitawa kta, qa waonyace cinhan nišnana šitkihda ničiy kta.

13 Winohinca witkotkoka kin he iwakan, wacintonšni qa takudan sdonye šni.

14 Iye ti tiyopa kin icahda iyo-tanka, otonwe pajodan ohna canakanyotankapi akan.

15 Ahiyayapi kin wicakipan, canku katinyan omanipi kin hena;

WICOWOYAKE 9.

1 Woksape tipi tawa wanna

16 Tuwe wacinton śni kinhan, kuwa wo, eciya, qa tona cante nicapi hewicakiya,

17 Mini manonpi kin he skuya ce, qa aguyapi nahmana yutapi kin he wiciyokipi ce, eya.

18 Tuka hen wicanagi yakonpi, tona wicakico Hades osmaka kin ohinipayapi wicašta kin sdoneyē śni.

WICOWOYAKE 10.

1 Wicoie wakan Salomon tawa. Hoksiyopa ksapa eca atku-ku iyuśkin kiya ece; tuka hoksiyopa witkotkoke cin he hunku kin iyokiśinya.

2 Wicohan śica on mazaska mnayanpi kin owicakiyapi śni; tuka wicoowotanna wiconte e-tanhan waehdaku.

3 Jehowa wicašta owotanna nagi kin akihan ye kte śni, tuka wicašta śica taku cinpi ehpe-wicakiciya ece.

4 Tuwe nape kuje cinhan ihdu-wahpanica, tuka wicanape mini-heca kin he wijinwicaya ece.

5 Tuwe mdoketu eca wamnan ece kin he hoksiyopa wayupika, tuka tuwe wamnayanpi icunhan iŝtinbe cin he hoksiyopa wawiŝtenya ece.

6 Wicašta owotanna pa kin yawaŝtepi, tuka wowiŝtece wicašta śica i kin aohdute ye kta.

7 Wicašta owotanna kiksuyapi kin yawaŝtepi kta, tuka wicašta śica caje kin kuke kta.

8 Tuwe cante ksape cin he wahokonkiyapi icu kta, tuka tuwe iha witkotkoke cin he wan-kahe kta.

9 Tuwe wohneye wanin mani kinhan okope codan mani kta; tuka tuwe canku kin hdupemni kin he sdonyapi kta.

10 Tuwe išta kin on wiyute

cin he woiyokiŝice icaliya, qa tuwe iha witkotkoke cin he hi-cahe kta.

11 Wicašta owotanna i kin wiconi minihdoka kin hee, tuka wicowohitike kin wicašta śica ipi kin akahe kta.

12 Woŝicedake kin wicakigepi kaga, tuka wowaŝtedake kin he woahitani owasin akahepa.

13 Wicašta wiyukean iha kin ohna woksape iyeyapi kta, tuka wicašta cante nice cin nite ekta cansakadan kta.

14 Wicašta ksape cin hena woksape nakihmanpi, tuka tuwe witkotkoka i kin ecadan inihan kta.

15 Wicašta wawokihika towijice kin conkaŝke suta kin hda-wa, tuka wowaŝpanice wicašta onŝika yuŝinye wicaya.

16 Wicašta owotanna kin wiconi iyuwin yapi, tuka wicašta śica woahitani icaliyapi ece.

17 Tuwe woonspe hduhe cin he canku wiconi iyahde kin he opa; tuka tuwe wahokonkiyapi awakicin śni kinhan nuni.

18 Tuwe iha itonpi śni on wocanniye anakihbe, ca tuwe wowiŝtece yaotanin kin iŝ eya witkotkoka.

19 Tuwe wicoie ota ie cin wahtani, tuka tuwe iha nina hduhe cin he ksapa.

20 Wicašta ohan owotanna cante kin he mazaska kalinigapi, wicašta śica cante kin he taku śni.

21 Wicašta owotanna iha kin wicašta won wicaya ece, tuka wicašta witkotkopi kin cante nicapi on ŝapi kta.

22 Jehowa toyawaŝte kin wawijinya kin hee, qa iyahna woiyokiŝica opeye śni.

23 Taku śica econpi kin wicašta witkotko imagaga iciyapi,

WICOWOYAKE 11.

tuka wicašta wiyukcan woksape opa.

24 Wicašta śica taku ikope cin he akipe kta, qa wicašta owotanna taku cin kin he kiçupi kta.

25 Tate iyumni ahiyaya eca wicašta śica en un kte śni; tuka wicašta owotanna oahe kin owi-hanke wanica.

26 Hastanhanka toto wicahi kiuniyan, qa śota wicišta kin en he iyecen wicašta kuja tona yeşipi kin en.

27 Jehowa kokipapi kin he anpetu wicakiciyuota, tuka wicašta śica omaka tawapi kin wicakiciyuptecedanpi kta.

28 Wicašta owotanna wowiyu-şkin apepi, tuka wicašta śica taku apepi awihnuni kta.

29 Jehowa tacanku kin wicašta waşte waşag wicaya ece, tuka wicašta śica yuşinyewicaya.

30 Wicašta owotanna ohinni-yan yuhohopi kte śni, tuka wicašta śica maka kin ounyanpi kte śni.

31 Wicašta owotanna i kin woksape hinanpe ya, tuka wope-mni ceji kin başpapi kta.

32 Wicašta owotanna iha kin taku wiciyokipi sdonya, tuka wicašta śica ipi kin wicoşkişke.

WICOWOYAKE 11.

1 Wohnayan tke utapi kin he Jehowa wahtedaşni, tuka tke utapi ecetu kin he Jehowa toi-yokipi ee.

2 Tohan waħaniçidapi hi kin-kan wowištece he nakun u ece, tuka woksape onşihanpi kin wicayukan.

3 Wicašta waşte towaştepi kin awicaye kta, qa wicašta śica topemnipi kin ihang wicaye kta.

4 Wocanniye anpetu ehan wo-yuha takudan okihi śni, tuka

wicoowotanna wiconţe etanhan waehdaku.

5 Wicašta waşte toowotanna kin canku wicakiciyumdaye kte, qa wicašta śica tohan śicapi kin on licahanpi kta.

6 Wicašta ecetupi kin toowo-tanpi kin wicakiyuška ece, tuka wicašta wakonsa tawohnayanpi kin wicahmunka.

7 Tohan wicašta śica ţe cin-han taku cin qon awihnuni kta, qa taku wicašta oħan śica apepi atakuni śni ece.

8 Wicašta owotanna woiyoki-şice etanhan inapa, qa wicašta śica wan he en hiyu.

9 Wicašta wahnayan iye i kin on takodaku ihangya, tuka wicašta owotanna tosdonyepi kin he ewicahdaku.

10 Wicašta owotanna tanyan unpi kinhan otonwe kin iyuşkin, qa wicašta śica awihnunipi eca wiyuşkinyan dowanpi ece.

11 Wicašta ecetupi yawaştepi kin he otonwe kin yawankan-tuya, tuka wicašta śica ipi kin he yajuju.

12 Tuwe takodaku wahtedaşni kin he cante nica, tuka wooka-ħnige wicašta kin inina yanka.

13 Waaiesa kin taku nahmana oyakapi kin he yaotanin, tuka tona woniya wacinyepica kin hena wicoie anahmanpi ece.

14 Tukten wahokonkiyapi wa-nice cin hen oyate wankahe kta, tuka wiyukcanpi ota on etanhan wicani.

15 Tuwe wicašta tokeca taku icazo kicicajuju kta keye cinhan kiunni kta, tuka tuwe he weci-cajuju kta eye kapin kin he wa-cinyepica.

16 Winohinca waşte wowitan yuhe kta, qa wicašta waşaka wo-yuha patanpi ece.

17 Wicašta wacantkiya iye na-

gi tanyan ecakicon; tuka tuwe waonsida sñi kin he iye cehpi kin kiunni.

18 Wicašta śica wohñaye wotani econpi; tuka tuwe wootanna oju kin iyuwin wicaka yuhe kta.

19 He iyecen wicoowotanna on wicani, qa tuwe wicoñan śica ope cinhan țeciya.

20 Tona cante pemniyan unpi kin hena Jehowa wowahitedašni, tuka tona tacanku ecetupi kin hena iyokipi yapi.

21 Wicanape tokan nape ekta yekiyapi ešta wicašta śica šitki-hdayapi kta; tuka wicašta owotanna cincupi kin he inape kta.

22 Winohinca owanyag wašte tuka woksape nice cin he mazaska oinna kukuše pasu kin ohna kin he iyececa.

23 Wicašta owotanna taku wašte heceedan cinpi, tuka wicašta śica wocanniye aepi.

24 Wanji wakadada ešta sanpa mnayan, qa wanji taku owotanna isanpa tehinda ešta ihduwaphanica.

25 Wicanagi wayawašte kin he cepe kta, qa tuwe waamni-mni kinhan amnimnipi kta.

26 Tuwe wamnaheza tehinda kin he oyate kin yašicapi kta, tuka tuwe he iyopeye cinhan woyawašte pa akan un kta.

27 Tuwe wowašte nina akite cinhan woiyokipi iyeye kta, qa tuwe taku śica ode kinhan he iyohi kta.

28 Tuwe towijice kin wacinkiyey cinhan hicahe kta, tuka wicašta owotanna canwapa iyecen tanyan icagapi kta.

29 Tuwe iye ti kin iyokišinye cinhan tateyanpa ekicihñakapi kta, qa tona witkotkokapi kin hena, tuwe ksape cin wowidag wicaye kta.

30 Wicašta owotanna taku icaliyey cin he can wiconi kin ee, qa tuwe wicanagi ohiwicaye cin he wicašta ksapa.

31 Wicašta owotanna maka akan iyuwin yuhe kta, hecinhan wicašta śica qa wahitanisa isanpa hececapi kta.

WICOWOYAKE 12.

1 Tuwe wahokonkiyapi wašte dake cinhan wosdonye wašte daka qa tuwe iyopekiyapi kin šice daka he witkotkoka.

2 Jehowa wicašta wašte cantekiya, tuka tuwe taku śica awacin kin he yaco kta.

3 Wicašta wicoñan śica eciyatanhan sutaya he kte sñi, tuka wicašta owotanna hutkan tawapi kin hohodan kte sñi.

4 Tuwe hihnaku ištenkiyey cin he huhu owasin kuke kiya iyececa, tuka winohinca ksapa wan hihnaku watešdake tawa kin hee.

5 Wicašta owotanna cante oze-pi kin hena ecetupi, tuka wicašta śica wahokonkiyapi kin he wohñaye.

6 Tona śica oiepi on wicawe hmunkapi, tuka wicašta owotanna i tawapi ewicayakupi kta.

7 Wicašta śica kawankapi qa en unpi sñi, tuka wicašta owotanna tipi kin sutaya he kta.

8 Wicašta token ksapa he iyecen yatanpi kta, qa tuwe cante pemni kin woihaktapi sñi un kta.

9 Tuwe ihaktapi sñi ešta ookiye wan yuhe cinhan tuwe ihduonihan qa aguyapi codan un kin he isanpa tanyan un ece.

10 Wicašta owotanna kin tawoteca ni un kin en ewacin ece, tuka wicašta śica wawacinkta yuzapi kin he wohitika.

11 Tuwe tamaga kicanyey cin

WICOWOYAKE 13.

he aguyapi imnaiciye kta, tuka tuwe takuśniśni kuwa kin he cante wanica.

12 Wicašta śica kin śicapi conkaške tawapi cin ece, tuka tona owotanna hutkan tawapi kin taku icaħya.

13 Iha itonpi śni kin on śicaya wicahmunkapi, tuka wicašta owotanna wokakije etanhan inanpe kta.

14 Wicašta i waskuyeca tawa kin he etanhan taku wašte on innapi kta, qa taku iye nape kage cin he kicupi kta.

15 Wicašta witkotko canku tawa kin he owotanna kecin, tuka tuwe wahokonkiyapi anagoptan kin he ksapa.

16 Wicašta witkotko tocanniye kin ecadan hdutanin, tuka wicašta wayupika ištenyapi kin aħdaħpa.

17 Tuwe wowicake ie cinhan taku owotanna yaotanin, tuka wayaatanin itonśni kin he wohñaye.

18 Wicašta wan isan cawicape iyecen ia, tuka tona ksapa cejipi kin he wookizi.

19 Wowicake iha kin he ohinnyan suta kta, tuka ceji itonśni kin he aśkayedan.

20 Tona taku śica awacinpi cantepi kin ohna wohñaye yukan, tuka wookiye wahokonkiyapi kin hena wowiyuśkin.

21 Wicašta owotanna takudan śica iyahde śni unpi kta, tuka tona śicapi kin hena taku śica ojupidan.

22 Wicaiha itonpiśni kin Jehowa waħtedaśni, tuka tona ecetu oħanyanpi kin hena toiyokipi kin ee.

23 Wicašta ksapa wosdonye aħdaħpa, tuka tona witkotkoka cantepi kin wacintonpi śni ieñanpaha.

24 Wicanape miniheca kin he wawidake kta, tuka wicašta kuje cin he wowidake yapi kta.

25 Woiyokiśice wicašta cante mahen he patuśya, tuka wicoie wašte wan he iyuśkin ya.

26 Wicašta owotanna kin tawaśitku kin kapeya, tuka wicašta śica tacankupi kin wicahnayan.

27 Wicašta kuja taku ihni kin he pasnu śni, tuka wicašta miniheca woyuha tawa kin he tehika.

28 Wicoowotanna canku kin ohna wiconi, qa oye canku kin ohna wiconťe wanica.

WICOWOYAKE 13.

1 Hokśidan ksape cin he atku ku wahokonkiya naħon, tuka waoncesa iyopekiyapi ešta naħon śni.

2 Wicašta wan i kin taku icaħye cin etanhan taku wašte yute kta, tuka tona pemniyan oħanye cin nagipi kin wicowohitike yutapi kta.

3 Tuwe i kin awanhdake cin he nagi kin kpatan, tuka tuwe iha kin hdugaga woiyokiśica yuhe kta.

4 Wicašta kuja nagi kin taku cin tuka wanica; tuka tona miniheca nagipi cepapi kta.

5 Wicašta owotanna wicoie wicake śni śice daka, tuka wicašta śica honwin qa ištece kta.

6 Wicoowotanna tona ecetupi kin wicapatan, qa wicoħan śica kin waħitanipisa nawicahnaye kta.

7 Wanji ihdawijica tuka takudan yuhe śni, qa wanji ihdawaħpanica ešta woyuha ota ton.

8 Wicašta wan toni kin opekiton kta e towijice kin iyopekitya, tuka wicašta śica iyopeyapi naħon śni.

9 Wicašta owotanna toiyoyanpa kin wiyuſkin kiya, tuka wicašta ſica petijanjan tawapi kin bowicakisnipi kta.

10 Wahaničidapi kin hecedan waakinicapi kaga, tuka tuwe wahokonkiyapi naſion kin he ksapa.

11 Wicahnayanpi kin eciyatanhan woyuha kin he wanistina aye kta, tuka tuwe iye nape kin on kamna kin he hduota kta.

12 Woape kin yutehanpi kin cante kin iyokiſin ya, tuka taku cinpi kin iyohipi kin he wiconi can kin he iyececa.

13 Tuwe wicoie kin ihakta ſni kin ihang ičiye kta, tuka tuwe woahope kin ikope cin iyuwin yuhe kta.

14 Wicašta ksapa toope kin he wiconi wakoniya kin heca, on wiconſe wihmunke yuiyokapi.

15 Tawacin wašte kin wicoiyokipi icaliya, tuka tona walitedaſniyan oňanyanpi kin canku tawapi kin he tehika.

16 Wicašta ksapa otoiyohi wosdonye on taku econ, tuka tuwe wacintonſni towitkotkoke cin hduotanin.

17 Wahoſiya ſica taku ſica ohinſipaya ece, tuka wahoſiya wicake cin he wookizi.

18 Tuwe woonspe elpekiye cinhan wowahpanica wowištece iyahna ičicaga, tuka tuwe iyopekiyapi awacin kin he kinihanpi kta.

19 Taku cinpi kin iyohipi kinhan wicanagi kin iyokipi, tuka wicoľan ſica ayuſtanpi kin he wicašta witkotkopi walitedapi ſni.

20 Tuwe wicašta ksapa ommani kinhan ksape kta, tuka tuwe wicašta witkotkoke koda wicaye cinhan hee ihang yapi kta.

21 Taku ſica walitanipisa wicapasi, tuka tona owotanna taku wašte wicakicupi kta.

22 Walitanisa woyuha tawa kin wicašta owotanna wicakicihnakapi, qa wicašta wašte cinhintku cincapi kin woyuha tawa wicakiye kta.

23 Wicašta walĥpanica mahikicanyanpi on woyute ota icaga, tuka owotanna oňanyanpi ſni on apa awihnuni.

24 Tuwe wicapsinte tpatan kin he cinhintku ſice kidaka, tuka tuwe he wašte kidake cin he kohanna iyopekiya.

25 Wicašta owotanna nagi kin imnahan wota ece, tuká wicašta ſica tezipi kin akiľhanpi kta.

WICOWOYAKE 14.

1 Winolinca ksape cin otoiyohi tipi ičicaga ece; tuka witkotkoke cin he iye nape kin on ti kin hdujuju.

2 Tuwe iye toecetu kin omani kin he Jehowa kokipa, tuka tuwe canku kin hdupemni kin he ihakta ſni.

3 Wicašta witkotko ipi kin ohna wahaničidapi saġye yukan, tuka tona ksapapi ihapi kin wicahduhapi.

4 Tukten tatanka wanica hen aguyapi tipi takudan ohnaka ſni, qa oicage ota kin he tatanka waſake cin he eciyatanhan uce.

5 Wayaatanin wicake cin he itonſni wanice kta, tuka wayaatanin ecinſniyan kin he woitonſni ipohya.

6 Waoncesa woksape akita ešta he iyeye ſni, tuka tuwe wokahņige cin he wosdonye waſakadan iyeya.

7 Wicašta witkotkoka itokapatanhan ya wo, qa nakun tuwe

woksape iha yuhe śni sdonayaye cinhan.

8 Wicašta wayupika toksape kin he tacanku kin iyukcan, tuka wicašta witkotko towitkotkopi ke cin he wohneye.

9 Wicašta witkotkopi kin woahtani ihañayapi, tuka tona ecetupi kin ehna wacantkiyapi yukan.

10 Wicacante nagi kin toiyokiśice cin sdotkiya, qa towiyuśkin en token icicahiye śni.

11 Wicašta śica tipi kin kawan-kapi kta, tuka wicašta ecetupi tawakeyapi icage kta.

12 Canku wanji ecetu seca wicašta itokam, tuka he iyohakamya wiconṭe iyahdeya.

13 Nakun tuktektan ihañapi icunhan cante śicapi, qa wowi-yuśkin kin he ihanke kin ekta woiyokiśica.

14 Tuwe cante namni kin iye tacanku kin on imna kta, qa wicašta wašte iye cante oze on ipi kta.

15 Tuwe wacintonśni kin wicoie owasin wicada, tuka wicašta wayupika caehde kin iwanhdaka.

16 Wicašta ksapa kokipe ça taku śica etanhan ihduhomni ece, tuka wicašta witkotko ke cin iyoṭa iyaye ça waciniṭiya.

17 Tuwe wacinko kinhan witkotkoya oñanyan, qa tuwe taku śica cantiheye cin śice dakapi kta.

18 Tona wacintonpi śni wowitkotko kin tawayapi, tuka wicašta ksapa wosdoney wateśdag tonpi.

19 Wicašta śica tona waštepi wicitokam patujapi, qa tona owotanna tatiyopa itokam.

20 Kodawicaya ešta wicašta wañpanica kin śicedakapi, tuka wicota wijica wan taku yapi.

21 Tuwe takodaku ihakta śni kin walitani, tuka tuwe tona onśika onśiwicakida yawaštepi kta.

22 Tona taku śica kagapi kin hena nunipi, tuka tona taku wašte kagapi wacantkiyapi wo-waonśida ahna tawayapi.

23 Taku kicanyanpi kin owasin on taku mñayanpi ece, tuka wicaiha iapi kin wicayuwahpanica hecedan.

24 Wicašta ksapa woyuha tawapi kin he wateśdag tonpi, tuka tona wacintonpi śni towitkotkopi ke cin he wowitkotko.

25 Wayaatanin wicake cin he wicanagi ewicayaku, tuka wayaatanin wahnaye cin woi-tonśni ipohya.

26 Jehowa kokipapi kin en wowacinye suta yukan, qa tuwe hecon cinca kin heña wowinape yuhapi kta.

27 Jehowa kokipapi kin he wiconi minihdoka kin hee, on wiconṭe wiñmunke kin etanhan ihduśpapi.

28 Oyate ihduotapi eca wicašta yatapi kin wowitan yuha ece, tuka oyate kin wanistina aye cinhan atakuni kte śni e ikopa.

29 Tuwe tehan canteptanye śni kin he wiyukcan tanka, qa tuwe wacinko kin he towitkotko ke cin hdutanin.

30 Cante zanika ceñpi nikiya kin hee, tuka winawizipi kin he wicahu kin yukuka kin hee.

31 Tuwe wicašta onśika wan sanpa yuwahpanice cin he tuwe he icahiye cin he ištenya, tuka tuwe he ohoda kin he wañpanicapi kin cante wicakiya ece.

32 Wicašta śice cin taku śica en napeyapi kta, tuka wicašta owotanna ṭa ešta taku wacinyan un.

33 Woksape kin wicašta wiyu-

kean cante kin ohna iyozi, qa wicašta witkotko cokaya kin sdonyapi kta.

34 Wicoowotanna kin he oyate kin wowitan icalhwicakiciye cin ee, tuka woahitani kin he oyate wowištece kin ee.

35 Ookiye ksapa kin wicašta yatapi toiyokipi kin hee, tuka tuwe wowištece kage cin he canniye kta.

WICOWOYAKE 15.

1 Ĥbayedan waayupte cin he wowacinko anapta, tuka wicoie tehiike cin he wocanteptanyan kaga.

2 Wicašta ksapa cejipi kin wosdonye yawašte, tuka wicašta witkotko ipi kin wowitkotko enapeya.

3 Jehowa išta kin owancaya wicašta šica wicašta wašte ko owasin iyohi wicaya.

4 Wicaceji wawokizi ye cin he can wiconi kin iyececa, tuka wicaceji wayapemni kin wicnagi kin he yawega.

5 Tuwe witkotko kin he atuku wahokonkiye cin ihakta šni, tuka tuwe iyoheyapi iyowiničiye cin he ksapa.

6 Wicašta owotanna ti kin ohna woyuha tanka yanka, tuka wicašta šica taku mnayanpi kin en woškiške yukan.

7 Tona ksapa ihapi kin wosdonye kadadapi, tuka tona witkotko cantepi kin hecetu šni.

8 Wicašta šica wošnapi kin he Jehowa wowahiteda šni, qa wicašta ecetupi kin cekiyapi kin he iyokipi.

9 Wicašta šica tacanku kin he Jehowa wahtedašni, qa tuwe woowotanna ope cin he wašte daka.

10 Tuwe canku elipeye cin

wahokonkiyapi kin iyokipi šni, qa tuwe iyoheyapi šice dake cin he te kta.

11 Jehowa wicašte cin nagipi kin qa tancan atakunipi šni owasin wanyaka, nakun Adam cinca cante ozepe kin owasin.

12 Waoncesa wahokonkiyapi wašte dake šni, qa wicašta ksapapi kin ekta ye kte šni.

13 Wicacante wiyuški kin he itohnake wašte kaga, tuka cante wicašice cin on wicoksape kin kawanka.

14 Wicacante ksape cin wosdonye akita, tuka witkotko ipi kin wowitkotko woyute yapi.

15 Tona iyokišica anpetu tawapi owasin šicapi, tuka cante wašte kin wohanpi en ohinniyan opapi kin he iyececa.

16 Jehowa wokokipe yapi taku cistina yuhapi ešta hee wašte, tuka woyuha tanka wicoškiške iyahna hee wašte šni.

17 Wahpe tanka hecedan ešta cante waštaya kiciyus yutapi kin hee wašte, qa tatanka cepa ešta cante šicaya kiciyus yutapi kin hee šica.

18 Wicašta wacinko kicigepi kaga, qa tuwe tehan canteptanye šni woakinica anapta ece.

19 Wicašta kujapi tacankupi kin wapepeka mahinatake wan iyececa, tuka wicašta owotanna tacanku kin he yumdayapi.

20 Hokšidan ksape cin he atuku wiyuški kin kiya, tuka wicašta witkotko cin he hunku kin ihakta šni.

21 Tuwe cante nice cin he wowitkotko cin wiyuškiyan, tuka wookahiniga wicašta ece-tuya mani.

22 Wiyukcanpi wanice cinhan cante ozepe kin atakuni šni ece, tuka wiyukcanpi ota on yusutapi kta.

23 Wicašta i kin tanyan wa-ayupte cin on iyuskin kta, qa wicoie iyehantu kin he wašte hinca.

24 Wiconi canku kin wankan-tuya wicašta ksapa opa, hecen Hades ihukuya kin yuiyogya.

25 Jehowa wahaničida ti kin yujuju, tuka wiwazica ti kin yusuta ece.

26 Cante ozepi šiksica kin Jehowa wahtedašni, tuka wicoie wakašotešni kin he iyokipi.

27 Tuwe šiksicaya wakamna kin he iye ti kin iyokišinya ece, tuka tuwe taku qupi kin šice dake cin hee ni kta.

28 Wicašta owotanna cantepi token waayupte kta awacin, tuka tona šica ipi kin taku šica enapeya ece.

29 Wicašta šicapi kin Jehowa itehanyan wicaun, tuka wicašta owotanna cekiyapi eca nawica-hon ece.

30 Wicašta iyoyanpa kin he wicacante iyuskin, qa taku wašte nañonpi kin wicahuhu cem-ya ece.

31 Wicanoge wiconi woiyope-ye nañon kin he wicašta ksapa om wanke kta.

32 Tuwe woonspe aktašni kin he iye nagi kin elipekiya, qa tuwe woiyopeye nañon kin he cante ton.

33 Jehowa kokipapi kin wo-ksape woonspe kin ee, qa onšihan içidapi kin he wowitan ito-kamya u ece.

WICOWOYAKE 16.

1 Cante ozepi kin wicašta etanhan, tuka Jehowa ceji wo-ayupte kin he qu.

2 Wicašta iye tacanku kin owasin ecedan kecin, tuka wo-niya wicatkeuta Jehowa hee.

3 Nitohtani kin Jehowa en ya-kizamni wo, hecen nicante oze-pi kin yusutapi kta.

4 Taku Jehowa kage cin owa-sin akiciyuptapi, qa wicašta šica anpetu šice cin on nakun.

5 Wicacante wahaničida kin otoiyohi Jehowa wowahtedašni, nape iciyahdeyapi ešta iyopewi-cayapi kta ce.

6 Wowaošida wowicake iya-hna on woahntani kajujupi, qa Jehowa kokipapi kin on taku šica etanhan inapapi.

7 Tohan wicašta wan oñan kin Jehowa iyokipi kinhan tona to-kayapi qon takuyapi kta e kaga.

8 Woowotanna kici taku cisti-na ešta hee wašte, qa woyuha tanka ecetu šni mnayanpi kin he šica.

9 Wicašta cante kin tacanku kin hdukean, tuka cahde tawa kin Jehowa konza.

10 Wokcan wicoie wan wica-šta yatapi iha kin etanhan, wa-yaco eca i kin nuni kte.šni.

11 Tke utapi ecetu kin he Je-howa etanhan, ojuhadan ohna inyan un kin hena owasin iye kaga.

12 Wicašta yatapi kin šicaya ohanyanpi kin wowahtedašni yanpi kte, nakaeš woowotanna kin oiyotanke kin yusuta.

13 Wiciha owotanna wicašta yatapi iyowicakipi, qa tuwe ecetuya ie cin he wašte dakapi kta.

14 Wicašta yatapi tocanniye kin he wiconte wahošiwicaya iyececa, tuka wicašta ksapa wan he anapte kta.

15 Wicašta yatapi itohnake kin iyoyanpa kin ohna wiconi yukan, qa cante wicakiye cin he magaju ehake kin he iyececa.

16 Woksape mnayanpi kin hee iyotan, qa mazaskazi hee šni;

qa wokcan iyohiyapi kin he mazaska isanpa cinpi kte.

17 Taku śica yuiyokapi kin he wicaśta ecetupi tacanku yumdayapi kin hee, qa tuwe iye oħan kin awanhdake cin he nagi kin kpatan.

18 Wicotakuniśni itokamya watankaicidapi u, qa wicawan-kahe kte cin itokam woniya wahanicida ya ece.

19 Onśipika om woniya onśilian icida kin hee waśte, qa wahanicidapi om taku kipi kicipamnipi kin en opapi kin he śica.

20 Tuwe wicoie kin awacin kinhan taku waśte iyeya, qa tuwe Jehowa wacinye cin he ya-waśtepi kta.

21 Tuwe cante ksape cinhan wokcan eciyapi kta, qa iħa oskuye cin he woonspe icaħye kta.

22 Tuwe woksape yuħe cin he wiconi wakoniya wan seca yuħa, tuka wicaśta witkotko onspekiyapi kin he wowitkotko.

23 Wicacante ksape cin he i kin wayupikiya, qa iħa kin akan woonspe aokijuya ece.

24 Wicoie wiciyokipi tulmaga canhanpi kin he iyececa, wicnagi woskuye kin, qa wicahuħu okizi kin hee.

25 Canku wanji ecetu seca wicaśta itokam eśta, iyohakamya wiconťe canku kin iyahdeya.

26 Tuwe ĩtani kin he iye on ĩtani, i kin iyopaśtaka nakaeś.

27 Wicaśta wicaśtapi śni kin taku śica kicanye ċa, iħa kin ohna peta ideya seca.

28 Woopemni wicaśta kin he woakinice icaħya, qa wicaśta śin woyag un kin he takodakiciyapi wicayamdece cin hee.

29 Wicaśta wakisa kin takodaku kihnayan, qa canku wan waśte śni kin omanikiya.

30 Woyapemni kin yukcan kta e iśta kin ohmus ikikcu, qa iħa kin hdaħitaka wicoħan śica hduśtan.

31 Wicapa ska woowotanna canku kin ohna iyeyapi kinhan wateśdake owaśtecaka kin hee.

32 Tuwe teħan canteptanye śni kin he wicaśta waśaka kapeya, qa tuwe toniya wowidag kiyecin he wicaśta otonwe icu kin he kapeya.

33 Wicaśta econpidan kansu kin ojuħa ohna iyeyapi, tuka token hinanpe kta Jehowa konza.

WICOWOYAKE 17.

1 Aguyapi onśpadan wapaye codan eśta wokiyapi en hee waśte, qa tipi wan tado akinicipi ojudan kin hee śica.

2 Ookiye ksape cin he cinca iśtenwicakiye cin he wowidag ye kta, qa sunka kiciyapi om taku tawayapi kta en wopamni yuħe kta.

3 Maka wakśica ohna mazaska iyutapi, qa maza oceti ohna mazaskazi, tuka Jehowa wicacantepi kin iwicayuta.

4 Wicaśta śica wiciħa ecinśniyan anagoptan, qa tuwe itonśni kin ceji awihnuniyan kin anoli kiciya.

5 Tuwe wicaśta waħpanica kin iħa kin he tuwe he kage cin iśtenya, qa tuwe tokan yuśakapi kin on iyuśkin śitkiħdayapi kta.

6 Cinca qa sanpa cinca kin he na wicahinca wateśdag yapi, qa hokśipidan atkukupi kin wowitan wicayapi ece.

7 Iapi tanka kin wicaśta witkotkopika iyewicacecapi śni, qa he isanpa iħa itonpi śni kin wicaśta tokapapi kin iyowiniċiyapi kte śni.

8 Taku wicaqupi inyan wici-

mdeza iyececa tuwe he yuhe cin ista kin itokam, taku kasta ektakiya yuhomnipi taku okihi.

9 Tuwe woahtani akahpeton kin he otakuye akita, qa tuwe he oyakesa he kodakiciyapi tan-ka yujuju.

10 Iyopeyapi kin wicašta ksa-pa nina yaskinya, tuka opawinge apapi keš wicašta witkotko kin awacin šni.

11 Tuwe wakipajin taku šica hecedan akita, heon wahoši wo-hitika ekta ye šipi kta.

12 Eeš wicašta wanji wahan-ksica cinca owasin kitanin šni akipe cin he tehika ešta, wicašta witkotkoka towitkotkoke cin ohna he isanpa tehika.

13 Tuwe taku wašte on taku šica iyowinye cinhan, taku šica iye ti kin ayušan kte šni.

14 Okicigepi otokahe kin he mini okadusyapi kin he iyececa, heon akinicapi kin ihdutaninšni itokam ehpeya wo.

15 Tuwe wicašta šica yaowo-tanna, qa tuwe wicašta owotan-na yašice cin hena napin Jeho-wa wowahtedašni.

16 Taku on etanhan woksape opeton kta e witkotkoka nape ohna maza yukan tuka cante wanica?

17 Kodayapi wan ohinniyan takodaku cante kiye kta, qa tehiya unpi eca owicakiye kta ece kin heon sunkayapi wan wicakicitonpi.

18 Wicašta cante nice cin takodaku itokam icazopi kicicajuju kta keye ça nape yekiya.

19 Tuwe wokipajin wašte dake cin he akinicapi wašte daka, qa tuwe tatiyopa kin hduwankantuya kin he ihang iciye kta e akita.

20 Tuwe cante pemni kin he taku wašte iyeye kte šni, qa tu-

we ceji kin hdatokeca kin he taku šica ohinipaye kta.

21 Tuwe cinca witkotko wan kage cin he woiyokišin iciya, qa hokšidan wicaštašni atkuku kin iyuškin kte šni.

22 Wicacante wiyuškinyan tan-yan okizi wicaya, qa woniya iyokišice cin he wicahuhu kin našeca.

23 Taku itpi etanhan qupi kin he wicašta šica icu, qa woyaco canku kin yapemni.

24 Wokcan wicašta kin itokamya woksape yukan, tuka wicašta witkotko ista kin maka ihankeya kin etonwanpi.

25 Hokšidan witkotko kin he atkuku okičuninya, qa tuwe ton kin iyokišinya ece.

26 Wicašta owotanna iyope-wicayapi kin he wašte šni, wicašta tokapapi kin taku ecetu kin on awicapapi kin he nakun.

27 Tuwe oie kin kpatan kin he wosdonye sdonya, qa woniya inina kin he wookahñige wicašta.

28 Tuwe witkotkoka ešta inina un kin hehanyan ksapa kecinpi kta, iohmus un kin he wiyukan.

WICOWOYAKE 18.

1 Wicašta wan iyokipi iciye kta e išnaņa iyaye ça taku awacinpi kin owasin on wicakige.

2 Wicašta witkotko wookahñige iyokipi šni, tuka cante kin toketu ihdutanin kta he iyokipi.

3 Wicašta šica u kinhan wokaštašni nakun u, qa wicakigepi kin he iwicašteca opa.

4 Woksape wakoniya kin he wakpa kaduze cin heca, wicašta i kin etanhan wicoie kin mini šma kin he iyececa.

5 Wayacopi en wicašta šica wan ihaktapi on wicašta owotan-na yapemni kin he wašte šni.

6 Wicašta witkotko iha kin akinicapi en ye içiya, qa i kin apapi kin kipan.

7 Wicašta witkotko i kin ihdu-takunišni, qa iha kin iye nagi kin kihmunka ece.

8 Tuwe iwakan kin oie kin wo-yute skuya kin iyececa, wicate-zi kin mahentuya iyaya ece.

9 Nakun tuwe tohtani on kuje cinhan tuwe woyuha ihang ye cin he cinye ya.

10 Jehowa caje kin conkaške suta wan heca, wicašta owotan-na kin hen onapa qa okope wa-nin yanke.

11 Wicašta wijica taku yuhe cin he otonwe suta, qa conkaške tehanwankantuya iyececa kecin.

12 Nawegapi kin itokam wica-cante kin wahaniçida, qa wowi-tan itokam onšihan içidapi kin.

13 Tuwe taku nañon šni itokam waayupte cin he witkotko içiye ça kiunniçiya.

14 Wicašta tancan yazan ešta taniya kin wakişaka ece, tuka wicaniya naşujapi kinhan tuwe wakişake kta okihi he ?

15 Wicacante wiyukcan kin he wosdonye ton kta, qa wicašta ksapa nogepi kin wosdonye aki-te kta.

16 Taku ituhan kin wicašta kiciyukan kta, qa wicašta tanka wicitokam hiyuye kta.

17 Waakinicapi en tuwe toka-heyah wohdake cin he ihdaowo-tanna, tuka uman hi qa iwange kta.

18 Oeonna kin akinicapi kin anapte ça wicašta waşaka wica-yukinukan.

19 Sunkakiciyapi akinicapi kin conkaške tiyopa onatakapi kin iyececa, qa otonwe suta ohiyapi tehika ešta sunkakiciyapi kici-pajinpi kin he sanpa tehika.

20 Wicašta tezi kin taku i kin icalıye cin on imna kta, taku iha kin etanhan inape cin heon imna kta.

21 Wiconte wiconi ko wicace-ji nape kin ohna un, qa tuwe he wašte dake cinhan taku icalıye cin he etanhan yute kta.

22 Tuwe tawicu iyeye cinhan taku wašte iyeya, qa Jehowa wicašta kin he cante kiya.

23 Wicašta walıpanica wace-kiya yanka, tuka tuwe wijice cin he sutaya waayupta.

24 Tuwe wicota kodawicaye cin he kodayapi iyecen ihdutan-in kta, qa wanji wacantkiya sunkayapi wicapatan ešta sam iyeya wicapatan.

WICOWOYAKE 19.

1 Tuwe iha pemni qa witko-tkoka hee šni, tuka tuwe ecetu-ya mani walıpanica ešta hee wašte.

2 Wicanagi kin wosdonye nice cin he nakun wašte šni, qa tuwe siha kin inalni kin he nuni.

3 Wicašta towitkotkoke cin canku kin hdupemni, qa cante kin Jehowa canniyeya.

4 Wowijice kodayapi ota icalıya, tuka tuwe walıpanica kin he takodaku yukinukan.

5 Wayaatanin itonšni kin he iyoheyapi kta, qa tuwe taku ecinkta enapeye cinhan ihduşpe kte šni.

6 Tuwe nina wo wicaqu kin wicota he ite kin kastostopi kta, qa tuwe ituhanşa kin he owasin kodayapi kta.

7 Tuwe onşika eca hunka-wanjitku owasin şice dakapi, qa hecen sam iyeya kodawicaya ihdutehanpi, wicoie pasi tuka hena taku šni.

8 Tuwe cante ton kin he nagi

kin wašte kidaka, tuwe wooka-
hnige patan kin taku wašte iye-
ye kta.

9 Wayaatanin itonśni kin iyo-
peyapi kta, qa tuwe taku ecin-
kta enapeye cinhan awihnnuni
kta.

10 Wicašta witkotko taku wi-
ciyokipi yuhe kta he iyecece
śni, qa ookiye yuhapi qon wica-
šta itancean wowidag wicaye
kta e sanpa tehika.

11 Wicašta toksape kin tocan-
niye kin kihnaka, qa śicaya eca-
kiconpi kin iwankam iyaye cin
towitan kin hee.

12 Wicašta yatapi tocanniye
kin he mnaja hoton kin iyececa,
qa toiyokipi kin cu kin wato
akan he iyececa.

13 Hoksídan witkotko atkuku
toiyokiśice kin ee, qa winohínca
kigesa kin śbuyapi ohinniyan
kin heca.

14 Tipi qa woyuha hunkake
yapi etanhan tawayapi, tuka ta-
wieu ksape cin he Jehowa etan-
han.

15 Wokuje kin he ħbapi kaga,
qa wicanagi econkapin kin he
wotektehda un kta.

16 Tuwe woope kin yuhe cin-
han nagi kin hduha, qa tuwe
tacanku kin iyakiktaśni kin he
te kta.

17 Tuwe wahpanicapi cante
wicakiye cin he Jehowa oqu, qa
taku wašte kin he iyecece tan-
yan kicu kta.

18 Nahanhin taku wašte ape
oyakihi nicinca iyopekiya wo,
qa te yakiye kta ihnuhan ninagi
en inape cin.

19 Tuwe wocanteptanye tanka
kin he śitkihdayapi kta, hetan-
han edaku ešta ake ecanon kta.

20 Wabokonnicapi kin awa-
cin wo, hecen iyohakamya ya-
ksape kta.

21 Wicacante ekta taku ota
awacinpi, tuka Jehowa taku kon-
ze cin he sutaya he kta.

22 Wicašta toiyokipi towacan-
tkiye kin hee, qa wicašta wa-
ħpanica kin wicašta itonśni kin
kapeya.

23 Jehowa kokipapi kin on wi-
coni, qa tuwe hecon kin he
imnahan yanke kta, taku śica
he iyohi kte śni.

24 Wicašta kuje cin nape kin
wakśica ohna yekiya, ake i kin
ekta ešta hiyukiye kte śni.

25 Waoncesa nina ayape cin-
han tuwe wacintonśni kin he
ksape kta, qa wicašta wokahni-
ge kin he iyopeya wo, wosdonye
okahniye kta.

26 Hoksídan waištenya qa wa-
ihakta śni kin he atkuku kin
hduatakuniśni, qa hunku napeki-
ya.

27 Micinkśi woonspe kin wo-
sdonye wicoie kin etanhan nuni
wicakiye cin he nahon kta ayu-
stan wo.

28 Wayaatanin wicašta śni kin
he woyaco ihaha, qa wicašta śi-
ca ipi kin taku śniśni napcapi.

29 Woyaco wicašta śica wiye-
ya wicakicihnakapi, qa wicašta
witkotkopi tapetepi kapsinpsin-
tapi kta.

WICOWOYAKE 20.

1 Miniśa kin he waiħaha qa
mini wakan kin he owodutaton
wicaya; tuwe unman tukte ka-
šta on nuni kinhan ksape kte
śni.

2 Wicašta yatapi kin yušinye-
wicaye cin he mnaja hoton kin
he iyececa, tuwe he canniyeye
cinhan iye nagi kin awahtani.

3 Akinicapi anapte cin wicašta
towitan kin ee, tuka wicašta wi-
tkotko otoiyo hi wakigepi en ye-
iye kta.

4 Wicašta kuja osni kin on maga hđumdu kte šni, he on woksapi icunhan woda kta, tuka wanice kta.

5 Wicašta taku konze cin he cante mahen mini šma kin iyececa, tuka wicašta wookahnige kin he tankan hiyuye kta.

6 Wicašta ota otoiyohi towacantkiye kin ohdake kta, tuka wicašta wowicake tuwe iyeye kta he ?

7 Tuwe ecetuya mani kin he oħan owotanna, cinca iyohakam icagapi is eya tanyan unpi ece.

8 Wicašta yatapi woyaco oiyo- tanke akan yanke cin he išta kin on taku šica owasin bomden iyaye ya.

9 Micante kin mihducedan, wawaħtani kin etanhan mihdu- ska, tuwe eye kta okihi he ?

10 Wiyutapi toktokeca, qa tke utapi toktokeca heniozoa Jeho- wa walitedašni.

11 Koška ešta oħanye cin etan- han ihdutanin, oħan kin ecedan kinhan qa ecetu kinhan.

12 Noge wanaħon kin qa išta wawanyaka kin heniozoa Jeho- wa kaga.

13 Ihnuhan woistima wašte ya- dake cin, okini nihduwalipanice kta ; išta hdukawa hecen aguya- pi ininma kta.

14 Šica, šica ce, tuwe opeton kta eye ca wanna tawa tankan iyaya hehan ihdatan.

15 Mazaskazi yukan, qa tuki- hasan ša ota ešta, wosdonye wic- iha kin he wojuha teħike ĩin- ca hee.

16 Tuwe oyate tokeca wicašta on, wecicajuju kta, eniciye cin- han tašina kin icu wo, qa tuwe wicašta sdonwicaye šni, wica- wecicajuju kta, eye cinhan taku tohanyan kajuju šni duhe kte cin he icu wo.

17 Tokan wicakicicajujupi e- yapi kin he aguyapi itonšni, qa iyohakam i kin isbudan oju ye kta.

18 Takukonzapi kin wiyukcan- pi kin on yusutapi kta, qa tan- yan iyukcanpi kin hehan ozuye kaga wo.

19 Tuwe waaia mani kin he taku naħmana oyakapi kin yao- tanin, heon tuwe iha hdakawa- han he kici icicahiye šni wo.

20 Tuwe atkuku hunku ko wi- cayašice cinhan otpaza cokaya kin petijanjan tawa kin bokici- sni kta.

21 Woyuha otokahe ekta ina- ĩnina mnayanpi kin he owihan- keta yawaštepi kte šni.

22 Taku šica toweħon kta, ihnu- han ehe cin ; Jehowa apeya wo, iye niniye kta.

23 Nonpakiya tke utapi kin Je- howa waliteda šni, qa wohnaye aspekiyapi kin he wašte šni.

24 Wicašta oye kin he Jehowa etanhan, hecen tokiya tanhan wicašta canku kin hdukecan kta he ?

25 Wicašta tuwe ihnuhanna taku tawa hdawakan kin he hmug iħiye, nakun tuwe konze cin iyohakan iwange cinhan.

26 Wicašta yatapi ksape cin he wicašta šica wicayamdece ca canpahmihma wiciwankam ĩi- yuya.

27 Jehowa petijanjan tawa kin wicašta taniya kin ee, taku wi- cacante mahentuya un kin owa- sin iwanyaka.

28 Wocantekiye wowicake a- ĩna wicašta yatapi kin awanya- kapi, qa oiyoťanke tawa wocan- tekiye on hdusuta.

29 Koška towašakapi kin iwin- ktapi kin hee, qa wicahinca kin pa skapi kin wowitan yapi.

30 Bahoñpi paskitapi kin he

taku śica patehan ya, qa apapi kin tezi cokaya iyohi kin he nakun.

WICOWOYAKE 21.

1 Jehowa wicašta yatapi cante kin mini wakpadan iyecen nape kin ohna yuhe ça toki cin kin heciya he yuptanyan.

2 Wicašta iyohi tacanku kin owasin ecetu kecin, tuka Jehowa wicacante owasin aspe kiya.

3 Wošnapi Jehowa iyokipi ešta taku owotanna qa ecetu econpi kin he isanpa iyokipi.

4 Išta ihduwankantuyapi qa cante kin ihdatankapi kin hena wicašta śica petijanjan yapi tuka woahłani.

5 Wicašta miniheca cante-ozepi on taku mnayanpi ece, tuka tona inahłnpi kin owasin on ihdukakijapi ece.

6 Woyuha ota ceji itonśni on mnayanpi kin hena takuśniśni bomdu iyayapi, qa tona heconpi kin hena wiconłe akitapi.

7 Wicašta śica wakipi kin ihang wicaye kta, nakaś woyaco econ tawałenyapi śni.

8 Wicašta canku pemnimni kin he oyate tokeca, tuka tuwe ecedan kin he tancanku kin ecetu.

9 Tice kahłmin ołipi kin hee wašte, tuka winohłnca wakigesakici tipi tankaya ešta ołipi kin he tehika.

10 Wicašta śica nagi kin taku śica cin ece, išta kin takodaku ešta wacantkiya yuze śni.

11 Waoncesa aonpapi kinhan tuwe wacintonśni ksape kta, qa wicašta ksapa onspe kiyapi kinhan wosdonye icu kta.

12 Wicašta owotanna kin wicašta śica toti kin iyukean: Tuwe wicašta śica taku śica ohna napewicaya.

13 Tuwe tohan wicašta onśika hoyekiyapi ca noge kin onakitake cinhan is eya hoyeye kta, tuka tuwedan ayupte kte śni.

14 Taku nahłmana qupi kin he wocanniye anapte, ça itpi kin ohna taku ituhanpi kin he canłeptanye tanka.

15 Woyaco econpi kin he tona owotanna iyuśkin wicakiya, tuka śicaya ohłnyanpi kin wicakahłntapi kta.

16 Wicašta wan wookahłnige canku kin etanhan nuni kin he wicašta łapi yuwitayapi om yanke kta.

17 Tuwe iyokipi icıye kta wašte dake cinhan ihduwahłpanica, qa tuwe miniśa wihłi ko wašte dake cin he wijice kte śni.

18 Wicašta śica tona owotanna ohłnyanpi kin wicakicicajujupi kta, qa wicašta wakisa kin tona ecetupi on.

19 Tinta hewoskantuya ounyanpi kin he wašte, tuka winohłnca wakigesaq wacanniyesakici tipi kin he śica.

20 Wicašta ksapa ounye cin ohna woyuha wiciyokipi qa wihłi yukan, tuka wicašta witkoko kin he napca iyeya.

21 Tuwe woowotanna wocantekiye ohna ope cinhan wiconi woowotanna qa wowitan iyeye kta.

22 Wicašta ksape cin he waśakapi otonłwepi kin ohiye ça, taku suta wacinyanpi kin he yuhukuya ece.

23 Tuwe i kin qa ceji kin awanhłake cin he nagi kin taku tehłika etanhan kpatan.

24 Tuwe wahaničidaya wocanniye kage cin he wamnačida, wahaničida waoncesa eciyapi kta.

25 Wicašta kuja nape kin hłtani kapin, heon wocin kin łe kiye.

26 Anpetu osan wahduhaha kte cin cantotpani, tuka wicašta owotanna woqu qa telinda šni.

27 Wicašta šica wošnapi kin he wowahtedašni ece, ecah taku šica awacinyan au kinhan isanpa.

28 Woitonšni wayaatanin kin awihnnuni kta, tuka wicašta token nañon kin yatanin kin he ohinniyan ie kta.

29 Wicašta šice cin itohnake kin hdusuta, tuka wicašta owotanna kin canku kin hduacetu.

30 Jehowa itkokim wicoksape wanica, qa wookahnige wanice qa wokcan wanica ce.

31 Kicizapi anpetu kin heon šuktanka kin wiyeya kihnakapi, tuka niwicaye cin Jehowa hee.

WICOWOYAKE 22.

1 Woyuha ota hee šni, tuka tanyan caje niyatapi kin he kahñiga wo; mazaska mazaskazi kici hee šni, tuka tanyan wacin en niyuzapi kin.

2 Wicašta wijica qa wahpanica itkokicipapi, Jehowa napin wicakaga.

3 Wicašta ksape cin taku šice cin he wanyake qa inahma, tuka tona wacintonpi šni kin hena iyoptapi qa kakišwicayapi.

4 Jehowa kokipapi qa onšihan ičidapi iyuwin kin he wowitan qa wowijice qa wiconi.

5 Wicašta pemni tacanku kin ohna wapepeka on hmunkapi ko yukan, tuwe nagi kin awanhdake cinhan hena ihdutehan kta.

6 Otokahe etanhan hokšidan tacanku kin ohna kihya wo, hecen wicañinca ešta elipekiye kte šni.

7 Wicašta wijica wahpanicapi wowidag wicaya, unkan tuwe

waodote cin he waoqu kin he okiya ece.

8 Tuwe wicoñan šica oju kin he wicotanišni mnaye kta, qa tocanniye sagye kin sote kta.

9 Išta wacantkiya kin he yawaštepi kta, nakaš aguyapi tawa kin onšpa wakanheja wicaku.

10 Waoncesa napeya wo, hecen wakigepi kin tokan ye kta, nakun waakinicapi kicibapi ko enakiyapi kta.

11 Tuwe wicacante ecedan kin he wašte kidake cin he iha wiciyokipi on wicašta yatapi kin kodaye kta.

12 Jehowa išta kin wosdonye patan ece, qa wicašta wahnayesa oie kin yuptanyeya.

13 Mnaja wan tankan yanka, otonwe canku kin ohna makte kta, wicašta kuje cin eya.

14 Wihomniwin i kin he wolha šbe hinca, tona Jehowa wahte wicadašni kin hena ohinłipayapi kta.

15 Hokšidan cante kin ohna wopemni opahtapi ešta iyopekiyapi icapsinte kin he yutehan yekiciye kta.

16 Tuwe taku tawa hduota kta e wicašta onšika wicayuwahpanica, qa tuwe watonka wawicaqu kin he awicakehan wahpanice kta.

17 Nogoptan qa wicašta ksapa oiepi kin nañon wo, qa nicante kin mitoksape kin awacin kta.

18 Hena maku mahen yapatan kinhan wiciyokipi; niha kin akan yuecetupi kta.

19 Niš niye Jehowa wacinyaye kta, heon nakaha hena sdonye ciciya.

20 Wahokonkiciyapi qa wosdonye kin taku itancanyan ociyake šni he?

21 Hecen wowicake wicoie kin

woecetu kin sdonye ciciye, heon tona ye nišipi kin hena wicoie wicake cin wicayakahdi kta.

22 Wicašta onšike cin he onšiya un kin on etanhan ihnuhan taku tawa yaki kinhan, qa wicašta walipanice cin he wayacopi en yašuje šni wo ;

23 Awicanicapi en Jehowa iwicakiye kta, qa tuwe wawicaki kin he nagi kin ki kta.

24 Ihnuhan wicašta wacinko wan kodayaye cin, qa wicašta wacanniyesa kin kici ye šni wo ;

25 Okini ohan tawa kin ecewayakta nace, qa ninagi kin nicihmunkapi nun ce.

26 Tokan on taku wicakicicajupupi kta, icazopi kin wicakicicajupupi kta eyapi kin, ihnuhan owicayape cinhan ;

27 Taku on kajupupi oyakihi šni kinhan tokeca owinja nihuhuya tanhan eniciyakupi kta he ?

28 Maga wapetokeca wanakaja nihunkakepi ehdepi qon he dutokan kte šni.

29 Wicašta wolitani en miniheca wandaka he ? wicašta yatapi wicitokam najin kta ; wicašta caje wicayatapi šni kin hena wicitokam najin kte šni.

WICOWOYAKE 23.

1 Wicašta yatapi wanji kici wayate kta idotanke cinhan, taku nitokam he cin he en ewacin wo.

2 Wayate cin iyakape niye cinhan isan wan dote kin hda-kinyan iniyakiye non ce.

3 Woyute tawa wiciyokipi kin he iyotan da šni wo, he woyute kin wicahnayan.

4 Wijinniēiye kta e ihdustute šni wo, wookašinige nitawa kin he ahduštan wo.

5 Taku en un šni kin he ekta

išta kin yeyakiya he ? wanmdi wan malpiya ektakiya kinyan iyaye cin he iyececi wowijice hupahu ičicage ça iyaya ece.

6 Tuwe wolhinyesa kin aguyapi tawa kin etanhan yute šni wo, qa woyute skuya tawa kin kon šni wo ;

7 Nakaš token nagi mahen ecin kin he iyececa, Wote ça wayatkan wo, eniciya ešta cante kin nici un šni.

8 Onšpa yate cin he hdemyaye kta, qa nioie wašte kin owasin elipeyakiye kta.

9 Wicašta witkotkoka noge kin ohna ie šni wo, nioie woksa-pe kin ihakta kte šni.

10 Maga wapetokcea wanakaja kin he dutokan kte šni, qa wamdenica maga tawapi kin en ye šni wo.

11 Nakaš tuwe taku wicaye cin he wašaka, iye hinca taku tawapi kin on nici akinice kta.

12 Woonspe ekta nicante kin hiyukiya wo, qa ninoge kin woksape wicoie kin ekta.

13 Hokšidan iyopekiyapi patan šni wo ; cansakadan on ayapa ešta te kte šni.

14 Cansakadan on ayape kta, hecen nagi kin Hades etanhan edaku kta.

15 Micinkši nicante kin ksape cinhan micante kin iyuškin kta, miye hinca ;

16 Qa pakšin mitawa nina pida kta, niiha taku ecetu eye cinhan.

17 Ihnuhan nicante walitanisa icewicakin kin, tuka anpetu osan Jehowa kokipeyahan un wo.

18 Nakaš woyušan yuke cinhan taku wacinan ayape kin he nicicašpe kte šni.

19 Micinkši niye anagoptan, qa ksapa wo ; qa canku ohna nican-te kin hduowotanna wo.

20 Miniša yatkanpisa qa iyoki-pi içiyapi kta e tado napcapisa owicape šni wo.

21 Witkosa qa wotesa kin hena ihduwalhpanicapi, qa ogungapi kin hena wokoyake hidelidecahan koyakapi kta.

22 Niyate cinca nicage cin he nahon wo, qa nihun wakanka ešta ihnuhan ihayaktašni kin.

23 Wowicake kin opeton wo, qa wiyopekiye šni wo, nakun woksape qa woonspe qa wookah-nige.

24 Tuwe oľan owotanna kin he atkuku nina iyuškin kta, qa tuwe hokšidan ksapa wan ical-ye cinhan he etanhan pida kta;

25 Hecen niyate nihun kici iyuškinpi kta, qa tuwe niton kin nina pida kta.

26 Cinš nicante kin maqu wo, qa canku mitawa kin he ništa kin awanyaka nunwe.

27 Witkowiň kin he makohidoka temahentuya, qa wihomniwin kin he woha cistiyedan ee;

28 Awicakehan he wabotica iyecen wawihmunke ęa wicašta ehna walhanipisa wicayuota.

29 Tuwe, Hehehe, eya he? tuwe ceya he? Tuwe kicikigepi yuha he? tuwe woiyokišice yuha he? tuwe taku on etanhan taninšni apapi he? išta samyahan un kin he tuwe?

30 Tona miniša tehan opapi kin, tona miniša icicahiyapi kin akin yapi kin hena.

31 Miniša tohan šaięiye, tohan wiyatke ohna išta kin hdutanin, wiciyokipiya kaduze cin hehan atonwe šni wo.

32 He iyohakam wamduška iyecen wayahtake kta, qa sintehda wan iyecen wakiunniye kta.

33 Hehan ništa kin winohinca tokeca wanwicayake kta, qa ni-

cante kin taku pemnimni kin enapeye kta;

34 Qa tuwe miniwanca cokaya kin iwanke cin he iyenicece kta, qa tuwe šina watopekiyapi ihupa inkpata wanke cin he iyenicece kta.

35 Makaštakapi tuka mayazan šni, amapapi tuka weksuye šni, tohan wekta kinhan ake awakite kta, ehe kta.

WICOWOYAKE 24.

1 Wicašta šice cin icewicakin šni wo, qa owicayape kta cin šni wo.

2 Cantepi kin waboticapi awacinpi, qa ihapi kin waapařayapi kin ecedan cajeyatapi.

3 Woksape on tipi kagapi ece, qa wookah-nige on sutaya he kta.

4 Wosdonye on wopiye owasin woyuha tehike ęa wiciyokipi ojudan yapi kta.

5 Wicašta ksape cin he waška, qa wosdonye wicašta kin he tuwe wašake cin he kapeya.

6 Ozuye yakage cinhan wayupiya econ wo, qa wiyukanpi ota on ohiyapi ece.

7 Woksape kin he tehanwankantuya un, hecen wicašta wtkotko kin he iyohi šni, otonwe tiyopa kin ohna ikin hdukawa šni.

8 Tuwe taku šica econ wacin kinhan he wicohan šica itancan eciyapi kta.

9 Witkotkoka cante oze kin he woahtani kin ee, qa waoncesa kin he wicašta wowahitedašni yapi kta.

10 Iyokišicapi anpetu kin en cante niwankadan kinhan nito-wašake kin cistinna kta.

11 Tona wiconęe en yusdohan awicayapi, qa wicaktepi kta e kaktihanhanpi kin hena ewicayahdaku kta yakapin kinhan.

12 He sdonunyanpi śni, eha ešta, tuwe wicacante kin iyukan kin he iyukan kte śni he? tuwe ninagi kin awanyake cin he sdonye kta, qa wicašta otoi-yohi token oħanye cin he iyecen yuhekiye kta.

13 Cinś tulinaga canhanpi kin he wašte heon yuta wo, qa canhunpute kin he nicaka ekta skuye kta;

14 Woksape ninagi kin ekta hecece kta, tohan he iyeyaye cinhan iyuwın yuke kta, qa taku ayape kin heon niçihnaye kte śni he sdonya wo.

15 Wicašta śica, ihnuhan wicašta owotanna ounye cin iwan-dake cin, qa tipi tawa kin awihnuniye śni wo.

16 Wicašta owotanna śakowin akihde ĥicahan ešta najin kta, taka wicoħan śice cin he taku śica oiħpaye kta.

17 Toka niye cin ĥicahe cinhan ihnuhan iduśkin kin, qa naiçipson ešta ihnuhan nicante kin iyokipi içiye cin;

18 Okinni Jehowa he wanya-ke cinhan iyokipi kte śni, qa tocaniye kin he etanhan niye en aniyuhomni nun ce.

19 Wicašta śicapi išta ihnuhan iyoniyake cin, qa wicoħan śice cin he icekin śni wo;

20 Nakaś wicašta śica iyuwın yuhe kte śni, qa wicoħan śicapi kin hena petijanjan wicakiyusnapi kta.

21 Cinś, Jehowa kokipeyahan un wo, wicašta yatapi nakun; qa tona taku toktokeca akitapi kin hena om opiçiye śni wo.

22 Heniyoza tohan kakiś wicayapi kta tuwe sdonya he? woi-yokiśicapi ihnuhanna anawicajin kta.

23 Wicašta ksapa oiepi kin hena nakun eepi: Wayacopi kin

en wicite iyekiyapi kin he wašte śni.

24 Tuwe wicašta śice cin, oniwotanna eciye cin he oyate kin yaśicapi kta; han, owasin wowaħtedaśni yapi kta.

25 Tuka tona he iyoepayapi taku wiciyokipi iyeyapi kta, qa tuwe wašte kin wicayawašte kta.

26 Tuwe wicoie ecetu ayupte cinhan iha kin iputakapi kta.

27 Nitoħtani tankan iwanhda-ka wo, qa nitamaga kin tanyan hduśtan wo, qa hehan tipi yecage kta.

28 Ihnuhan ituħ nitakoda on taku śica odake cin; niiha kin on wicayahnaye kta he?

29 Token ecamiconpi kin he iyecen ecawecon kta, wicašta otoi-yohi token oħanye cin he iyecen owakiħanye kta, eye śni wo.

30 Wicašta kuja wan tamaga kin icahda iyamdupta, qa wicašta cante nica wan wiyuwi tawa ikiyedan;

31 Unkan inyun hena owanca-ya haśbe aicage ĉa itohnake kin osan wapepeka on akaħpetonpi, qa inyan on inataktonpi kin he yuwankapi;

32 Hena awatonwan, qa micante kin ekta ewahnaka; wammdake ĉa waonspemiçiye.

33 Ehake cistiyeđan niśtibe, cistiyeđan makan inunke kta e nape pakśijapi;

34 Hecen nitowaħpanice kin he wicašta icimani wan he iyecen en nihi kta, qa wicašta wipe hduhe cin en u kin iyecen taku owasin inicakije kta.

WICOWOYAKE 25.

1 Wicoie wakan kin dena nakun Salomon tawa, qa Juda o-

yate wicašta yatapi Hizekiya wicašta tawa kin dena akta owapi.

2 Wakantanka taku anakilibekta towitan kin ee, tuka taku tanyan iyukean kta e wicašta yatapi kin towitan kin hee.

3 Małpiya tehanwankantuya kin, qa maka temahentuya kin, qa wicašta yatapi cante kin hena owasin iyukcanpicaśni.

4 Mazaska etanhan gigi kin he yutokan iyeya wo, hecen wakšica wan mazakage cin un kta e hiyu kta.

5 Wicašta yatapi itokapa tanhan wicohan śicapi kin hena wicayutokan wo, hecen oiyotanke tawa woowotanna on sutaya he kta.

6 Wicašta yatapi kin itokam ihdutan śni wo, qa wicašta tokapapi ohe kin ohna najin śni wo.

7 Nakaś, Wankantuya deciya u wo, eniciyapi kin hee wašte, tuka wicašta itancan ništa wanyake cin he itokam niyuhukuyapi kin hee wašte śni.

8 Ihnuhan inahniyan woakini-ce en yeniciye cin, okini owihanketa tuwe kici ayakinice cin he ištenniye kta, hehan token ecanon kta he?

9 Tuwe kici ayakinice cin he kiciśnana wohdaka wo, unkan tokan taku nahmana oniciyake cin he yuotanin śni wo.

10 Okini tuwe nanihon kin he iyopeniye kta, qa ištenniyanpi kin niciyutokanpi kte śni.

11 Wicoie wan tohan iyececa iapi kin he taspan tanka zizi kin mazaska wakiškotpa ohna he iyececa.

12 Wawiyopeye ksape cin noge wanahon kin ekta he mazaska oinpi kin, qa mazaskazi wanapin kin he iyececa.

13 Wahosi wacinyepica wan tona ye śipi kin iyowicakipi kin he, mdoketu cokaya wa osni kin iyecen, qa itancan tawa nagi kin ekicetu.

14 Tuwe taku wicaqu kta itonśniyan on ihdatan kin he małpiya sapa qa tate magaju wanica kin he iyececa.

15 Wacintankapi on wicašta yatapi kin cinkiyapi, qa ceji skuya kin he wicahuhu kin yaksa ece.

16 Tułmaga canhanpi iyeyaya he? winipi kta e heceedan yuta wo. Okini iyatahdeniciye cinhan yahdepe kta.

17 Ihnuhan nisiha kin anpetu owasin nitakoda ti kin en ye yakiye cin; okini ijehan en de cinhan śice nidake kta.

18 Tuwe takodaku oitonśniyan wayaatanin kin he wanhinkpe, qa isan qa canłpi wan iyececa.

19 Wohnaye wicašta wan, anpetu iyokiśicapi en wacinyanpi kin he hi wan ksahan qa siha pśunwahan kin he iyececa ece.

20 Tuwe cante śice cin he ekta wiyuškinyan odowan ahiyayapi kin he anpetu śni icunhan heyake yuśdokapi kin, qa wipajaja miniskuya akaśtanpi kin he iyececa.

21 Tuwe śice nidake cin he wotektehda kinhan aguyapi yunkiya wo, qa ipuza kinhan mini yatkekiya wo;

22 Hecen petaga iye pa kin akan mnayaye kta, unkan Jehowa iyuwin niču kta.

23 Tate waziya tanhan u kin he magaju kaha iyeya, he iyecen itohnake canksiya wicaceji taku śica nahmana oyake cin.

24 Tice okalimin otipi kin hee wašte, tuka winohinca wakige-sa kici tipi tankaya ešta he telika.

25 Wootanin wašte wan ma-koce tehantanhan aupi kin he mini sni tuwe ipuza kin ekta he iyececa.

26 Wicašta owotanna wan wicašta śica itokam patuje cin he mini owe omanipi kin, qa wakoniya waihang ye cin he iyececa.

27 Tulimaga canhanpi ota yutapi kin he wašte śni, he iyecen taku tke owasin iyukeanpi kin he tehika.

28 Tuwe toniya hduhe kta okihi śni kin he otonwe wan kawankapi, qa conkaške wanica he iyececa.

WICOWOYAKE 26.

1 Mdoketu eca wa, qa woksapi icunhan magaju, he iyecen tuwe witkotkoka kinihanpi kin he wiciyokipi śni.

2 Zitkadan kinyanyan, qa icapśinpśincadan anawinyan kin, he iyecen ituh yaśicapi kin he iyo-wicahi kte śni.

3 Śuktanka on wicapsinte, qa śonśonna on iyyuwi kin, qa wicašta witkotkopi tapetepi kin on cansakadan.

4 Ihnuhan wicašta witkotko towitkotkoke cin he iyecen adupte cin, okini niś eya he inihda-cin kta.

5 Wicašta witkotko towitkotkoke cin he iyecen ayupta wo; hecanon śni kinhan okini ksape ičida kta.

6 Tuwe taku tanka on wicašta witkotko wahośi ye cin he siha kin kakse ça iye kiunničiye.

7 Wicoie wakan wan wicašta witkotko i kin ohna, tuwe hušte sicogan natitantan kin he iyececa.

8 Tuwe wicašta witkotko wan wowitan qu kin he inyan tehiki-

ka opalite wan inyan paha wan en elipeye cin he iyececa.

9 Wicoie wakan witkotkoka ipi kin ohna qa wapepeka wan wicašta witko nape kin ohna hena iyececa.

10 Tuwe tanka kin he owasin yuśinye wicaya, wicašta witkotko iyuwin qu, qa tona kapapi nakun iyuwin wicaqu ece.

11 Śunka taku hdepe cin he ake en hdi kin, he iyecen wicašta witkotko towitkotkoke cin ake econ ece.

12 Wicašta wan ksape ičida wandaka he? hee śni tuka wicašta witkotko kin hee ksape kta kecanni kta.

13 Inmutanka canku icahda yukan, otonwe canku kin ohna mnaja wan yanka ce, wicašta kuje cin eya.

14 Tiyopa wan iyuze kin akan ihduhomnimni he iyecen wicašta kuje cin towinja kin akan ihduptanptan.

15 Wicašta kuja waksica ohna nape kin ye kiya, ake i kin ekta hiyukiye kapin.

16 Wicašta kuje cin he wicašta śakowin wayupiya waayuptapi kin hena isanpa ksape ičida.

17 Tuwe taku tawa śni akini-capi ahiyaye ça en ye ičiye, he tuwe śunka noge kin yuze cin he iyececa.

18 Tuwe magaga ičiye kta e petuspe wanhinkpe qa wiconṭe kaḥo iyeeye cin,

19 He iyecen wicašta takodaku hnaye ça, tokešta waśkate śni he? eye cinhan.

20 Can wanice cinhan peta kin sni kta, he iyecen woyakesa wanice cinhan kieigepi kin ayu-śtanpi ece.

21 Caḥdi petaga aonpapi, qa can peta akan, he iyecen wica-

šta wakiges a woakinice ideya ece.

22 Tuwe iwakan kin oie kin woyute skuya iyececa, qa wicatezi kin mahentuya iyaya ce.

23 Wiciha kata cante wahnaye kici mazaska icicahiyapi kin maka waksica apawintapi kin he iyececa.

24 Tuwe sice dake cin he iha kin on ihdatokeca, qa iye mahentuya wohnaye kihnaka;

25 Tohan ho kin wiciyokipi kaga he wacinye sni wo, hehan cante mahen taku wahtedapi sni sakowin yukan.

26 Wocanniye kin wohnaye on akahe, tohan sice cin he omniye ohna yazamnipi kta.

27 Tuwe woha wan qe cin he iye ohinhpaye kta, qa tuwe inyan wan paptanye cin he en icicawin hdi kta.

28 Wicaceji itonšni kin he to na wicayašuje cin sice wicadaka, qa wicai šdute cin wicotakuni sni kaga.

WICOWOYAKE 27.

1 Ihnuhan heyakecinhan on nihdatan kinhan, anpetu wan taku ton kta he sdonyaye sni.

2 Nii kin hee kte sni, tuka tuwe tokeca niyatan nunwe, wicašta wan oyate tokeca, tuka niha kin hee kte sni.

3 Inyan wan tke qa wiyaka kin he yušagwicaya, tuka wicašta witkotko tocanniye kin heniyoza isanpa tke.

4 Wocanniye he wohitika, qa wocanteptanye kin he minitan wan iyececa, tuka wowinawizi itokam tuwe najin kta okihi he?

5 Nahmana wašte dakapi kin hee sni, tuka taninyan iyopekiiyapi kin hee wašte.

6 Kodayapi iyopewicaye cin

he wicaka, tuka tuwe šicedake cin i iwicaputaka ešta wicahnayan.

7 Tuwe wipi kin he tuhmagacanhampi ihakta sni, tuka tuwe wotektehda kin woyute pa ešta owasin skuye daka.

8 Wicašta oyanke tawa etanhan nuni kin he zitkadan wan hołpi kin etanhan nuni kin he iyececa.

9 Wihdi qa wizinyapi kin wicacante iyuškin kiya; nakun takodaku nagi kin etanhan wahokonkiye cin oskuya.

10 Nitakoda qa niyate takodaku kin ayušan sni wo, qa anpetu winicakije cin hehan nisunka ti kin en ye sni wo; sunkayapi wan tehan yanke cin hee sni, tuka tuwe nikiyedani kin hee wašte.

11 Micinkši ksapa wo, hecen micante kin iyuškin kta, qa tuwe taku šica emakiye cin itkom taku ewakiye kta.

12 Wicašta ksape cin taku šica wanyake ca inahma, tuka tona wacintonpi sni kin hena iyoptapi qa kakišwicayapi.

13 Tuwe oyate tokeca wicašta on wecicajuju kta, eniciye cinhan tašina kin icu wo; qa tuwe wicašta sdonwicaye sni on wicawecicajuju kta, eye cinhan taku tohanyan kajuju sni duhe kte cin he icu wo.

14 Tuwe hanhanna hin kikta qa takodaku hotankakiya yawašte kinhan he yašicapi kiciyawapi kta.

15 Magaju anpetu icunhan ohinnyan ošbuyapi wan, qa winohinca wakiges a wan hena iakedececa;

16 Tuwe he anakihbe cin he tate kin anahma he iyececa, qa nape etapa wihdi waštemna kin he ihdutanin kta.

17 Mazasapa on mazasapa pekiyapi, qa wicašta kin takodaku ite kin on pe kiyapi.

18 Tuwe witanšna hu patan kinhan hetanhan waskuyeca yute kta, qa tuwe itancan awanhdake cin he yutanpi kta.

19 Mini ohna ite wan ite kin iyececa, he iyecen wicacante kin wicašta kin iyececa.

20 Hades qa wiconŋe kin imnapi šni, he iyecen wicišta kin imna kte šni.

21 Mazaska maka wakšica on, qa mazaskazi maza oceti on, qa wicašta kin wicai yatanpi kin on iyutapi.

22 Wicašta witkotko wan wibope ohna wamnaheza kici wibope ihupa on boyapan ešta, to-witkotkoke cin he ayušta kin kte šni.

23 Tahinca nitawa kin token taninpi tanyan sdotkiya wo, qa wanuyanpi kin awakicin wo :

24 Nakaš woyuha kin he ohinniyan en un šni, qa wicašta yatapi wicowazi wanjidan etanhan ohinniyan un kta he ?

25 Peji kin inanpa qa wato kin tanin, qa he peji kin he mnayanpi kta.

26 Tahinca ska kin etanhan wokoyake yaton kta, qa tatokadan wanuyanpi on maga wan opeyaton kta ;

27 Hecen tatokadan asanpi imna wayate kta, qa tiyohnaka nitawa nakun, qa he on wikoška nitawa nipi kta.

WICOWOYAKE 28.

1 Wicašta šica tuwedan wikuwa šni ešta najicapi ece, tuka wicašta owotanna mnaja iyecen waditakapi.

2 Makoce wokipajin kin on wicašta yatapi ota, tuka wooka-

hnige wosdonye wicašta wan eciyatanhan tehan ecetu kta.

3 Wicašta walipanica wan tona onšika wicayuwalpanice cin he magaju wakawankeya wan on woyute wanica he iyececa.

4 Tona woope opapi šni kin hena wicašta šice cin yatanpi, tuka tona woope opapi kin hena wicakigepi ece.

5 Wicašta šica woyaco okalnigapi šni, tuka Jehowa akitapi kin hena owasin okalnigapi ece.

6 Wicašta walipanica toecetu kin omani kin hee wašte, tuka tuwe canku kin hdupemni wijica ešta hee wašte šni.

7 Tuwe woope patan kin he hokšidan ksapa, tuka tuwe wotapisa kodawicaye cin he atkuku ištenya.

8 Tuwe woyalitake qa ota wicakida on woyuha kin hduota kin he tuwe walipanicipi onšiwicada kte cin he on he mnaye kta.

9 Tuwe woope nalion kte šni e noge kin hduotokan kin he wocekiye eye cin he wowahŋteda šni yapi kta.

10 Tuwe wicašta ecetu kin canku šica onuni wicakiye cin he woŋa wan iye qe cin he ohinlipaye kta, tuka tona ecetupi kin hena taku wašte tawayapi kta.

11 Wicašta watonka kin ksape ičida, tuka wicašta wakaŋnige cin he iyukcan kta.

12 Wicašta owotanna iyuškinpi eca wowitan tanka ece, tuka wicašta šica wankan ayapi eca wicašta inahmanpi ece.

13 Tuwe waŋtani kin ahdaŋpe cin he tanyan ihuni kte šni, tuka tuwe ohdake ɕa ayušta kinhan onšidapi kta.

14 Tuwe ohinniyan kokipe cin he wowašte wicašta kin heca,

tuka tuwe cante kin hdusuta kin he taku śica ohinhpaye kta.

15 Wicaśta yatapi śice cin he oyate onśika akan he mnaja lidoya, qa mato waanatan wan he iyececa.

16 Wicaśta yatapi wookaħnige nice cin he taoyate kin nina wicayuwahpanica, tuka tuwe wicakipi śice dake cinhan anpetu tawa kin hduota kta.

17 Tuwe wicaśta we kin on yuśakapi kin he tuwedan yuze kte śni e woħa kin ekta inyan-ka.

18 Tuwe ecetu kiya mani kin he ni kta, tuka tuwe canku ota ohna ihdupemni kin he wanji ohinhpaye kta.

19 Tuwe tamaga kin kicanye cin he woyute imna kta, tuka tuwe tona takuska econpi owi-cape cin he wowicakakije on imna iciye kta.

20 Wicaśta wicake cin he wo-wašte ota, tuka tuwe ihduwijice kta e inahni kin he taku śica akipe kta.

21 Wicite iyekiyapi kin he wašte śni, wicaśta hecon kin he aguyapi onśpadan on waħtani kta.

22 Tuwe ihduwijice kta inahni kin he išta śica, qa heon wowaħpanice akipe kta sdotkiye śni.

23 Tuwe ceji skuye cin hee śni, tuka wicaśta iyopeye cin hee iyohakam wašte dapi kta.

24 Tuwe atkuku qa hunku ešta taku tawa icu qa, taku śica ecamon śni, eye cin he waihangyesa dakonya.

25 Tuwe nagi tanka icida kin he kicigepi kaga, tuka tuwe Jehowa wacinye cin he cepa aye kta.

26 Cante kin wacinkiyे cin he witkotkoka, tuka tuwe woksape omani kin he ihduške kta.

27 Tuwe onśipike cin hena cante wicakije cin he wicakije kte śni, tuka tuwe išta anakihbe cin he wicota yaśicapi kta.

28 Wicaśta śica najinpi eca wicaśta inahmanpi ece, tuka hena atakunipi śni eca wicaśta owotanna ota ayapi ece.

WICOWOYAKE 29.

1 Wicaśta ijehan iyopeyapi ešta tahu kin ihdusuta kin he ihnuhanna kaśujapi kta, qa wo-asni wanice kta.

2 Tohan wicaśta owotanna ota ayapi eca oyate kin wiyuśkinpi kta, tuka wicaśta śica widakapi eca oyate kin śicahowayapi ece.

3 Tuwe woksape wašte dake cin he atkuku iyuśkinkiye kta, tuka tuwe witkowin om iyokipi iciye cin tawoyuha kin toki eħpekiye kta.

4 Wicaśta yatapi kin woyaco on makoce tawa kin sutaya he kiye kta, tuka tuwe mazaska qupi wašte dake cin he pawan-ke kta.

5 Tuwe takodaku on ceji kin hduskuye cin he siha kin on mazahťakiyapi wan eonpa.

6 Wicaśta śica waħtani kin ohna mazahťakiyapi wan yukan, tuka wicaśta owotanna wiyuśkin qa dowan kta.

7 Wicaśta owotanna tona onśika wicayacopi kin sdonya, tuka wicaśta śica he sdonye kta okaħnige śni.

8 Wicaśta waoncesa otonwe kin ideyapi, tuka wicaśta ksapa wocanniye anaptapi ece.

9 Wicaśta ksapa wan wicaśta witkotko wahokonkiye cinhan, canksiya ia qa iħa ešta iyozi wance kta.

10 We wicaśta kin hena tuwe

wašte kin šicedakapi, qa wicašta ecetu nagi kin akitapi.

11 Wicašta witkotko tawacin kin ocowasin hiyuya, tuka wicašta ksape cin he tokata ekihnaka.

12 Wicašta yatapi wicoie itonšni anagoptan kinhan ookiye wicaye cin owasin šicapi kta.

13 Wicašta wakiyuše qa wahpanica akicipapi, Jehowa napin ištapi kin iyoyam wicaya ece.

14 Wicašta yatapi tona onšika wowicake eciyatanhan wicayaco kinhan oiyotanke tawa kin owihanke wanin sutaya he kta.

15 Hokšidan kiyuškapi kin he hunku ištenya, tuka icapsinte iyopekiyapi iyahna he ksapa kaga.

16 Wicašta šica ihduotapi eca wicohan šica nakun ota kta, tuka wicašta owotanna hena atakunipi šni kin atonwanpi kta.

17 Nicinkši kin iyopekiya wo, hecen oziničiye kte ça ninagi kin iyokipi kta.

18 Tukten Wakantanka oie kin wanice cinhan oyate kin wohitika, tuka woope yuhapi kin he wowašte oyate.

19 Wowidake wan wicoie on yuecetupi šni, okašniga ešta ayupte kte šni.

20 Wicašta ia oňanko wandake cinhan hee šni, tuka wicašta witkotko kin hee etanhan taku wašte ayape kta iyececa.

21 Tuwe tawowidake kin hokšiyopa echantanhan kihna kinhan, owihanketa he cinca ye kta.

22 Wicašta wacinko kicigepi kin icaňya, qa wocanniye wicašta kin woahťani ota.

23 Wicašta wamnaicida kin on ihdukuye kta, tuka tuwe woniya kucedan kin he wowitan ton kta.

24 Tuwe wamanusa kici wopamni yuhe cin he nagi kin šice

kidaka, yašicapi kin nahon tuka oyake šni.

25 Wicašta kokipapi kin he wicahmunka, tuka tuwe Jehowa wacinye cinhan okope wanin un kta.

26 Wicota wicašta yatapi ite kin akitapi, tuka wicašta wicayaco kin Jehowa hee.

27 Wicašta owotanna wicašta šice cin he wowahťedapi šni, qa wicašta šica tuwe ohan owotanna kin he wowahťedapi šni.

WICOWOYAKE 30.

1 Agur Jake cinhintku kin wicoie tawa, odowan wan, Itael eciya, Itael Yukal ko ewicakiya.

2 Woteca iyemaceca qa wicašta iyemacece šni, qa wicašta towiyukcan kin mayuke šni.

3 Awicakehan woksape kin onmaspe šni qa wicašta wakan wosdonye kin he sdonwaye šni.

4 Tuwe wankantuya Maňpiya ekta i he? qa tuwe hetanhan kun hdi he? Tuwe nape kin ohna tate kin mnayan he? Tuwe mini kin šina wan ohna opahťa he? Tuwe maka ihanke kin owasin ehde he? Token eciyapi qa cinhintku token eciyapi he? sdonyaye cinhan oyaka wo.

5 Taku wakan oie kin owasin peta on yuecepidan; tona he wacinyanpi kin hena wahacanka yapi.

6 Ihnuhan oie tawa kin ekta taku aokijuyaye cinhan, okini iyopeniye kta, qa iyatonšni iyenianpi kta.

7 Taku nom cicida, maťe šni ecen hena temicihda šni wo;

8 Wicohan šica qa iapi ecinkta miciyutehan ye, wowahťpanice wowijice unmanna maqu šni, woyute wate kta iyececa wonmayan ye;

9 Okini wimapi kinhan miçihnaye ça, Jehowa he tuwe, epe kta ; qa wimakakije cinhan okini wamawanun, qa iwaton šni ešta taku wakan namañon epe kta.

10 Ihnuhan wowidake wan yuhe cin ekta ayakiia, okini niyašice kta qa taku šica ayakipe kta.

11 Wicoicage wan atkuku kin yašice ça hunku kin yawašte šni.

12 Wicoicage wan wakašotešni icidapi, tuka unkce kin wicakiyujajapi šni.

13 Wicoicage wan išta hduwankanpi hinca, qa ištojuha wankan ayapi ece.

14 Wicoicage wan hipi kin canłpi kin iyececapi, qa hiskepi kin isan iyececapi ; hecen tona onšika maka etanhan temwicayapi, qa tona walipanica wicašta ehna unpi kte šni.

15 Tusda cunwintku nonpa, napin, Maqu ye, maqu ye, eyapi. Taku yamni imnapi šni, qa taku topa, Henakeca, eyapi šni ;

16 Hades, qa tamni cinca ton šni, qa maka kin mini imna šni, qa peta, Henakeca, eye šni.

17 Wicašta wan atkuku iħaħia, qa hunku kin nañon kta e iħaktašni kin he kaksiza kangi kin capapi kta, qa wanmdi cinca kin he yutapi kta.

18 Taku yamni yušinyemayan, qa taku topa owakalinige šni ;

19 Wanmdi canku kin małpiya ohna, wamduška canku kin imni-ja akan, wata canku kin mde cokaya, qa wicašta canku kin wikoška kici.

20 Winohinca wawicihahapi econ canku tawa kin he iyececa, wota qa i kin itpakinte ça, Taku šica ecamon šni ce, eya.

21 Taku yamni on maka kin škanškan qa taku topa on oziiçie kta okihi šni.

22 Wowidake on tohan wicašta yatapi un ece, qa wicašta witkotko on aguyapi imna wota ece ;

23 Winohinca canniyesa on hinna ton kinhan, qa wayakawin on yuhe ciqon woyuha kin tawaye cinhan.

24 Taku topa maka akan iyotan cistinna tuka ksape hinca ;

25 Tajuška kin oyate wašake šni tuka mdoketu eca woyute kihnakapi ece ;

26 Hitunkasan kin tancan sutapi šni, tuka imniya ohna tipi kicagapi ece ;

27 Arebe (psipsicadan ocaje wan) wicašta yatapi nicapi tuka obe tawapi owasin yuwitaya icimanipi ;

28 Onktomi napepi on yuzapi qa wicašta yatapi ti kin ohna yakonpi ece.

29 Taku yamni tanyan manipi ece, qa taku topa tanyan yapi ;

30 Mnaja kin he wamanica iyotan wašake ça takudan etanhan ihduhomni šni ;

31 Šunka wakan nite ipiyag tonpi, qa tatokadan mdoka, qa wicašta yatapi oyate tawa opapi kin he.

32 Witkotkoya nihduwankantuya kinhan, qa taku šica yakonzecinhan, nii kin akan nape kin atputaka wo.

33 Awicakehan pte asanpi kin icicahiyapi kinhan pte asanpi ihdi kin hiyu kta, qa wicapoge yutitanpi kinhan we hiyu kta, qa wocanniye yutitanpi on kici-gepi hiyu kta.

WICOWOYAKE 31.

1 Lemuel wicašta yatapi wicoie tawa, odowan hunku kin he onspekiye cin dee.

2 Cinš taku hwo? mitamni cin-

ca kin taku eciye kta he? womiciyake ota eciyatanhan citon kin taku hwo?

3 Ihnuhan nitowaśake kin he winohinca yaqu kin, qa canku nitawa taku wicaśta yatapi ihang wicaye cin ekta ye yakiye cin.

4 Wicaśta yatapi, Lemuel, wicaśta yatapi miniśa yatkanpi kta he iyecece śni, qa wicaśta yatapi cincapi kin mini wakan cinpi kta he iyecece śni.

5 Okini he yatke cinhan taku konzapi kin akiktonje kta, qa wicaśta onśika tawoyaco kin yaśkiśke kta.

6 Tuwe wanna ƣe kte cin he mini wakan kin qu wo, qa tona cante śicapi kin hena miniśa wicaqu wo.

7 Hecen yatke kta, qa tokakije cin akiktonje kta, qa toiyokiśice cin icimanna kiksuye kte śni.

8 Iapi okitpani kin he on i kin hdukawa wo, qa wamdenica owasin wicayacopi kinhan;

9 I kin hdukawa qa tona onśika qa wicakijapi owasin iwica-kiya owotanna wayaco wo.

10 Tuwe winohinca ksapa wanji iyeye kta he? Tukiha tehihika ee kaeś sam iyeya iyawapi.

11 Hihnaku cante kin he wacinkiya, qa woyuha icakije kte śni yan un kta.

12 Tohan ni kin hehanyan taku wašte ecakicon kta, qa taku śica wanice kta.

13 Tahinca hin haħonta on kagapi ko akita, qa nape kin iyo-kiyi ya ħtani.

14 Wopeton witawata tawapi kin iyececa, tehantanhan woyute tawa kin en ihdoku.

15 Nahanhin anpa śni kikta, qa tiyohnaka tawa owasin woyute wicaqu, qa wikośka taku econpi kta sdonye wicakiya.

16 Maga wan awacin qa ope-

ton, taku nape kin kagapi kin on hastanhanka iyuwi wan huhde.

17 Ipiyaka sutaya iyahdaśka qa ħupahu kin hduwaśaka.

18 Taku wiyopeye cin he wašte e sdonkiye; hanyetu osan petijanjan hde kin kicisni śni.

19 Wipahmu kin ekta nape yekiya qa napsukaza kin iyuhmu kin yuza.

20 Tona onśika kin hena on nape kin hdugata, qa wicaśta oncikpani owicakiye kta e nape kin ye kiya.

21 Wapa keś tiyohnaka tawa kin on ikope śni; nakaś owasin taku icitakihna ece koyakapi.

22 Owinja icicaga; qa minihuka zibzipedan śinaśa ko koya-ka ece.

23 Otonwe tiyopa kin ekta makoce hunkayapi wicehna hihnaku iyotanka eca iyekiyapi ece.

24 Minihuha zibzipedan kage ƣa wiyopekiye, ipiyaka nakun qa wopeton kin wicaqu.

25 Wowasake wowitan iyahna ihduze ƣa tokata anpetu u kte cin iħa.

26 I kin hdukawa eca wicksape ia, qa ceji kin wacantkiya woope yuha.

27 Tiyohnaka tawa oħanyanpi kin owasin iwanyaka, qa kujahan aguyapi kin hdute śni.

28 Cinca kin najinpi eca hda-waštepi; hihnaku nakun qa hdatan.

29 Cunwintkupi ota ksamya oħanyanpi, tuka niye owasin kape wicayaya ce, eya.

30 Wowiciyokipi kin he wicahnayan qa wicite wašte kin he ptenyedat, tuka winohinca Jehowa kokipeyahan un kin he yawaštepi kta.

31 Nape kin taku icalġe cin he qupo, qa otonwe tiyopa kin ohna iye oħan kin hena yatanpinunwe.





Microformed by
Preservation
Services

^c
mf # 6522.04

30 OCT 95